



LA BRUYÈRE

•

LES
CARACTÈRES

OU

LES MŒURS
DE CE SIÈCLE

•

PARIS

ჟან
დე ლა ბრუიერი

სასიკეთეო

ანუ
რენი საუკუნის
ზნე - რეპულებაანი

ანაკაღულიკ ტბილისი - 1978

ეახ დე ლა ბრუიერი XVII საუკუნის მორალისტური ლიტერატურის უდიდესი წარმომადგენელია. მის ერთადერთ ნაწარმოებში „ხასიათები ანუ ჩვენი საუკუნის ზნე-ჩვეულებანი“ აფორიზმებისა თუ მაქსიმების ფორმით აღწერილი და უხილებულია ლუი XIV-ს სამეფო კარისა და იმდროინდელი საზოგადოების ყველა ფენის მანკიერება.

წინამდებარე თხზულება პირველად ითარგმნა ქართულ ენაზე. თარგმანი შესრულებულია 1839 წლის პარიზული გამოცემის მიხედვით.

ფრანგულიდან თარგმნა
რუსულიდან დოდაშვილმა

პირველი გამოცემა

© ქართული თარგმანი, 1978

შან ღე ლა ბრუიერის „ხასიათები ანუ ჩვენი საუკუნის
ზნე-ჩვეულებანი“.

იყო კაცი ამოებათა ამოებას განდგომილი; კაცი პატიოსანი და უანგარო, ამადლებული და სპეტაკი, უსიყვარულოდ და უმეგობროდ რომ განუვლია გზა ცხოვრებისა. თავი მდიდარი, შთაგონებული შინაგანი არსებობის ჩრდილისთვის შეუფარებია და ირგვლივ მყოფთ, გალადებულთა და აღზევებულთ ვერ უგრძენიათ, რა პატივი ღირსებათ მისი ნაცნობობისა და მისი გვერდით ყოფნის შედეგად. ვერ შეუნიშნავთ მის შუბლზე ციაგი წმიდანისა და, როს განუტევა სული, თვით ბრიყვნიც კი მიხვდნენ, რომ მათგან წავიდა ზეგარდმო ნიჭით მომადლებული. რჩეული პიროვნება. მიხვდნენ, მაგრამ გვიანდა იყო, ვეღარ შეაკოწიწეს დეტალები მისი ყოველდღიური ცხოვრებისა, საგონებელში ჩავარდნენ მთავრადფოსნი მისნი. ამის გამო ცნობილი ფრანგი ლიტერატურის მცოდნე და კრიტიკოსი სენტ-ბევი წერდა: საუკუნის სხივთა ათინათი აცისკროვნებდა წიგნის („ხასიათები“ — რ. ღ.) ყოველ გვერდს, ხოლო იმ კაცს (ლა ბრუიერს — რ. ღ.), ვისაც ეს წიგნი გადაშლილი ეპყრა ხელთ, პირისახე დამალული ჰქონდაო.

თუმცა რა, საუკუნე გალადებული იყო უდიდესი პიროვნებების, სახელმწიფოებრილი მწერლების სიმრავლით, და კაცი თავად თუ არ მოინდომებდა თავის გამოჩენას, თუ მოკრძალებით განზე გადგებოდა, პირად ცხოვრებაში ბედს ვერასოდეს ეწვოდა. ლა ბრუიერს კარგად შეუნიშნავს ეს: „აღზევებული ადამიანის მხრივ წმინდა წყლის თვალთმაქცობაა, თუ მაშინვე არ დაიკავებს მისთვის განკუთვნილ ადგილს, რასაც ყველა უთმობს. არაფერი უჭდება, იყოს მოკრძალებული, გაერიოს ბრბოში, რომელიც მისი გამოჩენისას აქეთ-იქით იხევს; თავყრილობაზე სადღაც მიიკუქოს, რათა ყველამ თვალი მოჰკრას და კისრისტეხით მოირბინოს, აქაოდა სად დაბრძანებულხართო და სათანადო ადგილი მიუჩინოს. მოკრძალება მძიმე ტვირთია უბრალო მოხელისთვის. გაერევა ბრბოში და იქნებ გაუჭლიტონ კიდევ. აირჩევს მოუხერხებელ ადგილს და იქვე დატოვებენ“.

უყვარდა და არ ამქლავებდა, გული უთრთოდა და ფარავდა, ებრალებოდა და ღუმედა, უჭირდა და არაფერს ითხოვდა. ირგვლივ კი ცხოვრება ღუღლა და გადმოდიოდა. ლუი XIV-ის კარი ბრწყინავდა და კაშკაშებდა, ძლიერნი ამა სოფლისანი, ამპარტავანი და და გორიზნი, თაყვანისცემას ითხოვდნენ და მოწყალეობას არ აკლებდნენ მლიქვნელებსა და მაამებლებს, რომელთა ნიჭი და უნარი ჰკლებია ეს დე ლა ბრუიერს, XVII საუკუნის ფრანგ მორალისტთა სახელოვან წარმომადგენელს.

მორალისტური ლიტერატურის სათავეები ანტიკურ ხანაში უნდა ვეძიოთ. საფრანგეთში კი XVI საუკუნის მეორე ნახევარში განვითარდა ათასგვარი ზნეობრივი სენტენციების სახით და როგორც აფორისტული ენარი ჩამოყალიბდა ლარომფუეოს, პასკალისა და ლა ბრუიერის შემოქმედებაში. მერედა, როგორ მიესადაგა აფორიზმები და მაქსიმები ლა ბრუიერის ხასიათსა და შინაგან განწყობილებას! სწავლული იყო და განმარტოება უყვარდა; დაკვირვება, ფიქრი, ანალიზი. ადამიანი იყო და ადამიანებთან ურთიერთობასაც არ გაურბოდა, არც ვართობას არიდებდა თავს. საზოგადოებაში გარეულს მრავალსიტყვაობა არ სჩვეოდა, და არც კალამს ატანდა ძალას და აზრებს თვისას თხზულებათა მრავალ ტომებში არ აფრქვევდა. წერდა მხოლოდ იმისთვის, რომ ეთქვი ის, რასაც განიცდიდა. სხარტი იყო მისი გამონათქვამი, ზუსტი და პირდაპირი. ხან აფორიზმებით მიმართავდა მკითხველს, ხან დიალოგებით, ხან შეძახილით; ხან პორტრეტს მოხაზავდა, ხან პატარა ნოველას ჩაურთავდა, ხან ძველთა აზრებს მოიშველიებდა, ხან დინჯად მოჰყვებოდა ამბავს და სახტად დაგტოვებდა მთელ მოულოდნელი დასასრულით, პარადოქსებით. ყოველივეს კი ახლდა გულისტიკივილი კეთილი ადამიანისა, რომელსაც ცხოვრების უკუღმართობა აიძულებს, გახდეს დამცინავი, გამკილავი და ხანდახან ენამწარეც.

XVII საუკუნე კლასიციტური ლიტერატურის ეპოქაა. ეპოქა კორნელის, რასინის, მოლიერის... და თუ მის გვერდით არსებობდა მორალისტური ლიტერატურა, ამას უთუოდ თავისი საფუძველიც ჰქონდა. მორალისტური ლიტერატურის აფორისტული ენარი სწორედაც აკმაყოფილებს კლასიციზმის მოთხოვნილებებს; აფორიზმი, მაქსიმი არსებობს წარსულისა და მომავალთან კავშირის გარეშე. იგი მოთავსებულია ჩარჩოში, სადაც დრო თითქოს არ იძვრის და არ მიჰყვება საერთო დინებას. ეს მომენტი ემთხვევა კლასიციტური ტრაგედიისთვის დამახასიათებელ დროის ერთიანობას და მასთან ერთად გადმოსცემს მარადიულ, ურყევ ესთეტურსა თუ მორალურ დებულებებს.

კლასიციტური ლიტერატურის მსგავსად, ფორმის მხრივ აფორიზმიც ჩამოყალიბებულია მკაცრი, მხატვრული პრინციპების

დაცვით, აფორიზმის ფორმა დახვეწილია, სხარტი, მოქნილი, მაღალი ოსტატობით შესრულებული.

XVII საუკუნის ლიტერატურის ყოველ ეპოქაში პირველი ადგილი განუთვნილი აქვს ზნეობის საკითხებს, მაგრამ საკუთრად მორალისტებს უწოდებენ იმ მწერლებს, რომელთა შემოქმედებაში ზნე-ჩვეულებები იყო ერთადერთი სიუჟეტი. ფრანგ მორალისტებად ითვლებოდნენ კოფეტო, სენო, ლემუანი, შვეალიე, დე მერე, აბატი ესპრი და სხვ. მათ შორის ვერც ერთმა ვერ მიადწია იმ მწვერვალბამდე, სადაც ამალდნენ ლაროფშუკო, პასკალი და ლა ბრუიერი.

ჟან დე ლა ბრუიერის დაბადების წელი მტკიცედ დადგენილი არ არის. ერთნი ამბობენ, რომ იგი დაიბადა სენ-ე-უაზის დეპარტამენტის ქალაქ ღურდანის მახლობლად მდებარე სოფელში 1639 წელს. მეორენი კი მის დაბადების თარიღად 1644 წელს მიიჩნევენ, ხოლო დაბადების ადგილად პარიზის უბანს, სიტეს. მამამისს, პარიზის მუნიციპალიტეტში რენტის მთავარ კონტროლიორად უმუშავია. ჟან დე ლა ბრუიერმა დაახლოებით 1665 წელს ორლენის უნივერსიტეტის იურიდიული ფაკულტეტი დაამთავრა. 1673 წელს კანის ოლქის საფინანსო ბიუროში მთავარი ხაზინადრის თანამდებობა შეისყიდა. ეს თანამდებობა ლა ბრუიერისთვის ერთგვარი სინეკურა იყო, რაც საშუალებას უქმნიდა, ეცხოვრა პარიზში, განმარტოებულყოფიო ოთახში და ეარსებდა ისე, ვით ფილოსოფოსს შეეფერებოდა. მისი თანამედროვე, ბერი ბონაპეტურ დ'არგონი იგონებდა, რომ ლა ბრუიერის ოთახი სხვენზე იყო მოთავსებული, მას შუაზე ფარდა ჰყოფდა. „ქარი, ფილოსოფოსის კეთილი მსახური, მომსვლელს ფარდას გადაუწევედა და დაანახებდა მომლიმარე ფილოსოფოსს, მეტად კმაყოფილს“, რაკი შეეძლო წიგნებში ჩაფლულს, პლატონის შრომების კითხვით გართულს, შეეცნო ჭეშმარიტება, მეტი შუქი მოეფინა თავისი გონებისთვის და გამხდარიყო იმაზე უკეთესი, ვიდრე იყო. იგი გართობას არ გაუბოდა და არც ეძებდა. როგორც ჭეშმარიტ ფილოსოფოსს შეეფერებოდა, ისწრაფოდა, ეცხოვრა მშვიდად მეგობრებსა და წიგნებს შორის; იტოდა, როგორ შეერჩია ერთიცა და მეორეც. თავაზიანი იყო, მორიდებული, მოკლებული პატივმოყვარულ მისწრაფებებს. საუბარი მისი დიდი სიბრძნით გამოირჩეოდა, მაგრამ ამით თავს როდი იწონებდა.

1684 წელს სახელგანთქმული მწერლის, საეკლესიო მოღვაწისა და ორატორის, ბოსუეს რეკომენდაციით ჟან დე ლა ბრუიერი დიდი მთავრის კონდეს შეილიშვილის, 16 წლის დიუკ დე ბურბონის აღმზრდელად დანიშნეს. ორი წლის განმავლობაში ლა ბრუიერი უფლისწულს ასწავლიდა ისტორიას, გეოგრაფიასა და საფრანგეთის მმართველობის სისტემას. როცა დიუკ დე ბურბონს

მასწავლებელი აღარ დასჭირდა, დიდმა კონდემ ლა ბრუიერს კარისკაცობა უბოძა, ათასი ეკიუ პენსია დაუნიშნა და ბიბლიოთეკარის მოვალეობა დააქისრა. პრინც კონდეს ვერსალისა და შანტილის სასახლეებში ბინადრობა და დიდებულებთან დაახლოება ლა ბრუიერისთვის, როგორც მწერლისთვის დიდად მნიშვნელოვანი იყო. იგი გაეცნო თავადაზნაურთა მაღალ წრეს, სამეფო კარს.

თუმცა დიდი კონდე მეტად სასტიკი იყო და მისი შიშით ყველა ცახცახებდა და არც მისი ძე დიუჟ დ'ენგენი და შვილიშვილი დიუჟ დე ბურბონი ჩამოუვარდებოდნენ მას ქედმაღლობითა და უსამართლობით, მაინც აღსანიშნავია მათი დიდი განათლება და დახვეწილი გემოვნება. შანტილისა და ვერსალის სასახლეებში თავს იყრიდა ცნობილ სახელმწიფო და საზოგადო მოღვაწეთა, მუსიკოსთა, მხატვართა და მწერალთა ელიტა. აქვე იყო შესანიშნავი თეატრი, სადაც იდგმებოდა რასინის, კორნელის, მოლიერის და სხვათა პიესები. ეს იყო უდიდესი სარბიელი, სადაც ლა ბრუიერს შეეძლო დაკვირვებოდა ადამიანთა ზნე-ჩვეულებებს. დიდი კონდეს წარმტაც სრა-სასახლეებში უნდა გამოკვეთილიყო და ჩამოყალიბებულიყო მისი ირონიით აღვსილი გენია და უნდა ეგრძნო, რომ „სამეფო კარი საშუალებას არ გაძლევს, აქ იყ. კმაყოფილი და თანაც გიშლის ზელს სხვაგან იყო კმაყოფილი“.

იოგელიე საარაკო ფუფუნება სუფევდა. ნატიფი იყო ყოველივე: ბაღები, ფანჩატურები, ხელოვნური ტბები, შადრევნები, დარბაზები, მორთულ-მოკაზმული მამაკაცები, ბანოვანნი, რევერანსები, მეტყველება... მაგრამ ლა ბრუიერი, რომელიც ადრე იცნობდა ბურჟუებისა და მართლმსაჯულების შესახებთა ყოფას, ახლა შეეჩეხა მაღალ აზნაურთა სისასტიკესა და გოროზობას, კარისკაცთა მლიქვნელობასა და გაიძვერობას, პრანჯია დამების უგულობასა და თავკერძობას. თვალთახედვიდან არც დიდ ფინანსისტთა სიხარბე და მზაკვრობა გამოჰპარვია.

ყოველივე იბუღებდა მის გულში, რჩებოდა მეხსიერებაში. ჩანს, არცთუ ადვილი იყო საზოგადოებისთვის ერთბაშად მიეხალაპირში სიმართლე, დაენახვებინა საკუთარი თავი. და აგერ, თეოფრასტოსის ნაწარმოებს გადაეყარა. XVI, XVII საუკუნეები სულიერ საზრდოს ანტიკურ კულტურაში პოულობენ. ხეროთომოძღვრება, მხატვრობა, მწერლობა ანტიკურ თემატიკას უბრუნდება. თეოფრასტოსის სწორედ ძველი ბერძნული ლიტერატურული წყაროების გაცნობა ახვედრებს ლა ბრუიერს. კონდეთა სასახლეში ჩაუჭდა თუ არისტოტელეს შეგირდის, ტირტამუსის (IV ს. წ. აღ-დე) ანუ როგორც ზედმეტ სახელად უწოდებდნენ, თეოფრასტოსის (ღვთაებრივად მოუბარს ნიშნავს) „ხასიათების“ თარგმნას. ლა ბრუიერი თავისი საუკუნის დიდი შვილი იყო და განადიდებდა ანტი-

კურ კულტურას. რაკი „...გონივრულ, უმშვენიერეს სიტყვათა მოსავალი აღებულად“ მიაჩნდა და ფიქრობდა, „ჩვენ სხვა არა დაგერჩენია რა, ავკრიფოთო ძველთა ან ახალ ბრძენთა მიერ დატოვებული თავთავთა მარცვლები“, ამჟობინებდა ბერძენი თეოფრასტოსი გაეცნო მანკიერების ქაობში ჩაფლული ფრანგი საზოგადოებისთვის, რადგან ეს ოქროპირი განწყობილებით უნათესავდებოდა მთარგმნელს. თეოფრასტოსი ადაპიანთა ნაკლოვანებებს ასახავდა; გამოფენდა მათ პირფერობას, სიცრუეს, თავხედობას, სიბრყვეს, გაიძვერობას, სიძუნწეს, პატივმოყვარეობას, სიბეცეს, ცრუმორწმუნეობას... თარგმნიდა ლა ბრუიერი, გატაცებით თარგმნიდა, მაგრამ თანდათან ველარ ეტეოდა ნაწარმოების ფარგლებში და ავიწყლებოდა მთარგმნელის მოვალეობა. ხან ერთ შენიშვნას დაურთავდა, ხან მეორეს. გადიოდა დრო, შენიშვნების რიცხვიცა და მოცულობაც იზრდებოდა. თეოფრასტოსის ნაწარმოები უკანა პლანზე გადადიოდა, იჩრდილებოდა. ლა ბრუიერის შემოქმედებას ნიღბად თულა გამაღგებოდა. შენიღბვა კი უაუოდ სპირდებოდა, რადგან ვერვის აამებდა ამა თუ იმ ნაკლის გამოშუუებით. შენიშვნები დამოუკიდებელ თხზულებად იქცა და მასაც „ხასიათები“ დაერქვა. ერთ დღეს, როცა ხელნაწერი საკმაოდ გაიზარდა, მანტილიში მისთვის განკუთვნილი მყუდრო ბინა ცოტახნით დატოვა და პარიზს ესტუმრა. აქ მას ერთი ნაცნობი და როგორც ჩანს, საკმაოდ დაახლოებული კაცი, გამომცემელი მიშალე ეგულებოდა. მიშალეს დუქანში ჯიბიდან ამოიღო თავისი ხელნაწერი და გამომცემელს უთხრა, რა იქნება ეს ხელნაწერი დამიბეჭდოთ, თუ რაიმეს მოვიგებთ, ჩემს ჰონორარს პატარა მეგობარს გავეუნაწილებო. „პატარა მეგობარი“ მიშალეს შვილი გახლდა, ხოლო ხელნაწერი „ხასიათები“ იყო. წიგნი დაიბეჭდა. საზოგადოებამ მყისვე დაიტაცა და მადმუაზელ მიშალესაც კარგი მზითვი ხვდა წილად.

ლა ბრუიერი მანტილის სასახლეში კვლავ ამუშავებდა „ხასიათებს“. ერთი გამოცემა მეორეს მოსდევდა. ნაწარმოები იხვეწებოდა, ერთი „ხასიათი“ მეორეს ასრულებდა. ერთი პორტრეტი მკორეს უნათესავდებოდა. ბოლოს ყოველივემ თავისი განზომილება მიიღო, თავის ადგილას მოთავსდა და „ხასიათები“ 16 თავად დაიყუო. თეოფრასტოსის თარგმანმა პირვანდელი ელვარება დაკარგა და მთარგმნელის დიდი, ორიგინალური ნაშრომის მცირე სატელიტად იქცა.

ლა ბრუიერის თხზულების პირველი თავი „ადამიანის გონების ნამოქმედარი“ ერთგვარი პოეტური ხელოვნებაა. აქ განხილულია ხელოვნებისა თუ ლიტერატურის თეორიული საკითხები. შესავალ წერილში ლა ბრუიერი აღნიშნავს, რომ ადამიანთა ცხოვრებაზე დაკვირვების შედეგად შექმნა ეს ნაწარმოები და ამიტომაც შე-

ექლო, ეთქვა: „მე ვალს ვუბრუნებ ხალხს: იგია წყარო ჩემი შე-
შოკმედებისა“. აქედან გამომდინარე, მწერლის მოვალეობად თვლის
ასახოს სინამდვილე, ქვეშარიტება და ამისათვის გამოძებნოს შე-
საბამისი, მაღალმხატვრული ფორმაც. „აზრის გადმოსაცემად შერ-
ჩეულ სხვადასხვა გამოთქმას შორის მხოლოდ ერთია კარგი...“
და ეს უნდა იყოს „ყველაზე უბრალო, ბუნებრივი, რაც ძალდაუ-
ტანებლად უნდა გაახსენდეს მწერალს“. ამ თავში ლა ბრუიერი
განხილავს ძველსა და თანამედროვე მწერალთა შემოქმედებას, ხე-
ლოვნებისა და ენის საკითხებს. შემდეგი თავები კი ეძღვნება ალა-
მინათა პირად ღირსებებს, მათ მსჯელობას, ყოფაქცევას, სამეფო
კარს, ეკლესიას და ა. შ.

უცოლშვილოდ გაუტარებია სიცოცხლე თვისი ლა ბრუიერს,
რომელიც ერთგვარად კმაყოფილიც იყო ამის გამო, რადგან დაო-
ჯახებული კაცი ვერც მანსარდზე იცხოვრებდა და ვერც კონდეთა
ბრწყინვალე სასახლეში დაიდებდა ბინას და, რაც მთავარია, მთელ
თავის ღროსა და მოცალებას ვერ შეაღწევდა ფილოსოფიურ ჰერე-
ტასა და ალამინათა ზნე-ჩვეულებების აღწერას. ესეც არ იყოს,
ლა ბრუიერი ის კაცი არ იყო, ვინც უსიყვარულოდ შეირთავდა
ცოლს. მისი გული კი ერთხელ და სამუდამოდ დაუბყრია მაღალი
წრის ქალბატონს (როგორც ვარაუდობენ მარი-რენე დე ბელფო-
რიერს). ქალი ან უკვე გათხოვილი, ანდა თავის მდგომარეობით მიუ-
ღწეველი ყოფილა არცთუ მაღალი წარმოშობის მქონე მწერლის-
თვის. ლა ბრუიერი ოდნავი ირონიით იხსენებს თავის წინაპარს:
„...იყო ერთი ეოფრუა დე ლა ბრუიერი, ვისზედაც საფრანგეთის
ყველა მატთანე ერთხმად ღაღადებს, რომ იგი ყველაზე გამოჩენილ
სენიორთა შორის იმყოფებოდა, როცა ისინი გოდფრუა დე ბუიონს
გაჰყენენ წმიდა მიწის დასაპყრობად: მე მისი პირდაპირი შთამომავა-
ლი ვახლავართ“. რაკი სილამაზითა და მაღალი გონებით შემკული საყვა-
რელ ქალზე ჯვარს ვერ დაიწერდა, მისი ერთგული მეგობარი დარ-
ჩენილა კუბოს კარამდე. უთუოდ ამ ქალზე უთქვამს მწერალს:
„უზადო მშვენიერებითა და უბაღლო ღირსებებით შემკული ქა-
ლი ისე გიზიდავს, რომ სხვას არაფერს მოითხოვ, ოღონდ უმზირო
და ესაუბრო“. „სანუკვარი და ფაქიზი გრძნობები ზოგჯერ გვე-
კრძალება და მეტად ბუნებრივია, რომ გულში მაინც ვნატრობდეთ,
ნებადართული იყოსო. რა გაუტოლდებოდა ამ გრძნობათა მომ-
ხიბვლელობას თუ არა შეგნება იმისა, რომ მათ სათნოებას ეწი-
რავთ მსხვერპლად“.

ზოგიერთი მწერლისგან განსხვავებით ლა ბრუიერი არა მარტო
ქადაგებდა მორალს, პირად ცნობრებაშიაც მიჰყვებოდა მაღალ-
ზნობრივ პრინციპებს. ამიტომაც ეღერდა აგრე მძაფრად ყოველი
მისი შეგონება, ყოველი მისი აფორიზმი, ყოველი მისი მოქ-
ნეული ფრაზა და გამოკვეთილი „ხასიათი“. რარიგ უფო-

ჩიკებდა სულს თანამედროვეთ. აკვირდებოდნენ საკუთარ თავს, სხვებს; ეძებდნენ ამა თუ იმ „ხასიათს“ სინამდვილეში. ეძიებდნენ და კპოვებდნენ ამა თუ იმ პერსონაჟს ლა ბრუიერის შემოქმედებაში. ხოლო ავტორი ამოდ დაშვრა, როცა აეხადებდა, ჩემს წიგნში პერსონალურად არავინ ამისახავსო. მაგრამ ისე მახვილი ჰქონდა თვალის და კალამიც ისე უჭრიდა, ისე დაწერილიყო აღწერდა აღამიანის ხასიათთან ერთად მის მანერებსაც, ჩაცმა-დახურვასაც, ყოველ წვრილმანს ისე ზედმიწევნით გადმოსცემდა, რომ თავის-და უნებლიეთ ქმნიდა პორტრეტს რომელიმე ნაცნობისა. ლა ბრუიერმა პორტრეტს მისცა მხატვრული ფორმა და ფილოსოფიური შინაარსი. სწორედ პორტრეტის მოხაზვაში არა ჰყავს ბადალი. ამას თავადაც გრძნობდა და მეოთხე გამოცემიდან გაამრავლა პორტრეტი, რაც დასაწყისში მეტად მცირერიცხოვანი იყო. ლა ბრუიერი შეუდარებელია, როცა ხატავს იმას, რასაც ჰქმნარტად ხედავს. ადამიანის გარეგნობა, გამოხედვა, სიარული, კილო, ჩეყები, ისეა გამოხატული, რომ ცოცხლად გეჩვენება და ეძებ, ვისა ჰგავსო? სწორედ ამის შედეგად წარმოიშვა უამრავი „გასაღები“, ე. ი. სია იმ პირებისა, რომლებიც ამა თუ იმ მკვლევართა აზრით, გამოყვანილი ჰყავდა ლა ბრუიერს თავის ნაწარმოებში.

ავტორი უარყოფდა „გასაღებების“ რეალობას, მაგრამ უთუოდ კმაყოფილიც იყო მათი არსებობით, რადგან საზოგადოების ამგვარ აზრზე უკეთ ვერაფერი დაადასტურებდა მისი მიზნების ხორც-შესხმას.

ლა ბრუიერის პორტრეტი მხატვრულ ტილოდ იქცევა, რომანის ერთ თავად, კომედიის სცენად. ზოგიერთი პატარა ნოველა: მეყვავილე, საცოლის მაძიებელი, ზენობია, ემირი, ფრაგმენტი... მეთოთხმეტე თავში „ზოგიერთ ჩვეულებათა შესახებ“ პორტრეტი იშვიათად გვხვდება. აქ არის ირონია, კრიტიკა, თავადაზნაურობას, რელიგიის, ოჯახის, მართლმსაჯულების და სხვათა მანკიერი ურთიერთობის საწინააღმდეგოდ მიმართული. აქ ლა ბრუიერი გვევლინება ფილოსოფოსად იმ მნიშვნელობით, რასაც ვოლტერი და დიდრო ანიჭებდნენ ამ სიტყვას.

ლა ბრუიერის სტილი დამუშავებულია, დახვეწილი, მრავალფეროვანი. ლექსიკონი მდიდარი, საესე არქაიზმებით, მეცნიერული, ზელოსნური, ლიტერატურის, ხელოვნების, ნადირობის, ომის, საეკლესიო ტერმინებით. ბოლოში ნათქვამი სულ პატარა სიტყვა მთელი ამბის გასაღებია და უკულმა ატრიალებს ამბავს.. ფრაზები მოკლეა, სხარტი, ენაკვიმატი, რაც მომდევნო საუკუნეში ვოლტერის შემოქმედებაში შეგვხვდება.

სიკეთისა და ბოროტების სათავეს ლა ბრუიერი ეძებს საზოგადოებრივ ყოფაში, სოციალურ უთანასწორობაში, რაც მეტისმეტად უჩვეულო იყო XVII საუკუნის ლიტერატურისთვის ისევე, როგორც ცალკეული ხასიათისა თუ ყოფაქცევის მხატვრული გან-

ზოგადების უნარი. ამიტომაც მისი შემოქმედება XVIII—XIX საუკუნის მწერალთა შემოქმედებას უარო მეტად უახლოვდება. ვიდრე მის თანამედროვეს. „ხასიათებთან“ ერთად ლა ბრუიერი ხატონად ასახავდა ბუნების სურათებსაც, რაც აგრეთვე უჩვეულო და უცხო იყო იმდროინდელი ფრანგული ლიტერატურისთვის და რაც მკვეთრად გამოიკვეთა ეან-ჟაკ რუსოსა და ბერნარდინდე სენ-პიერის ნაწერებში.

ფულის დიდი როლი საზოგადოებაში, მისი გაბატონების სავალალო შედეგები მწვავედ შეიგრძნო ეან დე ლა ბრუიერმა და ეს პრობლემაც XIX საუკუნეს გადაუბოძა, სახელდობრ, ონორე დე ბალზაკს, რომლის შემოქმედებაში მთავარი გმირი გახდა ფული.

ლა ბრუიერის ფინანსისტი უსულგულო ადამიანია. შემოსავლის გარდა არაფერი აღეღებს. გულგრილია მეგობრის, ცოლის, შვილის სიკვდილის მიმართაც კი. ფულია მისი ერთადერთი ღირსება და მისი საზოგადოებრივი მდგომარეობაც მხოლოდ ამით განიზომება; „ფინანსისტი თუ გაკოტრდა, კარისკაცი მასზე ამბობენ, ბურჟუა, არარაობა, გაგრიაო. თუ კარგად წაუვიდა საქმე, მისი ასულის ხელს თხოულობენ“.

ლა ბრუიერის კალამს არ დაუნდვია ძლიერნი ამა სოფლისა—ნი, თვით დიდი კონდე, შუპარვით მეფეც კი დამდგარა დიღემისწინაშე, დიდებულთა და მდაბიოთა შორის ვისთვის მიენიჭებინა უპირატესობა: „ამათ (ხალხს—რ. დ.) შინაგანი სამყარო აქვთ მშვენიერი და გარეგნობა დაუხვეწავი; ამათ (დიდებულებს—რ. დ.) მარტოოდნე გარეგნობა, ზედაპირი აქვთ დახვეწილი და სხვა არაფერი. არჩევანზე თუ მიდგა საქმე, ოღნავად არ ვიყოყმანებ, ვამჯობინებ ვიყო ხალხი“.

ფინანსისტთა, საეკლესიო პირთა, ყალბ ღეთისმოსათა, თავდაზნაურობისა თუ სამართლის მსახურთა. მკაცრი კრიტიკით ლა ბრუიერი გვეკვლინება. როგორც პამფლეტისტი, გამსჭვალული მისი საუკუნისთვის მეტად უცხო აზრებითა და მისწრაფებებით.

ლა ბრუიერის შემოქმედებაში აღწერილი განზოგადებული სახეები, პორტრეტები, შესანიშნავი სტილი, კაცთმოყვარული მოსაზრებანი, ადამიანის შინაგანი სამყაროს ღრმა ფსიქოლოგიური ანალიზი, საზოგადოების ყოველი ფენის ჩვეულებათა ზედმიწევნით ზუსტი ცოდნა მკითხველის გულს იპყრობდა და მტრებთან ერთად, მრავალ თაყვანისმცემელსაც უჩენდა. 1691 წელს, აკადემიაში მისი არჩევა თუ კრახით დასრულდა, 1693 წელს, 15 ივნისს, როცა „ხასიათების“ უკვე მეშვიდე გამოცემა არსებობდა საფრანგეთში, ლა ბრუიერი აკადემიის წევრად აირჩიეს. მას მიენიჭა წოდება „უკვდავისა“, როგორც ფრანგები უწოდებდნენ თავიანთ აკადემიკოსებს.

აკადემიაში არჩევის დღეს ლა ბრუიერმა წარმოთქვა სიტყვა. ოგი მიმოიხილავდა რიშელიეს, რასინის, კორნელის, ბოსუეს, ფენელონისა და ყველა ცნობილი საზოგადოებრივი მოღვაწისა და მკურალის დამსახურებას საფრანგეთის კულტურისა და მეცნიერების წინაშე. როგორც მიღებული იყო, სიტყვა დაიბეჭდა თავისი წინასიტყვაობით. წინასიტყვაობა მეტად საყურადღებო ისტორიული ფაქტია, საიდანაც აშკარად მოჩანს რაოდენ სდევნიდა ლა ბრუიერს ზოგიერთი მწერალი და მეცნიერი, რომელთაც ლა ბრუიერი უწოდებდა „თეობალდებს“, ყალბი სწავლულის პროტოტიპს რომ წარმოადგენენ მის ნაწარმოებში. ისინი საკუთარ თავს ხედავდნენ ლა ბრუიერის პორტრეტებში და „გასაღებებით“ ცდილობდნენ, სხვებიც აეშედრებინათ მწერლის საწინააღმდეგოდ. წინასიტყვაობაში ვკითხულობთ: აგერ, რამდენი ხანია, ყველა მათ ჩემი ნაწერი სიტყვა-სიტყვით ესმით და ისე კითხულობენ, თითქოს ისტორია იყოს. მასში ვერ გაურჩევიათ ვერც პოეზია, ვერც ხატოვნება; მხოლოდ კიცხავენ და სუსტ ადგილებს ეძებენ.

„თეობალდებმა“ არათუ ქვეყანა შეყარეს, ლა ბრუიერას მოხსენება უაზრო იყო, დაარღვიეს აკადემიის კანონიც, რაც აკადემიკოსებს უკმალოვდა, რაიმე დაეწერათ თავიანთი კოლეგების წინააღმდეგ. სამეფო კარის ქორებისა და ანეკდოტებისთვის განკუთვნილ პერიოდულ ჟურნალში „გალანტურ მერკურში“ აკადემიკოსებმა და საშუალო ნიჭის მწერლებმა ტომა კორნელმა, ბერნარ ლე ბოვიე დე ფონტენელმა და ამ ჟურნალის დამაარსებელმა და რედაქტორმა დონო დე ვიზემ დაბეჭდეს წერილი. ისინი მიწასთან ასწორებდნენ ლა ბრუიერის შემოქმედებასაც და სიტყვასაც. ამ შემთხვევაში იმ ფაქტმაც იჩინა თავი, რომ მაშინ ფრანგი მწერლები ორ ბანაკად იყვნენ დაყოფილნი და „ძველნი და ახალნი“ ეწოდებოდათ. ძველნი ანტიკურ კულტურას ემხრობოდნენ და მათ რიგებში იმყოფებოდა ლა ბრუიერი; „ახლებთან“ კი ფონტენელი თანამშრომლობდა და მათთან ერთად ესხმოდა თავს ანტიკურ ხელოვნებას, ლიტერატურას და მათ ტრადიციებს.

„გალანტურ მერკურში“ დასტამბული წერილი მთელ საფრანგეთს აუწყებდა, რომ ლა ბრუიერს არ შესწევდა უნარი, რაიმე დაეწერა და რაიმე ეთქვა. თითქოს ამისთვის მას არც ნიჭი ყოფნიდა და არც გონება. წერილის საპასუხოდ ლა ბრუიერი წინასიტყვაობაში წერდა: „თეობალდებმა“ დამიკარგეს სურვილი, მათ მოვაწონო ჩემი წიგნი, რაიც ხალხს მოსწონს. და მე მთელს ჩემს ქანსა და სიცოცხლეს შევადევ იმ მიზანს, რომ ჩემს თხზულებათა გამო „თეობალდებისა“ და ხალხის გემოვნება ერთმანეთს არ ემთხვეოდეს.

ლა ბრუიერი „თეობალდებისგან“ არ მოითხოვდა მოწონების შექაზილებსა და ოვაციებს. ის ხომ ამბობდა: „ფილოსოფოსი სი-

ცოცხლეს ალევს ადამიანებზე დაკვირვებას, თავს არ ზოგავს, რათა შეიცნოს მათი მანკიერება და სისუსტე... ფილოსოფოსი არაფრად დაგიდევთ ამგვარ ხობას. მას არც უშრომია ამისთვის და არც ლამეები უთევია. მისი მისწრაფება გაცილებით დიდია და მიზანი ამაღლებული. რა ბედენაა ქება-დიდება, ანდა მადლობა? იგი ილტვის, მოიპოვოს გაცილებით მეტი და იშვიათი წარმატება, — გამოასწოროს ადამიანები.“

ჟან დე ლა ბრუიერს 1696 წლის 11 მაისს ტვინში სისხლი ჩაექცა და გარდაიცვალა ვერსალის სასახლეში.

ლა ბრუიერის შემოქმედების, მისი ერთადერთი წიგნის მნიშვნელობა XVII ს. საზღვრებს გასცდა და მისი ანარეკლი მომდევნო საუკუნეების მწერლობაშიც გამოჩნდა.

ჩუსხუდან დოდაშვილი-

Admonere volumus, non mordere;
prodesse, non laedere; consulere mo-
ribus hominum, non officere.

Erasmel¹

წი ნ ა ს ი ტ ყ ვ ა

მე ვალს ვუბრუნებ ხალხს: იგია წყარო ჩემი შემოქმედებისა და ვით მას ეკადრებოდა, ისეთი რუღუნებით გადმოვეცი სინამდვილე, დაწერე წიგნი და ხალხსავე ვთავაზობ. მოცლილობის უამს იქნებ დააკვირდეს პორტრეტს, რაიც ნატურიდან შევქმენი და თუ შეიცნობს ჩემს მიერ აღწერილ რომელიმე ნაკლს, გამოასწოროს. ამ ერთადერთ მიზანს უნდა ემსახურებოდეს მწერალი და სხვა წარმატებაზე არ უნდა ოცნებობდეს. რამეთუ ადამიანებს მაინცდამაინც არ ეზიზღებათ მანკიერება, მოდი ნუ დავიზარებთ და საყვედურებს ნუ მოვაკლებთ; ეგების უარესნი ყოფილიყვენ ისინი, ჭკუის დამრიგებლები და მამხილებლები რომ არ ჰყოლოდათ. დიხანაც ამის გამო წარმოითქმება ქადაგებანი და იწერება წიგნები. ორატორი და მწერალი ტაშს გულგრილად ვერ შეხვდებიან, მაგრამ სირცხვილით უნდა იწვოდნენ, თუკი თავიანთი ქადაგებისა ან თხზულების საზღაოდ მარტოოდენ ხოტბა-დიდებას მიიღებენ. ჭეშმარიტი და უდავო დაფასება მხოლოდ ის გახლავთ, თუ თხზუ-

¹ ჩვენ ვესწრაფოდით გაგვეფრთხილებინა და არა შეგვერცხვინა, სარგებლობა მოგვეტანა და არა დაგვეგესლა, გავვეუმჯობესებინა ადამიანთა ზნე-ჩვეულებანი და არა თავსლავი დაგვესხა. ერაზმი (ლათ.)

ლების წაკითხვისა ან ქადაგების მოსმენის შედეგად ადამიანები გარდაიქმნებიან, შეიცვლიან ზნე-ჩვეულებებს. მსჯელობა და წერა მხოლოდ და მხოლოდ კაცთა განვითარებისთვის არსებობს; ნურვის აღძვრის სინდისის ქენჯნა, თუკი ნაშრომი მისი სიამოვნებასაც განაცდევინებს. თავი და თავია, ადამიანს გონება გაუნათოს და ჭეშმარიტება შთააგონოს. მაგრამ ვითომცდა ნაირფეროვნებისთვის, დაძაბულობის შესამსუბუქებლად, გონების დასასვენებლად და შემდგომი თხრობის მოსასმენად ყურადღების გასამზადებლად წიგნში თუ ვაგლახ შეიპარა ისეთი აზრი ან მსჯელობა, რასაც აიუ მგზნებარება გააჩნია, არც დახვეწილობა, არც ელვარება და თან ვერც ვერაფერს განაცდევინებს, ვერც გულს აუთრთოლებს, ვერც ჭკუას ასწავლის უბირ კაცს, ვისი უგულვებელყოფა არ ხამს შემოჭმედს, მკითხველს შეუძლია ამგვარ ადგილებს მკაცრი განაჩენი გამოუტანოს, ხოლო მწერალმა უნდა ამოშალოს; ასეთი გახლავთ წესი. არსებობს ჩემთვის დიდად მნიშვნელოვანი მეორე წესიც, რის მიხედვითაც მკითხველს ვავალდებულებ ყურადღება გაამახვილოს სათაურზე და წინამდებარე წიგნის წაკითხვისას მუდამ ახსოვდეს, რომ მე აღვწერ ჩვენი საუკუნის ხასიათებს ანუ ზნე-ჩვეულებებს. თუმცა ძირითადად ავსახავ საფრანგეთის სამეფო კარისა და ჩემი ერის ადამიანთა ხასიათსა და ჩვევებს, მაინც დაუშვებლად მიმაჩნია ერთი სამეფო კარით შემოვიფარგლო, ერთი ქვეყნის საზღვრებში ჩავიკეტო, ვინაიდან შედეგად ამისა, ჩემი ნაწარმოები მეტიმეტად შეიზღუდება, ნაკლებ სარგებლობასაც მოიტანს და ჩემს შთანაფიქრსაც ვერ განახორციელებს, რაკი მე მსურდა აღმეწერა ადამიანი საერთოდ. ამასთან ერთად, წიგნის ცალკეული თავების განლაგებისა და მათში მოცემულ მსჯელობათა უხილავი თანმიმდევრობის შინაგანი ლოგიკაც დაირღვევა. ამ ესოდენ აუცილებელი გაფრთხილების შემდეგ, რომლის მიზანი ყველასთვის გასაგები უნდა გახდეს, მე დარწმუნებული ვარ, რომ უფლება მენიჭება, არად ჩავაგდო ვინმეს ჩივილი თუ აღშფოთება, ყოველგვარი უკუღმართი განმარტება, ყალბი მიგნება თუ განქიქება და გავილაშქრო უსულგულო ოინბაზებისა და ბოროტად განწყობილ მკითხველთა წინააღმდეგ. უნდა იცოდეთ, როგორ წაიკითხო წიგნი; მერე ან გაჩუმდე, ანდა შეძლო მოჰყვე ის, რაც წაიკითხე: არც მეტი, არც ნაკლები, ის, რაც წაიკითხე. იქნებ ეს კიდევ მოახერხო,

მაგრამ საკმარისი მაინც არ იყოს, ვინაიდან მთავარია წიგნის წაკითხვა მთელი სულითა და გულით გასურდეს. თავისი შრომის ერთადერთ ანაზღაურებად კეთილსინდისიერსა და პატიოსან მწერალს უფლება აქვს ეს პირობები წაუყენოს ზოგიერთ მკითხველს. წინააღმდეგ შემთხვევაში მან აღარ უნდა განაგრძოს წერა, თუკი, რა თქმა უნდა, საკუთარ კეთილდღეობას არ ამჯობინებს იმას, რომ იყოს სასარგებლო მრავალთათვის და ემსახურებოდეს ქვეშაობებს. გამოგიტყდებით, 1690 წლიდან მოყოლებული, სანამ მეხუთე გამოცემა დაისტამბებოდა, ვმერყეობდი: ერთი სული მქონდა ჩემი წიგნისთვის ახალი ხასიათები დამემატებინა და ამგვარად უფრო დასრულებული სახე და ჩამოყალიბებული ფორმა მიმეცა, თან კი მიპყრობდა შიში, ვაითუ ვინმემ წამომძახოს: „აღარ უნდა მოეღოს ბოლო „ხასიათებს“ და ეს მწერალი ნეტავ სხვას აღარაფერს გვადირსებს?“ ზოგი გონებადამჯდარი კაცი მეუბნებოდა, თქვენი წიგნის თემა მნიშვნელოვანია, მეტად საჭირო, დაუშრეტელი და საამური; იცოცხლეთ დიდხანს და სანამ პირში სული გიდგათ, ნუ შეწყვეტთ მის დამუშავებას. განა რას გააკეთებთ მაგაზე უკეთესს? წელიწადი ისე არ გავა, რომ ადამიანთა სიგიჟემ ერთი ტომის მასალა არ დაგიშალოთო. სხვები კი სრულიად გონივრულად მაფრთხალებდნენ, გეშინოდეთო ბრბოს ჭირვეულობისა და ხალხის თავქარიანობისა. თუმცა აქამდე მე სრული საფუძველი მქონდა ხალხის კმაყოფილი ვყოფილიყავი. სულ იმას ჩამჩიჩინებდნენ, აგერ ოცდაათი წელია ხალხი წიგნს გასართობად კითხულობს და თავშესაქცევად ახალი თავები და ახალი სათაური სჭირდებაო. სწორედ ამგვარი გონებრივი ჩამორჩენილობის შედეგად ამ ხნის განმავლობაში მთელი ქვეყანა და დუქნები წალეკილიაო უაზრო, მოსაბეზრებელი, ყალბი, ყოველგვარ სტილსა და სიცხადეს მოკლებული, კეთილი ზნე-ჩვეულებებისა და წესიერების საწინააღმდეგოდ უნიჭოდ და ჰაიპარად შეითხზნილი წიგნებით, რომელთაც, მხოლოდ როგორც სიახლეს, ჰაიპარადვე კითხულობენო, იმასაც მეუბნებიან, თუ ერთი გონივრული წიგნის მოცულობის მომატების მეტი არაფერი შეგიძლია, უკეთესი რა იქნება, კალამს შეეშვი და მოისვენეო. მაშინ მე მრავალი ერთმანეთის საპირისპირო რჩევა ყურად ვიღე, შევარჩიე ისეთი რამ, რაც ყველას ერთნაირად დააკმაყოფილებდა: სრულიად უყოყმანოდ დაგუმატე ახა-

ლი შენიშვნები იმ ადგილებს, რომელთა მეოხებითაც ჩემი ნაშრომი პირველ გამოცემასთან შედარებით ერთიორად უკვე გაზრდილი იყო; რათა საზოგადოებისთვის თავიდან ამეცილებინა ძველი ვარიანტის გადაკითხვა ახლის მოსაძებნად, საჭირო ადგილების პოვნის გასაადვილებლად განსაკუთრებული ნიშნები შემოვიღე. ამასთან, არც ის ჩავთვალე უსარგებლოდ, რომ პირველი დამატებებისთვის შემომეღო უბრალო ნიშნები, რაც მკითხველს ჩემი ნაშრომის მოცულობის გაზრდაზე მიუთითებს და საჭირო მასალის შერჩევას გაუადვილებს. რაკი შესაძლებლად ვთვლი, რომ მას შიში შეეპარება, ვაითუ წიგნის ზრდა დაუსრულებელი გახდესო, ზემოაღნიშნულ განმარტებებს გულწრფელ დაპირებასაც დაეურთავ, მსგავსს აღარაფერს გავბედავ-მეთქი. თუ ვინმე ბრალს დამდებს, სიტყვა გატეხეო, რამეთუ მომდევნო სამ გამოცემაში ბლომად შევიტანე ახალი შენიშვნები, იგი ყოველ შემთხვევაში, იმას მაინც დაინახავს, რომ ნიშნების გაუქმებით ძველი და ახალი ერთმანეთში აირია და მე იმას კი არ ვცდილობდი მისთვის ძალად წამეკითხებინა ახალი ჩანართები, არამედ ვზრუნავდი შთამომავლობისთვის დაპეტოვებინა ზნე-ჩვეულებების ამსახველი უფრო სრული, უფრო დახვეწილი და დამუშავებული ნაშრომი. ბოლოს და ბოლოს სულაც არ ვაპირებდი მაქსიმუმის დაწერას, ისინი მორალის კანონებს წარმოადგენენ და უნდა ვალიაო, რომ მე არც იმდენი ძალაუფლება გამაჩნია, არც იმდენი ნიჭი, რომ ავიჩემო, გინდა თუ არა, კანონმდებელი ვბრძანდები-მეთქი. ისიც ვიცი, მაქსიმუმის წესების მიმართ ვცოდავდი, რაკი მაქსიმები, წინასწარმეტყველთა გამოთქმების დარად, უნდა იყოს მოკლე და სხარტი. ასეთი გახლავთ ზოგი ჩემი გამონათქვამი, ზოგიერთი კი უფრო ვრცელია. სხვადასხვა საკითხზე სხვადასხვანაირად ვფიქრობ და სხვადასხვანაირად ვაღმოვცემ: სენტენციებით, მსჯელობებით, მეტაფორებითა თუ სხვა სახეებით, შეფარდებებით, უბრალო შედარებებით, მთელი ამბის მოყოლით, ერთი დეტალის გადმოცემით, აღწერით, სურათის მოხატვით. აქედან გამომდინარეობს ჩემ მოსაზრებათა სიგრძე თუ სიმოკლე. დაბოლოს, მაქსიმუმის დამწერს სურს ყველა უჯვრებდეს, მე კი, პირიქით, თანახმა ვარ მისაყვედურონ, რომ ჩემი დაკვირვებები ხანდახან მცდარი იყო, ოღონდ სხვები ნულარ დაუშვებენ ასეთ შეცდომებს.

თავი პირველი

ადამიანის გონების ნაშთადარი

1

ქველადი ითქვა, ჩვენ ძალიან გვიან გავჩნდით; შვიდი ათას წელზე მეტია ადამიანები არსებობენ და აზროვნებენ. მათ ზნე-ჩვეულებებზე გამოთქმულ გონივრულ, უმშვენიერეს სიტყვათა მოსავალი აღებულა. ჩვენ სხვა არა დაგვრჩენია რა, ავკრიფოთ ძველთა ან ახალ ბრძენთა მიერ დატოვებულ თავთავთა მარცვლები.

2

ესწრაფე გონივრულად იფიქრო და ილაპარაკო. ნუ შეეცდები შენს გემოვნებასა და გრძობებს სხვა დაუმორჩილო: ეს მეტად თავსამტკრევი საქმეა.

3

წიგნის დაწერა ისეთივე ხელობაა, როგორც მესაათეობა. მწერლობაში მარტო გონებით ფონს ვერ გახვალ. ყოველგვარი ღირსებით შემკული ერთი მოსამართლე თავის საქმეში საკმაოდ ჩახედუ-

ლი და გამჭრიახი კაცი ჩანდა. ზნეობის საკითხზე კი ისეთი შრომა გამოაქვეყნა, სისულელეში ბადალს ვერ მოუძებნიდით.

4

სრულქმნილი ნაწარმოებით უფრო ძნელია სახელის მოხვეჭა, ვიდრე სახელმოხვეჭილი კაცისთვის განდიდება ისეთი ნაწარმოებით, რაც არც ფლავია და არც ჩლავი.

5

მდარე ღირსების სატირული ან მამხილებელი ნაწარმოები შესანიშნავ ქმნილებად ითვლება, თუ ხელნაწერის სახით ხელიდან ხელში გადადის ფარულად იმ პირობით, რომ ასევე ფარულად დაუბრუნდეს პატრონს. მხოლოდ დასტამბვანა სასიხშირე ქვა.

6

ზნეობაზე დაწერილი ზოგიერთი ნაწარმოებიდან მკითხველისადმი მიმართვა, წინასიტყვაობა, სარჩევი და საქებაარ-საღიდეგელი წერილები რომ ამოვიღოთ, იმდენი ფურცელიც კი აღარ დარჩება, წიგნად ჩათვალო.

7

არსებობს ისეთი დარგები, რომელთა მდარე ღირსება და უფერულობა მიუტევებელია. ესაა პოეზია, მუსიკა, მხატვრობა, ორატორული ხელოვნება. ოხ, რა წამებაა უსმინო, როცა ორატორი მოსაწყენ სიტყვას გატყლარქულად წარმოთქვამს, ანდა უნიჭო პოეტი თავის უბადრუკ ლექსებს პათოსით კითხულობს.

8

ზოგი პოეტი პიესას რომ წერს, ისეთი მაღალფარდოვანი და დახვლანჯული ლექსებით აკოწიწებს, გეგონება, ამაღლებული და

კეთილშობილური გრძნობებით აღსავსე პოეზიააო. ხალხი მას ხარბად, თვალდაჭყეტილი, პირდაფჩენილი უსმენს და თავის თავს არწმუნებს, გადასარევიო. თან, რაც უფრო ნაკლებად გასაგებია, მით უფრო ალტაცებულია. მოწონების შეძახილებითა და ტაშისცემით გაყრუებულს სულის მოსათქმელადაც არ სცალია. ოდესღაც, როცა ჭაბუკი ვიყავი, მეგონა, ეს ლექსები ნათელი და გასაგები იყო მსახიობებისთვის, პარტერისთვის, ამფითეატრისთვის, განსაკუთრებით ავტორებისთვის. ვერაფერს რომ ვერ ვიგებდი და მაინც დიდი გატაცებით ვისმენდი, ამაში თვით ჩემს თავს ვღებდი ბრალს. მერე აზრი შემეცვალა.

9

ჯერ არვის უნახავს რამდენიმე მწერლის მიერ ერთობლივად შექმნილი შედეგრი. ჰომეროსმა შეთხზა „ილიადა“, ვერგილიუსმა „ენეიდა“, ტიტუს-ლივიუსმა „დეკადები“, რომაელმა ორატორმა — სიტყვები.

10

ხელოვნებაში არსებობს სრულყოფის საზღვარი, ვით მადლიანი განზავებისა და მომწიფების ზღვარი ბუნებაში. ვინც ამგვარ ხელოვნებას გრძნობს და აფასებს, შესანიშნავი გემოვნებითაა დაჯილდოებული, ვინც ვერ გრძნობს და მოსწონს ამაზე მაღალი ან დაბალი ხელოვნება, მანკიერი გემოვნების პატრონია. მაშასადამე, არსებობს კარგი და ცუდი გემოვნება და ადამიანები არ ცდებიან, როცა ამაზე დაობენ.

11

ადამიანებს მიკერძოების ნიჭი მეტი აქვთ, ვიდრე გემოვნება, ანუ უკეთ რომ ვთქვათ, იშვიათად ნახავთ კაცს, დაჯილდოებულს არა მარტო ბრძნული გონებით, არამედ კარგი გემოვნებითაც და სამართლიანი განსჯის უნარითაც.

გმირთა ცხოვრებამ გაამდიდრა ისტორია, ხოლო ისტორიამ შეამკო გმირთა მამაცობა. ამიტომ მიძნელებდა გავარკვიო, ვინ ვისგან არის დავალებული: მემათიანე იმათგან, ვინც ესოდენ მაღლიანი მასალით უზრუნველყო იგი, თუ მემათიანეს უნდა უმაღლოდნენ დიდი პიროვნებანი?

ეპითეტების გროვა არ არის ხობა. ხობა ფაქტებია, ისიც რიგიანად შერჩეული.

მწერალი ნიჭიერია, თუ მას შესწევს უნარი ზუსტი სიტყვები მოძებნოს და ლაზათიანად ხატოს. მოსე¹, ჰომეროსი, პლატონი, ვერგილიუსი, პორაციუსი მარტოდენ თავიანთი გამოთქმებითა და სახეებით დგანან სხვა მწერლებზე მაღლა. თუ გსურს ბუნებრივად, ძარღვიანად და დახვეწილად წერო, ჭეშმარიტება უნდა გადმოსცე.

ლიტერატურულმა სტილმაც ისეთივე ცვლილებანი განიცადა, რაც ხუროთმოძღვრებამ. სასახლეებისა და ტაძრების ასაგებად უეციობის შედეგად შემოტანილი გოთური სტილი შეცვალა დორიული, იონიური და კორინთული არქიტექტურის აღორძინებულმა ორდერებმა. რასაც მარტოდენ ძველი რომისა და საბერძნეთის ნანგრევებში ვხედავდით, თანამედროვე ხელოვნებად იქცა და ჩვენს პორტიკებზე და პერისტილებზე აელვარდა. ასევე ვერ მიაღწევ წერის სრულყოფას, თუკი ეს შესაძლებელია, და ვერ აჯობებ ძველ მწერლებს, თუ არ მიბაძავ მათ.

რამდენმა საუკუნემ განვლო, სანამ ადამიანები ძველ მეცნიერთა

¹ თუმცა მწერლად არ ითვლება. (:) და ამის შემდეგ შენიშვნები ყველგან ლა ბრუიერისაა. — რ. დ.)

და ხელოვანთა გემოვნებას ეზიარებოდნენ და დაუბრუნდებოდნენ ბუნებრიობასა და სისადავეს.

ჩვენ ვსაზრდოობთ საუკეთესო მწერლების შემოქმედებით, თუნდ ძველნი იყვნენ ისინი, თუნდ ახალნი. შეძლებისდაგვარად ვწურავთ, ვქაჩავთ მათგან წვენს და ამ გამონაყურით ვავსებთ ჩვენს შრომებს. დაბოლოს, როცა მწერლები ვხდებით და გვგონია, თითქოსდა სხვის დაუხმარებლად დავდივართ, თავს ვეცხმით მათ, შეურაცხვეფოფთ იმ ჩვილი ბალებების მსგავსად, რომლებიც ძიძებს სცემენ, თუმცა მათი საღი რძით გათქვირებულან და ძალაც მოუკრებიან.

ერთი თანამედროვე მწერალი სულ იმას გვიმტყიცებს, ძველი მწერლები ჩვენზე დაბლა დგანანო და მოჰყავს ორი საბუთი: მსჯელობა და მაგალითი. მსჯელობისას საკუთარ გემოვნებას იშველიებს და მაგალითიც თავისი ნაშრომებიდან მოჰყავს.

იგი აღიარებს, თუმცა ძველებს უთანაბრო და გაუშალაშინებელი ენა ჰქონდათ, მათ თხზულებებში შესანიშნავ ადგილებს მაინც ვხვდებითო. მოჰყავს ციტატები და ისინი იმდენად მშვენიერია, რომ ამისთვის ღირს მათი კრიტიკის წაკითხვაც. ზოგიერთი ცნობილი მწერალი აქებს ანტიკურ მწერლებს და აქიაქებს ახლებს. იქნებ იმიტომ, რომ ძველ მწერალთა მიბაძვით დაწერილი თავისი თხზულებები დაიცვას. მათ აზრს ამიტომ არავინ აქცევს ყურადღებას.

16

უნდა ეცადო ნაშრომი წააკითხო იმას, ვინც საკმაოდ განსწავლულია და ნაწარმოების შეფასების უნარი შესწევს.

მარტოოდენ პედანტს არ სურს შეუსწორონ წიგნი და რჩევა მისცენ. მწერალმა ერთნაირი მოკრძალებით უნდა მიიღოს ქებაც და კრიტიკაც.

17

აზრის გადმოსაცემად შერჩეულ სხვადასხვა გამოთქმას შორის მხოლოდ ერთია კარგი. თუმცა საუბრისა და წერის დროს ყოველთვის ვერ ვპოულობთ,—იგი არსებობს; სხვა გამოთქმები კი სუსტია

და ვერ აკმაყოფილებს გონიერ კაცს, ვისაც სურს თავისი აზრი სხვას გააგებინოს.

კარგი და დაკვირვებული მწერლისთვის ცხადია, რომ გამოთქმა, რასაც დიდხანს და თავგამოდებით ეძებდა და რაიც ძლივს იპოვა, ყველაზე უბრალო სიტყვაა, ყველაზე ბუნებრივი და თავიდანვე ძალდაუტანებლად უნდა გახსენებოდა.

ვინც განწყობილებით წერს, ნაწარმოების მრავალჯერ გადაკეთება უხდება. ვინაიდან განწყობილება მერყევია და სხვადასხვა გარემოებათა გამო იცვლება, მწერალს მალე უცივდება გული იმ გამოთქმათა და სიტყვათა მიმართ, მანამდე რომ ყველაზე მეტად მოსწონდა.

18

ნათელი გონება, რაც კარგ წიგნებს გვაწერინებს, უძისაც აღვიძრავს, ვაითუ არც ისე კარგია, ვინმემ წაიკითხოსო.

მწერალი თუ დიდად გონიერი არ არის, ფიქრობს, ღვთაებრივად ვწერო; სალად მოაზროვნე და ჰქვიანი მწერალი ფიქრობს, გონივრულად ვწერო.

19

„მირჩიეს, — თქვა არისტმა, — ჩემი ნაწარმოებები ზოილისთვის წამეკითხა. ასეც მოვიქეცი. მათ ისეთი შთაბეჭდილება მოახდინეს, რომ დაბნეულმა ზოილმა განქიქების ნაცვლად ჰა და ჰა, შემაქო კიდევ!.. თუმცა ქება აღარსად გაუმეორებია, ვაპატიებ, რადგან მწერალს მეტს ვერაფერს მოსთხოვ, მეცოდება კიდევ. მან მოისმინა მშვენიერი თხზულებანი, რაიც თვითონ არ დაუწერია“.

ზოგს ისეთი ადგილი უკავია ცხოვრებაში, რომ მისთვის უცხოა მწერლური პატივმოყვარეობა, სულ სხვა ენებებსა და სურვილებსაა გადაყოლილი და არაფრად აგდებს ვინმეს ნააზრევსა და შთანაფიქრს.

იშვიათად შეხვდებით ისეთ გონიერ, გულთბილსა და სვებედნიერ ადაზიანს, ვისაც შეუძლია ნამდვილად დატკბეს უებრო მხატვრული ნაწარმოებით.

გაქრიტიკება ისეთ სიამოვნებას გვანიჭებს, რომ ჰუმანიტად მშვენიერი ნაწარმოები ველარ გვხიბლავს.

ბევრია ისეთი ადამიანი, ვისაც წაუკითხავენ თუ არა ხელნაწერს, უმაღვე გრძნობს მის ღირსებას, მაგრამ საქებურს ვერაფერს ამბობს, გაიტრუნება, რადგან არ იცის, როგორ მიიღებს საზოგადოება დასტამბვის შემდეგ, ანდა როგორ შეაფასებენ სახელმწიფო-ქილი პიროვნებანი. საკუთარი აზრის გამოთქმა ვერ გაუბედავს, ელოდება, რას იტყვის ხალხი, რომ თვითონაც ბრბოს შეუერთდეს. შემდეგ კი განაცხადებს, ნაწარმოები პირველად მე მოვიწონე და ხალხიც ჩემს აზრს იზიარებსო.

ამგვარი ადამიანები ხელიდან უშვებენ შემთხვევას დაგვარწმუნონ, რაოდენ გამჭრიახნი და განათლებულნი არიან, რა განსჯის უნარი აქვთ მომადლებული, რომ მათთვის კარგი კარგია, საუკეთესო — საუკეთესო. ხელში უვარდებათ პირველი ნაწარმოები ავტორისა, რომელსაც ვერ არავინ იცნობს და ვერ მიხვდება, რა მოელის. აბა, რა საჭიროა ელოლიავო ვილაც ახალბედას და ხობტა შეასხა?! მფარველიც არ ჰყავს, რომ ასიამოვნო. თქვენ არავინ გთხოვთ, ზელოტებო, შესძახოთ: „აი, გონების შედევი!.. ასეთ მწვერვალებამდე კაცობრიობას ვერ არ მიუღწევია!.. აი, თურმე სადამდე შეიძლება ამალდეს სიტყვა! ამიერიდან ეს ნაწარმოები იქცევა გემოვნების საზომად!“ ასეთი ალტაცება გადაჭარბებულია, მეტად არასასიამოვნო და ისეთი სუნი უდის, გეგონება, ამის მთქმელს პენსიის ან სააბატოს მიღება უნდაო. ზიანი ბლომად მოაქვს თვით იმისთვის, ვინც საქებია და ვისი ქებაც სურთ სხვებს. განა არ ჯობდა თავის დროზე უბრალოდ გეთქვათ, რა კარგი წიგნიაო. ახლა კი ამბობთ ამას, აცხადებთ მთელ საფრანგეთთან, თქვენს თანამემამულეებთან და უცხოელებთან ერთად, როდესაც იგი გამოიცა მთელს ევროპაში, ითარგმნა მრავალ ენაზე. მაგრამ უკვე გვიანია.

ზოგიერთი წაიკითხავს რაიმე წიგნს და ისეთ ადგილებს მოიყვანს იქიდან, რომელთა აზრი ვერ გაუგია, თან თავისებურად გარდაუქმნია და შეუტყუენია. ამგვარ ადგილებს, სახეშეცვლილსა და შებღალულს, რაიც სხვა არაფერია, თუ არა თვით მისივე აზრები და გამოთქმები, სამსჯავროზე გამოიტანს, აცხადებს, უმსგავსოაო და ყველა კვერს უკრავს. მაგრამ ის ნაწყვეტიც კი, ასეთი ჯურის კრიტიკოსს ციტატად რომ მოჰყავს, ან რომ ჰგონია, მომყავსო, მაინც არ კარგავს თავის ღირსებას.

„რას იტყვით ერმოდორის წიგნზე?“ „უვარგისია, — უპასუხებს ანტიმი, — დიახ, უვარგისია! ისეთი ცუდია, — განაგრძობს იგი, — წიგნადაც არ ჩაითვლება და მისი ხსნებაც კი სათაკილოდ მიმაჩნია“. „წაიკითხეთ?“ „არა“, — მიუგებს ანტიმი. ნეტავ რატომ არ ღასძინა ისიც, რომ ფულივმა და მელანიმაც ხელალებით განაქიქეს წიგნი, თუმცა თვალის არ მოუკრავთ მისთვის, ხოლო თვითონ ფულისა და მელანის მეგობარია?

არსენი თავისი მაღალფარდოვნების მწვერვალთან დასცქერის ხალხს. იმდენად დაბლა დგანან და შორს არიან ისინი, რომ მათი სიპატარავე თავზარსა სცემს. რაკი ხოტბას ასხამენ, გუნდრუქს უკმევენ და ცამდე აპყავთ ადამიანებს, რომელთაც პირი შეუკრავთ ერთმანეთს ქება-დიდება არ მოაკლონ, მცირეოდენი ღირსებებით შემკულ არსენს ჰგონია, თითქოსდა დაჯილდოებულია ყველა ამქვეყნიური სიკეთით, რაიც არ გააჩნია. საკუთარ აზრთა სიღიადით მოხიბლული და დარეტიანებული ძლივძლივობით პოულობს დროს გადმოაფრქვიოს წინასწარმეტყველური ქადაგებანი. ისე ზეამაღლებულა და განდგომია ჩვეულებრივ ადამიანთა მსჯელობას, რომ თავდაჭერილი და ერთფეროვანი არსებობა უბრალო მოკვდავთათვის დაუთმია, ხოლო თავისი ხუმტურიანი ხასიათის გამო პასუ-

‘ხისმგებლობას გრძნობს მარტოოდენ თაყვანისმცემელ მეგობართა წინაშე, რამეთუ მათ და მხოლოდ მათ მომადლებიათ ნიჭი საღი განსჯისა, აზროვნებისა; კალამიც მარტო მათ უჭრით და მარტო მათ იციან, რა წერონ, როგორ წერონ. არ არსებობს გონების სხვა ნა-მოქმედარი, თუნდაც საზოგადოების მიერ ერთსულოვნად მოწო-ნებული, რაიც მას არამცთუ შეექოს, წაკითხვის ღირსად ჩაეთვა-ლოს. არსენს ვერც ეს პორტრეტი გამოასწორებს, სულ ერთია არ წაკითხავს.

25

თეოკრინმა ბევრი რამ იცის საკმაოდ უსარგებლო. აზრებიც მე-ტად უცნაური აქვს. უფრო მეთოდურია, ვიდრე ღრმა. ფონსაც მეხ-სიერებით გადის. მსჯელობს განყენებულად, ქედმაღალია და დას-ცინის ყველას, ვინც ჭეშოვნად ვერ აფასებს მის შემოქმედებას. ბედნიერება მქონდა მისთვის ჩემი ნაშრომი წამეკითხა. მომისმინა. კითხვა დავასრულე თუ არა, წამსვე თავის ნაწერებზე დაიწყო ლა-პარაკი. ჰო, მაგრამ, თქვენს წიგნზე რა თქვა? — შემეკითხებით თქვენ. აკი მოგახსენეთ, თავის ნაწერებზე დაიწყო ლაპარაკი.

26

რაც უნდ უზადო იყოს ნაწარმოები, მისგან კრიტიკა აღარა-ფერს დატოვებს, თუკი მწერალი დაუჯერებს კრიტიკოსებს და ყუ-რად იღებს მათ აზრს, რამეთუ თითოეული მათგანი მოითხოვს, ამოი-ღოს ის ადგილი, რაც ყველაზე ნაკლებ მოეწონა.

27

ცნობილია, რომ თუ ათი კაცი მოითხოვს ავტორმა წიგნიდან ამომალოს რაიმე გამოთქმა ან აზრი, მაშინვე გაჩნდება ასევე ათი კაცი, ვინც მის დატოვებას ბრძანებს: „რატომ უნდა ამოვიღოთ ეგ აზრი? იგი ახალია, საუცხოო და შესანიშნავადაც გამოთქმული“. პირველნი კი, პირიქით, ამტკიცებენ, ჩვენ ამ აზრს ან გვერდს ავუ-ვლიდით, ან სხვანაირად გამოვთქვამდითო. „თქვენს ნაშრომში, — ამბობენ ერთნი, — არის კარგად მიგნებული სიტყვა, რაც ხატოვ-

ნად, ზედმიწევნით ზუსტად გადმოსცემს აზრს“. „ეგ სიტყვა, — ამბობენ მეორენი, — მეტიმეტად გაბედულადაა ნათქვამი და სრულიად შეუსაბამოა იმ აზრისთვის, რაიც, ალბათ, გასურდათ გადმოგეცათ“. სწორედ ერთსა და იმავე ადგილზე, ერთსა და იმავე სიტყვაზე დაობენ ეს მამაცხონებულები; ყველანი კი მცოდნე პიროვნებანი არიან, ან ითვლებიან მცოდნეებად. სხვა რა გზა დარჩენია ავტორს? გამბედაობა მოიკრიბოს და დაეთანხმოს მათ, ვინც აქებს მის ნაწარმოებს.

28

გონიერი მწერალი ვალდებული როდია ყურადღება მიაქციოს აბლაუბდა, ბინძურსა და უხეირო კრიტიკას, ნაწარმოებიდან მოყვანილი ზოგიერთი ადგილის სულელურ განმარტებას. მან არამც და არამც არ უნდა ამოიღოს ეს ადგილები და უნდა სწამდეს, რაც უნდ რუდუნებით იყოს დაწერილი წიგნი, მწერალი მაინც ვერ ასცდება ენაჭარტალათა დაცინვას, განსაკუთრებით კი განქიქებას იმისა, რაც საუკეთესოა მის ნაწარმოებში.

29

მგზნებარებითა და სითამამით სავსე ზოგიერთ ადამიანს თუ დავუჭერებთ, გრძნობათა გამოსახატავად სიტყვები ზედმეტია. მათთვის მარტოოდენ მინიშნებაა საკმარისი, უსიტყვო ურთიერთგაგება. რაც უნდ სხარტად და მოქნილად წერდე, და ასეთივე სტილის მწერლადაც ითვლებოდე, მაინც ბუნდოვნად და გაჭიანურებულად ჩაგითვლიან ნაწარმოებს. მათ უნდა მისცე საშუალება შეავსონ შენი წიგნი; მხოლოდ მათთვის უნდა წერო. პირველი სიტყვით შეგიცვლიან მთელ ხანას, ხოლო ერთი ხანით მთელ თავს. წაუკითხეთ მათ რომელიმე ადგილი თქვენი ნაწარმოებიდან: სრულიად საკმარისია. დანარჩენი ნათელია, ცხადზე უცხადესი! გამოცანების კრებული თავშესაქცევი წიგნი იქნებოდა მათთვის! ძალიან წუხან, რომ ესოდენ ამაღელვებელი, დასახიჩრებელი სტილი იშვიათია და ცოტა მწერალი ეტანება. თუ რაიმე შეადარე მდინარეს, რომლის დინება თუმცა სწრაფია, მაგრამ თანაბარი და ერთფეროვანი, ანდა ცეცხლს, ქარს რომ გაუტაცია, ტყეში შეჭრილა

და ხანძრად მოსდებია მუხებსა და ფიჭვებს, ასეთ შედარებებში ისინი მჭევრმეტყველების ნატამალსაც ვერ იპოვიან. განაცვიფრეთ მოგიზგიზე კოცონით, დააბრმავეთ ელვის სიკაშკაშით და მაშინ იტყვიან, რა მშვენიერი და გონივრული ნაწერიყო.

30

რაოდენ დიდიო განსხვავება ნატიფი გემოვნებით დაწერილსა და სრულქმნილ ან სანიმუშო ნაწარმოებთა შორის! არ ვიცი, თუ არსებობს სადმე უნაკლო თხზულება. იშვიათი ნიჭით დაჯილდოებულ მწერალსაც კი, ალბათ, ისე არ უჭირს შექმნას დიადი და წარმატცი ნაწარმოები, როგორც მასში არ დაუშვას ყოველგვარი ხასიათის შეცდომები. „სიდის“ დაბადებას ხალხი ერთსულოვანი აღტაცებით შეხვდა. იგი ძლიერი აღმოჩნდა ხელისუფლებაზე და პოლიტიკაზე, რომლებიც ამოდ დაშვრნენ მის გასანადგურებლად. ამ ქმნილების დასაცავად გაერთიანდნენ ისინიც კი, ვინც ერთმანეთისგან განსხვავდებოდა აზრითა და შეხედულებებით, — დიდგვაროკანნი და მდაბიონი. ყველამ ზეპირად იცოდა პიესა და წარმოდგენის დროს მსახიობებს კარნახობდა: ერთი სიტყვით, „სიდი“ ერთ-ერთი უმშვენიერესი თხზულებაა და მიანც კრიტიკულ წერილებში არც ერთი ნაწარმოები ისე საფუძვლიანად არასოდეს გაურჩევიათ, როგორც განიხილავდნენ „სიდს“.

31

როს წიგნის კითხვა აღამაღლებს თქვენს სულს და შთაგაგონებთ კეთილშობილსა და ვაჟკაცურ გრძნობებს, ნულარ მოჰყვებით ჭკუის ჭყლეტას და რაღაც-რაღაც კანონებს ნუ დაუწყებთ ძებნას მის შესაფასებლად: წიგნი მშვენიერია და ოსტატის ხელითაა შექმნილი.

32

კაპისი სიტყვაკაზმულობის მსაჯულად თავის თავს თვლის და ჰგონია, წერს ისე, ვით ბუჭური და რაბიუტენი. იგი მთელ საზოგადოებას ამხედრებია და მხოლოდშთენილი ამტკიცებს, დამისი კარგი მწერალი არ არისო. დამისი კი ხალხს აპყოლია და ალაღმართლად აცხადებს, მოსაწყენი მწერალიაო კაპისი.

საგაზეთო ქრონიკების ავტორის მოვალეობაა ხალხს აუწყოს: გამოვიდა ესა და ეს წიგნი, გამოსცა კრამუაზიმ, დაბეჭდილია მშვენიერ ქალაღღზე, ასეთი და ასეთი შრიფტით, ღირს ამღენი და ამღენიო. ისიც კი უნღა იცოდეს, რა აწერია იმ ღუქნის აბრას, საღაც წიგნი იყიდება. მას კი ერთი სიგიჟე ღამართნია: წიგნის გაკრტიკება მოუნღომებია.

ქრონიკის ოსტატის უმაღლესი საქმიანობა პოლიტიკაზე ფუქიღაყბობა გახღავთ.

გამოჩხრეკს ახალ ამბებს, განერთხობა ზედ და ტკბიღად იძიღებს. ახალი ამბები კი ღამით ობღება და გამოიღვიძებს თუ არა, უნღა გაღააღღოს.

ფიღოსოფოსი სიცოცხღეს აღევს აღამიანებზე დაკვირვებას, თავს არ იზოგავს, რათა შეიციღოს მათი მანკიერება და სისუსტე, აზრებს დახვეწიღად გაღმოსციემს არა პატივმოყვარეობის გამო, არამედ სურს ისე მოჰფინოს უშუქი მის მიერ აღმოჩენიღ ქეღმარიტებას, რომ სხვებზე სათანადო შთაბეჭდიღება მოახღინოს. ზოგ მკითხვეღს კი სწამს, თითქოსღა ღიდ პატივს ღებს ფიღოსოფოსს, როცა ყოყოჩურად აცხადებს, მისი წიგნი წავიკითხე და არცთუ უჭკუღოდ არისო დაწერიღი. ფიღოსოფოსი არაფრად ღაგიღვეთ აკღდაგვარ ხოტბას. მას არც უშრომია ამისთვის და არც ღამეები უთეღვია. მისი მისწრაფება გაციღებით ღიღია და მიზანი ამაღღლებული. რა ბეღენაა ქება-ღიღება, ანღა მაღღობა?! იგი იღტვის, მოიპოვოს გაციღებით მეტი და იშვიათი წარმატება,— გამოასწოროს აღამიანები.

სულეღები კითხუღობენ წიგნს და ვერაფერს იგებენ. არცთუ ღიღად ჰკვიანს ჰგონია ყვეღაფერი შესანიშნავად ესმის. მაღალი გონების კაციღთვის კი ზოგჯერ ყვეღაფერი როღია გასაგები. ბუნღოვან აზრებს ბუნღოვანად მიიჩნეღს, ნათელს კი ნათღად.

ქუისმკვლევანნი ისწრაფიან ბუნდოვნად ჩათვალონ ის, რაც ნათელია და გაუგებრად — რაც გასაგებია.

36

ამაოდ ცდილობს მწერალი თავისი ნაწარმოებით აღტაცება გამოიწვიოს. სულელები ხანდახან აღტაცებაში მოდიან, მაგრამ ვაი, რომ სულელები არიან! გონიერ ადამიანებში გავლევებულია ყოველგვარი ქეშმარიტებისა და შეგრძნებობის თესლი; მათთვის ახალი არაფერია, აღტაცება არა სჩვევიათ, ისინი იწონებენ.

37

ვერ წარმომიდგენია, თუ შეიძლება წერილები დაიწეროს უფრო გონებამახვილურად, უფრო ნატიფად, უფრო წარმტაცად და მოქნილად, ვიდრე წერდნენ ბალზაკი და ვუატიური. მათ არ ახასიათებთ მგრძნობიარობა, რაც შემდეგ გაბატონდა და რაც ქალებს უნდა უმადლოდეს თავის აღმოცენებას. ამ ქანრში მდებრობით სქესს ვერ გავუტოლდებით. კალმის ერთი მოსმით თხზავენ ისეთ სიტყვებსა და გამოთქმებს, რასაც ჩვენ დიდი ოფლის ღვრისა და თავისტეხის შედეგად თუ ვპოულობთ. რაც უნდ გაცვეთილი იყოს სიტყვები, ქალები ისე ალლოიანად შეარჩევენ ხოლმე, ისე იღბლიანად განალაგებენ, რომ სიახლის მომხიბვლელობით მოსავენ და კიდევაც გეგონებათ, სწორედ იმისთვის შეთხზულან, რომ ზუსტად ამ ადგილას მოთავსებულყვენენო. მხოლოდ და მხოლოდ ქალებს ძალუბთ ერთ სიტყვაში გადმოსცენ გრძნობის სიღრმე და დახვეწილად გამოხატონ ნატიფი აზრი. სიტყვები მათი ბუნებრივად და ლაღად მოედინება, უბადლო ოსტატობითაა აკინძული და აზრით შედუღაბებული. აი, ენა რომ ყოველთვის გამართული ჰქონდეთ, გავბედავდი და ვიტყოდი, ჩვენს მწერლობაში ზოგიერთი მათგანის წერილების დარს ვერაფერს ვიპოვიდით-მეთქი.

38

ტერენციუსს ხინჯს ვერ მოვუძებნიდით, ცოტა გულცივი რომ არ ყოფილიყო. მაგიერ რა სიწმინდეა! რა სიზუსტე! რა სიფაქიზე!

რა ხასიათები! მოლიერი უზადო იქნებოდა, მდაბიოთა უხეში გამოთქმები რომ არ ეხმარა და ენის სიწმინდისთვის მეტი ეზრუნა! რა მგზნებარებაა! რა უშუალობა! რა დაუშრეტელი ენაკვიმატობა! რა რიგ გადმოსცემდა ზნე-ჩვეულებებს! რა სახეებს ქმნიდა! რა ღვართქაფად იღვრებოდა სისულელის გამასხრება! რა მწერალი იქნებოდა, ეს ორი კომედიოგრაფი ერთად რომ გაერთიანებულიყო!

39

წავიკითხე მალერბი და ტეოფილი. ორთავე კარგად იცნობდა სინამდვილეს, იმ განსხვავებით, რომ პირველი ხატოვანი და თანაბარი სტილით აღწერს ყოველივეს, რაც უმშვენიერესია, უკეთილშობილესი, ყველაზე უშუალო და მარტივი. იგი ხატავს ცხოვრებას და თან მემატიანეა მისი. მეორე კი არაფერს დაგიდევს, რაც მოხვდება, იმას წერს, არცთუ სიზუსტეზე იკლავს თავს. ლაღად და ჰაიპარად უსვამს კალამს. ერთი რამის აღწერას ხან სულამდე ჩაპყვება, ერთ წვრილმანსაც არ გამოტოვებს, — მაშინ იგი ანატომია. ზოგჯერ კი რაღაცას თხზავს, აზვიადებს, სინამდვილის საზღვრებს სცილდება, — მაშინ იგი რომანისტად წარმოგვიდგება.

40

რონსარს და ბალზაკს, თითოეულს თავისებურად, ავიც ახასიათებდათ და კარგიც, რამაც უაუოდ შეუწყო ხელი იმას, რომ მათ შემდეგ კალმის უდიდესი ოსტატები მოგვევლინენ პროზაშიაც და პოეზიაშიც.

41

მაროს ისეთი სტილი და წერის მანერა აქვს, რომ გეგონებათ, უშუალოდ რონსარის შემდეგ დაიწყო წერა. ჩვენგან სხვა არაფრით განსხვავდება, თუ არა ზოგიერთი სიტყვით.

42

რონსარმა და მისი ღროის მწერლებმა ფრანგულ სიტყვიერებას ზიანი მეტი მოუტანეს, ვიდრე სიკეთე. შეაფერხეს მისი წინსვლა. კინალამ სამუდამოდ არ აუბნიეს თავგზა. პირდაპირ საოცარია, რომ

ჰაროს ესოდენ ჰაეროვანმა და ძალდაუტანებლად დაწერილმა თხზულებებმა ვერ შეძლეს მგზნებარებითა და შთაგონებით აღვსილი რონსარი უფრო დიდი პოეტი გაეხადათ, ვიდრე იყვნენ რონსარი და მარო. ხოლო ბელოს, ჟოდელსა და დიუბარტას ფეხდაფეხ მოჰყვნენ რაკანი და მალერბი და თითქმის შელახული ჩვენი ენა წელში გაიმართა.

43

მარომ და რაბლემ მიუტევებელი შეცდომა დაუშვეს, თავიანთი შემოქმედება უხამსობით აღავსეს: ორთავე ისეთი თვითმყოფადი ნიჭით იყო დაჯილდოებული, რომ შეეძლოთ უიმისოდაც იოლად გასულიყვნენ თვით იმათ თვალშიაც კი, ვინც ამჯობინებს, მწერალმა გააცინოს, ვიდრე აღტაცებაში მოიყვანოს. განსაკუთრებით ძნელად გასაგები რაბლე გახლავთ; მისი წიგნი გამოცანაა, ვინც რა უნდა თქვას, აუხსნელი გამოცანაა; იგი ქიმერაა, მზეთუნახავი, რომელსაც ფეხები და ბოლო გველისა ან უფრო ლირწი ცხოველისა აქვს. მისი წიგნი ამალღებული, ნატიფი მორალისა და ბინძური მანკიერების შემზარავი ნარევია. სადაც რაბლე უვარგისია, ყოველგვარ საზღვარს სცილდება: ეს რალაც საშინელი სიბილწეა, უგუნურთა გასართობად განკუთვნილი. სადაც რაბლე მშვენიერია, უზალთა და შეუღარებელი, ნუგბარზე ნუგბარი კერძია.

44

ორმა მწერალმა თავიანთ შრომებში გაკიცხა მონტენი; არც მე მგონია იგი მაინცდამაინც უზალთა იყოს, მაგრამ, ჩანს, ამ მწერლებს მონტენი სულ არაფრად მიაჩნდათ. ერთი მათგანი აზროვნებით ვერ დაიკვეხნიდა და რას გაუგებდა მწერალს, რომელიც ბევრს აზროვნებს. მეორეს აზროვნება კი ისე ნატიფია, რომ ვერ ეგუება ესოდენ ბუნებრივ აზროვნებას.

45

თავდაჭერილი, სერიოზული, გულმოდგინედ დამუშავებული წერის მანერა მწერალს დიდხანს უნარჩუნებს სახელს: ახლაც იკითხება ამიო და კოეფეტო. აბა ვინ კითხულობს მათ თანამედროვეთ? ბალზაკი თავისი გამოთქმებითა და სიტყვების შერჩევით

ჩვენთან უფრო ახლოა, ვიდრე ვუატიური, მაგრამ ეს უკანასკნელი თავისი სიტყვიერი მარაგით, სულიერი განწყობილებითა და არაბუნებრივობით თუ თანამედროვედ არ ჩაითვლება, მხოლოდ იმიტომ, რომ ჩვენი მწერლებისთვის უფრო იოლი იყო უგულებელ-ეყოთ იგი, ვიდრე მიებაძათ მისთვის. ის მკირერიცხოვანი ჯგუფიც, ვუატიურის მიმდევრებად რომ ითვლება, ვერ გაუტოლდება მას.

46

ვერ ვიტყვით „გ. მ.“ არაფრად ვარგაო, უფრო უარესია. თუმცა მისი მსგავსი, იცოცხლე, სხვაც ბევრია. კაცი ყოველთვის გამდიდრდება სულელური წიგნის გამოცემით, სანამ არ გამოლოულა მისი სულელი მყიდველი. ხალხის გემოვნება თუ იცი, რა დიდი ცოდვაა, ზოგჯერ ჩმახი რამ მიაჩნო ხელში.

47

ყველასთვის ნათელია, რომ ოპერა დიდი სპექტაკლის მონახაზია, მხოლოდ მისი იდეაა.

ვერ გამიგია, რატომ ხდება, რომ ოპერა, რომელშიაც ესოდენ წარმტაცია მუსიკა და მეფური ბრწყინვალეობითაა დადგმული, მაინც მგვრის მოწყენილობას. ზოგიერთი სცენა გინდა მთლად შეცვალო. ზოგჯერ კი ერთი სული გაქვს, მორჩეს და დამთავრდეს. ეს იმის ბრალია, რომ სათანადოდ არც თეატრალური ეფექტებია გამოყენებული, მოქმედებაც დუნეა და არც არაფერი გიტაცებს.

ჯერჯერობით ოპერა პოემად ვერ იქცა, იგი ლექსის ცალკეული ნაწყვეტია მხოლოდ. მას შემდეგ, რაც ამფიონისა და მისი დამქაშების წყალობით თეატრალური მანქანები მოსპეს, ოპერამ დაკარგა თავისი სახე. დღეს ეს კონცერტია ან კიდევ სიმღერა საკრავების თანხლებით. ვინც ამტკიცებს, თეატრალური მანქანები ბავშვების თავშესაქცევია ან მარიონეტების თეატრისთვისაა მართოდენ საჭიროო, ხალხს ატყუებს და მდარე გემოვნებას უნერგავს: მანქანები თეატრალურ პირობითობას ეშხს მატებენ, ამშვენიერებენ, მაყურებელს უქმნიან ტკბილ ილუზიას, ურომლისოდაც თეატრი, ამ მხრივ ჯერ კიდევ ჯადოსნური სანახაობა, ხიბლს ჰკარგავს. „ბერენისებსა“ და „პენელოპეს“ სულაც არ სჭირდებათ არც

გაფრენა, არც ეტლები, არც გარდაქმნები; ეს აუცილებელია მხოლოდ ოპერისთვის, რომლის დანიშნულებაცაა ერთნაირად მთაჯადონს გონება, თვალი და ყური.

48

ამ ფუსფუსა ხალხმა შექმნა აქ თეატრი, მანქანები, ბალეტი, ლექსები, მუსიკა, მთელი სპექტაკლი, თვით დარბაზიც კი, სადაც წარმოდგენა იდგმება, სახურავი, კედლები, საძირკველი, — მათი ნამოქმედარია. აბა ვის ეპარება ეჭვი, რომ წყალზე გამართული ნადირობა, ჯადოსნური სუფრა¹, სასწაული ლაბირინთში,² მათივე გამოგონება არ არის? ეს მაფიქრებინა მათმა ფაცი-ფუცმა, და მათ სახეზე მოფენილმა კმაყოფილმა იერმა, როცა დამსწრე საზოგადოება აღტაცებას გამოთქვამდა ამ სანახაობის გამო. თუ ვცდები და მათ ხელი არ ურევიათ ესოდენ საუცხოო, წარმტაც და ხანგრძლივ ზეიმში, თუ ამის პროექტი მხოლოდ ერთ კაცს შეუდგენია და ხარჯებიც თავად გაუღია, მაშინ ორი რამ მანციფრებს: ყოველივე ამის შემქმნელის მშვიდი გულგრილობა და შფოთიანი აურზაური იმისა, ვისაც არაფერი გაუკეთებია.

49

საქმის მცოდნეთ ან მათ, ვინც თავს ასეთად მიიჩნევს, საბოლოო და გადამწყვეტი განაჩენი გამოაქვთ თეატრალურ წარმოდგენებზე და თან პოზიციებს იმაგრებენ, იყოფიან საწინააღმდეგო პარტიებად. თითოეული პარტია, გამსჭვალულია არა ხალხის ან სამართლიანობის ინტერესებით, არამედ რაღაც სხვა მოსაზრებით, ხოტბას ასხამს ერთ რომელიმე პოეტურ ან მუსიკალურ ნაწარმოებს და სხვა დანარჩენს სტვენით ხვდება. თავიანთ შეხედულებებს ისეთი მგზნებარებით იცავენ, რომ ერთნაირად აყენებენ ზიანს, როგორც მოწინააღმდეგეთა ბანაკს, ისე საკუთარ დაჯგუფებას. ათასგვარი დაბრკოლების შექმნით ფარ-ხმალს აყრევიან პოეტებსა და მუსიკოსებს, აფერხებენ მეცნიერებისა და ხელოვნების განვითარებას და მათ ნაყოფს დამწიფებას არ აცლიან, რადგან აღარ

¹ შანტილის ტყეში სადილი ნადირობის ეამს.

² განსაკუთრებული გემოვნებით გაწყობილი საუზმე შანტილის ლაბირინთში.

არსებობს თავისუფალი შეჯიბრი ჰემმარიტი ნიჰით დაჯილდოებულ ოსტატთა შორის, როს თითოეული მათგანი მოწოდებისა და შესაძლებლობის შესაბამისად შექმნიდა უმშვენიერეს ნაწარმოებს.

50

მაყურებელი თეატრში თავისუფლად რად იცინის, როცა ტირილის რცხვენია?.. განა ადამიანს არ შესწევს უნარი საცოდაობაზე გული აუჩუყდეს და მარტო ის ძალუძს, სასაცილოზე სიცილით გაიჭაქოს?.. იქნებ თავს იმიტომ ვიკაევებთ, ვაითუ სახე დაგვემანჭოსო? მაგრამ უსაშველოდ ხარხარი უფრო ამახინჯებს სახეს, ვიდრე მწუხარება; ამიტომაც სიცილის დროს, პირს რომ მივიბრუნებთ ხოლმე დიდებულთა და პატივსაცემ პიროვნებათა წინაშე. განა სამარცხენია ვინმემ შეგვენიშნოს, რარიგ გულჩვილნი ვართ, რარიგ სუსტნი, განსაკუთრებით მაშინ, როცა გრძნობა გვერევა მოგონილი ამბის გამო, აქაოდა არავინ იფიქროს ისე ყუყუჩი ვართ, ნამდვილი გვეგონაო. მოდით, ნურაფერს ვიტყვით დიდად სერიოზულსა და ღრმად მოაზროვნე პიროვნებებზე, რომელთაც სისუსტედ მიაჩნიათ ხარხარიცა და ცრემლის ღვრაც, და თავიანთ თავს უკრძალავენ ერთსაც და მეორესაც; აბა რას უნდა მოველოდეთ ტრაგიკული სცენიდან? გაგვაცინოს? განა ტრაგიკული სახეები ისევე არ წარმოსახვენ სინამდვილეს, როგორც კომიკური? განა შესაძლოა ჩასწვდენ ერთი ან მეორე ჟანრის რაობას, თუ არ აღელდი?.. განა ისე იოლია ჩვენი დაკმაყოფილება, რომ არც კი მოვითხოვოთ, თეატრი სიმართლეს ბაძვდეს? უცნაურობად არავის ეჩვენება, როცა რომელიმე კომიკური სცენის დროს მთელი ამფითეატრი უეცრად ახორხოცდება, ყველას ერთად აუტყდება ხარხარი, ესე იგი, კომედია თავშესაქცევია და კარგადაც სრულდება. სწორედ ამაზევე მეტყველებს დიდის გაჭირვებით შეკავებული ცრემლი და ნაძალადევი ღიმილი, რითაც ცდილობენ დამალონ მოწოლილი განცდები. ეს გახლავთ ნათელი საბუთი იმისა, რომ დიდი ტრაგედიის ბუნებრივი შედეგია ცრემლთა ღვრა და მაყურებლები ყოველგვარი დარცხვენის გარეშე, ერთმანეთისგან დაუფარავად უნდა იწმენდნენ ცრემლს. ამასთან ერთად, მაყურებელი როგორც კი თავისუფლად მიეცემა მღელვარე განცდებს, მყისვე იგრძნობს, რომ ხშირად

ცრემლთა ფრქვევა კი არ ემუქრება, არამედ საშიშროება — მოწყენილობით სული არ განუტევოს.

51

ტრაგედია დასაწყისიდანვე გულს გიკუმშავს. სულის მოთქმასა და გონზე მოსვლას არ გაცდის და თუკი ოდნავ შეგასვენებს, მხოლოდ იმიტომ, რომ ხელახლა ჩაგჩენოს ახალ უფსკრულებში, კვლავ შეგაშფოთოს და აგაწრიალოს. სიბრალულის გზით შემზარავისკენ მიჰყავხარ, ანდა პირიქით, სიბრალულისკენ — შემზარავი გზით. ცრემლთა ღვრით, ქვითინით, ყოყმანით, იმედით, შიშით, გაოცებით, შეძრწუნებით უახლოვდები კატასტროფას. როგორც ვხედავთ, ტრაგედია არ განლავთ ერთმანეთში გადახლართული ლამაზი გრძნობები, სიყვარულის ნეტარი აღიარება, სატრფიალო ურთიერთობა, საამური პორტრეტები, დაშაქრული ან თავშესაქცევი, სასაცილო სიტყვა-პასუხი, რაც იმით მთავრდება, რომ შეთქმულებს არაფრის გაგონება არ სურთ და უხერხულობის თავიდან ასაცილებლად იღვრება სისხლი ვიღაც უბედურ დღეზე გაჩენილისა, სიცოცხლის ფასად რომ უჯდება ეს ყველაფერი.

52

საკმარისი არ განლავთ, თუ კომიკურ პერსონაჟთა ჩვევები თავისი უხამსობით ზიზღს არ იწვევს. ამასთან ერთად, ზნეობრივად ამაღლებული და ჭკუის სასწავლებელიც უნდა იყოს. სასაცილო შეიძლება მოგვევლინოს ისე დამდაბლებული და უხეში სახით, ისე უაზრო და არაფრის მთქმელი, რომ პოეტს არ ეგების მასზე ყურადღება შეაჩეროს, ხოლო მაყურებელს — გაერთოს იმით. ფარსების მთხზველს შეუძლია რამდენიმე სცენაში გამოიყვანოს ვიღაც გლეხუჭა ან ლოთბაზარა, მაგრამ ჭეშმარიტ კომედიაში მათთვის ადგილი არ მოიძებნება. განა დასაშვებია ისინი წარმოადგენდნენ კომედიის ძირითად არსს და მამოძრავებელ ძალას? მეტყვიან, ასეთი ხასიათები სინამდვილეში გვხვდებოა. მაგ აზრს რომ გავყვეთ, მთელმა ამფითეატრმა უნდა უმზიროს ლაქიას, რომელიც სულ უსტვენს, ხალათში გახვეულ ავადმყოფს, ან ლოთს, რომელიც

ხვრინავს ან არწყევს? განა სინამდღლეში არ გვხვდებიან ასეთები? კოკობზიკას სჩვევია გვიან ადგეს, დღის ერთი ნაწილი სარკის წინ იტრიალოს; მორთვა-მოკაზმვას გადაგებულმა სუნამო დაიპკუროს, ხალები დაიხატოს, ბარათები მიიღოს და პასუხი გასცეს. ავდგეთ და მსახიობი ამ როლში გამოვიყვანოთ; რაც მეტ დროს დავუთმობთ ერთსა თუ ორ მოქმედებას, მით უფრო ბუნებრივი იქნება და დედანსაც არ მოსცილდება, მაგრამ ამავე დროს მოსაწყენი და უფერული პიესა შეგვრჩება ხელში.

53

რომანსა და კომედიას იმდენივე სიკეთის მოტანა შეეძლოთ, რამდენ ზიანსაც გვაყენებენ: მათში იმდენ ამაღლებულ მაგალითს ვხვდებით ერთგულებისა, სათნოებისა, სინაზისა და უანგარობისა, ისეთ მშვენიერსა და კეთილშობილ ხასიათებს, რომ ყმაწვილი ქალი თვალს ირგვლივ ამ მწვერვალებიდან როს მოაგლებს და დაინახავს მარტოოდენ უღირს ადამიანებს, რომლებიც განუზომლად დაბლა დგანან იმათზე, ვისაც ახლა შეჭფრფინვიდა წიგნის ფურცლებზე, რა თქმა უნდა, მათ მიმართ ვერ იქნება კეთილგანწყობილი

54

კორნელი უბადლოა იქ, სადაც მშვენიერია; იგი თვითმყოფელია და შეუდარებელი, მაგრამ ყოველთვის როდი უჭრის კალამი. მისი პირველი კომედიები მშრალი და გაქიანურებული იყო და ვერავინ იფიქრებდა, თუ მათი ავტორი ასეთ მწვერვალებამდე აღზევდებოდა ისევე, როგორც მისი უკანასკნელი პიესების კითხვისას განცვიფრებაში მოდიხარ, რომ მათი შემქმნელი ასე ძირს დაეცა. თვით საუკეთესო პიესებშიც კი მოჩანს ის ნაკლი, რისი პატივაც შეუძლებელია, — დეკლამატორის გატყლარკული სტილი, რაიც მოქმედებას ანელებს და ამუხრუჭებს. ლექსებში და გამოთქმებში ისეთ დაუდევრობას იჩენს, რაც დიდოსტატს არ ეგების. ყველაზე მეტად გვატყვევებს კორნელის ბრწყინვალე გონება, რისი წყალობითაც შექმნა რამდენიმე უმშვენიერესი ლექსი, რომელთა მსგავსი მანამდე არავის წაუკითხავს; ამავე გონების ნაყოფია მისი ტრაგე-

დიების აგებულებაც, იმდენად თამამი, რომ ხანდახან ანტიკური ტრაგედიების კანონებიც კი დარღვეულია. აღსანიშნავია მისი პიესების დასასრულიც, სადაც ასევე არ ემორჩილება ბერძნების გემოვნებას და მათ დიად უბრალოებას. პირიქით, მას უყვარდა სცენაზე მოვლენების დახვეება, კვანძს კი ყოველთვის დიდი წარმატებით ხსნიდა. ალტაცებას განსაკუთრებით იწვევს ის, რომ უაღრესად მრავალფეროვანი იყო თავის მრავალრიცხოვან პიესებში; არც ერთი პიესა მეორეს არ ჰგავდა. რასინის ტრაგედიებში, ღიახაც, მეტი ურთიერთმსგავსება იგრძნობა და ერთი და იგივე იღვის განმეორებაც; მაგრამ რასინი უფრო თავშეკავებულია, ყველგან ერთნაირად გამართული, ეს იქნება ჩანაფიქრი თუ ყოველთვის ნათელი და ჩამოყალიბებული, კეთილი აზრებით გამსჭვალული პიესების განვითარება, თუ მისი ესოდენ დახვეწილი ვერსიფიკაცია. მდიდარ ნატიფი, მრავალრიცხოვანი და ჰარმონიული რითმებით. იგი განუხრელად მიჰყვებოდა ანტიკური პოეტების მიერ გაკვალულ გზას, რუდუნებით ეძებდა აზრთა სიცხადესა და მოქმედების უბრალოებას. მაგრამ რასინს ისევე შეეძლო ყოფილიყო დიდებული და განსაკვიფრებელი, როგორც კორნელს არ აკლდა სითბო და ალტყინება. განა შეიძლება მეტი სინაზე, რაიც მიმოფანტულია „სიდის“, „პოლიევქტისა“ და „ჰორაციუსის“ ყოველ სტრიქონში. რა დიდებულნი, რა ამალღებული სულის პატრონნი არიან მითრიდატე, პორუსი, ბურუსი! ჯერ კიდევ გარდასულ დროთა პოეტები ეტრფოდნენ ამგვარ ვნებებს, რომელთა სცენაზე განსახიერება უყვარდათ ტრაგიკოსებს, ვნებებს, რასაც ძრწოლასა და სიბრაულს უწოდებენ და რაც ესოდენ ახლობელი იყო ამ ორი პოეტისათვის. ამის საბუთია ორესტე რასინის „ანდრომაქედან“ და მისივე ფედრა, კორნელის ოიდიპოსი და ჰორაციუსი. და თუ ნებას მომცემდით ისინი ერთმანეთისთვის შემედარებინა, გამომერჩია ის განსაკუთრებული შტრიხები, რაც მათ შემოქმედებას ახასიათებდა და ხშირად იელვებდა ხოლმე მათ თხზულებებში, ასე ვიტყვოდი: კორნელი გვაიძულებს დავემორჩილოთ მისი გმირების ხასიათებსა და მისწრაფებებს; რასინი ჩვენს ხასიათსა და მისწრაფებებს ემორჩილება. პირველი ადამიანებს ხატავს იმგვარს, როგორებიც უნდა იყვნენ, მეორე კი იმგვარს — როგორებიც არიან. პირველის გმირებს ალტაცებაში მოვყავართ და გვსურს მათ მივბაძოთ, მეორეს გმირებში

კი ვერაფერს იპოვი ისეთს, რაც სხვებისთვის ან საკუთარი თავისთვის არ შეგიძინებია. ერთი აღგვამაძლებს, გვანცვიფრებს, გვასწავლის, გვიმონებს; მეორე მოგვწონს, გვალელებს, გვათრთოლებს, სულში გვიძვრება. ის, რაც მშვენიერზე მშვენიერია, კეთილშობილზე კეთილშობილი და ძლიერზე უძლიერესი გონებაში, აღწერილია პირველის მიერ, ხოლო მეორე გადმოგვცემს იმას, რაც ტკბილზე უტკბილესია, ფაქიზზე უფაქიზესი ადამიანთა გრძნობებში. ერთს იტაცებდა შეგონებანი, წესების ქადაგება და რჩევა-დარიგება, მეორეს სულიერი მიდრეკილებანი და ვნებები. კორნელის პიესები გონებას იპყრობს, რასინისა კი გვაძრწუნებს და გულს გვიჩუყებს. კორნელი მომთხოვნელია, რასინი — დამყოლი. ასე ვიტყვოდი: ერთი ბაძავს სოფოკლეს, მეორე ევრიპიდეს მიმდევარია.

55

თუ კაცი გაჭიანურებულად ლაპარაკობს, ღობე-ყორეს ედება და ხელებს უმოწყალოდ იქნევს, ისე გაჭივის, რომ ხმა ეხლიჩება, ლამის ფილტვები გაუსკდეს, ხალხი მას მქვევრმეტყველს უწოდებს. პედანტებს ჰგონიათ, ასეთი ნიჭი მხოლოდ ორატორებს აქვთ მამაძლებული და მქვევრმეტყველება ვერ გაურჩევიათ სიტყვების რახარუხისგან, სახეების დახვევებისა და დამრგვალებული ხანებისგან.

ლოგიკა, როგორც ჩანს, ჰემმარიტების დამტკიცების უნარია, ხოლო მქვევრმეტყველება შინაგანი ძალაა, რითაც ვეუფლებით მსმენელის გულსა და გონებას, ვარწმუნებთ მას და შთავაგონებთ, რაც მოგვეპრიანება.

მქვევრმეტყველება მუღავნდება საუბარში და მწერლობის ყველა ჟანრში. იშვიათად ვპოვებთ იქ, სადაც ვეძებთ, და ზოგჯერ სწორედ იქ იმალება, სადაც არ ვეძებთ.

მქვევრმეტყველება ისევე შეეფარდება ამაღლებულ სტილს, ვითარცა მთელი ნაწილს. რა არის ამაღლებული სტილი?.. ჩანს მისი განსაზღვრა ჯერ არავის მოუხერხებია. მხატვრული სახეა? იქნებ საერთოდ სახეებიდან არის წარმოშობილი, ან თუნდაც ზოგიერთი სახიდან? ამაღლებული სტილი მწერლობის ყველა ჟანრში გამოდგება თუ მარტოოდენ საგმირო თემას მიე-

სადაგება? ნუთუ დასაშვებია, რომ ეკლოგები უშუალო მშვენიერების გარდა, კიდევ სხვა რამითაც ბრწყინავდეს, ხოლო გულისა წერილებს, ვითარც საუბარს, სიფაქიზის გარდა, სხვა რამ ამშვენებდეს? ან იქნებ უშუალობა და სიფაქიზია ამაღლებული სტილი თხზულებებისა, რასაც აგრერიგად ამკობენ ისინი? განა რა არის ამაღლებული სტილი? სად ვეძიოთ იგი?

სინონიმები სხვადასხვა სიტყვები და გამოთქმებია, ერთსა და იმავე ცნებას რომ გამოხატავენ. ანტითეზა დაპირისპირებაა ორი ჰემარიტების, ერთმანეთს რომ გამოკვეთენ. მეტაფორა ან შედარება ერთ ჰემარიტებას გადასცემს მეორე ჰემარიტებისაგან ნა-სესხებ ჩამოძვრწილსა და დამაჯერებელ სახეს. ჰიპერბოლა გადაჭარბებულად წარმოგვიდგენს ჰემარიტებას, რათა უკეთ შევიცნოთ იგი. ამაღლებული სტილი ასახავს ჰემარიტებას, თუ თემა განსაკუთრებით კეთილშობილურია: იგი მას ასახავს მთლიანად, მიხეზებითა და შედეგებით, ყველაზე შესაფერისი გამომსახველია ანუ ხატია ჰემარიტებისა. შუალანა მოაზროვნენი ვერ პოულობენ ერთადერთ ზუსტ გამოთქმას და სინონიმებს იშველიებენ. ჰაბუკებს იზიდავთ ანტითეზათა ელვარება. გონებადამჯდარი ადამიანები, სახეების ზუსტი აღწერა რომ უყვართ, რა თქმა უნდა, შედარებებითა და მეტაფორებით მეტყველებენ. ფრთაშესხმული წარმოდგენებით აღტაცებული, მგზნებარე და ცხოველი აზროვნებით დაჯილდოებული შემოქმედნი არაფრად აგდებენ კანონებს, სიზუსტეს და ჰიპერბოლების ტყვეობაში ექცევიან. ამაღლებული სტილი კი საუფლოა უნიჭიერეს ადამიანთა შორის ყველაზე ამაღლებული და კეთილშობილი ტალანტებისა.

56

მწერალმა რომ ცხადად და გასაგებად წეროს, მკითხველის ადგილზე უნდა წარმოიდგინოს თავისი თავი; საკუთარ ნაწარმოებს ისე უნდა შეხედოს, თითქოს არც დაენახოს, სულ არ იცნობდეს, პირველად კითხულობდეს და ვალდებული იყოს აზრი გამოთქვას მასზე. მერე განიმსჭვალოს რწმენით, მისი თხზულება განა იმიტომ ვერ გაიგო მკითხველმა, რომ კაცს საერთოდ მხოლოდ თავის თავისა ესმის, არამედ იმიტომ, რომ მისი წიგნის გაგება მართლაც შეუძლებელი ყოფილა.

მწერალი იმიტომ წერს, რომ ყველასთვის გასაგები იყოს; მაგრამ უნდა წეროს ისეთი რამ, რაც გაგების ღირსია. რაღა თქმა უნდა, გამოთქმები ზუსტი უნდა იყოს, სიტყვები შესაბამისი, მაგრამ ისინი უნდა გადმოსცემდნენ კეთილშობილ, ცოცხალ, ნათელ აზრებს, გამსჭვალულს კეთილგონიერებით. რა ბედენაა, ან ვის რად უნდა, ცხადად და მკაფიოდ გამოხატო სისხლდაცლილი, უსარგებლო და მოძველებული აზრები. აბა რას არგებს მკითხველს უაზრო, გულუბრყვილო, მოსაწყენი და ათასჯერ გადაღეჭილი მოსაზრებებით გატენილი წიგნები, რომელთაც ადვილად და ძალდაუტანებლად იგებს? რად უნდა ესმოდეს ავტორის აზრები და მის ნაშრომზე თვლემდეს?

თუკი მწერალი იღვწის ღრმა აზრები ჩააქსოვოს თავის ნაწერებში, თუ ყოველ სიტყვას აჩუქურთმებს და აელვარებს, ხანდახან ზედმეტიც კი მოსდის, ეს ნიშანია იმისა, რომ მკითხველზე კარგი წარმოდგენა აქვს.

კითხულობ სხვადასხვა პარტიისა და დაჯგუფების მწერალთა წიგნებს და უკმაყოფილების გრძნობა გიპყრობს, რადგან ხედავ, სიმართლეს დალატობენ. ფაქტები გაყალბებულია, დესაბუთება ღრმად არ არის გააზრებული და არც დაზუსტებული; ყველაზე მეტად კი მოთმინებას გაკარგვინებს ის, რომ უნდა იკითხო უთვალავი უხეში და უწმაწური გამოთქმები, რითაც ერთმანეთს მიმართავენ დარბაისელი ვაჟბატონები, ამა თუ იმ დოქტრინის პრინციპებისა და სადავო საკითხების დასაცავად, ერთმანეთს რომ პირადად შეურაცხყოფენ. ამგვარი ნაშრომები იმით გამოირჩევიან, რომ ერთხანს სრულიად დაუმსახურებლად გაითქვამენ სახელს და ისევე დაუმსახურებლად მივიწყებას ეძლევიან, როს ვნებათა ქარცეცხლი იფერფლება და მათში განხილული საკითხები შარშანდელ წელს ჰბარდება.

ერთნი სახელისა და დიდების ღირსნი არიან იმის გამო, რომ კარგად წერენ, მეორენი კი იმის გამო, რომ სულ არ წერენ.

აგერ ოცი წელია, რაც სწორად დავიწყეთ წერა და კონსტრუქციების მონანი გავხდით. ენა ახალი სიტყვებით გამდიდრდა, ლათინიზმების უღელი მოიშორა და სტილიც წმინდა ფრანგული ფრაზებით დაიხვეწა: ხელახლა აღმოვაჩინეთ კეთილმშობლების კანონები, რაც პირველად მალერბმა და ბალზაკმა მოიძიეს და მათმა მომდევნო მწერლებმა ქარს გაატანეს. ახლა ისე თავგამოდებით ცდილობენ ჩამოაყალიბონ მეტყველება, რომ მასში დახვეწილი გონებაც გამოსჰვივის უნებლიეთ.

ვიცნობ ხელოვნების ოსტატებსა და მეცნიერთ, რომელთა გონება ისევე ყოვლისმომცველია, ვით ხელოვნება და მეცნიერება, თავად რომ ემსახურებიან. ზეგარდმო ნიჭითა და ალლოთი აღჭურვილნი ხელოვნებასა და მეცნიერებას გადაჭარბებითაც კი უბრუნებენ იმას, რაც მათგან მიუღიათ. ოდესღაც შეგირდნი, ღღეს კეთილშობილებას მატებენ ხელოვნებას, არღვევენ მის კანონებს, თუკი ისინი დიდებულისა და ამადლებულისკენ ვერ მიუძღვიან; მიეშურებიან მარტოდმარტონი, უთანამგზავრებოდ იკაფავენ გზას და, მიიწევენ სულ ზევით, იჭრებიან შორეულ სამყაროში, მარად საკუთარ თავში დარწმუნებულნი, რამეთუ ხედავენ რა სარგებლობა მოაქვს კანონებიდან გადახვევას. კეთილგონიერი, თვინაერი და თავდაპირილი ადამიანები ასეთ სიმადლებებს ვერ აღწევენ და არათუ აღტაცებით შესცქერიან, არაფერი ესმით მათი, მიბაძვაზე ლაპარაკიც ხომ ზედმეტია. არხეინად განისვენებენ თავიანთი შესაძლებლობის სფეროში, საზღვრების დარღვევა აინუნშიც არ მოსდით, საზღვრებისა, რაიც მათი უნარისა და გონების მიჯნას წარმოადგენს და რისი გადალახვაც არ სურთ, ვინაიდან იმის იქით ვერაფერს ხედავენ. მარტოოდენ შეუძლიათ, იყვნენ რჩეულნი მეორე-ზარისხოვანთა შორის და შუალანათა წრეში ბრწყინავდნენ.

გავბედავ და ვიტყვი, არსებობენ მეორეხარისხოვანი გონებით აღჭურვილი ადამიანები, თითქოსდა შექმნილნი იმისთვის, რომ წარ-

მოადგენდნენ კრებულს, ნუსხებს, საწყობებს სხვა მწერლებისა. ისინი პლაგიატორები, მთარგმნელები, კომპილატორები არიან: თავად ფიქრი არ შეუძლიათ, ფიქრობენ იმას, რაც მწერლებს უფიქრიათ და რაკი აზრთა შერჩევაც შემოქმედებაა, არჩევანიც უვარგისი და უგერგილო აქვთ. ამის შედეგად იხსომებენ ბევრს და არა საუკეთესოს. საკუთარი არაფერი გააჩნიათ, ისიც კი არ იციან, რაც უსწავლიათ: სწავლობენ მხოლოდ იმას, რაც არავის სურს იცოდეს. ითვისებენ ყოველივე უსარგებლოს, გამოფიტულს, უფერულსა და უსიამოვნოს, რაც არავის აინტერესებს, მიგდებულა და გაუქმებული მონეტის მსგავსად ფასდაკარგულია. გაგაკვირვებთ მათი ნაკითხობა და თავს მოგაბეზრებთ მათთან საუბარი ანდა მათი წიგნების კითხვა. დიდებულებისა და მღაბითა წინაშე მეცნიერებად საღდებიან, ხოლო სწავლულები მათ პედანტებად თვლიან.

63

კრიტიკა ზოგჯერ მეცნიერება კი არა, ხელობაა, რაიც გამძლეობას უფრო მოითხოვს, ვიდრე გონიერებას, უფრო სიბეჯითეს, ვიდრე ნიქს, უფრო ჩვევას, ვიდრე ტალანტს. თუ მას ეუფლება გამჭრიახი კი არა, ნაკითხი ადამიანი და ნაწარმოებებს თავისი გემოვნების მიხედვით არჩევს, ასეთი კრიტიკა რყვნის მკითხველსაცა და ავტორსაც.

64

გადამწერლად დაბადებულ მწერალს, თავმდაბლობის წყალობით სხვის ნაკვალევს რომ მიჰყვება, ვურჩევ, სანიმუშოდ იმგვარი თხზულებანი შეარჩიოს, სადაც მოჩანს გონიერება, შთაგონება და განსწავლულობაც კი. რა ვუყოთ, თუ დედანს ვერ გაუტოლდება, სამაგიეროდ მიუახლოვდება და იმას მაინც მიაღწევს, რომ მისი წიგნი წაიკითხონ. და პირიქით, წყალქვეშა მეჩჩეხებით უნდა მოერიდოს იმ მწერლების მიბაძვას, ვინც განწყობილების მიხედვით, გულის კარნახით წერს, ვინც, ასე ვთქვათ, მთელი სულითა და ხორციით იღვწის გამოთქმებისა და სახეების საპოვნელად, რათა შემდეგ ქალაქში გადაიტანოს: ამ ყაიდის მწერალთა მიბაძვა სახიფათოა, რადგან შეუძლია ყოვლად უბადრუკი, გამოშიგნული და

ყბადასალები ნაწარმოები დაგაწერინოს. მართლაცდა გამეცინებო-
და იმ კაცზე, ვინც მოინდომებდა ჩემი ხმისთვის წაებაა და პი-
რისახითაც დამმსგავსებოდა.

65

ქრისტიანად და ფრანგად დაბადებულ კაცს სატირის სფერო-
ში არაფერი ესაქმება; დიდად მნიშვნელოვანი თემები მისთვის აკრ-
ძალუღია. ხანდახან კიდევ წაეპოტინება, მაგრამ უმალ უმნიშვნე-
ლო საკითხებს უბრუნდება და მათ თავისი ნიჭიერებისა და მშვენი-
ერი სტილის წყალობით ამაღლებული ნაწარმოების საფუძვლად
გადააქცევს.

66

უნდა ერიდო სტილის უმიზნო და ბავშვურ შელამაზებას, თუ
არ გსურს დაემსგავსო დორილასა და ჰანდბურგს. ის კი არა, არა-
ფერი დაშავდება, თუ გაბედავ და ზოგიერთ ნაწარმოებში იხმარ
თავისუფალ გამოთქმებს, სიტყვებს გადატანითი მნიშვნელობით და
გამოძერწავ ცოცხალ სახეებს. ოღონდ, ნუ დაივიწყებთ, შეიბრალოთ
მწერლები, რომელთაც ამგვარი გამოთქმები და სახეები ვერავითარ
სიამოვნებას ვერ ანიჭებს ვერც საკუთარსა და ვერც სხვის ნა-
წარმოებში.

67

ის, ვინც წერს მარტოოდენ თავისი ეპოქის გემოვნებისდა მი-
ხედვით, უფრო საკუთარ თავზე ზრუნავს, ვიდრე თავის ნაწარმოებ-
ზე. მარად უნდა ისწრაფოდე სრულყოფისკენ და თუ თანამედრო-
ვენი სამართლიანნი ვერ იქნებიან ჩვენს მიმართ, შთამომავალნი სა-
თანადოდ დაგვაფასებენ.

68

სასაცილოს ნუ ვეძიებთ იქ, სადაც არ არის: ეს გემოვნებას
შეგვიბღალავს, შებიღწავს როგორც ჩვენს, ისე სხვათა მსჯელო-
ბას. მაგრამ თუ სადმე მართლაც შევნიშნეთ სასაცილო, თვალს ნუ
ავარიდებთ და ისე ფაქიზად გამოვამზეუროთ, რომ საამოც იყოს
და ჭკუის სასწავლებელიც.

„ჰორაციუსსა და ლებრეოს თქვენზე აღრე უთქვამთ ეს“. ყაბულ-

სა ვარ, მაგრამ მე მაინც ჩემსას ვიტყვი. განა არ შეიძლება მათ შემდეგ მეც მომივიდეს თავში მართალი აზრი, ხოლო ჩემ შემდეგ ასეთი ფიქრი სხვასაც დაეხადოს?

თავი მეორე

აღამიანის პირადი ღირსების შესახებ

1

თვით იშვიათი ნიჭითა და მაღალი ღირსებებით დაჯილდოებულ პიროვნებასაც კი განა ძალუძს დაეჭედეს თავის არარაობაში, თუმცა შეცნობილი აქვს, რომ მოკვდება და ქვეყნად არავინ შენიშნავს მის გაქრობას, ხოლო მის ადგილს მყისვე სხვები დაიკავენ?

2

ბევრს გვარის გარდა სხვა ღირსება არ გააჩნია. ახლოდან შეხედავ და არარაობაა, შორიდან კი საპატიო კაცად მოგეჩვენება.

3

დარწმუნებული ვარ, სხვადასხვა თანამდებობის პირნი, შესაბამისად თავიანთი უნარისა და მიდრეკილებისა, კარგად უძღვევიან საქმეს; მაგრამ გავბედავ და მოგახსენებთ, არსებობს მრავალი ადამიანი, ცნობილი თუ უცნობი, რომლებიც ასევე კარგად გაუძღვებოდნენ ამ საქმეს, თუკი თანამდებობას მისცემდნენ. ეს აზრი იმიტომ დამებადა, რომ თავად მინახავს, რაიმე ადგილზე შემთხვევით მოხვედრილ კაცს წარჩინებით გამოუჩენია თავი, თუმცა მანამდე დიდს არაფერს მოელოდნენ მისგან.

რამდენი შესანიშნავი ადამიანი, მაღალნიჭიერი და უებრო ისე მომკვდარა, რომ მასზე არაფერი თქმულა! რამდენი ამჟამადაც

ცოცხალია, მაგრამ მათზეც არაფერს ამბობენ და არც არასოდეს იტყვიან!

4

რარიგ უჭირს კაცს, რომელიც არც ერთ კორპორაციას და დაჯგუფებას არ მიეკუთვნება, ეულად გამდგარა და სარეკომენდაციოდ საკუთარი ღირსების გარდა არაფერი გააჩნია; რარიგ უჭირს ბნელეთიდან მზის სინათლეზე ამოტივტივდეს და ბედის ნებიერ ყეყეჩს გაუტოლდეს!

5

თთქმის არავინ იწუხებს თავს, სხვის ღირსებებზე იფიქროს. ადამიანები ნიადაგ საკუთარ თავზე ზრუნავენ და არა სცალიათ ვინმეს სულში შეიჭრნენ და შეაფასონ იგი. ამიტომაა მრავალი ღირსებით შემკულ კაცს და მეტისმეტად მოკრძალებულს, დიდხანს არავინ სცნობს.

6

ზოგს ნიჭი და ტალანტი არ ეძლევა, ზოგსაც მათი გამოვლინების შესაძლებლობა. ამიტომ ადამიანი მარტო იმით კი არ უნდა შეაფასოთ, რა გააკეთა, არამედ იმითაც, რისი გაკეთება შეეძლო.

7

უფრო ხშირად შეხვდები ჰკვიან კაცს, ვიდრე ისეთს, თავისი ჰკუის გამოყენება რომ შეუძლია ან უნარი შესწევს სხვისი ჰკუა შეაფასოს და სათანადოდ გამოიყენოს.

8

ხელსაწყოები გაცილებით მეტია, ვიდრე ხელოსნები, ხოლო ცუდი ხელოსანი ჰარბობს კარგს. რას იტყოდით კაცზე, რომელიც შალაშინით დააპირებდა ხერხვას, ხერხით კი გაშალაშინებდა?

მეტად უმაღლური ხელობა აურჩევია იმას, ვისაც მოუწადინებია დიდი სახელის მოხვეჭა. როცა ცალი ფეხით სამარეში ჩადგება, მისი ნაშრომი მხოლოდ მაშინ დაიწყებს აღმოცენებას.

10

რა მოვუხერხოთ ეყეზიპს, ადგილს რომ ითხოვს? საფინანსო დარგში მოვაწყოთ თუ სამხედრო სამსახურში? ეგ სულ ერთია, მთავარია შემოსავალი რა ექნება, რამეთუ მას ისევე ეხერხება ფულის თვლა და ანგარიში, როგორც იარაღის ტარება. მისი მეგობრები გვარწმუნებენ, ყველაფერი ემარჯვებოდ, რაც იმას ნიშნავს, არც ერთი ემარჯვება და არც მეორე. უბრალოდ რომ ვთქვათ, არაფრის მაქნისია. ასევეა ადამიანთა უმრავლესობა, სიყმაწვილეში საკუთარ თავს რომ ელოლიავენ; სიზარმაცითა და გართობებით გარყვნილთ ჰგონიათ, ხანდაზმულობისას თუ ხელი მოეცაართ და გაუჭირდათ, რესპუბლიკა ვალდებულია უმაღლ ადგილი მოუძებნოს და დახმარება გაუწიოს. იშვიათად ითვალისწინებენ ჰკუთისასწავლებელ ჰემ-მარიტებას: კაცი ყრმობიდანვე უნდა ცდილობდეს სწავლითა თუ შრომით ისეთ მდგომარეობას მიაღწიოს, რომ თვით რესპუბლიკას დასჭირდეს მისი უნარიცა და განათლებაც; გახდეს სახელმწიფო ორგანიზმის განუყოფელი ნაწილი. მაშინ სახელმწიფო ისევ საკუთარი გამორჩენისთვის არაფერს დაზოგავს მისი კეთილდღეობისა და გამდიდრებისთვის. თითოეული ჩვენთაგანი უნდა ვიღვწოდეთ, თანამდებობის ღირსი ვიყოთ. დანარჩენი ჩვენ არ გვეკითხება, სხვების საქმეა.

11

ჯობს გაფასებდნენ სხვათა შემწეობით კი არა, საკუთარი ღირსებების გამო, ანდა სულაც არ გაფასებდნენ. აი, ცხოვრებაში მეტად გამოსადეგი და ფასდაუდებელი ჰემმარიტება მოკრძალებულთათვის, სათნოთათვის, გონიერთათვის. იგი მათ საკუთარი ბედ-იღბლისა და სიმშვიდის ბატონ-პატრონად აქცევს. ოღონდ ეს ჰემმარიტება დამლუპველია ამა სოფლის ძლიერთათვის, რამეთუ ძალუძს შე-

ამციროს მათი მათემატიკის ანუ მონების რიცხვი; შეუტყოს ძალა-
უფლება, შეუბღალოს ავტორიტეტი და თავმოსაწონებლად სხვა არა
დაუტოვოს რა, გარდა ნუგბარ-ნუგბარი კერძებისა და ზიმზიმა ეტ-
ლებისა. მათ მოაკლდებათ ნეტარება განცდისა, როცა თხოვნით მი-
მართავენ, ეხვეწებიან, ემუდარებიან, ისინი კი აცდევინებენ ან უა-
რით ისტუმრებენ, ჰპირდებიან და დანაპირებს არ უსრულებენ.
მათ ხელი შეეშლებათ ჩვეულებისამებრ მფარველობა გაუწიონ
ვიღაც შტერს, დააწინაურონ, ამოატივტივონ; ხოლო მიწასთან გა-
სწორონ კაცი, თუკი შეიცნეს, რომ ის ღირსეული ადამიანია. ეს
ქეშმარიტება სამეფო კარიდან განდევნის თაღლითობას, ცბიერე-
ბას, სიმდაბლეს, ფარისევლობას, ოინბაზობას. სამეფო კარს, სადაც
დღეს დაუცხრომელი ვნებები ბობოქრობენ და ინტრიგების ფა-
რული ხლართები იბმება, კომიკურ ან ტრაგეკულ თეატრად გა-
დააქცევს და მაცურებლები მარტოოდენ ბრძენნი იქნებიან. ყველა
წოდების ადამიანს ღირსებას დაუბრუნებს და პირზე სიმშვიდეს
მოჰფენს; თავისუფლებას მიანიჭებს და თანდაყოლილ ნიჭთან ერ-
თად გაულრმავეებს შრომისა და საქმიანობის ჩვევებს; აღუძრავს
სურვილს სახელის მოხვეჭისა, სათნოებისა. ბილწ, მოფუსფუსე,
უქნარა კარისკაცებს, სახელმწიფოსთვის ზიანის მეტი რომ არაფე-
რი მოაქვთ, გადააქცევს ან ბრძენ მეურვეებად, ან ოჯახის შესანიშ-
ნავ მამებად, ან კიდევ უანგარო მოსამართლეებად, სანიმუშო მე-
ომრებად, ორატორებად, ფილოსოფოსებად და სხვა უხერხულო-
ბას არაფერს შექმნის გარდა იმისა, რომ მათი მემკვიდრეები ნაკ-
ლებ სიმდიდრეს მიიღებენ და მეტ კარგ მაგალითს.

12

ხასიათის დიდი სიმტკიცითა და ჭკუა-გონების სიღრმით უნდა
გამოირჩეოდეს კაცი საფრანგეთში, რომ იოლად გავიდეს სამსახუ-
რისა და თანამდებობის გარეშე; ოჯახში გამოიკეტოს და არაფერი
გააკეთოს. თითქმის არავის გააჩნია ნიჭი, ეს როლი ღირსეულად
შეასრულოს, და არც სულიერი სიმდიდრე, თავისუფალი დრო
მონადრომოს ისეთ რამეს, რასაც მდაბიონი „საქმეს“ არ უწოდებენ.
უკეთესი სახელწოდების ღირსია საქმიანობა ბრძენისა, რომლის
ფიქრებს, საუბარს, კითხვას და მყუდროებას შრომა უნდა ერქვას.

მაღალი თანამდებობის პირი, თუ ის ღირსეული პიროვნებაა, პატივმოყვარეობით არავის აწუხებს სამსახურში. სიამაყე რა მოსატანია, პირიქით, დამცირებულადაც კი თვლის თავს, რადგან გრძნობს, შეეძლო გაძლოლოდა უფრო მაღალ თანამდებობას და ღირსიც არის ამისა. ის არც ქედმაღალია და არც კადნიერი, თავის თავით უკმაყოფილოა და ეს აწუხებს მხოლოდ.

ღირსეულ პიროვნებას უჭირს მეფის კარზე ნიადაგ ტრიალი და ამის მიზეზი სულაც არ გახლავთ ის, რაც შეიძლება გეგონოთ. ღირსეული პიროვნება მეტისმეტად მოკრძალებულია და ვერც წარმოუდგენია, თუ მეფეს იოტისოდენად მაინც სიამოვნებს წამლაუწუმ ფეხებში ებლანდებოდეს, სულ მის ცხვირწინ ცმუკავდეს და დაუსრულებელ ყურადღებას იპყრობდეს. პირიქით, დარწმუნებულია, რომ თავს აბეზრებს და მხოლოდ მაშინ ეახლება, როცა სავალდებულო და აუცილებელია. ხოლო კაცს, ვისაც თავი დიდი ვინმე ჰგონია და ვისაც მდაბიონი მეტიჩარას უწოდებენ, უყვარს ხშირი სტუმრობა და იმდენად ლაღად თითლიბაზობს, რამდენადაც არ ძალუძს წარმოიდგინოს, რომ მისი შემხედვარე დიდებულნი სულ არ ფიქრობენ იმას, რასაც თვით ფიქრობს საკუთარ თავზე.

პატიოსანი კაცი კეთილსინდისიერად ასრულებს თავის მოვალეობას და საკუთარ თავს აჯილდოებს იმით, რომ კმაყოფილებას განიცდის და ჩირადაც არ მიაჩნია სხვების ქება-დიდება, მადლობა და პატივისცემა, რაც არცთუ იშვიათად აკლია.

თუ გავბედავ და ერთმანეთს შევადარებ ორ, სრულიად სხვადასხვა მდგომარეობის ადამიანს, ვიტყვი, რომ მამაცი მეომარი ისევე ასრულებს თავის მოვალეობას, როგორც ოსტატი ხურავს

სახლს. არც ერთი მათგანი არ ეძიებს საფრთხეს და არც გაურბის. მათთვის სიკვდილი ხელობასთან დაკავშირებული, თითქმის აუცილებელი უსიამოვნებაა. როგორც მემომარი არ დაიწყებს ტრაბახს, აქაოდა სანგარში ჩაქვერი, შეტევაზე გადავედი ანდა სიმაგრე, ავიღეო, ასევე მხურავი არ დაიქადნის, მაღალ შენობაზე ან სამრეკლოზე ავცოცდიო. ორთავე იღვწის, რაც შეიძლება უკეთ შეასრულოს თავისი მოვალეობა, ხოლო ყოყლოჩინა სულ იმას ფიქრობს, ჩემს საქმიანობაზე სხვები რას იტყვიანო.

17

ღირსეულ კაცს მოკრძალება ისევე ესაჭიროება, ვით მხატვრის ტილოზე ფიგურებს ფონი. იგი მას მატებს ძალასა და გამომსახველობას.

18

გარეგნული უბრალოება შუალანა ხალხის სამოსია, მათ ზომანზე გამოჭრილი და შეკერილი. მაგრამ იგი სამკაულია მათთვის. ვისაც აღუსრულებია საქმენი სასიქადულო. მე მათ ვაღარებ მშვენიერ ქალს, რომელიც მით უფრო მომხიბვლელია, რაც ნაკლებად ზრუნავს თავის სილამაზეზე.

საკუთარი თავით კმაყოფილ ზოგიერთ კაცს, თუ ცოტა ისეთი რამ შეუქმნია, რაც სხვებს მოსწონებია, რაკი ყური მოუკრავს, დიდ ადამიანებს თავმდაბლობა ამშვენებსო, ჰყოფნის გაბედულება და თავმდაბლობას იჩემებს, აქაოდა შემხედდეთ, რა უბრალო და უშუალო ვარო. იგი ემსგავსება ქონდრისკაცს, კარებში შესვლისას რომ იხრება, თავი არ მივარტყაო.

19

თქვენი ვაჟი ენაბლუა, ტრიბუნაზე ნუ გამოიყვანთ. თქვენი ასული სიამტკბილობისთვის დაბადებულა, ამორძალებში ნუ ჩარიცხავთ. თქვენი ნაყმევი ქსანტუსი სუსტია და მორცხვი: ნუ დააყოვნებთ და ლეგიონიდან გამოიყვანეთ, ჭარიდან იხსენით. „მე მსურს წინ წაიწიოს“, — მეუბნებით. კი ბატონო, აავსეთ ყოველ-

გვარი სიკეთით, აჩუქეთ მიწები, მამულები, მიაღებინეთ ტიტულე-
ბი; ფეხი აუწყვეთ ღროს, ჩვენს ეპოქას, სადაც სიმდიდრე მეტ
პატივს მოუტანს, ვიდრე ყოველგვარი სათნოება. „ეგ რომ ძალიან
ძვირი დამიჯდება“ — დასძენთ თქვენ. ხუმრობთ, კრასუს? ეს ხომ
თქვენთვის ტიბრიდან ამოღებული წვეთია! ნუთუ მოწყალება არ
უნდა გაიღოთ ქსანტუსისათვის, ვინც ასე უზომოდ გიყვართ და
ვინც უთუოდ თავსლავს დაისხამს თუ ამ შეუფერებელი სამსახუ-
რიდან არ გამოიყვანეთ.

20

მეგობრებში მარტოოდენ იმ ღირსებებს უნდა ვეძებდეთ, რაიც
ჩვენ მათთან გვაკავშირებს და არა იმას, ცხოვრებაში ბედმა გაუღი-
მა თუ არა. და თუ დარწმუნებული ვართ, გაჭირვებაში უყოყმანოდ
მხარში ამოვუდგებით, თამამად შეგვიძლია ვმეგობრობდეთ და
გვერდიდან არ ვცილდებოდეთ მაშინაც კი, როცა კეთილდღეობას
მიაღწევენ.

21

თუკი ყოველგვარ იშვიათობას აღტაცებაში მოგყავართ, მაშ,
რატომ ვართ აგრე გულგრილნი სათნოებისადმი?

22

აბა რა სჯობს, თუ ადამიანი მაღალი წარმოშობისაა, მაგრამ არც
ისაა ურიგო, როცა მის წარმოშობას აღარავინ კითხულობს.

23

ღროდადრო დედამიწაზე იბადებიან რჩეული და შესანიშნავი
ადამიანები, სათნოებით რომ ბრწყინავენ და მაღალი ზნეობით კამ-
კაშებენ, მსგავსად იმ საოცარი ვარსკვლავებისა, რომელთა გამო-
ჩენა და გაქრობა ჩვენთვის იღუმალეებითაა მოცული; ამგვარ ადა-
მიანებს არც წინაპრები ჰყავთ და არც უთამომავლობა: თავად შე-
ადგენენ თავიანთ საგვარეულოს.

ამაღლებული გონება მიგვივითებს, რა მოვალეობა გვაკისრია და როგორ ვემსახუროთ მას. თუ საფრთხე გველის, უკან არ დავიხიოთ. იგი შთაგვაგონებს სიმამაცეს, ან თვით გვევლინება მის შემცვლელად.

როს ადამიანი ეუფლება თავის ხელოვნებას და იღვწის მისი სრულყოფისათვის, უკვე სცილდება ამ ხელოვნების საზღვრებს და ეტოლება ყველა კეთილშობილსა და ამაღლებული გონების დიდოსტატებს. „ვ“ მხატვარია, „კ“ მუსიკოსი, „პირამის“ ავტორი პოეტია: მაგრამ მინიარი — მინიარია, ლული — ლულია, და კორნელი — კორნელია.

თავისუფალ კაცს, თუ უცოლოა იგი და თან გონიერი, შეუძლია მიაღწიოს იმაზე მაღალ მდგომარეობას, რაც წარმოშობით მიეკუთვნა. მაღალ საზოგადოებაშიც შეაღწევს და ტოლსაც არ დაუდებს თვით ყველაზე სახელოვან პიროვნებებს. ცოლიანისთვის კი ეს არ გახლავთ იოლი საქმე. დაოჯახება თითქოსდა საკუთარ ჩარჩოებში ამწყვდევს ადამიანს.

უნდა ვალიაოთ, რომ პირადი ღირსებების გარდა, ადამიანს პეწსა და ბრწყინვალეობას მატებს მაღალი თანამდებობა და ტიტულები. ვისაც არ ძალუძს იყოს ერაზმი, უნდა ეცადოს ეპისკოპოსი გახდეს. სახელის მოსახვეჭად ზოგი იღვწის მიიღოს პერობა, ორდენის ოქროს ძეწკვი, ძოწეული, ოცნებობენ ტიარაზე. მაგრამ რა თავში იხლის ტროფიმი კარდინალობას?

თქვენ ამბობთ, ფილემონის ტანსაცმელზე ოქრო ბზინავსო; ვაჭრებსაც ხომ უბრწყინავთ ოქრო? ფილემონი სამოსს საუკეთესო

ქსოვილებიდან იკერავსო. განა ღუქნებში თოფობით არაა გამოფენილი საუკეთესო ქსოვილები? და თუ ნაქარგითა და ორნამენტებითაა დამშვენებული, ვაშა, ხელოსანსა და მის ნახელავს! როცა ფილემონს ჰკითხავენ, რომელი საათიაო, ამოიღებს საათს, მაგრამ რა საათს! ოქრომჭედლობის შედეგს! დაშნის ყუა ონქისისა აქვს. თითზე ისეთი უზადო და უზარმაზარი ბრილიანტი უკეთია, მისი ელვარება დაგაბრმავებს. არ აკლია არც ერთი ზიზილ-პიპილო, რაც ჩამოკონწიალებული აქვთ თავმოსაწონებლად და არა საჭიროებისათვის. აღკაზმულია ყოველგვარი სამკაულთ, ვით ჭაბუკი, მდიდარ ბებრუხანაზე დაქორწინებული. ბოლოს და ბოლოს ცნობისმოყვარეობა გამიღვიძეთ, მართლაც ღირს ვნახო ასეთი ძვირფასი ნივთები. გამომიგზავნეთ მისი ტანსაცმელი და სამკაულები, თვით ფილემონი კი თქვენთვის დამითმია.

ცდები, ფილემონ, თუკი გგონია შენი ბრწყინვალე ეტლით, უსაქმურთა ჯოგით, კუდში რომ დაგდევს, ექვსი პირუტყვით, შენს ეტლს რომ მიათრევს, უფრო მეტ პატივისცემას იმსახურებ. მოგაცილებენ მაგ ნათხოვარ ზიზილ-პიპილებს, სულში ჩავიძვრებიან და ხელში შერჩებათ ის, რაცა ხარ, კონტაპარუწა ყეყეჩი.

რას იზამ, ზოგჯერ უნდა შეუენდო კაცს, ვისაც მრავალრიცხოვანი ამაღა შესციცინებს, მდიდრულად აცვია და ზიმზიმა ეტლი შეუქენია. მას ჰგონია ვერავენ გაუტოლდება წარმოშობითა და გონიერებათ: ეს იმათ თვალეში ამოიკითხა, ვინც გარს ახვევია.

სამეფო კარზე და ქალაქის ქუჩებშიც ხშირად შეხვდებით კაცს, რომელსაც აბრეშუმის ან პოლანდიური მაულის მანტია მოუსხამს, ფართო ქამარი მუცლის ზემოთ შემოურტყამს, ტარსიკონის ფეხსამოსი ჩაუცვამს, ასეთივე ჩაჩიც დაუსკუპებია, გულმოდგინედ დაკეცილი ჟაბო გაუკეთებია, ქოჩორი პეწიანად გადაუვარცხნია და თან ლოყებიც უღაუღაუებს. მას ზოგი რამ ახსოვს მეტაფიზიკის საწყისებიდან; აგინსნის, თუ რა არის ციალი შარავანდელისა და როგორ ჭერეტენ წმიდანები ღმერთს. ასეთ კაცს მეცნიერებათა დოქტორს ეძახიან. მეორე კაცი, მოკრძალებული, კაბინეტში ჩამწყვდეული და მიმალული, აზროვნებს, ეძიებს, მასალებს აგრო-

ვებს და ერთმანეთს ადარებს, კითხულობს ან წერს თავისი დღე და მოსწრება, და მას პედანტად ნათლავენ.

30

ჩვენში ჯარისკაცი მამაცია, მოსამართლე — სწავლული და მეტი არაფერი. რომაელებში მოსამართლე მამაცი იყო, ჯარისკაცი — სწავლული. რომაელი ჯარისკაციც იყო და მოსამართლეს.

31

მე მეგონი გმირს მხოლოდ მეომართა წოდება წარმოშობს. დიდი ადამიანები კი ყველა წოდების შვილნი არიან, მართლმსაჯულების, სამხედროების, სწავლულების, კარისკაცების. მაგრამ არც ერთი და არც მეორე ნამუსიანი კაცის ფრჩხილადაც არა ღირან.

32

ომის ღროს გმირსა და ღიად პიროვნებას შორის განსხვავება ძნელი შესამჩნევია. ერთიც და მეორეც მეომრის ყოველგვარი ღირსებით უნდა იყოს აღჭურვილი. და მაინც, ვფიქრობ, პირველი უთუოდ ჭაბუკია, მოქნილი, მამაცი, შეუდრეკელი, უშიშარი, ხოლო მეორე — საღი გონების პატრონი, შორსმჭვრეტელი, ნიჭიერებითა და გამოცდილებით აღსავსე. იქნებ ალექსანდრე მხოლოდ გმირი იყო, კეისარი კი ღიადი პიროვნება.

33

ემილი თავიდანვე დაიბადა ისეთი, რასაც თვით უშესანიშნავეს-მა პიროვნებამ მკაცრი წესრიგის, ღრმა აზროვნებისა და ხანგრძლივი ვარჯიშის შედეგად უნდა მიაღწიოს. ყრმობიდანვე არაფერი სჭირდებოდა, გარდა იმისა, რომ მიჰყოლოდა თანდაყოლილ ნიჭსა და გენიას, ყური დაეგდო საკუთარი გონების კარნახისთვის. უკვე მანამდე მოქმედებდა და საქმიანობდა, სანამ ცოდნას შეიძენდა. უფრო სწორად — მან უკვე იცოდა ის, რაც არაოდეს უს-

წავლია. მეტსაც გეტყვით: ბაღლობისას, თამაშ-თამაშით მრავალ გამარჯვებას მიაღწია. უზომო ბედნიერებით გაციხკროვნებულს და დიდი გამოცდილებით მდიდარ მის ცხოვრებას სახელის მოსახვეჭად ისიც ეყოფოდა, რაც ჭაბუკობის ჟამს მოიმოქმედა. შემდგომშიაც, თუკი შემთხვევა მიეცემოდა, მარად იმარჯვებდა და რომც არ გამოსჩენოდა შემთხვევა, საკუთარი ღირსება ან ბედის ვარსკვლავი თავად უქმნიდა საქმეთ საგმიროდ. აღტაცებას იწვევდა არა მარტო ის, რაც მოიმოქმედა, არამედ ისიც, რაც შეეძლო მოემოქმედა. მტერს არაფერს უთმობდა, არავითარი დაბრკოლების წინაშე ქედს არ იხრიდა, არ უშინდებოდა მრავალრიცხოვან მოწინააღმდეგესაც კი. ხოტბას ასხამდნენ მის სხივმოსილ გონებას, რაიც ჭკრეტდა იმას, რასაც სხვები ვერც კი ამჩნევდნენ. აღიღებდნენ ვით მხედართმთავარს, რომლის მხედართმთავრობა ლაშქრისთვის გამარჯვების საწინდარი იყო უკვე და თავად უტოლდებოდა მრავალ ლაშქარს. დიადი იყო, როცა ბედი სწყალობდა, აფუფუნებდა, ხოლო უდიადესი, როცა ბედი უმუხთლებდა. უკანდახვევის სიმწარე უფრო მეტად აკეთილშობილებდა, ვიდრე გამარჯვების ზეიმი. ყველა მოგებულ ბრძოლას და ქალაქების აღებას მხოლოდ მის უნარს აწერდნენ. სახელმთხვეჭილ გმირს ამშვენებდა თავმდაბლობა და რიდი. ისეთივე უშუალოებით და მომხიბვლოებით იტყოდა: „გამოვიქეცი“, როგორც ამბობდა: „დავამარცხეთ“. იყო ერთგული სამეფოსი, ოჯახის და გვარის უფროსისა, სპეტაკი ღვთისა და კაცთა წინაშე. თავყანს სცემდა ჭეშმარიტ ღირსებებსა და სიქველეს, თითქოს თავად არ გააჩნდა. კაცი მართალი, სულგრძელი და მოკლებული ჩვეულებრივ ადამიანურ მიდრეკილებებს.

ღმერთთა შვილები, როგორც იტყვიან, ბუნების კანონებს არ ემორჩილებიან და ერთგვარ გამონაკლისს წარმოადგენენ. მათ არაფერი გაეგებათ არც ღროისა და არც წლების. პირადი დამსახურება მათ ასაკს წინ უსწრებს. გათვითცნობიერებულნი იბადებიან და უკვე ჩამოყალიბებული ადამიანები არიან იმ ხანში, როცა უბრალო მოკვდავნი ჯერ კიდევ არ გასცილებიან ბავშვობას.

გონებაშეზღუდულნი, ბეცნი, საკუთარ ნაჭუჭში ჩაკეტილნი ვერ

ხედებიან, რომ შეიძლება ერთ ადამიანში მრავალმხრივი ნიჭი იყოს თავმოყრილი. თუ ვინმე საამური ქცევით გამოირჩევა, მას თავქარიანობას აბრალებენ, თუ ვინმე კოხტა გარეგნობისაა, მოქნილია, მოძრავი, ცქვიტი, ეპვობენ, თუ ღრმა აზროვნების და განსჯის უნარი აქვს, გააჩნია სულთერი სამყარო, სიბრძნე. სოკრატეს ბიოგრაფიიდან მათ ისიც კი ამოიღეს, რომ სოკრატე შესანიშნავად ცეკვავდა.

35

რაც უნდ კარგი და კეთილი იყოს ადამიანი და ზრუნავდეს თავისიანებზე, მაინც მოქედებნება ისეთი რამ, რაც სიკვდილის შემდეგ ანუგეშებს ყველას.

36

გონიერი, ალალმართალი და გულუბრყვილო კაცი ადვილად გაებმება მახეში. მას ვერც წარმოუდგენია, თუ ვინმე მახეს დაუგებს, გაამასხრებს. რაკი ყველას ენდობა და არც ფრთხილია, ბრიყვი თითლიბაზები ამით სარგებლობენ, მაგრამ ვაი მათ, ვინც მეორეჯერ მოინდომებს მის გაპამპულებას. იგი მხოლოდ ერთხელ ტყუვდება. თუ სამართლიანი კაცი ვარ, შევეცდები არავინ შეურაცხეყო. მაგრამ ოდნავ მაინც თუ ვზრუნავ საკუთარ თავზე, არ შეურაცხეყოფ ჭკვიან კაცს.

37

სრულიად უბრალო, უმნიშვნელო და შეუმჩნეველ მოქმედებაში გამოჩნდება ჩვენი ხასიათი. სულელი სულ სხვაგვარად შემოდის, გადის, ჯდება, დგება, ღუმს, მოძრაობს, ვიდრე ჭკვიანი.

38

გავიცანი მოპსი, როცა მესტუმრა, თუმც არ მიცნობდა. იგი სთხოვს უცნობ ხალხს, სტუმრად წაიყვანონ მასთან, ვინც მას არ იცნობს. წერილებს სწერს ქალებს, რომელთათვისაც თვალი მოუკრავს მხოლოდ. დარბაისელთა საუბარში ერევა, მათ კი მისი ვინაობა არც იციან. არც არავის აცლის, რომ შეეკითხონ, ვინა ხარო, და

არც იმას აგდებს ჩირად, თუ ვინმეს სიტყვა გააწყვეტინა. იწყებს ლაქლაქს, ლაპარაკობს ბევრს და ბრიყვულად. შედის სასტუმრო დარბაზში და სადაც მოხვდება, იქ ჯდება, არ ფიქრობს არც სხვებზე, არც თავის თავზე. აყენებენ მინისტრისთვის განკუთვნილ სავარძლიდან, ჯდება დიუკის, პერის სავარძლებში. ყველა დასცინის, მხოლოდ თვითონ არის სერიოზული და არც ელიმება. გააგდეთ ძალი მეფის ტახტიდან, ეპისკოპოსის კათედრაზე აძვრება. არხეინად ათვალეირებს ყველას, არც უხერხულად გრძნობს თავს და არცაა რცხვენი. სულელისა არ იყოს, გაწითლების უნარი აქვს დაკარგული.

39

ცელსი შუალანათა რანგს მიეკუთვნება, მაგრამ ძლიერნი ამა სოფლისანი ეგუებიან მას. მეცნიერი არ გახლავთ, მაგრამ მეცნიერებთან დიდი სალამ-ქალამი აქვს გამართული. ღირსებებით მაინც და მაინც ვერ დაიტრაბახებს, მაგრამ დიდი ღირსებებით დაჯილდოებულ პიროვნებებს იცნობს. ჭკუა არ უჭრის, მაგრამ ენა შუამავალივით ეშველება ხალხთან ურთიერთობაში და თან ფეხმარდიცაა. მარტოდენ იმისთვის დაბადებულა, რომ აქეთ-იქით ირბინოს, ხან ერთთან, ხან მეორესთან, დავალებები შეასრულოს, ვინმეს სამსახური გაუწიოს, ვიდაცასთან მოლაპარაკება აწარმოოს, იმაზე უფრო შორს შეტოპოს, რაც დაავალეს და ბოლოს განიდევნოს. მას შეუძლია შეარიგოს ადამიანები, რომლებიც პირველი შეხვედრისთანავე წაიჩხუბნენ. ერთ საქმეს მოაგვარებს და ათასს ჩაფუშავს. ყოველ გამარჯვებას საკუთარ თავს მიაწერს, დამარცხებას კი სხვებს გადააბრალებს. იცის ქალაქის ყველა ჭორი, სად რა ხდება. არაფერს აკეთებს, ლაპარაკობს ან იძიებს, რას აკეთებენ სხვები. ახალ-ახალი ამბების მოყვარულია, ყველა ოჯახის საიდუმლო იცის. ეგ რაა, უფრო მეტიც: მისთვის სახელმწიფოებრივი საიდუმლოებანიც კი ცნობილია. გეტყვით, მავანი და მავანი რატომ გადაასახლეს, ან რატომ დააბრუნეს. იცის, რატომ იჩხუბეს ძმებმა და რატომ მოხდა განხეთქილება მინისტრებს შორის. განა მან არ უწინასწარმეტყველა ორ ძმას, რა უსიამოვნო შედეგი მოჰყვებოდა მათ უთანხმოებას? განა აღრევე არ ამბობდა, მინისტრების შეგობრობა დიდხანს არ გასტანსო? განა მისი თანდასწრებით არ

წარმოითქვა ზოგიერთი სიტყვა? განა თავად არ იყო მოლაპარაკების მონაწილე? მერედა დაუჯერეს? მოუსმინეს? ამას ვისზე ამბობთ? ვის მიუღია ცელსზე დიდი მონაწილეობა სამეფო კარის ინტრიგებში? ასე რომ არ ყოფილიყო, აბა დაესიზმრა, ან მოეჩვენა? მაშ, რაღა რჩიდა, რომ თქვენ დაერწმუნებინეთ? მაშინ აგრე მრავალმნიშვნელოვანი და იღუმალებით მოსილი გამომეტყველება ექნებოდა განა? გამომეტყველება, რაიც განსაკუთრებული მისიით აღჭურვილ პიროვნებას შეეფერება.

40

მენიპი სხვისი ფრთებითა და ბუმბულით მორთულ-მოკაზმული ჩიტი. თვითონ არ ლაპარაკობს, არც გრძნობს, მხოლოდ სხვის გრძნობებსა და ნათქვამს იმეორებს. ისე ბუნებრივად ითვისებს სხვის აზრებს, თვითონვე ტყუვდება და სჯერა, საკუთარ განწყობილებას და ფიქრებს გამოვხატავო, რაიც მხოლოდ ექაო იმ კაცისა, ვისაც ახლახან დაშორდა. თავდაპერილობა თხუთმეტ წუთს ჰყოფნის, მერე იფერფლება, იბნევა, ჰკარგავს იმ მბუჟტავ ელვარებასაც, რასაც მბუჟტავი მეხსიერება ჰკვებავდა და გაცვეთილი შაურიანივით უფასურდება. ვერ გაუგია, რარიგ დაბლა დგას ყოველგვარი გმირობისაგან და ამადლებული გრძნობებისგან. მას არ ძალუძს წარმოიდგინოს, რაოდენ გონიერი შეიძლება იყოს ადამიანი. მიაბიტურად დარწმუნებულია, რომ სხვებსაც იმდენივე ჰკუა აქვთ, რამდენიც თვითონ გააჩნია. ამიტომაც ისე უჭირავს თავი და ისე იქცევა, ვითომდაც ამ მხრივ სანატრელი არაფერი ჰქონდეს და არც არავისი უნდა შურდეს. ხშირად ესაუბრება თავის თავს და არც მალავს ამას. გამვლელები მოიხედავენ და ფიქრობენ, ამ კაცს, ალბათ, თავსატეხი რაღაც გასჩენია ან რაღაცის ამოხსნას ცდილობს და პასუხი ვერ უბოვიაო. მიესალმებით და საფიქრებელს გაუჩენთ, არ იცის სალმითვე გიპასუხოთ თუ არა, და სანამ გონს მოვიდოდეს, თქვენ უკვე შორსა ხართ. პატივმოყვარეობამ ხალხში გამოიყვანა, გადააქცია იმად, რაც არ არის. შეხედავთ თუ არა, წამსვე მიხვდებით, რომ საკუთარი თავის გარდა, არაფერი აქვს საზრუნავი. დარწმუნებულია, რომ ტანსაცემელი გემოვნებითა აქვს შერჩეული, კობტად ადგას და ძალზეც უხდება; ყველას თვალი რჩება მასზე და ქუ-

ჩაში გამვლელები იმიტომ გადაუსწრებენ, რომ დატკბნენ მისი ხილვით.

41

თუმცა კაცს სასახლეები აქვს, საზაფხულოცა და საზამთროც, თვითონ ლუვრის ქანდარაზე ათევს ღამეს და ეს თავმდაბლობით როდი მოსდის. აგერ ის კაცი, ტანწერწეტა რომ დარჩეს, ღვინოზე უარს ამბობს და დღეში ერთხელ ჭამს, თუმცა ჭამა-სმის მოყვარულია. მესამე კი, დატაკი მეგობრის მუდარით თავმოებზრებული, დახმარებას გამოიღებს ხოლმე. ამბობენ, გულკეთილობისა რა მოგახსენოთ და ამით სიმშვიდესა და მოსვენებას პოულობსო. ადამიანთა ქცევის ღირსებას გამომწვევი მიზეზი განსაზღვრავს მხოლოდ. სრულყოფილია ის, ვინც უანგაროა.

42

ყალბი სიდიადე პირქუში და უკარებაა. რაკი გრძნობს სისუსტეს თვისას, იმალება. თუ სხვა გზა არა აქვს და უთუოდ უნდა გამოჩნდეს, მოგვევლინება ჰა და ჰა, მხოლოდ იმდენად, რომ პატივისცემა შთაგვაგონოს და არ გამოააშკარაოს ის, რაც სინამდვილეშია, პირდაპირ ვიტყვი, არარაობა. ჭეშმარიტი სიდიადე თავისუფალია, თბილი, უბრალო, შინაურული და გასაგები. შეგიძლია შეეხხო, დაათვალიერო, ახლოდან ცქერით არაფერს აგებს. რაც უფრო გაიცნობ, მით უფრო აღტაცებული ხარ. თავს ხრის მათ წინაშე, ვინც მასზე დაბლა დგას. და არც ის უჭირს კვლავ აღიმართოს და გასწორდეს წელში. ზოგჯერ ბალღივით უზრუნველია, საკუთარი თავი არაფრად მიაჩნია, ივიწყებს თავის უპირატესობას, და მარად შესწევს უნარი აღზევდეს ისევ და გაციისკროვნდეს. იცინის, თამაშობს, ხუმრობს და ეს თავშექცევა ყოველთვის ღირსეულია. მის გვერდით ყველა ლაღად გრძნობს თავს, მაგრამ ვერ ბედავს გაკანდიერდეს. კეთილშობილი და მიამიტი ხასიათი აქვს, ვისაც ხედება ყველას ნდობისა და მოწიწების გრძნობას შთააგონებს. სწორედ იმიტომაცა, რომ მეფენი სიდიადით ბრწყინავენ, რამეთუ არ გვაგრძნობინებენ, რაოდენ პატარები ვართ ჩვენ.

ბრძენი პატივმოყვარეობისგან ისევ პატივმოყვარეობით იკურნება. იგი ისეთი მწვერვალებისკენ ისწრაფვის, ვერა და ვერ შეიზღუდება ეგრეთ წოდებული ამქვეყნიური მადლით: სიმდიდრით, მალაღლი თანამდებობით, დიდკაცთა მფარველობით. ისე უმნიშვნელო, ფუჭი და არადმისაჩნევია მისთვის ეგ სიკეთე, რომ გულთან არც კი მიიტანს, არამც თუ იზრუნოს და სანატრელად გაიზადოს. უფრო მეტი: თავს ძალასაც კი ატანს, რომ მეტისმეტი არ მოუვიდეს და სულ არაფრად არ ჩააგდოს იგი. ერთადერთი, რაც აცდუნებს, ეს არის მისწრაფება სახელისაკენ, რაიც აღმოცენებულა უსპეტაკესა და უფაქიზეს სათნოებაზე. მაგრამ ბრძენის სურვილს არაფრად აგდებენ და სახელის გარეშეც იოლად გადის.

კეთილი ის არის, ვინც ხალხის სიკეთეზე ზრუნავს. თუ იგი ამ სიკეთისთვის ეწამა, ძალიან გულკეთილი კაცია. თუ ეწამა იმათთვის, ვისაც სიკეთე მოუტანა, იმდენად კეთილია, რომ ამაზე მეტი სიკეთე მხოლოდ უდიდესი ტანჯვის შედეგად თუ შეიძლება წარმოიდგინო. ზოლო თუ სული განუტევა, მისი სიკეთე სრულყოფის მწვერვალამდე ამალლდა, გმირობად იქცა.

თავი მესამე

ქალის შესახებ

1

მამაკაცების აზრი, რომელიმე ქალის ღირსებებზე იშვიათად ემთხვევა დედაკაცების აზრს. მათ სხვადასხვაგვარი ინტერესები აქვთ. ამა თუ იმ ქალის სიკეკლუცე, კოპწიაობა და კულის ქნევა, ასე

რომ ხიბლავს კაცს და ვნებათა ღელვას აღუძრავს, მეორე ქალს გულს ურევს და ზიზღით ალავსებს.

2

ზოგი ქალი თვალებს ისე ატრიალებს, ყელს ისე მოიღერებს და ისე ადგამს ნაბიჯებს, რომ დიდებულ შთაბეჭდილებას ტოვებს. მაგრამ მოჩვენებითია მისი სიდიადე და ბრწყინვალეობა, შთაბეჭდილება ყალბი, რადგან მის სულიერ სამყაროში არავის ჩაუხედავს. ზოგიერთის დიდებულება კი უბრალოა და ბუნებრივი, რაკი ემყარება არა სიარულს ან გარეგნულ თავდაპყერას, არამედ სულის ამაღლებულ თვისებებსა და კეთილშობილ წარმოშობას. მშვიდი და წარმტაცი მომხიბვლელობა, კდემა და ეშხი, რასაც თავდაბლობით ვერ მალავს, მაინც გამოსხლტება ხოლმე და შესამჩნევი ხდება მათთვის, ვისაც თვალი უჭრის.

3

შემხვედრია ქალი, ვინც ოცნებობდა ჯერ გოგონად ქცეულიყო, რა თქმა უნდა, ლამაზ გოგონად, ცამეტი წლიდან ოცდამდე წლამდე, მერე კი მამაკაცად გარდაქმნილიყო.

4

ზოგ ყმაწვილქალს ვერ გაუგია, რაოდენ მიმზიდველია ბუნებრივი სილამაზე და რარიგ საჭიროა ამ მიმზიდველობის შენარჩუნება. ციოთ მომადლებულ ამ ძღვენს, ესოდენ იშვიათსა და სათუთს, იგრამახინჯებს მანჭვა-გრეხით, უშნო წამბაძველობით. ხმა და სიარული ნასესხები აქვს. ისაკუთრებს უცხო ჩვევებს, თავდაპყერას; წარამარა სარკეში იყურება და ამოწმებს, საფუძვლიანად შეიცვალა თუ არა და დიდის გაჭირვებით აღწევს მხოლოდ ერთს: ნაკლებად მოსაწონი ხდება.

5

ქალებს, ალბათ, არ ეწყინებათ, თუ ვიტყვიო, რომ მეტისმე-

ტად გადაგებულნი არიან მორთვა-მოკაზმევასა და ფერუმარილის წასმას. ამ ჩვევას ნუ შევადარებთ სამეჯლისო ჩაცმულობასა და ნიღბებს, ვინაიდან ნიღბოსანი სულაც არ ცდილობს თავისი თავი ვინმეს ნიღბად მოაჩვენოს, პირიქით, იმალება, არავინ მიცნოსო. ქალი კი სულ იმის ცდაშია, სხვას თვალში ნაცარი შეაყაროს, შეაცდინოს, სხვისგან მოპარული იერი თავისად გაასაღოს, სიმართლეს უღალატოს: ეს ერთგვარი ტყუილია. ქალს რომ დააკვირდები, სათვალავში ნუ ჩათვლი ნურც ფეხსამოსს და ნურც ვარცხნილობას ისევე, როგორც თევზს ზომავენ თავისა და ბოლოს ჩაუთვლელად.

6

თუ ქალებს სურთ მშვენიერნი იყვნენ მხოლოდ თავისთვის და თვით მოსწონდეთ თავიანთი თავი, რალა თქმა უნდა, ნება აქვთ საკუთარი გემოვნების მიხედვით მოიპრანჭნენ და მოიკაზმნენ, როგორც მოეპრიანებათ: მაგრამ თუ უნდათ მამაკაცებს მოეწონონ და ფერუმარილით სწორედ იმათთვის ითხუპნებიან, ვუცხადებ მამაკაცების სახელით, რომელთა უმრავლესობას უკვე მოვეთათბირე, თეთრი უმარილიცა და წითელი ფერიც აუშნოებს მათ და გულმიუსვლელს ხდის. მხოლოდ წითელი ფერიც კი აბერებთ და სცვლით. მამაკაცებს ისევე ეზიზღებათ ქალის შეთხუპნილი სახე, როგორც ჩადგმული კბილები და ცვილის ყბები. ჩვენ ვგმობთ და ვკიცხავთ ყოველგვარ ხელოვნურობას, რითაც ქალები თავს იმახინჯებენ. ამისთვის ღმერთი კი არ დაგვსჯის, პირიქით, გვაკურთხებს, რამეთუ ეს ერთადერთი და უებარი მალამო განსაღვთებულად.

ქალებს ბუნებრივად რომ დაჰყოლოდათ ისეთი პირისახე, როგორიც ხელოვნური შეთითხნის შედეგად აქვთ, უცხად რომ შემუსროდათ ქორფა კანი, ისე რომ აღაუღაუებულიყვნენ ან ტყვიისფრად გაფითრებულიყვნენ, როგორც თავად იხატებიან და ინიღბებიან, ველარაფერი ანუგეშებდათ.

7

პრანჭია ქალი ერთხელ და სამუდამოდ დარწმუნებულია, რომ ლამაზია და მამაკაცებს მოსწონთ. მისთვის დრო და წლები არის

მხოლოდ ის, რაც სხვა ქალებს პირს უნაოკებს და ამახინჯებს. ავიწყდება, ასაკი მის სახეზედაც რომაა აღბეჭდილი. მოკაზმულობა, რაიც ოდესღაც მის სიყმაწვილეს ლაზათს აძლევდა, ახლა აუშნოებს და გამოკვეთს ხანდაზმულობის უბადრუეობას. ტყლარკვა-გრეხა და კეკლუცობა არ სცილდება დავრდომილსა და სნეულს: კვდება ჭრელა-ჭრულა ბაფთებით მორთულ-მოკაზმული.

8

ლიზმა გაიგონა, ერთ პრანჰია ქალზე ამბობდნენ, თავის ასაკს ანგარიშს არ უწევს, გოგონასავით იქცევა, ორმოცი წლის ქალს რომ არ ეკადრება, ისე იცვამს და იხურავსო. ლიზსაც შეუსრულდა ორმოცი წელი, მაგრამ მისთვის წელიწადში თორმეტ თვეზე ნაკლები გახლავთ და ჟამთა სვლა სულაც არ აბერებს. დიახ, აგრე სწამს ლიზს და როცა სარკეში იყურება, ფერუმარილს იცხებს პირზე და ხალებს იხატავს, ფიქრობს, განსაზღვრული ასაკის ქალს არ უხდება სულ ცდილობდეს ახალგაზრდულად გამოიყურებოდესო და კლარისი თავისი ხალებითა და ფერუმარილით მართლაც სასაცილო გახლავთო.

9

ქალი ირთვება თუ სატრფოს ელოდება, მაგრამ თუ მოულოდნელად ეწვია, ავიწყდება, როგორ აცვია და როგორ გამოიყურება. ხოლო თუ ესტუმრება კაცი, ვის მიმართაც გულგრილადაა განწყობილი, უმალ აგონდება, სათანადოდ გამოწყობილი რომ არ არის. კაბას. ისწორებს ანდა ერთი წუთით გადის, რათა სტუმარს მოპრანჰული მოველინოს.

10

ქვეყნად მშვენიერ სახეზე წარმტაცი არაფერია და არც საყვარელი არსების ხმაზე სამუერი სხვა რამ მუსიკა არსებობს.

11

ქალის მომხიბვლელობის მიმართ ყველას თავისი აზრი აქვს.

ხოლო სილამაზე თავისთავად არსებობს და არ ექვემდებარება არც ვინმეს გემოვნებას და არც ვინმეს მოსაზრებას.

12

უზადო მშვენიერებითა და უზადლო ღირსებებით შემკული ქალი ისე გიზიდავს, რომ მისგან სხვას არაფერს მოითხოვ, ოღონდ უმზირო და ესაუბრო.

13

ქვეყნად ისე არაფერი გატყვევებს, როგორც ურთიერთობა მამაკაცის კეთილშობილური თვისებებით დაჯილდოებულ ლამაზ ქალთან: მასში გაერთიანებულია ორივე სქესის მაღალი ღირსებანი.

14

ყმაწვილ ქალს უნებლიეთ წამოსცდება ხოლმე თითქოსდა უმნიშვნელო სიტყვები, რაც მეტად დამაჯერებელია და გულში თავლივით ეღვრება იმას, ვისაც მიმართავს ქალი. კაცებს კი არაფერი წამოსცდებათ და არც უშუალო ალერსი ემარჯვებათ. შაქარიც ადნებათ პირზე, თავსაც ევლებიან ქალს, ეარშიყებიან, ეთითლიბაზებიან, მაგრამ ნაკლებ დამაჯერებელნი ბრძანდებიან.

15

ქალის ჭირვეულობა მის მშვენიერებას ეტოლება და შხამის საწინააღმდეგო საშუალებაც არის, რამეთუ ანელებს თავის მოქმედებას. აგრე რომ არ ყოფილიყო, კაცს ვერაფერი განკურნავდა.

16

ქალი რამდენადაც მეტად ზრუნავს მამაკაცზე, იმდენად მეტად უყვარს იგი. კაცს კი სწორედ ამ მზრუნველობის გამო ნაკლებად უყვარს ქალი.

როცა ქალს აღარ უყვარს მამაკაცი, იგი ივიწყებს ყველაფერს, თავაზიანობასაც კი, რომელსაც მის მიმართ იჩენდა.

ქალს როცა მხოლოდ ერთი საყვარელი ჰყავს, დარწმუნებულია, კეკლუცანა არ არის. ვისაც რამდენიმე საყვარელი ჰყავს, ფიქრობს, რომ მხოლოდ კეკლუცანაა.

ქალი, ვისაც თავდავიწყებით უყვარს მხოლოდ ერთი მამაკაცი, აღარავის ეარშიყება. მას ყველა გიჟადა თვლის და არჩევანს უწუხებს.

ძველი საყვარელი იმდენად აღარაფერს წარმოადგენს ქალისთვის, რომ ადვილად ცვლის ახალ ქმარზე. ახალი ქმარი კი სწრაფად ჰკარგავს სიახლეს და მაშინვე ადგილს უთმობს ახალ საყვარელს.

ძველ საყვარელს ახალი მეტოქე ეზიზღება ან ეშინია მისი, იმისდა მიხედვით, თუ რა ხასიათი აქვს მისი გულის მბრძანებელ ქალბატონს.

ძველი საყვარელი ქმრისგან მარტოოდენ სახელწოდებით განსხვავდება. ეგეც ხეირია. ასე რომ არ იყოს, ათასჯერ გააგდებდნენ.

ქალის პრანჭიობა გამართლებულია, თუ იგი ვნებიანია. პრანჭია მამაკაცი, პირიქით, უარესია, ვიდრე ვნებებს აყოლილი კაცი. პრანჭია კაცსა და ავხორც დედაკაცზე ითქმის: ფერი ფერს და მადლი ღმერთსო.

დაფარული სასიყვარულო ურთიერთობა არ არსებობს. მრავალი ქალის სახელი მჭიდროდ არის დაკავშირებული, როგორც ქმრის, ისე საყვარლის სახელთან.

ვნებებს აყოლილ ქალს სურს, უყვარდეთ. კეკლუცანასთვის კი საკმარისია მოსწონდეს ვინმეს და ლამაზად ითვლებოდეს. პირველს მტკიცე ურთიერთობის დამყარება სწადია, მეორეს — მიმზიდველად ეჩვენებოდეს სატრფოს. ერთი საყვარელს იცვლის, მეორე რამდენიმესთან ერთდროულად იქცევს თავს. ერთს ვნება და ნეტარება იპყრობს, მეორეს — პატივმოყვარეობა და თავქარიანობა. ვნებიანობა ხორციელი სისუსტეა, ანდა იქნებ, სხეულის მანკიერება. კეკლუცანობა სულიერი დაცემაა. ვნებიანი ქალი შიშს ჰბადებს, კეკლუცანა — სიძულვილს. ჩემს მტერს, თუ ეს ორი ხასიათი ერთმანეთს შეერწყა.

23

სუსტი ნებისყოფის ქალი იმას ეწოდება, ვისაც სიძვა ედება ბრალად და ამას თავის თავს უსაყვედურებს. მასში გრძნობა გონებას ჭარბობს. განკურნებას ცდილობს და ვერ იკურნება, ანდა იკურნება, მაგრამ ძალიან გვიან.

24

ქალი მოღალატედ ითვლება, როცა აღარ უყვარს საყვარელი. მსუბუქე ყოფაქცევას კი მივაწერთ იმას, ვისაც ვერ გაუგია ვინ უყვარს, ანდა უყვარს თუ არა. გულგრილი ისეთი ქალია, ვისაც არავინ უყვარს.

25

ცბიერება, თუ გავზედავ ვთქვა, ადამიანის მთელი არსების ტყუილია. ცბიერი ქალი ამბობს და აკეთებს ერთს და ფიქრობს სხვას. ხანდახან არც ფიცს იშურებს და არც დაპირებას; რა ენაღვლება, არაფერი უჩადება, მით უმეტეს, რომ იოლად არღვევს ერთსაც და მეორესაც.

ქალი თუ ერთგული არ არის და ეს მისი საყვარლისთვის ცნობილია, მოღალატეა და მეტი არაფერი. მაგრამ თუ კაცი მას ერთგულად თვლის, იგი ვერაგია.

ქალის ვერაგობას ის სიკეთე მოაქვს, რომ კაცს ექვიანობისგან ჰკურნავს.

26

ზოგიერთ ქალს მთელს სიცოცხლეში ნიადაგ ორი სასიყვარულო ურთიერთობა აქვს გაბმული. მათი გაწყვეტა ან შენარჩუნება ერთნაირად უმძიმს. ერთ-ერთ ასეთ კავშირს საქორწინო ბეჭედი აკლია, მეორეს კი სიყვარული.

27

ეს ქალი ისე მშვენიერია, ახალგაზრდა, ამაყი და უკარება, რომ არვის ეპარება ეჭვი, მისი რჩეული, ერთ მშვენიერ დღეს, რომელიმე გმირი უნდა გახდეს. ნურას უკაცრავად, არჩევანი უკვე გაკეთებული აქვს; უყვარს ერთი არამზადა, საზიზღარი და თანაც უტვინო.

28

გვხვდებიან უკვე დამპყნარი ქალები, რომელნიც თავიანთი ვნებიანობისა თუ გარყვნილების შედეგად, ადვილად უკავშირდებიან ხელმოკლე ყმაწვილ კაცებს. არ ვიცი, რომელი უფრო შესაბრალოა, ხანდაზმული დედაკაცი, რომელსაც კურო სჭირდება, თუ კურო, რომელსაც ბებრუცუნა მონატრებია.

29

ერთი ცუნცრუკა კაცი, ვისაც სამეფო კარზე არაფრად აგდებენ, დიდის ამბით არის მიღებული ქალაქში ერთ დედაკაცთან, რომელსაც სამეფო კართან არვინ გააკარებს. აქ ეს კაცი ამარცხებს მართლმსაჯულების მსახურთ, თუმც იგი ნაცრისფერ ფრაკშია გამოწყობილი და ყელსახვევითაც კოპწიაობს; ასევე მიწასთან ასწორებს ბურჟუასაც, ხმალი რომ აქვს ჩამოკონწიალებული. ამ ოჯახის სრული ბატონ-პატრონი ხდება ეს ჩვენი კაცი. უყვართ იგი, მოწიწებით უსმენენ, თვალში რომ ჩაუფარდეთ, ხელსაც არ მოისვამენ. აბა, ვინ გაეტოლება პიროვნებას, ვინც მეფეს ესაუბ-

რება და მინისტრებს ხედება და თან ოქრომკედლით ნაქარგი ბაფთით აქვს მკერდი დამშვენებული, ხოლო ქუდზე თეთრი ზუმბული უფრიალებს.

30

ქალაქელი კაცი პროვინციელი ქალისთვის იგივეა, რაც ქალაქელი ქალისთვის — კარისკაცი.

31

თუ კაცი პატიემოყვარეა, კადნიერი, ენად გაკრეფილი, უშნო ხუმარა, აღტაცებულია საკუთარ თავით და სხვებს ზიზღით უცქერის, თავმომაბეზრებელია, გაფუყული, გაქნილი, სინდისგარეცხილი და ყალთაბანდი, თავში არაფერი უყრია და უხამსია, ლამაზი ცხვირპირიცა და კოხტა ტანიც აქვს, არაფერი აკლია იმისთვის, რომ ქალებს უყვარდეთ.

32

ნეტავ რა ხდება, გახმაურების შიშითა თუ გულავარდნილობის შედეგად ხომ არ შეჰყვარებია ამ ქალს ლაქია, აგერ იმას — ბერი, ხოლო დორინს — თავისი აქიმი?

33

დიახ, ლელი, როსიუსი სცენაზე თავისუფლად გრძნობს თავს. მეტსაც გეტყვით, ჩამოქნილი წვივები აქვს. კარგად თამაშობს, დიდი როლების შესრულებაც არ უძნელდება. მაგრამ რა, უზადოდ რომ კითხულობდეს, მხოლოდ ის უშლის ხელს, რომ გეგონება პირში კარტოფილი უდევსო. ვითომდა რაო, მაგის მეტი არავინ არის თავისი საქმის ოსტატი? რა იყო, მის ხელობაზე უფრო კეთილშობილი და ღირსეული სხვა არაფერი არსებობს ამ ქვეყნად? გარდა ამისა როსიუსი თქვენი ვერ გახდება, სხვას ეყუთენის. მერეც ვერ გათავისუფლდება, კლოდი ელოდება. კლოდს ერთი სული აქვს, როსიუსს როდის მოყირჰდება მესალინა. ბარტილს მიხედეთ, ლელი. განა სადმე იბოვით, თვით გისტრიონებს შორისაც კი, თუ არას ვიტყვით მხედრებზე, ვისაც თქვენ აგრერიგად არ სწყალობთ, ისეთ ყმაწვილკაცს, რომელსაც ასე ემარჯვება ცეკვა და მალაყებზე

გადასვლა? მართლა, ხომ არ ინებებთ მოწყალე თვალით გადახედოთ ბტუნია კობუსს, რომელიც ერთს რომ აიშვერს ფეხებს, ჰაერში უმაღლეს შეტრიალდება და ძირს ეშვება? თუ მოგეხსენებათ, რომ ის უკვე აღარ არის ახალგაზრდა? თქვენ მეუბნებით, ბარტილს ბევრი ეტანებაო და უფრო ხშირად უარს ეუბნება ქალებს, ვიდრე ეთანხმებაო. რას იტყვით დრაკონზე, ფლეიტაზე რომ უკრავს? მისი ხელობის კაცებში ვერვის ნახავთ ისეთს, ვისაც შეუძლია მისავით ნარნარად გაბეროს ლოყები, როცა ჰობოის ან ფლაჟოლეტს ჩაბერავს ხოლმე. მერედა, რამდენ საკრავს აუღერებს. თანაც დიდი ოხუნჯია, ბავშვებსა და უბირ დედაკაცებსაც კი აცინებს. ერთი მიუჯდება სუფრას და ჰამა-სამაში ვინ გაუტოლდება? ყველას გამოათრობს და ბოლოს თუ გამოიბრუყება თვითონ. ოხრავთ, ლელი? ნუთუ დრაკონს ვილაც უყვარს, საუბედუროდ ვილაცამ დაგასწროთ? ვაითუ მის გულს ცეზონი დაეუფლა! მერედა, როგორ დასდევდა კულში საყვარლების მთელი ხროვა, რომაელ ქაბუკთა ნაღები მაგის გულისთვის დაითხოვა. ცეზონი შეუყვარდა? ცეზონი ხომ პატრიციების ოჯახიშვილია, ქორთვაა, ლამაზი და დარბაისელი. მეცოდებით, ლელი, თუკი გადაგდებით რომაელ მანდილოსანთა ახალი სენი: მაინცდამაინც ისეთი კაცი უნდა შეიყვარონ, თავისი ხელობის წყალობით, სულ ხალხის თვალწინ რომ ტრიალებს. სხვა რა დაგრჩენიათ, თუ წაგართვეს ის, ვინც ყველას სჯობდა? ჰო, კიდევ ერთი დარჩა, ბრონტი-ჯალათი; ყველას პირზე აკერია მისი ძალა და სიმამაცე. ყმაწვილი კაცია, მხარბეჭიანი და ჯმუხი, თანაც შავი კანი აქვს, ზანგია.

34

მაღალი წრის ბანოვანისთვის მეზალე მეზალეა, კალატოზი — კალატოზი. უფრო განმარტოებით მცხოვრებ ქალისთვის კალატოზი მამაკაცია, მეზალეც მამაკაცია. ვისაც ეშინია, ცდუნებას ვერ ასცდება.

35

ზოგი ქალი უხვად ასაჩუქრებს მონასტრებსა და საყვარლებსაც. ვნებასაყოლილნი და ღვთისმოსავნი ეკლესიაშიც კი შოულობენ პირად სალოცავ ადგილსა და ლოყებს, რათა იქ სატრფიალო ბარა-

თები იკითხონ და ვერვინ შენიშნოს, ღმერთს რომ არ შეჰღალაღებენ.

36

რით განსხვავდება სხვებისგან ქალი, ვისაც სულიერი მამა ხელმძღვანელობს? უფრო მორჩილია თავის ქმრისა, უფრო სათნოა მსახურების მიმართ, უფრო მზრუნველია ოჯახისადმი, უფრო გამრჩეა, უფრო მოყვარული და გულწრფელი მეგობრებთან? აღარ ჰყვება თავის ზუსტურებსა და აღარ ზრუნავს საკუთარ კეთილდღეობაზე? არის თუ არა შვილებისადმი, — ხელგაშლილიო, ვერ ვიტყვი, რადგან შვილები ისედაც მდიდრები არიან, — არა, არის თუ არა ეს ქალი, ესოდენ დიდი ავლა-დიდების პატრონი და ფუფუნებაში ჩაფლული, შვილებისადმი სამართლიანი, ანდა თუ იმეტებს შვილებისთვის იმას, რაც მათ უთუოდ სჭირდებათ? საკუთარ თავს ნაკლებად ელოლიავენ და სხვებზე ფიქრობს? განდგომია თუ არა ამოებათა ამოებას? არა, მეტყვეთ თქვენ, ამისდაგვარი არაფერი დამართნიაო მას. მე კი ამიჩემებია და გეკითხებით, მაშ, რით განსხვავდება სხვებისგან ქალი, ვისაც სულიერი მამა ხელმძღვანელობს? ჰო, მესმის, ეს გახლავთ ქალი, ვისაც სულიერი მამა ჰყავს.

37

თუ აღმსარებელი და სულიერი მამა ვერ შეთანხმდებიან, როგორ მოიქცეს ქალი, ვინ იქნება ის, მესამე, ვისაც ქალი მსაჯულად აირჩევს?

38

ქალისთვის მთავარი ის კი არ გახლავთ, რომ სულიერი მამა ჰყავდეს, არამედ ის, რომ წესიერად ცხოვრობდეს და შეეძლოს უამისოდაც იოლად გავიდეს.

39

ქალს რომ შეეძლოს აღსარების დროს სხვა ცოდვებთან ერთად ისიც აღიაროს, რომ ელტვის თვით სულიერ მამას და დიდხანს

იმყოფება მასთან, ვაითუ ცოდვების გამოსასყიდად მასთან განშორება უბრძანონ.

40

ნეტავ მქონდეს უფლება ოდესღაც ქალებისგან გულდაკოდილ წმიდა მამებს შევლაღადო: მოსცილდით მანდილოსნებს, ნულარ მიუძღვებით ჭეშმარიტების გზაზე, დე, მათი სულის გადარჩენაზე სხვებმა იზრუნონ.

41

მეტისმეტია ქმრის საწინააღმდეგოდ აღმართო ორი იარაღი: კეკლუცობა და ღვთისმოსაობა. ერთ-ერთი უნდა აირჩოს ქალმა.

42

დიდი ხანია ვერ ვბედავდი მეთქვა და ვიტანჯებოდი. და აი, ბოლოს და ბოლოს ვეღარ შევიკავე თავი და ვიმედოვნებ, ჩემი გულახდილობა გამოადგება ისეთ ქალებს, ვისაც კეთილ გზაზე დასაყენებლად აღმსარებელი არ ჰყოფნით და სულიერ მამასაც სათანადო სიფრთხილით ვერ ირჩევენ. მე კი გონზე ვერ მოვსულვარ, ისე მაკვირვებს და მანცვიფრებს ზოგიერთი მღვდელი, რომელთაც არ დავასახელებ. თვალდაჭყეტილი შევყურებ მათ. ისინი ლაპარაკობენ, მე ვუსმენ. მერე აქეთ-იქით მივიკითხ-მოვიკითხავ, ცნობებს შევაგროვებ, ერთად ავკინძავ და საგონებელში ვვარდები, თუ როგორ ძალუძთ ადამიანებს, რომელთაც საღი გონების ერთი ნამცეციც არ გააჩნიათ, არაფერი ესმით ცხოვრებისა; ღვთისმეტყველებისა, ადამიანის გულისა და ჩვევებისა, დარწმუნებულნი იყვნენ, ვითომც ღმერთმა ჩვენს დროში მოახდინა სასწაული და ეს უბადრუკი, უჭკუო და უბირი კაცები მოგვივლინა ჩვენ, ვით წინასწარმეტყველნი თვისი, ვით მწყემსნი ჩვენი სულისა, რაიც ესოდენ ფაქიზია და ამალღებული. და თუ მათ მართლაც სჯერათ, რომ ქვეყანას მოევლინენ, რათა აღასრულონ ვალი, იმდენად დიდებული და იმდენად მძიმე, რომ მართოდენ რჩეულთ შეუძლიათ მისი ტვირთის ზიდვა და თუ ეჭვი არ ეპარებათ, რომ ეს წმინდა საქმე გა-

მოვლინებაა მათი ნიჭისა, მოწოდებაა მათი, მაშინ მთლად დავი-
ბენი და ვერაფერი გავიგე.

განა არ მესმის, რაოდენ საამურია, იყო მცველი ოჯახის საი-
ღუმლოსი, მომრიგებელი უთანხმოების, მომმარაგებელი და მშოგ-
ნელი, მსახურთა განმანაწილებელი; შენს წინაშე ფართოდ იღებო-
დეს ამა სოფლის ძლიერთა კარი, მდიდრულ სუფრაზე ნაყრდებო-
დე, ქალაქად ზიშზიმა ეტლით დასეირნობდე, სოფლად თვალწარმ-
ტაც მამულში ისვენებდე და გამოჩენილი გვამნი შენს ცხოვრებასა
და ჯანმრთელობაზე ზრუნავდნენ. ამქვეყნიურ ყველა სიკეთეს
პოულობდე სხვებისთვის და შენთვისაც, განა არ კმარა იმისთვის,
რომ გამოეცხოთ ყოვლად უცნაური და გაუგებარი საბაბი სულის
საცხოვნებლად ზრუნვისა და ქვეყანას მოსდებოდა სულიერ მამათა
აურაცხელი ფარა.

43

ღვთისმოსაობა¹ ისე მოევლინება ხოლმე ზოგიერთს, განსაკუთ-
რებით ქალებს, როგორც ვნება, ან ხანდაზმულობის სისუსტე, ან-
და ვით მოდა, რასაც უნდა აპყვე. ოდესღაც მანდილოსნებს არ
ჰქონდათ მოცლა. ერთ დღეს ბანქოს თამაშობდნენ, მეორე დღეს
თეატრში მიდიოდნენ, მერე კონცერტს ესწრებოდნენ, ახლა მასკა-
რადიო, წარმტაცი ქადაგებო. ორშაბათს ისმენთან კარგავდნენ
ფულს, სამშაბათს — დროს სკლიმენთან; ოთხშაბათს — პატიოსან
სახელს სელიმენთან. გუშინ უკვე იცოდნენ, რა გასართობი მოელო-
დათ ხვალ და ზეგ. ნეტარებით ივსებოდნენ, რამეთუ დღევანდელი
სიამოვნება არ მოაკლდებოდათ მომავალშიაც. მხოლოდ ერთს ნა-
ტრობდნენ, მთელი ეს სიამტკბილობა ერთ დღეს განეცადათ. ამის
მეტი სადარდებელი არაფერი ჰქონდათ, ეს იყო მათი ერთადერთი
საზრუნავი. თუ ოპერაში ისხდნენ, ნანობდნენ, რატომ კომედიას
არ ვუყუებთო. უამნი იცვლებიან, იცვლებიან ჩვეულებებიც: მე-
ტისმეტად ამპარტავანნი გახდნენ და შინ გამოიკეტნენ. თვალდახ-
რილნი დადიან, თითქოს თვალები იმისთვის არ ჰქონდეთ, რომ რაი-
მე დაინახონ. თავშესაქცევს აღარაფერს ეტანებიან და, პოი საკ-
ვირველებავ, ცოტას ლაპარაკობენ. თუმცა რა, ძველებურად საკუ-

¹ ცრუ ღვთისმოსაობა.

თარ თავზე ისევე კარგი წარმოდგენის ბრძანდებიან, როგორც 'სხვებზე ცუდი წარმოდგენისა. ერთმანეთს ისე ეჯიბრებიან ყოფაქცევისა და სისპეტაკის სრულყოფისაკენ სწრაფვაში, თითქოსდა ესეც შესაშური იყოს. ამ ახალი ყაიდის ცხოვრებაშიაც ისევე ისწრაფიან პირველობისკენ, ვითარც ისწრაფოდნენ ადრინდელ ცხოვრებაში, რაც არცთუ დიდი ხნის წინათ მიატოვეს ანგარების ან მოყირჭების შედეგად. უწინ მხიარულად იწყემენდნენ სულს ავზორცობით, ღორმუცელობითა და უსაქმურობით, ახლა მოწყენილნი სცოდნენ ზვაობითა და შურიანობით.

44

ჰერმას, ძუნწი რომ შევიერთო ცოლად, არ გამალატაკებს. ბანქოს მოთამაშეზე თუ დავქორწინდი, იქნებ გამამდიდროს კიდევ. სწავლული ქალი გონებას განმინათლებს, თავდაჭერილი ანჩხლი არ იქნება. ანჩხლი მოთმინებას გამომიწროთბს, კეკლუცანა მოიწადინებს თავი მომაწონოს, ვნებებს აყოლილი იქნებ მოეშვას ვნებათა ღელვას და შემეყვაროს კიდევ. ღვთისმოშიში!... მითხარი, ჰერმას, აბა, რას უნდა მოველოდე იმ ქალისგან, რომელიც ცდილობს ღმერთიც კი მოატყუოს და თავის თავს კი ატყუებს?

45

ქალის ხელმძღვანელობა ძნელი არ არის, თუ კაცი თავს შეიწუხებს. ხშირად ერთი მამაკაცი რამდენიმე დედაკაცს წვრთნის. უვითარებს ჰკუა-გონებას, შთაუნერგავს და უმტკიცებს ღვთის რწმენას. ეგ რა არის, მათი გრძნობების მართვასაც კი ახერხებს. ქალები არც არაფერს იწონებენ, არც არაფერს იწუნებენ, არც აქებენ, არც აძაგებენ ისე, თუ ამ კაცის თვალეში არ ამოიკითხეს, რა აზრისაა იგი. კაცი განაგებს მათ სიხარულს, მათ მწუხარებას, მათ სურვილს, ეჭვიანობას, სიძულვილს და სიყვარულს. აშორებს საყვარლებს, აჩხუბებს ან არიგებს ქმართან, და შუალედებით თავად სარგებლობს. ზრუნავს მათ საქმეებზე, სასამართლო პროცესს მეთ-

¹ ცრუ ღვთისმოშიში

ვალყურეობს, ეთათბირება მოსამართლეებს. უგზავნის მათ თავის ექიმს, ვაჭარს, მუშებს. მასვე აქვს დაკისრებული სახლის შექმნა, ავეჯით გაწყობა, ეტლის გამოძახება. მათთან ერთად ჯდება მათ ეტლში, მათვე ახლავთ ქუჩებში და სასეირნო ადგილებში, მათთან ერთად ზის მერხზე და უსმენს ქადაგებას, თეატრის ლოქაშიც მათთან არის, ვიზიტებზეც მათთან ერთად დაბრძანდება, მიჰყვება სამკურნალო წყლებზე, ზღვაზე, სამოგზაუროდ. მათ სააგარაკო მამულში საუკეთესო ბინა მისთვისაა განკუთვნილი. ხანში შედის, მაგრამ ძალაუფლება არ ეკარგება, ამისთვის მარტოოდენ ცოტა ჭკუა და უამრავი დრო კმარა. ყველა მას ეკითხება: ბავშვები, მემკვიდრენი, რძალი, ძმისწული, მსახურები. დაიწყო იმით, რომ პატივისცემა შთაუწერგა ყველას, ბოლოს კი — შიში. ძველისძველი, ეგზომ საჭირო მეგობარი ისე განუტყევებს სულს, რომ არავინ დაიტირებს. ხოლო ათი ქალი, ვინც მტარვალის უღელქვეშ გმინავდა, მისი სიკვდილის შემდეგ მემკვიდრეობად თავისუფლებას მიიღებს.

46

რამდენიმე მსუბუქი ყოფაქცევის ქალმა მოინდომა ყველასათვის ერჩენებინა, ვითომდა დიდად პატიოსანი და მორცხვები გახლავართო. დიდხანს ეწვალნენ, მაგრამ ვერავინ მოატყუეს. მხოლოდ იმას მიაღწიეს, რომ ხალხს ათქმევინეს, ერთი შეხედვით ამორძალები გეგონებიანო.

47

√ თუ ქალს არავინ ჰკიცხავს იმის გამო, რომ მეგობრობს მანდილოსნებთან, რომელნიც მას სრულებით არ ჰგვანან, თუ ავეიობის მოყვარულნი ფიქრობენ, რომ მათი ურთიერთობა ხასიათების მსგავსების შედეგი არ არის, ეს იმის მაუწყებელია, რომ ქალის პატიოსანი სახელი მყარია და შეურყეველი.

48

კომიკური მსახიობი თავის როლს გადაჭარბებული კომიკურობით ასრულებს სცენაზე. პოეტი ფრთას ასხამს თავის შთაგონებას!

ვრცელ აღწერებში; მხატვარი, რომელიც ნატურიდან წერს, უფრო გამოკვეთს და გამომსახველს ხდის ვნებებს, კონტრასტებს, პოზებს; ასლის გადამღები თუ პროპორციებს არ ინიშნავს, ფიგურებსა და სურათის კომპოზიციის სხვა ნაწილებს ადიდებს, მეტ განზომილებას აძლევს, ვიდრე დედანშია ეს მოცემული. სწორედ ასე გახლავთ, ზედმეტი თავდაპყრილობაც კეთილგონიერების გადაჭარბებული მიბაძვაა.

ყალბი მოკრძალება ხანდახან პატივმოყვარეობის გამოვლინებაა. ყალბი მამაცობა თავქარიანობაა; ყალბი სიდიადე — დაკნინება; ყალბი სათნოება — თვალთმაქცობა; ყალბი სიდინჯე — თითლიბაზობა.

ზედმეტად უქარება ქალს გამოზომილი აქვს სიტყვაცა და საქმეც. კეთილგონიერ ქალს დარბაისლურად უქირავს თავი. პირველი ემორჩილება ახირებასა და ცრურწმენას, მეორე — გონებასა და გულს. პირველი ცივია და ამპარტავანი; მეორე სწორედ ისე იქცევა, როგორც მდგომარეობა მოითხოვს. პირველის გარეგნულ შეუდრეკელობაში მრავალი სისუსტეა მიჩქმალული. მეორეს გარეგნულ თავისუფლებასა და უშუალობაში მდიდარი სულიერი სამყაროა ჩაქსოვილი. ზედმეტი თავშეკავებულება ზღუდავს გონებას. არათუ მალავს ასაკსა და სიმახინჯეს, პირიქით, უნებლიეთ გაფიქრებინებს მათზე. კეთილგონიერება კი გარეგნულ ნაკლს ფარავს, გონებას აკეთილშობილებს, სიყმაწვილეს მიმზიდველობას მატებს და მშვენიერებას უფრო მეტად მაცდუნებელს ხდის.

49

ნეტავ რად ადანაშაულებენ მამაკაცებს, თუ ქალები განათლებულნი არ არიან? განა არსებობს კანონი, ბრძანება, დებულება, რაც მათ უკრძალავთ თვალები გაახილონ და წაიკითხონ, წაკითხული დაიხსომონ და გადმოსცენ ან საუბარში, ანდა თავიანთ ნაშრომში? განა საკუთარი ნება-სურვილით არ ჩაეფლნენ უვიცობის ქაობში? იქნება ამის მიზეზი მათი სუსტი აგებულებაა, იქნებ — სიზარმაცე, ან არადა, საკუთარ სილამაზეზე გადაგება. შეიძლება ხანგრძლივ მეცადინეობას თავქარიანობაც უშლიდეს ხელს. იქნებ მხოლოდ ხელსაქმის ნიჭი აქვთ, ანდა საოჯახო საქმიანობის წვრილმანებში

არიან ჩაფლულნი. ეგების ბუნებით დაჰყვათ ზიზღი ყოველივე რთულისა და სერიოზულისადმი, ანდა ისეთი ცოდნის შექმნა სურთ, რაიც გონების საკვებად არ გამოდგება, ან ისეთი მიღრეკილება აქვთ, რაც გონების გახსნას მაინცდამაინც არ უწყობს ხელს. რა მიზეზიც უნდა იყოს, ქალების უვიცობას მას უნდა უმადლოდნენ მამაკაცები და ბედნიერად უნდა გრძნობდნენ თავს, რაკი დედაკაცები, რომლებიც ყოველმხრივ ჯაბნიან მათ, ამ მხრივ მაინც დაბლა დგანან.

სწავლულ ქალს ისე უყურებენ, როგორც ძვირფას დაშნას, ოსტატურად ნაჩუქურთმევს, საუცხოოდ გაპრიალებულსა და სათუთად მოხატულს. ოთახის სამკაულია იგი და სტუმრების საჩვენებლადაა გამოფენილი. სხვა დანიშნულება არ გააჩნია, რადგან არც ომისთვისაა გამოსადეგი და არც ნადირობისთვის ისევე, როგორც ცირკის ცხენი, თუნდაც შესანიშნავად გახედნილი.

თუ განსწავლულობა და გონიერება ერთ პიროვნებაშია შერწყმული, სქესს აღარ ვკითხულობ, აღტაცებული ვარ. თქვენ თუ მეტყვით, გონიერი ქალი სულაც არ ფიქრობს სწავლული იყოსო, ანდა სწავლული ქალი გონიერი არ გახლავსო, მაშინ დაგვიწყებიათ, რაც ახლახან წაიკითხეთ; ქალები მეცნიერებას ვერ ეთვისებიათ ზოგიერთი ნაკლოვანების გამო. თავად განსაჯეთ, რამდენადაც მცირე ექნებათ ეს ნაკლოვანება, იმდენად მეტად გონიერნი იქნებიან. ასე და ამგვარად, გონიერი ქალი ველარ გადაიქცევა სწავლულად, ანდა სწავლული ქალი იმიტომ გამხდარა სწავლული რომ დაუძლევია თავისი მრავალი ნაკლოვანება. მაშასადამე იგი განსაკუთრებით გონიერია.

50

თქვენი ახლობელი ორი ქალი წაიჩხუბა და მათი ჩხუბის მიზეზი სულაც რომ არ გეხებოდეთ თქვენ, მაინც ველარ შეინარჩუნებთ ორთავეს მეგობრობას. ან არჩევანი უნდა მოახდინოთ მათ შორის, ანდა ორივე დაკარგოთ.

51

ზოგიერთ ქალს მეგობრებზე მეტად ფული უყვარს, ხოლო ფულზე მეტად საყვარლები.

საოცარია, ისეთ ქალებსაც შევხვდებით, ვისაც მამაკაცის სიყვარულზე მეტად და მგზნებარედ იტაცებთ სხვა რამ, მე მინდა ვთქვა, პატივმოყვარეობა და ბანქოს თამაში. ასეთ ქალთან მამაკაცი უბიწო ხდება, რამეთუ ქალს თავისი სქესისა და სამოსის გარდა, არა გააჩნია რა.

ქალებს უკიდურესობა ახასიათებთ: ან მამაკაცებზე გაცილებით უკეთესები არიან, ანდა გაცილებით უარესნი.

ქალთა უმრავლესობას პრინციპები არ გააჩნია; გულის კარნახს ემორჩილებიან და მათი საქციელი იმ მამაკაცზეა დამოკიდებული, ვინც უყვართ.

ქალს უფრო ძლიერი სიყვარული შეუძლია, ვიდრე მამაკაცთა უმრავლესობას. მაგრამ მამაკაცი მეგობრობაში უფრო გამტანია.

კაცები არიან მიზეზი იმისა, რომ ქალებს ერთმანეთი არ უყვართ.

სხვისი გამოჯავრება სახიფათოა. ღიზი თითქმის ბებრუტუნაა და ცდილობს მაჩვენოს, რაოდენ სასაცილოა ერთი ყმაწვილი ქალი. იმის გამოსაჯავრებლად ისე იმანჭება და იბრიცება, ისეთი შესახედავია, რომ შიშსა მგვრის. ეგრე გულის გასახეთქს რომ ვხედავ, ყმაწვილი ქალი მშვენიერი მეჩვენება.

ბურკუები ისწრაფიან მრავალ შტერ ქალსა და კაცს დიდი გონიერება მიაწერონ. კარისკაცები კი ცდილობენ, გონიერები შტერე-

ბად გამოიყვანონ. ლამაზი და ჭკვიანი ქალი თუ გადარჩა და ბრი-
ყვად არ მონათლეს, მხოლოდ იმიტომ, რომ დედაკაცია.

58

მამაკაცი სხვის საიდუმლოებას უკეთ იცავს, ვიდრე საკუთარს.
ქალი კი, პირიქით, თავის საიდუმლოებას უკეთ ფარავს, ვიდრე
სხვისას.

59

ახალგაზრდა ქალის გულს რაც უნდ ძლიერი სიყვარული დაე-
უფლოს, ანგარება და პატივმოყვარეობა სიყვარულს უფრო მეტად
უძლიერებს.

60

დგება ჟამი, როცა თვით დიდად მდიდარმა ასულმაც კი ვინმეზე
უნდა შეაჩეროს არჩევანი. პირველ საქმროებს თუ ხელიდან გაუშ-
ვებს, არ ასცდება ხანგრძლივი სინანული. ჩანს, სიმდიდრე სილა-
მაზესთან ერთად კარგავს მიმზიდველობას. ხოლო სანამ ახალგაზრ-
დაა, ქალს ყოველივე მფარველობს, თვით მამაკაცთა აზრიც: მიაწე-
რენ ყოველგვარ სიკეთეს, რის შემდეგაც იგი უფრო სასურველო
ხდება.

61

რამდენია ისეთი გოგონა, ვისთვისაც დიდ სილამაზეს დიდი სიმ-
დიდრის მოხვეჭის იმედის გარდა, სხვა არაფერი მიუტია.

62

მშვენიერ ქალიშვილებზე, რომელნიც თაყვანისმცემლებს უდი-
ერად ეპყრობოდნენ, შურს იძიებენ მაიმახი, ან ბებერი, ანდა ულირ-
სი ქმრები.

ქალი მხოლოდ იმ კაცის ღირსებასა და სილამაზეს ცნობს, ვინც თვალში მოსდის. თუ ვინმე არ მოსწონს, მისას არც ღირსებას ამჩნევს და არც სილამაზეს.

მამაკაცი თუ წუხს, ხომ არ შევიცვალე, ხომ არ დავბერდიო, თვალეზში ჩახედოს ყმაწვილ ქალს, ვისაც ეარშიყება და დააკვირდეს რა კილოთი ელაპარაკება იგი. მყისვე შეიტყობს იმას, რისიც ეშინია: მკაცრი გაკვეთილია!

ქალი თუ ერთ ვინმეს არ ამორებს ანდა ვერ უსწორებს თვალს, ყველასთვის გასაგები ხდება, რასაც ნიშნავს ეს.

ქალი იოლად ლაპარაკობს გრძნობებზე, რასაც არ განიცდის, მამაკაცი უფრო იოლად ლაპარაკობს გრძნობებზე, რასაც განიცდის.

ხანდახან ქალი ცდილობს მამაკაცს დაუმალოს მის მიმართ აღძრული ვნება, ხოლო მამაკაცი მას სიყვარულს ეფიცება და არაფერს განიცდის.

ზოგჯერ მამაკაცი ქალის მიმართ გულგრილად არის განწყობილი და მაინც სიყვარულს ეფიცება. საკითხავია, განა არ სჯობდა ყურადღება მიეპყრო იმ ქალისათვის, ვისაც იგი უყვარს, ვიდრე იმისთვის, ვისაც არ უყვარს.

მამაკაცს არ გაუძნელდება ცრუ ფიცით დაიპყროს ქალის გული, თუ სხვა ქალი წრფელად არ უყვარს.

ქალს როცა აღარ უყვარს, კაცი აყალმაყალს ატეხს და უმალ დამშვიდდება. ქალი თუ მიატოვეს, ნაკლებად ჩხუბობს და დიდხანს ვერ პოულობს სიმშვიდეს.

სიზარმაცისგან ქალის განკურნება შეუძლია პატივმოყვარეობასა და სიყვარულს.

ხოლო თუ სიცოცხლით სავსე ქალი სიზარმაცემ შეიპყრო, სიყვარულის მომასწავებელია.

სრულიად უდავოა, როცა ქალი გატაცებით სწერს წერილს კაცს, ნამდვილად გატაცებულია, მაგრამ ვერაფერს გაიგებს, ნამდვილად უყვარს თუ არა. მგზნებარე და წრფელი სიყვარული გულჩათხრობილი და უტყვია. სიყვარულით დატყვევებული ქალი ისწრაფის. გაიგოს, კაცს თუ უყვარს იგი და სულაც არ ცდილობს საკუთარი გრძნობები გაუმჟღავნოს.

გლისერს ქალები არ უყვარს. არ სიამოვნებს არც მათი საუბარი და არც სტუმრობა. ვიზიტით მოსულებს აუწყებენ, რომ იგი ავადაა. ხშირად ასევე ისტუმრებს მეგობრებს, რომელნიც არცთუ ბევრი ჰყავს და რომელთა მიმართ მეტად მკაცრია, უკარება და ქედმაღალი. როცა შეხვდება, გაფანტულად უსმენს, ერთმარცვლიანი სიტყვებით იძლევა პასუხს და ეტყობა ცდილობს, მალე მოიშოროს თავიდან. ცხოვრობს განმარტოებით და გულჩათხრობილად.

მისი კარი მუდამ სასტიკად არის დაცული, მისი საწოლი ოთახი უფრო შეუღწეველია, ვიდრე მონტრონისა და ემერის საბრძანებლები. მარტოოდენ კორინი გახლავთ მისი სასურველი სტუმარი. რადროც უნდა იყოს, კარი მისთვის ფართოდ იღება. გლისერი ეხვევა, ჰკოცნის მას, თითქმის უყვარს კიდევ კორინი. მასთან ერთად კაბინეტში იკეტება და რალაცას ჩასჩურჩულებს ყურში. ისმენს მის ჩივილს. თვითონაც ჩივის კორინის გარდა ყველა ქალზე. ყველაფერს ეუბნება, მაგრამ არაფერს აგებინებს. თვით არ ენდობა, კორინი კი ყველაფერს უმჯლავნებს. მეტად ვიწრო წრეში ტრიალებს გლისერი. მათთან ერთად თუ წავა მეჯლისზე, თეატრში, მათთან ერთად სეირნობს ბაღში, ვენსენის გზაზე, სადაც მეგობრები ნუგბარ ხილს შეექცევიან. ხანდახან ტახტრევეანზე დაბრძანებული მარტოდ-მარტო მიემართება თავის მშვენიერ ხილის ბაღში, სენ-ჟერმენის გარეუბანში რომ აქვს გაშენებული. ანდა ესტუმრება უამრავ, გულისამათრთოლებელ საიდუმლოების მოზიარე კანიდის, რომელიც ყმაწვილქალებს უწინააწარმეტყველებს მეორედ გათხოვებას და თან იმასაც აუწყებს, როდის და რა პირობებში გათხოვდებიან. გლისერი სულ უბრალოდ, სადაც ივარცხნის თმას, ასევე სადაც იმოსება, კორსეტს ახლოსაც არ იკარებს და უქუსლო მაშიებს ატარებს. აგრე შილიფად ჩაცმულიც სანდომიანია, ოღონდ სიქორფით ვერ დაიკვეხნის. ერთია, მკერდზე ხშირად უბნევია ძვირფასი ქინძის-თავი და მას გულმოდგინედ უმალავს ქმარს, ვისაც თავს ევლება, ეფერება, ელამუნება და ყოველ დღე ახალ-ახალ სააღერსო სახელს უგონებს. სათაყვანებელ მეუღლეს სარეცელს უყოფს და ცალკე საწოლზე არ თანხმდება. დილით თავის ტუალეტსა და წერილების წერას უნდება. ერთი გააზატებული ყმა ეახლება და საიდუმლოდ ეჩურჩულება მას. იგი გლისერის ფავორიტი გახლავთ, პარმენონი. ბატონს ჭირივით სძულს. მსახურები შურით სკდებიან. ქალბატონი კი მისი მფარველი ანგელოზია. რაც მართალია, მართალია, აბა, პარმენონზე უკეთესად ვინ გადასცემს, ვისაც საჭიროა, ქალბატონის ნება-სურვილს და ვინ მოიტანს პასუხს? როცა დუმილია საჭირო, ვინ მუნჯდება მასზე უკეთესად? საიდუმლო კარის გაღება ვის შეუძლია მასზე უხმაუროდ? ვინ მიუძღვება პარმენონზე მარჯვედ სამარქაფო კიბით იმ ვილაცას? მასზე ოსტატურად ვინ გაიყვანს იმ ვილაცას იმავე კარით, საიდანაც შემოიყვანს?

ვერ გამიგია, თუკი ქმარი თავს არ იკავებს და ცუდ განწყობილებასა და უგუნებობას თავისუფლად ამჟღავნებს და არათუ არ ფარავს თავის არც ერთ ნაკლს, არამედ ამით ტრაბახობს კიდევ, თანაც ძუნწია, უხეში, მოჩაჩული, გაუთლელი, გულგრილია და პირქუში, როგორღა შეიძლება იმედოვნებდეს, რომ ახალგაზრდა ცოლს დაიცავს თაყვანისმცემლის შემოტევისგან, როცა ეს უკანასკნელი კოხტად ჩაცმულია, ხელგამლილი, თავაზიანი, მზრუნველობით თავს ევლება ქალს და თან საჩუქრებით, ტკბილი ალერსითა და ლაციცით აღავსებს.

ყოველი ქმარი მეტოქეს თავად იმზადებს და ვით საჩუქარს, ისე მიუძღვნის მეუღლეს. აქებს, ადიდებს ცოლის წინაშე, რა ჩაკიწყიწებული კბილები აქვსო, რა ლამაზი ცხვირ-პირიო. სახლის კარს ფართოდ უღებს და მის სამსახურს სიხარულით ეგებება. მერე, როცა აღსრულდება ის, რასაც თვითონვე უწყობდა ხელს, ამ მეგობრის გამოგზავნილ ნაწილს და ტრუფელებს გემრიელად შეეჭყევა. ვანშამს გამართავს და სტუმრებს ეუბნება: „აბა, ერთი ეს მიირთვიო. ლეანდრის გამოგზავნილი გახლავთ, არაფერი დამჯდომია, მადლობა ვუთხარი მხოლოდ“.

ერთი ქალი ისე აბუჩად იგდებს ქმარს, ისე ჩქმალავს მის არსებობას, რომ საზოგადოებაში კაცს არც ახსენებენ. ცოცხალიო კიდევ, აღარ არის ცოცხალიო? არავინ უწყის. ოჯახში მარტოოდენ ნიმუშია მოკრძალებული დუმილისა და ყურმოჭრილი მონობისა. ცოლი თუ მოუკვდება, დედაკაცივით თალხებში ვერ გაეხვევა და საქვრივო ქონებასაც ვერ დაეპატრონება, შვილსაც ვერ გააჩენს, თორემ სხვაფრივ იგი ცოლია, ხოლო ცოლი ქმარი გახლავთ. თვეობით ერთ ჭერქვეშ ცხოვრობენ და არავითარი საფრთხე არ მოელოთ, ერთმანეთს შეხვდნენ, თუმცა მეზობლები კი არიან. ბატონი უსწორებს ანგარიშს ყასაბსა და მზარეულს, სუფრა კი ქალბატონთან იშლება. საერთო თითქმის არაფერი აქვთ, არც სარეცელი, არც

სუფრა; გვარსაც კი სხვადასხვას ატარებენ. ცხოვრობენ რომაულსა თუ ბერძნულ ყაიდაზე: ყველა თავისთვის. როცა გაივლის დრო და უამი, ყურს მიაჩვევ ქალაქურ უარგონს და გაიგებ ბოლოს და ბოლოს, რომ ბ-ნი ბ... ოცი წელია ქმარი ბრძანდება ქ-ნი ლ...-სი.

77

ეს ქალი ისეთი წესიერი ყოფაქცევისაა, რომ ქმარს თუ სულს ვერ ამოხდის, სამაგიეროდ ლამის მიაძკვდარუნოს, ისე ეამპარტავნება თავისი კეთილშობილი წარმოშობითა და მაღალ საზოგადოებასთან ურთიერთობით, მდიდარი მზითევით, მომნიბვლელი გარეგნობით, ღირსეული თვისებებითა და იმით, რასაც ზოგი სათნოებას უწოდებს.

78

იშვიათია ისეთი სრულყოფილებით აღსავსე დედაკაცი, რომელიც დღეში ერთხელ მაინც არ აძლევდეს ქმარს საბაბს სინანულისთვის, ცოლი რად შევირთო, ანდა, ყოველ შემთხვევაში, ბედნიერად არ რაცხდეს კაცს, ვისაც ცოლი არ ჰყოლია.

79

გულჩახვეული, მღუმარე მწუხარება მოდიდან გავიდა. ქალი ტირის, მოთქვამს, ერთსა და იმავეს იმეორებს. ქმრის გარდაცვალებით ისეა თავზარდაცემული, რომ ერთი წვრილმანიც კი არ ავიწყდება.

80

რა იქნებოდა გამოეგონათ საშუალება იმისა, რომ ცოლს ქმარი შეეყვარებინა.

81

ცივი ქალი იმიტომ ჰქვია, რომ ჯერ არ შეხვედრია კაცი, ვისაც შეიყვარებდა.

ოდესღაც სპირნაში ცხოვრობდა ერთი მეტად ტურფა ასული, ემირი ერქვა სახელად. ქალაქში სილამაზით ისე არ იყო განთქმუ-

ლი, როგორც სიმკაცრითა და განსაკუთრებით მამაკაცებისადმი გულგრილი დამოკიდებულებით. თავად იტყოდა, მათთან შეხვედრა ჩემთვის სახიფათო არ გახლავთო. როგორც ჩემი დაქალებისა და ძმების მიმართ, ისე ვარ მათადმი განწყობილიო. ოდნავადაც ვერ იჯერებდა მონაყოლს იმ სიგიჟეზე, რასაც ყოველ დროს სიყვარული იწვევდა ადამიანებში. ვერც ის გაეგო, რასაც საკუთარი თვალით ხედავდა. მეგობრული გრძნობის გარდა, არაფერი განეცადა. და ამ გრძნობას უმადლოდა ერთ მშვენიერ გოგონას. ისე ტკბილი და ნაზი იყო მათი ურთიერთობა, რომ ემირი სხვას არას ნატრობდა, ოღონდ იგი სამარადისოდ გაგრძელებულიყო. ვერ წარმოედგინა, თუ სხვა რამ გრძნობას შეეძლო ოდესმე გაენელებინა მისი ლტოლვა მეგობრის ერთგულებისა და ნდობისადმი, რითაც ესოდენ კმაყოფილებას განიცდიდა. მარად პირზე ეკერა მეგობრის სახელი, ეფროზინე. და მთელ სმირნას ემირისა და ეფროზინეს მეტი სალაპარაკო არარა ჰქონდა. მათი მეგობრობა ანდაზად იქცა. ემირს ორი ახალგაზრდა ძმა ჰყავდა, ისეთი პირმშვენიერი, რომ ქალაქში ყველა ქალს ჰქუა ეკარგებოდა მათზე. ემირს ნამდვილი დამძური სიყვარულით უყვარდა ძმები. იუპიტერის ერთ ქურუმს, ემირის მამის ხშირ სტუმარს, ასულის ტრფობა აღეძრა გულში. გაკადნიერდა, ემირს გაუმეღავენა გრძნობა თვისი. დიტეხა ასულის რისხვა. მოვიდა შემდეგ ბერიკაცი, წარმოშობით და სიმდიდრით გალალბულმა გაბედულება გამოიჩინა და ქურუმის ეწია ბედი. ქალი ხარობდა, თუმცა აქამდე თავის ორსა ძმას, ქურუმსა და ბერიკაცს შეხვედროდა მარტოდონ, ხარობდა, გულში სიცივეს რომ დაესადგურებინა. მერე გამოჩნდა, რომ ცამ ინება, უფრო მძლავრი მიეჩინა მისთვის გამოცდა არა ერთი და არა ორი, მაგრამ ამოდ. უმაღლეს დაყარა ყველამ ფარ-ხმალი და უქარება ასულს მშვენიერს განუმტკიცდა სახელი ქალის, სიყვარული ვისაც ვერ სჯობნის. სამი ჰბატუკიც დაატყვევა მისმა მშვენებამ. ემირს კი ოდნავ არ აწუხებდა მათი განცდები. ხელმა მიჯნურმა მკერდი გაიპო ასულის ფერხთან. მეორეს რაკი არ ათხოვა ყური ემირმა, კრიტის ბრძოლაში შეეგება სიკვდილს უშიშრად. ხოლო მესამემ მწუხარებით ძილგამქრალმა, დალია სული. არ მოვლენოდა ასულს ჰბატუკი, ვინც იძიებდა შურს ყველას ნაცვლად. ემირის მიმართ უიმედო სიყვარულით შეპყრობილ ბერ კაცს, რაკი ეფიქრა, მოხუცი ვარ და ასულ-

საც, ვისაც მსურდა მოეწონებოდი, სულ სხვაგვარი ხასიათი ჰქონია თურმე, გადაეწყვიტა, ხანდახან მაინც ეხილა იგი, მისდა ნუგეშად ესეც კმაროდა. ერთ დღეს მშვენიერს ტურფა ქალიშვილს წარუდგინა თავისი ძე, ყმაწვილი კაცი პირმწყაზარი, ტანწერწეტა, კეთილშობილი. ასულმა მზერა დაკვირვებით მიაპყრო ჰაბუკს, ვისაც მამის წინ მოკრძალება ისე ბოკავდა, რომ დუმდა დიდხანს, ხოლო ქალი უჭკუობად უთვლიდა დუმილს, თუმცა წუხდა, რატომ არ ჰქონდა ვაჟს მეტი ჰკუა. მერე კვლავ შეხვდა, მარტონი იყვნენ და ჰაბუკი ალაპარაკდა. გონიერება არ აკლდა, მაგრამ ქალს არ შესციცინებდა, არც აქებდა მის სილამაზეს, ყურადღებას არც კი აქცევდა. ემირს დიდად გაუკვირდა, აღშფოთდა კიდევ, რაკი ყმაწვილი ასე კოხტა, ასე ჰკვიანი, თავაზიანად არ ექცეოდა. მეგობარს თვისას უამბო ყველა და მეგობარმა მოინდომა ვაჟკაცის ნახვა. ჰაბუკი მხოლოდ ეფროზინეს ხედავდა ირგვლივ და უთხრა კიდევ, მშვენიერი ბრძანდებითო, ლამაზი მეტად. აგრე გულგრილი ემირი ჩვენი ეჭვიანობამ შეიპყრო უცებ. მიხვდა, კტეზიფონს სწამდა, რასაც ამბობდა კიდევ. და რომ იგი თავაზიანი არ იყო მხოლოდ, იყო მიჯნურიც. და ამის შემდეგ მეგობართან შებოროკილად იყო ემირი. ინება მერე კვლავ ენახა ისინი ერთად, რათა ყოველი განეჭვრიტა ცხადად და ნათლად. და ეს შეხვედრა უმჟღავნებდა უფრო მეტს, ვიდრე შიშობდა ემირ; აღარ ეკვობდა, დარწმუნებით იცოდა უკვე. ეფროზინეს ჩამოსცილდა, ველარ გაეგო, რა ღირსება ხიბლავდა მისი. არც საუბარი იზიდავდა ნაზ მეგობართან. აღარ უყვარდა. ასეთმა შეცვლამ აგრძნობინა, სიყვარულმა დაიკავა მეგობრის ადგილი გულში. კტეზიფონი, ეფროზინე ყოველდღიურად ერთურთს ხვდებიან, ეტრფიან ერთურთს, ჯვარის დაწერას აპირებენ და იწერენ ჯვარს. და ეს ამბავი მოედება მთელ ქალაქს უმაღლ. და ყველა ამბობს, ბოლოს და ბოლოს, ორ ადამიანს ბედად ერგო სიხარული იშვიათი და შესაშური; ორი მიჯნური ქორწინებამ შეაკავშირა. ემირს მოესმა ეს ამბავი, მწუხარებამ გული აუვსო. იგრძნო, ძალუმი მიჯნურობა დაუფლებოდა. რომ ნეტარება განიცადოს, კტეზიფონი იხილოს მხოლოდ, ეფროზინეს ეახლება. ჰაბუკი ქმარი ისევ არის საყვარელი თავის მეუღლის. ახალი ცოლი მიჯნურია უნეტარესი. ემირს მიიჩნევს ძვირფასი ცოლის მხოლოდ მეგობრად. უბედური ყმაწვილი ქალი ველარც იძინებს და ვერც ჰამს

რამეს. ძალა ეცლება, ჰკუთას ჰკარგავს, კტეზიფონი ჰგონია ძმა და ვით სატრფოს, ისე მიმართავს. გონს მოდის მყისვე, ამის გამო იწვის სირცხვილით. უფრო მეტი შეცდომა მოსდის, მაგრამ აღარ წითლდება უკვე, ველარაფერს გრძნობს. მამაკაცების იპყრობს შიში, მაგრამ უკვე გვიანლა არის, გაგიჟდა ემირ. ხანდახან გონი უბრუნდება, ოხრავს და გმინავს, აღარ არგებს ჰკუთა და აზრი. ხოლო სმირნელი ახალგაზრდობა, ვისაც ახსოვს ზვაობა მისი და გულცივობა, ფიქრობს, ღმერთებმა მეტისმეტად დასაჯესო ტურფა ასული.

თავი მეოთხე

გულის შესახებ

1

მეგობრობას წმინდასა და სპეტაკს ისეთი ხიბლი აქვს, რაიც შუალანად დაბადებულთ ვერ გაუგიათ.

2

✓ მეგობრობა შეიძლება არსებობდეს სხვადასხვა სქესის ადამიანებს შორის და პაწაწინა უწმინდური ზრახვანიც კი არ ახლდეს. და მაინც ქალი კაცში ყოველთვის ხედავს კაცს, და, პირიქით, მამაკაცი ქალში ხედავს ქალს. ამგვარი ურთიერთობა არც მეგობრობად და არც ვნებად არ ჩაითვლება: სულ სხვა სფეროს განეკუთვნება.

3

სიყვარული უეცრად, ანგარიშმიუცემლად, ვნებისა თუ რაღაც სისუსტის შედეგად იბადება. ერთი ლამაზი ნაკეთი თვალს მოგვეწყვეტს, უმაღ დაგვაბამს და გადაწყვეტს ჩვენს ბედს. მეგობრობა კი, პირიქით, დროთა განმავლობაში, ხშირი შეხვედრებისა, დაახლოების შემდეგ თანდათანობით ყალიბდება. რაც უნდა ჰკუთით

ექვემოდე მეგობარს, თბილად, ნაზად, გულისხმიერად და მზრუნველობით ევლებოდე თავს, მრავალი წლის განმავლობაში ვერ მიაღწევ იმას, რასაც ერთ წუთში მიაღწევს პირი ყირმიზი და ხელები ნასათუთები.

4

ჟამთა სვლა მეგობრობას აღუღაბებს, სიყვარულს კი აკნინებს.

5

სიყვარული ვიდრე ცოცხლობს, საკუთარ თავში პოულობს ძალას, ხანდახან კი მისი წყარო ხდება სიმკაცრე, ახირება, ექვიანობა და დაშორება, რაიც თითქოსდა უნდა ანელებდეს ამ ნეტარ გრძნობას. მეგობრობას კი მოვლა სჭირდება და იღუპება თავაზიანობის, გულთბილობისა და ნდობის გარეშე.

6

უფრო ხშირია თავგანწირული სიყვარული, ვიდრე უებრო მეგობრობა.

7

სიყვარული და მეგობრობა ერთმანეთს გამორიცხავს.

8

ვინაც დიდი სიყვარული განუცდია, მეგობრობას არაფრად აგდებს. ხოლო ვინაც ყოველივე მეგობრისთვის უნაცვალებია, სიყვარული არ განუცდია.

9

სიყვარულს ისევ სიყვარული წარმოშობს მუდამ. ძლიერი მეგობრობიდან მეტად სუსტი სიყვარული აღმოცენდება.

მგზნებარე მეგობრობას არაფერი ისე არ ჰგავს, როგორც სიყვარულის საკეთილდღეოდ ვინმესთან დამყარებული ურთიერთობა.

✓ ჭეშმარიტად მხოლოდ პირველად გვიყვარს. მომდევნო სიყვარული ნაკლებ უშუალოა.

ერთბაშად აღმოცენებული სიყვარული ყველაზე ძნელი გასაკურნია.

სიყვარული, რომელიც თანდათანობით, ნელ-ნელა ვითარდება, იმდენად ემსგავსება მეგობრობას, რომ მგზნებარე ვნებად ვერ გადაიქცევა.

ვისაც ისე უყვარს, რომ სურს ათასჯერ მეტად უყვარდეს, მაინც ნაკლებად უყვარს, ვიდრე მას, ვისაც უყვარს უფრო მეტად, ვიდრე სურს.

თუ ვიტყვი, რომ უმძაფრესი გრძნობებით შეპყრობილ გულს სატრფო უფრო მეტად უყვარს, ვიდრე თავისი თავი, ვის უფრო მეტად ვასიამოვნებ, იმას, ვისაც უყვარს, თუ იმას, ვინც უყვართ?

კაცებს ხშირად სურთ ვინმე შეიყვარონ და ვერ ახერხებენ. სწყურიათ დამარცხება და გამარჯვებას აღწევენ და იძულებულნი ხდებიან თავისუფლად ინავარდონ.

ს თავდაპირველად მგზნებარედ უყვართ ერთმანეთი; თანდათან ათვითონვე უწყობენ ხელს, რომ გრძნობა ჯერ განელდეს და მერე გაქრეს. ვინ უფროა დამნაშავე განშორებაში, კაცი თუ ქალი? ძნელია ამის თქმა. ქალები კაცებს აბრალებენ, ერთგულნი არ არიანო, კაცები კი ქალებზე ამბობენ, თავქარიანები გახლავანო.

ს სიყვარულში რაც უნდა მომთხოვნი იყო, მაინც მეტის პატიება შეგიძლია, ვიდრე მეგობრობაში.

შეყვარებული ადამიანისთვის იმაზე ნეტარი შურისძიება არაფერია, რომ თავისი საქციელით უმადური სატრფო უსაზღვროდ უმადურად გადააქციოს.

რა მწუხარებას ანიჭებს ღარიბ კაცს სიყვარული, როცა არ ძალუძს საჩუქრებით აავსოს ქალი და ისე გააბედნიეროს, რომ აღარაფერი ენატრებოდეს.

ქალმა, ვისაც ოდესღაც მგზნებარედ ეტრფოდი სრულიად უიმედოდ, შემდგომ რაც უნდ მნიშვნელოვანი სამსახური გაგიწიოს, მაინც არ იქნები მისი მადლიერი.

ღრმა მადლიერების გრძნობა გვინახევრებს მეგობრულ განწყობილებას იმის მიმართ, ვინც სიკეთე გაგვიწია.

ბედნიერებისთვის ისიც კმარა, იმყოფებოდე საყვარელ არსე-
 ზასთან, ოცნებობდე, ესაუბრებოდე მას, კრინტსაც არ ძრავდე,
 ფიქრობდე მასზე, ფიქრობდე რაღაც-რაღაცაზე; ოღონდ იყო მის
 გვერდით და სხვა არაფერი გინდა.

სიძულვილი უფრო ახლოა მეგობრულ გრძნობასთან, ვიდრე
 ზიზღი.

ზიზღი უფრო შეიძლება გადაიზარდოს სიყვარულში, ვიდრე
 მეგობრობაში.

მეგობარს გაანდობ საიდუმლოს, საყვარელთან წამოგცდება.

შესაძლოა ვინმემ გული გადაგიშალოს, მაგრამ მის გულს ვერ
 დაეპატრონო: გულის მეუფეს არც ნდობა ესაჭიროება, არც საი-
 დუმლოს გაზიარება. ისედაც ყოველივე გადაშლილია მისთვის.

მეგობრებს ვამჩნევთ ისეთ ნაკლს, რასაც მათთვის მოაქვს ზიან-
 ი. საყვარელს ვამჩნევთ ისეთ ნაკლს, რასაც ჩვენთვის მოაქვს
 ზიანი.

სიყვარულში პირველი წაბორძიკება და მეგობრის პირველი
 დანაშაული კარგი გაკვეთილია ჩვენთვის.

უსამართლო, ახირებულ და უსაფუძვლო ბრალის დადებას თუ

ექვიანობას ეძახიან, მაშ რატომღა უნდა ერქვას ექვიანობა სამართლიან, ბუნებრივ გრძნობას, დამყარებულს საღ მოსაზრებაზე და უტყუარ ფაქტებზე. მას სხვა სახელი უნდა გამოეძებნოს.

30

ექვიანობა ხშირად ადამიანის ხასიათიდან გამომდინარეობს და ყოველთვის როდია მგზნებარე ვნების მაუწყებელი. მაგრამ წარმოდგენელია ძლიერი სიყვარული აუღელვებელი და არხეინი.

ადამიანები, რომელნიც არ არიან დარწმუნებულნი სიყვარულში, მხოლოდ თვითონ იტანჯებიან. ექვიანები თვითონაც იტანჯებიან და სხვასაც ტანჯავენ.

31

ქალებზე, რომლებიც არ გვინდობენ და ექვიანობის მიზეზს არ გვაცილებენ, არც ვიექვიანებდით, ჩვენი გრძნობები მათ ხასიათსა და მოქმედებაზე რომ იყოს დამოკიდებული და არა ჩვენს გულზე.

32

✓ გულის გაცივებასა და განხეთქილებას მეგობრობაში თავისი მიზეზი აქვს. სიყვარულში ასე არ განსვამთ: ერთმანეთი აღარ უყვართ, რადგან უწინ ძლიერ უყვარდათ.

33

✓ ძალა არ შეგვწევს სიყვარული სამარადქამოდ შევინარჩუნოთ, ანდა არავინ შევიყვართ.

34

სიყვარულს მოწყენილობა ჰკლავს, დავიწყება ასამარებს.

35

სიყვარულის აღმოცენებისას და ჩაფერფლვისას შეყვარებული წყვილი შებორკილად გრძნობს თავს, მარტო დარჩება თუ არა.

სიყვარულის დასასრული აშკარა საბუთია იმისა, რომ ადამიანი შეზღუდულია და გულსაც თავისი საზღვრები აქვს.

სიყვარული სისუსტეა; უფრო მეტი სისუსტეა სიყვარულისგან განკურნება.

სიყვარული და მწუხარება ერთი და იგივე მიზეზით ქრება: გულში შრება წყარო ცრემლისა და სიყვარულისა.

ზოგიერთი დანაკარგის გამო გულში სამუდამოდ უნდა ისადგურებდეს მწუხარება. უზომო ტკივილი თუ გაგვიყუჩდა, სულაც არ ნიშნავს, თითქოს დიდი ნებისყოფა და ძლიერი გონება გვქონდეს. ცრემლსაც ვაფრქვევთ, ჩვენი დარდი, ჩვენი ვარამიც წრფელია, მაგრამ ისე სუსტები ვართ, ისე თავქარიანები, რომ თანდათან ვპოულობთ ნუგეშს.

უმნო ქალს თუ ვინმე შეიყვარებს, უთუოდ თავდავიწყებით და მგზნებარედ. რადგან ეს გრძნობა მიანიშნებს კაცის უცნაურ ახიარებაზე, ანდა ქალის იღუმალებით მოცულ, უსაზღვრო ხიბლზე, რაიც სილამაზეზე უფრო ძლიერია.

ჩვეულებას აყოლილნი ხვდებიან ერთმანეთს და სიყვარულს ეფიციებიან, ხოლო მათი ყოველი მოძრაობა მეტყველებს, რომ დიდი ხანია აღარ უყვართ ერთმანეთი.

თუ ცდილობ დაივიწყო ვინმე, ესე იგი, სულ იმაზე ფიქრობ. სიყვარულს სინდისის ქენჯნასთან ის აქვს საერთო, რომ უფრო მეტად მტკიცდება, რამდენადაც ბევრს ფიქრობ მასზე, ბევრჯერ იხსენებ და ცდილობ გულიდან ამოიგდო. გრძნობა გაგინელდება, თუკი შეძლებ სულაც არ იფიქრო მასზე.

ცდილობ, ყოველგვარი ბედნიერება მიანიჭო მიჯნურს, თუ ეს ვერ შესძელი — ყოველგვარი უბედურება.

V მისტიროდღე და მწუხარებდღე იმაზე, ვინც გიყვარს, გაცილებით ადვილია, ვიდრე ცხოვრობდღე იმასთან, ვინც გძულს.

რაც უნდ უანგაროდ გიყვარდეს ადამიანი, ხანდახან თავს ძალა უნდა დაატანო და სულგრძელად მიიღო მისგან საჩუქარი.

საჩუქრის ღირსი არის ის, ვინც ისევე ამაღელვებელი სიხარულით იღებს ძღვენს, ვითარცა მისი სატრფო გასცემს.

გაცემა კეთილი მოქმედებაა: იგი არც ძალდატანებითია და არც გაკვირვებულის ხვეწნა-მუდარის შეწყნარება.

ადამიანი თუ დაეხმარა იმას, ვინც უყვარდა, მერე, რაც უნდა მოხდეს, არ უნდა გაახსენოს თავისი სიკეთე.

რომეალებს უთქვამთ, სიძულვილი უფრო იაფი გვიჯდება, ვიდრე სიყვარული. სხვაგვარად რომ ვთქვათ, მეგობრობა უფრო მეტს მოითხოვს ჩვენგან, ვიდრე მტრობა. მართალია, სულაც არა ვართ ვალდებული ვეხმარებოდეთ მტერს, მაგრამ შურისძიება განა ნაკლები გვიჯდება? თუ საამო და ბუნებრივია ბოროტება მიუზღო იმას, ვინც გძულს, განა ნაკლებ საამური და ბუნებრივია სიკე-

თე მიუზლო იმას, ვინც გიყვარს? ნუთუ უფრო მძიმე და დამორგუნ-
ველი არ იქნება, თუ არც ერთს გააკეთებ და არც მეორეს?

46

საამურია შემოხედვა იმისა, ვისაც ახლახან დაეხმარე.

47

არ ვიცი, უმადურის ანუ უღირსის დახმარება თუ ითვლება სი-
კეთედ და თუ იმსახურებს ქებას.

48

გულუხვობა ბევრის გაცემას როდი ნიშნავს, არამედ დროულად
გაცემას.

49

თუ მართალია, რომ სხვისი შებრალება და თანაგრძნობა ისევ
ჩვენივე თავის სიყვარულის გამომხატველია, რადგან ჩვენს თავს
გაჭირვებულის ადგილას წარმოვიდგენთ, მაშინ ჩვენი მდგომარეო-
ბა რატომ არის ესოდენ მცირეოდენი ნუგეში გაჭირვებულთათ-
ვის?

ჯობს უმადურობის მსხვერპლი გახდე, ვიდრე გაჭირვებულს
არ დაეხმარო.

50

გამოცდილება გვიჩვენებს, სირბილე და ლმობიერება საკუთარი
თავისადმი და სისასტიკე სხვისადმი, ერთი და იგივე მანკიერებაა.

51

კაცი, გულმოდგინე შრომაში, შეუღრეკელი გაჭირვებაში და
მომთხოვნი თავისადმი, ადამიანებისადმი, ლმობიერია მხოლოდ თა-
ვისი ძლიერი გონების კარნახით.

რაც უნდ მოსაბეზრებელი იყოს ხელმოკლე კაცზე ზრუნვა, მაინც გული გვწყდება, როცა მას ბედი გაუღიმებს და ჩვენი მოვლა-პატრონობა აღარ სჭირდება. სწორედ ასევე, მეგობრის წარმატება ცოტა გვწყინს კიდევ, რადგან იგი უნდა ამაღლდეს ჩვენზე, ანდა გაგვიტოლდეს. ამგვარად საკუთარ თავს ვერ შევთანხმებთ: გვინდა გვერდში გვყავდნენ ჩვენზე დამოკიდებული ადამიანები და არაფერი გვეხარჯებოდეს მათზე; გვინდა ჩვენმა მეგობრებმა ცხოვრებაში წინ წაიწიონ, მაგრამ როცა აღზევდებიან, დიდას ხიხარულს აღარ განვიცდით.

კაცს შინ ვეპატიუებით, ვთხოვთ გაინაწილოს ჩვენი სუფრა, ქონება, ვთავაზობთ ჩვენს სამსახურს: არაფერს ფასი არა აქვს, მხოლოდ სიტყვის შესრულებას.

კაცს თავისთვის მეტი რა უნდა, თუ ერთი ერთგული მეგობარი ჰყავს; ესეც ბევრია, თუკი შეხვდი. მაგრამ, რაც უნდ ბევრი მეგობარი გყავდეს, მაინც არ მოგჭარბდება, თუკი სხვების დახმარება გწადია.

თუ ყველაფერი მოიმოქმედე, რათა ზოგიერთი კაცის გული მოგეგო და ვერაფერს მიიღწიე, დაგრჩენია კიდევ ერთი საშუალება — აღარაფერი გააკეთო.

მტრებს ისე ეპყრობოდე, თითქოს ოდესმე შენი მეგობრები გახდებიან, ხოლო მეგობრებს, ისე თითქოს შენი მტრები გახდებიან, — არ გამომდინარეობს არც სიძულვილის, არც კეთილგანწყობილების არსიდან; ეს ზნეობრივი პრინციპი კი არ არის, არამედ ადამიანთა სიფრთხილე და შორსმჭვრეტელობაა.

ისეთი ვინმე არ უნდა მოიკიდო მტრად, რომელსაც თუ ახლოს გაიცნობ, მეგობრებს შორის ჩარიცხავ. ისეთი სანდო და კეთილ-სინდისიერი მეგობრები უნდა შეირჩიო, რომ თუნდაც ჩამოშორდე, არ ისარგებლონ შენი ნდობით და მტრობით საშიშროება არ შეგიქმნან.

საამურია ისეთ მეგობრებთან ურთიერთობა, რომლებიც შერჩეული გყავს შენი გემოვნების მიხედვით და პატივს სცემ. ხოლო თუ მეგობრობა დამყარებულია ანგარებაზე, ასეთი სიახლოვე მეტად ძნელი ასატანია. ეს იგივეა, რომ ძალით შეეკედლო ვინმეს.

კეთილგანწყობილება უნდა ეძიო იმასთან, ვისაც გსურს დაეხმარო და არა იმასთან, ვისგანაც მოელი დახმარებას.

კაცი ისე არ იღვწის მეტისმეტად მნიშვნელოვანი მიზნების განხორციელებისთვის, როგორც უბრალო სურვილებისა და რაღაც ახირების შესასრულებლად. იგი თავისუფლად გრძნობს თავს, როცა ამ პატარა სურვილებსა და ახირებას იკმაყოფილებს; როცა თავისი ცხოვრების მოსაწყობად ჩალიჩობს, ისეთი განცდა აქვს, თითქოსდა მონობის უღელი დაედგას. სრულიად ბუნებრივია, დიდი რამ გსურდეს და მასზე ნაკლებად ზრუნავდე; გჯეროდეს, რომ ამის ღირსი ხარ და მისთვის ბრძოლა არ გიხდებოდეს.

ვისაც შესწევს უნარი თავისი სურვილების შესრულებას უცადოს, სასოწარკვეთილებას არ ეძლევა, თუ იმედი უცრუვდება. ის, ვინც მოუთმენლად ისწრაფის მიზნის განხორციელებისკენ, იმდენ

ძალას ალევს, რომ თუნდაც აუხდეს ნატვრა, ქანცაწყვეტილი რჩება.

62

ზოგიერთი ისე მგზნებარედ და დაჟინებით იღვწის მიზნის მისაღწევად, რომ იმის შიშით, ვაითუ სურვილი ვერ შეევისრულო, ყველაფერს აკეთებს, რათა მართლაც ვერ შეისრულოს.

63

ყველაზე სანუკვარ ოცნებას განხორციელება არ უწერია, და თუ ოდესმე ახდა, მაინც ისეთ დროს და ისეთ პირობებში შესრულება, რომ დიდ კმაყოფილებას აღარ გვანიჭებს.

64

✓ მანამდე უნდა ვიცინოთ, სანამ ბედნიერად ვიგრძნობდეთ თავს, თორემ შეიძლება ისე აღმოგვხდეს სული, რომ ერთხელაც არ გავიცინოთ.

65

✓ სიცოცხლე ხანმოკლეა, თუკი მას სიცოცხლეს მაშინ ვუწოდებთ, როცა საამურია. ერთად რომ შევაკოწიწოთ ტკბილად გატარებული ყველა საათი, მრავალი წლიდან სიცოცხლის რამდენიმე თვე თუ შეგვრჩება ხელში.

66

რა ძნელია ვისმეს კმაყოფილი იყო!

67

სიხარულს ვერ შეიკავებ, როცა გაიგებ, ბოროტი კაცი სულთმობრძავიაო. საცაა სიძულვილი შენი ნაყოფს გამოიღებს და ამ საზიზღარი ადამიანისგან მიიღებ იმას, რისი იმედიც შეიძლება გქონოდა, — მისი გარდაცვალების ამბავს. ბოლოს კვდება ეს

კაცი, მაგრამ რა, ისეთ ვითარებაში განუტევებს სულს, რომ შენთვის აღარ არის სახარბიელო: კვდება ან ძალიან აღრე, ან ძალიან გვიან.

68

ამაყი კაცისთვის ძნელია აპატიოს ადამიანს, რომელიც მას დანაშაულზე წაუსწრებს და სამართლიანად უსაყვედურებს. გოროზი გული მხოლოდ მაშინ მოუღებება, როდესაც მეორესაც ფეხი წაუტდება და თვითონ ძველებურად წელში გასწორდება.

69

ჩვენ უფრო და უფრო სათუთი გრძნობებით ვიმსჯვლებით იმის მიმართ, ვისაც სიკეთით ვავსებთ. ჭირის დღესავით კი გვძულს ის, ვისთვისაც მძიმე შეურაცხყოფა მიგვიყენებია.

70

ისევე ძნელია შეურაცხყოფა უმაღლ გადაყლაპო, როგორც ძნელია მრავალი წლის განმავლობაში გახსოვდეს იგი.

71

ჩვენი სისუსტის გამო გვძულს მტერი და შურისძიებაზე ვოცნებობთ. ჩვენი სიზარმაცის გამო ვმშვიდდებით და შურისძიებაზე აღარ ვოცნებობთ.

72

სიზარმაცისა და სუსტი ნებისყოფის შედეგად ვემორჩილებით ვინმეს.

ნუ გეგონება, თითქოსდა შესაძლებელი იყოს, ხელის ერთი დაკრით, ყოველგვარი წინასწარი მომზადების გარეშე, ვინმეს შენი აზრი მოახვიო რაიმე სერიოზული საქმის მიმართ, რაც დიდად მნიშვნელოვანია მისთვისაც და მისი ახლობლებისთვისაც. იგი მაშინვე გრძნობს, რომ გასურს დაიმორჩილო და შენი გავლენის ქვეშ

მოაქციო. სირცხვილისა თუ ჭირვეულობის შედეგად შენი ბატონობის უღელს უმაღლეს მთაზე მოიცილებს. წვრილმანებიდან უნდა დაიწყოს და აღარ გაგიძნელებს მნიშვნელოვან საქმეებში შენს ჭკუაზე აპროწილო. დასაწყისში იქნებ გაგიჭირდეს სოფელში გაგზავნა, ანდა ქალაქში დააბრუნო, მერე იმასაც მიაღწევ, შენი კარნახით დააწერინო ანდერძი, რომლითაც მის შვილს მემკვიდრეობა ჩამოერთმევა.

რათა ვინმე დიდხანს გყავდეს მორჩილებაში, მოქნილი უნდა იყო და შენი ძალაუფლება არ აგრძნობინო.

ერთნი დაგემონებიან მხოლოდ განსაზღვრულ მიჯნამდე; ამის იქით კი ურჩინი ხდებიან და მიუყარებელი. მათი გულისა და გონებისკენ გზა ჩაკეტილია. ვერც ქედმაღლობით, ვერც გაიძვერობით, ვერც ძალით, ვერც ცბიერებით ველარ გახვალ ფონს. ერთნი აგრე იქცევიან საღი მოფიქრებისა და მოსაზრების შედეგად, მეორენი — თვითნებობისა და სიჭიუტის გამო.

ზოგიერთი ახლოსაც კი არ იკარებს გონიერულ მოსაზრებასა და კეთილ რჩევას, საკუთარი ნებით ირჩევს მცდარ გზას იმის შიშით, რომ ვინმეს ნებას არ აპყვეს.

ზოგი კი თანახმაა მეგობრების აზრი მეტად უმნიშვნელო და წვრილმან საკითხებში გაიზიაროს, და დაიტოვოს უფლება, დიდმნიშვნელოვანსა და სერიოზულ საქმეებში თვით უხელმძღვანელოს მეგობრებს.

ღრანსი ცდილობს ყველას მოაჩვენოს, თითქოსდა თავის ჭკუაზე დაჰყავდეს ბატონი, მაგრამ არავის სჯერა მისი, თვით ბატონსაც კი. მეტად შეუფერებელ დროსა და ადგილას განუწყვეტლივ ელაპარაკებოდე დიდებულს, ვისაც ემსახურები, ყურში ჩასჩურჩულებდე, ანდა რაღაცას ეუბნებოდე საიდუმლოდ, მის წინაშე კვდებოდე სიცილით, სიტყვას აწყვეტინებდე, საუბარში ერეოდე, ზიზღით უყურებდე იმათ, ვინც დიდებულს ესტუმრა პატივისცემის გამოსახატავად, მოუთმენლად ელოდე სტუმრის წასვლას, თავხედური გამომეტყველებით ცხვირწინ ეტუზებოდე, ბუხართან აყუდებული იდგე მის წინაშე, ტანსაცმელზე ექაჩებოდე, ერთი ნაბიჯით არ სცილდებოდე, შინაურულად და თავგასულად იქცეოდე, მეგობრად მოგქონდეს თავი, — ყოველივე ეს მიაწინებს სულელსა და არა ფავორიტს.

გონიერი კაცი არც სხვას ემორჩილება და არც სხვას იმორჩილებს. მას სურს ყველა მორჩილებდეს გონებას.

სულაც არ მეწყინებოდა, თუ ჩემს თავს მივანდობდი გონიერ ადამიანს და დავემორჩილებოდი მას ყველაფერში აწ და მარადის. დარწმუნებული ვიქნებოდი, რომ სწორად მოვიქეცი. ფიქრით თავს არ შევიწუხებდი, სიმშვიდით დავტკებოდი, ვით შეეფერება კაცს, ვისაც გონება უწევს ხელმძღვანელობას.

73

ყოველი ვნება მატყუარაა, რამდენადაც შეუძლია თვალთმაქცობს და საკუთარ თავსაც კი ემალება. არ არსებობს მანკიერება, რომელიც სათნოებით არ ინიღბებოდეს და მისი დახმარებით არ სარგებლობდეს.

74

ვკითხულობთ სულის საცხონებელ წიგნს და გული გვიჩუყდება. ვკითხულობთ სატრფიალო წიგნს და მღელვარება გვიპყრობს. გავბედავ და ვიტყვი, მხოლოდ გულს ძალუძს შეიცნოს და შეარიგოს ურთიერთსაწინააღმდეგო, შეუთავსებელი გრძნობები.

75

ხალხს დანაშაულის ისე არ რცხვენია, როგორც თავისი სისუსტისა და პატივმოყვარეობისა. აშკარად არიან უსამართლონი, მოძალადენი, გამცემნი, მახეზღარნი და ამავე დროს, სრულიად უანგაროდ მალავენ სიყვარულსა და პატივმოყვარულ მისწრაფებებს.

76

არასოდეს უთქვამს ვისმეს, პატივმოყვარე ვიყავიო. კაცი პატივმოყვარე ან სულ არ არის, ან ყოველთვის არის. მაგრამ დგება დრო, როცა ყველა გულახდილად ვამბობთ, სიყვარულით გვიცემდაო გული.

კაცნი იწყებენ სიყვარულით, ამთავრებენ პატივმოყვარეობით. მშვიდდებიან, როცა სამუდამოდ განისვენებენ.

ვნება ადვილად სჯობნის გონებას. მისი დიდი გამარჯვებაა ანგარების დამარცხება.

გულით უფრო ადვილად და სიამოვნებით უახლოვდებიან ადამიანები ერთმანეთს, ვიდრე გონებით.

ზოგიერთ დიად გრძნობას, კეთილშობილსა და სულგრძელ საქციელს უფრო მეტად ვუმადლით ჩვენს თანდაყოლილ სიკეთეს, ვიდრე გონების ძალას.

ქვეყნად არ არსებობს უფრო მშვენიერი სიჭარბე, ვიდრე სიჭარბე მადლიერებისა.

მართლაც გონების ნატამალიც კი არ უნდა გაგაჩნდეს, რომ სიყვარულმა, ცბიერებამ, გაჭირვებამ ჭკუა არ გასწავლოს.

ქვეყნის ერთ კუთხეს აღტაცებით შესცქერი, მეორე კი გულს ვითბობს და იქ დასახლების სურვილს აღგიძრავს.

მე მგონი, ადამიანის გონება, გრძნობები, ხასიათი, გემოვნება და მიდრეკილება მის ადგილსამყოფელზეა დამოკიდებული.

მხოლოდ ის, ვინც სიკეთეს თესავს, იქნებოდა შურის ღირსი. ამაზე უკეთესი ხვედრიც რომ არ არსებობდეს, — უფრო უხვად თესავდე სიკეთეს. რა ნეტარი იქნებოდა შურისძიება კაცზე, ვინც ამგვარ შურს გაგიღვიძებს.

ზოგი თავს ნებას არ აძლევს შეიყვაროს ვინმე და ლექსები წეროს; თითქოსდა ეს იყოს სამარცხვინო სისუსტე გულისა და გონებისა.

სანუკვარი და ფაქიზი გრძნობები ზოგჯერ გვეკრძალება და მეტად ბუნებრივია, რომ გულში მაინც ვნატრობდეთ, ნებადართული იყოსო. რა გაუტოლდებოდა ამ გრძნობათა მომხიბვლელობას თუ არა შეგნება იმისა, რომ მათ სათნოებას ვწირავთ მსხვერპლად.

თავი მესამე

მაღალი საზოგადოებისა და საუბრის შესახებ

1

გინდა სუსტი ხასიათი გქონია და გინდა სულ არ გქონია ხასიათი.

2

მხოლოდ ყეყეჩები გვაბეზრებენ თავს, ჭკვიანი კაცი უმაღლესად მიზნდება, სასურველია იგი თუ ზედმეტი. სანამ ზედმეტად იგრძნობდეს თავს, მანამდე ტოვებს საზოგადოებას.

3

ფეხებში გვებლანდებიან უმნო ხუმარები და მწერებივით ფუთ-

ფუთებენ ყველგან. ნამდვილად ენამოსწრებული ადამიანი იშვიათი მოვლენაა და მასაც უჭირს დიდხანს შეინარჩუნოს ეს სახელი. კაცი, ვინც საზოგადოებას აცინებს, პატივისცემას ვერ იმსახურებს.

4

ბევრი გვყავს გონებაშეზღუდული ადამიანი, უფრო მეტი — აყვია და დამცინავი, გაცილებით ნაკლები — ნამდვილად ენამოსწრებული კაცი. მომხიბვლელად რომ იხუმრო და წვრილმანებზე თავშესაქცევად ისაუბრო, დახვეწილი გემოვნება, უშუალობა და ამასთან ერთად მდიდარი წარმოსახვის უნარიც უნდა გქონდეს. ამგვარი ენაკვიმატობა შემოქმედებაა, არაფრისგან რალაცის შექმნა.

5

სერიოზულად ყური რომ დაუგდო აზრმოკლებულ, უსულგულო, ბავშვურად გულუბრყვილო ჩვეულებრივ მასლაათს, აღარც ლაპარაკი მოგინდება და აღარც მოსმენა. იქნებ მარადიული დუმილის ფიციც კი დადო, რაც საზოგადოებისთვის ლაქლაქზე უარესია მაშ, როგორც მოუცილებელ ჰირს, შევეგუოთ ყოველგვარი ჰკუთის ადამიანებს, ნება დავრთოთ, მოგვიყვინენ მცდარ ამბებს, გაგვაცნონ ბუნდოვანი მოსაზრებები მეფეთა განზრახვებზე, მალაღმარდოვნად აგვისახონ სასიყვარულო ურთიერთობა. დე, განმეორდეს ეს ყოველივე აწ და მარადის: არონსი ანდაზებს აფრქვევდეს, მელენდი თავის თავზე წუწუნებდეს, თავის ნერვიულობაზე, შაკიკზე და უძილობაზე.

6

ზოგიერთ კაცს გაიცნობ და გამოელაპარაკები თუ არა, უმალ მოგაბეზრებს თავს იმ საოცარი, გავბედავ და ვიტყვი, უზამსი გამოთქმებითა და სიტყვებით, რომელთაც, როგორც მოეპრიანება, ისე უკავშირებს ერთმანეთს და მნიშვნელობასაც ისეთს აძლევს, რასაც არაფერი აქვს საერთო ძირითად აზრთან და რასაც მხოლოდ მისი ბაგენი აფრქვევენ. მსჯელობს და არც გონების კანონებს

ემორჩილება და არც ჩვევებს, ემონება მარტოდენ ახირებულ აზროვნებას თვისას, მეტადრე სურვილს მოსწრებული სიტყვა წარმოთქვას, გაიბრწყინოს საზოგადოებაში. თანდათან ჰქმნის საკუთარ ჟარგონს, რაც საბოლოოდ მხოლოდ და მხოლოდ მისი საკუთარი კილოკავი ხდება. თანაც ზედ ურთავს დამახინჯებულ გამოთქმასა და ხელების ქნევას. ჰოდა, დიდად კმაყოფილი გახლავთ თავისი თავითა და გონებამახვილობით. ვერ ვიტყვით, სულაც არ ძალუძს კვიმატი სიტყვა წამოისროლოსო, მაგრამ იმდენად უბადრუკია მისი გონებამახვილობა, რომ მსმენელს სიბრაღულს აღუძრავს და თავსაც აბეზრებს.

7

რა ბრძანეთ? ვერ გავიგე. იქნებ კეთილინებოთ და გაიმეოროთ? ახლა სულ გერაფერი გავიგე. როგორც იყო, მივხვდი: თქვენ გსურთ თქვათ, აციუს, ცივაო? მერედა, რატომ პირდაპირ არ მითხარით, ცივაო. გნებავთ შემატყობინოთ, რომ წვიმს ან თოვს. თქვით: წვიმს, თოვს. თქვენ ფიქრობთ, რომ მე კარგად გამოვიყურები და გსურთ გამახაროთ. ბრძანეთ: რა კარგად გამოვიყურებით. თქვენ კი პასუხად მეუბნებით: ეგ ხომ სულ უბრალოდ და ნათლად იქნება ნათქვამი, ასე ყველა იტყოდაო. მაგას რა მნიშვნელობა აქვს, აციუს, განა დიდი უბედურებაა, ნათქვამი გასაგები იყოს და მეტყველებდეთ ისე, როგორც ყველა? აციუს, თქვენ ყველას, მაღალფარდოვანი გამოთქმების ტრფიალთ, ერთი რამ გაკლიათ და ვერ ამჩნევთ, ამიტომ ძალიან გაგიკვირდებათ, როცა გეტყვით, რომ გაკლიათ ჰქუა: ეს კიდევ არაფერი. ერთი რამ გადაჭარბებითა გაქეთ, — რწმენა, რომ ყველაზე ჰქვიანი ბრძანდებით. სწორედ ეგ გახლავთ წყარო თქვენი გაფუყული აბდაუბდისა, გატყლარქული ფრაზებისა და მყვირალა სიტყვებისა, რაც არაფერს გამოხატავს. როგორც კი ვინმეს სასტუმრო დარბაზში შეხვალთ და ლაპარაკს დააპირებთ, ტანსაცმელზე მოგქაჩავთ და ყურში გეტყვით, ნუ შეეცდებით გაიბრწყინოთ თქვენი ჰქუა-გონებით, იყავით ის, რაც ხართ-მეთქი. ნუ გეშინიათ, სადად და უბრალოდ ილაპარაკეთ იმათსავით, ვინც თქვენ უჭკუოდ მიგაჩნიათ, იქნებ მაშინ დაიჯერონ, რომ ჰქუა არ გაკლიათ.

აბა ვის შეიძლება ჰქონდეს იმედი, რომ მაღალ საზოგადოებაში არ შეხვდება უტვინო, ქარაფშუტა, თავხედსა და კადნიერ კაცებს, რომლებიც დაუყოვნებლივ იწყებენ მასლაათს და სხვებს აიძულებენ მოუსმინონ? მათი ხმა შემოსასვლელ ტალანში შემოგესმებათ, მაგრამ უკან ნუ დაიხვეთ, ნუ შეგეშინდებთ, სიტყვა არ გააწყვეტინო. ნურას უკაცრავად, ისინი საუბარს განაგრძობენ, აინუნშიც არ მოსდით, ვინ შემოდის, ვინ გადის. ასევე არაფრად მიაჩნიათ, ვინ იმყოფება დარბაზში, რა თანამდებობა უჭირავს, რა პირადი ღირსებებით გამოირჩევა. თუ ვილაცას უკვე დაწყებული ჰქონდა ამბის მოყოლა, ხმას ჩააწყვეტინებენ და თვითონ მოჰყვებიან თავიანთ ყაიდაზე, რაც მათი აზრით, უბადლოა. ამბავი გაუგიათ ზამეტოსგან, რუჩელაისგან ანდა კონჩინისგან¹, რომელთაც არ იცნობენ, რომლებთანაც თავის დღეში არ უსაუბრიათ და რომ ესაუბრათ მონსენიორებს უწოდებდნენ. ხანდახან უმაღლესი მდგომარეობის პიროვნებასთან მივლენ, მის ყურთან დაიხრებიან, რათა გააბედნიერონ და ამცნონ ამბავი, რაც ჭერ არავინ იცის და არ სურთ ვინმემ გაიგოს. ზოგიერთის გვარს არ დაასახელებენ, ვაითუ გახმაურდეს და თავლაფი დაესხასო. სთხოვთ, ამაოდ ეხვეწებით, ვერ გაგიმჟღავნებენ, სინდისი ნებას არ აძლევთ, ფიცი აქვთ დადებული, ვერავის გასცემენ. ეს საიდუმლო განხლავთ, უდიდესი საიდუმლო, რისი გახსნაც მათთვის შეუძლებელია, რამეთუ ის, რაც თქვენ გნებავთ გაიგოთ, მათთვისაც უცნობია.

9

არიასს ყველაფერი წაუკითხავს, ყველაფერი უნახავს, როგორც ირწმუნება. ყოველმხრივ განათლებულია, — ასეთად ასალებს თავს. ურჩევნია მოიტყუოს, ვიდრე გაჩუმდეს ანდა გამოამჟღავნოს, რომ რაღაც არ იცის. ერთხელ, სუფრაზე, სიტყვა ჩამოვარდა ჩრდილოეთის ერთი სამეფო კარის დიდებულზე. არიასმა არც აცია და არც აცხელა, საუბარში ჩაება და სიტყვა გააწყვეტინა იმათ, ვინც აპირებდა ეთქვა ის, რაც იცოდა. თურმე ნუ იტყვიოთ, იმ შორეულ

¹ არ დაუმატებენ „ბატონს“.

კუთხეზე დიდად გათვითცნობიერებული ყოფილა, გეგონებოდათ, იქ დაბადებულაო. ჰყვებოდა სამეფო კარის წეს-ჩვეულებებზე, იქაური ქალების ყოფა-ცხოვრებაზე, თავგადასავლებზე; მეტად თავშესაქცევენი არიანო და ისე იცინოდა, ლამის გასკდა. ვილაცამ გაბედა და სიტყვა შეუბრუნა, უდავო საბუთებით დაუმტკიცა, მართალს არ ბრძანებთო. არიასი ოღნავადაც არ შემკრთალა, შეუდრეკლად დაესხა თავს მოწინააღმდეგეს. მე არაფერს გიმტკიცებთო, განაცხადა, მხოლოდ გადმოგცემთ იმას, რაც ნამდვილად მაქვს გაგებულო. ეს ყოველივე იმ სამეფო კარზე წარგზავნილმა საფრანგეთის ელჩმა სეტონმა მიამბოო. რამდენიმე დღეა პარიზში დაბრუნდა და რაკი ძალიან ახლოს ვიცნობ, შევხვდი, ყველაფერი დაწვრილებით გამოგკითხე და მასაც არაფერი დაუმაღავსო. არიასმა, ის იყო, უფრო მეტი დაჯერებით განაგრძო თხრობა, რომ ერთმა სტუმარმა უცბად პირში მიახალა: თქვენ მოგმართავეთ თვით სეტონი, რომელიც ახლახან გეახლათ პარიზში.

10

საუბარში რაღაც საშუალო უნდა აირჩიო სიზარმაცის, ლაპარაკს რომ გიშლის, გონებაგაფანტულობის, რაც საუბრის თემას გაშორებს და გაიძულებს უდგილო შეკითხვები დასვა ანდა სულელურად უპასუხო და იმგვარ ყურადღებას შორის, როცა ერთი სიტყვაც კი არ გასურს გამოგეპაროს, სულში ჩაჰყეები, ჩაიძიებ, ჩააცივდები და მაინცადამაინც შენ აიხირებ, რაღაც ვერ გავიგეო, თუმცა ყველასთვის ზედმიწეგნით გასაგებია; მეტად ღრმა და გონებამანვილურიანო, ამტკიცებ, მხოლოდ იმისთვის, რომ შემთხვევით ისარგებლო და საკუთარი გონებამახვილობა გამოამჟღავნო.

11

საკუთარი თავით იყო აღტაცებული, უდავოდ გწამდეს, რომ დიდად ჰქვიანი ხარ, ისეთი უბედურებაა, რაც მთლად უჰკუო კაცს, ან ცოტაოდენი ჰკუის პატრონს ემართება. ვაი მას, ვინც ასეთ ადამიანს გადააწყდება. რამდენი გაპრიანებული ფრაზა უნდა მოისმინოს! რამდენი მოდაში შემოსული სიტყვა, უცბად რომ ჩნდება ენაში, ერთხანს ბოგინობს და უცბადვე ქრება. ეს კაცი ახალ ამ-

ბებს ჰყვება არა მისთვის, რომ მსმენელს ზედმიწევნით გააგებინოს, არამედ იმისთვის, რომ ლაპარაკით თავი მოიწონოს, ლამაზად ილაპარაკოს და ხატოვნად გადმოსცეს ამბავი, რაც მის ბაგეზე რომანად იქცევა. მოქმედი პირნი მისებურად ფიქრობენ და მეტყველებენ. ლაპარაკობენ გაჭიანურებულად, მის საყვარელ სიტყვებსა და გამოთქმებს აფრქვევენ. მერე იწყებს წილისვლებს, რაიც ცალკეული ეპიზოდები გეგონებათ. ეს ყოველივე ერთმანეთში ირევა და აღარც მსმენელს, აღარც მთხრობელს აღარ ახსოვს ძირითადი ამბავი. ნეტავ რა დაემართებოდა ან ერთს, ან მეორეს, საბედნიეროდ ვილაცას რომ არ შემოესწრო და არ დაევიწყებინა ნაამბობი?

12

თეოდექტი შემოსასვლელ ტალანშია და მე უკვე მესმის მისი ხმა. რამდენადაც უახლოვდება სასტუმრო დარბაზს, იმდენად უფრო იმალლებს ხმას. აგერ, შემობრძანდა. ხარხარებს, ყვირის, ხორხოცებს. ყველა ყურს თითოთ იცობს. პირდაპირ ჰქეჟა-ქუხილია. თავზარდამცემია, რასაც ამბობს და როგორც ამბობს. იგი ყუჩღება და მხოლოდ იმიტომ აღარ ხორხოცებს, რომ რაღაც უაზრო და ტუტუტური წაიბლუკუნოს. იმდენად არად მიაჩნია დრო, ადამიანები, ზრდილობა, რომ ანგარიშმიუტეველად შეურაცხყოფს ყველას. არც კი დამჯდარა და უკვე მოასწრო დამსწრე საზოგადოება თავისდა უნებლიეთ გაეთათხა. სუფრას გაშლიან და პირველი დაბრძანდება საუკეთესო ადგილას, ორ ქალბატონს შორის, ჭამს, სვამს, რაღაცას ჰყვება, ხუმრობს, ყველას სიტყვას აწყვეტინებს. არავის არაფრად აგდებს, არც მასპინძელს, არც სტუმრებს. ყველას თავაზიანობით ბოროტად სარგებლობს. ბოლოს და ბოლოს ვინ მასპინძლობს? ის თუ ევტიდემი? მთელი სუფრის ყურადღებას იპყრობს. არვინ უწყის, რა უფრო საშიშია, მის მიმართ ყურადღება გამოიჩინოს, თუ არ გამოიჩინოს. ღვინო და ხორცი მის გუნებგანწყობილებას ვერ ათვინიერებს. ბანქოს თამაშში იგებს და წაგებულს ისეთნაირად ექილიკება, რომ შეურაცხყოფს. სიცილის მოყვარულნი მის მხარეზე არიან. ყოველგვარ თავხედობას აპატიებენ. ბოლოს მოთმინება აღარ მყოფნის, მივდივარ, რადგან აღარ შემიძლია ამაზე მეტი მოვუთმინო თეოდექტს და იმათ, ვინც თეოდექტს უთმენს.

ტროილი საჭირო კაცია მდიდრებისთვის. მათ აღარც კარბი ქონების უღელი აწევთ, აღარც ფულის დაგროვებასა და ხელშეკრულების დადებაზე ზრუნვა აწუხებთ, აღარც ზანდუკების დაკეტვა სჭირდებათ, არც გასაღების ტარება და აღარც სახლის გაქურდვის ეშინიათ. ტროილი ოჯახის უფროსს ჯერ დროსტარების გეგმოს გააგებინებს, მერე სატრფიალო საქმეებში დაეხმარება და სულ მალე მისი ჭკუის მასწავლებელი გახდება ყველაფერში. და აი, ის ოჯახის ორაკული ბრძანდება; მის გადაწყვეტილებებს უცდიან, ამას რას ვამბობ, უცდიან კი არა, წინასწარ ხვდებიან. იგი წარმოთქვამს: „ეს ყმა უნდა დაისაჯოს“ და ყმას გაწყებავენ. „ის ყმა უნდა გათავისუფლდეს“ და ყმა თავისუფალია. ოჯახში შემოკედლებულმა კაცმა ტროილი ვერ გააცინა, ვაითუ ტროილს არ მოეწონოსო, კაცს გარეთ აგდებენ. ოჯახის უფროსი ბედნიერია, თუ ტროილი დაუტოვებს ცოლ-შვილს. ტროილი სუფრას უზის და აცხადებს, კერძი გემრიელიაო, პატრონიცა და სტუმრებიც, აქამდე გულგრილად რომ შეეჭკეოდნენ საჭმელს, კვერს უკრავენ, გემრიელიაო და მისი ჭამით ვერ ძლებიან. პირიქით, თუ იტყვის, უგემურიაო, ვინც აქამდე გემრიელად მიირთმევდა, ველარ ბედავს პირში ჩადებული ლუკმა გადაყლაპოს და ძირს აფურთხებს. ყველას მზერა მისკენ არის მიმართული, რას იტყვის, როგორ მოიქცევა. მასზე აღრე ვერავინ გაბედავს სუფრაზე მოტანილი საჭმელ-სასმელის მოწონებას ან დაწუნებას. სხვაგან ნურსად დაუწყებთ ტროილს ძებნას. იგი იმყოფება ამ მდიდარი კაცის ოჯახში და მისი სრულუფლებიანი გამგებელია. აქ ჭამს, სძინავს, ინელებს საჭმელს, ეჩხუბება ლაქიას, იღებს ხელოსნებს, თავიდან იცილებს მევალებს. ერთ-ერთ დარბაზში დაბრძანებული მეფობს ამ ოჯახში, აქ ეახლებიან მოკრძალებითა და მოწიწებით გაქნილი კაცები, რომლებიც ტროილის შუამავლობით ბატონთან საქმეებს ჩაიხავენ. ვაი იმის ბრალი, ვისი სიფათიც არ მოეწონება, შუბლს შეიკმუხნის, პირს მიიბრუნებს; ის ბედშავი თუ მიუახლოვდა, ტროილი არ წამოდგება. თუ ახლოს ჩამოუჯდება, ტროილი განზე დგება. დაელაპარაკება, პასუხს არ გასცემს, თუ საუბარს განაგრძობს, ტროილი მეორე ოთახში გადის, უკან გაპყვება, ტროილი კიბეზე ჩაირბენს, სახურავ-

ზე აძვრება, ფანჯარაშიაც კი გადახტება, ოღონდ ხელში ნუ ჩაუვარდება ისეთ ვინმეს, ვისი ცხვირ-პირი თუ ხმა არ მოეწონა. ერთიც და მეორეც საამური აქვს ტროილს და მან ისინი იღბლიანად გამოიყენა, რათა საჭირო კაცზე კარგი შთაბეჭდილება მოეხდინა და მისი კეთილგანწყობილება დაემსახურებინა. დროთა განმავლობაში ყოველივე მისი ღირსება ქვემოთ ეშვება, ხოლო თვითონ ზევით იწევს და აღარ სჭირდება გაიმაგროს ზურგი, ვინმეს თავი მოაწონოს თავისი ნიჭითა და ჭკუით. ისიც დიდი ამბავია, თუ ღრმა ფიქრებში ჩაფლული ხანდახან კამათში ჩაებმება. დღეში ერთხელ თუ იკადრებს კრიტიკისთვის მოიცალოს. იმაზეც მაღლობა თქვით, თუ თქვენგან ქება მიიღო და მოითმინა თქვენი ქათინაურები.

14

დაქირავებულ ეტლში იქნება თუ რაღაც ზეიმზე, ან თეატრში გადაეყრებით უცნობ კაცს; ხელს ნუ შეუშლით, ილაპარაკოს. ერთ წუთში გაიცნობთ მის ასავალ-დასავალს. მოუსმინეთ მხოლოდ, სხვა არაფერი მოგეთხოვებათ. გაიგებთ რა ჰქვია, სად ცხოვრობს, სადაურია, მდიდარია თუ არა, რა თანამდებობა უჭირავს ან მას, ან მამამისს, დედის წარმოშობას, ნათესაობას, მაღალ წრეებთან ურთიერთობას, მის საგვარეულო გერბს. ადვილად მიხვდებით, იგი აზნაურია, საკუთარ ციხე-დარბაზში ცხოვრობს, ჰყავს ლაქიები, აქვს მშვენიერი ავეჯი და მდიდრული ეკიპაჟი.

15

ზოგი ჯერ ლაპარაკობს და მერე ფიქრობს. ზოგიერთი გულმოდგინედ ფიქრობს, რა თქვას და მსმენელს აწამებს, რაკი საუბარში ჩანს, რომ ტვინს იჭყლეტს. ხელოვნურია მისი ფრაზები და გამოთქმები, დაძაბულია მისი მოძრაობა და მიხრა-მოხრა... პურის-ტია¹ და ვერ გაუბედავს თავისუფლად იხმაროს სულ უბრალო სიტყვა, თუნდაც ამ სიტყვით უდიდესი შთაბეჭდილება მოახდინოს. არ წამოსცდება არც ერთი მოსწრებული სიტყვა, ცოცხალი, უშუალო გამოთქმა. ლაპარაკობს გამართულად და მოსაწყენად.

¹ ადამიანები, რომლებიც თავს დებენ სიწმინდეზე.

თანამოსაუბრის ნიჭი ის კი არ არის, რომ თვითონ ლაპარაკობდეს, არამედ ის, რომ მასთან საუბარი სხვებს სიამოვნებდეს. თქვენთან მასლაათის შემდეგ თუ კაცი თავისი თავისა და თავისი ენამახვილობის კმაყოფილი დარჩა, მაშასადავე, თქვენითაც დიდად კმაყოფილია. ადამიანებს სურთ ალტაცებაში კი არ მოგიყვანონ, არამედ თავი მოგაწონონ, კი არ ისწრაფიან გაიგონ ახალი რამ, ან თავი შეიქციონ, არამედ კარგი შთაბეჭდილება მოახდინონ და ქება დაიმსახურონ. ამიტომ კარგი მოსაუბრის ყველაზე სანუკვარი სიამოვნებაა, სხვას ასიამოვნოს.

წარმოსახვის სიჭარბე ვნებს საუბარსაც და ნაწერსაც. იგი უმეტესწილად მარტოდენ ცარიელსა და გულუბრყვილო იდეებს წარმოქმნის და სულაც არ უწყობს ხელს გემოვნების დახვეწასა და ადამიანთა გაკეთილშობილებას. ჩვენი შეხედულებების წყარო უნდა იყოს სალი გონება და ნათელი აზროვნება, სასინჯი ქვა — ჩვენი მსჯელობა.

რა უბედურებაა, როცა კაცს ჭკუა არ ჰყოფნის, კარგად ილაპარაკოს და არც მოსაზრება, გაჩუმდეს. ამის შედეგად გვევლინებიან თავხედნი.

მორიდებით თქვა და დამაჯერებლად დაასაბუთო, რომ რაღაც კარგია, ან ცუდია, საღ აზროვნებასა და ზუსტად გამოთქმის უნარს მოითხოვს და იოლი საქმე არ გახლავთ. უფრო იოლია უგულვებელყო სხვათა მოსაზრება და გადაწყვეტით განაცხადო, ეს შემზარავია, ან შესანიშნავაო.

ისე არაფერი ეწინააღმდეგება ღვთისა და კაცთა კანონებს, როგორც სურვილი, ყოველი წარმოთქმული სიტყვა, თვით მეტად

უმნიშვნელოც კი, მაღალფარდოვნად და საზეიმო ფიციით იყოს განმტკიცებული. პატიოსან კაცს ჰოც დაეჭვრება და არაც. თვით მისი ხასიათია ამის თავდები. დამაჭვრებელს ხდის მის ნათქვამს და მოუპოვებს ყველას ნდობას.

21

ვინც სულ იმას გაიძახის და ფიცავს, წესიერი და ნამუსიანი კაცი ვარო, არავის არაფერს ვუშვებ, დე, ღმერთმა მე დამატეხოს ის ბოროტება, რასაც სხვას ვუსურვებო, იმის უნარიც კი არ შესწევს, წესიერი კაცის როლი შეასრულოს.

რაც უნდ მოკრძალებული იყოს პატიოსანი ადამიანი, მაინც ვერ შეუშლის ხელს მოყვასთ, მასზე თქვან ის, რასაც უპატიოსნო კაცი თავის თავზე ამბობს.

22

კლეონს არც სათნო და არც სამართლიანი ლაპარაკი არ შეუძლია. ამასთან, დასძენს, რა ვქნა, ასეთი დავიბადე, რასაც ვფიქრობ, იმას ვამბობო.

23

ერთი კაცი საამურად ლაპარაკობს, მეორე — თავისუფლად, მესამე გამართულად, მეოთხე — დროულად. დროული რომ ეთქმის, იმის წინააღმდეგ სცოდავს ის, ვინც აღუწერს ცოტა ხნის წინათ მირთმეულ საუცხოო კერძებს იმას, ვისაც ლუკმაპურიც კი სანატრელი გახდომია; ვინც თავისი შესანიშნავი ჯანმრთელობით ტრახახობს უპყარის წინაშე; ვინც სიტყვას ჩამოაგდებს თავის სიზღიდრეზე, სახლის მოწყობილობაზე იმასთან, ვისაც არც რენტა აბადია და არც თავშესაფარი. ერთი სიტყვით, ვინც თავის კვაილდღეობაზე ლაპარაკობს უბედურთა წინაშე. ამგვარი საუბარი მეტად ძნელი მოსასმენია და თავზარდამცემია მათთვის, ვინც შედარებას ახდენს თავისსა და თქვენს ყოფას შორის.

24

„თქვენ ხომ მდიდარი ბრძანდებით, ანდა უკვე უნდა გქონდეთ საკმაო შეძლება, — ამბობს ევტიფრონი, — ათი თასი ლივრა

რენტა, შემოსავალი მამულებიდან, რა საუცხოოა, რა სასიამოვნო, სრულიად საკმარისია იმისთვის, რომ ბედნიერად გრძნობდე თავს“. ამას ამბობს კაცი, ვისაც ორმოცდაათი ათასი ლივრი აქვს რენტა და დარწმუნებულია, რომ ეს მხოლოდ ნახევარია იმისა, რისი ღირსიცაა. ევტიფრონი აზუსტებს, რამდენ გადასახადს იხდით, რამდენს ხარჯავთ, რამდენი გრჩებათ. თქვენ რომ მეტი ჰიმდიდრის ღირსად მიაჩნდეთ, ისეთის მაინც, თავისთვის რომ მოუწადინებია, უთუოდ თქვენც გისურვებდათ ამდენსავე ავლა-დიდებას. მარტო ის როდი ანგარიშობს აგრე უხეიროდ და მარტო ის კი არ ახდენს კაღნიერ შედარებას, ქვეყანა სავსეა ევტიფრონებით.

25

ერთი კაცი, ვისაც ჩვეულებად აქვს ყველა შეაქოს, ცამდე აიყვანოს და მიეფარისეველოს, ულოცავს თეოდემს მის მიერ წარმოთქმული სიტყვის გამო, თუმცა თვითონ არ მოუსმენია და არც ვინმეს მისცემია შესაძლებლობა, მისთვის ეს მოეხსენებინა. თეოდემს ხოტბას ასხამს მჭევრმეტყველების, უესტ-მიმიკის და განსაკუთრებით კი გასაოცარი მეხსიერების გამო. აღსანიშნავია, რომ თეოდემმა პასუხად კრიტიც ვერ დაძრა.

26

შეხვედებით მოუსვენარ, ფუსფუსა კაცს, სულ სადღაც რომ მიეჩქარება, თუმცა არაფრის მაქნისია და არავითარი საქმე არა აქვს. ორიოდ სიტყვას გადმოგიგდებთ და ლამობს თავიდან მოგიცილოთ. ფრაზა არ დაგიმთავრებიათ, უკვე გარბის, თვალს ეფარება. იგი არანაკლებ თავხედიან, ვიდრე ის, ვინც მხოლოდ იმიტომ შეგაჩერებს, რომ თავი მოგაბეზროს. პირველი იქნებ ნაკლებ შემაწუხებელიცაა.

27

ზოგიერთისთვის ხმის ამოღება და შეურაცხყოფის მიყენება ერთი და იგივეა. ის გამკილაგია და ენამწარე. მისი საუბარი ნალველისა და ბალღამის ნარეგია. დაცინვა, გაკიცხვა, ლანძღვა მის ბაგე-
8. ჟან დე ლა ბრუიერი 113

თავან ნერწყვით მოედინება. ერჩივნა მუნჯი და გონებაჩლუნგი დაბადებულყო. ენაკვიმატობა და ჰკუა უფრო მეტად აყენებს მას ვნებას, ვიდრე სხვას — სისულელე. ავი სიტყვა საკმარისი არ გახლავთ, თავსლავი უნდა დაასხას კაცს. რაც კი ენაზე მოადგება მიახლის პირში, თუ ზურგს უკან მიაყოლებს. ხარით შუბლში და ფერდებში ეტაკება მოსაუბრეს. განა შეიძლება ხარს მოსთხოვო, რქები არ ჰქონდეს? ასევე არ მაქვს იმედი, ამ აღწერილობას რომ გაეცნობა, შეეცვლება აგრერიგად თავნება, უხეში და დაუნდობელი ბუნება. ყველას ისა სჯობს, როგორც კი მოჰკრავ თვალს, უკან მოუხედავად მოკურცხლო.

28

ზოგს ისეთი ხასიათი და გუნება აქვს, გირჩევნია მასთან საქმე არასოდეს იქონიო. რაც შეიძლება ნაკლებ უნდა დაიჩვილო მასზე და თავს ნება არ მისცე მასთან საუბარში მართალი გამოხვიდე.

29

ორი კაცი ერთმანეთს სასტიკად წაეჩხუბა. ერთი მართალია. მეორე არ არის მართალი. დამსწრეთა უმრავლესობა, არ ვიცი იმისთვის, რომ არ სურს მათი გასამართლება იკისროს, ან მშვიდობის-მოყვარულნი ბრძანდებიან, რაც მე ყოველთვის უადგილოდ მიმაჩნია, დიახ, დამსწრეთა უმრავლესობა ორთავეს სდებს ბრალს. მეტად ჰკუის სასწავლებელი გაკვეთილია და გეძლევათ ფრიად მნიშვნელოვანი და საფუძვლიანი საბაბი, რათა აღმოსავლეთისკენ მოუსვათ, თორემ ადვილი შესაძლებელია გაგიტოლონ ყუყუჩს, რომელიც დასავლეთში იმყოფება.

30

არ მიყვარს კაცი, რომელსაც პირველი მივესალმები და ამიტომ დამცირებულად ჩამთვლის, ხოლო საკუთარ თავზე შექმნილი მაღალი წარმოდგენა უფრო მეტად განუმტკიცდება. მონტენი იტყოდა, მინდა ვმეგობრობდე იმასთან, ვისთანაც მომეპრიანება, მოვეფერო და თავს შემოვევლო, ვინც თვალში მომივა და ამის

გამო არც სინდისის ქენჯნა ვიგრძნო და არც უსიამოვნო შედეგების შემეშინდეს. არ ძალმიძს სურვილები შევიბოქო, არ ავყვე გულის თქმას, როცა იგი ვინმეს სიხარულით ხვდება. ჩემს სწორსა და მოყვარეს (არა მტერს) პირველი ვეგებები, ვეკითხები ჯანის სიმრთელესა და გუნებაგანწყობილებაზე, ჩემს სამსახურს ვთავაზობ, ვაპრობას არ ვიწყებ, მე თუ ის-მეთქი; სულაც არ ვფიქრობ, ისე, როგორც იტყვიან ხოლმე: აგერ ის კაცი არ მომწონს და რაკი ვიცნობ მის საქციელსა და ჩვევებს, ხელგამლილად და გულდიად არ ვხვდებიო. აბა რას ჰგავს, მოვკრავ თუ არა თვალს, მაშინვე გავიხსენო, რომ საჭიროა გაფუყული და ზვიადი გამომეტყველება მივიღო, რათა იგი არ მიხვდეს, რა აზრისა ვარ მასზე. ამისათვის არ უნდა დავივიწყო, რაოდენ მაღალი ზნეობითა ვარ დაჯილდოებული, რა ადგილი მიკავია ცხოვრებაში და მისი უღირსი სახელი ჩემსას შევადარო. ეს ჩემთვის დიდი ჯაფაა და სულ არ მეხერხება ნიადაგ ჩახმახივით ვიყო შემართული. ერთხელ იქნებ კიდევ რაღაც ვიღონო, მაგრამ მეორეჯერ აუცილებლად დავიბნევი და ყველაფერს გამოვამჟღავნებ. არ ძალმიძს ვითვალთმაქცო და ვითითლიბაზო ვისთანაც უნდა იყოს.

31

სათნო, ჭკვიანი და წესიერი კაციც შეიძლება აუტანელი იყოს. თქვენი მიხრა-მოხრისა და თავაზიანობის მიხედვით, რასაც ზოგიერთი არაფრად აგდებს და წვრილმანად მიიჩნევს, ხალხი გაძლევთ კარგ ან ცუდ შეფასებას. ოდნავი გულთბილი ყურადღება უმალ გაფანტავს მათ ცუდ შეხედულებას. სულ მცირეოდენი რამ კმარა, რომ ჩაგთვალონ ამპარტავნად, უზრდელად, თავხედად და კადნიერად. ამაზე მცირეოდენი კმარა იმისათვის, რომ ამის საწინააღმდეგო თვისებები მოგაწერონ.

32

ზრდილობა ყოველთვის როდი მეტყველებს გულკეთილობაზე, სამართლიანობაზე, თავმდაბლობაზე. მაგრამ, ასე თუ ისე, მაინც ემსგავსება ამ თვისებებს და კაცს საშუალებას უქმნის ისეთი გამოჩნდეს ვარეგნულად, როგორიც შინაგანად უნდა იყოს.

შეიძლება განსაზღვრო, რა არის ზრდილობა, მაგრამ ვერ დაადგინო, როგორ უნდა მქლავდებოდეს. იგი დამოკიდებულია ადამიანების, ღრობზე, ქვეყანაზე, ადამიანებზე. სხვადასხვანაირია საზოგადოებრივი მდგომარეობისა და სქესის მიხედვითაც. გონებით ვერ შეიცნობ. შეითვისება მიბაძვით და მერე იხვეწება. ერთნი დიდად აფასებენ ზრდილობას, მეორენი — მაღალ ნიჭიერებას ან შეუღრეკელ სინდის-ნამუსს. ერთი კია, თავაზიანი ყოფაქცევა ყოველგვარ ადამიანურ ღირსებას ამშვენებს და საამუხრს ხდის. მარტოოდენ გამორჩეული და არაჩვეულებრივი თვისებებით დაჯილდოებული კაცი თუ გაიტანს თავს ზრდილობის გარეშე.

მე მგონია, თავაზიანობა არის მისწრაფება იმისკენ, რომ ჩვენი ნათქვამითა და ქცევით სხვები კმაყოფილნი დარჩნენ ჩვენივე და თავიანთი თავითაც.

33

უზრდელობაა, იმათ წინაშე, ვინც ახლახან თქვენს საამებლად იმღერა ან რომელიმე საკრავზე დაუკრა, უსაზღვრო ხოტბა-დიდება შეასხათ ასეთივე ნიჭით დაჯილდოებულ სხვა მუსიკოსებს. აგრეთვე უზრდელობაა, იმათ წინაშე, ვინც საკუთარი ლექსები წაგიკითხათ, სხვა პოეტი შეაქოთ.

34

თუ სუფრას შლით ვინმეს საპატივცემულოდ, ცდილობთ ყოველნაირად გაართოთ, ანდა უმართავთ ზეიმს, მიართმევთ საჩუქრებს, რასაკვირველია, უნდა ეცადოთ ყოველივე ბრწყინვალედ მოაწყოთ, მაგრამ ამაზე მნიშვნელოვანია, მოაწყოთ მისი გემოვნების შესაბამისად.

35

დიდი უზრდელობაა ყოველგვარ ქებას თუ განვერიდებით. მადლიერნი უნდა ვიყოთ, როცა ხოტბას გვასხამს ღირსეული ადამიანი, გულწრფელად რომ აქებს იმას, რაც მართლაც ქების ღირსია.

36

გონიერი და ამაყი კაცი თუ გაღარიბდა, არ კარგავს არც სიამაყესა და არც შეუღრეკლობას. თუ ცოტა გამდიდრდა, მაშინ შე-

იძლება ხასიათი შეუბრუნდეს, გახდეს უფრო გულთბილი და თავმდაბალი.

37

თუ ვერ ეგუები უამრავ ცუდ ხასიათს, რითაც სავსეა ქვეყანა, ეს იმის მაუწყებელია, რომ არცთუ კარგი ხასიათი გაქვს. მიმოქცევაში ყოველთვის საჭიროა ოქროს ფულიცა და ხურდაც.

38

მუდმივი ურთიერთობა გქონდეს ადამიანებთან, რომლებიც წაჩხუბებული არიან ერთმანეთთან, უსმენდე ერთი ან მეორე მხარის საჩივარს, არაფრით განსხვავდება იმისგან, რომ ნიადაგ იჭლე სასამართლო დარბაზში და დილიდან სალამომდე უსმენდე ბრალდებასა და დაცვას.

39

ცნობილია ისეთი შემთხვევები, როცა ადამიანებს თავიანთი დღე და მოსწრება ერთად გაუტარებიათ, ქონება განუყოფელი ჰქონიათ, ერთ ჰერკვეშ უცხოვრიათ და არასოდეს განუშორებიათ ერთმანეთს და როცა ოთხმოცდაათ წელს გადაუბიჯებიათ, უგრძნიათ, რომ ერთად ყოფნა აუტანელი გამხდარა და ერთმანეთის დანახვა აღარ შეუძლიათ. რალაც ორიოდ დღე დარჩენიათ სასიცოცხლოდ, მაგრამ ერთმანეთი ისე ამოსვლიათ ყელში, რომ ველარ წარმოუდგენიათ ეს ორიოდ დღე ერთად გაატარონ. ჩქარობენ განცალკევდნენ, სანამ სიკვდილი მოუსწრებდეთ. ურთიერთ კეთილგანწყობილებისათვის ძალამხოლოდ ამ დღემდე შესწევდათ. მეტისმეტად დიდხანს იყვნენ ერთად ყველასდა სამაგალითოდ. სულ ცოტა ხნის წინათ რომ მომკვდარიყვნენ, განუშორებელი იქნებოდნენ და მათი ხსოვნა დარჩებოდა, ვით ნიმუში თავდადებული ერთგულებისა.

40

ხშირად ოჯახში წარმოიშევა უნდობლობა, ეჭვიანობა, სიძულვილი. გარეგნულად კი ისი მოჩანს, თითქოს სუფევდეს თანხმობა,

კეთილგანწყობილება, სიტბო და ჩვენ ამით ვტყუვდებით, გვგონია, მშვიდობაა გაბატონებული იქ, სადაც ამის მსგავსი არაფერია. ცოტაა ოჯახი, რომელიც მოგებულ რჩება თუ ახლოს გაიცნობ. სტუმრად მიხვალთ, ოჯახური ჩხუბი წყდება და თქვენს წასვლას ელოდებიან, რათა აყალმაყალი ხელახლა წამოიწყონ.

41

საზოგადოებაში გონება პირველი ყრის ფარ-ხმალს. დიდი ჭკუა-გონების კაცი ხშირად მონა-მორჩილი ხდება შტერისა და ბრიყვის. ჭკვიანნი შეისწავლიან ბრიყვის ყოველგვარ სისუსტეს, გუნება-განწყობილებასა და ახირებას. ყველაფერში ეთანხმებიან. ცდილობენ არ გააღიზიანონ, უთმობენ და ელოლიავეებიან. თუ ოდნავ კარგ გუნებაზეა, ხოტბას ასხამენ. მადლობელნი არიან თუ ყოველთვის არ არის აუტანელი. მისი ეშინიათ, უვლიან, ემორჩილებიან, ხანადახან კიდევ უყვართ.

42

მხოლოდ იმათ, ვისაც ოდესმე ჰყოლია ან ახლა ჰყავს ხანდაზმული ნათესავები, რომელთა მემკვიდრეობას მოელის, შეუძლიათ თქვან, რა ძვირად უჯდებათ ეს მემკვიდრეობა.

43

კლენტი უაღრესად პატიოსანი კაცია. ცოლად შეირთო ფრიად შესანიშნავი და ჭკვიანი ქალი. თითოეული მათგანი საზოგადოების სამკაულად და სიამაყედ ჩაითვლება. იშვიათად შეხვდებით ესოდენ თავზიანსა და სათნო ადამიანებს. ხვალ სცილდებიან ერთმანეთს და მათი განშორების აქტი უკვე შედგენილი აქვს ნოტარიუსს. როგორც ჩანს, არსებობს ისეთი დადებითი თვისებები, რომელნიც ერთმანეთს ვერ ეგუებიან; ასევე შეუთავსებელია ზოგიერთი სათნოება.

44

იმედი შეიძლება იქონიო მზითვის, საქვრივო წილის და საქორწინო ხელშეკრულების ყველა პირობის შესრულების, მაგრამ

საექვთა, რომ მიიღებ ცოლის მშობლების მიერ თქვენთვის გამო-
ყოფილ თანხას, რადგან იგი დამოკიდებულია რძალ-დედამთილის
უფიად არა მყარ კავშირზე, რაც სშირად დაქორწინების პირველი-
ვე წელს მთლად ირღვევა.

45

√ სიმამრს არ უყვარს სიძე, მამამთილს უყვარს რძალი. სიდედრს
უყვარს სიძე, დედამთილს არ უყვარს რძალი. ყოველივე გაწონას-
წორებულია.

46

დედინაცვალს ქვეყნად ყველაზე მეტად სძულს გერები. რამდე-
ნადაც გიყდება ქმარზე, იმდენად მეტად არის დედინაცვალი.

დედინაცვლები აუკაცრიელებენ ქალაქებსა და სოფლებს და
სიღარიბეზე მეტად ამრავლებენ მათხოვრებს, მაწანწალებს, მსახუ-
რებსა და მონებს.

47

„გ“ და „ჰ“ სოფელში ერთმანეთის მეზობლად ცხოვრობენ. მა-
თი მამულები გვერდით-გვერდაა. სოფელი მიყრუებულ ადგილას
მდებარეობს; ქალაქსა და ყოველგვარ საზოგადოებას დაშორებულ-
ნი, ადამიანებთან ურთიერთობას მონატრებულნი, სიმარტოვით
თავმოებზრებულნი თითქოსდა უნდა დამეგობრებულყვენ. ძნელი
გადმოსაცემია, რა უმნიშვნელო მიზეზის გამო დაუმძრახდნენ და
მოსისხლე მტრებად გადაიქცნენ. მათი ურთიერთ სიძულვილი იმ-
დენად ძლიერია, რომ შთამომავლობას გადაეცემა. ჯერ არაოდეს
ნათესავეები, თვით ძმებიც კი ასეთ უბრალო რამეზე არ წაჩხუ-
ბებულან.

დავუშვათ, მთელს დადამიწის ზურგზე ცხოვრობს მხოლოდ
ორი კაცი, დედამიწა მათ ეკუთვნის და ორად აქვთ გაყოფილი.
დარწმუნებული ბრძანდებოდეთ, მალე იშოვნიან რაღაც მიზეზს
ჩხუბისათვის, თუ ეს მიზეზი საზღვრების განაწილება არ იქნება.

უფრო ადვილია და სასარგებლო შეითვისო სხვისი ჩვევები, ვიდრე მიაღწიო იმას, რომ სხვამ შეითვისოს შენი ჩვევები.

ვუახლოვდები პატარა ქალაქს, უკვე ბორცვზე ვდგავარ. ქალაქი ფერდობზე მდებარეობს. მის გალავანს მდინარე ჩამოუდის და მშვენიერ ველზე მიედინება. ხშირი ტყე ჩრდილოეთის ცივი ქარებისგან იცავს. ახლა ქალაქი ისეა გაჩახჩახებული, რომ ვითვლი მის კოშკებსა და სამრეკლოებს და ისე მეჩვენება, თითქოს ფერდობზე იყოს დახატული. წამოვიძახე: „რა ნეტარებაა ცხოვრობდე ამ მშვენიერ ცის ქვეშ და ამ თვალწარმტაც კუთხეში!“ ბორცვიდან ძირს ვეშვები, შევდივარ ქალაქში. ორი ღამეც კი არ გამითევია და უკვე ვემსგავსები იქაურ მცხოვრებლებს. იქიდან წასვლას ვნატრობ.

ამქვეყნად ჯერ არვის უნახავს და, როგორც ჩანს, ვერც ოდესმე იხილავს ისეთ პატარა ქალაქს, რომელიც პარტიებად არ იყოს დაყოფილი; სადაც ოჯახები შეხმატებილებულად ცხოვრობდნენ და ბიძაშვილები ერთმანეთს ნდობით ეპყრობოდნენ; ქორწინება სამოქალაქო ომს არ იწვევდეს, ზიარება, კმევა, პურის კურთხევა, საეკლესიო და სამგლოვიარო პროცესია ადგილუფროსობისათვის კინკლაობას არ წარმოშობდეს; მითქმა-მოთქმა, ჭორიკანობა და აყვიობა აკრძალული იყოს; პარლამენტის პრეზიდენტი და ბალი, მსაჯულნი და ასესორნი არ კამათობდნენ; წინამძღვარი და კანონიკუსები ერთმანეთს პატივისცემით ეპყრობოდნენ; კანონიკუსები ქედმაღლურად არ უტყვერდნენ კაპელანებს, ხოლო კაპელანებს არ ეზიზღებოდეთ მგალობლები.

პროვინციელები და სულელები ყოველთვის მზად არიან გაბრაზდნენ და ჰგონიათ ყველა მათ დასცინის და ზიზღით ეპყრობა.

რაც უნდ გულთბილად და უწყინრად ხუმრობდეთ, კარგად აღზრდილ და გონიერ ადამიანებს გარდა, სხვასთან მაინც არ ღირს გახუმრება.

52

დიდებულებთან პირველობისთვის ბრძოლა უაზროა, ისინი თანთანთი მაღალი მდგომარეობით იცავენ თავს. ასევე უაზროა პატარა კაცებთან ბრძოლა — ისინი მუდამ მზად არიან თავდასაცავად.

53

მაღალი ღირსებებით დაჯილდოებული ადამიანები ერთმანეთს უმალ იგრძნობენ ხოლმე, გამოარჩევენ, შეიცნობენ.

თუ გსურთ პატივისცემას იმსახურებდეთ, პატივისცემის ღირს ადამიანებთან უნდა გქონდეთ ურთიერთობა.

54

ვინც თავისი მდგომარეობით ისე მაღლა დგას, რომ ვერავინ გაუბედავს დაცინვაზე დაცინვით უპასუხოს, მან არასოდეს მწარედ არვის უნდა გაჰკრას კბილი.

55

ჩვენ ყველას გვაქვს პატარ-პატარა ნაკლი და არა ვჯავრობთ, თუ ამის გამო დაგვძრახავენ ან დაგვცინებენ. სწორედ ამგვარი ნაკლი უნდა შევეურჩიოთ სხვას დასაციინად.

56

ჰკვიანთა დაცინვის სრული უფლება აქვთ მინიჭებული სულელებს, რომლებიც საზოგადოებაში იმასვე წარმოადგენენ, რასაც მასხარები სამეფო კარზე.

მე მინდა ვთქვა, არაფერს წარმოადგენენ.

57

ვისაც დაცინვა უყვარს, გონების სისუსტეს ამჟღავნებს.

თქვენ გგონიათ, ეს კაცი გააპამპულეთ. იმან კი, ვითომ ვერც კი შენიშნა. ვინ უფროა გააპამპულებული, თქვენ თუ ის?

თუ კარგად დააკვირდებით, უმაღლესი მიხვდებით, ადამიანები, რომლებიც არავეს აქებენ, არავეს მოსწონთ და ყველას ლანძღავენ, არიან ისინი, ვინც არავეს მოსწონს.

ქედმაღალი და გაფუყული კაცი საზოგადოებაში აღწევს სწორედ საწინააღმდეგოს იმისა, რისკენაც ისწრაფვის. თუკი, რა თქმა უნდა, ისწრაფვის პატივისცემისკენ.

ორ მეგობარს იმიტომ სიამოვნებს ერთად ყოფნა, რომ ადამიანთა ზნეობაზე ერთნაირი შეხედულების არიან და სხვადასხვა აზრი აქვთ სამეცნიერო საკითხებზე.

ერთმანეთთან კამათი ხელს უწყობს შეხედულებანი გაიმტკიცონ, დაიცვან საკუთარი დებულებანი, ანდა გაიციონ ახალი მოსაზრებანი.

მეგობრობა ჭეშმარიტი ვერ იქნება, თუ მეგობრებს ძალა არ შესწევთ, ერთმანეთს მცირეოდენი შეცოდებანი შეუწოდონ.

რამდენ მშვენიერ და უსარგებლო რჩევით ვანუგეშებთ დიდ განსაცდელში ჩავარდნილ ადამიანს. მაგრამ გარეშე ამბები, რასაც არასასიამოვნო გარემოებანი ეწოდება, ხანდახან ჩვენს გონებასა და სულიერ სამყაროზე მეტად ძლიერია. „ჭამეთ, იძინეთ, დარდით ნუ

იკლავთ თავს, უწინდებურად იცხოვრეთ“, ცარიელი და ამო შეგონებაა. — „განა გონივრულია ასეთი მწუხარება?“ რომ ეუბნებით. ეს ხომ იმასვე ნიშნავს, რომ უთხრათ: „რა სიგიჟეა, ასე უბედური რომ ხართ?“

63

რჩევა, რაც აგრერიგად საჭიროა საქმეში, საზოგადოებაში მავნეა მრჩეველისთვის და უსარგებლოა იმისთვის, ვისაც რჩევას აძლევენ. ნაკლზე მიუთითებთ კაცს; მას კი არ სურს აღიაროს თავისი ნაკლი, ანდა ღირსებად მიაჩნია. თქვენ აკრიტიკებთ წიგნის ზოგიერთ ადგილს, ავტორს კი ძალიან მოსწონს, ფიქრობს, ამის მსგავსი არაფერი დამიწერიაო. კრიტიკა უფრო მეტად განუმტკიცებს ამ აზრს.

თქვენი რჩევის შედეგად მეგობრები არც უფრო უკეთესნი და არც უფრო გონიერნი გახდებიან, მხოლოდ კარგავთ მათ ნდობას.

64

ცოტა ხნის წინათ ჩვენს საზოგადოებაში არსებობდა ორივე სქესის წარმომადგენლებისგან შემდგარი წრე. ისინი იკრიბებოდნენ, რათა ესაუბრათ და ერთმანეთისთვის აზრი გაეზიარებინათ. გასაგებად მეტყველების ხელოვნება მათ მდამიოთ დაუთმეს. ერთი რაღაც გაუგებარს იტყოდა, მეორე უფრო ბუნდოვნად გასცემდა პასუხს. რამდენადაც გამოუცნობი ხდებოდა საუბარი, იმდენად ხანგრძლივ ტაშს იმსახურებდა. ყოველივე იმის შედეგად, რასაც ისინი უწოდებდნენ დახვეწილობას, ფაქიზ განცდებს, გამოთქმის სინატიფეს, ბოლოს და ბოლოს სულ მთლად გადაეჩვივნენ არა თუ ერთმანეთის გაგებას, თავის თავისაც აღარაფერი ესმოდათ. ამგვარი მასლაათისთვის არ იყო საჭირო არც სალი გონება, არც მოსაზრებათა სიღრმე, არც მეხსიერება, არც არავითარი ნიჭი. კმაროდა გონებამახვილობა, ისიც უბადრუკი და ტვინნაჭყლეტი გონებამახვილობა, სადაც დიდ როლს ასრულებდა წარმოსახვის უნარი.

65

ვიცი, თეობალდ, დაბერდით. მაგრამ ხომ არ ინებებთ დავიჯერო, რომ დაეშვით, აღარ ხართ პოეტი და კვიმატი ენა დაგიჩლუნგ-

დათ. ახლა თითქოსდა ისევე უვარგისი მსაჯული ხართ შემოქმედების ყოველი უანრის, როგორც უბადრუკი მწერალი ბრძანდებით. საუბარში აღარ შეგრჩათ უშუალობა და სიფაქიზე? თქვენი გარეგნობა, ესოდენ ლალი და უზრუნველი, მანუგეშებს და სრულიად საწინააღმდეგო აზრს შთამაგონებს. თქვენ დღეს სწორედ ისა ხართ, რაც ოდესღაც იყავით, იქნებ უკეთესიც. თუკი თქვენს ასაკში ბრძანდებით ეგრე მგზნებარე და დაუცხრომელი, რა იქნებოდით სიჭაბუკეში, როს ქალები განებივრებდნენ და გეტრფოდნენ თავდავიწყებით. თქვენს სახელს ფიცულობდნენ, გატაცებით გისმენდნენ და თქვენს ნათქვამზე ამბობდნენ: „რა შესანიშნავია... ამიხსენით, რა თქვა?“

66

პატივმოყვარეობისა და განწყობილების შედეგად ადამიანები ხშირად მგზნებარედ ლაპარაკობენ და იშვიათად იჩენენ ყურადღებას სხვისი ნათქვამისადმი. გატაცებით იძლევიან პასუხს, თუმც არაფერ უსმენს. მიჰყვებიან თავიანთ აზრებს და არად აგდებენ თანამოსაუბრის დასაბუთებას. არა თუ არ ცდილობენ მასთან ერთად დაადგინონ ჭეშმარიტება, არამედ არც გაეგებათ, რას ეძიებენ. ვინმეს რომ მოესმინა ამგვარი მუსაიფი და ჩაეწერა, წააწყდებოდა მრავალ საღ მოსაზრებას, რასაც ერთმანეთთან არავითარი კავშირი არა აქვს.

67

ერთხანს ჩვენში დიდად იყო მიღებული უაზრო და უშინაარსო მასლაათი, რაიც შეეხებოდა ქარაფშუტულ საკითხებს, დაკავშირებულს გულის ამბებთან, რასაც ვნება და ნაზი გრძნობები ეწოდება. ეს გატაცება ზოგიერთი რომანის წაკითხვის შედეგად შემოიჭრა ღირსეულ მოქალაქეთა და კარისკაცთა შორის. მათ მოკლე ხანში მოიშორეს იგი, მაგრამ ახლა ბურჟუებს მოედო და იქ დამკვიდრდა თავისი ორაზროვნებითა და მოსწრებული სიტყვებით.

68

ქალაქში მცხოვრებ ზოგიერთ მანდილოსანს იმდენად დახვეწილი გემოვნება აქვს, რომ არ იცის, ანდა ვერ ბედავს წარმოთქვას

ქუჩების, საზოგადოებრივი ადგილების სახელწოდებანი, რამეთუ საკმაოდ კეთილშობილად არ მიაჩნია და მათი გამოთქმა ერცხვინება. „ლუერსა“ და „სამეფო მოედანს“ წარმოთქვამენ, მაგრამ სხვებს მიკიბულ-მოკიბულად და მინიშნებით ასახელებენ. თუ მაინც წამოსცდათ, სიტყვას დამახინჯებით გამოთქვამენ, აქაოდა ეს უფრო რიგიანიო. პრანკვა-გრეხით სჯობნიან სამეფო კარის ქალბატონებს, რომელნიც თამამად ამბობენ „ლა ალს“, ან „შატლეს“, ანდა რაღაც მსგავსს, თუ საუბარში დასჭირდათ დაასახელონ „ლა ალი“ ან „შატლე“.

69

კაცი თუ ისე მოიკატუნებს თავს, ვითომც არ ახსოვს, ანდა დამახინჯებით გამოთქვამს ისეთი ვინმეს სახელს, რომელსაც პატივისცემის ღირსად არა თვლის, ეს იმის ნიშანია, რომ საკუთარ თავზე დიდი წარმოდგენა აქვს.

70

ზოგიერთს სჩვევია, თუ კარგ გუნებაზეა, გულლია საუბარში წამოისროლოს უკბილო ხუმრობა, რაც არავის მოსწონს, მაგრამ კარგიაო ამბობენ იმიტომ, რომ უალრესად ცუდია. ეს უხამსი ხუმრობა მდაბიოთ ახასიათებს და ახალგაზრდა კარისკაცებსაც გადაედო. ერთი კია, მეტისმეტად სულელური და უხეშია და არ მოგველის საშიშროება, უფრო შორს გავრცელდეს და დამკვიდრდეს იმ დიად სამყაროში, რაიც კარგი გემოვნებისა და თავაზიანობის ცენტრს წარმოადგენს. და მაინც უნდა შევაზიზლოთ იმათ, ვისაც უკვე შეუთვისებია. მიუხედავად იმისა, რომ ეს მხოლოდ თავის შესაქცევად გაუხდიათ, მათ გონებასა და საუბარში უკეთესისთვის ადგილი აღარ რჩება.

71

არ ვიცი რა ჯობს, უკბილოდ იხუმრო, თუ ისე წარმოთქვა ყველასთვის ნაცნობი მოსწრებული სიტყვა, თითქოსდა შენი მოგონილი იყოს.

„ლუქანუსს მშვენიერად უთქვამს: კლავდიანუსს მოსწრებულად შეუნიშნავს; სენეკასთან ვხვდებით ასეთ ადგილებს:“ და ამას მოჰყვება გრძელ-გრძელი ციტატა ლათინურ ენაზე, რასაც ჩვეულებრივ წარმოთქვამენ იმათ წინაშე, ვინც ლათინური არ იცის და ისე მოაქვს თავი, ვითომდაც რამე გაეგებოდეს. ლათინური ციტატების მოყვარულთ რომ ჰყოფნოდათ ჰკუა და სალი აზროვნება ან ძველთა ხსენების გარეშე გავიდოდნენ იოლად, ანდა უფრო მეტი ყურადღებით წაიკითხავდნენ, შეარჩევდნენ უკეთეს ციტატებს და როცა საჭირო იქნებოდა, მაშინ წარმოთქვამდნენ.

ჰერმაგორამ არ იცის, ვინ არის უნგრეთის მეფე. უკვირს რატომ არ ახსენებენ ბოჰემიის მეფეს. ნურაფერს ეტყვიან ფლანდრიისა და პოლანდიის ლაშქრობებზე, ყოველ შემთხვევაში ნუ მოსთხოვთ, რაიმე გიპასუხოთ. თარიღებს ერთმანეთში ურევს, არ იცის, როდის დაიწყო ომი, როდის დამთავრდა. ბრძოლები, ალყა, ყველაფერი ამ წუთას გაიგო თქვენგან. სამაგიეროდ ზედმიწევნით იცის ბუმბერაზთა ღმერთებთან შერკინების ამბავი, დაწვრილებით მოგიყვებათ, როგორ მიმდინარეობდა, არაფერი გამორჩება. ორი იმპერიის, ბაბილონისა და ასურეთის შემზარავ ქაოსშიაც კი გარკვეულია. წყალივით იცის ეგვიპტისა და მისი დინასტიის ისტორია. არასოდეს უნახავს და არც ნახავს ვერსალს, მაგრამ, შეიძლება ითქვას, უნახავს ბაბილონის გოდოლი. ჩამოგითვლით მის ყოველ საფეხურს. იცის, რამდენმა ხუროთმოძღვარმა ააგო და რა ერქვათ მათ. რა ვქნა, გაგიმეღავნოთ, რომ ანრი IV ანრი III-ის შვილი ჰგონია? ასეა თუ ისე, არაფერი გაუგონია საფრანგეთის, ავსტრიის, ბავარიის სამეფო კარებზე. „ეგ რა წვრილმანიანო“, გეტყვიან და თანაც ზეპირად ჩაგებულბულებით მიდიეღ, ან ბაბილონელ მეფეთა ნუსხას. აპრონალის, ჰერიგებალის, ნესნემორდაქის, მადოკემპადის სახელები მისთვის ისევე ახლობელია, როგორც ჩვენთვის ვალუათა და ბურბონთა სახელები. იკითხავს, იმპერატორს ცოლი თუ ჰყოლიაო, მაგრამ ვერავინ დაასწრებს თქმას, ნინუსს ორი ცოლი რომ ჰყავდა. ეტყვიან, მეფე ჯანმრთელად ბრძანდებაო, იგი გაიხსენებს,

ტეტმოსს, ეგვიპტის მეფეს, სწეული იყო და სუსტი აგებულება თავისი წინაპრის, ალიფარმუტოსისგან დაჰყვაო. რა გინდა, რომ არ იცის? რა გამოეპარება სათაყვანო სიძველეში? მოგახსენებთ, რომ სემირამიდას, ანდა როგორც ზოგნი გამოთქვამენ, სერიმარიდას, ისეთივე ხმა ჰქონდა, როგორც მის ძეს, ნინიასს და მათ ლაპარაკს ვერავინ არჩევდა. ჰერმაგორას ვერ გაურკვევია, დედას ჰქონდა შვილივით ბოხი ხმა, თუ შვილს ჰქონდა დედასავით წვრილი ხმა. მისგან გაიგებთ, რომ ნემროდი ცაცია ყოფილა, ხოლო სეზოსტრიოსი — ორხელა. არ გეგონოთ, თითქოს არტაქსერქსისთვის იმიტომ შეურქმევიათ გრძელხელა, რომ მკლავები მუხლებამდე ჰქონდა ჩამოყრილი, ო არა, ერთი მკლავი ჰქონდა მეორეზე გრძელი. ამასთან ჰერმაგორა დასძენს, სერიოზული მკვლევარები ამტკიცებენ, მარჯვენა ჰქონდა გრძელიო, თვით ჰერმაგორას კი უტყუარი საბუთები გააჩნია იმისა, რომ მარცხენა ხელი ჰქონდა გრძელი.

ასკანი მოქანდაკეა, ჰეგიონი — ფოლადისმსხმელი, ესეინი — მაუდისმთელაჟი, ხოლო კიდიასი ენამოსწრებელი და ლექსების მჩხიბავი: ეს მისი პროფესია გახლავთ. მას აქვს აბრა, სახელოსნო, დაკვეთები. ჰყავს შეგირდები, რომლებიც მისი ზედამხედველობის ქვეშ მუშაობენ. კიდიასი ვერ ჩაგაბარებთ დაპირებისამებრ ერთ თვეზე ადრე სტანსებს, თუ სიტყვა არ გატეხა დოსითესთან, რომელსაც დაკვეთილი ჰქონდა ელეგია. ახლა იდილია უნდა დაუწეროს კრანტორს, ის კი აჩქარებს და დიდ თანხასაც ჰპირდება. პროზა, ლექსები, რა გნებავთ? ერთნაირად ემარჯვება ერთიცა და მეორეც. სთხოვეთ სამძიმრის ბარათი დაგიწეროთ, ან უარი მოპატიუებაზე, ამასაც ხელს გაჰკრავს. მის ღუქანში უკვე გამზადებულ წერილებსაც ჰყიდიან. არჩევანი თქვენზეა. ერთი მეგობარი ჰყავს, რომელსაც ამქვეყნად სხვა საქმე არა აქვს, გარდა იმისა, რომ კიდიასი საზოგადოებაში გაიყვანოს და სხვადასხვა ოჯახებში წარადგინოს, ვითარც იშვიათი ნიჭის პატრონი და შეუღარებელი ოქროპირი. როგორც სტუმრების გასართობად მიწვეული მომღერალი მღერის, ქნარზე დამკვრელი აულერებს სიმებს, კიდიასიც წარსდგება ყველას წინაშე, ჩაახველებს, მაჯებს გადაიწევს, ხელს გაიშვერს,

გაფარჩხავს თითებს და ღინჯად გაღმოაფრქვევს უაღრესად დახვეწილ აზრებს და ბრძნულ დაკვირვებებს. განსხვავებით იმათგან, რომლებიც ძირითადად ერთმანეთს ეთანხმებიან და კარგად მოეხსენებათ, რომ გონება, ვითარცა ჭეშმარიტება, არის ერთადერთი, ერთმანეთს პირიდან სიტყვას გლეჯენ, რათა გრძნობებზედაც ერთნაირი აზრი ჩამოაყალიბონ, კიდიასი პირს იმიტომ ალებს, რომ მათ შეეკამათოს: „მე მგონია“, ამოშაქრავს თავაზიანად, „რომ თქვენ სრულიად საწინააღმდეგოს ბრძანებთ“, ანდა „თქვენს მოსაზრებას ვერ დავეთანხმები“, ან კიდევ „ოდესღაც მეც თქვენსავით ვჯიუტობდი, თუმცა ვცდებოდი, მაგრამ...“ მერე დასძენს: „სამი რამ უნდა მივიღოთ მხედველობაში...“ და უმატებს მეოთხეს. ეს გაფუყული ენატარტარა როგორც კი სადმე გამოჩნდება, მაშინვე ქალების გულთა მონადირებას ცდილობს თავისი კვიმატი ენით, ფილოსოფიური განსწავლულობითა და განსაცვიფრებელი მსოფლმხედველობით. ლაპარაკობს თუ წერს, ნურავის ეგონება, რომ მას მხედველობაში არა აქვს სიმართლე ან სიყალბე. გონიერება ან სიბრძნევე, რამეთუ მისი ერთადერთი მიზანია სხვებსავე არ ფიქრობდეს, სხვას არ ჰგავდეს. ამიტომაც, როცა საზოგადოებაში, თავისთავად, ანდა მისი შემწეობით, დაიწყება საუბარი რაიმე საკითხზე, იგი ელოდება, ყველამ თავისი მოსაზრება გამოთქვას და მერე დოგმატურად ბრძანებს რაღაც სრულიად წარმოუდგენელს, რაიც მისი აზრით საბოლოოა და დამტკიცებას აღარ მოითხოვს. კიდიასი ეტოლება ლუკიანესა და სენეკას, მაღლა დგება პლატონზე, ვერგილიუსსა და თეოკრიტეზე. მისი მამებელი კი ყოველ დილას ტყავიდან ძვრება, რომ ეს აზრი განუმტკიცოს. გემოვნებითა და მისწრაფებებით ჰომეროსის მოწინააღმდეგეებთან დაკავშირებული კიდიასი მშვიდად მოელის, ადამიანებს თვალი აეხილოთ და თანამედროვე პოეტები ჰომეროსზე მაღლა დააყენონ. როცა მისი მიზანი ფრთას შეისხამს, თანამედროვე პოეტებში თვითონ დაიჭერს პირველ ადგილს, მეორე ადგილი კი თავად იცის ვისთვისაც აქვს განკუთვნილი. ერთი სიტყვით, კიდიასი ნარევი გახლავთ პედანტისა და პრანჭიასი. ქვეყანას მიტომ მოვლენია, რომ ალტაცებაში მოიყვანოს ქალაქისა და სოფლის მცხოვრებნი, თუმცა ერთადერთი, რაც კიდიასში არის დიდი, გახლავთ საკუთარ თავზე წარმოდგენა.

დოგმატური ტონი სრული უეციკობის მაუწყებელია. ზოგმა თვითონ არაფერი იცის, რაღაცას ყურს მოჰკრავს, სხვას მოუყვება და ჰგონია დიდად ათვითცნობიერებს. ვინც ბევრი რამ იცის, ვერც წარმოიდგენს, რომ მისი ნათქვამი სხვებისთვის უცნობია და ამიტომ მოკრძალებით ლაპარაკობს.

მნიშვნელოვან საკითხებზე საუბარი უბრალოებას მოითხოვს და მაღალფარდოვნება უადგილოა. უმნიშვნელო საკითხებს კი მხოლოდ კეთილშობილური ტონი და გამოთქმები აძლევს აზრს.

ვფიქრობ, აზრი სიტყვიერად უფრო ნატიფად გამოითქმის, ვიდრე წერილობით.

მხოლოდ კარგი წარმოშობის ან კარგად აღზრდილ ადამიანს შეუძლია საიდუმლოს შენახვა.

გულახდილობა თუ სრული არ არის, საშიშია. იშვიათია ისეთი შემთხვევა, როცა შეუძლებელი ხდება ყველაფერი თქვა, ან ყველაფერი დამალო. კაცს საიდუმლოს მთლად თუ ვერ გაანდობ, მაგრამ რაღაც უკვე გაუმხილე, ეს იმას ნიშნავს, რომ ძალიან ბევრი გაგიმჟღავნებია.

ზოგი დაგპირდება, საიდუმლოს არვის ვეტყვიო, მაგრამ თავისდა უნებლიეთ გამოამჟღავნებს; ტუჩებს არ ანძრევს და ყველას კი ესმის. საიდუმლო იკითხება მის შუბლზე, თვალებში, გამოსჰკვივის მკერდიდან, რაც უცბად გამჰკვირვალე ხდება. ზოგი ზუსტად

იმას როდი ამბობს, რაც საიდუმლოდ გაანდეს, მაგრამ მის მეტყველებაში, მიხრა-მოხრაში ყოველივე თავისთავად მქლავნდება. ზოგიერთი კი თქვენს საიდუმლოს არაფრად აგდებს და არ ეღარდება, რა შედეგები შეიძლება მოჰყვეს მის გამოაშკარავებას: „ეს საიდუმლოა. მაინა მითხრა და ამიკრძალა კრინტი დაეძრა“, ამბობს და მაშინვე ყველაფერს გადმოაღებებს.

საიდუმლოს გამქლავებაში დამნაშავეა ის, ვინც საიდუმლოვერ შეინახა.

81

ნიკანდრი ელიზს უამბობდა, რა ტკბილად და თანხმობით ცხოვრობდა ცოლთან დაქორწინების დღიდან მის სიკვდილამდე. არაერთხელ და ორჯერ მოიჩივლა, ნეტავ შეილება მაინც გაეჩინაო. ჩამოთვლის რამდენი სახლის მფლობელია ქალაქში, მაშინვე დასძენს, მამული რომ აქვს სოფელში და ანგარიშობს რამდენ შემოსავალს აძლევს. აცნობს სახლის გეგმას, ადგილ-მდებარეობას; რამდენად მოხერხებულად არის განლაგებული მისი ბინა, რა ძვირფასი და ახალი ავეჯით აქვს გაწყობილი. არწმუნებს, ძალიან მიყვარსო კარგი ჭამა-სმა, ზიმზიმა ეტლებით. წუწუნებს, ჩემს ცოლს ხალხში გარევა და ბანქოს თამაში არ უყვარდაო. მერე ერთ მეგობარს გაიხსენებს, სულ მიჩიჩინებს, ეგრე მდიდარი ხართ, რატომ არ ყიდულობთ თანამდებობას, არ იძენთ მიწას, რაც თქვენს მამულს გააფართოებსო. აქვე დაუმატებს, უფრო შეძლებული ვგონივარ, ვიდრე სინამდვილეში გახლავართო. არც მალა მდგომ პირთა ნაცნობობასა და ურთიერთობას ივიწყებს. „ბატონი სურინტენდანტი, ჩემი ბიძაშვილი რომ არის“, „კანცლერის მეუღლე, ჩემი ნათესავი რომ გახლავთ“, სულ ეს აკერია პირზე. მოუყვება რაღაც ამბავს, საიდანაც ჩანს, რომ უკმაყოფილოა თავისი ნათესავების, თვით იმათიც კი, მემკვიდრეებად რომ ითვლებიან. „ხომ მართალი ვარ, რა გამიკეთეს ისეთი, რომ მათ სიკეთეზე ვიზრუნო?“ ეკითხება ელიზს და სთხოვს ურჩიოს რამე. მერე ჩაურთავს, ჯანი აღარ მომყვება, ცუდად ვგრძნობო თავს. ახსენებს საგვარეულო აკლდამას, სადაც დასაფლავდება. ფეხქვეშ ეგება, თავს ევლებს, ემსახურება იმ ქალის მახლობლებს, ვისაც ეარშიყება. მაგრამ ელიზს არ ჰყოფნის გამბედაობა, მასზე გათხოვების წყალობით

გამდიდრდეს. ნიკანდრი ამ მასლაათში რომ არის გართული, შემოდის ერთი აზნაური, ვისი უბრალო გამოჩენაც კი კმარა, რათა პატივცემულმა მოქალაქემ იარაღი დაყაროს. დაბნეული და ბოღმამორეული მიდის აქედან და ახლა სხვა ოჯახში აცხადებს, მეორეჯერ დაქორწინება მსურსო.

82

ბრძენი ხანდახან ერიდება საზოგადოებას, რადგან ეშინია მოწყენილობა არ დაეუფლოს.

თავი მემქვსა

სიმდიდრის სიკეთის შესახებ

1

მდიდარ კაცს შეუძლია მიირთვას ნუგბარ-ნუგბარი საჭმელი, მოახატვინოს კედლები და ქერი, ფლობდეს ერთ სასახლეს სოფელში, მეორეს ქალაქში, ჰქონდეს ზიმზიმა ეკიპაჟი, დაუნათესადეს დიუკს, თავისი ძე გახადოს დიდი ბატონი. ეს ყოველივე მისთვის ადვილი მისაღწევია. მაგრამ საამური ცხოვრება, ალბათ, სხეებისთვის არის განკუთვნილი.

2

კეთილშობილი წარმოშობა და დიდი სიმდიდრე მრავალი დამსახურების მაუწყებელია. მათი მეოხებით დამსახურება უფრო შემამჩნევი ხდება.

3

პატივმოყვარე შტერის პატივმოყვარული მისწრაფებანი გამართლებულია, რაკი, მოიხვეჭა თუ არა დიდი ქონება, მასში ყვე-

ლამ შენიშნა ისეთი ღირსებები, რაც არასდროს ჰქონია და ისეთი დიდი ღირსებები, რაც სწორედ მის წარმოდგენას შეესაბამება.

4

როგორც კი კაცი კარგავს სამეფო კარის მფარველობასა და ქონებას, მაშინვე თვალშისაცემი ხდება მისი სასაცილო თვისებები, რასაც აქამდე ვერვინ ამჩნევდა.

5

საკუთარი თვალით რომ არ ხედავდე, განა ოდესმე წარმოიდგენდი იმ უცნაურ უთანასწორობას, რასაც მეტი ან ნაკლები ფულის მონეტა წარმოშობს ადამიანთა შორის?

ეს მეტი ან ნაკლები განსაზღვრავს, რას მიიღებს კაცი: ხმალს, მანტიას თუ ანაფორას. ამის გარდა სხვა მოწოდება არც არსებობს.

6

ორი ვაჭარი მეზობლად ცხოვრობდა და ერთნაირი საქონლით ვაჭრობდა. შემდგომ მათ სხვადასხვა ბედი ეწიათ. ერთსაც და მეორესაც თითო ასული ჰყავდა. გოგონები ერთად იზრდებოდნენ და ისე მეგობრობდნენ, როგორც შეიძლება ერთი ასაკისა და ერთი მდგომარეობის ადამიანები მეგობრობდნენ. ერთ-ერთი მათგანი, უდიდეს გაჭირვებას თავი რომ დააღწიოს, ეძებს ადგილს და მოახლედ დგება დიდ ქალბატონთან, სამეფო კარის პირველ სეფექალთან, ყრმობის მეგობართან.

7

ფინანსისტი თუ გაკოტრდა, კარისკაცნი მასზე ამბობენ, ბურჟუაა, არარაობა, გაგრიაო. თუ კარგად წაუვიდა საქმე, მისი ასულის ხელს თხოულობენ.

8

ზოგს სიყმაწვილეში ერთი ხელობა შეუსწავლია, რათა ცხოვრებაში სულ სხვა ხელობისთვის მოეკიდა ხელი.

ამ კაცს ფეთხუმი პირისახე აქვს, ჟუჯაა და უტვინო. მიჩურჩულევენ, ორმოცდაათი ათასი ლივრის რენტა აქვსო. მერე რა, ეგ მაგის საქმეა, ჩემთვის ამით არც უკეთესი გახდება ოდესმე, არც უარესი. იძულებული რომ გავმხდარიყავი სხვა თვალით შემეხედა მისთვის, დიდი სულელი ვიქნებოდი.

10

რომ მოინდომოთ ძალიან მდიდარი და ძალიან შტერი საქვეყნოდ აიგლოთ მასხრად, კოვზი ნაცარში ჩაგივარდებათ: დამცინავნი მის მხარეზე არიან.

11

„ნ“-ის კართან დგას შვეიცარივით უხეში და პირქუში მეკარე. აქვს ვეებერთელა მოსაცდელი დარბაზები, სადაც მის ცდაში სული ხდებათ საქმეზე მოსულ ადამიანებს. ბოლოს, ეღირსება გამოობრძანება ამ გაფხორილსა და ცხვირაწეულ ბატონს. ყველას ზერელედ მოუსმენს და მათ გაცილებაზე თავსაც არ შეიწუხებს. ყოველივე ამის შედეგად, ეს უმეცარი და უღირსი კაცი ადამიანებს შთააგონებს რაღაც ისეთს, რაც პატივისცემის გრძნობას ემსგავსება.

12

თქვენს კართანა ვარ, კლიტიფონ. ისე ვიჩქაროდი თქვენს ნახვას, რომ საწოლიდან წამოვხტი და გარეთ გამოვვარდი. ღმერთის მაღლით, არც კლიენტი ვარ თქვენი და არც გაჭირვებული მთხოვნელი! თქვენი მონები მეუბნებიან, ჯერ არ გამოობრძანებულაო და მხოლოდ ერთი საათის შემდეგ შეძლებს თქვენს მოსმენასო. დანიშნულ დროზე ადრე ვბრუნდები და მაუწყებენ, წაბრძანდაო. რას აკეთებთ, კლიტიფონ, თქვენი სახლის ყველაზე მიყრუებულ ოთახში? რა საქმე გაგიჩენიათ ისეთი, რომ ჩემს მოსასმენად ვეღარ იცლით? ანგარიშებს ადგენთ, საბუთებს ამოწმებთ, ქალაღებზე ხელს აწერთ, შენიშვნებს იწერთ. მე კი მხოლოდ ერთი რამ მინდა გკითხოთ და თქვენგან მხოლოდ ერთ პასუხს მოველი, ჰოს ან არას.

გნებავთ გავლენიან პიროვნებად ითვლებოდეთ? დაეხმარეთ, ვისაც თქვენი დახმარება სჭირდება და უფრო მეტ გავლენიანობას მოიხვეჭეთ, ვიდრე მაშინ, თუ არ დაეხმარებით, პოი, წარჩინებულ და საქმეებში ჩაფლულ ადამიანო, თუკი ოდესმე დაგჭირდებით, მობრძანდით ჩემს კაბინეტში, სადაც მე მარტოდმარტო ვარ. ფილოსოფოსის კარი ყველასთვის ღიაა. ჩემთან შეხვედრას მეორე დღისთვის არ გადაგიღებთ. დაგჩვენებით პლატონის იმ შრომების კითხვით გართული, სადაც განმარტებულია სულის იდეალური ბუნება და მისი განსხვავება ხორცისაგან. თუ არადა, მიხილავთ, კალამომარჯვებული რომ ვითვლი სატურნსა და იუპიტერს შორის არსებულ მანძილს. სასოებით ვჭკვრეტ ღვთის ქმნილებებს, ვისწრაფი შევიცნო ჭეშმარიტება, მეტი შუქი მოვფინო გონებას ჩემსას და თვით შევიქმნა უკეთესი. მობრძანდით, ყველა კარი ღიაა თქვენთვის. ჩემი შემოსასვლელი ტალანი იმისთვის როდი გახლავთ მოწყობილი, რომ მოთმინება დაგელიოთ ჩემს მოლოდინში. ნუ დაყოვნდებით, გამოსწიეთ პირდაპირ ჩემკენ, გაფრთხილება არ დაგჭირდებათ. თქვენ მომიძღვნით უფრო ძვირფასს, ვიდრე არის ოქრო და ვერცხლი, თუ მომცემთ შემთხვევას დახმარების ხელი გამოგიწოდოთ. მითხარით, რა გსურთ, რას ითხოვთ ჩემგან? იქნებ მივატოვო ჩემი წიგნები. საქმიანობა, ნაშრომი ჩემი, ეს სტრიქონი, რის წერასაც ახლახან შევუღდექი? ბედნიერად ჩავთვლი თავს, საქმეს თავი მივანებო და თქვენს სიკეთეზე ვიზრუნო. ფულისა და საქმის კაცი არის დათვი, რომლის მოთვინიერება შეუძლებელია. მისი ნახვა ბუნაგში მეტად ძნელია. რაო, ეს რა ვთქვი, ძნელიაო! მიუღწეველია, რამეთუ პირველ ხანებში მას იშვიათად შეხვდები, შემდეგ კი ვერასოდეს შეხვდები. მწიგნობარი კაცი კი ისევე ადვილი სანახავია, როგორც ბოძი მოედნის კუთხეში. მისი ნახვა ყველას შეუძლია ყოველ საათს, ყოველგვარ მდგომარეობაში: სუფრაზე, ლოგინში, ტიტველის, ჩაცმულის, ჯანმრთელისა თუ ავადმყოფის. იგი ვერ გახდება და არც უნდა გახდეს მნიშვნელოვანი პიროვნება.

მოდით ნუ შეგვეშურდება ზოგიერთი კაცის სიმდიდრე. იმ ფასად დაუჭდა, რომ ჩვენ ვერც მივწვდებით. ამას შესწირა მოსვენება,

ჯანის სიმრთელე, სინდისი და პატიოსნება. მეტისმეტად ღვირია და მოგებასაც ვერ ვნახავთ.

14

პ. ტ. ბ.-ები რიგრიგობით ყოველგვარ გრძნობას განგვატდევენებენ. ჯერ ვიგრძნობთ ზიზღს მათი ბნელი წარმოშობის გამო, მერე შური აღგვეძრება, მერე სიძულვილი, მერე შიში. ხან დავაფასებთ, ხან პატივსაც ვცემთ. თუ ცოცხლები დავრჩით, თანაგრძნობაც გაგვიჩნდება.

15

სოზიმ ლაქიობით დაიწყო თავისი კარიერა, მერე გადასახადების ამკრეფი გახდა, და მეიჯარეობასაც მიაღწია. შემდეგ მექრთამეობით, ყალბი საბუთების შედგენით, თანამდებობის ბოროტად გამოყენებითა და მრავალი ოჯახის დაქცევით რამდენიმე საფეხურით ზემოთ აიწია სამსახურში. მაღალი თანამდებობა შეისყიდა და კეთილშობილი პიროვნება გახდა. ისლა დარჩენოდა კეთილსინდისიერიც გამხდარიყო. ეს სასწაულიც მოხდა, მნათეს აღგილი იშოვა.

16

არფური მარტოდ-მარტო, ფეხით მიდიოდა წმიდა...-ის ტაძარში. კარებთან ატუზული ისმენდა კარმელის, ან ღვთისმეტყველების დოქტორის ქადაგებას. ხეირიანად ვერც კი ხედავდა მათ და მის სმენამდე მრავალი სიტყვა ვერც აღწევდა. სათნოება მისი არვის გაეგონა და მისი ღვთისმოსაობა ისევე არავისთვის იყო ცნობილი, როგორც თვით მისი პიროვნება. მაგრამ არფურის ქმარი მოიჯარე გახდა. ექვსმა წელმა განვლო და ზღაპრულად გამდიდრდა. არფური ეკლესიაში ეტლით მობრძანდება. მისი კაბის მძიმე შლიეფი მსახურს მოაქვს. მქადაგებელი სიტყვას წყვეტს, სანამ იგი აღგილს დაიკავებდეს. მოძღვრის ცხვირწინ ზის, ესმის ყოველი მისი სიტყვა და ხედავს მის ყოველ მოძრაობას. მღვდლებმა ლამის ერთმანეთი დაჭამონ, არა მე ვაზიარებ და ცოდვებს შევუნდობ, არა მეო. გამარჯვება წილად ხვდა მრევლის მოძღვარს.

კრეზუსს მოასვენებენ. ხაზინის ძარცვითა და მეჭრთამეობით მოპოვებული ქონება ფუფუნებასა და ღორმუცელობას შეაღია და დასაფლავებისთვის არაფერი დაიტოვა. ვალებში ჩაფლული, გაკოტრებული გარდაიცვალა. მისთვის არვის მოუვლია; არც გამაგრებელი სასმელი ჰქონდა, არც ჯანის გასამაგრებელი წამლები. არ ჰყავდა ექიმი, არც ღვთისმეტყველების დოქტორი, ვინც დაარწმუნებდა, რომ ცხონდებოდა უკუნითი უკუნისამდე.

შამპანმა ისე ლაზათიანად ისაძილა, რომ მუცელი გაებერა. ავნიესა თუ სილერის ღვინომ საამოდ გააბრუა. ამის შემდეგ ხელი მოაწერა ქალაქს, რაც მთელ პროვინციას ულუკმაპუროდ დატოვებს, თუ ვინმემ ხელი არ შეუშალა. შეეგუნდოთ შამპანს. აბა ვის შეუძლია საჭმლის მონელების დროს წარმოიდგინოს, რომ სადღაც აღამიანები შიმშილით იხოცებიან?

სილვენმა აზნაურობა და ახალი გვარი ფულით შეიძინა. სენიორი გახლავთ იმ სამრევლოსი, სადაც მისი წინაპრები სულად გადასახადს იხდიდნენ. იყო დრო, რომ კლეოპულის სასახლეში პაჟადაც კი არ დაიყენებდნენ, ახლა კი მისი სიძე ბრძანდება.

ღორუსი ტახტრევანზე ზის და აპიენის გზას მიჰყვება. წინ მიუძღვებიან გათავისუფლებული და ახლანდელი მონები, რომლებიც ხალხს აქეთ-იქით ყრიან და გზას აძლევენ ბატონს. ლიქტორებილა აკლია. ამალის თანხლებით შებრძანდება რომში, თითქოსდა ამ ზარ-ზეიმით ყველას გადაავიწყებს თავისი მამის, სანგას დაბალ წარმოშობასა და სიღარიბეს.

პერიანდრზე მარჯვედ ვერავინ მოიხმარდა ქონებას. მალალ მდგომარეობასაც მიაღწია, პატივისცემაც დაიმსახურა და გავლენიანი პიროვნება გახდა. მეგობრობას კი არა, უკვე მფარველობას სთხოვენ. უწინ თავის თავზე იტყოდა: ჩემნაირი კაციო, ახლა ამბობს, ჩემი მდგომარეობის კაციო; ასეც მოაქვს თავი და ამასვე უდასტურებს ყველა, ვისაც ფულს ასესხებს ან იწვევს თავის უხვ სუფრაზე. ახლა რა სასახლე აქვს, შიგნიდან და გარედან ღორიული სტილით ნაგები. კარებიო, ვიტყვით, თორემ ნამდვილი პორტიკია. კერძო პირის სახლია, თუ ტაძარია? უკვირს ხალხს. თავის უბანში პირველი ბატონკაცია პერიანდრი. ყველას მისი შურს და მის დაცემაზე ოცნებობს. პერიანდრის მეუღლეს ისეთი ფარლული ჰკიღია კისერზე, რომ მეზობელი ქალბატონები გადაიმტერა. პერიანდრი მყარად დგას ფეხზე; ჯერ არაფერი ემუქრება მის ყოვლისშემძლეობას, რაიც თავად, ნაღდი ფულით შეიძინა და არავისი დასაყვედრებელი არ გახლავთ. ნეტავ მისმა ესოდენ ხანდაზმულმა და დაჩაჩანაკებულმა მამამ რატომ ოცი წლის წინათ არ განუტევა სული, სანამ ქვეყანას პერიანდრი მოევლინებოდა. რა იღონოს, როგორ დააგზავნოს სამგლოვიარო მოსაწვევი ბარათები, ესოდენ ამაზრზენი და გულის გასახეთქი, რაიც კაცის წოდებას ამქლავნებს და ქვრივსა და მემკვიდრეებს ხშირად თავლაფს ასხამს? ადგეს და გააუქმოს ეს ბარათები აგრე შურიანი, ცბიერი და ნათელმხედველი ქალაქის თვალწინ? მერედა, რა პასუხი გასცეს ათასობით ადამიანს, მგზნებარედ რომ სურთ შესაბამისი ადგილი დაიჭირონ სამგლოვიარო პროცესიაში! რა ქნას პერიანდრმა, როგორ მონათლოს მამა „მის კეთილშობილებად“, ანდა „მის ღირსებად“, როცა იგი მთელი თავისი დღე და მოსწრება იყო „ბატონი მავანი“.

ამქვეყნად რამდენია ისეთი კაცი, რომელიც ჰგავს უკვე მობერებულ, მაგრამ ბაღში გადარგულ მძლავრ ხეს, რასაც ყველა აღტაცებით შესცქერის და არავინ იცის სად ამოვიდა და როგორ გაიზარდა.

ზოგიერთი განსვენებული სააქაოს რომ დაბრუნებოდა და თავისი დიდებული გვარის, ტიტულების, მამულების, ციხე-დარბაზებისა და ძველებური სასახლეების მფლობელად ენახა კაცი, ვისი მამაც იქნებ მისი მოიჯარე იყო, რა აზრი შეექმნებოდა ჩვენს საუკუნეზე?

ღვთით ბოძებული სიმდიდრე, ფული, მაღალი მდგომარეობა და სხვა ამქვეყნიური სიკეთე ისეა ჩვენში განაწილებული, რომ აშკარად ჩანს, ყოველივე ამას ღმერთი ამოებდალ თვლის.

თუ შეხვალთ სამზარეულოში, სადაც ხელოვნებად და ოსტატობად იქცევა საიდუმლო იმისა, რაც თქვენს პირისგემოს აამებს და გაიძულებთ ჭამოთ უფრო მეტი, ვიდრე საჭიროა; თუ ყურადღებით დააკვირდებით, როგორ იჭრება ხორცი, რასაც სუფრაზე მოგართმევენ; თუ დაინახავთ რანაირ ხელებში გაივლის იგი, რა სახეს იღებს, სანამ გადაიქცეოდეს ნატიფ კერძად, ისე ფაქიზად და ნუგზბარად, რომ თვალს გტაცებთ და ჩაგაფიქრებთ, რომელი ავილო, ბოლოს კი გაიძულებთ ყველას გემო გაუსინჯოთ; თვალი რომ მოგეკრათ ყველა კერძისთვის არა სადღესასწაულო სუფრაზე, არამედ სხვაგან, რა სიბინძურეს დაინახავდით! რარიგ შეგზიზღდებოდით! კულისებში რომ მოხვდეთ, დაათვალიეროთ ბლოკები, ბორბლები, თოკები იმ მანქანებისა, რისი მეოხებითაც ეწყობა გაფრენა სცენაზე, რომ გაიგოთ რამდენი კაცი იღებს მონაწილეობას ყოველივე ამის მოძრაობაში მოსაყვანად, რამდენი ძალა მკლავისა და დაძაბვა ნერვებისა ეწირება დეკორაციების განლაგებასა და შეცვლას, იტყვი, ნუთუ ამაზეა დამყარებულიო ესოდენ მშვენიერი და ბუნებრივი უშუალობით გამსჭვალული წარმოდგენა, რაიც თითქოსდა თავისთავად მიედინება ესოდენ ლაღად და წარმტაცად? და მაშინ უთუოდ შესძახებთ, რა ოფლის ღვრა, რა სიტლანქე ყოფილაო! სწორედ ასევე ნუ შეეცდებით გამოიკვლიოთ, როგორ გამდიდრებულა მოიჯარე.

ეს ნორჩი, გაფურჩქნილი, ჯან-ღონით სავსე ჭაბუკი სააბატოს და სხვა ათი ბენეფიციუმის სენიორი გახლავთ. ას ოცი ათასი ლივრი აქვს შემოსავალი, რასაც მხოლოდ ოქროთი უხდიან. იქვე მახლობლად, ას ოცი ლატაკის ოჯახი სიცივით კვდება ზამთარში; სიშიშვლე ვერ დაუფარავს ტანსაცმლით და ლუკმა-პურის მონატრულია. შემზარავია და სამარცხვინო მათი სიღარიბე. რა უსამართლობაა, თუმცა, ალბათ, მაუწყებელია მათი არაამქვეყნიური მომავლისა.

ქრიზიპი, ახლახან გამომძვრალი კაცი და თავის საგვარეულოში პირველი აზნაური, ოცდაათი წლის წინათ ორი ათასი ლივრის რენტას ნატრობდა. ეს იყო მისი ოცნების მწვერვალი და პატივმოყვარული სურვილების მიჯნა. თვითონვე ამბობდა ამას და არვის დავიწყებია. ახლა, ვერ გეტყვით რა მოხდა, მაგრამ ცხოვრების ჩარხი ისე შეუტრიალდა, რომ თავის ერთ-ერთ ასულს მზითევში აძლევს ისეთ ქონებას, რისი პროცენტებიც სწორედ იმ თანხას შეადგენს, რაც ოდესღაც მთელი თავისი სიცოცხლისთვის ჰქონდა საოცნებოდ გამხდარი. ზანდუკებში ამდენივე თანხა აქვს გადანახული თითოეული შვილისთვის, რომელნიც მან უნდა უზრუნველჰყო. შვილი კი ბევრი ჰყავს. მიიღეთ მხედველობაში, რომ ეს ავლა-დიდება მისი მემკვიდრეობის მხოლოდ ბე გახლავთ. ქრიზიპის სიკვდილის შემდეგ სხვა სიმდიდრეც მოიძებნება. მართალია ხანდაზმულია, მაგრამ ჯერ კიდევ ჯანზეა და სიცოცხლის დარჩენილ დღეებს უფრო მეტი ქონების დაგროვებას ალევს.

მიუშვით ერგასტი და გადასახადს დააწესებს მათზე, ვინც წყალს სვამს, ანდა იმათზე, ვინც მიწაზე ადგამს ფეხს. მას შეუძლია ლერწამი, წნორი და ჭინჭარიც კი ოქროდ აქციოს. ყველას რჩევას ყურად იღებს და ცდილობს ცხოვრებაში გამოიყენოს. დარწმუნებულია, მეფე სხვებს აძლევს იმ მოწყალებას, რაც თვით ერგება და მფარველობას უწილადებს სხვებს, თუმცა ესეც მას ეკუთვნის დამ-

სახურებისდა მიხედვით. დაუოკებელი წყურვილით არის შეპყრობილი: იძენდეს და ფლობდეს. სიამოვნებით ივაჭრებდა ხელოვნებითა და მეცნიერებით, თვით ჰარმონიასაც კი იჯარით აიღებდა. მისთვის რომ დაეჭვებინა ხალხს, სიამოვნებით უნდა დაევიწყებინა ორფევისი ჰანგები და დაკმაყოფილებულიყო ერგასტის შემოქმედებით, ოლონდ იგი მდიდარი, მეძებრების ხროვისა და საჯინობოს მფლობელი ეხილა.

28

საქმეს ნუ დაიჭერთ კრიტონთან, მას საკუთარი გამორჩენის გარდა არაფერი აწუხებს. ვაი იმას, ვისაც თვალი წაუღვა მისი თანამდებობის, მამულისა და საკუთრებისკენ: მის მახეში გაებმება. ზღაპრულ ფასს დაადებს. ნურგინ მოელის დანდობასა და დამყოლობას კაცისგან, ვინც სულ თავისკენ ითლის და არად აგდებს, სხვებმა გინდა თავი კედელს ახალონ. ყველას პირში ჩალაგამოვლებულს დატოვებს.

29

ხალხი ამბობს, ბრონტენი ისე მორწმუნეა, რომ მთელი კვირა წმიდანების ხატებთან ჩაიკეტება ხოლმე და გარეთ არ გამოდის: წმიდანებს თავიანთი სალოცავი აქვთ, ბრონტენს კი თავისი.

30

ხალხს უყვარს ტრაგედიის ყურება. ცხოვრების სცენაზე იღუპება მისთვის მეტად საძულველი მრავალი შემზარავი პერსონაჟი, რომელთაც სხვადასხვა მოქმედებაში დიდი ბოროტება ჩაიდინეს.

31

პ.-ს, ტ.-სა და ს.-ს ცხოვრებას თუ ორ თანაბარ მონაკვეთად გავყოფთ, პირველი, საქმიანი და მღელვარე მონაკვეთი ხალხის ძარცვას ეძღვნება. ხოლო მეორე მონაკვეთი, რაიც სიკვდილთან აახლოებს მათ, ეძღვნება ერთმანეთის ნიღბის ჩამოხსნასა და გაკოტრებისთვის ბრძოლას.

ამ კაცმა, რომლის შემწეობითაც ბევრი გამდიდრდა, მათ შორის თქვენც, საკუთარი ქონება ვერ შეინარჩუნა და ისე გარდაიცვალა, რომ ცოლ-შვილს არაფერი დაუტოვა. თქვენ მშვენივრად მოგეხსენებათ, რა მძიმე გაჭირვებას განიცდიან ისინი მაგრამ არც ფიქრობთ მდგომარეობა შეუმსუბუქოთ. მართლაც, საღ მიგიწვდებით ხელი, თქვენ ხომ მუდამ სუფრა გაქვთ გაშლილი და სახლსაც იშენებთ. სამაგიეროდ ისე მადლიერი ხართ თქვენი კეთილისმყოფელისა, რომ მისი პორტრეტი კედელზე გიკიდიათ. თუმცა კაბინეტიდან შემოსასვლელ ტალანში გადაიტანეთ, მაგრამ რა უჭირს, ხომ შეგეძლოთ საკუჭნაოში გადაგენახათ.

ადამიანი ხან გულცივი იბადება, ხან ცხოვრების პირობებისა და მდგომარეობის შედეგად ხდება ასეთი. ორივე შემთხვევაში ჩირად არ უღირს მოყვასის გაჭირვება, უფრო მეტიც, საკუთარი ოჯახის უბედურების მიმართაც გულგრილია. ჭეშმარიტი ფინანსისტი ცრემლს არ დაღვრის არც თავისი მეგობრების, არც ცოლისა და არც შვილების გარდაცვალების გამო.

აბა, მოკურცხლეთ, თავს უშველეთ. საკმაოდ შორს ვერ გაქცეულხართ. როგორ არაო, მეუბნებით, უკვე ტროპიკულ ზონაში ვიმყოფებიო. არა, გადაიარეთ პოლუსი, მეორე ნახევარსფერო, თუ შეგიძლიათ ათრინდით იარსკვლავებზე. უკვე იქ გახლართო; ძალიან კარგი. ახლა საფრთხე აღარ მოგელით. დედამიწაზე მხედებიან ხარბი და გაუმადლარი, უღმობელი ადამიანები, რომელთაც სურთ ვისაც წააწყდებიან ანდა ვისაც გზაზე გადაეყრებიან, იმათ ხარჯზე იცხოვრობ. არას დაგიდეიყხ, სხვას რა დაუჯდება, ოღონდ თვითონ გაისქელონ ჭიბე და ყოველგვარ სააქაო ნეტარებას ეწიონ.

„ქონების დაგროვება“ ისეთი მიმზიდველი გამოთქმაა და ისეთ საამურ რამეს გულისხმობს, რომ ყველას პირზე აკერია. ჟღერს

ყველა ენაზე, მოსწონთ უცხოელებსაცა და ბარბაროსებსაც. გაბატონებულია სამეფო კარზედაც და ქალაქშიაც. ამსხვრევს ყველა კლიტეს, ძვრება მონასტრის კედლებში, როგორც ერთი სქესის, ისე მეორე სქესის საკნებში. არ არსებობს არც ერთი წმიდათაწმიდა სავანე, სადაც მას არ შეუღწევია, არც უღაბური ადგილი, არც განდევილთა საყუდელი, სადაც ცნობილი არ იყოს.

36

რაკი ნიადაგ ახალ-ახალ საქმეებს ჩარხავს და ზანდუკები ფულით ევსება, ჰგონია, ვითომც ჭკუის კოლოფი ბრძანდება და მალაღლი თანამდებობის გაძლოლის უნარიც შესწევს.

37

ჭკუა განსაკუთრებით უნდა გქონდეს მოწყობილი, ქონება რომ მოიხვეჭო, ისიც დიდი ქონება. გონება არც ძლიერია საჭირო და არც მახვილი, არც დიდი და არც ამალღებულები, არც ღრმა და არც დახვეწილი; სახელდობრ როგორი უნდა იყოს, არ ვიცი და ველოდები, იქნებ ვინმემ კეთილ ინებოს და გამაგებინოს.

ჭკუა იმდენად საჭირო არ გახლავთ, როგორც ჩვევა და გამოცდილება. აღამიანი ამას გვიან ხვდება და საქმეს იწყებს შეცდომებით, რის გამოსასწორებლად მეტწილად ღრო არ ჰყოფნის. იქნებ ამის შედეგად არის, რომ დიდი სიმდიდრის პატრონი ესოდენ იშვიათად გვხვდება.

არცთუ დიდი ჭკუის კაცი წინ წაწევას მოინდომებს. ყველაფერს უყურადღებოდ ტოვებს. დილიდან საღამომდე სულ იმაზე ფიქრობს, წინ როგორ გავძვრეო. სიზმარშიაც ეს ეჩვენება. ძალიან ადრე, ყრმობიდანვე დაადგა გამდიდრების გზას. თუ რაიმე დაბრკოლებას წააწყდება, სრულიად უბრალოდ გადალახავს, გადაუხვევს მარჯვნივ, ან მარცხნივ იმისდა მიხედვით, საიდან მოჩანს შუქი და გასაძვრომი. და თუ კვლავ აღიმართება კედელი მის წინაშე, დაუბრუნდება ბილიკს, რასაც აქამდე მიჰყვებოდა. გაითვალისწინებს, რა ნაირი სიძნელე უშლის ხელს; ხან პირდაპირ ეკვეთება, ხან მხარს აუქცევს, ხან ხრიკებს მოიშველიებს. ეს უკვე დამოკიდებულია იმა-

ზე, თუ რა აძლევს ბიძგს: გამორჩენა, ჩვეულება თუ შექმნილი ვითარება. განა დიდი უნარი და მოსაზრება სჭირდება მოგზაურს, რათა ჯერ შარაგზას გაჰყვეს და თუ იგი ძალიან სავსეა და გადახერგილი, გადაუხვიოს, მინდორ-მინდორ იაროს; მერე ისევ დაუბრუნდეს შარას, განაგრძოს გზა და დანიშნულ ადგილს ჩააღწიოს? ვითომდაც რაო, დიდი ჰკუაა საჭირო მიზნის მისაღწევად? ნუთუ მდიდარი და ღრმად პატივცემული სულელი აგრე რიგად იშვიათია?

რამდენ ყეყეჩს, გავბედავ და ვიტყვი, თვით ტვინგამოცლილებსაც კი მაღალი თანამდებობა უკავიათ. სიცოცხლის ბოლო წუთამდე ფუფუნებაში არიან ყელამდე ჩაფლული და არავენ ფიქრობს, თითქოსდა ამას მათ შრომით ან რაიმე ხრიკებით მიაღწიეს. ვილაცამ, ან შემთხვევამ მიიყვანა ისინი მდინარის სათავესთან და უთხრა: გინდათ წყალი? დაეწაფეთ! და ისინიც დაეწაფნენ.

38

ახალგაზრდა ხშირად ღარიბია. ან არაფერი შეუძენია ჯერ, ან მემკვიდრეობა არ მიუღია. მდიდრდება და ბერდება ერთდროულად, რაკი იშვიათია ადამიანს ყველა სიკეთე ერთად ეწიოს. თუნდაც ასეც მოხდეს და გაბედნიერდეს, შესაშური მაინც არაფერი აქვს, რამეთუ სიკვდილი იმდენ რამეს აკარგვინებს, რომ ყველა შემთხვევაში ღირსია შეცოდებისა.

39

ადამიანს ოცდაათი წლის ასაკში ახსენდება, რომ ქონების დაგროვება ესაჭიროება. ორმოცდაათი წლისასაც არაფერი აქვს შექმნილი. სიბერეში იწყებს მშენებლობას და კვდება, როცა მღებავენსა და მეშუშეებს ჯერაც არ დაუმთავრებიათ სამუშაო.

40

რად გვინდა დიდი სიმდიდრე, თუ არ ვისარგებლებთ იმ ადამიანთა პატივმოყვარეობის, მისწრაფებების, გამპრიახობის, შრომისა და ხარჯების ნაყოფით, რომელნიც ქვეყანას ჩვენზე აღრე მოეგ-

ლინენ და თუკი ჩვენ თვითონაც არ ვიმუშავებთ, არ დავთესთ, არ ავაშენებთ, არაფერს დავაგროვებთ შთამომავლობისთვის?

41

ყოველ დილას თვალს ვახელთ და საკუთარ თავს გამოვფენთ, რათა მოვატყუოთ მოყვასი ჩვენი; მთელი დღე ვატყუებთ და საღამოს ვხუჭავთ თვალს.

42

ვაჭარი აქებს და ადიდებს თავის საქონელს, რათა გაასაღოს ყველაზე მდარე და უვარგისი. აპრიალებს, ალამაზებს, რათა ხინჯი დაფაროს და ლაზათიანი გამოაჩინოს. ტყავიდან ძვრება, ოლონდ რამენაირად ღირებულზე ძვირად გაყიდოს. ყალბსა და იღუმალე-ბით მოცულს დამლას ადებს, მყიდველი რომ დააწმუნოს, თავის ფასში ვიყიდევ. უკანონო საზომით ვაჭრობს და ცდილობს, კუთვნილზე ნაკლები მიუზომოს ხალხს. თვითონ კი დუქანში სააფთიაქო სასწორი უდგას და მყიდველის მიერ გადახდილ ოქროს ზუსტად წონის.

43

რომელ წოდებასაც უნდა ეკუთვნოდეს, ღარიბი კაცი მეტწილად სინდის-ნამუსიანობისკენ ისწრაფის, მდიდარი — ყალთაბანდობისკენ. დიდი ქონების დასაგროვებლად მარტო ცოდნითა და გამჭრიახობით ფონს ვერ გახვალ.

რაც უნდა იყოს, ხელოსნობა თუ ვაჭრობა, სიმდიდრის მოსახვეჭად კაცმა ხალხს ისე უნდა მოაჩვენოს თავი, თითქოსდა დიდად პატიოსანი ვინმეა.

44

ავლა-დიდების დასაგროვებლად ყველა საშუალებათა შორის ყველაზე ხელსაყრელი და ყველაზე უმოკლესი გზა გახლავთ ის, რომ ხალხს შთააგონო, ვითომდაც მისთვის დიდად სახარბიელო იყოს, იზრუნოს თქვენს კეთილდღეობაზე.

ზოგჯერ გაჭირვების შედეგად, ზოგჯერ სიხარბისა თუ პატივ-მოყვარე ზრახვების დასაკმაყოფილებლად, ადამიანები თავიანთ მანკიერ მიდრეკილებებს ფრთას ასხამენ, საექვო საქმიანობაში ებმებიან და დიდხანს თავის თავსაც კი უმაღავენ, რომ ზოლიბულ გზაზე მიექანებიან და დიდი ფათერაკი მოელით. მოგვიანებით ტოვებენ ამ გზას აღესილნი ღვთის რწმენითა და სასოებით, რაიც მარტოოდენ მაშინ ეუფლება მთელს მათ არსებას, როს მოსავალი უღანაკარგოდ მოუშკიათ და ქონება მყარ საძირკველზე დაუმკვიდრებიან.

გული შეგეკუმშება, ზოგიერთი კაცის სიღარიბეს რომ შეხედავ. საკმელიც კი არ ეშოვება; ზამთარი აშინებს, ცხოვრება თავზარსა სცემს. სხვები კი აღრეულ ხილს მიირთმევენ და ნუგბარ-ნუგბარით ყელის ჩასაკოკლოზინებლად მიწასა და წელიწადის დროებს აიძულებენ უდროო დროს მისცენ ნაყოფი. უბირი ბურჟუები, აქაოდა მდიდრები ვბრძანდებითო, ისე კადნიერდებიან, რომ ერთ ჭამაზე ასი ოჯახის სამყოფ ხორაგსა ნთქავენ. დაე, ვისაც ნებავს გაილაშქროს ცხოვრების ამ უკულმართობის წინააღმდეგ, მე კი მსურს, თუ შეეძელი, არც ღატაკი ვიყო, არც მდიდარი. საშუალო მდგომარეობა საკმარისია ჩემთვის.

ცნობილია, ღარიბებს დარდი აწვებათ, რადგან ყველაფერი აკლიათ და გულის შემატკივარიც არვინა ჰყავთ. ისიც ცნობილია, მდიდრებს ბოლმა აწვებათ, მცირეოდენი რამ თუ შემოაკლდათ, ანდა თუ ვინმემ ურჩობა გაუბედა.

მდიდარი არის ის, ვინც იღებს მეტს, ვიდრე ხარჯავს. ღარიბი არის ის, ვისი ხარჯებიც შემოსავალს აღემატება.

შეიძლება ორი მილიონი რენტა ჰქონდეს კაცს და ყოველ წუთს ხუთასი ათასი ლიერი აკლდეს.

ყველაზე მყარი და ხანგრძლივია საშუალო შეძლებულობა. დიდი სიმდიდრის დასასრულის მოწმენი ხშირად ვხდებით. სიმდიდრე ახლოს დგას სიღარიბესთან.

თუ მართალია, რომ კაცი მდიდარია, როცა აღარაფერი ესაჭიროება, მაშინ ძალზე მდიდარი ყოფილა ბრძენი.

თუ მართალია, რომ კაცი ღარიბია იმით, რაც ენატრება, მაშინ პატივმოყვარე და ძუნწი უკიდურეს სიღატაკეში ყოფილან ჩაფლულნი.

49

ვნებები თრგუნავენ ადამიანს; ყველაზე მეტად პატივმოყვარეობა ტანჯავს, თუმცა ერთხანს ისეთ იერს აძლევს, თითქოსდა მის არსებაში ყოველგვარ სიჭველეს დაებუდებინოს. ტრიფონი ყველა მანკიერებითაა შეპყრობილი; მე კი ნამუსიანი, პატიოსანი, ხელგაშლილი, მოკრძალებული და თითქმის ღვთისმოსავი მეგონა. ახლაც ასეთი აზრის ვიქნებოდი, რომ არ გამდიდრებულყო.

50

გამდიდრებისა და განდიდების სურვილი მარად სდევს ადამიანს; ნალველი ჩაექცა, სიკვდილის ფერი ადევს, ფეხზე ვეღარ დგება. სიცოცხლის დღეები დათვლილი აქვს და მაინც ამბობს: „ჩემი ქონება, მდგომარეობა ჩემი“.

51

ადამიანის განდიდების მხოლოდ ორი მიზეზი არსებობს: თავისი გაჭნილობა, ან სხვისი სისულელე:

52

სახის ნაკვეთები ჩვენს ხასიათსა და ჩვეულებებზე მეტყველებენ, იერი — ჩვენს ბედ-იღბლიანობაზე. სახეზე გვაწერია, რამდენი ათასი ლიერი გვაქვს რენტა.

ქრიზანტი მდიდარია და კადნიერი; არა სურს ვინმემ ეყენისთან ერთად დაინახოს. ეყენი ღირსეული ადამიანია, მაგრამ ღარიბია.

როცა ვხედავ, ზოგიერთ კაცს, უწინ სალამს რომ ვერ დაეასწრებდი, ახლა თავისი და ჩემი მღვთმარეობა ერთმანეთისთვის შეუდარებია და ელოდება პირველი მე მივესალმო, გულში ვამბობ: ძალიან კარგი, დიდად მოხარული ვარ, მით უკეთესი მისთვის. როგორც ჩანს ამ კაცს უწინდელზე კარგი ბინა აქვს, უკეთესადაც მოწყობილა და საქმელ-სასმელიც უკეთესი უშოვნია. ალბათ, რამდენიმე თვის წინათ რაღაც სარფიან საქმეს მოჰკიდა ხელი და უკვე კარგი მოგებაც ხვდა წილად. ღმერთმა ინებოს, რომ მალე შევეზიზლო!

აზრი, წიგნები, მათი ავტორები მდიდრებისა და რაიმე ავლადიდების მფლობელთაგან რომ იყვნენ დამოკიდებული, რა დევნა დაიწყებოდა! არავის დაინდობდნენ. ერთი შეხედვით, რა ქედმაღლურად მიმართავენ მეცნიერებს! რარიგ ზემოდან დასცქერიან ამ „უბადრუკ“ კაცებს, რომელთაც თავიანთმა დამსახურებამ არ მოუტანა არც მაღალი თანამდებობა, არც სიმდიდრე და მაინც გონივრულად აზროვნებენ და წერენ! უნდა ვალიართ, აწმყო მდიდრებს ეკუთვნის, მყოფადი — პატიოსანსა და ნიჭიერ ადამიანებს. ჰომეროსი იყო და იქნება მარად. სახელმწიფო შემოსავლის მინისტრები ან მოიჯარეები აღარ არსებობენ. იყვნენ კი? ვინ იცნობს მათ სამშობლოს, სახელს, ანდა ვინ იცის, ნამდვილად თუ არსებობდნენ ისინი საბერძნეთში? რა დაემართათ იმ პატივცემულ გვამებს, რომელნიც ზიზლით უყურებდნენ ჰომეროსს; საჯარო მოედანზე შეხვედრას ერიდებოდნენ, სალამზე სალმით არ პასუხობდნენ, ანდა სალმის მაგიერ სახელით მიმართავდნენ, ღირსად არ თვლიდნენ სუფრაზე მიეპატიჟათ, რადგან იგი მათთვის იყო ერთი უქონელი კაცი, მჩხანელი წიგნებისა. რა მოელით ვილაც ფოკონეებს? განა მათი

სახელი საუკუნიდან საუკუნემდე გადაეცემა შთამომავლობას ისევე, როგორც სახელი დეკარტესი, რომელიც საფრანგეთში დაიბადა და შვედეთში გარდაიცვალა?

56

ქედმაღლობა არის მიზეზი იმისა, რომ ჩვენ ესოდენ ამაყად აღვზევდებით ქვემდგომთა ზედა, და ესოდენ წუნკალად ვიკლაკნებით ზემდგომთა ფერხთით. ამ მანკიერების დამახასიათებელი ის გახლავთ, რომ პირად დამსახურებაზე ან სიქველზე კი არ არის დამყარებული, არამედ ნაყოფია სიმდიდრის, მაღალი მდგომარეობის, გავლენიანობის, ყალბი სწავლულობისა და ჩვენ ერთნაირად შთაგვაგონებს როგორც ზიზლს იმათ მიმართ, ვისაც ყველა ეს სიკეთე ჩვენზე ნაკლები აქვს, ისე უღრმეს მოწიწებას იმათდამი, ვისაც ჩვენზე გაცილებით მეტი აქვს.

57

არსებობენ ბილწი სულის ადამიანები, ლაფისა და სიბინძურისგან შეკოწიწებულნი, რომელთაც ისევე იტაცებთ სარფა და ანგარება, როგორც მაღალი სულის ადამიანებს — დიდება და სათნოება. მათი ერთადერთი ნეტარებაა — მოიხვეჭონ და არაფერი დაკარგონ. მნიშვნელოვანი და სახარბიელოა მხოლოდ ფულის ათი პროცენტით გასესხება. მოვალეებზე ფიქრი უტრიალებთ ნიადაგ თავში და შიშით ძრწიან, არ დაეცეს ოქროს ღირებულება და არ გაუფასურდეს ფული. ხელშეკრულებებში, თამასუქებში და საბუთებში არიან მუდმივ ჩაფლულნი. ისინი არ გახლავან არც მშობლები, არც მეგობრები, არც მოქალაქენი. არც ქრისტიანები, იქნებ არც ადამიანები: მათ აქვთ ფული.

58

ჯერ გამოვრიცხოთ კეთილშობილი და მამაცი სულის ადამიანები, თუკი ასეთები მოიძებნებიან დედამიწის ზურგზე, ადამიანები, რომელნიც მუდამ მზად არიან მოყვასის დასახმარებლად და სიკეთის დასათესად; რომელთაც ვერავითარი გაჭირვება, ქონებ-

რივი უთანასწორობა, ხრიკები ვერ განაშორებს იმათ, ვინც ერთხელ და სამუდამოდ მეგობრად იგულეს. ამ გაფრთხილების შემდეგ გაბედულად ვთქვათ ერთი რამ მეტად სავალალო და სამწუხარო: ქვეყნად არ მოიძებნება ისეთი კაცი, რომელიც თქვენი მახლობელია, თქვენდამი კეთილად არის განწყობილი, უყვარხართ, სიამოვნებს თქვენთან ყოფნა, ათასგვარ სამსახურს გთავაზობთ და ხანდახან გეხმარებათ კიდევ და რომელიც მზად არ იყოს, თავისი გამორჩენისა და ანგარების გამო, თქვენთან მეგობრული კავშირი გაწყვიტოს და მტრად მოგეკიდოთ.

59

სანამ ორონტს წლები, კაპიტალი და შემოსავალი ემატება, ერთ ოჯახში იბადება, იზრდება, სწავლობს, მშვენიდება და მეთექვსმეტეში გადადგება გოგონა. ორმოცდაათი წლის ორონტს ეხვეწებიან შეირთოს ეს ტურფა და გონიერი ყმაწვილი ქალი. კაცი დაბალი წარმოშობისაც არის, უჭკუოც, ყოველგვარ ღირსებასაც მოკლებული, მაგრამ ყველა მეტოქეს მაინც ამჯობინეს.

60

ქორწინება, რაიც ყოველგვარი სიკეთის წყარო უნდა იყოს ადამიანისთვის, ხშირად მძიმე უღლად აწვება კაცს, რადგან იგი ღარიბია. ცოლი და ბავშვები უნებლიეთ თაღლითობისა და მატყუარობისკენ უბიძგებენ და აიძულებენ უკანონო შემოსავალი ეძიოს. გზაჯვარედინზე დგას: აქეთ ცბიერებაა, იქით სიღატაკე. მძიმე ვითარებაა!

გამართულ ფრანგულ ენაზე „ქვრივის ცოლად შერთვა“ ნიშნავს „გამდიდრებას“, თუმცა ყოველთვის არ ემთხვევა თავის მნიშვნელობას.

61

ვისაც ძმებთან გაყრის შემდეგ იმდენი მემკვიდრეობა რჩება, რომ შეუძლია გახდეს ადვოკატი და უზრუნველად იცხოვროს, ისწრაფის მოსამართლის თანამდებობა მიიღოს, მოსამართლეს მრჩევლობა ნებავეს, მრჩეველს პარლამენტის პრეზიდენტობა. ასევე

ემართებათ ყველა წოდების ადამიანებს; ისწრაფიან მაღალი მღვთმარეობისკენ, ბედსა ცდიან, ანიავებენ თუ რამ გააჩნიათ და შემდეგ უკიდურეს გაჭირვებაში ლაფავენ სულს. მათ ისევე არ შესწევთ ძალა გამდიდრების სურვილი დაითრგუნონ, როგორც არა აქვთ შნო, შეინარჩუნონ სიმდიდრე.

62

მადიანად ისადილე, კლეარკ, ივანშმე ძლომაზე, ზლომად შეყარე შეშა ბუხარში, იყიდე მანტო, მოირთე საწოლი ოთახი: შენ სულ არ გიყვარს შენი მემკვიდრე, არცა სცნობ მას. თითქოსდა არცა გყავს შვილი.

63

ახალგაზრდა სიბერისთვის ზოგავს ფულს. მოხუცი დასაფლავებისთვის ინახავს. უძლები მემკვიდრე მდიდრულად ასაფლავებს მას და დანარჩენს ფლანგავს.

64

ძუნწი სიკვდილის შემდეგ იმდენს ფლანგავს, რამდენსაც მთელი ათი წლის განმავლობაში ვერ დახარჯავდა, როცა ცოცხალი იყო. მისი მემკვიდრე ათ თვეში იმდენს ანიავებს, რამდენსაც ძუნწი მთელ სიცოცხლეში ვერ მოიხმარდა.

65

კაცი რასაც ფლანგავს, მემკვიდრეს ართმევს. რასაც კრიყანგულად აგროვებს, თავის თავს ართმევს. ვინც ზომიერად იქცევა, სამართლიანია როგორც საკუთარი თავის, ისე სხვების მიმართ.

66

შვილები უფრო ეყვარებოდათ მამებს და შვილებს — მამები, მემკვიდრეობა რომ არ არსებობდეს.

ისეთი მძიმე პირობები აქვს ხალხს შექმნილი, რომ სიცოცხლე ეზარება! უნდა ოფლი ღვაროს, ძილი გაიკრთოს, ვილაცის წინაშე ქედი მოიხაროს, თავი დაიმდაბლოს, რათა ან მცირეოდენი ქონება დაიგროვოს, ანდა უახლოეს ადამიანთა სიკვდილის წყალობით გამდიდრდეს. ვინც საკუთარ თავს ნებას არ აძლევს იოცნებოს მამის გარდაცვალებაზე, პატიოსანი კაცია.

ვინც მემკვიდრეობას მოელის, თავისი გუნებ-განწყობილებით უთუოდ მაამებელია. ჩვენს სიცოცხლეში ისე არვინ გვეფარისევლება, ისე არ გვემორჩილება, ყველაფერზე არ გვიკრავს კვერს, თავს არ გვევლება, არ გვემსახურება, არ ზრუნავს ჩვენზე, არ შემოგვეციცინებს თვალში, როგორც ის, ვინც ჩვენს სიკვდილს ნატრობს, რაკი რაღაცის მოგების იმედი აქვს.

სხვადასხვა თანამედრობის, ტიტულის, ქონების პატრონნი ერთმანეთის მემკვიდრეებად თვლიან თავს და მთელი სიცოცხლე, ანგარებით აღესილნი, გულში ატარებენ იღუმალსა და შეუცნობელ ნატვრას—სული განუტევოს მოწინააღმდეგემ. რომელ წოდებასაც უნდა ეკუთვნოდეს, ყველაზე ბედნიერი ის არის, ვისაც ყველაზე მეტი აქვს სიცოცხლესთან ერთად დასაკარგი და მემკვიდრეებისთვის დასატოვებელი.

ამბობენ, აზარტულ თამაშში ყველა სწორუფლებიანიაო. ადამიანთა საზოგადოებრივი მდგომარეობა ერთმანეთისგან იმდენად განსხვავდება და მათ შორის ისეთი ღრმა და თვალუწვდენელი უფსკრულია, რომ ამგვარ უკიდურესობათა დაახლოება ისევე შეუთავსებელია, როგორც ერთმანეთთან შეუხამებელი ფერები თვა-

ლისთვის და არაკეთილშობიანი მუსიკა, ბგერების ამაზრზენი ხრქიალი, სიტყვების რახარუხი სმენისთვის. ერთი სიტყვით, ეს ყოველგვარი წესრიგის დარღვევა გახლავთ. თუ ვინმე ჩემს აზრს არ გაიზიარებს და მეტყვის, დასავლეთში ყველა აგრე იქცევაო, მე მივუგებ, ქვეყნის მეორე მხარეში სწორედ ამის გამო გვიწოდებენ ბარბაროსებს და აღმოსავლეთიდან ჩამოსულნი თავიანთ უბის წიგნაკებში ამასვე აღნუსხავენ-მეთქი. ეჭვი არ მეპარება, ეს წრე-გადასული გაშინაურება მათში იმაზე ნაკლებ ზიზღს როდი აღძრავს, რასაც ჩვენში იწვევს მათი ზომბაია და სხვა დამამცირებელი სალამ-ქალამი.

71

დიდად მნიშვნელოვანი საქმისთვის მოწვეული შტატების ან პარლამენტის სხდომა არ წარმოადგენს ისე სერიოზულსა და საზეიმო სანახაობას, როგორც მაგიდასთან შემომსხდარი მოთამაშენი, როცა ისინი დიდ თანხაზე თამაშობენ. პირქუშია და სასტიკი მათი გამოხედვა. თამაშის დასასრულამდე შეურიგებელი მტრები არაფრად აგდებენ არც მეგობრობას, არც მდგომარეობას, არც წარმოშობას, არც თანამდებობას. მარტოოდენ შემთხვევა, ბრმა და უღმობელი ღვთაება, თვითნებურად დგას ამ წრის სათავეში და მის ბედ-იღბალს წყვეტს. მისდამი პატივისცემას მოთამაშენი გამოხატავენ ღრმა დუმილითა და ისეთი დაძაბული ყურადღებით, რისი უნარიც სხვაგან არსად შესწევთ: ყოველგვარი ვნება ადგილს უთმობს ერთადერთ გატაცებას. ამ დროს კარისკაცი აღარც ქლესაა, არც პირმოთნე, არც თითლიბაზი და, წარმოიდგინეთ, აღარც ფარისევლურად ღვთისმოშიში.

72

ისინი, რომელთაც ბედმა გაუღიმა თამაშში, იმდენად შეიცვლებიან ხოლმე, რომ ველარ იცნობთ და უწინდელი განწყობილების ნატამალსაც ველარ შეატყობთ. თავის ტოლებს ცხვირს უბზუებენ და დიდებულებს ეტმანებნიან. სიმართლე უნდა ითქვას, ყომარისა და ლანდსკნეხტის მოთამაშის ბედი ცვალებადია და ეს ჩვენი აღზევებული ვაჟბატონები ხშირად ძველ მდგომარეობას უბრუნდებიან.

არ მიკვირს, რომ არსებობს სამორინეები, როგორც მახეები, ადამიანთა სიხარბის დასამწყვდევად დაგებული, როგორც უფსკრულები, სადაც იყრება და უკვალოდ ქრება კერძო პირთა ფული, როგორც შემზარავი მეჩჩეები, რაზედაც აწყდებიან და იღუპებიან მოთამაშენი; არ მიკვირს, რომ სამორინეებიდან ქვეყნის ყოველ კუთხეში იგზავნიან მსტოვრები, რათა დაუყოვნებლივ შეიტყონ ნაპირზე მომდგარი ხომალდიდან ვინ გადმოვიდა, რა ახალი ჯილდო და ფული ჩამოიტანა, ვინ მოიგო სასამართლო პროცესი და დიდი თანხა ჩაიჩხრიალა ჯიბეში, ვინ მიიღო ძვირფასი საჩუქარი, ვის ხედა წილად დიდი მოგება, წარჩინებული ოჯახის რომელ ვაჟი-შვილს ერგო მდიდარი მემკვიდრეობა, რომელმა წინდაუხედავმა ნოქარმა გაბედა და ბანქოში სალაროს ფულით სცადა ბედი. რალა თქმა უნდა, მატყუარობა ბინძური ხელობა გახლავთ, მაგრამ უხსოვარი ღროიდან არსებობს და ყველასთვის ცნობილია. ამ ხელობას მარადუამს მისდევდნენ ისეთი ადამიანები, რომელთაც მე თაღლითებს ვუწოდებ. მათ კარზე აბრა რომ იყოს მიკრული, ეწერებოდა: „აქ პატიოსნად ატყუებენ“. აბა, რა საჭიროა უსპეტაკეს ადამიანებად გამოაცხადონ თავი? ვინ არ უწყის, რომ ამგვარ სახლში შესვლა წაგებას ნიშნავს? მხოლოდ ერთი რამ ვერ გამიგია, თაღლითები ასე საპაიპაროდ სად პოულობენ იმდენ ყეყჩს, რამდენიც მათი არსებობისთვის არის საჭირო?

თამაში ათასობით ადამიანს აკოტრებს და ისინი გულგრილად ამტკიცებენ, თამაშის გარეშე სიცოცხლე არ შეგვიძლიაო. რა გამართლებაა? აღვირახსნილ და სამარცხვინო ვნებებს აყოლილ კაცსაც ხომ ასევე შეეძლო თავის გამართლება? განა ვინმე იტყვის, რომ ვერ იცოცხლებს, თუ არ იქურდა, თუ არ მოკლა, თუ რაიმე ბოროტება არ ჩაიდინა? განა შეიძლება ნებადართული იყოს ეს შემზარავი, დაუოკებელი, საზღვარდაუღებელი თამაში, რასაც არც დასაწყისი უჩანს, და არც დასასრული: თამაში, რისი ერთადერთი მიზანია მოწინააღმდეგის სრული გალატაკება და რაც მოგების სურვილით შეპყრობილ ადამიანს ჭკუას აკარგვინებს, წაგებულს

სასოწარკვეთილებაში აგდებს, უღვივებს სიხარბეს, უბიძგებს ქალღმერთის ერთი ჩასვლის ან ზარის ერთი გაგორებისთვის გასწიროს, როგორც თავისი, ისე ცოლ-შვილის ქონება და თან თქვას, უამისოდ სიცოცხლე არ შემოიძლიაო? განა არ სჯობს ხანდახან თავს დიდი ძალა დავატანოთ? განა ამაზე უარესი უბედურება არ გვატყდება თავს, როცა ვაგებთ ყველაფერს, რაც კი გვაბაღია, იძულებული ვხდებით იოლად გავიდეთ ტანსაცმლისა და საკმლის გარეშე და ასეთსავე დღეში ჩავაგდოთ ოჯახი?

თაღლითობას არავის ვაპატიებ, თაღლითს კი ვაპატიებ დიდ მოგებაზე ითამაშოს. პატიოსან კაცს ვუქრძალავ ამას. დიდი წაგებისთვის თავი გადასდო — ბაღლიური გაუფრთხილებლობაა.

75

მწუხარება, რასაც გაქრობა არ უწერია, არის ქონების დაკარგვით გამოწვეული უბედურება. დრო, რაც ყველა სხვა დარდს აყუჩებს, ამას ამწვავებს. მთელი სიცოცხლე, ყოველ წუთას ვგრძნობთ, როგორ გვაკლია ის, რაც დავკარგეთ.

76

ურთიერთობა ისეთ კაცთან, ვინც ქონებას არ ხარჯავს თავისი ასულების გასათხოვებლად, არც ვალების გასასტუმრებლად და არც ხელშეკრულებების დასადებად, მეტად სასიამოვნოა, თუკი იგი არც მამაა თქვენი და არც ქმარი.

77

ჰოი, ზენობია, ვერც ამბობება, რაიც თქვენს სამეფოს აფორიაქებს, ვერც ომი მძლავრ ქვეყანასთან, რასაც მეფის, თქვენი მეუღლის გარდაცვალების შემდეგ თქვენ უძღვებით ვაქცაუტრად, ვერც ვერაფერი ვერ შეამცირებს თქვენს მიდრეკილებას ბრწყინვალეებისადმი. თქვენი სამეფოს ყველა კუთხეს ამჯობინეთ ევფრატის ნაპირები და იქ აღმართეთ დიდებული სასახლე. ჰაერი საღია და გრილი, მდებარეობა თვალწარმტაცი. ამ ადგილს დასავლეთით წმიდა ტევრი ჩრდილავს. სირიის ღმერთნი, ხანდახან დედამიწაზე

რომ ეშვებთან, უკეთეს სავანეს ვერც შეირჩევდნენ. გარეუბნებში ფუთფუთებს უამრავი ადამიანი, რომელნიც თლიან ქვას, პრიან ხეებს, მიდიან, ბრუნდებიან, მოაგორებენ, მოათრევენ ლიბანის ხე-ტყეს. მოაქვთ ბრინჯაო და პორფირი. პაერი ივსება ამწეებისა და მანქანების ქრიალ-ქორიალით. ამ ხმაურზე არაბეთისკენ მიმავალთ იმედი ეძლევათ, რომ თავიანთ კერასთან დაბრუნებულებს უკვე დასრულებული დაუხვდებათ სასახლე, ისე წარმტაცი და მოელვარე, როგორიც ინებეთ საბრძანებლად თქვენსა და თქვენს ძეთა — უფლისწულთათვის. ნურაფერს დაზოგავთ, დიდო დედოფალო, ნურც ოქროს და ნურც შრომას სახელოვანი ოსტატებისა. დაე, თქვენი დროის ფიდიასებმა და ზეკვისისებმა შეალიონ მთელი ნიჭი და უნარი თქვენი სასახლის ქერისა და კედლების გამშვენიერებას. ირგვლივ გააშენეთ თვალუწვდენელი და კეკლუცი წალკოტები, რაიც ყველას ეგონოს ადამიანის ხელით კი არა, ჯადოქრის თილისმით ნაგები. ამოწურეთ თქვენი ხაზინა და მთავონება ამ ხელთუქმნელი ნაოსტატარის სრულყოფისათვის. და როცა ყოველივე დასრულდება, ზენობია, ვინმე მწყემსი, რომელსაც პალმირის მახლობლად, ქვიშრობში უცხოვრია და გამდიდრებულა იმით, რომ თქვენს მდინარეებზე ხალხი გადაჰყავდა და სათანადო გასამრჩელოსაც იღებდა, დიახ, მწყემსი ერთ მშვენიერ დღეს ნაღდ ანგარიშზე შეისყიდის ამ მეფეთა სასახლეს, რათა იგი უფრო დაამშვენოს და უფრო მეტად გახადოს ღირსი მფლობელისა და მისი ავლა-დიდებისა.

თქვენ მოგხიბლათ ამ სასახლემ, ავეჯმა, ბაღებმა და შადრევნებმა. პირველად რომ შეავლეთ თვალი, აღმოგხდათ, ეს რა მშვენიერი ნაგებობაა და მისი მფლობელი რა უსაზღვროდ ბედნიერი უნდა იყოსო. ნურას უკაცრავად, მას არ განუცდია ის ნეტარება და ალტაცება, რაც თქვენ იგრძენით. ერთი დღეც კი არ გაუტარებია უზრუნველად, ერთი ღამე არ უძინია ტკბილად და მშვიდად. ყელამდე იყო ვალებში ჩაფლული მხოლოდ იმისთვის, რომ სასახლე ისე გაემშვენიერებინა, როგორიც თქვენ მოგეწონათ. მევალებმა გააძევეს აქედან. წასვლისას შემობრუნდა და უკანასკნელად შეხედა სახლს. მღელვარებამ მოკლა იგი.

ზოგიერთ ოჯახს რომ უყურებ, არ შეიძლება არ გაგახსენდეს ის, რასაც ეწოდება ახირებული შემთხვევა ან ბედის ჰირვეულობა. ასი წლის წინათ ოჯახზე კაცს არაფერი სმენოდა. სულაც არ არსებობდა იგი. უცბად ცა გაიხსნა მისთვის და მოწყალეობა გადმოაფრქვია: სიმლიდრე, პატივი, ტიტულები წვიმასავით წამოვიდა. ამქვეყნიური ყველა სიკეთით ყელამდე აივსო. ევმოლპი იმ ადამიანთა რიცხვს ეკუთვნის, ვისაც წინაპრები არა ჰყოლია; სამაგიეროდ მამა ჰყავდა აგრე რიგად აღზევებული, რომ ევმოლპი თავისი ხანგრძლივი სიცოცხლის განმავლობაში მხოლოდ იმას ნატრობდა, მამას დასწეოდა და დაეწია კიდევ. რა იყო ამ ორი ადამიანის განდიდების მიზეზი? გამორჩეული ჰკუა-გონება, უზალონიკი თუ შემთხვევათა საბედისწერო დამხვევა? ახლა კი ბედი აღარ უღიმით მათ, სხვას დასტრიალებს თავს, ხოლო ევმოლპის შთამომავლობას ისევე ეპყრობა, როგორც ოდესღაც ეპყრობოდა მის წინაპრებს.

80

მოსამართლეთა და სამხედრო პირთა გალატაკებისა და დაცემის პირდაპირი მიზეზი გახლავთ ის, რომ მათ ხარჯებს განსაზღვრავს არა მათი შემოსავალი, არამედ მათი საზოგადოებრივი მდგომარეობა.

81

თქვენდა გასამდიდრებლად თუ არაფრის წინაშე არ დაგიხვეიათ, დიდი ჯაფა დაგდგომიათ; თუ ოდნავ მაინც დაგიხვეიათ უკან, დიდო სინანულით აღვსილხართ.

82

უიტონს გაბადრული სახე უღაჟღაჟებს, ლოყები ჩამოჰკიდებია. თვითღარწმუნებული, მიშტერებული მზერა აქვს, ფართო მხარბეჭი, გამობერილი ღიპი. ნაბიჯებს მტკიცედ და ლაღად ადგამს.

დაჯერებით ლაპარაკობს, თანამოსაუბრეს აიძულებს გაიმეოროს ნათქვამი და არც კი უსმენს. ვეებერთელა ცვირისახოცს გაშლის და ხმაურით იხოცავს ცვირის. შორს აფურთხებს და ხმამალა აცემინებს. ღრმა ძილით სძინავს დღეც, ღამეც. საზოგადოებაში ხერინვას ამოუშვებს. სუფრასთან იქნება, თუ სეირნობის დროს, ყველაზე მეტ ადგილს იკავებს. როცა მდგომარეობით თავის ტოლებთან სეირნობს, შუაში დგება. შეჩერდება, სხვებიც ჩერდებიან. განაგრძობს სიარულს, სხვებიც მიდიან. ყველა მას უწყობს ფეხს. მოსაუბრეს სიტყვას აწყვეტინებს და შენიშვნებს აძლევს. ჟიტონს არავინ აწყვეტინებს ლაპარაკს, უსმენენ იმდენ ხანს, რამდენიც ნებას იმასლაათოს. ყველა მის აზრს ეთანხმება და უჭერებს, რასაც ყველა. თუ დაჯდა, ხედავთ, როგორ ეფლობა სავარძელში. ფეხს ფეხზე გადაიდებს, წარბს შეიკუმხნის, ქუდს თვალეზე ჩამოიფხატავს, რათა არვის შეხედოს. როს ინებებს, თამამად და ამაყად მოიშვლებს ქუდს. მხიარულია, დამცინავი და თავშეუქავებელი, კაღნიერი და ბრაზიანი, გარყვნილი და გაიძვერა. თავის საქმეებზე არავის არაფერს ეუბნება. ჰგონია, ნიჭიერია და ჭკუით სავსე: მდიდარია.

ფედონს თვალეები მორღვეული აქვს, ლოყებჩაცვენილი, აწითლებული პირისახე. ნეკნები ეთვლება. სძინავს ცოტა და ფხიზლად. გამომეტყველება დაბნეული აქვს, თითქოს სიზმარშიაო. ამიტომ სულელსა ჰგავს, თუმც ჭკვიანია. ავიწყდება თქვას ის, რაც იცის ანდა მოჰყვეს შემთხვევა, რასაც თავად დასწრებია. ზოგჯერ მოჰყვება კიდევ, მაგრამ აბნეულად. ჰგონია, მსმენელს ვაწუხებო და ჰყვება მოკლედ, მოსაბეზრებლად. არ შესწევს უნარი თავისი ნათქვამი ვინმეს მოასმენინოს, ვინმე გააცინოს. ტაშს უკრავს, ილიმება იმაზე, რასაც სხვები ამბობენ და ყოველთვის მათ აზრს იზიარებს. თავქუდმოგლეჯილი გარბის, რათა ვილაცის წვრილმანი დავალება შეასრულოს. პირმოთნეა, თავაზიანი, ქლესა. თავის საქმეებს სხვას არ ანდობს. ხანდახან მატყუარაა. ცრუმორწმუნეა, მოკრძალებული, ყველას სამსახურად გამზადებული. ფეხაკრფით დადის, ფრთხილად, თითქოს ეშინია, მიწა არ გადავთელოო. თვალდახრილი დაიარება და ვერ ბედავს გამვლელს მზერა შეავლოს. არაოდეს დგება მოსაუბრეთა წრეში, მოსაუბრეს ზურგს უკან აეტუზება, ჩუმ-ჩუმად ისმენს საუბარს და გაიძურწება, თუ ვინმეს მზერას წააწყდება.

სივრცე არ უკავია, არ უჭირავს ადგილი, მხრებჩამოყრილი მოდის, თვალეზზე ქუდჩამოფხატული, არავინ დამინახოსო და მოსასხამშია აწურული. რაც უნდ ზედახორა იყოს ქუჩაში, გადასასვლელში, რაც უნდ ირეოდეს ხალხი, შეუძლია ისე გაძვრეს, რომ არვის დაე-
ჯახოს და არავინ შენიშნოს. თუ სკამს შესთავაზებენ, კიდევ ჩა-
მოჯდება. საზოგადოებაში ჩურჩულით მეტყველებს და ლულულულით წარმოთქვამს ბგერებს. მაგრამ სახელმწიფო საქმეებზე თამამად გამოთქვამს აზრებს, ჰკიცხავს ჩვენს საუკუნეს; მინცადამინც არც მინისტრებს სწყალობს და არც კაბინეტს. ისე კი, პირს არ გაალებს მანამდე, სანამ რაიმეს არ შეეკითხებიან. როცა ახველებს და ცხვირს იხოცავს, პირს ქუდით იფარავს. ლამის ზედ დაი-
ფურთხოს. სანამ მარტო არ დარჩება, არ დააცემინებს. თუ ხალხშია და ვერ მოითმინა, პირს მიიბრუნებს. არავინ ფიქრობს მიესალმოს მას, ან თავაზიანად მოიკითხოს: ღარიბია.

თავი მეშვიდე

დედაქალაქის შესახებ

1

პარიზში, ყოველ საღამოს, თითქოს პაემანი დაუნიშნავთო, ყველა დედოფლის ხეივნიკენ ან ტუილრისკენ მიემართება, რათა ერთმანეთი შეათვალიერონ და გაკიცხონ.

არავინ უყვართ, ყველას დასცინიან კიდევ, მაგრამ უერთმანეთოდ ვერ ძლებენ.

სეირნობენ ხეივნებში, სადაც თავსაც იწონებენ და სხვებსაც ზვერავენ. ცნობისმოყვარეობის გრძნობით გამსჭვალულთ არაფერი ეპარებათ თვალთახედვიდან. ეს იქნება ეტლები, ცხენები, ლივრეებიანი ლაქიები თუ გერბები. ერთი სული აქვთ ერთმანეთს კბილი გაჰკრან. ერთს მოწიწებით აყოლებენ მზერას, მეორეს ზიზ-
ლითა და ქედმაღლურად უცქერენ, იმისდა მიხედვით, ზიმზიმა ეკიპაჟში ზის იგი, თუ დაძენძილ ეტლში.

ყველასთვის ცნობილია გრძელი მიწაყრილი, რაც ესაზღვრება და ზღუდავს სენის კალაპოტს იმ მხრიდან, სადაც სენა მარნს იერთებს და პარიზში შედის. ზაფხულის ცხელ დღეებში მიწაყრილის ძირში მამაკაცები ბანაობენ. ზემოდან გარკვევით მოჩანს, როგორ ხტებიან წყალში და როგორ ამოდიან. დიდად თავშესაქცევი სანახაობა გახლავთ. სანამ ბანაობის სეზონი დადგებოდეს, ქალები არ სეირნობენ იქ; როცა სეზონი გადის, არც მაშინ სეირნობენ.

ამ ხალხმრავალ ადგილას ქალები თავს იყრიან, რათა გამოჰყინონ სილამაზე, ნაირნაირი სამკაული და სამოსელი. აგრე ჯგროდ იმიტომ კი არ სეირნობენ, რომ ერთმანეთს გაესაუბრონ, არა, მათი მიზანია ერთგვარ თეატრალურ სცენაზე თავდაჯერებით გამოიყურებოდნენ, ხალხის წინაშე ლაღად გრძნობდნენ თავს და ავეყიადამიანების მოსაგერიებლად ნიადაგს იმზადებდნენ. ამის გამო ისინი საუბრობენ და ერთმანეთს კი არაფერს ეუბნებიან, უფრო გამვლელების გასაგონად ლაპარაკობენ; მასლაათობენ იმათთვის, ვის გამოც ხმას უწევენ, ხელებს აქნევენ, ხუმრობენ, სალამზე გულგრილად აქნევენ თავს, მიდიან, უკანვე ბრუნდებიან.

ქალაქი დაყოფილია სხვადასხვა, პატარ-პატარა სახელმწიფოების მსგავს წრეებად. აქვთ თავიანთი კანონები, წეს-ჩვეულებები, ჟარგონი და სახუმარო მოსწრებული სიტყვები. სანამ ამგვარი წრე მყარია და ძლიერი, მისი წევრები მჭიდროდ არიან შეკავშირებული, ყველაფერი მოსწონთ, რასაც თვით ამბობენ და აკეთებენ. გარეშეთა არც სიტყვას აგდებენ რამედ და არც საქმეს. უფრო მეტიც, ეზიზღებათ ადამიანები, რომლებიც მათ საიდუმლოებას არ არიან ნაზიარენი. მათ წრეში შემთხვევით მოხვედრილი უქვიანესი კაციც კი უცხოა მათთვის. იგი ისე გრძნობს აქ თავს, თითქოს სადღაც შორეულ ქვეყანაში მოხვდა და უცნობია აქაური გზები,

ენა, ზნე-ჩვეულებანიცა და ადათ-წესებიც. ხედავს ადამიანებს, რომლებიც საუბრობენ, ხორხოცებენ, ერთმანეთს ეჩურჩულებიან, სიცილით კვდებიან და მერე პირქუშად სდუმან. უცხო კაცი იბნევა, ვერ მოუხერხებია საუბარში ერთი სიტყვა მაინც ჩაუთოს, მით უმეტეს, რომ საუბარიც გაუგებარია მისთვის. წრეს არასოდეს აკლია ერთი უშნო ხუმარა, ვინც ყველას თავზე აზის და ამ საზოგადოების გმირად ითვლება. მას თავი ვალდებულად მიაჩნია ყველა გაართოს და პირს გააღებს თუ არა, თუნდაც არაფერი თქვას, ხალხი სიცილით იჭაქება. ხანდახან თუ გამოჩნდა ქალი, ვისთვისაც უცნობია მათი თავშექცევა, მხიარულ ბრბოს ვერ გაუგია. რატომ არ ეცინება ქალს მისთვის სრულიად გაუგებარ ხუმრობაზე, რატომ არის აგრე გულგრილად განწყობილი იმ სისულელეებისადმი, რაიც მათში ენაკვიმატობად ითვლება, რამეთუ თავად გამოუგონებიათ. მეგობრებს ამ ქალის არც ხმა მოსწონთ, არც დუმილი, არც ტანი, არც პირისახე, არც ჩაცმა, არც ის, თუ როგორ შემოვიდა და არც ის, თუ როგორ გავიდა. ამგვარი შეამხანაგება ბევრი-ბევრი ორ წელს გაგრძელდეს. პირველსავე წელს განხეთქილების თესლი უკვე ჩაგდებულია, მომდევნო წელს კი დიდ მოსაველს იძლევა. ლამაზმანთა მეტოქეობამ, აზარტული თამაშის დროს ატეხილმა კინკლაობამ, სუფრაზე ჭარბად დაყრილმა ხორაგმა, სუფრამ, რაც თავდაპირველად ასეთი სიუხვით არ გამოირჩეოდა და მერე ზორცეულის პირამიდებად გადაიქცა, ხელგამლილმა ღრეობებმა ძირი გამოუთხარა რესპუბლიკას და სასიკვდილო ლახვარი ჩასცა. სულ მოკლე ხანში ამ ერს ისევე ახსენებენ, როგორც შარშანდელ ბუზებს.

5

ქალაქში მოსამართლეთა ორი ფენა არსებობს: მაღალი და დაბალი. პირველნი მეორეზე ანთხევენ იმ ზიზლსა და დამცირებას, რასაც თავად სამეფო კარისგან განიცდიან. იოლი როდი გახლავთ დაადგინო სად სრულდება მაღალი ფენის საზღვრები და სად იწყება დაბალი ფენა. მაგალითად, ერთი საკმაოდ მრავალრიცხოვანი კორპორაცია ამტკიცებს, დაბალ ფენას არ მივეყუთვნებითო, რაზედაც მაღალი ფენა დიდ პროტესტს აცხადებს. კორპორაცია ფარხმალს არ ყრის, პირიქით, ცდილობს. ისე ასწიოს ცხვირი და ისე

ფანტოს ფული, რომ გაუტოლდეს სახელმწიფო მრჩეველებს; თითქმის ასეც არის. კორპორაცია იმ აზრისაა, რომ მათი კეთილშობილი ხელობა, დამოუკიდებელი მდგომარეობა, მკვევრმეტყველების ნიჭი და პირადი ღირსებები ნაკლებად არ ფასობს, ვიდრე მეიჯარეებისა და ბანკირების მიერ თავიანთი შეილებისათვის ფულით სავსე ტომრებით შექნილი თანამდებობანი.

6

ხუმრობთ? ხომ არ აპირებთ ეტლში ოცნებას მისცეთ თავი? ანდა დასვენება ხომ არ გინებებიათ? აბა, ჩქარა, აიღეთ წიგნი ან ქაღალდები, შიგ ჩაყავით ცხვირი, თავი ოდნავ დაუკარით ხალხს, რომელიც ეტლებით ჩაგვილით. მათ ეგონებათ, დიდად დასაქმებული ბრძანდებო და იტყვიან, რა გამრჩე კაცია, დაუღალავი, ქუჩაშიც, გზაშიც კითხულობს და მუშაობსო. უბრალო ადვოკატსაც რომ ჰკითხოთ, განგიმარტავთ, რომ ხალხს უნდა ეჩვენოთ ნიადაგ საქმით დატვირთული, წარბშეჭმუხნილი, ღრმად მოაზროვნე. დროულად უნდა კარგავდეთ ჰამა-სმის სურვილს. შინ მისული მყისვე უნდა გაუჩინარდეთ, გაქრეთ კაბინეტის სიბნელეში, ვით მოჩვენება იკარგება თავისი სამფლობელოს წყვილიაღში. ხალხს უნდა დაემალეთ, ერიდოთ თეატრს, იგი უნდა დაუთმოთ იმათ, ვისაც იქ გამოჩენით არავეითარი საშიშროება არ მოელის, ვინც ამისთვის მართლაც ძლივს პოულობს დროს; დაუთმეთ გომონებს, ღიუამელებს.

7

მდიდარი, დროსტარების მოყვარული ზოგიერთი ახალგაზრდა მაგისტრათი უმეგობრდება იმათ, ვისაც სამეფო კარზე პატარა ბატონებს უწოდებენ. ბაძავს მათ. ქედმაღლურად უცქერის მართლმსაჯულების მსახურთა სერიოზულობას და დარწმუნებულია სიკაბუჯე და სიმდიდრე მას ნებას რთავს იყოს უჭკუო და ზომიერების გრძნობა არ გააჩნდეს. კარისკაცებისგან ითვისებს ყოველივე უარყოფითს: პატივმოყვარეობას, განებივრებას, თავშეუკავებლობას, გარყვნილებას, თითქოსდა ეს მანკიერება მაღალი წრის ადამიანებისთვის სავალდებულო იყოს. ასე და ამგვარად იძენს ისეთ

ჩვევებს; რაც სრულებით არ შეეფერება მის მდგომარეობას და ბოლოს საკუთარი ნება-სურვილით ყოვლად უმსგავსი დედნის პირწავარდნილი ასლი ხდება.

8

სასამართლოს მსახური ქალაქში და სამეფო კარზე სხვადასხვა პიროვნება გახლავთ. ვასცილდება თუ არა სასახლეს, კვლავ უბრუნდება შინ დატოვებულ ჩვევებს, თავდაპირვალსა და გარეგნობას. აღარც ისე მოკრძალებულია და აღარც ისე თავაზიანი, როგორც სამეფო კარზე იყო.

9

კრისპენების მთელმა საგვარეულომ ერთად შეაგროვა ექვსი ცხენი, რათა წალიკად შეებათ ეტლში; ასევე თავი მოუყარა ლივრებიან ლაქიათა ხროვას და ყველა ერთად გაემგზავრა დედოფლის ხეივანში, ან ვენსენის გზაზე სახეირნოდ. აქ მათ დიდი გამარჯვება ხვდათ წილად, რადგან ბრწყინვალე ეტლითა და ცხენებით გაუტოლდნენ ახალდაქორწინებულთ, გადატაკებამდე მისულ ჟასონსა და ტრასონს, რომელიც ცოლის შერთვას აპირებს და უკვე იყიდა თანამდებობა.

10

მითხრეს, ყველა სანიონს ერთი და იგივე სახელი ჰქვია და ერთი და იგივე გერბი აქვსო. მაგრამ სანიონთა სამი შტო არსებობს: უფროსი, უმცროსი, უმცროსთა უმცროსი. პირველის გერბი სრულია, მეორესი — დანაწევრებული, — მესამესი — ირგვლივ დაკბილული. მათი გერბის ფონი ბურბონთა გერბის ფონის ფერია, ლითონიც ერთნაირია. იგივე ორი და ერთი... მართალია, შროშანები არ გახლავთ, მაგრამ ნირს მაინც არ იცვლიან. რა ვიცით, იქნებ გულის სიღრმეში კიდევ ფიქრობენ, რომ მათი გერბი ღირსებით ბურბონთა გერბს არ ჩამოუვარდება. ასეა თუ ისე, გერბები სხვა სენიორებსაც აქვთ და დიდად არიან კმაყოფილნი. სად არ დაინახავთ სანიონთა გერბს; მინებსა და ვიტრაჟებზე, ციხე-დარბაზის ჭიშკარზე, სამარცხვინო ბოძზე, რაზედაც სანიონებმა ცოტა ხნის წინათ ჩამოახრჩვეს კაცი, ვინც მხოლოდ სამშობლოდან გაძევებას

იმსახურებდა. საითაც გაიხედავთ ყველგან გერბია: ავეჯზე, საკეტებზე. ეტლები ხომ გერბებითაა მოჩითული. ლიერებებიანი ლაქიები ღირსეული მსახურნი არიან სანიონთა გერბის. რა სიამოვნებით ვეტყვოდი მათ: ნაადრევია თქვენი სიგიჟე. დაიცადეთ ერთი საუკუნე მაინც შეუსრულდეს თქვენს საგვარეულოს. ისინი, ვინც თქვენს პაპს იცნობდა და ელაპარაკებოდა, ბებრები არიან და დიდხანს ვერ იცოცხლებენ. მაშინ მათსავით ველარავინ იტყვის, აი აქ ალაგებდა სანიონთა პაპა საქონელს და ძალიან ძვირადაც ყიდდაო.

სანიონებსა და კრისპენებს ისიცა ნებავთ, მათზე ამბობდნენ, მფლანგველები არიანო, თუმცა ხელმოკერილნი ბრძანდებიან. გაჭიანურებულად და გულისგამაწყალებლად ყვებიან, როგორი ზეიმი თუ ლხინი მოაწყვეს. ხმამაღლა წუწუნებენ, თამაშში დიდძალი თანხა წავაგეთო, თუმცა წაგება არც დასიზმრებიათ. განსაზღვრული ყაიდის ქალებზე თავისებური ჟარგონითა და იღუმალებით ლაპარაკობენ. მეტად პიკანტური რამ აქვთ ერთმანეთისთვის მოსაყოლი. ამას წინათ საოცარი აღმოჩენა მოახდინეს. ერთმანეთის წინაშე თავზეხელაღებულ არშიყებად მოაქვთ თავი. ერთხელ ერთი მათგანი სოფელში ყოფნისას გვიან დაწვა. ძილისთვის სული ძვრებოდა, მაგრამ დილაადრიან წამოხტა ლოგინიდან, ჩაიკვა გეტრები, ტილოს კოსტიუმი, გადაიკიდა სავაზნე, თმა ბაბთით შეიკრა, თოფი ხელში აიღო. ესეც თქვენი მონადირე! ნეტავ სროლა მაინც იცოდეს რიგიანად. ღამით დაბრუნდა დასველებული, ქანცგაწყვეტილი. ერთი არაფერი მოუკლავს. მეორე დღეს ისევ გასწია სანადიროდ და მთელი დღე ვერ იქნა და ვერ მოახვედრა ტყვია შაშვებსა და კაკებებს.

მეორე კი რამდენიმე უჯიშო ძაღლს მოუყრის თავს ოღონდ თქვას, ჩემი ხროვაო. იცის, სად იკრიბებიან მონადირეები. გამოცხადდება იქ, ელოდება როდის აუშვებენ მწვერებს. შეძვრება ტევრში, ფეხებში ებლანდება კურძვლებს. დასცემს ნალარას. შენალიპივით კი არ ეკითხება თავის თავს: „ეს მე მომწონს?“ დარწმუნებულია, მოსწონს. აღარც კანონები ახსოვს, არც კოდექსის მუხლები: ნამდვილი იპოლიტია! მენანდრს დღეს გაუძნელდება იცნოს კაცი, რომლის საქმე აქვს მინდობილი; ვერ მოიგონებს რა უთხრა მან გუშინ. უნდა ნახოთ, ნადირობის მეორე დღეს, სამართლოს დარბაზში, სადაც მეტად მნიშვნელოვანი საქმე ირ-

ჩევა, როგორ ჩადგება თავის თანამოძმეებს შორის და როგორ ჰყვება, მხოლოდ მისი შემწეობით რომ ვერ დააღწია თავი ირემმა ძაღლებს; ყელი ჩაეხრინწა, იმდენი იყვირა, რათა მონადირეები და მეძებრები სწორ კვალზე დაეყენებინა. ჰოდა, თავისი თვალთ დაინახა, ექვსი ძაღლი რომ დაეწია ირემს. დრო აღარ ითმენს. სხდომა იწყება. იგი მაინც ამთავრებს ამბავს, როგორ მოკლეს ირემი, როგორ გადაუყარეს ნაწლავები ძაღლებს. ფაცხა-ფუცხით გარბის, უჯდება მაგიდას და სხვებთან ერთად საქმის გარჩევას იწყებს.

11

რარიგ ცდებიან ის ვაქებატონები, რომელთაც ვაქრობით გამდიდრებულ მამებისგან მემკვიდრეობა მიუღიათ და ბატონიშვილებს კი ბაძავენ ჩაცმულობით, ცხენებითა და ეტლებით. წრეგადასული მფლანგველობითა და უგუნური ფუფუნებით ცდილობენ მთელი ქალაქი გააკვირონ და, პირიქით, ყველას დასაციინი და ყბადასალები ხდებიან. კოტრდებიან, რათა მასხარად აიგდოს ყველამ!

ზოგიერთს კი ისიც არა აქვს სანუგეშოდ, რომ მისი ამგვარი სიგიჟის ამბავი გასცდენოდა იმ უბნის საზღვრებს, სადაც თავად ცხოვრობს. პატივმოყვარეობის სარბიელად საკუთარი უბანი აქვს მარტოოდენ. სენ-ლუის კუნძულზე ბაიბურშიც კი არავინაა, ანდრეს მარეში რომ აქვს სახელი განთქმული და იქ მამისეულ მემკვიდრეობას რომ ანიაგებს. აბა, მთელ ქალაქსა და მის გარეუბნებში თუ ეცნობებოდათ ანდრე, ყოვლად შეუძლებელი იქნებოდა, ამ უამრავ ხალხში, რომელთა შორის არცთუ ყველა გამოირჩევა დიდი კეთილგონიერებით, ერთი ისეთი ვინმე არ გამოძებნილიყო, ვინც მასზე იტყოდა, უბადლო ვაჟკაციაო და მოჰყვებოდა, თუ როგორ აქეიფებს იგი ქსანტსა და არისტონს და რა ზარ-ზეიმს უმართავს ელაშირს. ვაგლახ, აგრე უსახელოდ ღარიბდება ანდრე. ლატაკდება რალაც ერთი თუ ორი კაცის გამო, რომლებიც ამავე დროს პატივსაც კი არ სცემენ მას. დღეს ეტლით დასეირნობს, მაგრამ ნახევარ წელიწადში ისე შემოაცვდება ყველაფერი, რომ ფეხითაც ვეღარ ივლის.

ნარცისი დილით იმიტომ დგება, რომ სალამოს დაწვეს. განსაზღვრულ საათებში ქალივით ირთვება და იკაზმება. ყოველ დღე გაუცდენლად ისმენს მესას ფეიანტებთან ან მინიმებთან. ზრდილი კაცია და ...-ის უბანში მის იმედზე არიან, როცა ლომბერს ან რევერსის თამაშობენ; იგი უნდა იყოს მესამე ან მეხუთე პარტნიორი. ყოველ სალამოს არიციასთან სავარძელში ზის და აგებს ხუთ ოქროს პისტოლს. „ჰოლანდიურ გაზეთსა“ და „გალანტურ მერკურს“ წაუკითხავად არ დატოვებს. წაკითხული აქვს ბერჟერაკი, დემარე, ლეკლაში, ბარბენის პატარ-პატარა წიგნები და ლექსების რამდენიმე კრებული. საბლონის პარკში თუ დედოფლის ხეივანში ახლავს ქალბატონებს. მისთვის ვიზიტები წმიდათაწმიდა მოვალეობაა. ხვალ გააკეთებს იმას, რასაც აკეთებს დღეს და რასაც აკეთებდა გუშინ. ასე განვლის სიცოცხლეს და განუტევებს სულს.

თქვენ ამბობთ, ეს კაცი სადღაც მინახავსო. არ ვიცი სად, მაგრამ მაგისი სახე ძალიან მეცნობაო. სხვებისთვისაც ასევე ნაცნობია მისი სახე. შევეცდები დავეხმარო თქვენს მეხსიერებას. იქნებ ბულვარზე მოჰქარით თვალი, როცა ეტლში გადმოსაწევ სკამზე იჯდა, ან იქნებ ტუილრის მთავარ ხეივანში, ანდა თეატრის ქანდაკებაზე? ქადაგებაზე ხომ არ შეხვედრიხართ, ან მეჯლისზე, ან რამბუიეში? მოედანზე ცნობილ ბოროტმოქმედს თუ სიკვდილით სჯიან, ან მამხალეებს უშვებენ, იგი ოტელ დე ვილის ფანჯრიდან იყურება. ქალაქი ვინმე წარჩინებულ პიროვნებას თუ ზეიმით ეგებება, ტრიბუნაზე დგას უთუოდ. დოლი თუა გამართული, ამფითეატრში მისთვის მზადაა ადგილი. მეფეს ელჩების მიღება თუ აქვს, იგი გზაში ხვდება ელჩებს, ესწრება აუდიენციას და წასვლისასაც ხალხში დგას და უმზერს. საფრანგეთისა და შვეიცარიის ლიგათა ურთიერთკავშირის ფიცის დადებისას მისი დასწრება ისევე სავალდებულოა, როგორც კანცლერისა და თვით ლიგების წარმომადგენლების მობრძანება. აღმანახებში მოთავსებულ გრავიურებში ხალხის, მაყურებელთა შორის მის სახეს ვხედავთ. წმიდა იუბერის დღე-

სასწაულზე სამეფო ნადირობაა, ისიც ცხენზეა ამხედრებული. ხმა დაირხა, ჯარის დათვალიერებააო, ის უილშია ან აშერში. უყვარს ლაშქარი, ჯარისკაცები, ომი. უთუოდ ახლოდან უნდა ნახოს. ბერ-ნარდის ციხე-სიმაგრეშიც კი ჩასულა. შანღე ჯარის გადაადგილებას ხელმძღვანელობს, ჟაკე — მომარაგებას, დიუმეცი — არტილერიას, ეს კი უყურებს. ამ საქმეს შეალია თავისი დღე და მოსწრება. ხელობით არის მაყურებელი. არაფერი გაუკეთებია, რაც კაცს უნდა გაეკეთებინა, არაფერი იცის, რაც უნდა იცოდეს; სამაგიეროდ უნახავს, როგორც თავად ამბობს, ყველაფერი, რისი ნახვაც შეეძლო და სიკვდილსაც გულდამშვიდებული შეეგებება. რა დანაკარგი იქნება მთელი ქალაქისთვის? მისი გარდაცვალების შემდეგ ვინღა გვეტყვის: დედოფლის ხეივანი დაკეტილია, სეირნობა აღარ შეიძლებაო; ვენსენის სანაგვე ამოაშრეს, მიწა დააყარეს, სიბინძურეს ველარავინ ჩაახამსო. ვილა შეგვატყობინებს სად იმართება კონცერტი, სადღესასწაულო წირვა, საბაზრო ჯადოქრობა? ვინ გაგვაგებინებს, გუშინ ბომაველი მოკვდაო, რომუა გაციებულა და ერთ კვირას ვერ იმღერებსო? ვის ეხსომება ზედმიწევნით ზუსტად მეიჯარეების გერბები და ლივრეები? ვინღა იტყვის, სკაპენს გერბზე შროშანები აქვს გამოსახულიო, ანღა ვინ იქნება ამ საკითხებში მასავით გათვითცნობიერებული? აბა, მასზე უფრო ამპარტავნულად და სერიოზულად ვინ წარმოთქვამს ვილაც მდაბიო მოქალაქის მეუღლის სახელს? მასზე უკეთ ვის ეცოდინება ზეპირად ვოდევლის კუპლეტები? ვინღა უშოვის ქალებს „ნაზ სულთა ანალებს“ და „მიჯნურთა ფურცელს“? ვილა იმღერებს ოპერის დუეტებს სუფრაზე, ანღა სასტუმრო დარბაზში ვინ ჩაარაკრავებს არიას „ხელი როლანდიდან“? დაბოლოს, განაღა ვიპოვით მის ბადალს, ვინც აგრე რიგად დააკმაყოფილებს დედაქალაქში თუ სხვა კუთხეში მცხოვრებ უამრავი სულელის, უნიჭოს, უსაქმურისა და უგერგილოს გემოვნებას?

ტერამენი მდიდარი და ღირსეული პიროვნება იყო. მემკვიდრეობა მიიღო. ძალიან მდიდარი და მეტად ღირსეული პიროვნება გახლავთ. ჰოდა, დედაკაცები ჯგროდ დასდევენ, რათა მათი თავ-ვანისმცემელი გახდეს, ქალიშვილები კი მასზე გათხოვებას ლა-

მოხენ. ხან ერთ ოჯახშია, ხან მეორეში. დედებს იმედს აძლევს, თქვენს ასულს შევირთავო. დაჯდება თუ არა, დედები ოთახიდან გარბიან, რათა ქალიშვილებს თავისუფლად შეეძლოთ კეკლუცობა, ხოლო ტერამენს — სიყვარულის გამოცხადება. აქ მართლმსაჯულების მსახურს უწევს მეტოქეობას, იქ მხედარსა თუ აზნაურს ამარცხებს. თვით უმშვენიერეს, სიცოცხლით სავსე, მხიარულსა და გონებამახვილ ჭაბუქსაც კი არ ელტვიან აგრე მგზნებარედ და არ ეგებებიან ასეთი სიხარულით, როგორც ტერამენს. ერთმანეთს ხელიდან გლეჯენ; სხვა სტუმარს რომ გაუღიმონ, ამისთვისაც კი ვერ იცლიან. რამდენი მიჯნური დამარცხდება მის გამო! რამდენი ღირსეული ქორწინება ჩაიშლება! ანდა რა ქნას, მისდამი ესოდენ ნაზად განწყობილ ამდენ ასულს ეს ერთი კაცი ხომ ვერ შეირთავს? იგი მარტო ქმრებს როდი უხეთქავს გულს, არამედ იმათაც, ვინც აპირებს ქმრობას და ქორწინებით იმ დანაკარგის შევსებას, რაც თანამდებობის შესყიდვით განიცადა. ეს ბედნიერ ვარსკვლავზე გაჩენილი, ფულიანი კაცები კანონით ცივილიზებული ქალაქებიდან უნდა განიდევნონ, ანდა მშვენიერი სქესის წარმომადგენლებს მიესაჯოთ საგიჟეში ჩასმა ან სამარცხვინო ბოძზე გაკერა, თუ ამნაირ მამაკაცებს ისე არ მოეპყრობიან, როგორც ადამიანებს, რომელთაც პირადი ღირსებების გარდა, სხვა არა გააჩნიათ რა.

თუმცა პარიზი სამეფო კარს მიმუხნივით ჰბაძავს, სათანადო შედეგს მაინც ყოველთვის ვერ აღწევს. ვერ იქნა და ვერ გადაიღო კარისკაცთათვის, განსაკუთრებით კი სეფექალთათვის დამახასიათებელი ესოდენ ბუნებრივი და თბილი მოპყრობა ღირსეული ადამიანის მიმართ, თუნდაც მას საკუთარი ღირსების გარდა, არა გააჩნდეს რა. ბანოვანნი არ კითხულობენ ვინ არის მისი ცოლი, ან წინაპარი. სამეფო კარზე იმყოფება და ეს სრულიად საკმარისია მათთვის. ამელავნებენ მისდამი კეთილგანწყობილებასა და პატივისცემას. არ კითხულობენ ტახტრევანით მოასვენეს თუ ფეხით მოვიდა; აქვს თუ არა თანამდებობა, მამული, ეტლი. ისე არიან განებივრებულნი, ისე მდიდარნი და ღიდგვაროვანნი, რომ სიამოვნებით ისვენებენ ფილოსოფოსთა ან კეთილსინდისიერ ადამიანთა

საუბარში. ქალაქელ ქალს, როგორც კი შემოესმება, რომ მის კართან ეტლი გაჩერდა, მაშინვე გული აუფანცქალდება და ალტაცებით ეგებება ყველას, ვინც იჯდება ეტლში, თუნდაც სრულიად უცნობს. ფანჯრიდან თვალს თუ მოჰკრავს მდიდრულ ეტლს, მრავალ ლივრეიან ლაქიას, სადავეებზე მოვარაყებულ ბალთებს, თავბრუ ჭსნმის და ერთი სული აქვს, როდის შემობრძანდება მის ოთახში მხედარი თუ მაგისტრატი. მოდი და, ნუ შეეგებები თვალების ყუყუნითა და მომხიბლავი ღიმილით! სხვას ხომ ველარაფერს ხედავს? ეს კაცი მბრძანებელია მისი, რადგან ეტლი ორმაგ საკიდრებზეა დაყრდნობილი და ბორბლებიც რბილად მისრიალებენ. სწორედ ამის გამო გახლავთ ქალბატონი მის მიმართ გამსჭვალული ღრმა პატივისცემისა და სიყვარულის გრძნობით.

16

ზოგიერთი ქალაქელი ქალბატონის პატივმოყვარეობა, რაიც მას უბიძგებს სამეფო კარის ბანოვანთა უბადრუკი მიმბაძველი გახედეს, უარესია, ვიდრე უბირ დედაკაცთა სიტლანქე და პროვინციელ ქალთა მოუქნელობა. ქალაქელი ქალბატონები მეტისმეტად გაფუყული პრანქიები ბრძანდებიან.

17

რა ოინბაზური გამოგონებაა — ძვირფასი საქორწინო საჩუქარი, რაც სულ არაფერი დაგიჯდა, მიართვა ადამიანს, რომელმაც სამაგიერო ნაღდ ანგარიშზე უნდა მოგიზღას!

18

რა სასარგებლო და საქები ჩვეულებაა, საქორწინო სამზადისს ცოლის მზითვეის ერთი მესამედი შეალიო. ცხოვრება დაიწყო იმით, რომ რაც რამ დაგრჩენია სრულიად გამოუსადეგარი, აუარება ნივთებისა და ზიზილ-პიპილების შესყიდვაზე დახარჯო. ხოლო უძრავი ქონება დააგირაო, რათა გაისტუმრო გოტიეს ვალი, რომლისგანაც ავეჯი და სამოსელი შეიძინე.

რა მშვენიერი, რა გონივრული ჩვეულება გვაქვს; პატიოსნებასა და უმანკობას უსირცხვილობას ვამჯობინებთ. თავის საჩუქრულზე, თითქოს სცენაზეაო, ისე გამოვფენთ პატარძალს და ისიც ვალდებულია რამდენიმე დღის განმავლობაში მასხარას როლი შეასრულოს და გაართოს ორივე სქესის წარმომადგენელი. ეს უკანასკნელნიც, უცნობნი თუ ნაცნობნი, ქალაქის ყოველი კუთხიდან კისრისტეხით მობიან და ამ სანახაობით თავს იქცევენ. რომ წაგვეკითხა, ამგვარი ადათი სამეგრელოში არსებობსო, ჩვენ ხომ სრულიად წარმოუდგენელ ახირებად და უაზრობად ჩავთვლიდით?

19

რა დამქანცველი ჩვეულებაა! რა აუტანელი მონობა! ერთი ქალი მეორეს ეძებდეს, თუნდაც გულში ნატრობდეს, ნეტავ არ შემახვედრაო. შეხვდეს მხოლოდ იმისთვის, რომ წვრილმანებზე ემასლაათოს. უამბოს ის, რაც ორთავესთვის ცნობილია და არც ერთს არაფრად ენალვლება, მოსაუბრისთვის ამბავი ცნობილია თუ არა. ერთი ქალი მეორეს უნდა ესტუმროს, რათა მყისვე დაემშვიდობოს. შინიდან ნაშუადღევს გავიდეს და საღამოს შემობრუნდეს დიდად კმაყოფილი, რაკი ხუთიოდე საათის განმავლობაში მოინახულა სამი შვეიცარი, ერთი თითქმის უცნობი ქალბატონი და კიდევ ერთი ქალი, რომელიც მაინცდამაინც თვალში არ მოსდის. ვისაც დროის ყადრი ესმის, ესმის, თუ რაოდენ აუნაზღაურებელია ეს დანაკარგი, ამგვარი მფლანგველობის გამო უთუოდ ცხარე ცრემლს დაღვრიდა.

20

ქალაქის ბინადართ თან დაჰყოლიათ უგუნური გულგრილობა სოფლის ცხოვრებისა და მეურნეობის მიმართ. ერთმანეთისგან ვერ გაურჩევიან კანაფი და სელი, ხორბალი და ჭვავი და ეს ყოველივე ვერ განუსხვავებიათ ბზისაგან. სხვა არა ენალვლებათ რა, ოღონდ მაძლარნი და ჩაცმულ-დახურულნი იყვნენ. ანეულზე, ნერგებზე, ვაზის ლერწებზე თუ აქვითის საკვებზე ნურაფერს ეტყვიან მოქალაქეებს, მაინც ვერაფერს გაიგებენ. ეს მათთვის ფრანგული სიტყვები არ გახლავთ. გირჩევენიათ ზოგს ემუსაიფოთ არშინის,

ტარიფების, ლივრის ერთი სუთი გაძვირების შესახებ, ზოგს კი აპელაციაზე, სამოქალაქო სარჩელზე, ანაზღაურებაზე, საქმის უმაღლეს ინსტანციაში გადაცემაზე ესაუბროთ. ისინი საზოგადოებას არცთუ ყველაზე კარგი და მნიშვნელოვანი მხრიდან იცნობენ. ბუნების, მისი ჩასახვის, გაფურჩქნისა კი არაფერი გაეგებათ, არც ის, თუ რა გულუხვია ბუნება ჩვენთვის, რას გვიძლენის იგი. მათი უვიცობა მეტწილად ნებაყოფლობითია და თავიანთი ხელობისა და ნიჭის თაყვანისცემაზეა დამყარებული. თვით ყველაზე უბადრუკი, ბნელსა და კვამლით შეჭვარტლულ კანტორაში გამოკეტილი ვეჭილიც კი, ვილაც ყალთაბანდის თაღლითური საქმე რომ თავსატეხად გაუხდია, ცხვირს უბზუებს მიწის მხვენელს, რომელიც სუფთა ჰაერს სუნთქავს, მიწას ამუშავებს, სთესს და უხვ მოსავალს იღებს. ვეჭილმა თუ საღმე ყური მოჰკრა ამბავს დედამიწის პირველ მცხოვრებლებზე, პატრიარქებზე, მათ სოფლურ არსებობაზე და მეურნეობაზე, დიდად გაიკვირვებს, როგორ შეიძლებოდაო ცხოვრება ისეთ დროს, როცა არ იყო არც თანამდებობა, არც შუამავლობა, არც სასამართლოს თავმჯდომარეობა და არც პროკურატურა. მისთვის სრულიად გაუგებარია, ოდესმე თუ ხალხი იოლად გადიოდა კანცელარიის, სხდომის დარბაზისა და სასაუზმეების გარეშე.

რომში იმპერატორებისთვისაც კი მიუღწეველი იყო აგრე იოლად, მოხერხებულად და საიმედოდ დაეცვათ თავი ქარის, წვიმის, მტვრისა და მზისგან, როგორც ეს შესაძლებელია პარიზელი ბურჟუებისთვის, ქალაქში ეტლებით რომ დასეირნობენ. ხედავთ, რარიგ განსხვავდებიან თავიანთი წინაპრებისგან, რომლებიც ჯორებზე ისხდნენ! წინაპრებმა ხომ ჯერ არ იცოდნენ, როგორ მოეკლოთ აუცილებელი რამ, რათა ზედმეტი ჰქონოდათ, ანდა ფუფუნებისთვის როგორ შეეწირათ ის, რაც მათთვის სასარგებლო იყო. გასანათებლად თაფლის სანთელს არ ხმარობდნენ და არც მბეჭეტავ ბუხართან კანკალებდნენ სიცივით. სანთლები მხოლოდ საკურთხეველზე და ლუვრში ენთო. უბადრუკი სადილის შემდეგ კარეტებში როდი სხდებოდნენ; დარწმუნებულნი იყვნენ, რომ ღმერთს კაციხთვის ფეხი სწორედ სასიარულოდ მიუცია და ისინიც დადიოდ-

ნენ. მშრალ ამინდში ფეხსაცმელი სუფთა ჰქონდათ, წვიმის დროს კი ლაფში ამოგანგლული, ვინაიდან ქუჩებსა და გზაჯვარედინებზე ისევე თამამად გადადიოდნენ, როგორც მონადირე მიაბოტებს გადახნულ მიწაზე, ანდა ჯარისკაცი — სანგარში. იმ დროს ჯერ არვის მოსვლოდა აზრად, ტანტრევეანში ორი კაცი შეეზა. თვით მართლმსაჯულების მსახურნიც კი საკანონმდებლო პალატაში თუ სასამართლოში ისევე უდრტვიწველად მიდიოდნენ ფეხით, როგორც ოდესღაც ავეუსტუსი მიდიოდა კაპიტოლიუმში. მაგიდებსა და ბუფეტებზე კალის ქურჭელი ბზინავდა, ხოლო კერიასთან თუქსა და სპილენძს არავინ იწუნებდა. ოქრო-ვერცხლი ზანდუკებში ჰქონდათ ჩაკეტილი. ქალებს ქალები ემსახურებოდნენ; სამზარეულოშიც ქალები ტრიალებდნენ. ჩვენს მამებს კარგად მოეხსენებოდათ კეთილშობილი სახელები იმ აღმზრდელებისა, რომელთაც მეფე და დიდი მთავრები ანდობდნენ თავიანთ შვილებს, მაგრამ თავად მსახურებს კი არ აბარებდნენ შვილებს, არამედ თვით ზრდიდნენ მზრუნველობითა და რუდუნებით. თავისი თავის იმედი ჰქონდათ მხოლოდ: გასავალი შემოსავალს ეფარდებოდა. ლივრებიანი ლაქიები, ეკიპაჟები, ავეჯი, სუფრა, ქალაქისა თუ სოფლის სახლი მათს ქონებასა და მდგომარეობაზე იყო დამოკიდებული. ერთმანეთისგან გარეგნულადაც განსხვავდებოდნენ და შედეგად ამისა ადვოკატის ცოლს მაგისტრატის მეუღლეში არავინ აურევდა და არც უბირი კაცი ან უბრალო მსახური ეგონებოდა ვინმეს აზნაური. ქონების გაფლანგვას, ან გამსხვილებას კი არ ცდილობდნენ, არამედ მის შენარჩუნებას და მემკვიდრეებს უკლებლივ გადასცემდნენ. როს ეგზომ ზომიერსა და მოწესრიგებულ ცხოვრებას განვლიდნენ, სულსაც აგრევე მშვიდად განუტევებდნენ. არავინ ამბობდა, ჩვენი საუკუნე მკაცრია, დიდი გაჭირვება გვაწევს, ფული არ გვეოფნისო; ფული ჩვენზე ნაკლები, მაგრამ საკმარისი ჰქონდათ. უფრო ხელმომჭირნეობისა და სისადავის წყალობით იყვნენ მდიდრები, ვიდრე შემოსავლითა და მამულებით. სწამდათ ერთი ჭეშმარიტება: ის, რაც დიდებულებს ბრწყინვალეზად, ფუფუნეზად და ხელგაშლილობად ჩაეთვლებათ, უბრალო ადამიანს მფლანგველის, გადარეულისა და სულელის სახელს დაუმკვიდრებს.

თავი მერვე

სამეფო კარის შესახებ

1

როცა კაცს უსაყვედურებ, სამეფო კარს არ იცნობო, დიდ პატივს სდებ; ამ სიტყვით აღიარებ, რომ მასში თავმოყრილია ყოველგვარი სიკეთე და სათნოება.

2

ის, ვინც სამეფო კარს იცნობს, დაუფლებულია მიხრა-მოხრის, გამოხედვის, სახის მოძრაობის ოსტატობას, მისას ვერც ვერაფერს გაიგებ და ვერც ვერაფერს იგრძნობ; უნარი შესწევს დაფაროს ბოროტი ზრახვები, განწყობილება, ვნებათა ღელვა, მისწრაფება, გულსთქმა; გაუღიმოს მტერს, თქვას ერთი და გააკეთოს მეორე. ნატიფად შენიღბული განსაზღვრება მისი მანკიერება, რასაც უბრალოდ ორპირობა ეწოდება და ზოგჯერ ისევე არაფერს მატებს კარისკაცის კეთილდღეობას, როგორც გულახდილობა, სიწრფელე და სათნოება.

3

აბა ვის ძალუძს დაასახელოს ათასგვარად მოელვარე ფერი, რაც იმისდა მიხედვით იცვლება, თუ რომელი მხრიდანაა გაშუქებული. ასევე ვის ძალუძს განსაზღვროს და გვითხრას, რა არის სამეფო კარი?

4

ცოტა ხნითაც რომ მიატოვო სამეფო კარი, იგივეა სამუდამოდ გამოემშვიდობო. კარისკაცი დილით რომ იყო კარზე, საღამოსაც მოდის, რათა მეორე ღლეს არ დაავიწყდეს იქაურობა ან თვითონ არ მივიწყონ.

სამეფო კარზე ყველა პატარაა: რაც უნდ პატივმოყვარე იყო, მაინც პატარა ხარ. ეს უბედურება ყველას ზვედრია, თვით დიდებულებიც პატარები არიან.

პროვინცია არის ადგილი, რისი თვალსაწიერიდან სამეფო კარი, ვით თვალწარმტაცი სანახაობა მოჩანს. თუ მიუახლოვდი, ისევე კარგავს პეწს, როგორც ფერწერა, ახლო დანახული.

ძნელია მიეჩვიო ცხოვრებას, რაიც მისაღებ დარბაზებში, სასახლის პალატებში და კიბეებზე მიედინება.

სამეფო კარი საშუალებას არ გაძლევს, აქ კმაყოფილი იყო და თანაც გიშლის ხელს, სხვაგან იყო კმაყოფილი.

პატიოსანმა კაცმა სამეფო კარი უნდა მოსინჯოს: აქ მის თვალწინ იშლება სრულიად უცნობი სამყარო, სადაც მანკიერებასთან ერთად გაბატონებულია თავაზიანობაც. მისთვის სასარგებლოა, აკვირდებოდეს კეთილსაც და ბოროტსაც.

სამეფო კარი მარმარილოსგან ნაგებ შენობას ჰგავს; მე მინდა ვთქვა, რომ იგი შედგება არცთუ რბილი, მაგრამ საკმაოდ გაპრიალებული ადამიანებისგან.

ზოგჯერ სამეფო კარისკენ მიილტვიან იმისთვის, რომ თავის პროვინციაში დაბრუნებულებს პატივისცემით შეხვდეს თავდაზნაურობა ან მრევლი.

მქარგავები და მეშაქარლამეები უსაქმოდ დარჩებოდნენ და საქონელი გაუსაღებელი დარჩებოდათ, ჩვენ თავშეუკავებელნი და გაუმადლარნი რომ არ ვიყოთ. სამეფო კარი დაცარიელდებოდა და მეფენი თითქმის მარტონი დარჩებოდნენ, ჩვენ პატივმოყვარეობისა და ანგარების სენისგან რომ განვკურნებულყავით. ადამიანებს სურთ, ერთგან მონები იყვნენ, რათა სხვაგან ბატონებად იგრძნონ თავი. სამეფო კარის ბობოლებს თითქოსდა ბითუმად ურიგებენ კადნიერებას, ქედმაღლობას და მბრძანებლობას, რათა ყოველივე ეს ცალობით ჩამოარიგონ პროვინციებში. მეფეთა ეს ნამდვილი მაიმუნები სხვას იმგვარად ექცევიან, როგორც მათ სხვები ეპყრობიან.

ზოგიერთ კარისკაცს ისე არაფერი ამახინჯებს, როგორც მეფის წინაშე ტრიალი. ველარც კი ვცნობ მათ სახეებს: ნაკვთები ებრიცებათ, უხამსნი ხდებიან. ქედმაღლები და ამაყნი ყველაზე მეტად უშნოვდებიან, რადგან ბევრი რამ ეცვლებათ. პატიოსანსა და მოკრძალებულ ადამიანს უკეთესად უჭირავს თავი, რამეთუ შესაცვლელი არაფერი აქვს.

სამეფო კარზე მიღებული მანჭვა-გრენა გადამდებია. ისევე ვრცელდება „ვ“-ში, როგორც ნორმანდიული კილო რუანსა და ფალეზში. ასეთივე მანერებით გამოირჩევიან ფურიერები (ოფიცერი, რომელიც საკმლითა და ბინით უზრუნველყოფს ჯარს), მეღვინეთუხუცესები, პირფარეშები. ამნაირად თავის გამოჩენას დიდი ჭკუა არ სჭირდება; მაღალი გონებისა და ღირსების კაცს კი არაფრად

უღირს ამ ხელოვნებას სრულიად ანგარიშმიუცემლად, სრულყოფილად დაეუფლოს და ისევე დაივიწყოს.

15

„ნ“ დიდი ალიაქოთითა და ზარზემით მობრძანდება. ყველას აქეთ-იქით მიცური-მოყრის, გზას იკაფავს, კარებს ეჭაჭგურება, ლამის შეანგრიოს, ამაყად გამოაცხადებს თავის გვარს. კარი იღება, აუდიენციაზე მოსულნი შვებით ამოისუნთქავენ, და „ნ“ შედის დარბაზში, მარტო კი არა, ყველასთან ერთად.

16

ხანდახან სამეფო კარს მოევლინებიან ხოლმე თავხედი და თავზეხელაღებული თავგადასავალთა მაძიებლები, ყველასთან გაშინაურებულნი რომ არიან და არვის წინაშე იხტიბარს არ იტეხენ. საკუთარ თავს თავადვე აძლევენ დახასიათებას და ამტკიცებენ, თითქოსდა ამა თუ იმ საქმეში ბადალი არ ჰყავდეთ. მათი ლიტონი განცხადება ყველასთვის სარწმუნო ხდება. ისინი ხალხის გულუბრყვილობითა და ყოველივე სიახლისადმი სიყვარულით სარგებლობენ. გაარღვევენ ბრბოს და წამოუსკუბდებიან თვით მეფეს. მეფე მათ ესაუბრება კარისკაცების თანდასწრებით, რომელნიც თავს ბედნიერად ჩათვლიდნენ, თუკი მეფე ერთ შეხედვას მაინც აღირსებდათ. დიდებულები იოლად ეგუებიან ამ უტიფრებს, რამეთუ საშიშრად არ თვლიან მათ. ისინიც გამდიდრდებიან თუ არა, უსახელოდ იკარგებიან, ხოლო ახლახან მოტყუებულა მალალი წრე უკვე მზადაა, ახლა სხვა თაღლითმა მოატყუოს.

17

თქვენ ხედავთ ადამიანებს, თავის ოდნავი დაკვრით რომ გესალმებიან, მხრების ქნევით მიმოდინან და მკერდს დედაკაცივით ამობურცავენ ხოლმე. რალაცას შეგეკითხებიან, ზედაც არ შემოგხედავენ. როხროხით ლაპარაკობენ, რაიც მაუწყებელია იმისა, რომ საკუთარ თავს დამსწრეებზე მალლა აყენებენ. გაჩერდებიან და ყველა გარს ეხვევა. პირველი სიტყვა მათ ეკუთვნით, საუბარი მათ მიჰ-

ყავთ და ყოვლად სასაცილოდ მანამდე იბრიქებიან და ყოვლოჩინობენ, სანამ ვინმე დიდებული არ მობრძანდება. მაშინ კი გაისუსებიან და უბრუნდებიან თავიანთ ბუნებრივ მდგომარეობას, რაც ნაკლებ ამაზრზენია.

სამეფო კარი ვერ შეძლებდა ერთი ჯურის კარისკაცების გარეშე იოლად გასულიყო. ესენი ფარისევლები, ქლესები და შემპარავნი გახლავან. ქალთა კაბების კუდს გამოკერებულნი სულ იმას ცდილობენ გაამხიარულონ ქალბატონები, ისარგებლონ მათი სისუსტით და სასიყვარულო საქმეებში ხელი შეუწყონ. ყურში ჩასჩურჩხლებენ რაღაც უხამსობას, ესაუბრებიან მათ ქმრებზე და საყვარლებზე, ადვილად გამოიცილობენ, რა დარდი აწევთ, რა სენი აწუხებთ, როდის უნდა მოიმშობიარონ. მათთვის ახალ მოდებს იგონებენ, ასწავლიან, უფრო მეტი ფუფუნებით როგორ იცხოვრონ და როგორ ფანტონ ფული. მშვენიერ სქესს აჩვენენ, რაც შეიძლება მეტი თანხა შეაღიოს ტანსაცმელს, ავეჯს, ეკიპაჟს. თავისთვისაც იგონებენ უძვირფასეს სამოსს და ბინავდებიან ძველ სასახლეებში მსოლოდ მას შემდეგ, რაც მათ განაახლებენ და დაამშვენებენ. აზიზნი ბრძანდებიან ჭამა-სმამში. განუცდიათ ყოველგვარი სიტკბოება და ყოველ მათგანზე შეუძლიათ საკუთარი აზრი გამოთქვან. თავიანთ განდიდებას მარტოოდენ თავს უმაღლიან და მდგომარეობას ისეთივე მოხერხებულობით ინარჩუნებენ, როგორც ოდესღაც შეიქმნეს. ქედმაღალნი და კადნიერნი ანლოს არ იყარებენ თავიანთ მსგავსებს, არც კი ესალმებიან. ლაპარაკობენ იქ, სადაც ყველანი სდუმან. რა დროც უნდა იყოს, შეუძლიათ მოხვდნენ ისეთ ადგილას, სადაც დიდებულნი ვერ ბედავენ შესვლას. ცნობილ მოღვაწეთ, რომელთაც ხანგრძლივი სამსახურის გზა გაუვლიათ და არა ერთი ძველი ჭრილობა უსერავთ სხეულს, აქვთ მაღალი თანამდებობა და დიდი დამსახურება, ვერ შენიშნავთ მათსავით თვითდარწმუნებულ გამოხედვასა და თავისუფალ მანერებს. ზემოაღნიშნული პირნი დიდ ბატონიშვილთა გულის მესაიდუმლენი გახლავან, მათი თავშექცევისა და ზარ-ზეიმების ავანჩავანნი. ლუვრში და სხვა ციხე-დარბაზებში თავს ისე გრძნობენ, როგორც საკუთარ სახლში და იქიდან ფეხს არ იცვლიან. თითქოსდა ათასად

მრავლდებიან, რათა ერთსა და იმავე დროს ათას ადგილას ამოჰყონ თავი. სამეფო კარზე მოვლენილი ახალბედები, უპირველეს ყოვლისა, მათ სახეებს დალანდავენ ხოლმე. ყველას ეხვევიან და ყველა მათ ეხვევა. იცინიან, ხარხარებენ, ენაკვიმატობენ, თავშესაქცევ ამბებს ჰყვებიან. ბრძანდებიან მეტად საამურნი, დამყოლნი, მდიდრები, მარად მზად არიან ასესხონ ვინმეს ფული და სხვა არც არაფერი მოეთხოვებათ.

ხომ იფიქრებთ კიმონსა და კლიტანდრზე, რომ სახელმწიფოს საზრუნავი და პასუხისმგებლობა მხოლოდ მათ აწევთ ზურგზე. ერთს, სულ ცოტა, მთელი სახმელეთო საქმე ევალება, მეორეს — საზღვაო. თუკი ვინმე მოახერხებდა მათ დახატვას, განყენებულად გადმოსცემდა ფუსფუსს, მღელვარებას, ცნობისმოყვარეობას და სურათზე მოძრაობის გამოხატვასაც შეძლებდა. არავის და არასოდეს უნახავთ ისინი დამსხდარნი, მოსვენებულნი, ფეხზე ერთ ადგილას გაჩერებულნი ან მშვიდად მიმავალნი. ის კი უნახავთ, როგორ გარბიან, თავისთვის ლაპარაკობენ და გარბიან, შეგეკითხებიან, პასუხს არ მოუცდიან და გარბიან. არსად მიდიან, არსაიდან მოდიან: მირბიან, მორბიან. ნუ დააყოვნებთ ამ უსწრაფეს რბოლაში, თორემ მანქანა მოეშლებათ. ნურაფერს შეეკითხებით, და თუ შეეკითხებით, აცალეთ სული მოითქვან და გაიხსენონ, რომ არავითარი საქმე არა აქვთ, შეუძლიათ დარჩნენ თქვენთან, დარჩნენ დიდხანს, გამოგყვნენ იქ, სადაც თქვენ მოისურვებთ მათ წაყვანას. ისინი არ ბრძანდებიან „იუპიტერის სატელიტები“, მინდა ვთქვა, არ არიან მეფის არც დაახლოებული პირნი და არც მსლებლები. მარტოოდენ მისი გამოჩენის მაუწყებელნი არიან; მის შესახვედრად ისეთი კისრისტეხით იჭრებიან კარისკაცთა ბრბოში, რომ ვაი მას, ვინც გზაზე გადაეყრება. მათი ხელობაა, ყველა ხედავდეს და უმზერდეს მათ. ლოგინში ისე არ ჩაწვებიან, თუ ამგვარ მნიშვნელოვანსა და ნაყოფიერ სამსახურს არ გაუწევენ რესპუბლიკას. ამასთან დაწვრილებით იციან სამეფო კარის სწორედ ის ახალი ამბები, რაც არვის აინტერესებს და შესწავლილი აქვთ ის, რაც სულ არ არის საჭირო. ის კია, საკმაოდ ალღოიანები, ფხიზლები, მოხერხებულნი და მოქ-

ნილნი არიან ისეთ საქმეებში, რაც მათთვის ხელსაყრელია. ასე რომ ვთქვათ, ორთავე ბედ-იღბლის ეტლში არიან შებმულნი და მიაქროლებენ; შიგ ჩაჯდომა კი არასოდეს ეღირსებათ.

20

კარისკაცს მაინცდამაინც მოსაწონი გვარი თუ არა აქვს, უნდა დაფაროს და ღირსეული გვარი შეირჩიოს. მაგრამ თუ მისი გამუდვანება სამარცხვინო არ არის, უნდა ეცადოს ყველას დაუმტკიცოს, რომ მისი გვარი სხვებზე უფრო სახელოვანია და მისი საგვარეულო ყველაზე ძველი. ტოლს არ უნდა უდებდეს არც ლოტარინგიელ ბატონიშვილებს, არც როგანებს, არც ფუებს, შატიონებს. მონმორანსებს და თუკი შეძლებს ტახტის მემკვიდრეებსაც ამოუდგეს გვერდში. მართოდენ დიუკებზე, კარდინალებსა და მინისტრებზე უნდა ლაპარაკობდეს. საჭიროა თუ არა, ყველა საუბარში ჩააკვებოს თავისი წინაპრები მამისა თუ დედის მხრიდან და მათთან დაკავშირებით ახსენოს ორიფლამი და ჯვაროსნული ომები. თავის დარბაზებს უნდა ამკობდეს გენეალოგიური ხეებით, თექვსმეტნაკვთურიანი საგერბო ფარებით, წინაპართა და მათ მძახალთა პორტრეტებით. ტრაბანობდეს ძველი ციხე-დარბაზით, მისი კოშკებით, ქონგურებით, სათოფურებიანი ბანებით. ვისაც კი გადაეყრება, მიახალოს: „ჩემი საგვარეულო, ჩემი შტო, ჩემი სახელი, ჩემი გერბი“. მავანზე თქვას, კარგი ოჯახიშვილობით ვერ დაიკვებნისო, მავან ქალზე — აზნაური არ გახლავთო. ვინმე თუ ეტყვის, გაიცინტს ლატარიის პირველი მოგება ერგოო, მყისვე იკითხავს, თავადიშვილი თუაო. ამ ახირების გამო ერთი მასხარად აიგდებს, მეორე სასაცილო ამბებს მოჰყვება მასზე; ის კი არაფრად ჩააგდებს, დე, გაიცინონო და ჯიუტად განაცხადებს ისევ და ისევ, ჩემი გვარი სამეფო გვარის შემდეგ პირველიაო. იმდენჯერ იტყვის, იმდენს უჩიჩინებს ყველას, რომ ბოლოს დაუჯერებენ.

21

დიდი გულუბრყვილობაა იმედი გქონდეს, თითქოსდა სამეფო კარზე რაიმე წარმატებას მიაღწევ, თუ აზნაურიშვილი არა ხარ.

კარისკაცს სძინავს თუ ღვიძავს, სულ გამორჩენაზე ფიქრი უტრიალებს თავში. ამას შეკვთოფინებს დილას და საღამოს, ღღე და ღამე. ლაპარაკობს თუ სდუმს, საქმობს თუ უსაქმოდაა, სხვა არაფერი ახსოვს. ანგარების კარნახით ესაღმება ერთს, არ ამჩნევს მეორეს, აქებს ერთს, მიწასთან ასწორებს მეორეს. ანგარების მიხედვით არის გამოზომილი ზრუნევაც, თავაზიანობაც, პატივისცემაც, გულგრილობაცა და ზიზლიც. ზოგიერთი ხანდახან გულის ხმას აპყვება ხოლმე და ადგება ზომიერებისა და სიბრძნის გზას, მაგრამ პატივმოყვარულ გრძნობათა პირველივე მოძალება უღვიძებს მისწრაფებებს, რაც დამახასიათებელია ძუნწთათვის, სიამტკბილობაზე დახარბებულთათვისა და განდიდების მოყვარულთათვის. რარიგ შესძლებ იყო უმოძრაოდ, როცა ყოველივე ტრიალებს, მოძრაობს. მოდი და, ნუ გაიქცევი იქით, საითაც ყველა გარბის? მით უმეტეს, რომ ყველა დარწმუნებულია, თითქოსდა თავადვეა პასუხისმგებელი საკუთარი განდიდებისა და გამდიდრების. ვინც აგრე არ იქცევა, სამეფო კარი უმაქნისად მიიჩნევს და მოკვეთილად აცხადებს. რა სჯობს, მანამდე მოსცილდე სამეფო კარს, სანამ რაიმეს მოიმიკი, თუ დარჩე და ჯილდოებსა და წყალობას ელოდო ამაოდ? საკითხი იმდენად საჩოთირო და საჭოქმანოა, რომ უამრავი კარისკაცი ამ „პო“ და „არას“ მოლოდინში ბერდება და ასევე ეპყვებით შეპყრობილი განუტევენს სულს.

23

სამეფო კარზე განა ვინმე ისე უღირსი და საზიზლარია, როგორც კაცი, რომელსაც არ შეუძლია იოტისოდენად მაინც შეუწყოს ხელი ჩვენს ამადლებას: მიკვირს და მაოცებს, ან კი როგორ ბედავს იგი კარზე გამორჩენას?

24

ვინც ხედავს, როგორ ჩამოიტოვა უკან თავისი ასაკისა და ერთ დროს თავისი მდგომარეობის კაცი, ვისთან ერთადაც პირველად წარუდგა სამეფო კარს, დარწმუნებულია, თითქოს მართლაც საკუთარი დამსახურების შედეგად წავიდა წინ და უფლება ენიჭება

ჩამორჩენილზე მეტი პატივით სარგებლობდეს; აღარ ახსოვს, სანამ ამგვარ წყალობას ეღირსებოდა, რას ფიქრობდა საკუთარ თავზე და იმათზე, ვინც მასზე წინ იყო.

25

თქვენმა მეგობარმა თუ მალალ მდგომარეობას მიაღწია და მაინც გცნობთ, დიდი წყალობაა.

26

თუ კაცს ბედმა გაუღიმა და ცდილობს სანამ ღრთა მოხვეჭოს ყველაფერი, ისარგებლოს მონაბერი ქარით და სწრაფად გატუროს, თვალთახედვიდან არ ეპარება არც ერთი თავისუფალი ადგილი ან სააბატო, რათა თავისთვის ითხოვოს და მიიღოს კიდევ; თუ თავზე აცვივა პენსიები, პატენტები, მემკვიდრეობის უფლებები, თქვენ აღშფოთებით ამბობთ, ხარბია და პატივმოყვარეო. ყველაფერს ეპოტინება და ცდილობს თვითონ და თავისი ნაცნობ-ნათესაეები ყველაფერს დაეპატრონონ. იმასაც დასძენთ, იმდენი წყალობა მიიღო, იმდენი ჭილღო, იმდენი ავლა-დიდება დაიგროვა, რაც უამრავ ადამიანს გაამდიდრებდაო. აბა, რა უნდა ექნა? თუ ვიმსჯელებთ არა თქვენი ნათქვამის მიხედვით, არამედ იმისდა მიხედვით, თქვენ თვითონ როგორ მოიქცეოდით მსგავს ვითარებაში, მაშინ უნდა ვალიართ, რომ იგი სწორედ ისე იქცევა, როგორც საჭიროა.

კაცს შემთხვევა თუ მიეცა და დიდი სიმდიდრე დაიგროვა, ვლანძღავთ, რადგან ჩვენ ბევრი არაფერი გვაბადია და არა გვგონია, თუ ოდესმე მასავით გავმდიდრდებით და ასეთსავე საყვედურებს დავიმსახურებთ. აბა, ერთი გვქონდეს იმედი, რომ ოდესმე მის ადგილს დავიჭერთ, უმალ ვიგრძნობთ, არც თუ ისე დამნაშავეა იგი და მკაცრადაც აღარ დავდებთ ბრალს, რათა საკუთარ თავს წინასწარ არ გამოვუტანოთ განაჩენი.

27

არ ღირს საამეფო კარს გადაჭარბებით მივაწეროთ ისეთი ნაკალი, რაც სრულიად არ გააჩნია. ერთადერთი დანაშაული, რაც მას

ადამიანის ჰუმანიტარული დამსახურების მიმართ მიუძღვის, მარტოოდენ ისაა, რომ ხანდახან სათანადოდ არ აფასებს. შენიშნავს კიდევ, ყურადღებასაც მიაქცევს, ვერ ვიტყვით, არაფრად ჩააგდო, არა, ივიწყებს მხოლოდ. სწორედ ამიტომ, რომ ან სულ არაფრით, ან მეტად მცირედით უნაზღაურებს დამსახურებას იმას, ვისაც ყველას წინაშე უღრმესი პატივისცემა მოუხვეჭია.

28

როცა სამეფო კარზე წარმატების მისაღწევად აგურს აგურზე ადებ, არ შეიძლება რამდენიმე აგური უვარგისი არ შეგხვდეს. ერთ-ერთი მეგობარი დაგპირდა, სიტყვას შეგაწევო, მაგრამ კრინტიც არ დაძრა; მეორემ უგერგილოდ რაღაც ჩაიბურტყუნა; მესამემ უნებლიეთ ისეთი რამ წამოროშა, რაც ეწინააღმდეგებოდა შენს სურვილს და თავის განზრახვას. მავანს კეთილი ნება არ დაჰყოლია, მავანს — მოხერხებულობა და სიფრთხილე. ყველა მათგანს კი არც იმდენად ეხატება გულზე, შენ ბედნიერი გიხილოს, რომ მთელი თავისი ძალა და უფლება ამ საქმეს შეაღიოს. არც ერთს არ დავიწყებია, რაც დასჯდომია თავისი წინ წაწევა და არც ის, თუ როგორ ეხმარებოდნენ სხვები, გაეკათა გზა კეთილდღეობისაკენ. მათ შეეძლოთ ვალი პირნათლად მოეხადათ და, მსგავს შემთხვევაში, თვითონაც გაეწიათ სხვისთვის სამსახური, თუკი საკუთარი განდიდების შემდეგ პირველი და ერთადერთი მისწრაფება არ იქნებოდა ისევ და ისევ ზრუნვა თავიანთ თავზე.

29

კარისკაცები მთელს გონებას, მოხერხებულობასა და ცბიერებას იმას კი არ ახმარენ, რომ გამოძებნონ საშუალება, რათა სამსახური გაუწიონ მეგობრებს, რომლებიც დახმარებას სთხოვენ მათ, არამედ მხოლოდ და მხოლოდ ეძიებენ სარწმუნო წყაროებს, დამადასტურებელ საბუთს იმისა, რომ ყოვლად შეუძლებელი ყოფილა მათი თხოვნის დაკმაყოფილება. თავიანთ თავს კი არწმუნებენ, მეგობრობის ან მაღლიერების ვალი პირნათლად მოვიხადეთო.

სამეფო კარზე არავინ კისრულობს, გადადგას პირველი ნაბიჯი.

მარტო დაპირებას იძლევა, მხარს დაგიჭერთო, რამეთუ დარწმუნებულია, სხვებიც მას ჰგვანან და იმედოვნებს, ამ საქმეს არავინ წამოიწყებს და ჩემი მხარდაჭერაც ზედმეტი იქნებაო. ამგვარად ზოგავენ თავიანთ გველენიანობასა და მდგომარეობას და ტკბილად, თავაზიანი უარით ისტუმრებენ იმათ, ვისაც მათი დახმარება ესაქიროება.

30

რამდენი კაცი გახრჩობთ ალერსით, როცა დაგიმარტოხლებთ, გარწმუნებთ, მიყვარხართ და თქვენს ღირსებებს დიდად ვაფასებო. მაგრამ, თუ ხალხში გადაეყრებით, დილის მიღებაზე ან წირვაზე შეხვდებით, თვალს აგარიდებთ, თითქოსდა ვერ გცნობთ. მეტად მცირეა რიცხვი იმ კარისკაცთა, რომლებიც იმდენად მალა დგანან და იმდენად არიან საკუთარ თავში დარწმუნებულნი, რომ ბედავენ და საქვეყნოდ ამქლავებენ პატივისცემას იმ კაცის მიმართ, ვისაც საკუთარი მაღალი ღირსებების გარდა, სხვა არაფერი გააჩნია, არც თანამდებობა და არც ჩინი.

31

ამ კაცს ნიადაგ ხალხი ახვევია გარს, სულ კუდში დასდევენ, — მაღალი თანამდებობის პირია; აგერ იმ კაცს ყველა თვალში შესციცინებს — დიადნი ამა სოფლისანი სწყალობენ; ამას კი ყველა ეფერება და ელაქუცება, თვით დიდებულნიც, — მდიდარია; აი ამას ყველა ცნობისმოყვარეობით შესცქერის, თითოთ საჩვენებელი ვინმეა, — მეცნიერი და მქვერმეტყველი; ვხედავ ერთ კაცს, ვინც სალამს ვერვის ასწრებს, — ბოროტია. ნეტავ შემახვედრა ერთი ისეთი კაცი, რომელიც იქნება მხოლოდ კეთილი, კეთილი და სხვა არაფერი და ყველა ეცდება მასთან დაახლოებას.

32

ამ კაცს მაღალი თანამდებობა უბოძეს და მისი უსაზღვრო ქება-დიდებაც დაიწყო. ხოტბის ნაკადულები ავსებს სადარბაზოებსა და კაპელებს, კიბეებსა და დარბაზებს, დერეფნებსა და მეფის

აპარტამენტებს. მისი გუნდრუკის კმევით ყელამდე ივსება ყველა, ფეხს ველარ იკიდებს და საერთო დინებას მიჰყვება. ამ პიროვნებაზე ორი აზრი აღარ არსებობს. შური, ქიშპობა ფარისევლობას ეხმატკბილება. ნიაღვარი მიაქანებს ყველას და აიძულებს თქვას ის, რასაც ფიქრობს და არ ფიქრობს, შეაქოს ის, ვისაც არ იცნობს. გონიერი კაცი, ვისაც არც დამსახურება აკლია და არც ღირსება, გადაიქცევა გენიალურ პიროვნებად, გმირად, თითქმის ღვთაებად. ისე წარმტაცია მასზე შექმნილი წარმოდგენა, ისე სანუკვარი და უზადო, რომ თვითონ მახინჯი ჩანს თავისი პორტრეტების პირისპირ. შეუძლებელია ამალღდეს იმ მწვერვალებამდე, სადაც აიტაცა სიმდაბლემ და ფარისევლობამ. აზრი, რაც დამკვიდრდა მასზე, სირცხვილით აწითლებს. მაგრამ, აგერ, შეერყა მდგომარეობა და მყისვე, ყველა სრულიად იოლად იცვლის შეხედულებას. დაეცა ძირს. ზამბარები, რომელთაც აგრე მალლა ასწიეს იგი ტაშისცემითა და ხოტბა-დიდებით, ისევ დაიჭიმა, რათა ეს კაცი საყოველთაო ზიზღის ჯურღმულებში ჩააყურყუმელაოს; მე მინდა გითხრათ, რომ ისე მწარედ არავენ ჰკიცხავს, ისე ბინძურად არავენ შეურაცხყოფს, ისე აგდებით არავენ ლაპარაკობს მასზე, როგორც ადამიანები, რომლებიც ცოტა ხნის წინათ აგრე თავგამოდებითა და გახელებით უკმევდნენ გუნდრუკს.

33

ჩემის აზრით ისეთი მალალი თანამდებობის დაკავება, რისი გაძლოლაც მალალგონიერებას მოითხოვს, უფრო ადვილია, ვიდრე მისი შენარჩუნება.

34

კაცი მალალ მდგომარეობას იმავე ნაკლის შედეგად ჰკარგავს, რამაც ადრე ხელი შეუწყო მის ამალღებას.

35

სამეფო კარზე ორნაირად შეიძლება ჩამოიცილოთ ადამიანი: ან თავად გაბრაზდეთ მასზე, ანდა ისე მოიქცეთ, რომ თვითონ გაბრაზდეს თქვენზე და შეგიზიზლოთ.

სამეფო კარზე ადამიანს ორი მიზეზით აქებენ: პირველი გახლავთ, — გავაგებინოთ მასზე კარგს რომ ვამბობთ; მეორე — იმანაც კარგი თქვას ჩვენზე.

ისევე საშიშია სამეფო კარზე ვინმეს რაიმე დაპირება მისცე, როგორც ძნელია, არაფერს დაპირდე.

ზოგიერთი თუ კაცს არ ცნობს სახეზე, ან არ იცის მისი გვარი, ფიქრობს, რომ უფლებამოსილია დასცინოს, — ან შეიზიზღოს. იკითხავს, ვინ არისო. იგი არც რუსოა, არც ფაბრი, არც ლა კუტიური? ჰოდა, საიდან უნდა იცნობდეს?

ამ კაცზე იმდენი ცუდი რამ უთქვამთ ჩემთვის, მე კი იმდენად ვერაფერს ვამჩნევ ცუდს, რომ უკვე ვეპკობ, ისეთი ღირსებებით ხომ არაა დაჯილდოებული, რაც სხვების ღირსებებს ჩრდილს აყენებს და ამიტომაც არაფრად ეპიტნავენათ.

წესიერი კაცი ბრძანდებით, არაფრად მიგაჩნიათ, ფავორიტებს მოსწონხართ თუ არა. ერთგულად ემსახურებით მხოლოდ თქვენს ბატონსა და თქვენს მოვალეობას: წასულია თქვენი საქმე.

თავხედობა ადამიანის განწყობილების შედეგი კი არ არის, არამედ მისი შინაგანი თვისებაა. მანკია იგი, თანდაყოლილი მანკი.

ვინც ამგვარი არ დაბადებულა, მოკრძალებულია და ერთი უკიდურესობიდან მეორე უკიდურესობაში ადვილად არ ვარდება, ამაოა უჩიჩინო: „იყავით თავხედი და წარმატებას მიაღწევთ!“ უბადრუკი მიბაძვით ვერაფერს გააწყობს და უეჭველად კისერს მოიტეხს. სამეფო კარზე წარმატებას რომ მიაღწიო, ბუნებრივად უნდა იყო თავხედი და ნამუსგარეცხილი.

42

კაცი ხლადორთობს, ეძიებს, აქეთ-იქით ძვრება, ლელავს, იხვეწება, უარს იღებს; ისევ ითხოვს. აღწევს მიზანს და ამბობს, არაფერი მითხოვიაო. სულაც არ ველოდი, სხვა რამეზე ვფიქრობდი და ბედმა სწორედ მაშინ გამიღიმაო. გაცვეთილი ხერხია, გულუბრყვილო ტყუილი, რითაც არავინ ტყუვდება.

43

დიდი თანამდებობისთვის იღვწის კაცი, რა ქსელი არა აქვს გაბმული, რა ზომა არა აქვს მიღებული. სურვილი უთუოდ უნდა შეისრულოს. ერთი სიტყვას შეაწევს, მეორე პირველს აუწყობს ხმას. პატრუქი მიტანილია, ყუმბარა მზადაა ასაფეთქებლად და მაშინ ტოვებს სამეფო კარს. აბა ვინ გაბედავს ეჭვი მიიტანოს, ვითომცდა არტემონი ცდილობდა ასეთი ხელსაყრელი თანამდებობა დაეკავებინა? იგი ხომ ძლივძლივობით წამოიყვანეს თავისი მამულიდან და გუბერნიიდან და აიძულეს ამ ადგილზე დამჯდარიყო! რა ტლანქი თითლიბაზობაა, გაცვეთილი ეშმაკობა, რისთვისაც კარისკაცებს იმდენჯერ მიუმართავთ, რომ მე თუ მოვისურვებდი ხალხი გამეცუტრებინა და დამემალა ჩემი პატივმოყვარეობით გამსჭვალული მისწრაფებანი, მეფის პირისპირ უნდა დავრჩენილიყავი, რათა მიმელო მოწყალება, რისკენაც თავგადაკლული მივილტვოდი.

44

ადამიანები ცდილობენ დამალონ თავიანთი პატივმოყვარული ზრახვანი და ხელსაყრელი თანამდებობის დაკავების სურვილი,

რადგან თუ ვერაფერს მიაღწიეს, დარწმუნებულნი არიან, სირცხვილსა ჭამენ; ხოლო თუ ნატვრა აუსრულდათ, უფრო სახეიროა, ხალხმა იფიქროს, ვითომცდა პირადი დამსახურებისა და არა გაიძვერობისა და გაძრომ-გამოძრომის შედეგად მიეკუთვნათ თანამდებობა. ამგვარად საშუალება მიეცათ საკუთარი ღირსებითა და თავმდაბლობით მოიწონონ თავი.

რა უფრო სამარცხვინოა, უარი მიიღო თანამდებობაზე, რისი ღირსიცა ხარ, თუ მიიღო თანამდებობა, რისი ღირსიც არა ხარ?

რაც უნდ ძნელი იყოს სამეფო კარზე მიაღწიო წარჩინებას, უფრო მეტად ძნელია წარჩინების ღირსი გახდე.

უფრო ადვილია შენს თავზე ათქმევინო, რატომ მიიღო ეს თანამდებობაო, ვიდრე მიაღწიო იმას, რომ იკითხონ, რატომ არ მიიღო ეს თანამდებობაო?

უწინ საკონსულოებში ეძებდნენ ადგილს, ახლა ჩინოვნიკობისთვის იღვწიან, ან საფრანგეთის აკადემიაში მოხვედრას ლამობენ. ვითომც რა მოხდებოდა, თავდაპირველად შრომის ჭაპანი გაეწიათ და მომზადებულიყვნენ ისე, რომ მომავალში უფრო დიდი საქმის გაძლოლა შეძლებოდათ. მერე, კი, საკუთარ ძალებში დარწმუნებულებს, ფარული ხრიკების, გაიძვერობის გარეშე, აშკარად და თამამად მოეთხოვათ ადგილი, რათა სამსახური გაეწიათ სამშობლოსთვის, მეფისთვისა და სახელმწიფოსთვის.

45

ჯერ არ მინახავს კარისკაცი, რომელსაც მდიდარი პროვინციის მმართველობა, მაღალი თანამდებობა, დიდი პენსია მიეღოს მეფისგან და პატივმოყვარეობით შეპყრობილსა თუ საკუთარი უანგარობის დასამტკიცებლად არ ეთქვას, მოწყალება იმდენად როდი მახარებს, რამდენადაც ის, თუ რანაირად მეზობაო ეს მოწყალება. აქ სარწმუნო და უტყუარია მხოლოდ ის, რომ ამ სიტყვებს წარმოთქვამს თვითონ.

46

ცუდად აღზრდილ ადამიანებს არ შესწევთ უნარი, თავაზიანად გასცენ; ყველაზე დასაფასებელი და ყველაზე ძნელია გაცემა: განა რა დაჯდება რომ ძღვენს ღიმილიც დაემატოს?

უნდა ითქვას, რომ ერთი არაფერს გიბოძებს, მაგრამ არ შეუ-
რაცხგყოფს, ხოლო მეორე გიბოძებს და შეურაცხგყოფს. მაევანზე
ამბობენ, ისე პირქუშად, კადნიერად ხვდება მთხოვნელს, იმდენს
ახვეწნიებს, ისე მძიმე უღელს ადებსო, რომ მეტ მოწყალებას გა-
მოიღებდა, თუ ერთხელ და სამუდამოდ ყველას შთააგონებდა,
არაფერი მიეღოთ მისგან.

სამეფო კარზე შეიმჩნევიან ისეთი ხარბი კაცები, რომლებიც
ყველაფერს ებლაუქებიან, ოღონდ სარფა მიიღონ: გუბერნატორო-
ბა, მაღალი თანამდებობა, ბენეფიციუმი, ყოველივე უპრიანია მათ-
თვის. თბილად არიან მოყუჩებულნი და საკუთარი მდგომარეობა
საშუალებას უქმნით ნებისმიერ საქმეს მოჰკიდონ ხელი. ნამდვილი
ამფიბიები გახლავან. მათი შემოსავლის წყარო ეკლესია და ხმალია,
მაგრამ არც მოსამართლის მანტიას დაიწუნებენ. თქვენ იკითხავთ,
ეგ ადამიანები სამეფო კარზე რას საქმიანობენო? საჩუქრებს იღე-
ბენ და შურით სკდებიან, თუ სხვასაც ხვდება საჩუქრები.

სამეფო კარზე მრავალი ადამიანი ისე მიათრევს ცხოვრებას,
რომ კოცნის, ეხვევა და ულოცავს იმას, ვისაც მოწყალება ხვდა
წილად, თვითონ კი ისე ჩადის სამარეში, რომ ერთხელაც არაფერი
მიუღია.

მენოფილს ჩვევები ერთი წოდების შესაფერისი აქვს, ტანისა-
მოსი კი მეორე წოდებისა. მთელი წელიწადი ნიღაბს ატარებს,
თუმცა პირზე არაფერი აფარია, სადაც უნდა იყოს, სამეფო კარზე,
ქალაქში თუ პროვინციაში, ახალ-ახალი გვარით და ანლებურად
შენიღბული ცხადდება. ყველა ცნობს და ყველამ იცის როგორი პი-
რისახეც აქვს.

მალალი მდგომარეობის მისაღწევად არსებობს პირდაპირი, გათელილი გზა. არის მოსავლელი გზაც, მიხვეულ-მოხვეული ბილიკი, რაიც უფრო მოკლეა.

უბედურ კაცს უკან მისდევენ და დაკვირვებით ათვალიერებენ. გზის პირას მწკრივდებიან, ფანჯრებიდან ყელყელობენ, რათა შეხედონ, როგორ გამოიყურება და როგორ უჭირავს თავი დასასჯელად გამზადებულ კაცს, რომელმაც იცის, რომ სიკვდილი უახლოვდება. ამაოებათა ამაოება, ბოროტი, არაადამიანური ცნობისმოყვარეობა! კაცთ ჭკუა რომ ჰყოფნიდეთ, საჯარო მოედანს არვინ გაეკარებოდა და ამგვარ სანახაობაზე დასწრება სამარცხვინოდ ჩაითვლებოდა. თუ აგრე რიგად გაწუხებთ ცნობისმოყვარეობა, რა იქნება უფრო კეთილშობილ საგანზე მიმართოთ: ბედნიერ აღამიანს დააკვირდით იმ დღეს, როცა ახალ თანამდებობაზე დაინიშნა დამილოცვებს იღებს. მის თვალეში ამოიკითხეთ, რა მალალი წარმოდგენისაა საკუთარ თავზე და რა დიდი კმაყოფილია თავისი პერსონის, თუმც ყოველივე ამას ნავარჯიშევი თავდაპერითა დამოჩვენებითი მოკრძალებით ფარავს. დაინახავთ, მიზნების შესრულების შედეგად როგორ იღვრება ნეტარება მის გულში და ეფინება პირსახეზე. სხვა არა უნდა რა, იყოს დღეგრძელი და ჯანმრთელი. მაგრამ თავს ველარ იკავებს და სიხარულის შუქი უსხლტება გარეთ. ბედნიერების ტვირთი მძიმედ აწვება. ცივია და თავშეკავებული იმათ მიმართ, ვინც უკვე აღარ გახლავთ მისი ტოლი დასწორი. სალამზედაც აღარ პასუხობს, არც ხედავს მათ. მაგიერ, დიდებულებს ხედავს სულ ახლოს და მათი ხვევნა-კოცნა საბოლოოდ ხრწნის მას. წონასწორობა ეკარგება, ყეყერდება და გონება ერთხანს უჩლუნგდება. თქვენ გსურთ ბედს ეწიოთ, მოწყალეებით აღივსოთ; იცით, რამდენ რამეს უნდა მოერიდოთ!

კაცი, რომელსაც მალალი თანამდებობა მიუღია, ჭკუასა და გონებას ველარ იმორჩილებს, და ველარ ახერხებს ურთიერთობის დამ-

ყარებას, რამეთუ მისთვის ყოველივე ექვემდებარება მის თანამდებობასა და მდგომარეობას. აქედან გამომდინარეობს მესხიერების სიჩლუნგეც, სიამაყეც, ამპარტავნობაც, სისასტიკეცა და უმადურობაც.

54

თეონასი ოცდაათი წელია აბატია და აბატობა მობეზრდა. თეონასსავით მგზნებარედა და მოუთმენლად არვის მონატრებია ძოწით შემოსვა, მკერდზე ოქროს ჯვრის ჩამოკიდება. რაკი ერთ დიდ ზეიმს მეორე ზეიმი ისე მოჰყვებოდა, რომ თეონასის ცხოვრებაში არაფერი იცვლებოდა, უკმაყოფილების გრძნობა დაეუფლა თანამედროვე ყოფის, მმართველობის მიმართ და ქვეყანას დიდ განსაცდელს უწინასწარმეტყველებდა. გულში გადაწყვიტა, სამეფო კარზე წინ წაწევის მსურველთათვის პირადი ღირსებები მავნებელი ყოფილაო. ის იყო პრელატობის იმედიც კი გადაიწყვიტა, როცა ვილაცამ მოიბრინა და აუწყა, ეპისკოპოსად დაგნიშნესო. მოულოდნელმა ცნობამ ისე აღავესო სიხარულით და ისე უთაუნერგა რწმენა საკუთარი თავისადმი, რომ მყისვე წარმოთქვა, აი, ნახავთ, თუ ადგილზე დიდხანს დავრჩები, მთავარეპისკოპოსობას მივიღებო.

55

გაიძვერები საჭირონი არიან სამეფო კარისთვის და აგრეთვე კეთილი სურვილებით გამსჭვალული დიდებულებისა და მინისტრებისთვის, ერთი კია, მათთან ურთიერთობა დიდ სიფრთხილესა და ცოდნას მოითხოვს; დგება ისეთი დრო და იქმნება ისეთი ვითარება, როცა მათ ვერავენ შეცვლის. პატიოსნება, სიკეთე, სინდისი ყოველთვის საპატიო, მაგრამ ხშირად უსარგებლო თვისებები გახლავთ. განა იშვიათია ისეთი შემთხვევა, როცა არ იცი, როგორ მოიცილო წესიერი ადამიანი?

56

ერთი ძველი მწერალი, რომლის სიტყვებს გავბედავ და შეუცვლელად დავტოვებ, რამეთუ მეშინია თავისუფალი გადმოცემით არ

შევბღალო მისი აზრი, ამბობდა: „ქვეყანასა ზედა კაცნი, ერთნი, შეპყრობილნი ზვაობითა, განუღგენ იმათ, ვისაც თვლიდნენ ჯოლღო-მოლღოთა, გარნა ოდეს ტოლნი იყვნენ იგინი მათი და ამჟამად კი ეცხადებოდნენ ვითარცა გლახაკნი და მონანი, და კაცნი ესე შეუტკბნენ მამონის მსახურთ, ძლიერთ ამა სოფლისათა, სახელითა და საგანძურით აურაცხელით. რამეთუ ჰბაძვიდნენ მათ, უძღებნი ძენი მათთან ერთად როკვიდნენ და ხუნტრუცობდნენ შესაკრებულში, მათთან ერთად ეძღვოდნენ სიძვა-მრუშობას და იწყემდნენ სულს, სინდის-ნამუს გარეცხილნი, უსირცხვილონი. არად აგდებდნენ, თუკი იყვნენ მოძულეებულ ყოველთაგან, ოღონდ ხლებოდნენ მფარველთ თუისას და მოიძვიდნენ ნეტარებას და ძლიერებას ქვეყანასა ზედა“.

57

მეფის სიკბაბუკე წყაროა მრავალი დიდი სიმდიდრისა.

58

ტიმანტი ისევ ძველი ტიმანტია. არ დაუკარგავს ღირსებები, რომელთა მეოხებით თავდაპირველად გაითქვა სახელი და მრავალი წყალობაც მიიღო. კარისკაცებს თითქოს დაავიწყდათ მისი დამსახურება, უკვე მობეზრდათ მისდამი პატივისცემის გამომჟღავნება; ესალმებიან ცივად, აღარც უღიმიან და არც ხელგაშლილად ეგებებიან, არც გულში იკრავენ. არც გაჰყავთ განზე, რათა საიდუმლოდ რაღაც წვრილმანი გაანდონ, აღარაფერი აქვთ მისთვის სათქმელი. მაგრამ ერთ მშვენიერ დღეს პენსია დაუნიშნეს და ახალი საპატიო თანამდებობა უბოძეს. აღსდგა კარისკაცთა მეხსიერებაში ყოველი ღირსება მისი, გაცოცხლდა და გაიფურჩქნა. ახლა ყველა ძველებურად ეპყრობა, უკეთესადაც.

59

ო, რამდენი მეგობარი და ნათესავი უჩნდება ამ ერთ ღამეში ახალ მინისტრს! ერთნი იხსენებენ, უწინ ერთმანეთთან ძალიან ახ-

ლოს ვიყავითო, ერთად ვსწავლობდითო, ვმეზობლობდითო. მეორენი გენეალოგიურ კვლევა-ძიებას გადაჰყოლიან, საერთო ნათესავეების ძებნაში პაპის პაპამდე მისულან, როგორც მამის, ისე დედის მხრიდან. ყველა თავს იწონებს მასთან სიახლოვეთ და ის დღე რა დღეა, თუ ათასჯერ არ წარმოთქვამს, ჩემი მოყვარეაო. რა სიაპოვნებით დასტამბავდნენ ამ სიტყვებს: „ეს ჩემი მეგობარია, მეტად მიხარის მისი წინ წაწევა“, „მისი განდიდება მეც მეხება, ის ხომ ჩემი ნათესავია!“ ჰოი კაცნო, ამა სოფლის ამაოებათა თაყვანისმცემელნო, გამოფიტულო კარისკაცებო, განა ამასვე ლაღადება ბაგენი თქვენი ორი კვირის წინათ? ნუთუ ამ ცოტა ხანში შეიმოსა იგი ყოველგვარი სათნოებით და გადაიქცა ღირსად იმ არჩევანისა, რაიც მეფემ მოახდინა? ნუთუ ამ შემთხვევას ელოდებოდით, რათა უკეთესად გაგეცნოთ იგი?

60

როს დიდებულნი ან ჩემი მდგომარეობის ადამიანები ხანდახან ავდებით და კადნიერად მეპყრობიან, თავს იმით ვინუგეშებ, რომ გულში ვამბობ, ეს ხალხი მე კი არ მივდებს აბუჩად, არამედ ჩემს თანამდებობას. არ ტყუიან, მართლაც დაბალი ჩინი მაქვს. მინისტრი რომ ვიყო, რაღა თქმა უნდა, თაყვანს მცემდნენ-მეთქი.

რაო, მაღალ თანამდებობაზე ხომ არ მნიშნავენ? ხომ არაფერი გაუგია? გული ხომ არ უგარძნობს? დახე, სალაში დამასწრო.

61

ის, ვისაც დღენიდაგ პირზე ეკერა: „გუშინ ტიბურში ვისადილე, ამ საღამოს იქ ვვახშობ“, ვინც ათჯერ და ათასჯერ იმეორებდა სახელს „პლანკუსს“ და ყოველგვარ საუბარში, საჭირო იყო თუ არა, წამდაუწუმ სჩრიდა: „პლანკუსი მთხოვდა... მე ვეუბნებოდი პლანკუსს...“ ამ კაცმა აი ამ წუთას გაიგო, მისმა გმირმა მოულოდნელად განუტევა სული. არც აცია და არც აცხელა, ხალხს მოედნებსა და პორტიკებს ქვეშ თავი მოუყარა და განსვენებულის წინააღმდეგ საბრაღდებულო სიტყვით გამოვიდა. გაეცხა მისი საქციელი, მიწასთან გაასწორა მისი კონსულობა, გააცამტვერა საყოველთაოდ აღიარებული აზრი შესახებ იმისა, რომ იგი ზედმიწევნით იცნობდა მმართველობის ყოველ წვრილმანს, იყო მკაცრი

და შრომისმოყვარე; ერთი ტკბილი მოგონებაც არ დაუტოვა. დაბოლოს არ შეარჩინა პატივი, აღიარებული ყოფილიყო მტრად იმპერიის მტრებისა.

62

ჩემის აზრით, დიდებული სანახაობაა, როცა თეატრში თუ რაიმე საკრებულოში ყოველმხრივ ღირსეულ პიროვნებას უარს ეუბნებიან ადგილზე, რასაც სთვაზობენ კაცს, ვისი თვალიც ვერაფერს ხედავს, ყური ვერაფერს ისმენს და ვის გონებასაც არ შესწევს უნარი შეიცნოს და განსაჯოს. ხოლო ამ პატივს იმსახურებს მართოდენ ლივრით, რასაც აღარც კი ატარებს.

63

თეოდოტის ჩაცმულობა მკაცრი გემოვნებით გამოირჩევა, პირისაზრით კი სცენაზე გამოსულ კომედიანტს მიაგავს: ხმა, სიარული, მიხრა-მოხრა, ყოფაქცევა მის გამომეტყველებას ესადაგება. გაიძვერაა, გაქნილი, შემპარავი, იღუმალებით მოცული. მოგიანლოვდებათ და ჩაგჩურჩულებთ: „რა მშვენიერი ამინდია, ხედავთ ყინული დნება“. მისი მანერები დიდი დახვეწილობით თუ არა, დიდი გატყლარკულობით მაინც გამოირჩევა, რაიც ესოდენ დაამშვენებდა პრანქია გოგონას. აბა წარმოიდგინეთ, რა გულმოდგინებით აგებს ბალლი ფსონის ქაღალდებით ხუხულებს, ანდა რა გატაცებით დასდევს პეპლებს, თეოდოტი სწორედ ასევე ასრულებს წვრილმან საქმეებს, რასაც დიდი რუღუნებით დასტრიალებს თავს, თითქოსდა სამკვდრო-სასიცოცხლო საკითხსა წყვეტდეს. ფუსფუსებს, ფაცხაფუცხით გარბი-გამორბის, საწადელს ისრულებს. და აი, როგორც იყო, შვევით ამოისუნთქა, დაუდგა ჟამი დასვენებისა. რაო, განა ტყუის, მართლაც დიდი ჯაფა დაადგა.

ზოგიერთი გაბრუებულია, მოჯადოებულია მოწყალების მიღების სურვილით. დღე მასზე ფიქრობს, ღამე სიზმარში ხედავს, მინისტრის სასახლის კიბეებზე არბის და ჩამორბის; მოსაცდელი დარბაზიდან გამოდის, უკან ბრუნდება. არაფერი აქვს მინისტრისთვის სათქმელი და მაინც ელაპარაკება. ელაპარაკება მეორევე-

რაც. ხედავთ რა კმაყოფილია, მინისტრს ესაუბრება. აბა, ერთი შეანჯღრიეთ, ძაშინ გადმოსცვივდება კადნიერება, თავხედობა, თვითკმაყოფილება. უთხარით რამე, პასუხსაც არ გალირსებთ, ვერც გიცნობთ. თვალი აცაბაცად მიუბრის, გამოყუყუჩებულა. მშობლებს მართებთ იზრუნონ მასზე, შინ გამოკეტონ, თორემ სა-შიშია, მისი სიგიჟე შესაძლოა მღელვარე გახდეს და საზოგადოე-ბას საფრთხე შეექმნას.

თეოდოტი უფრო თვინიერია: ისიც გაგიჟებით ისწრაფის მა-ღალი მდგომარეობისკენ, მაგრამ მისი გატაცება აგრე რიგად არ გეცემათ თვალში. იღუმალებითაა მოცული მისი კერპი, ფარულად ელაციცება და შეჰლაღადებს. თეოდოტი მარად ფხიზლადაა, მის თვალს არასოდეს გამოეპარება, თუ რა სურვილი აღეძრა პიროვნე-ბას, ვისაც ახლახან გადაეფარა კალთა მოწყალეებისა. მზადაა მის-და სამსახურად; ინტრიგის ქსელს აბამს მის საამებლად, უჩუმრად ფეხქვეშ უფენს ღირსებას თვისას, მეგობრობას, ვალდებულებას, მაღლიერებას. კასინის ადგილი რომ გათავისუფლდეს და ფავორი-ტის შვეიცარმა ან შიკრიკმა მოინდომოს მისი დაკავება, თეოდოტი მხარს დაუჭერს და ღირსადაც ჩათვლის. ის კი არა, აღიარებს, თითქოს მათ შესწევთ უნარი დააკვირდნენ, გამოთვალონ, იმსჯე-ლონ ცრუ მზესა და პარალაქსზე. ჩემთვის რომ გეკითხათ, თეოდო-ტი თვითონ წერს თუ პლაგიატორიაო, ორიგინალური მწერალია თუ გადამწერიო, მოგცემდით მის წიგნებს და გეტყოდით, წაიკითხეთ და თავადვე განსაჯეთ-მეთქი. მაგრამ თუ იკითხავთ, ღვთისმოშიშია თუ კარისკაცი, ჩემს მიერ აღწერილი პორტრეტის მიხედვით გა-გიძნელდებათ მიხვდეთ, ვინ არის იგი. უფრო გაბედულად შემოი-ღია გამოვთქვა მოსაზრება მის ვარსკვლავზე: დიახ, თეოდოტ, მე დაეკვირდი ვარსკვლავს, რომელზედაც თქვენ დაიბადეთ. მიი-ღებთ მაღალ თანამდებობას და ძალიან მალეც მიიღებთ. ნულარ ჩალიჩობთ, ნულარაფერს ბეჭდავთ, ხალხი გთხოვთ, შეიცოდეთ.

ნულარ მოელით სისპეტაკეს, გულახდილობას, სამართლიანო-ბას, მხარდაჭერას, სამსახურს, კეთილგანწყობილებას, სულგრძე-ლობას, სიმტკიცეს ადამიანისგან, რომელმაც ცოტა ხნის წინათ ფე-
13. ჟან დე ლა ბრუიერი

ხი შედგა სამეფო კარზე და საკუთარი კეთილდღეობისთვის ფარულად იღვწის. იცნობთ კი სახით, ან გისაუბრიათ მასთან? ყველაფერს თავის სახელს აღარ არქმევს. მისთვის აღარ არსებობენ გაიძვერები, ოინბაზები, ყეყეჩები და თავხედები. ეშინია არ წამოსცდეს, რასაც მაგანზე ფიქრობს, ვაითუ ამ უკანასკნელმა ყური მოჰკრას. მორჩა, ხელს შეუშლის მის წინსვლას. ყველაზე ცუდი აზრისაა, მაგრამ კრინტს არ ძრავს. თუმცა სიკეთე მხოლოდ თავისთვის სურს, ცდილობს ყველა დაარწმუნოს, თითქოსდა ყველას სიკეთეზე ოცნებობს, რათა ყველამ სიკეთე მოინდომოს მისთვის, ყოველ შემთხვევაში, ბოროტი. მაინც არ მოინდომოს. რაკი უკმაყოფილოა იმის გამო, რომ თავად გულწრფელი ვერ იქნება, ვეღარც სხვის გულწრფელობას ეგუება. სიმართლე ყურს ჰრის. უკარებაა და გულგრილი, როცა სამეფო კარსა და კარისკაცებზე იწყება საუბარი, მოსმენაც არ სურს, ვაითუ სხვების მიერ გამოთქმულ აზრთა მოზიარედ ჩამთვალონ და პასუხისგება დამაკისრონო. საზოგადოების ტირანი და საკუთარი პატივმოყვარეობისთვის წამებული, თავშეკავებულია მოქმედებასა და საუბარში. ცივი და გამოფიტულია მისი უკბილო ხუმრობა, ნაძალადეგია სიცილი, ფარისევლურია ალერსი, სიტყვა — მოკლე და ნაწყვეტ-ნაწყვეტი, დაბნეულობა — მოჩვენებითი. უხვად იღვრება, რას ვამბობ, უხვად კი არა, ნიაღვარივით მოჩქეფს მისი ხოტბა-დიდება, მიმართული მაღალი თანამდებობის პირის ან ფავორიტის ნათქვამისა. თუ საქმიანობისადმი. სხვების მიმართ კი ჭლექიანის კანივით მშრალია მისი სიტყვები. ქათინაურების სხვადასხვა ფორმულები აქვს შემუშავებული; ერთი შემოსვლის, მეორე გასვლის, იმისდა მიხედვით ვის ესტუმრება, ან ვინ ესტუმრება. ყველა, ვინც განსაკუთრებულ მნიშვნელობას ანიჭებს იმას, თუ როგორ მიმართავენ და რანაირად ესაუბრებიან, დიდი კმაყოფილებით ტოვებს მის სახლს. იცის ვინ შეირჩიოს მფარველად და ვის გაუწიოს მფარველობა. შუამავალია, გულთა მესაიდუმლე, მაქანკალი, მაგრამ ნებას იყოს მბრძანებელი. ვით ახალბედას შეეფერება, სამეფო კარის ყოველ წვრილმან ადამ-წესებს უმალ ითვისებს: დადგება იქ, სადაც ადვილად შეამჩნევენ. გადაგეხვევით, გაინაწილებს თქვენს სიხარულს, კითხვას, კითხვაზე დაგაყრით, ხომ ჯანმრთელად ბრძანდებით, ხომ კარგად მიდის თქვენი საქმეები, სანამ პასუხად რამეს, ეტყოდეთ, ველარ.

მიჰყვება საუბრის ძაფს, სიტყვას გაწყვეტილებით, სხვა საკითხზე იწყებს მასლაათს. ან არადა, ვილაც გამოჩნდება და სულ სხვა საგანზე ალაპარაკდება მასთან. ამას მიულოცავს, იმას სამძიმარს ეტყვის, ამ თვალთ იცინის, იმ თვალთ ტირის; ხანდახან მინისტრის ან ფავორიტის მიბაძვით, საზოგადოებაში წვრილმანებზე მუსაიფობს, ქარიზო, ყინავსო. ხან კი, როცა საუბარი რაღაც მნიშვნელოვანს ეხება და მისთვისაც ცნობილია, მრავალმნიშვნელოვანი გამომეტყველებით ღუმს და თუ მისთვის სრულებით არ არის ცნობილი, მაშინ უფრო მეტად მრავლისმეტყველია მისი ღუმილი.

65

თურმე ერთ ქვეყანაში სიხარული აშკარა, მაგრამ მოჩვენებითი ყოფილა, ხოლო მწუხარება ფარული, მაგრამ ნამდვილი. აბა ვინ დაიჯერებს, რომ სანახაობების, რასაც ხალხი ზღვად აწყდება მოლიერის და არლეკინის თეატრში ატეხილი გამაყრუებელი ტაშისცემის, წვეულებების, ნადირობის, ბალეტის, კარუსელების მიღმა იფარება იმდენი წუხილი, საზრუნავი და ანგარება, იმდენი შეშფოთება და იმედი, ესოდენ მგზნებარე ვნებები და ესოდენ მნიშვნელოვანი საქმეები?

66

ცხოვრება სამეფო კარზე მეტად სერიოზული და დაძაბული თამაშია; უნდა იცოდე როგორ განალაგო ფიგურები, გაანაწილო ძალები, მოიფიქრო სვლები და მისდით წინასწარ მოფიქრებულ გეგმას. მოწინააღმდეგეს შთანაფიქრი ჩაუფუშო, ხანდახან რისკზედაც წახვიდე და გუმანითაც იმოქმედო. ჰოდა, ამდენს იტებ თავს, ამდენ მახეს აგებ და ბოლოს ქიშს გამოგიცხადებენ, ხანდახან შამათსაც. პაიკი თუ გონივრულად გამოიყენე, ლაზიერი ხდება და თამაშის ბედიც ხშირად ამით წყდება. იგებს ან უფრო მოხერხებული ან უფრო ბედნიერი.

67

საათის გორგოლაკები, ზამბარები და მათი მოძრაობა დამალულია. მოჩანს მხოლოდ ისრები, რომლებიც უხილავად იწყებენ და

ასრულებენ წრეს. სწორედ ასეთია კარისკაცის ცხოვრება; წავა შორს და აღმოჩნდება იქ, საიდანაც დაიწყო სვლა.

68

ცხოვრების ორი მესამედი უკვე განვვლე. რაღა საჭიროა დარჩენილ დღეებზე წუხილი და თავში ცემა? უბრწყინვალესი მღვთმარეობაც კი არ ღირს იმ მღელვარებად, რითაც ვიტანჯები, არც იმ სულმდაბლობად, რასაც ჩემს თავს ვამჩნევ, არც დამცირებადა და შეურაცხყოფად, რასაც განვიცდი. ოცდაათ წელიწადში დაინგრევიან ის მძლავრი გოლიათები, რომელთაც ქვემოდან ძლივს ვუსწორებ თვალს. გავქრებით ჩვენც; მე, ესოდენ პატარა და უმწეო, და ისინიც, ვისაც თრთოლვით შევციცინებდი და ვისი მოწყალებითაც მოველოდი განდიდებას. ყველაზე დიდი ამქვეყნიური სიკეთე, თუკი სიკეთე საერთოდ არსებობს, არის მოსვენება, განმარტოება და ადგილსამყოფელი, სადაც შენა ხარ შენი თავის ბატონ-პატრონი.

ასე ფიქრობდა „ნ“, როდესაც საქმე ცუდად წაუვიდა, და მაშინვე გადაავიწყდა, როგორც კი ფეხი მოიმაგრა.

69

ახნაური თავის პროვინციაში თუ ცხოვრობს, თავისუფალია, მაგრამ მფარველობას მოკლებული; თუ სამეფო კარზეა, მფარველობა არ აკლია, მაგრამ მონაა: ერთი მეორეთია ანაზღაურებული.

70

ქსანტიპი თავის მიყრუებულ პროვინციაში ცხოვრობდა, და-ცხავებულ ჭერქვეშ, ერთხელ, როცა უბადრუკ საწოლში ეძინა, დაესიზმრა, მეფეს ესაუბრებოდა და გული სიხარულით ევსებოდა. გამოიღვიძა და სევდამ შეიპყრო. მოჰყვა სიზმარი და შესძახა, რა სისულელე არ მოუვა კაცს თავში, როცა სძინავსო გამოხდა ხანი. ქსანტიპი სამეფო კარზე მოხვდა. იხილა მეფე, ესაუბრა. ცხადმა სიზმარს გადააქარბა: ფავორიტი გახდა.

ვინ არის გულმოდგინე კარისკაცზე მეტად დამონებული, თუ არა უფრო მეტად გულმოდგინე კარისკაცი?

დილით, მეფის ადგომისას თითქმის უცნობი ხალხი ბუზებივით ირევა და ცდილობს დაენახვოს მეფეს, ვისაც არ ძალუძს ყველას მოავლოს თვალი. თუ იგი დღეს ხედავს მხოლოდ იმათ, ვინც გუშინ დაინახა და ვისაც ხეალ დაინახავს, რამდენია მაშინ უბედური!

იმათ შორის, რომელნიც დიდებულებს გარს ეხვევიან და ელოლიავეებიან, მცირეა რიცხვი იმ ადამიანთა, ვინც გულწრფელად აფასებს მათ; დიდებულებთან დაახლოებას ბევრი პატივმოყვარული და ანგარებიანი ზრახვების განსახორციელებლად ცდილობს. უფრო მეტი აყოლილია ყოვლად სასაცილო თავმომწონეობასა და თავის გამოჩენის ბრყვეულ სურვილს.

არსებობს ისეთი ოჯახები, რომლებიც საზოგადოებრივი ან ზრდილობის წესებისდა თანახმად, მუდმივ შუღლში უნდა იყვნენ ერთმანეთთან. და აი ისინი შერიგდნენ: იქ, სადაც ეკლესიას კოვზი ნაცარში ჩაუვარდა, ანგარებამ გაიმარჯვა და საკმაოდ იოლადაც.

ამბობენ, არისო ერთი ქვეყანა, სადაც ბერიკაცები სათნოებოთ, თავაზიანობითა და ნატიფი ყოფაქცევით გამოირჩევიან, ხოლო ყმაწვილები სასტიკნი, ბოროტები, უზრდელები, გარყვნილები არიან და ქალების მიმართ გულცივები ხდებიან იმ ასაკში, როცა სხვაგან ის-ის არის ელვიებოთ სიყვარულის გრძნობა. ეს ჭაბუკნი

რჩეობენ ღრეობებს, ღორმუცელობასა და უმსგავს გატაცებებს. თავ-
 შეკავებულად და სიფხიზლის მოყვარულად ის ითვლება, ვინც მხო-
 ლოდ ღვინოს ეტანება, რამეთუ იმდენი უყლაპიათ ღვინო, რომ
 მოყირკებიან. სმისადმი მიღრეკილება რომ არ გაუქრეთ, არაყსა
 და მაგარ სასმელებს მიირთმევენ. მათ ღოთობას ისღა აკლია,
 სპირტის სმა დაიწყონ. იქაური ქალები სილამაზის სწრაფ დაჰკ-
 ნობას იმით უწყობენ ხელს, რომ ათასგვარი საცხით ითხუპნებიან
 და ჰგონიან, უფრო წარმტაცნი გავხდებითო. ჩვევა აქვთ ასეთი,
 იღებენ ტუჩებს, ღოყებს, წარბებს და მხრებს. გულმკერდს, კი-
 სერს, მკლავებსა და ყურებს კი ისე ამზეურებენ, თითქოსდა ეში-
 ნიანთ, დაფარული არ დარჩეთ ანდა საკმაოდ ვერ გამოაჩინონ ისე-
 თი ადგილები, რაც ყველაზე მეტად იმსახურებს მოწონებას. ამ
 ქვეყნის ბინადართ სახე ნათელი კი არა, დანისლული აქვთ. ზედ
 ჩამოშლიათ ფაფარივით აქოჩრილი სხვისი თმა, საკუთარს რომ ამ-
 ჯობინებენ და ღამის ნახევარ სხეულს რომ უფარავთ. მისი წყა-
 ლობით პირისახე ისე აქვთ შეცვლილი, რომ ძნელად საცნობნი
 არიან. აღსანიშნავია, ამ ხალხს ჰყავს თავიანთი ღმერთიცა და მე-
 ფეც. იქაური ძლიერნი ამა სოფლისანი ყოველ ცისმარე ღღეს, განსაზ-
 ღვრულ დროს, იკრიბებიან ერთ ტაძარში, რასაც საყდარს უწოდებენ.
 ტაძრის სიღრმეში აღმართულია მათი ღმერთისადმი მიძღვნილი სა-
 კურთხეველი, სადაც ქურუმი აღასრულებს ეგრეთ წოდებულ
 წმიდა, კურთხეულ, საშინელსა და საიდუმლო წესებს. საკურ-
 თხევის ქვემოთ, ქურუმისკენ ზურგშექცეული დიდებულნი ფარ-
 თო წრეს ჰკრავენ და შესტკერიან მეფეს, რომელსაც ამალღებულ
 ადგილას მოუღრეკია მუხლი და როგორც ჩანს დაუპყრია ყველას
 გული და გონება. ამ ადამში ერთგვარი სუბორდინაცია კი არ იგუ-
 ლისხმება, ო, არა, ხალხი ეთაყვანება მეფეს, ხოლო მეფე —
 ღმერთს. ამ ქვეყანას იქაურები...-ს უწოდებენ. იგი დაახლოებით
 ორმოცდარვა გრადუსზეა ჩრდილოეთის პოლუსიდან და ათას ორა-
 სი ლიეთია დაშორებული ზღვიდან, რომელიც ეკვრის იროკეზებისა
 და ჰურონების ქვეყნებს.

თუ გავიხსენებთ, მეფის ხილვა რაოდენ ბედნიერებას ანიჭებს
 კარისკაცებს, რომელთა სიცოცხლის ერთადერთი მიზანია რამე-

წაირად შეხედონ მეფეს და მეფემაც თვალი შეავლოს მათ, ადვილად მივხვდებით, ღმერთის ჰერეტიკა რატომ წარმოადგენს წმიდანებისთვის უზენაეს ჯილდოსა და უსაზღვრო ნეტარებას

77

დიდი სენიორები უღრმესი მოწიწების გრძნობით არიან გამსჭვალულნი ხელმწიფის მიმართ; ეს არის მათი მოვალეობა და ამასვე მოითხოვენ თავიანთი ქვეშევრდომებისგან. პატარა სენიორები ამ ვალდებულებას აბუჩად იგდებენ, ლაღად ცხოვრობენ და სულაც არ ფიქრობენ, თუ ვინმეს მისაბაძი მაგალითი უნდა იყვნენ.

78

ჩვენი დროის ახალგაზრდობას რა აკლია? მათ აქვთ შესაძლებლობაცა და ცოდნაც. მათი ცოდნა მათ შესაძლებლობას რომ ეტოლებოდეს, უფრო მტკიცე გადაწყვეტილებებს მაინც ვერ მიიღებდნენ.

79

ჰოი, სუსტო კაცნო! ერთმა დიდებულმა თქვენს მეგობარ ტიშაქენზე თქვა, სულელიაო. დიდებული შეცდა. მე არა გთხოვთ შედავებოდით, ჰკვიანი კაციაო, გეთქვათ, მხოლოდ გაგებდათ და გაგეფიქრათ, რომ იგი სულელი არ არის.

იგივე დიდებული იფიქრატეზე გეუბნებათ, მშიშარააო. თქვენ კი ზაკუთარი თვალთ იხილეთ, რა ვაჟკაცობაც ჩაიდინა. დამწვიდდით, სულაც არა გთხოვთ მოუყვეთ ეს ამბავი, ისიც კმარა, თუ დიდებულის სიტყვების შემდეგ მაინც არ დაივიწყებთ, იფიქრატეს მამაცური საქციელის მოწმე რომ იყავით.

80

მეფეებთან საუბრის გაბმის უნარი თუ შესწევს, კარისკაცისთვის ეს არის, ალბათ, ზღვარი მთელი მისი მოქნილობისა და სიფრთხილისა. ვაი მას, თუ დაუფიქრებლად წამოსცდა რამე და მის-

წვდა ჯერ მეფის სმენას, მერე მეხსიერებაშიც ჩარჩა, ხანდახან კი გულშიაც ჩაემარხა. აღარაფერი ეშველება, სიტყვას უკან ველარ წაიღებს. რაც უნდ ეცადოს, რაც უნდ თავი გამოიღოს, რათა აზრი სხვანაირად განმარტოს ან შთაბეჭდილება შეასუსტოს, უფრო ღრმასა და წარუშლელ კვალს დატოვებს. ჩვენი ნათქვამი მხოლოდ ჩვენ თუ გვაყენებს ზიანს, რაც არცთუ ხშირად ხდება, იმდენად სავალალო არ არის, რამეთუ ჰკუთის სასწავლებლად გამოგვადგება და საკუთარი თავქარიანობის მსხვერპლად ჩავთვლით თავს. მაგრამ ამით თუ სხვა დავაზარალეთ, რა სამწუხაროა! რა სინანულით აღვივსებით! ჰოდა, რომ ავიცილოთ ასეთი დამლუბველი საფრთხე, უნდა გვახსოვდეს ერთი მეტად სასარგებლო კანონი; როდესაც მეფეს ველაპარაკებით სხვების ადამიანობის, საქმიანობის, ჩვევების ან საქციელის შესახებ, აზრი ისევე დაფიქრებით, ფრთხილად და გამოზომილად გამოვთქვამთ, როგორც საკუთარ თავზე ვიტყოდით.

81

ენაკვიმატი კაცი ცული ადამიანია. მე თვით ვიტყოდი ამას, უკვე ნათქვამი რომ არ იყოს. მხოლოდ გავბედავ და ვიტყვი იმას, რაც სხვას არ უთქვამს: ის, ვინც ვერ შეეღევა მოსწრებულ სიტყვას და ამისათვის გაწირავს მოყვასის სახელსაცა და ბედნიერებასაც, სამარცხვინო დასჯის ღირსია.

82

არსებობს განსაზღვრული რიცხვი მზა-მზარეული ფრაზებისა, რომელთაც თითქოს საწყობიდან იღებენ, რათა ერთმანეთს მიულოცონ რაღაც სასიამოვნო რამ. მიუხედავად იმისა, რომ მათ სრულიად გულგრილად წარმოთქვამენ და ისმენენ ყოველგვარი მადლიერების გრძნობის გარეშე, მაინც არ არის ნებადართული ამ ფრაზების გამოტოვება, ვინაიდან წარმოადგენენ იმის გამოხატულებას, რაც ქვეყნად ყველაზე ძვირფასია: გამოხატულებას მეგობრობისა. და რაკი სინამდვილეში ადამიანებს ერთმანეთის იმედი არა აქვთ, თითქოსდა შეთანხმებულან მოჩვენებითი კეთილგანწყობილების გამოთქმით დაკმაყოფილდნენ.

მეტი არ არის საჭირო, ხუთი ან ექვსი სამეცნიერო ტერმინით სმენია, კაცი მუსიკის, მხატვრობის, ხუროთმოძღვრებისა და გასტრონომიის მცოდნედ ასაღებს თავს. ჰგონია, თითქოსდა სხვებზე მეტ სიამოვნებას იღებს, როცა ისმენს, ხედავს და ჭამს. ამრიგად სხვებს საკუთარი პერსონისადმი პატივისცემას უნერგავს და თავსაც იტყუებს.

სამეფო კარზე არცთუ ცოტაა ისეთი ადამიანი, რომელთაც მაღალი წრის ჩვევების კარგი ცოდნა, თავაზიანობა ან სიმდიდრე გონიერებადა და დამსახურებად ეთვლებათ. იციან, როგორ შემოვიდნენ, გავიდნენ, სიტყვის უთქმელად გახდნენ მონაწილე საუბრისა, ქება-დაიმსახურონ სიჩუმით და დიდად მნიშვნელოვანი პიროვნებები გამოჩნდნენ ხანგრძლივი ღუმლის ანდა ხამუშ-ხამუშ წამოსროლილი ერთმარცვლოვანი ბგერების წყალობით. გარეგნობით, ხმის ქლერადობით, უესტ-მიმიკითა და ლიმილით გადიან ფონს. გავბედავ და ვიტყვი, სიღრმე ორი გოჯიც კი არ გააჩნიათ, გადაქეპავთ და წააწყდებით მათ ჭეშმარიტ არსს.

ზოგიერთ კაცს მეხვიეთ, მოულოდნელად დაეცემა ხოლმე წყალობა. თავდაპირველად გაკვირვებულია, დაბნეული. ბოლოს გონს მოდის და ფიქრობს, ამ ბედნიერი ვარსკვლავის ღირსი ვყოფილვარო. ვინაიდან სიშტერე და წარმატება სრულიად შეუთავსებელია და აგრეთვე შეუძლებელია ერთსა და იმავე დროს იყო იღბლიანცა და ყვეყჩიც, იჭერებს, გონება არ მაკლიაო და ბედავს, ამას რას ვამბობ, ბედავს კი არა, დარწმუნებით მსჯელობს ყველასთან და ყველაფერზე. სულაც არაფრად აგდებს, თუ ვინ უსმენს. განა საჭიროა დავძინო, რომ თავისი უგუნური ლაქლაქით მსმენელთ თავზარსა სცემს და ზიზღს აღუძრავს. მაგრამ სიმართლე კი უნდა ითქვას, ეს კაცი სამუდამოდ ასხამს თავლავს იმათ, ვინც ცოტა რევერად ხელი შეუწყო მის წინ წაწევას.

არ ვიცი რა ვუწოდო იმნაირ ხალხს, რომელთა ცბიერებას მხოლოდ სულელებთან აქვს გასავალი? ის კი ვიცი, რომ გონიერ კაცებს ამგვარი ადამიანები ვერ განურჩევიათ იმათგან, ვისაც ეს უქნასკნელნი ატყუებენ.

ცბიერებაში წინ გადადგმული ნაბიჯია, თუ სხვას შენს თავზე აფიქრებინებ, რომ არცთუ ძალიან ცბიერი ხარ.

ცბიერება არც დიდად საქებარი და არც საძრახისი თვისებაა; მერყეობს მანკიერებასა და სათნოებას შორის. არ არსებობს ისეთი შემთხვევა, როცა მისი შეცვლა ან არ შეიძლება, ან არ უნდა შეიცვალოს კეთილგონიერებით.

ცბიერება მეტად ახლოს დგას ოინბაზობასთან, მათ შორის ზღვარი მეტად მერყევია. მხოლოდ ტყუილია მათი გამთიშველი. ცბიერებას თუ ტყუილს დავუმატებთ, მივიღებთ ოინბაზობას.

ცბიერი ადამიანი თუ გისმენთ და ცოტას ამბობს, ილაპარაკეთ მასზე ნაკლები. თუ ბევრს ილაპარაკებთ, თქვით ცოტა.

თქვენი სამართლიანი და მნიშვნელოვანი საქმის გადაწყვეტა ორი კაცის თანხმობაზეა დამოკიდებული. ერთი გეუბნებათ, დაგეხმარებით, თუ მავანი წინააღმდეგი არ იქნებათ. მავანი არ არის წინააღმდეგი, მხოლოდ ნებას დარწმუნებით იცოდეს, რა აქვს განზრახული მეორეს. ამასობაში საქმე ადგილიდან არ იძვრის. გადის თვეები, წლები, არაფერი შეცვლილა. თავგზა ამეზნა, — ამბობთ თქვენ, — დავიბენი. უნდა მოხერხდეს, ისინი ერთმანეთს შეხვდნენ და მოითათბირონ. მე კი გეტყვით, ჩემთვის ყოველივე ნათელია და გასაგები, მათ უკვე მოითათბირეს.

მე მგონი, ის, ვინც სხვისთვის იღვწის, საკუთარ თავშია დარწმუნებული, ვით შეჭვერის კაცს, რომელიც სამართლიანობისთვის იბრძვის. ხოლო თუ თავისი თავისთვის ითხოვს და ზრუნავს, იგი

დარცხენილია და შეშფოთებული. ვით შეჭფერის კაცს, რომელიც მოწყალეობას ითხოვს.

89

სამეფო კარზე იმდენი მახე იგება ვინმეს გასაპამპულეზად, რომ ჭკვიან კაცს სიფრთხილე მართებს; წინააღმდეგ შემთხვევაში ზულარ გაუკვირდება, თუ შტერები გაასულელებენ.

90

ცხოვრებაში ისიც ხდება, რომ მიაძიობასა და გულწრფელობას დახვეწილ ეშმაკობად გამოიყენებს კაცი.

91

როცა მოწყალე თვალთ გიყურებენ, ყოველგვარი ხრიკი დასაშვებია, არაოდეს ცდებით და ყველა გზას მიზანთან მიჰყავხართ. მაგრამ ბედმა თუ გიმუხთლათ, ყველაფერი გეშლებათ, ყოველი ბილიკი გზიდან გაცდენთ.

92

კაცს, რომელიც გარკვეულ დროს მხოლოდ ხრიკებით იძვრენდა თავს, უკვე აღარ ძალუძს უიმისოდ გავიდეს იოლად. სხვა ყოველივე მოსაბეზრებელია მისთვის.

93

ხრიკებსაც თავისებური ჭკუა სჭირდება. მაგრამ კაცს თუ მეტი ჭკუა აქვს, ინტრიგებსა და გაიძვერობაზე მალლა დგას. დიდ ქონებასა და სახელს სულ სხვა გზებით იხვეჭს.

94

ო, არისტიდ, მაღალგონიერებითა ხართ დაჯილდოებული, ფართო ცოდნა გაქვთ, სპეტაკი პატიოსნება და უებრო ნიჭიერება. ნუ გეშინიათ, არც სამეფო კარი და არც ძლიერნი ამა სოფლისანი არ შეგრისხავენ სანამ საჭირო იქნებით მათთვის.

ფავორიტი საკუთარ ღირსებას ნიადაგ უნდა ელოლიავებოდეს. თორემ, თუ ჩვეულებრივზე ნაკლებ ხანს მაყურყუტებს მოსაცდელ დარბაზში, თუ შუბლგახსნილი შემხედება და ნაკლებად შეიკმუნნის წარბს, გულისყურით მომისმენს და შორამდეც გამაცილებს, ვიფიქრებ, მისი მზე, ალბათ, მალე ჩაესვენება-მეთქი და არც შეეცდები.

ადამიანს მეტად მცირე აქვს შინაგანი კეთილშობილება, რამეთუ მარტოოდენ მარცხისა და დაქვეითების შემდეგ ხდება უფრო კაცური კაცი, უფრო დამყოლი, კეთილი და პატიოსანი.

სამეფო კარზე ვხვდებით კაცებს, რომელთა საუბრიდან და საქციელიდან აშკარად ჩანს, რომ სულ არ ფიქრობენ არც თავიანთ წინაპრებზე და არც შთამომავლობაზე. მათთვის არსებობს მხოლოდ აწმყო, რასაც კი არ უფრთხილდებიან, ფლანგავენ.

სტრატონი ორ ვარსკვლავზეა დაბადებული: ბედნიერზე და უბედურზე. მისი ცხოვრება რომანია, რაც სინამდვილეს არა ჰგავს. თავგადასავლები არ ჰქონია, ხედავდა სიზმრებს კარგსაც და ცუდსაც. ამა რას ვამბობ? მან ისეთი ცხოვრება განვლო, რომ არავის დაესიზმრებოდა. ჯერ არავის მიუღია ბედისაგან იმდენი, რამდენიც მიიღო სტრატონმა. ყოველგვარი უკიდურესობა დასტეხია თავს, არც ხელმოკლეობა ასცდენია. გაბრწყინებულა, უტანჯია, უბრალოდაც უცხოვრია, განუცდია ავიც და კარგიც. იმსახურებდა პატივისცემას ისეთი ღირსებებით, რაზედაც თვითონვე სერიოზულად ამბობდა: „ჰკვიანი ვარ, მამაცი ვარ!“ და ყველა უწყობდა ხმას: „ჰკვიანია, მამაცია!“ მაღლა იდგა თუ დაბლა, ჭეშმარიტი კარისკაცის განსახიერება იყო და შეეძლო თავის თავზე ეთქვა იმაზე მეტიც და იმაზე ნაკლებიც, რასაც სინამდვილეში წარმოადგენდა. მშვენიერი, თავაზიანი, უბადლო, შესანიშნავი, შეუდრეკელი,

ამბობდნენ მისდა საქებრად. მერე კი მის დასაწიხლად სრულიად ზაწინააღმდეგო დახასიათება გამოიძებნა: ხასიათი დაუდგრომელი, საეჭვო, გაურკვეველი; გამოცანა, რისი გამოცნობაც შეუძლებელია.

98

მეფის წყალობა ადამიანს იმათზე მაღლა აყენებს, ვისაც მდგომარეობით უტოლდება. ხოლო რისხვა მათზე დაბლა სცემს.

ერთ მშვენიერ დღეს კაცი თუ შეძლებს მტკიცედ თქვას უარი ზახელის განდიდებაზე, ან მაღალ მდგომარეობაზე, ანდა დიდ სიმდიდრეზე, იგი უცბად გათავისუფლდება მრავალი გასაჭირისგან, ზრუნვისგან და ხანდახან ბოროტმოქმედებისგანაც კი.

99

ქვეყანა ასი წლის შემდეგაც არ შეიცვლის სახეს. დარჩება იგივე თეატრი, იგივე დეკორაცია, შეიცვლება მსახიობები. ის, ვისაც დღეს იღბლიანობის წყალობით სიხარულით ევსება გული, და ისიც, ვისაც უიღბლობის შედეგად მწუხარება და სევდა დაუფლებია, სცენას დატოვებენ. თეატრში უკვე მოდიან ახალი ადამიანები, რომელთაც მოუხდებათ იმავე პიესაში ითამაშონ იგივე როლები და ისევე გაქრნენ. და ისინიც, ვინც ჭერ არსად ჩანან, ერთ დღეს აღარ იქნებიან, ახალი მსახიობები დაიჭერენ მათ ადგილს. აბა რა იმედი უნდა გვქონდეს კომედის პერსონაჟებისა?

100

ვისაც უნახავს სამეფო კარი, უნახავს ამქვეყნად ყველაზე წარმტაცი, ყველაზე ნატიფი და ყველაზე შემკული რამ. ვისაც უნახავს სამეფო კარი და ზიზღით აღვისილა მის მიმართ, მას მთელი ქვეყანა ეზიზღება.

101

ქალაქი პროვინციაში ცხოვრებას აზიზღებს ადამიანს. სამეფო კარი ქალაქს ხდის ნიღაბს და სამეფო კარისკენ მისწრაფებისგან კურნავს.

კეთილგონიერ ადამიანს სამეფო კარი უღვიძებს სურვილს, იცხოვროს განმარტობით.

დიდებულთა შესახებ

1

ხალხი ბრმად ეთაყვანება დიდებულებს და ისე ერთსულოვნად გამოთქვამს ალტაცებას მათი მიხრა-მოხრის, გამომეტყველების, ხმისა და მანერების მიმართ, რომ დიდებულნი ცოტა მეტ სიკეთეს თუ გამოიჩინდნენ, ხალხი მათ გააღმერთებდა.

2

ჰოი, თეაჟენ, მანკიერება დედის მუცლიდან თუ დაგყოლიათ, მეცოდებით. თუ ისე სუსტი ყოფილხართ, რომ აპყოლინხართ იმათ, ვისაც სჭირდება სწორედ ასეთი იყოთ, მათ, რომელთაც ერთმანეთს შეჰფიციეს, რომ თქვენ გაეხრწნით და უფლებაც მოიპოვეს იტრა-ბახონ, მიზანს მივალწიეთო, მაშინ, გამოგიტყდებით და მეზიზღებით. მაგრამ, თუ ბრძანდებით გონიერი, თავშეკავებული, მოკრძალებული, თავაზიანი, სულგრძელი, შრომისმოყვარე, მაღლიერების გრძნობით აღჭურვილი, ამავე დროს, ყოვლისშემძლეცა და დიდგვაროვანიც, აბა რად გიღირთ თავად იძლეოდეთ მისაბამ მაგალითს და სხვას არ ბაძედეთ, თავად არიგებდეთ სხვებს ჭკუას და სხვისი ჭკუის დარიგება არ გჭირდებოდეთ. ამ ნაძირალებს შეუთანხმდით, რომ ზრდილობის გამო მათსავით გაჰყვებით გახრწნილების, მანკიერებისა და თავაშეგებულობის გზას იმ პირობით, თუ ისინიც თქვენდა პატივსაცემად ეზიარებიან ყოველგვარ სათნოებას, რაიც ესოდენ ძვირფასია თქვენთვის. დიახ, ეს დაცინვაა, მაგრამ მეტად სასარგებლო დაცინვა და დაგეხმარებათ შეინარჩუნოთ სინდის-ნამუსი და მათ გეგმები ჩაუფუშოთ. აიძულებთ, დარჩნენ ისეთი, როგორიც არიან და თქვენ დაგტოვონ ისეთი, როგორიც ბრძანდებით.

დიდებულებს, სხვებთან შედარებით, ერთი უდიდესი უპირატე-
სობა აქვთ. არ გეგონოთ თითქოს ვგულისხმობდე ნაირ-ნაირ საკ-
მელ-სასმელს, ძვირფას ავეჯს, ძაღლებს, ცხენებს, მაიმუნებს, ჯუ-
ჯებს, მასხარებსა და ფარისეველებს; ყოველივე ეს მათთვის დამით-
მია. მხოლოდ მშურს, რომ ენიჭებათ ბედნიერება, სამსახურში ჰყავ-
დეთ ადამიანები, რომლებიც მათ გულითაც და გონებითაც ეტო-
ლებიან; ხანდახან სჭარბობენ კიდევც.

დიდებულებს თავი მოაქვთ, რაკი ძალუძთ გაკაფონ ტყე, გაა-
შენონ ხეივნები, მამულებს მაღალი გალავნები შემოავლონ, ჭერი
მოაგარაყონ, გაიყვანონ შადრევნები, მოაწყონ ყვავილნარები. მაგ-
რამ მათი სურვილები არცთუ ისე ყოვლისმომცველი გახლავთ,
რომ ილტვოდნენ ვინმეს გულში სიამე მოჰფინონ, სულში სიხარუ-
ლი ჩაუღვენთონ, ხოლო უკიდურეს გაჭირვებაში ჩავარდნილს დახ-
მარების ხელი გაუწოდონ.

ერთმანეთს თუ შევადარებთ სხვადასხვა მდგომარეობის ადა-
მიანებს, მათ გასაჭირსა და კეთილდღეობას, დაგვებადება კითხვა,
ხომ არ შეიმჩნევა კეთილის და ბოროტის აღრევა, ან ერთგვარი გა-
წონასწორება, რაიც წარმოშობს ადამიანთა გათანაბრებას, ანდა
ისეთ ვითარებას მაინც, როდესაც მათ შესაშური აღარაფერი რჩე-
ბათ. მდიდარსა და ყოვლისშემძლე კაცს, ვისაც არაფერი აკლია,
შეუძლია წამოჭრას ეს საკითხი, მაგრამ მისი გადაწყვეტა მარტო-
დენ ღარიბს ძალუძს.

ერთმანეთისგან სრულიად განსხვავებულ ყოველ მდგომარეო-
ბას თავისებური მიმზიდველობა აქვს, რასაც მთლად მოკლებულია
სილატაკე. ამგვარად, დიდებულთ სიამოვნებას ჰგვრის გადაჭარბე-

ბული ფუფუნება, უბრალო ადამიანებს — ზომიერება. დიდებს უყვართ ბატონობა, მბრძანებლობა, პატარებს სიამოვნებთ და საპატიოდაც მიაჩნიათ ემსახურონ და დაემორჩილონ დიდებს. დიდებს ყველა გარს ეხვევა, პატივს სცემს, მტლად ედება: პატარები მათ ეხვევიან გარს, შესციციანებენ, თაყვანსა სცემენ. ერთნიც და მეორენიც კმაყოფილნი არიან.

6

დიდებულებს არაფერი უღირთ კაცს მხოლოდ სიტყვა მისცენ. საკუთარი მდგომარეობა შესაძლებლობას უქმნით მეტად იოლად გატეხონ სიტყვა. მართლაცდა უაღრესად მორიდებულნი ბრძანდებიან, თორემ უფრო ხელგაშლილად დაარიგებდნენ დაპირებებს.

7

— ეს კაცი დაბერდა და აღარაფრის თავი არა აქვს, — ამბობს დიდებული, — მთელი თავისი დღე და მოსწრება კულში დამდეგს. რა ვუყო?

რაკი უბედური კაცი ნამდვილად ღირსი იყო ამ თანამდებობისა, უკანასკნელი იმედიც გამოაცალეს და ადგილი ერთ ყმაწვილს უბოძეს.

8

— ვერ გამიგია, — ამბობთ გულგრილად და ზიზღნარევად, — ფილანტი არც ღირსებას არის მოკლებული, არც ჭკუას და არც თავაზიანობას. საქმეს კეთილსინდისიერად ასრულებს. ერთგულად და თავგამოდებით ემსახურება პატრონს. მერედა რა, არც არავინ აფასებს სათანადოდ, არც არვის მოსწონს და არც არაფრად აგდებენ. ამიხსენით, გეთაყვა, ვის მიუძღვის ბრალი, ფილანტს თუ დიდებულს, ვისაც იგი მორჩილებს?

9

ჯობს დიდებულის სამსახური მიატოვო, ვიდრე მასზე მოიჩიელო.

ვის შეუძლია გამოიცილოს, რატომ ხვდება დიდი მოგება ერთს, ან დიდებულთა მფარველობა მეორეს?

ძლიერნი ამა სოფლისანი იმდენად ბედნიერნი არიან, რომ მთელი სიცოცხლის განმავლობაში ერთხელაც არ განიცდიან მწუხარებას არც საუკეთესო მსახურთა და არც იმ ადამიანთა დაკარგვის გამო, რომელთაც თავიანთი საქმიანობით დიდი სახელი გაუთქვამთ და დიდებულთათვის უზომო სიამოვნება და სარგებელიც მიუნიჭებიათ. კაცნი, რომელნიც თავიანთი მოღვაწეობის სფეროში ერთადერთნი და შეუცვლელნი იყვნენ, განუტევებენ თუ არა სულს, პირმოთენნი თავგამოდებით იწყებენ ჩხრეკას, რა ნაკლი გააჩნდათ მათ და აცხადებენ, განსვენებულთა შემცვლელნი უებრო და უზაღონი ბრძანდებიანო. ისევე ნიჭიერი და განათლებულნი, როგორც წინამორბედნი გახლდნენ, მაგრამ მათგან განსხვავებით მცირეოდენ ხინჯსაც ვერ უპოვითო. ამგვარი სიტყვებით ამშვიდებენ მეფეს, რომელმაც დაკარგა დიადი და შესანიშნავი პიროვნებანი და ისინი შუალანებით შეცვალა.

მაღალი წოდების ადამიანები არაფრად აგდებენ ჭკუიან კაცებს, რომელთაც ჭკუის მეტი არაფერი აბადიათ; ჭკუიან კაცებს ეზიზღებათ მაღალი წოდების ადამიანები, რომელთაც წოდების მეტი არაფერი გააჩნიათ. წესიერ ხალხს ეცოდება ერთნიც და მეორენიც, რაკი მათ აქვთ წოდება ან ჭკუა და სხვა არაერთი ღირსებით არ გამოირჩევიან. როდესაც დიდებულთა სუფრასთან ან მის ოჯახურ წრეში ვხედავ ამ ფლიდ, გაქნილ, ქლესა, საშიშსა და მავნებელ გაიძვერებს, და, ამასთნ ერთად, წარმოვიდგენ, როგორ უჭირს ღირსეულ ადამიანს შეხვდეს დიდებულს, სულაც არ მინდა დავიჯერო, თითქოსდა ავკაცებს ანგარების გამო ითმენენ, ხოლო წესიერ ხალხს უსარგებლოდ თვლიან. მარტოოდენ საფუძველი

მეძლევა დავრწმუნდე, რომ მაღალი მდგომარეობა სულაც არ გულისხმობს ადამიანის შეცნობის უნარს და არც სათნოებისა და სათნოთა სიყვარულია მისთვის სავალდებულო.

13

ლუსილს ურჩევნია მთელი სიცოცხლე შეალიოს მის მიმართ ქედმაღლურად განწყობილ დიდებულების კუდში დევნას, ვიდრე მეგობრულად გაატაროს დრო იმათთან, ვინც მდგომარეობით მისი სწორნი არიან.

ცნობილი წესი, შენზე მაღლებთან ყოფნა გერჩივნოსო, ერთ შენიშვნას მოითხოვს: ეს წესი ცხოვრებაში რომ გაატარო, მეტად თავისებური ნიჭი უნდა გქონდეს.

14

რა განუკურნებელი სენი შეჰყრია თეოფილს? აგერ ოცდაათი წელია, რაც ავადაა და ვერ გამოკეთდა. მას სურდა, სურს და მოისურვებს ჰკუთას ასწავლოს დიდებულებს. მხოლოდ სიკვდილი, სიცოცხლესთან ერთად წაართმევს დაუცხრომელ სურვილს ბატონობისა და ვინმეს დამორჩილებისა. რა არის ეს? — მოყვასზე ზრუნვა? ჩვეულება? თუ უსაზღვრო წარმოდგენა საკუთარ თავზე? არ არსებობს ისეთი სასახლე, სადაც არ შეიძლება. ხომ არ გგონიათ მოსაცდელი დარბაზის შუა გაჩერდება? ნურას უკაცრავად, ფარდის იქით გავა, ან კაბინეტში შეიჭრება. სხედან და ელოდებიან, ერთი სული აქვთ მასლაათი დაამთავროს თეოფილმა და თვითონაც ეღირსოთ აღდიენცია. თეოფილი კი ლაპარაკობს, ლაპარაკობს დაბეჯითებით, ტკეპნით, დაუსრულებლად. დიდებულთა ოჯახების საიდუმლოებანი მისთვის უცნობი არ გახლავთ. იცის, რა ულხინთ, რა უჭირთ. წინასწარ ხვდება მათ სურვილებს, მათდა სამსახურად გამზადებული. ზეიშია? ისიც იქ არის, მოდი და ნუ დაპატივებ. ათასი კაცის სულზე ისევე აგებს პასუხს ღვთის წინაშე, როგორც საკუთარ სულზე და მაინც ვერ შეუვსია თავისუფალი დრო და პატივმოყვარული მიზნებისთვისაც ვერ შიჟლწევია. მიილტვის ზემოთ, შეჰფოფინებს უფრო დიდმნიშვნელოვან

საქმეებს, რაც სრულებით არ ეკითხება და მაინც თავგამოდებით ასრულებს. გაფაციცებით ისმენს ყველაფერს, ყველგან ძვრება, ეძიებს საკვებს თავისი გონებისთვის, რაიც ნიადაგ მზადაა გაიდვერობისთვის, შუამავლობისთვისა და ხრიკების გასაბმელად. აი, ვილაც მალალი თანამდებობის პირი ხმელეთზე გადმოვიდა. თეოფილი მყისვე დაერჭო იქ, ტკიპასავით მიეკრა და არ სცილდება. სანამ თავად გონს მოვიდოდეს, უკვე ყველა ერთხმად აცხადებს, თეოფილმა ეს დიდი ბატონი თავის გავლენის ქვეშ მოიქციაო.

15

ჩვენზე მალლა მდგომი პიროვნების უყურადღებობა და უზრდულობა მისდამი სიძულვილს აღგვიძრავს; მისი თავის ერთი დაკვრა და გაღიმება კმარა, რომ შევეურიგდეთ.

16

მეტოქეთა ზეაწევა ამპარტავანთ ხანდახან ათვინიერებს და ამაბლებს. ამგვარი მარცხი ისე მოქმედებს მათზე, რომ მეტოქეს ესალმებიან კიდევ. მაგრამ უამთა სვლა, რაიც ყველაფერს გვავიწყებს, აღუდგენს ბუნებრივ თვისებას — ამპარტავნობას.

17

დიდებულებს იმდენად ეზიზღებათ უბირი ხალხი, რომ სრულიად გულგრილნი არიან მათი პირმოთნეობისა და ხოტბისადმი. ამის შედეგად პატივმოყვარე გრძნობები უნელდებათ. დიდებულნი და კარისკაცნი მეფეს უსასრულოდ და უსაზღვროდ აქებენ და აღიდიბენ. მეფე უფრო მეტად პატივმოყვარე გახდებოდა, სათანადო პატივისცემა რომ ჰქონოდა იმათი, ვინც ხოტბას ასხამს.

18

დიდებულებს მხოლოდ საკუთარი თავი ჰგონიათ სრულყოფილებით აღსავსე. ვერც წარმოუდგენიათ, სხვებს თუ შეიძლება ახა-

სიათებდეთ პირდაპირობა, საზრიანობა, სინატიფე. ამ იშვიათ თვისებებს ისე მიიწერენ, თითქოსდა მემკვიდრეობით დაპყლოდეთ. უხეშად ცდებიან, ამ ყალბი შეხედულებებით რომ იკვებებიან. მაღალი აზრები, გენიალური შთანაფიქრი, დახვეწილი გამონათქვამი, კალმის უბადლო ნაოსტატარი, სიმამაცე და კეთილშობილი ქმედებანი ყოველთვის როდი მოგველენია მათი წიაღიდან. გეთანხმებით, თვალუწვდენელი მამულები აქვთ, წინაპრებიც უთვალავი ჰყავთ; ამას არც არავინ ედავება მათ.

19

მართლა ხართ ჰკვიანი, დაფიქრებული, მოსაზრებული და ნატიფი? დაუუჩერო პირმოთნეებსა და თითლიბაზებს, თქვენს ღირსებებზე ხმამალა რომ გაპყვირიან? ექვს აღმიძრავენ, ვერ დაუუჩერებ. ვერ დამიბნელებს თვალს თქვენი ღრმააზროვანი გამომეტყველება და ამპარტავნობა, რაიც თქვენ გაყენებთ ზემოთ ყოველივე იმისა, რაც შექმნილა, რაც თქმულა და დაწერილა. რა გაიძულეობთ იყოთ ეგრე გულგრილი ხოტბისადმი და რა გიშლით ერთი სიტყვა წამოგცდეთ ვინმეს საქებრად? ყოველივე ამის შედეგად მე სრულიად უბრალოდ დავასკენი, დიდი მფარველი გყავთ, დიდად გავლენიანი ბრძანდებით და აურაცხელ ავლა-დიდებასაც ფლობთ. აბა როგორ დავადგინო, ვინა ხართ; ტელეფონ? როგორც ცეცხლს, ისე ვერავინ გეკარებათ ახლოს. ხომ აჯობებს ჩავიხედოთ თქვენს სულში, დაგიახლოვდეთ, სხვებს შეგადაროთ, რათა საფუძვლიანი და ზუსტი აზრი შეგვექმნას თქვენზე. თქვენთან გაშინაურებულ, თქვენი ნდობით აღჭურვილ პირს, ვისაც რჩევას ეკითხებით და ვის გამოც ჩამოშორდით სოკრატესა და არისტიდეს, ვისთანაც იცინით ხოლმე და ვინც თქვენზე ხმამალა ხარხარებს, ერთი სიტყვით, დავს, მე კარგად ვიცნობ, მაგრამ განა ეს კმარა, რომ თქვენც კარგად გაგიცნოთ?

20

ზოგს რომ ესმოდეს, ვინ არის მისდამი დაქვემდებარებული პირი, ანდა ვინ არის თვითონ, შერცხვებოდა პირველი ადგილი რომ უქირავს.

სანაქებო ორატორები თუ ცოტანი არიან, განა ბევრია ისეთი კაცი, ვისაც უნარი შესწევს მოუსმინოს მათ? არც კარგი მწერალი გვყავს ბევრი, მაგრამ სად ნახავთ ხალხს, კითხვა რომ იცის? ასევე იშვიათად მოიძებნება პიროვნება, რომელსაც შეუძლია მეფეს რჩევა მისცეს და სახელმწიფოს მართვაში დაეხმაროს. მაგრამ, ბოლოს და ბოლოს, მაინც თუ გამოჩნდება დიდი ნიჭითა და გონიერებით დაჯილდოებული კაცი და თავისი ჭკუისა და შეხედულებების მიხედვით იწყებს საქმის გაძლოლას, განა ვინმე იმდენად შეიყვარებს და პატივს სცემს, რამდენადაც იგი იმსახურებს? სამშობლოსთვის ესოდენი ზრუნვისა და სამსახურისთვის განა ვინმე აქებს? ისიც საკმარისია, თუ ხელს არ უშლიან. ფეხი თუ წაუცდა, ჰკიცხავენ, თუ წარმატებას მიაღწია, შურიც სკდება. შევრისხოთ ხალხი, თუ მისი გამართლება სასაცილოდ ჩაითვლება. დიდებულები და ძლიერნი ამა სოფლისანი მოუცილებელ ჭირად თვლიან ხალხის უკმაყოფილებასა და შურს და ამის გამო თანდათან სულაც არაფრად აგდებენ, მის აზრს არც ერთ საქმეში არ ითვალისწინებენ; ხალხის ამგვარი უგულებელყოფა პოლიტიკის სფეროში კიდევ დაკანონდა.

დაბალი მდგომარეობის ადამიანებს ერთმანეთი სძულთ, რადგან მეტწილად ხელს უშლიან ერთმანეთს. დიდებულები ეზიზღებათ იმ ბოროტებისთვის, რასაც ისინი მათ წინააღმდეგ სჩადიან და იმ სიკეთისთვისაც, რასაც არ სჩადიან. დიდებულებს ბრალს სდებენ თავიანთი დამცირებული მდგომარეობის, სიღარიბისა და უიღბლობის გამო; რა მოგახსენოთ მართალნი არიან თუ არა, აგრე კი გახლავან დარწმუნებულნი.

განა არ კმარა, რომ ჩვენ იგივე სარწმუნოება გვაქვს და იგივე ღმერთი გვყავს, რაც ხალხს? აბა რა გვრჯის, ჩვენც გვერქვას პიერი, ჟანი, ჟაკი, როგორც ვილაც ვაქრუჟანასა და მიწის მხენელს? ვეცადოთ, არაფერი გვქონდეს საერთო ბრბოსთან. პირიქით, ხაზი გავუსვათ იმ განსხვავებას, რაც ჩვენ შორის არსებობს. ჰყავდეთ

მათ თავიანთი თორმეტი წინასწარმეტყველი, და მათი მოწაფეები, პირველი მარტვილნი (რაც ხალხია, წმიდანიც ისაა); ჯანდაბას, ინეტაროს უბირმა კაცმა და ყოველ წელს თავისი სახელწოდების დღე ზემით აღნიშნოს. ხოლო ჩვენ, დიდებულებმა, შევირჩიოთ წარმართთა სახელები, მოვინათლოთ ჰანიბალებად, კეისრებად, პომპეუსებად, — დიადი ადამიანები იყვნენ, ან ლუკრეციებად, — სახელგანთქმული რომაელი ქალბატონი გახლდათ; ანდა რენობად, როჟეებად, ოლივიებად, ტანკრედებად, — უებრო რაინდებად გვევლინებოდნენ და არცერთი რომანის გმირს მათზე მეტად ჯერ არ გაუბრწყინია; ჰექტორებად, აქილევსებად, — ჰერკულესებად, — ნახევრად ღმერთები ბრძანდებოდნენ; თუნდაც გვიწოდონ ფებუსი და დიანა. თუკი მოვინდომებთ, ვინ დაგვიშლის სახელად შევირჩიოთ იუპიტერი, მერკური, ვენერა და აღონისი?

23

დიდებულთ არ ნებავთ რაიმე ისწავლონ; იმას აღარ ვჩივი, ცოდნა გამოიყენონ მეფისა და სახელმწიფო მმართველობის სასარგებლოდ, საკუთარ საქმეებს მაინც მიხედონ. მათ ხომ არაფერი გაეგებათ და არ ძალუძთ გაუძღვნენ ოჯახს, თავიანთ მეურნეობას და უვიცობით თავსაც კი იწონებენ. არად აგდებენ, მოურავები თუ კადნიერად ექცევიან და ქონებას უნიავებენ. ყოყლოჩინობენ, აქაოდა ჰამა-სმის მოყვარულნი და შემფასებელნი და თაისის ან ფრინეს ხშირი სტუმრები ვართო და ნადირობაზე და ძაღლებზე საუბარი შეგვიძლიაო. ამასთან, ზუსტად იციან პარიზიდან ბეზანსონამდე თუ ფილისბურგამდე რამდენი საფოსტო გადასასვლელია. ამ დროს უბრალო მოქალაქენი ეცნობიან სამეფოს საშინაო და საგარეო საქმეებს, სწავლობენ მმართველობის სისტემას, უკვირდებიან სახელმწიფოს ძლიერსა თუ სუსტ მხარეებს, ხდებიან დანვეწილი პოლიტიკოსები და აღეძვრით სურვილი მიიღონ დიდი თანამდებობა. იღებენ კიდევ. აღწევენ მაღალ მდგომარეობას. ხდებიან ყოვლისშემძლენი და მეფეს მხარში უდგებიან ქვეყნის კეთილდღეობისათვის ზრუნვაში. და თუ ოდესღაც დიდებულნი მათ ზიზღით უყურებდნენ, ახლა ქედს იდრეკენ და ბედნიერად გრძნობენ თავს, თუ მათი სიძეები გახდებიან.

თუ ერთმანეთს შევადარებთ ორ, სრულიად საწინააღმდეგო წოდების ადამიანებს, მინდა ვთქვა, დიდებულებსა და უბრალო ხალხს, ეს უკანასკნელი, მგონი, კმაყოფილნი არიან იმით, რომ აქვთ ის, რაც აუცილებელია, ხოლო პირველნი ვერ ჰპოვებენ სიმშვიდეს და ღარიბნი არიან, თუმცა ყველაფერი თავპირსაყრელად აქვთ. უბირ კაცს არავისთვის ცუდი არ სურს, დიდებულს არავისთვის კარგი არ სურს და დიდი ბოროტების ჩადენაც შეუძლია. ერთის ცხოვრება და საქმიანობა მარტოოდენ რაიმე სასარგებლოს ეწირება, მეორესი კი მხოლოდ ზიანის მომტანია. ერთი გულუბრყვილოდ ტლანქი და ალაღმართალია; მეორე თავაზიანობის საფარქვეშ ცბიერებასა და გახრწნილებას მალავს. ხალხი ჭკუით არის ღარიბი, დიდებულნი — სულით. იმათ შინაგანი სამყარო აქვთ მშვენიერი და გარეგნობა დაუხვეწავი; ამათ მარტოოდენ გარეგნობა, ზედაპირი აქვთ დახვეწილი და სხვა არაფერი. არჩევანზე თუ მიდგა საქმე, ოდნავადაც არ ვიყოყმანებ, ვამჯობინებ ვიყო ხალხი.

რაც უნდ გაქნილი იყოს კარისკაცი, რაც უნდ დაოსტატებული — გამოჩნდეს ის, რაც არ არის და არ გამოჩნდეს ის, რაც არის, მაინც ვერ ახერხებს დაფაროს ცბიერება, მიჩქმალოს მიდრეკილება, დასცინოს მოყვასს და მასხარად აიგდოს ის, რაც სრულებით არ იძლევა ამის საბაბს. დიდებულის ეს იშვიათი ნიჭი თვალის ერთი შევლებით მქდავანდება და უბადლოა, როცა ბრიყვის გასაპამპულეზებად არის მომარჯვებული და ასულელებს იმას, ვინც ისედაც სულელია. მაგრამ ამავე ნიჭის წყალობით კარისკაცები ჰქარგავენ შესაძლებლობას დაიახლოონ ჭკვიანი კაცი, რომელიც მათ გადაუშლიდა თავის საამურსა და წარმტაც შინაგან სამყაროს და დიდ სიამოვნებასაც განაცდევინებდა. პირიქით ხდება, კარისკაცის სახიფათო ხასიათი ჭკვიან კაცს მეტად ფრთხილსა და თავშეკავებულს ხდის. ისე სერიოზული და გულჩახვეულია მათთან, რომ თვით ყველაზე ენაკვიმატი და დამცინავი ოინბაზიცი კი, რაც უნდ ბოროტი ზრახვებით იყოს გამსჭვალული, ვერ ახერხებს კბილი გაჰკრას.

ამქვეყნიური ყველა სიკეთე, სიუხვე, მშვიდი ცხოვრება მეფეს ისე ალაღებს, რომ ეცინება ჯუჯაზე, მაიმუნზე, ყეყეჩზე და შტერულ ამბებზე: ნაკლებ ბედნიერი ადამიანები მხოლოდ იმაზე იცინიან, რაც კემშარიტად სასაცილოა.

დიდებულს შამპანური უყვარს, ეზიზღება ბრის ღვინო. იგი უფრო ძვირფასი ღვინით თვრება, ვიდრე მდაბიო. სრულიად საპირისპირო მდგომარეობის ადამიანთა დროსტარება მხოლოდ ამით განსხვავდება ერთმანეთისგან; დიდი სენიორის ღრეობა—უბირი კაცის ღრეობისგან.

ერთი შეხედვით გეგონებათ, მეფეებს ზოგჯერ სიამოვნებთო სხვების შეწუხება. არა, აგრე არ გახლავთ. მეფენიც ადამიანები არიან. საკუთარ თავზე ზრუნავენ. ცდილობენ ფრთა შეასხან თავიანთ მისწრაფებებს, დაიკმაყოფილონ ვნებები და ლაღად იგრძნონ თავი. ეს ხომ სრულიად ბუნებრივია.

როგორც ჩანს, მაღალი თანამდებობისა და გავლენიან პირთა უპირველესი კანონია, მათთან თხოვნით მოსულ კაცს, ვისი ბედიც სწორედ მათზეა დამოკიდებული, შეუქმნან ისეთი დაბრკოლებები, რისი უბრალო წარმოდგენაც კი თავზარსა სცემს მთხოვნელს.

დიდი ბატონი თუ სხვებზე ერთგვარად ბედნიერია, ეს ბედნიერება, ჩემის აზრით, სხვა არა უნდა იყოს რა, თუ არა ის, რომ ძალაუფლებაცა და შემთხვევაც ეძლევა მოყვასი გაახაროს. როგორც კი წარმოიშვება ამგვარი შემთხვევა, რაღა თქმა უნდა, უკან არ უნდა დაიხიოს, განსაკუთრებით მაშინ, როცა მაღალი ზნეობის კაცზე მიდგება ჯერი. ფხიზლად ადევნებდეს თვალს, რათა მისი

საქმე მხედველობიდან არ გამოეპაროს. რაკი შეუძლებელია ასეთი კაცი მართალი არ იყოს, დიდებული თხოვნას არ უნდა დაელოდოს, თავადვე იზრუნოს და შეხედეს მხოლოდ იმისთვის, რომ მადლობა მიიღოს მისგან. ხოლო საქმე თუ უმნიშვნელო იყო, არც გაიხსენოს და მადლობაც ზედმეტად ჩათვალოს. დიდი ბატონი მაღალი ზნეობის კაცს თუ უარით გაისტუმრებს, ვფიქრობ, ორივე ერთნაირად არის სიბრაღელის ღირსი.

ზოგიერთები დაბადებით უკარებანი არიან. მერედა ვინ, სწორედ ისინი, ვისზედაც იმათი ბედ-იღბალია დამოკიდებული, ვისი მბრძანებლებიც თავადვე არიან. ამგვარი კაცები სულ ფეხზე დგანან, ვერცხლისწყალივით დაუდგრომელნი ფუსფუსებენ, ხელებს აქეთ-იქით აქნევენ, ყვირიან, დაბორილებენ ბაზრობაზე ხალხის გასართობად გამოფენილ მუყაოს თოჯინებივით, რომლებიც მაშხალებს ისვრიან, ბოლს აყენებენ და ისეთ გამაყრუებელ ჭექა-ქუხილს ტეხენ, რომ სანამ არ ჩაიფერფლებიან ვერ მიუღებენ ახლოს. უკარებელნიც ასევე ეშვებიან ძირს, ხდებიან მისაწვდომნი, მაგრამ უსარგებლონი.

შვეიცრები, პირფარეშები, ლივრეიანი ლაქიები თავიანთ მდგომარეობაზე გონებით მალა თუ არ დგანან, საკუთარ თავზე წარმოდგენას იქმნიან არა თავიანთი წოდების, არამედ იმათი დიდებისა და სიმდიდრის მიხედვით, ვისაც ემსახურებიან. განურჩევლად ყველას, ვინც მათ ბატონთა კარებს შეაღებს და კიბეზე ავა, თავიანთ თავზე და ბატონებზე დაბლა აყენებენ. რა მართალი ნათქვამია, გმართებს მოთმენა ბატონისა და მისი ყმათა.

შეიცნო ადამიანის ღირსება და სათანადოდ დააჯილდოო, არის ორი დიდად მნიშვნელოვანი და გადაუდებელი საქმე, რის განხორციელების უნარიც წარჩინებულთა უმრავლესობას არ შესწევს.

წარჩინებულ მოხელეს უნდა უყვარდეს მეფე, თავისი ცოლ-შვილი და მათ შემდეგ დიდად გონიერი ადამიანები, რომელთაც უნდა იახლოებდეს და ცდილობდეს ყოველთვის გვერდით ჰყავდეს. ამგვარი კაცები იმდენ სამსახურსა და დახმარებას უწევენ, ხშირად მისდა შეუმჩნევლადაც კი, რომ წარჩინებული მოხელე დიდი პენსიებითა და უხვად გაცემული ჯილდოებით კი არა, მეგობრობითა და ალერსითაც ვერ შეძლებს მათი ამაგის ანაზღაურებას. რამდენი ჭორი გაუფანტავთ! რამდენი ამბავი გადაუქცევიათ ზღაპრულ მონაჩმახად! მათ ხომ შეუძლიათ მარცხი კეთილი ზრახვებით გაამართლონ, ხოლო წარმატების შემთხვევაში დაამტკიცონ, თუ რაოდენ ზუსტი იყო შთანაფიქრი და რაოდენ სრულყოფილი მისი განხორციელება; ხმა აღიმადლონ სიბოროტისა და შურიანობის წინააღმდეგ და ღირსეული საქმენი უფრო მეტად ღირსეული მისწრაფებების შედეგად გამოაცხადონ; ფათერაკიან საქციელს გასამართლებელი საბაბი გამოუძებნონ; უმნიშვნელო ცოდვებს ხელი დაათარონ, სიქველე მთელი ბრწყინვალეობით გამოამზეურონ; სადაც კი მოხვდებათ, ათჯერ და ათასჯერ მხარი დაუჭირონ სასარგებლო წვრილმანებსა და გარემოებებს და ვინმე თუ გაბედავს და ამის თაობაზე ეჭვს ან საწინააღმდეგო მოსაზრებას გამოთქვამს, დაცინვაც არ დააკლონ. მე ვიცი, წარჩინებულთ წესად აქვთ, ვინც რა უნდა თქვასო, წისქვილმა კი ფქვასო, მაგრამ მე ისიც ვიცი, რომ არაერთხელ მომხდარა, როცა ვისაც რა უნდა ის უთქვამს და ხელიც შეუშლია მათი საქმისთვის.

35

შენა ხარ დიდი, შენა ხარ ყოვლისშემძლე და ეს საკმარისი არ გახლავს; ჰქმენ ის, რომ პატივს გცემდე და მწუხარებას მივეცი, თუ შენი კეთილგანწყობილება მომაკლდება ან მის დამსახურებას ვერ შევძლებ.

36

ერთ დიდებულზე თუ წარჩინებულ მოხელეზე მეუბნებით, კეთილმოსურნია, გულმოწყალე და უყვარს, თუ ვინმეს ასიამოვ-

ნებსო. ამის დასტურად წვრილ-წვრილად ჩამომითვლით, რაც გააკეთა, გაიგო თუ არა, ეს საქმე თქვენ რომ გეჭებოდათ. ვასაგებია, ხელგაშლილი გეგებებიან და დახმარებას გიწვევენ, მაშასადამე, გავლენიანი პირი ბრძანდებით, გიცნობთ მინისტრი, დაახლოებული ხართ მაღალ წრეებთან. განა თქვენ არ ინებეთ სწორედ ეს გეგრძნობინებინათ ჩემთვის?

ვილაც გეუბნებათ: „მავანზე ნაწყენი ვარ, რაც დაწინაურდა ცხვირი აიბზუა, ზიზლით მიყურებს და აღარც მცნობსო“. თქვენ მიუგეთ: „მე კი საყვედური არ მეთქმის, პირიქით, უაღრესად კმაყოფილი ვარ მისი, ჩემის აზრით, საკმაოდ თავაზიანი გახლავთ“. ახლაც მიგიხვდით, გსურთ, ყველამ შეიტყოს, მაღალი თანამდებობის პირი ყურადღებიანია თქვენს მიმართ და კიდევ გარჩევთ მის მოსაცდელ დარბაზში თავმოყრილ ათას პატიოსან კაცს შორის, რომელთაც თვალს არიდებს, რადგან ეშინია არ გადაეყაროს ისეთ უსიამოვნებას, როგორცაა ვინმესთვის სალმის მიცემა ან გულიმება.

როცა ვამბობთ, მავანი წარჩინებული პირით ან მავანი დიდებულით კმაყოფილნი ვართო, უნდა ვიცოდეთ, ჩვენი ნათქვამი მეტად საჩოთირო წარმოშობისაა და სრულიად აშკარად მიანიშნებს, თვითონვე რომ ვართ ჩვენი თავის კმაყოფილნი, რაკი ვაცხადებთ, წარჩინებულმა მოხელემ ჩვენზე დიდი სიკეთე დათესაო, რაც, შესაძლებელია, არც დასიზმრებია მას.

დიდებულებს უფრო ხშირად იმისთვის აქებენ, რომ გამოამჟღავნონ მათთან სიახლოვე და უფრო იშვიათად — მათდამი პატივისცემა და მაღლიერება. ზოგჯერ არ იცნობენ იმას, ვისაც აქებენ. ხანდახან პატივმოყვარეობა ან თავქარიანობა წყენაზე ძლიერია და აქებენ იმას, ვისი უკმაყოფილოც არიან.

საექვო საქმეში გარევა სახიფათოა; უფრო მეტად დამლუპველია, თუ თანამონაწილედ დიდებული გყავთ. ის თავს დაიძვრენს, ხოლო თქვენ დაგეკისრებათ ორმაგი პასუხისმგებლობა, თქვენსა და მის მაგივრად.

ხელმწიფეს მთელი თავისი ხაზინა არ ეყოფოდა სულმდაბალ პირმოთნეთა დასაჯილდოებლად, თუკი მათ ნათქვამს ქეშმარიტებად ჩათვლიდა. არც ძალაუფლება ეყოფოდა მათ დასასჯელად, თუ მისი შურისძიება მათგან მიყენებულ ზარალს გაუტოლდებოდა.

თავადაზნაურობა სიცოცხლეს არ იშურებს სამშობლოს საკეთილდღეოდ და ხელმწიფის სადიდებლად. მართლმსაჯულების მსახურნი მეფეს ქვეშევრდომზე ზრუნვას ნაწილობრივ უმსუბუქებენ. ერთნიც და მეორენიც აღასრულებენ მაღალზნეობრივსა და ღირსეულ მოვალეობას. ადამიანთა საქმიანობისათვის უფრო კეთილშობილი სარბიელი არ არსებობს. ვერ გამიგია, სასამართლოს მოხელეებს და სამხედრო პირთ აგრე რიგად რატომ სძულთ ერთმანეთი.

თუ დავუშვებთ, რომ ამქვეყნიური ნეტარებისთვის, სიმდიდრისა და ღრობტარებისთვის გაჩენილი დიდებული უფრო მეტს სწირავს, როცა საკუთარ სიცოცხლეს საფრთხეში იგდებს, ვიდრე უბირი კაცი, ვისი დღენიც სილატაკეში მიედინება, ისიც უნდა ვაღიაროთ, დიდებული მეტ ჯილდოსაც იღებს, — სახელსა და დიდებას. ჯარისკაცი სახელის მოხვეჭაზე არ ფიქრობს, მოკვდება სხვებთან ერთად და არავინ ახსენებს. მართალია, სიცოცხლეშიაც არავინ იცნობდა, მაგრამ ხომ ცოცხლობდა. სწორედ ამის შედეგად უბირსა და ტლუს სიმამაცე აკლია. პირიქით, მაღალი წარმოშობის ადამიანი ბრბოსგან გამოირჩევა და იძულებულია თავისი ავ-კარგი ყველას თვალწინ გამოჰქინოს, დაიმსახუროს ხალხის გაკიცხვა ან ქება. ამიტომაც, თუ სიქველე დაბადებით არ დაპყოლია, თავს ძალას ატანს, ოღონდ ბუნება შეიცვალოს. და ეს გულითა და გონებით ნაკარნახევი მისწრაფება, პაპის პაპათაგან რომ გადაეცემა მამებსა და შვილებს, გახლავთ სიმამაცე, ესოდენ დამახასიათე-

ბელი კეთილშობილ ადამიანთათვის; სიმამაცეო ვამბობთ, იქნებ თვით კეთილშობილებაც.

აბა ჩამავდეთ ლაშქარში როგორც უბრალო ჯარისკაცი, მე ტერსიტი ვიქნები; ჩამაყენეთ ლაშქრის სათავეში და გამიშვით შევებრძოლო მთელს ევროპას, — აქილევსი ვიქნები.

41

ტახტის მემკვიდრეები ყოველგვარი განსწავლულობისა და კანონების ცოდნის გარეშე დაუფლებულნი არიან შედარების ხელოვნებას. დაიბადნენ და აღიზარდნენ გარემოში, სადაც ყოველივე საუცხოოსა და ამალღებულს მოუყრია თავი. და მათ ადარებენ იმას, რასაც კითხულობენ, ხედავენ და ისმენენ. ვაი მას, ვინც არ ეტოლება ლულის, რასინსა და ლე ბრენს.

42

ნორჩ ტახტის მემკვიდრეებს ასწავლო მხოლოდ ის, თუ როგორ ექიროთ ღირსეულად თავი, ზედმეტი სიფრთხილეა, რამეთუ სამეფო კარი თავს ვალდებულად რაცხს და ზრდილობის უმაღლეს გამოვლინებად თვლის გამოხატოს უღრმესი პატივისცემის გრძნობა მათდამი. ამასთან ერთად, უფლისწულნი შესანიშნავად გახლავან გათვითცნობიერებულნი, თუ რა უფლებებს ანიჭებთ საკუთარი წარმოშობა; სამაგიეროდ არცთუ კარგად ერკვევიან კარისკაცთა ღირსებებში. ერთნაირად ეპყრობიან ყველას და ვერ განარჩევენ ვერც მათ მდგომარეობასა და ვერც წარჩინებას. სიამაყე თანდაყოლილი აქვთ და საჭიროების შემთხვევაში თავისთავად მქლავნდებ; ის კია, უნდა ვასწავლოთ, როგორ მოთოკონ იგი. შთავაგონოთ სიკეთე და პატიოსნება, გაუღღვივოთ ადამიანთა შეცნობის უნარი.

43

აღზევებული ადამიანის მხრივ წმინდა წყლის თვალთმაქცობაა, თუ მაშინვე არ დაიკავენს მისთვის განკუთვნილ ადგილს,

რასაც ყველა უთმობს. არაფერი უჯდება იყოს მოკრძალებული, გაერიოს ბრბოში, რომელიც მისი გამოჩენისას აქეთ-იქით იხევს; თავყრილობაზე სადღაც მიიკუჭოს, რათა ყველამ თვალი მოჰკრას და კისრისტეხით მოირბინოს, აქაოდა სად დაბრძანებულხართო და სათანადო ადგილი მიუჩინოს. მოკრძალება მძიმე ტვირთია უბრალო მოხელისთვის. გაერევა ბრბოში და იქნება გაჭყლიტონ კიდევ. აირჩევს მოუხერხებელ ადგილს და იქვე დატოვებენ.

44

არისტარქე მაცნესა და მებუკესთან ერთად გამოდის მოედანზე. გაისმის ბუკის ხმა, უამრავი ხალხი იყრის თავს. მაცნე აცხადებს: „ისმინეთ, ხალხნო და ჯამაათნო, ყურადღებით ისმინეთ! სიჩუმე, სიჩუმე. თქვენს წინაშეა არისტარქე, ის ხვალ კეთილ საქმეს ჩადენს!“ მე გეტყვით უფრო უბრალოდ, ხატოვნების გარეშე: ვიღაც კარგად იქცევა! ხომ არ სურს უკეთესად მოიქცეს? მე ნუმეცოდინება, სიკეთეს რომ ჩადის, ნუ მეცოდინება თვით მისგან.

45

საუკეთესო საქციელიც კი ფერს ჰკარგავს და კნინდება, თუ სათანადო ღირსება არ ახლავს, შესაძლოა ეჭვი შეგეპაროთ მისი განზრახვის სიწმინდეში. ვინაც მფარველობს ან ხოტბას ასხამს სათნოებას სათნოების დასაცავად, ვინაც ასწორებს ან ჰკიცხავს მანკიერებას მანკიერების აღსაგველად, იქცევა უბრალოდ, ბუნებრივად, უსიტყვოდ, ყოველგვარი გატყლარჭვის, თავმოწონებისა და თითლიბაზობის გარეშე. არ ღაღადებს გაფუყულად და ჰკუისდამრიგებლურად და უფრო ნაკლებ ენამწარედა და დამცინავად. წარმოდგენას კი არ უმართავს ხალხს, არამედ აძლევს კეთილ მაგალითს და თავის ვალს იხდის. საკუთარი მოქმედებით საკვებს როდი იძლევა ბანოვანთა ჟღერტულისათვის, კაბინეტური მასლაათისთვის, ცხელ-ცხელი ამბების მოყვარულთათვის. არცთუ ვიღაც კონტაპრუფას აწვდის მასალებს საამური ლაქლაქისთვის. ამის შედეგად, რაც მართალია, მართალია, კეთილი საქმე ყველასთვის ველარ იქნება ცნობილი, მაგრამ ხომ დათესა სიკეთე, მეტი რაღა უნდა?

დიდებულებს გულზე არ უნდა ეხატებოდეთ პირველყოფილი დრონი, რაიც მათთვის მაინცდამაინც სახარბიელო არ განლავთ; მათთვის სამწუხაროა, ყველას წინაპრები რომ იყვნენ იგივე ძმა და იგივე და. ადამიანები ერთ ოჯახს წარმოადგენენ: ზოგი ახლო ნათესავია, ზოგი შორეული.

თეონისი განსაკუთრებულ ყურადღებას უთმობს ჩაცმულობას და ქალივით მორთულ-მოპრანჭული გამოდის გარეთ. თავისი სახლის ზღურბლს გადააბიჯებს თუ არა, სათანადოდ მომართავს თვალთა მზერასაცა და სახის იერსაც. რათა იარაღასხმული მოველინოს საზოგადოებას, არაფერი გამოეპაროს და უცნობი გამკლავლებიც კი დაატყვევოს თავისი სიკობტავითა და მომზიბვლელი ღიმილით. დარბაზებში მიბრუნდება მარჯვნივ, სადაც ბევრი ხალხია, მარცხნივ, სადაც არავინ არის; ესალმება იმას, ვინც იქ ბრძანდება და იმათაც, ვინც არ ბრძანდება. ვისაც მოიხელთებს გადაეხვევა, ჩაიხუტებს, გულში ჩაიკრავს, მერე იკითხავს, ვინ არისო. მავანს მისი დახმარება სჭირდება. იოლი საქმეა. თეონისთან მოდის, სთხოვს. თეონისი ყურადღებით უსმენს. აღტაცებულია, თუ რაღაცაში გამოადგება. ეხვეწება, იქნებ კიდევ რამე გჭირდება, მზადა ვარ შენდა სამსახურადო. ამ კაცს სხვა არაფერი უნდა, ეს ერთი საქმე აქვს მხოლოდ და უმეორებს თხოვნას. თეონისი უცხადებს, არ შემოძლია, მაგ საქმეში ვერაფერს გავაწყობო. ეხვეწება, ჩემს ადგილზე წარმოიდგინეთ თავი და თავად განსაჯეთო. მერე ისე ალერსიანად აცილებს, ისე დათაფლული ენით ემშვიდობება, რომ მთხოვნელი მიდის დარცხვენილი და თითქმის კმაყოფილი, რაკი უარი მიიღო.

თუ კაცს მაღალი თანამდებობა უჭირავს და დარწმუნებულია მისი ვითომცდა ალერსიანი სალამ-ქალამი და ხანგრძლივი, მაგრამ გულგრილი ხვევნა-კოცნა ატყვევებს ხალხს, ეს იმის მაუწყებელი

გახლავთ, რომ იგი ძალიან ცუდი აზრისაა ადამიანებზე და თან ძალიან კარგად იცნობს მათ.

პამფილი დარბაზებში და სამეფო კარზე მხოლოდ იმათ ესაუბრება, ვინც იომენს მის მალაღმარდოვნებასა და ქადაგებას. აძლევს მათ აუდიენციას, იღებს და აცილებს, ყველასთან თავაზიანია, ქედმაღალი, ამპარტავანი, ყალბი სიდიადე ამდაბლებს მას, ანაღვლიანებს მის მეგობრებს და იმათ, ვისაც არ ეზიზღება იგი.

პამფილისნაირი კაცი საკუთარი თავისადმი რწმენით არის აღვსილი, ტკბება თავისი თავით, ნიადაგ ფიქრობს თავის სიდიადეზე, გავლენიან ნაცნობობაზე, თანამდებობაზე, წოდებაზე. ასე რომ ვთქვათ, აგროვებს ყველა ამას ერთად და შიგ ეხვევა, რათა მეტი დაფასება მოიხვეჭოს. ამბობს: „ჩემი ორდენი, ჩემი ლურჯი ლენტისი“. გამოჰქვენს ორდენს, ან თავმომწონედ მალავს. ერთი სიტყვით, ასეთ პამფილს ნებავეს იყოს დიდებული, ჰგონია, რომ არის დიდებული და არ არის, მიემსგავსება დიდებულს. ხანდახან თუ გაულიმებს უკანასკნელზე უკანასკნელ ანუ ჰკუიან კაცს, ისე ზუსტად შეარჩევს დროს, რომ დანაშაულზე ვერავინ წაასწრებს. სირცხვილი ხომ დაწვავდა, მისდა საუბედუროდ, ვინმეს რომ ეპვი შეეტანა, თითქოსდა ცოტაოდნავ მაინც კადრულობსო ისეთ ვილაცას, რომელსაც არაფერი აბადია, არც ქონება, არც გავლენა, არ არის მინისტრის მეგობარი, არც მისი მოყვარე, არც მასთან შეკედლებული. პამფილი სასტიკი და უღმობელია იმათ მიმართ, ვისაც ჯერ არაფერი მოუხვეჭია. ერთ დღეს შეგნიშნავთ გალერეაში და თვალს აგარიდებთ. ხოლო მეორე დღეს, თუ ისეთ ადგილას შეგხვდით, სადაც ხალხი ნაკლებად ირევა და თუნდაც ხალხი ბევრი იყოს, მაგრამ თქვენ დიდებულის გვერდით იმყოფებით, მხნეობას იკრებს, გახლოვდებით და გეუბნებით: „გუშინ ისეთი სახე მიიღეთ, თითქოს ვერ შემამჩნიეთ“. ხან უეცრად მიგატოვებთ და გამოუდგება ვილაც სენიორს ან მინისტრის პირველ თანაშემწეს. ხან, თუკი გნახავთ, ამავე სენიორის ან მინისტრის პირველ თანაშემწეს ესაუბრებით, სიტყვას გაწყვეტინებთ და გაგიტაცებთ. სხვა დროს თქვენ მიუახლოვდებით, არც შეჩერდება, გაიძულებით

უკან გაპყვეთ და ისე ხმამაღლა გელაპარაკებათ, რომ გამვლელნი შემოგყურებენ, თითქოს სცენაზე იმყოფებოდეთ. და მართლაც, პამფილები ნიადაგ ისე გრძნობენ თავს, ვითომც თეატრალურ წარმოდგენაში მონაწილეობდნენ. მათი საყვები სიყალბეა და ყველაზე მეტად ბუნებრიობა სძაგთ. ნამდვილი კომედიის პერსონაჟები არიან, ფლორიდორები, მონდორები.

პამფილებზე სალაპარაკოს აბა რა გამოლევს: დამდაბლებულნი და დაშინებულნი არიან მეფეთა და მინისტრთა წინაშე, კანდიერნი და საკუთარ თავში დარწმუნებულნი იმათ წინაშე, ვისაც სათნობის გარდა, სხვა არაფერი გააჩნია; დამუნჯებულნი და შებორკილნი სწავლულთა წინაშე; ყბდნი, თამამნი და შეუხრელნი უვიცთა წინაშე; მოსამართლეს ომზე ელაპარაკებიან, ფინანსისტს პოლიტიკაზე, ქალებს — ისტორიაზე; ეჭიმთან პოეტები არიან, პოეტთან — მათემატიკოსები. თავს არ იცხვლებენ არავითარი ცხოვრებისეული ნორმებით, მით უმეტეს, პრინციპებით. როგორც მოხვდებათ, ისე მიჰყვებიან ცხოვრების დინებას, ქარი მათ სასარგებლოდ უბერავს და მიექანებიან წინ, სულ წინ, სიმდიდრისკენ. საკუთარი აზრები არ მოეპოვებათ და სესხულობენ, როცა საჭიროება მოითხოვს. სესხულობენ არა ჭკვიანი ან სათნო ადამიანებისგან, არამედ იმათგან, რომლებიც მოდაში არიან შემოსულნი.

50

დიდებულთა და წარჩინებულ მოხელეთა მიმართ უნაყოფო შურიანობითა და უძლური სიძლვილითა ვართ გამსჭვალულნი. ძალა არ შეგვწევს მათ ბრწყინვალებასა და აღზევებაზე ვიძიოთ შური და ამის შეგნება უფრო მეტად გვიმძაფრებს ჩვენი უბედურებითა და სხვისი ბედნიერებით გამოწვეულ მწუხარებას. რა ვქნათ, როგორ განვიკურნოთ ამ აგრე რიგად დაძველებული და გადამდები სენისგან? ვიკმაროთ ცოტა და თუკი შესაძლებელია, უფრო ცოტაც; შევეგუოთ წაგებას. ასეთ შემთხვევაში უკეთესი წამალი არ მოიპოვება და მე თანახმა ვარ მივიღო იგი, რაკი აღარ დამჭირდება ვეხეწო და ვემუდარო შევიცარს ან გული მოვულობო მდივანს; აღარც კარებთან მიმაჰქექებენ იმ ურიცხვ მთხოვნელთან და კარისკაცთან ერთად, რომლებიც დღეში რამდენჯერმე პი-

რამდე ავსებენ მინისტრის სახლს; აღარც ვიყურყუტებ მის მოსაცდელ დარბაზში, აღარც კანკალითა და ლულლულით ვთხოვ დახმარებას სამართლიან საქმეში; აღარ მჭირდება ავიტანო მისი ქედმაღლობა, მისი მწარე დაცინვა და მოკლე პასუხები. მორჩა, არ მძულს იგი, არ მშურს მისი. არაფერს მთხოვს, არაფერს ვთხოვ, თანაბარი მდგომარეობა შეგვექმნა. მაგრამ, ვეჭვობ, მთლად ასე არ უნდა იყოს; ის მშვიდად არ არის, მე კი მშვიდად ვარ.

51

დიდებულებს თუ ხშირად ეძლევათ საშუალება სიკეთე მოგვიტანონ, იშვიათად აღეძვრებათ ეს სურვილი; და თუ აღეძვრებათ სურვილი ზიანი მოგვაყენონ, იშვიათად ეძლევათ ამის საშუალება. ასე და ამგვარად, ადამიანები შეიძლება შეცდნენ, თუ კერპად გაიხდიან მათ მხოლოდ იმედისა და შიშის შედეგად. ზოგიერთი ხან ისე განვლის ხანგრძლივ სიცოცხლეს, რომ ერთი ბეწო სიკეთე არ უნახავს და არც დავალებული ყოფილა მათგან სიღარიბითა თუ სიმდიდრით. გვმართებს პატივსა ვცემდეთ, რადგანაც ისინი დიდები არიან, ჩვენ კი პატარები ვართ და რადგანაც სხვებს, ჩვენზე პატარებს, მართებთ ჩვენ გვცემდნენ პატივს.

52

სამეფო კარზეც, ქალაქშიც ვხედავთ ერთსა და იგივე ვნებებს, მანკიერებას, სიმხდალეს, უგუნურობას; ერთნაირ უსიამოვნებას ოჯახში და ნათესავეებს შორის, მეშურნეობას, სიძულვილს. ყველგან რძლები და დედამთილები, ცოლები და ქმრები, განქორწინებები, კინკლაობა, დროებითი შერიგება. ყველგან შუღლი, მრისხანება, მიკერძოება, დაბეზლება და, როგორც იტყვიან, აყვიობა. ვისაც უჭრის თვალი, არ გაუჭირდება დაინახოს, პატარა ქალაქი, სენ-დენის ქუჩა იგივეა, რაც „ვ“ ან „ფ“. მხოლოდ აქ უფრო მეტი სიამაყითა და ქედმაღლობით სძულთ და, შესაძლებელია, უფრო მეტი ღირსებით. მტრობენ უფრო მოქნილად და მეტი ცბიერებით; მრისხანება მეტად მჭევრმეტყველია და ერთმანეთს უფრო ზრდილობიანად და ნატიფად ლანძლავენ. არ შეურაცხყოფენ ენის

სიწმინდეს, შეურაცხყოფენ მხოლოდ ადამიანს და მის სახელს. მანკიერება გარედან შელამაზებულია, შიგნით კი იგივეა, რაც ყველაზე უგვანო პირობებში წარმოიშვება: რა სიმდაბლე, რა უხამსობა, რა გაიძვერობა გინდათ, რომ არ გვხვდებოდეს იქ. და ეს კაცები, აგრე რიგად ამალღებულნი თავიანთი წარმოშობით, ან ვინმეს წყალობით, ანდა საკუთარი დამსახურებით, ბრძენნი და ნიჭიერნი, და ეს ქალები, ესოდენ ტურფად აღზრდილნი და გონიერნი ზიზღს ვერ ფარავენ ხალხის მიმართ, თუმცა თავადვე არიან ხალხი.

იტყვი, ხალხიო, ამბობ, ერთზე მეტით. ფართო ცნებაა და გაოცდები, თუ ნახავ, რაოდენ უსაზღვროა მისი მნიშვნელობა და მისი სივრცე. ხალხს თუ განვიხილავთ დიდებულთა თვალსაზრისით, მივიღებთ „ბრბოს“ და „მდაბიოთ“; ხოლო ბრძენი, ნიჭიერი და სათნო ადამიანები ხალხის ცნებაში გულისხმობენ დიდებსაც და პატარებსაც.

53

დიდებულები მხოლოდ გრძნობებს არიან აყოლილი. ამ უსაქმურ ადამიანთა სულს თავდაპირველად ყოველივე ალაფრთოვანებს. მოხდება რაღაც; ჯერ მითქმა-მოთქმას დასასრული არა აქვს, მალე კანტიკუნტად ახსენებენ, მერე აღარაფერს ამბობენ და აღარც იტყვიან ოდესმე. ღვაწლი, მოქმედება, ნაწარმოები, შემთხვევა; ყველაფერი მივიწყებას ეძლევა. ნუ მოითხოვთ მათგან აზრის შეურყვევლობას, გამჭირახობას, საზრიანობას, მადლიერებასა და ჯილღოს.

54

ზოგიერთი კაცის მიმართ ერთმანეთის საპირისპირო აზრი იქმნება. მოკვდება და ხალხში მისი დაცინვა გაისმის. ხოლო ტაძრის თაღებქვეშ მისი ქება და ხოტბა გუგუნებს. ამგვარი ადამიანები ხანდახან არ იმსახურებენ არც პასკვილებსა და არც სამგლოვიარო სიტყვებს, ხანდახან კი ღირსნი არიან ერთისაც და მეორისაც.

ჯობს არაფერი თქვა ამა ქვეყნის ძლიერთა შესახებ. კარგს იტყვი და პირმოთნეობად ჩაგეთვლება, ცუდს იტყვი და ხიჯათს უნდა მოელოდე, სანამ ცოცხლები არიან, მოკვდებიან და უსინდისობა განსვენებულის გაკიცხვა.

თავი მათე

მონარქის ანუ სახელმწიფოს შესახებ

1

კაცი წინასწარ შეგონებული თუ არ არის სამშობლოს საწინააღმდეგოდ ან სასარგებლოდ, როდესაც მმართველობის სხვადასხვა სისტემას ერთმანეთს შეადარებს, ვერ გადაწყვეტს, რომელი რომელს სჯობს. ყოველ მათგანს აქვს თავისი ავიცა და კარგიც. ყველაზე გონიერულია საუკეთესოდ ჩათვალო იმ ქვეყნის მმართველობა, სადაც დაბადებულხარ და შეეგუო მას.

2

ქვეყნის მართვისთვის ტირანს არც დიდი ხელოვნება სჭირდება, არც სიბრძნე. პოლიტიკა, რომელიც მარტოოდენ სისხლის ღვრით იზღუდება, მეტისმეტად ბეცია და მოუქნელი. ქადაგებს მოკლა ის, ვისი სიცოცხლეც ბორკავს შენს პატივმოყვარეობას. ბუნებით სასტიკი ადამიანისთვის ეს ძნელი არ არის. ესაა ყველაზე შემზარავი და უხეში საშუალება, რათა ძალაუფლება ჩაიგდო ხელში და განიმტკიცო.

3

მრავალი სახელმწიფოს ძველისძველი და ნაცადი პოლიტიკაა, ხალხი ზეიმებით, სანახაობებით, ფუფუნებით, მცონარობით, სიამ-

ტკბილობით მოადუნოს; გაუღვიძოს პატივმოყვარეობა და უპრინციპობა, ხელი შეუწყოს მის უაზრო ყოფასა და დაკნინებას. რას არ აღწევს ძალმომრეობა ამგვარი შემწყნარებლობით!

4

დესპოტის ქვეშევრდომებს სამშობლო არა აქვთ. სამშობლოს სიყვარულს მათ უცვლის ანგარება, პატივმოყვარეობა, მეფისადმი დამონება.

5

სახელმწიფოში თუ აპირებენ ძველი წესები ახლით შეცვალონ, მხედველობაში აქვთ, უპირველეს ყოვლისა, დროის მოთხოვნები: იქმნება ვითარება, როცა იგრძნობა, დაუშვებელია ხალხის უკიდურესად გაღიზიანება. სხვა დროს, ნათელი ხდება, შეუძლებელია მისი მეტისმეტად დანდობა. დღეს უფლებამოსილი ხართ ამ ქალაქს წაართვათ დამოუკიდებლობა, უფლებები, პრივილეგიები; ხვალ კი, ნურას უკაცრავად, მათი დროშების ფერის შეცვლასაც ნუ მოიწადინებთ.

6

როცა ხალხს მღელვარება მოიცავს, არვის ძალუძს მიხედეს, როგორ დამყარდება სიმშვიდე; როცა ხალხი დაწყნარებულია, ვერ წარმოიდგენ, როგორ შეიძლება დაირღვეს სიმშვიდე.

7

სახელმწიფო ზოგიერთ ბოროტებას ეგუება, რადგან იგი დაბრკოლებას უქმნის და წინ ეღობება უფრო მეტ ბოროტებას. არსებობს სხვა ბოროტებაც, რაც კანონმდებლობის მეშვეობით ქცეულა ბოროტებად და რისი წარმომშობი მიზეზი უწესრიგობა და უვარგისი ადათ-წესებია. მაგრამ მისი არსებობა და შედეგები ისე დამლუპველი არ არის, როგორც ზოგიერთი სამართლიანი კანონი ან გონივრული ჩვევები. ვხვდებით იმგვარ ბოროტებასაც, რომლის გამოსწორება შეიძლება რაიმე სიახლით ან რეფორმით, რაც

აგრეთვე ბოროტებაა და მეტად საშიში ბოროტებაც. ზოგი ბოროტება ისეა დაფარული, როგორც სიბინძურე კლოაკაში; მე მინდა ვთქვა, დასამარებელია სირცხვილის, საიღუმლოებისა და სიბნელის საფარქვეშ. თუ ამოთხრი და გაქექავ, შხამი და ბაღლიმი გადმოინთხევა და აყროლდება. თვით ბრძენთა ბრძენნიც კი ყოყმანობენ, ჯობს თუ არა ვიცნობდეთ მას. ზოგიერთ სახელმწიფოში იწყნარებენ საკმაოდ დიდსა და სერიოზულ ბოროტებას, რამეთუ გზას უღობავს ათას წვრილ-წვრილ ბოროტებასა და სიავეს, რომელთა მოცილება და გამოსწორება, წინააღმდეგ შემთხვევაში, შეუძლებელი იქნებოდა. ზოგი ბოროტება ცალკეული ადამიანის მოუცილებელი ჭირი და მთელი ხალხის სიკეთეა, მიუხედავად იმისა, რომ ხალხი სხვა არა არის რა, თუ არა ცალკეულ ადამიანთა ერთობლიობა. არის ისეთი პიროვნული ბოროტებაც, რაიც ყოველი ოჯახის სიკეთესა და აყვავებას უწყობს ხელს. არის ისეთიც, რომელიც ასევედიანებს, ალატაკებს და თავლავს ასხამს ოჯახებს, მაგრამ ხელს უწყობს სახელმწიფოსა და მმართველობის კეთილდღეობასა და ძლიერებას. სხვა ბოროტება ერთ მთავრობას უთხრის ძირს და მის ნანგრევებზე მეორეს აღმართავს. დაბოლოს, ბოროტებამ დიდ იმპერიებს შეურყია საძირკველი, ალგავა პირისაგან მიწისა, რათა შეეცვალა და განეახლებინა სამყარო.

8

რა ბედენაა სახელმწიფოსთვის ერგასტი თუ მდიდარია, კარგად გაწვრთნილი მეძებრები ჰყავს, ჩაცმა-დახურვისა და ეკიპაჟების მოდას აკანონებს და ფუფუნებაშია ჩაფლული? ანდა, საქმე თუ ეხება მთელი ხალხის ინტერესებსა და საჭიროებას, რა ჩასათვლელია ერთი ადამიანის სურვილი? მძიმე ჭაპანს ეწევა ხალხი, მაგრამ ტვირთს უმსუბუქებს შეგნება იმისა, რომ მეფეს უდგას მხარში და მის ქონებას ამრავლებს მხოლოდ; იგი სრულებითაც არ თვლის თავს ვალდებულად, ერგასტი გაამდიდროს და გააფუფუნოს.

9

ომს უძველესი ისტორია აქვს. არსებობდა ყოველ საუკუნეში, მარადღვამს ავსებდა ქვეყანას ქვრივებითა და ობლებით, საგვარეულოს შთამომავლობას უსპობდა. ერთსა და იმავე ბრძოლაში ღუპავდა ძმებს. ჭაბუკო სოკურ! დავტირი შენს სიქველეს, სისპეტა-

კეს, სათნოებას, შენს უკვე მომწიფებულ, განჭრიახსა და ანაღლებულ გონებას. ღრმად ვარ დამწუხრებული შენი უფრო სიკვდილის გამო, რისი წყალობითაც შეუთავშირდა შენს შეუღრეკელ ძმას და განშორდი სამეფო კარს, სადაც ძლივს მოასწარი გამოჩენა. რა უსასოო და რა ჩვეულებრივი მწუხარებაა! უსსოვარ ღროიდან ადამიანებს ფიცი დაუღვიათ ერთი გოჭი მიწისთვის ერთმანეთი გაეძარცვათ, დაეწვათ, მოეკლათ, დაეუატრათ და რომ ეს უფრო ოსტატურად და ზუსტად განეხორციელდებინათ. გამოიგონეს შესანიშნავი წესები, რასაც სამხედრო ხელოვნება ეწოდება. ამ წესების დაცვას მათ დაუკავშირეს ადამიანის სახელი და დიდება. საუკუნიდან საუკუნემდე სულ უფრო მეტად სხანს ფრთას ხელოვნება ურთიერთულეტისა. პირველ ადამიანთა უსამართლობა არის ერთადერთი წყარო, საიდანაც აღმოცენდა ომი და წარმოიშვნენ უფროსები, რომელნიც, მათი აზრით, იმისთვის იყვნენ საჭირო, რომ თითოეულის უფლებები განესაზღვრათ და სადავო საკითხები გადაეწყვიტათ. კაცი რომ კმაყოფილდებოდეს იმით, რაცა აქვს და მეზობლების ქონებისკენ თვალი არ გაუბრუნდეს, საუკუნო მშვიდობა და თავისუფლება დამყარდებოდა.

10

ხალხი, რომელიც მშვიდად მოყუჩდა თავის კერასთან, ოჯახისა და დიდი ქალაქის წიაღში, სადაც არაფერი ემუქრება არც მის ქონებასა და არც მის სიცოცხლეს, ცეცხლსა და სისხლს ნატრულობს. ებმება ომში, ანგრევს, წვავს, ელეტს. წუხს და მოუთმენლობა იპყრობს, როდის გამოილაშქრებს ჯარი. წუხს, როცა ლაშქარი გამოდის და შეტაკება არ იწყება. ასევე წუხს, თუ შეტაკება მოხდა. მაგრამ საკმაოდ სისხლისმღვრელი არ იყო და ბრძოლის ველზე ათი ათას კაცზე მეტი არ გაწყდა. ის კი არა, იმდენად უყვარს სიახლე, ცვლილებანი და უჩვეულო ამბები, რომ აღარც კი ახსოვს ისეთი სანუკვარი რამ, როგორიცაა მისთვის დასვენება და უშიშროება. გამოჩნდება იმგვარი ვინმეც, რომელიც დათანხმდება, კიდევ ერთხელ იხილოს, როგორ მოადგება მტერი დიჟონის ან კორბის კარიბჭეს, როგორ გაიბმება ჯაჭვები და აღიმართება ბარკადები, ოღონდ მიენიჭოს სიამოვნება, ეს ამბავი პირველმა შეატყობინოს სხვებს ან პირველმა შეიტყოს.

დემოფილი, ჩემს მარჯვნივ რომ ზის, ხმამაღლა მოთქვამს: „ყველაფერი დაიღუპა, სახელმწიფო დაიღუპა, ასეა თუ ისე, დაღუპვის პირზეა. როგორ გაუმკლავდეს ამ მძლავრსა და საყოველთაო შეთქმულებას? როგორ შეებას მარტოდ-მარტო ესოდენ ძლიერ მტრებს. აჯობოსო, ვერ ვიტყვი, მაგრამ როგორ აიცილინოს მათი დარტყმა? მსგავსი უბედურება არც ერთ მონარქიას არ დატყდომია თავს. ვერც ერთი გმირი, თვით აქილევსიც ვერაფერს გააწყობდა. უხეში შეცდომა დაუშვეს, — დასძენს იგი, — ვიცი, რასაც ვამბობ, მე თვითონ ჭარისკაცი ვარ, მინახავს ომი, ისტორიიდანაც ბევრი რამ შემისწავლია“. მერე აღტაცებით მოიხსენიებს ოლივიე ლე დემსა და ჟაკ კერს: „აი კაცები, — ამბობს იგი, — აი ვინ იყვნენ მინისტრები!“ ჰყვება ახალ ამბებს, ისეთ სამწუხაროსა და შემზარავს, რისი წარმოდგენაც კი შეუძლებელია. ჩვენი ერთი რაზმეული მოიმწყვდიეს და ერთიანად გაულიტესო, ციხესიმაგრეში ჩაკეტილი ჯარი მტერს ჩაბარდა და ხმლებით აჩენესო. თუ ეტყვით, ეგ ჭორია და არ დადასტურდაო, არ მოგისმენთ და ისევ განაგრძობს, მავანი გენერალი მოკლესო. სინამდვილეში გენერალი მსუბუქად დაქრილა და ამას მოახსენებთ კიდევ დემოფილს. ის მაინც მწუხარებას გამოთქვამს გენერლის სიკვდილის გამო, ებრალება მისი ქვრივი, ობლები, სახელმწიფო, თავისი თავი, კეთილი მეგობარი და ძლიერი მფარველი დავკარგეო. ამბობს, გერმანიის ცხენოსანი არმია დაუმარცხებელიაო და ფერი ეკარგება იმპერატორის კირასირთა გახსენებაზეც კი, „ამ სიმაგრესთან თუ შემოგვიტიეს, აცხადებს ის, ალყა უნდა მოვხსნათ, ან თავდაცვაზე გადავიდეთ და ბრძოლაში აღარ ჩავებათ. თუკი ჩავებებით, უეჭველად დავმარცხდებით. დავმარცხდებით და მტერი ზედ საზღვართან მოვა“. რამეთუ დემოფილი დარწმუნებული ბრძანდება, რომ მტერი ფრინავს, აგერ ისიც უკვე სამეფოს შუაგულში იმყოფება. უკვე ესმის როგორ დაჰკრეს ნაღარა და ატყდა განგაში. აწუხებს თავისი ავლა-დიდებისა და მამულების ბედი. სად გადაგზავნოს ფული, სად გადაიტანოს ავეჯი, რა უყოს ჯალაბს? ან თავად სად გააქცეს, შვეიცარიაში თუ ვენეციაში?

მაგრამ ჩემს მარცხნივ მჯდომი ბაზილიდი უცბად წამოშლის

სამას ათასიან ლაშქარს. არა, თანახმა არ გახლავთ ერთი ბრიგადა მაინც დააკლოს. მთელი სია აქვს ესკადრონებისა და ბატალიონებისა, გენერლებისა და ოფიცრებისა, არც არტილერია დავიწყებია და არც ბარგი-ბარხანა. ეს ძალები მთლიანად მის განკარგულებაშია. ამდენს გერმანიაში გზავნის, ამდენს ფლანდრიაში; ერთ რაზმს ალპებისთვის ინახავს, უფრო პატარა რაზმს — პირენეებისთვის, დანარჩენს კი ზღვის გაღმა ისტუმრებს. მისთვის ცნობილია ყველა ნაწილის სვლაგეზი, იცის რას გააკეთებენ და რას არ გააკეთებენ. გეგონებათ, მეფის მესაიდუმლეა და მინისტრის რწმუნებულიო. მტერმა ახლახან თუ ბრძოლა წააგო და რაღაც ცხრა თუ ათი ათასი ჯარისკაცი დაკარგა, ბაზილიდი ოცდაათი ათასს ითვლის, არც მეტს არც ნაკლებს, ვინაიდან მისი ციფრები ყოველთვის ზუსტია და უდავო, ვითარცა ეკადრება კარგად გათვითცნობიერებულ პიროვნებას. დილას თუ გაიგებს, ერთი საცოდავი ციხე დაკვარგეთო, ადრევე დაპატიჟებულ სტუმრებს კაცს უგზავნის და ბოდიშს უხდის, დღეს სადილზე ვეღარ მოგიწევითო. ის კი არა, თვითონაც აღარ ჰკამს სადილს და თუ ივანშემებს, ისიც უმადოდ. ჩვენები ალყას თუ შემოარტყამენ სათანადოდ გამაგრებულ ციხე-სიმაგრეს, რომელსაც უხვად აქვს მომარაგებული სურსათ-სანოვაგეცა და სამხედრო აღჭურვილობაც და რომელსაც იცავს საიმედო გარნიზონი და მამაცი მხედართმთავარი, ბაზილიდი ამბობს, ქალაქში ბევრი ცუდად დაცული კუთხეა, აკლიათ ტყვია-წამალი, კომენდანტი გამოუცდელი კაცია, შეტევას ვერ გაუძლებენ და ერთ კვირაში ჩავებარდებიანო. რამდენიმე ხნის შემდეგ აქოშინებულ მოვარდება და სულს მოითქვამს თუ არა, შეჰყვირებს: „ახალი ამბავი მოგიტანეთ, ძალიან სასიხარულო, მტერი განადგურებულია, მიწასთან არის გასწორებული. გენერალ-ოფიცრებიანად ყველა გაწყვიტეს, ყველა თუ არა, დიდი ნაწილი მაინც. მტრების საქმე წასულია! ხედავთ, რა სისხლის ღვრა ყოფილა. უნდა ითქვას, ბედმა გაგვიღიმა“. ჩამოჯდა, ამოიხვნეშა, რაკი დაასრულა ცხელ-ცხელი ამბების მოყოლა. ერთი წვრილმანი გამორჩა, სინამდვილეში არავითარი შეტაკება არ ყოფილა. ბაზილიდი არ ცხრება და გვარწმუნებს, ერთი მეფე კოალიციიდან გავიდა, მოკავშირეებს ჩამოსცილდა, მეორე მეფეც აპირებს მის მაგალითს მიბაძოსო. მდაბიო ხალხისა არ იყოს, ბაზილიდიც მტკიცედ არის დარწმუნებული, რომ

მესამე მეფე მიიცივალა. ის კი არა, ადგილმდებარეობასაც კი გვი-
სახელებს, სადაც დაუსაფლავებიან და როცა ეს ჭორი თვით ბა-
ზარში და გარეუბნებშიაც აღარ სჯერათ, უფრო მტკიცედ დებს
სანაძლეოს, ცნობები უტყუარიაო. სარწმუნო წყაროებიდან მოეხ-
სენება, ტ. კ. ლ. იმპერატორს ჯობნის, სულთანი კბილებამდეა
შეიარაღებული და ზავი სულაც არ ნებავს, მისი ვეზირი საცაა
ვენის კარიბჭეს მოადგებაო. ხელს ხელზე შემოჰკრავს, აკანკალ-
დება, რაკი ეჭვი არ ეპარება, რომ ამ ამბავს წყალი არ გაუვა
სამთა შეკავშირება მისი წარმოდგენით მიაგავს ცერბერს, ხოლო
მტრები — ურჩხულებს, რომლებიც უნდა გასრისო. დაფნის
გვირვეინების, დიდების პალმების, გამარჯვებისა და ტროფეების
გარდა აღარაფერი ახსოვს. შინაურ საუბარში წარმოთქვამს: „ჩვენი
სახელოვანი გმირები“, „ჩვენი დიდებული მბრძანებელი“, „ჩვენი
დაუმარცხებელი მონარქი“. რაც უნდა ეცადოთ, უბრალოდ ვერ
ათქმევინებთ: „ჩვენს მეფეს ბევრი მტერი ჰყავს. მტერი ძლიერია,
მკიდროდ შეკავშირებული და გაბოროტებული. მეფეს უწინაც
დაუმარცხებია და იმედი მაქვს კვლავ შეძლებს მათ დამარცხებას“.
ეს სტილი მეტისმეტად ცხადია და პირდაპირი დემოფილისთვის,
ხოლო ბაზილიდისთვის არც საკმაოდ მაღალფარდოვანია და არც
საკმაოდ გაბერილი. მას სულ სხვა გამოთქმები აქვს შეთხზული.
ამზადებს წარწერებს თაღებისა და ობელისკებისთვის, რომლებიც
დაამშვენებენ დედაქალაქს ჩვენი ჯარების შემოსვლის დღეს. რო-
გორც კი ყურს მოჰკრავს, ორი ბანაკი საბრძოლო მზადყოფნაშია,
ან რომელიღაც ციხე-სიმაგრე ალყაშიაო, ბრძანებს, საზეიმო ტან-
საცმელი ამოიღონ, გაამზეონ და გაუმზადონ საკათედრო ტაძარში
გამარჯვებისთვის მიძღვნილ პარაკლისზე დასასწრებად.

ელჩები, მონარქისა და სახელმწიფოს სრულუფლებიანი წარ-
მომადგენლები როცა ქალაქში თავს იყრიან რომელიღაც საკითხის
განსახილველად და ამას უფრო მეტი დრო ეთმობა, ვიდრე წოდებ-
ისა და რანგის მიხედვით დამსწრეთა დანაწილებასა და სხვა ცე-
რემონიალს, თუნდაც ნუ ჩავთვლით მოსამზადებელ ფორმალობას,
ეს იმის მაუწყებელია, რომ საქმე ეხება ფრიალ მნიშვნელოვან,
უჩვეულო და საჭოჭმანო საკითხის გადაწყვეტას.

მინისტრი ან ელჩი ჰგავს ქამელეონს, პროტეესს; გაქნილი აზარტული მოთამაშის მსგავსად არ ამქლავნებს არც განწყობილებას, არც ხასიათს, რათა არ გასცეს თავისი განზრახვები, ანდა გრძობებსა თუ რალაც სისუსტეს აყოლილმა არ გაანდოს ვინმეს საილუმლო. ხანდახან, თავისი მიზნებისა და სურვილების შესაბამისად ინიღბება და ისეთად ეჩვენება სხვებს, როგორც უნდა ჩანდეს მათ თვალში. ამგვარად, სულ ერთია რისი დაფარვა სურს, დიდი ძალისა თუ დიდი სისუსტისა. მოწინააღმდეგის პირისპირ მუდამ მტკიცეა და შეუღრეკელი და იმედის ნატამალსაც კი არ უტოვებს, ამ კაცს ბევრ რამეს დავტყუებო. ზოგჯერ დამყოლიცაა, რადგან იცის, თუკი მას რაიმეს სთხოვენ, თვითონაც მიეცემა თხოვნის უფლება. სხვა დროს გულჩახვეულია და იღუმალებით მოცული; ცდილობს სინამდვილე არ გაამხილოს, თუმცა ამბობს დაუფარავად, რამეთუ მისთვის საჭიროა სინამდვილე ითქვას და არ დაიჭერონ. წრფელიც არის, როცა მალავს იმას, რაც არავინ უნდა იცოდეს და მაინც ახერხებს სხვები დარწმუნდნენ, ვითომ იციან ის, რაც უნდა იცოდნენ და ეგონოთ, ყველაფერი დავაყპინეთო. მხიარული და მქვერმეტყველია, თუ განზრახული აქვს სხვებს ამოადგმევინოს ენა, ანდა ხელი შეუშალოს თქვან ის, რაც მას არ სურს იცოდეს ან არ უნდა იცოდეს. მისი ასეთი გუნებ-განწყობილების მიზანი ისიც გახლავთ, რომ საუბარში ჩაურთოს ერთმანეთის საწინააღმდეგო და ერთმანეთის გამაქარწყლებელი სრულიად უმნიშვნელო წვრილმანები, რაიც მსმენელს შეაშფოთებს ან ნდობით აღავსებს; ენამზიანია მაშინაც, როცა საილუმლო უნებლიეთ წამოსცდება და ცდილობს წამსვე მიაფუჩეჩოს სხვა საილუმლოს გამქლავნებით. ცივია და დადუმებული, თუკი სურს სხვა ჩაითარიოს საუბარში, თვითონ უსმინოს დიდხანს, მერე თვით ილაპარაკოს და სხვამ უსმინოს, ილაპარაკოს შთაგონებითა და დამაჭერებლად, შთაუნერგოს იმედი და შიში, რაიც იქნება გადამწყვეტი დარტყმა და რაც წინააღმდეგობას შეარყევს.

ხან სურს თვითონ თქვას პირველი სიტყვა, დაუფარავად გადაშალოს სამოქმედო გეგმა, რათა გამოააშქარაოს საწინააღმდეგო მოსაზრებანი. მტრული განწყობილება, გაიძვერობა და ხრიკები, რითაც აღიჭურვებიან ხოლმე უცხოელი მინისტრები მის მიერ წამოყენებული წინადადების განხილვის დროს. ამისთვის წინას-

წარ უნდა მიიღოს სათანადო ზომები და პასუხიც მოამზადოს. ხან კი ყველაზე ბოლოს გამოდის სიტყვით, რადგან არ უნდა ტყუილ-უბრალოდ ილაპარაკოს. ისწრაფის იყოს ზუსტი, ზედმიწევნით კარგად იცოდეს, რის იმედი შეიძლება ჰქონდეს თვითონ და მის მოკავშირეებს, გაითვალისწინოს, რის თხოვნა შეუძლია და რას მიიღებს. ეხერხება ილაპარაკოს ნათლად და კატეგორიულად. უფრო მეტად ეხერხება ილაპარაკოს მიკიბულ-მოკიბულადა და ბუნდოვანად და გამოიყენოს ორაზროვანი სიტყვები და გამოთქმები, რასაც აძლევს ნებისმიერ მნიშვნელობას იმისდა მიხედვით, თუ რა ვითარებაა შექმნილი და რა ესაჭიროება მას. ითხოვს ცოტას, როცა ბევრის გაცემა არ სურს. მოითხოვს ბევრს, რომ მიიღოს ცოტა და უეჭველად. თავდაპირველად მოითხოვს წვრილმანს იმის იმედით, რომ შემდგომ ეს არაფრად ჩაეთვლება და უფლება ექნება მოითხოვოს უფრო მნიშვნელოვანი რამ. პირიქით, თავსაც კი არიღებს, პირველად ძირითადი და არსებითი საკითხი წამოაყენოს, თუკი იგი ხელს უშლის წინა პლანზე დააყენოს მრავალი პუნქტი, რაც მეორეხარისხოვანი კი არის, მაგრამ ერთად თავმოყრილი თავისი მნიშვნელობით აღემატება პირველს. უამრავს ითხოვს, რათა უარი მიიღოს და თავადაც მიეცეს უფლება ან სათანადო საბაბი, უარი თქვას იმაზე, რასაც, დარწმუნებულია, მოითხოვენ მისგან და ამ მოწყალების გაცემა კი არ ნებავს. აქაოდა, ეს რა უსაზღვროდ დიდი თხოვნაა, უარს თუ გეუბნებით ამის საფუძველიცა მაქვსო და განაწყენებულია, თვით მისი მოთხოვნაც რომ უგულვებელჰყვეს. იღვწის, ერთი ზარის რეკვა ატეხოს და ვეებერთელად წარმოადგინოს ის მცირედი, რასაც თვითონ თმობს და, ამავე დროს, დააკინოს, საქვეყნოდ გაკილოს ის მცირედი, რასაც სხვები უთმობენ. იძლევა ყალბს, მაგრამ უჩვეულოდ მიმზიდველ წინადადებას, რასაც მოწინააღმდეგეთა ბანაკი უნდობლობით ხვდება და უარს ამბობს იმაზე, რასაც არც არვინ მიაშავებდა. ეს კი შემთხვევით სარგებლობს და უსაშველო მოთხოვნილებებს აყენებს, რათა დაამტკიცოს, თუ რაოდენ ცდებიან, უარს რომ ეუბნებიან. იძლევა მეტს, ვიდრე სთხოვენ, ოღონდ მიიღოს მეტი, ვიდრე იძლევა. სულ უმნიშვნელო საქმეზე თუ მიდგა ჭერი, მოწინააღმდეგეთ აიძულებს ეხვეწნენ, ემუდარნენ, დაუმტკიცონ, დაუსაბუთონ, რათა ყოველგვარი იმედი გაუქრეთ, გაფიქრებაც კი ვერ გაბედონ, თითქოსდა

შესაძლებელია მეტ დათმობაზე წასულიყო. და თუ მაინც რაღაც დათმო, ერთი პირობით, გაინაწილოს ის მოგება და უპირატესობა, რასაც მოწინააღმდეგე მიაღწევს. როცა პირდაპირ ან არაპირდაპირ ექომავება მოკავშირეს, მაშასადამე ეს მისთვისაც არის სახარბიელო და ხელს უწყობს მისი მიზნების ხორცშესხმას. ქადაგებს მხოლოდ მშვიდობაზე, თანხმობაზე, საყოველთაო უშიშროებასა და კეთილდღეობაზე, სინამდვილეში კი ზრუნავს მხოლოდ საკუთარ ინტერესებზე, ესე იგი თავისი მბრძანებლისა და სახელმწიფოს სიკეთეზე. ხან მოწინააღმდეგეებს აზავებს, ხან შულს აგდებს მათ შორის, ვინც ერთმანეთთან დაზავებულნი იყვნენ. აქ ყოვლისშემძლეთ და ძალაუფლების მქონეთ შიშს აღუძრავს, იქ სუსტებს ამხნევებს; ჯერ რამდენიმე სუსტს გააერთიანებს ერთი მძლავრის წინააღმდეგ, რათა წონასწორობა დაამყაროს, მერე თავად შეურთდება პირველთ, რათა სასწორა მათკენ გადაინაროს და აიძულებთ ძვირად შეისყიდონ მისი მფარველობა და მოკავშირეობა. იცის, როგორ მიეფარისეველოს იმათ, ვისთანაც მოლაპარაკებას აწარმოებს; მარჯვედ და მოქნილად, ცბიერებითა და შემპარავად გადაუქრავს სიტყვას, თუ რა განსაკუთრებული უპირატესობა მიენიჭებათ, რა ჯილდოსი და პატივის იმედი შეიძლება იქონიონ, თუ ერთგვარ დათმობაზე წავლენ, რის შედეგადაც სულ არ შეიბღალება მათი მისია და არც მათ მბრძანებელთა ნებასურვილს დააკლდება რამე. ცდილობს თვითონაც არ ეგონოთ ამ მხრივ შეუღწეველი და თავს ისე აჩვენებს, თითქოს არცთუ უგრძნობელი იყოს პირადი კეთილდღეობის მიმართ. ამ გზით იღებს ისეთ წინადადებას, რაიც ააშკარავებს მოწინააღმდეგის ყველა იღუმალ ზრახვებს, მნიშვნელოვან გეგმებსა და მათ სისრულეში მოსაყვანად გამიზნულ მძლავრ საშუალებებს; ყოველივე ამას თავის სასარგებლოდ გამოიყენებს. ზოგჯერ მისი ინტერესები თუ შელახულია რამდენიმე პუნქტით, რისი მეოხებრთაც შეთანხმება განხორციელდა, ხმამაღლა ყვირის. თუ პირიქით მოხდა და მოწინააღმდეგის უფლება შეიზღუდა, უფრო ხმამაღლა ყვირის და წაგებულით აიძულებს გაიმართლონ და დაიცივან თავი.

მის საქმიანობას სამეფო კარი ხელმძღვანელობს. ყოველი მისი ნაბიჯი წინასწარ მოზომილია, თვით ყველაზე უმნიშვნელო წინადადებაც კი ზემოდან ნაბრძანებია და მაინც, გადამწყვეტ წუთს,

სადავო საკითხი წამოიჭრება თუ არა, იქცევა ისე, თითქოსდა მშვიდობის სურვილით შთაგონებულმა მყისვე გაიანზრა შესაბამისი წინადადება. კიდევაც ბედავს და ასამბლეას ჰპირდება, სამეფო კარს უთუოდ დავითანხმებ და წინადადება გავაო. გაავრცელებს ჭორს, ვითომცდა მისი მისია მეტად შეზღუდული იყოს, თუმცა აღჭურვილია საგანგებო უფლებებით, რისი გამჟღავნებაც მხოლოდ უკიდურეს შემთხვევაში შეუძლია, როცა დაფარვა სახიფათო იქნება მისთვის. ხრიკები მეტად მნიშვნელოვანი მიზნების მისაღწევად სჭირდება და მარად მზადაა მას შესწიროს წვრილმანი სურვილები და ყალბი ავტორიტეტი. თავდაპირველია, მამაცი და მომთმენი, არ იღლება თვითონ, სხვებს კი ქანცავს და სასოწარკვეთილებაში აგდებს. ფრთხილია და არ უშინდება საქმის გაჭიანურებას, ვადის გაგრძელებას, საყვედურებს, ექვებს, უნდობლობას, სიძნელებებსა და დაბრკოლებებს, რამეთუ დარწმუნებულია, მართოდენ დროსა და გარემოებათა დამთხვევას შესწევს უნარი მოვლენათა მსვლელობა შეატრიალოს და აღამიანთა გონებას სასურველი მიმართულება მისცეს. ხან თავს იკატუნებს, თითქოსდა ფარული მოსაზრებანი უკარნახებდეს შეწყვიტოს მოლაპარაკება, როცა სინამდვილეში მგზნებარედ სურს გაგრძელდეს იგი. და პირიქით, თუ მიღებული აქვს ზუსტი მითითება, არ შედრკეს და დაუყოვნებლივ გაწყვიტოს მოლაპარაკება, თავს ვალდებულად რაცხს, საბოლოო მიზნის მისაღწევად მოითხოვოს, რომ გაგრძელდეს და სასწრაფოდ დასრულდეს მოლაპარაკება.

თუ რალაც ღიდად მნიშვნელოვანი მდგომარეობა შეიქმნა, ის ან ჯიუტად ადგას თავის აზრს ან მყისვე დათმობას არჩევს, იმისდა მიხედვით, ხელსაყრელია ეს მისთვის, თუ საზარალო. ხანდახან წინდახედულება მატებს უნარს წინასწარ განკვირტოს თუ რა არის მოსალოდნელი და მოვლენათა მსვლელობას ანელებს ან აჩქარებს, რაც დამოკიდებულია იმაზე, თუ რა სჭირდება სახელმწიფოს, რომელსაც თვითონ ემსახურება. ყოველივეს ამ მიზნებისკენ წართავს. ითვალისწინებს ყველაფერს: დროს, ადგილს, შემთხვევებს, საკუთარ ძალასა და სისუსტეს, იმ ერების თავისებურებას, ვისთანაც მოლაპარაკებას აწარმოებს და იმ პიროვნებათა ხასიათსა და განწყობილებებს, რომლებთანაც აქვს ურთიერთობა. მთელი

მისი მიზნები, ზნეობრივი კანონები, პოლიტიკური ცბიერება ისახავს ერთ ამოცანას, თავად არ მოტყუედეს და მოატყუოს სხვა.

13

ფრანგებს ისეთი ხასიათი აქვთ, რომ მათი ხელმწიფე სერიოზული უნდა იყოს.

14

მეფის ერთ-ერთი უბედურება ისაა, რომ ბევრი საიღუმლო აქვს გულში ჩამარხული და ეშინია ვინმეს გაუმხილოს. ბედნიერებაა, თუ შეხვდება საიმედო კაცს, ვინც ამ ტვირთს თავის ზურგზე გადაიტანს.

15

მეფე ერთ რამეს არის მოკლებული, — უბრალო ცხოვრების სიტკბოებას. ამ დიდ დანაკლისს აუნაზღაურებს მხოლოდ უანგარო და ერთგული მეგობრობა.

16

მეფე, რომელიც ღირსია ან არ არის ღირსი მეფობისა, სიამოვნებას პოულობს იმაში, რომ ტოვებს სცენას, თეატრალურ მოსახამსა და კოტურნებს და სანდო კაცთან ჩვეულებრივი ადამიანის როლს ასრულებს.

17

მეფეს ისე არაფერი მატებს ღირსებას, როგორც ფავორიტის მოკრძალებული ხასიათი.

18

ფავორიტი ნიადგ მარტოა: არც ახლობლები ჰყავს და არც მეგობრები. თუნდაც გარს ეხვეოდნენ ნათესავეები და პირმოთნეები, არაფრად აგდებს მათ. ყველასგან განდგომილია, თითქოს უცხოა ყველასთვის.

ექვი არ მეპარება, ფავორიტს თუ აქვს ცოტაოდენი შინაგანი ძალა და ამაღლებული სული, ხშირად უხერხულად გრძნობს თავს და შემკრთალია იმ სულმდაბლობის, დაკნინების, პირფერობის, გადაჭარბებული ყურადღებისა და თვალთმაქცობის გამო, რასაც მისდამი იჩენენ ადამიანები, რომლებიც კუდში დასდევენ, ხელში უღნებიან და უბადრუკი ლაქიებით ემსახურებიან. და როცა ამგვარ კაცებთან პირისპირ რჩება ამ ყურმოჭრილი მონობისთვის მათზე დაცინვითა და მასხრად ავლებით იძიებს შურს.

წარჩინებულ მოხელენო, მინისტრებო, ფავორიტებო, ნება მომეცით მოგახსენოთ, ნუ იქონიებთ იმედს, თითქოს თქვენი შთამომავლობა თავს შეიწუხებს და უმწიკვლოდ მოუვლის თქვენს ხსოვნას და განადიდებს თქვენს სახელს. ტიტული დავიწყებას ეძლევა, მფარველობა ქრება, თანამდებობა უქმდება, ქონება იფანტება, ნიჭი გადაგვარების გზას აღგება. თქვენ გყავთ შვილები, მართლაც ღირსნი თქვენი შვილობისა, რომელთაც შესწევთ უნარი არ შელახონ ის, რასაც თქვენ მიაღწიეთ, მაგრამ ვინ აგებს პასუხს, რომ თქვენი შვილიშვილებიც ასეთნი იქნებიან? თუ არ ღამიჯერებთ, ამ ერთხელ მაინც იკადრეთ და შეხედეთ თქვენგან მოძულეებულ ადამიანებს, ვისაც არაოდეს უყურებთ; რაც უნდა დიდებული ბრძანდებოდეთ, მათი წინაპრების შთამომავალი ხართ თქვენც. იყავით სათნო და ადამიანური. თუ მკითხავთ, რას შეგვმატებსო ეს, გიპასუხებთ, ადამიანურობასა და სათნოებას. ამის შედეგად სრული ბატონ-პატრონნი გახდებით მომავლისა, აღარ იქნებით დამოკიდებული შთამომავლობაზე და განიმსკვალებით რწმენით, რომ თქვენი სახელი არ აღიგვება პირისაგან მიწისა, სანამ მონარქია იარსებებს. განვლიან ჟამნი, თქვენი ციხე-კოშკებისა ანდა მხოლოდ ნასახლართა სანახავად მოვა ხალხი, რადგან მათ ხსოვნაში წარუშლელად დარჩება თქვენი სიქველე და სახელოვანი ქმედებანი. ყურადღებით დააკვირდებიან თქვენს პორტრეტებსა და მედლებს, რაზედაც თქვენი სახე იქნება ამოტვიფრული და იტყ-

ვიან: „კაცი, რომლის გამოსახულებასაც ჩვენ ახლა ვხედავთ, თავის მბრძანებელს გულახდილად და გაბედულად ელაპარაკებოდა და იმისი კი არ ეშინოდა, ვაითუ ჩემით უკმაყოფილო დარჩესო, არამედ იმისა, რომ ზიანი არ მივაყენოო. ამ კაცის წყალობით მეფე უფრო სულგრძელი და მოწყალე ხდებოდა და უფლება ეძლეოდა თავის ქალაქებზე ეთქვა, ჩემი კეთილი ქალაქიო, ხოლო თავის ქვეშევრდომებზე, — ჩემი ხალხიო“. ეს კი მეორე კაცის სურათია. თქვენ ხედავთ, რაოდენ მძლავრ ნებისყოფას გამოხატავს მისი სახე. მკაცრია, ამაღლებული და დიდებული. მისი სახელი წლიდან წლამდე იზრდება. უდიდესი პოლიტიკური მოღვაწენიც კი ვერ გაუტოლდებიან მას. დიადი მიზანი ჰქონდა დასახული, განემტკიცებინა მეფის ძალაუფლება და ხალხის მშვიდი არსებობა, რასაც დიდებულთა დამდაბლებით მიაღწევდა. არც ამბოხებას, არც შეთქმულებას, არც ღალატს, არც სიკვდილის მუქარას, არც მძიმე ავადმყოფობას, არაფერს შეეძლო ჩაეხშო მასში ამ მიზნისაკენ სწრაფვა. გარდა ამისა, დრო გამოძებნა, დაეწყო საქმე, რაიც შემდგომ განაგრძო და დაასრულა ყველაზე შესანიშნავმა და უდიდესმა მეფემ, საქმე, მიზნად რომ ისახავდა მწვალებელთა განადგურებას.

21

ყველაზე უფრო მოხერხებულად და ცბიერად დაგებული მახე, რაც ოდესმე დაუგიათ მოურავებს დიდებულთათვის და მინისტრებს მეფისათვის, ყოველთვის იყო და იქნება შეძენისა და გამდიდრების სურვილის გაღვივება. შესანიშნავი რჩევა-დარიგებაა! მეტად სასარგებლო მოწოდებაა, ოქროს მადანია პირდაპირ, ნამდვილი პერუა იმათთვის მაინც, ვინც ამგვარ აზრებს თავიანთ მბრძანებლებს შთააგონებს.

22

ხალხისთვის დიდი ბედნიერებაა, როცა მეფე ნდობას უტყბადებს და მინისტრებად ნიშნავს იმათ, ვისაც თვით ხალხი დანიშნავდა, თუკი ამის უფლება ექნებოდა.

კარგი მმართველის ძირითადი დამახასიათებელი თვისებაა, ზედ-მიწევნით კარგად იცნობდეს ყოველგვარ წვრილმანს და გულის-ხმიერებას იჩენდეს სახელმწიფოს უმცირესი მოთხოვნილებების მიმართაც კი, რაიც, სინამდვილეში, ამ ბოლო დროს, სრულიად უგულებელყოფილია მეფეებისა და მინისტრების მიერ და რასაც უნდა ავლენდეს ხელმწიფე, ვისაც ამის არა გაეგება რა და თუ გაეგება, მეტად დასაფასებელია. და მართლაც, ხალხის სიკეთისა და სიმშვიდისთვის აბა რა სახეიროა, მეფე სახელმწიფოს საზღვრებსა თუ აფართოებს და მტრების მიწა-წყალს თავისი სამეფოს პროვინციებად აქცევს. ხალხს რა რჩება, მეფე ბრძოლებში თუ იმარჯვებს და მტერს ხელში იგდებს ბრძოლის ველზედაც და ციხე-სიმაგრეებშიც; ანდა სხვა ერები ერთმანეთს დახმარებისთვის თუ მიმართავენ, შეკავშირდებიან და ყოველი ცდა წყალში ეყრებათ, რადგან მეფე სულ წინ მიიწევს, ამარცხებს ყველას, სასოწარკვეთილებაში აგდებს, უქარწყლებს ყოველგვარ იმედს, რაკი ჯანდონით სავსეა და შესაძლებლობა აქვს დატკბეს იმით, რომ შვილი-შვილები მხარში უდგანან, განადიდებენ მის სახელს, მიუძღვიან ლაშქარს, იპყრობენ მიუდგომელ ციხე-სიმაგრეებს და ახალ-ახალ ქვეყნებს. ამავე დროს ხელმძღვანელობენ ძველსა და ბრძოლებში ნაწრთობ მხედართმთავრებს, არა წოდებისა და წარმოშობის, არამედ ნიჭისა და განსწავლულობის უფლებით. მიჰყვებიან თავიანთი სახელოვანი და დიდებული პაპის ნაკვალევს, ბაძავენ მის სიკეთეს, სულგრძელობას, სამართლიანობას, სიფხიზლეს, შეუდრეკელობას. აბა რა ჯანდაბად გამოგვადგება მე და ხალხს მეფე თუ ბედნიერია. დიდების შარავანდედი თუ მოსავს მას და მის ახლობლებს, თუ ჩემი სამშობლო ძლიერია და მისი შიშით ქვეყანას აზანზარებს, თუკი მე სევდა-ვარამი უნდა მიღრღნიდეს გულზე, ვიყო დევნილი და ღარიბ-ღატაკი. მერედა რა, თუ მტერი მომაცილეს, რატომ უნდა მეშინოდეს ქალაქის ქუჩებსა და მოედნებზე გამოსვლა, მკვლელმა ხანჯალი არ გამიყაროს-მეთქი, ანდა რატომ უნდა ვძრწოდე ქალაქის გზაჯვარედინზე, არ გამძარცვონ ან არ მომკლან-მეთქი და აქ უფრო მეტად რატომ უნდა მისკდებოდეს შიშით გული, ვიდრე უღრან ტყეში შუალამისას. რა ოხრად მინდა ჩემო

ქვეყნის ძლიერება, თუ სიმშვიდე, წესრიგი, სისუფთავე ქალაქში ყოფნას სანეტაროს არ გახდიდა, და იქ გამეფებული სიუხვე და სიმდიდრე საზოგადოებრივ ურთიერთობას არ გაათაქიზებდა; თუ უმწეოსა და მიუსაფარს უნდა მეცხოვრა ჩემს ფერმაში დიდი თავადის მეზობლად და მისი მტრული გამოხდომებისგან კანონი ვერ დამიფარავდა; თუ არ მომეცემოდა საშუალება ამეყვანა მასწავლებლები, საუკეთესო მასწავლებლები, რათა ჩემს შვილებს მიეღოთ აღზრდა, გათვითცნობიერებულებიყვნენ მეცნიერებასა და ხელოვნებაში, რომლის წყალობითაც, ერთ მშვენიერ დღეს, ღირსეული მდგომარეობისათვის მიეღწიათ; თუკი იმ დროს, როცა აგრე რიგად აყვავდა ვაჭრობა, ვეღარ მოვახერხებდი ფაქიზი ქსოვილით შევმოსილიყავი და იაფად ნაყიდი, კარგი ხარისხის ხორცი მეჭამა; და თუ, ბოლოს და ბოლოს, მეფის მზრუნველობით, მეც ისევე არ ვიქნებოდი კმაყოფილი ჩემი ბედის, როგორც თვით არის კმაყოფილი თავისი იღბლიანობით, რასაც საკუთარ ღირსებებს უმაღლის.

24

რვა თუ ათი ათასი კაცი მეფისთვის იგივეა, რაც მონეტა, რითაც ციხე-სიმაგრესა თუ გამარჯვებას ყიდულობს. თუ ცდილობს ნაკლები დაუჯდეს და ზრუნავს ადამიანებზე, ემსგავსება იმას, ვინც ვაჭრობს და უკეთესად იცის ფულის ყადრი.

25

ყველაფერი აყვავებულია იმ ქვეყანაში, სადაც სახელმწიფოსა და მეფის ინტერესები ერთმანეთს ემთხვევა.

26

მეფეს „ხალხის მამას“ თუ უწოდებ, კი არ აქებ, არამედ უბრალოდ საკუთარი სახელით მიმართავ, ზუსტად განსაზღვრავ მის დანიშნულებას.

27

მეფის ვალდებულება ქვეშევრდომთა მიმართ და ქვეშევრდომთა ვალდებულება მეფის მიმართ ურთიერთკავშირშია, უფრო სწორად,

ერთმანეთზეა დამოკიდებული. რომელი უფრო მძიმეა და მტან-
ჯველი ძნელი გადასაწყვეტია, რადგან ერთს მოეთხოვება უსიტყვო პა-
ტივისცემა, დახმარება, სამსახური, მორჩილება, დაქვემდებარება,
ხოლო მეორეს — სიკეთე, სამართლიანობა, მზრუნველობა, დაცვა,
მფარველობა; ვერ გაერკვევი, ვის მეტი გასაჭირი ადგას. თუ ვიტ-
ყვით, მეფე ქვეშევრდომთა სიცოცხლის მსაჯულიაო, ეს მხოლოდ
იმას ნიშნავს, რომ ადამიანი ბოროტმოქმედების შედეგად ექვემ-
დებარება კანონსა და სამართალს, რასაც მეფე განასახიერებს.
შაგრამ თუ დავძენთ, რომ იგი სრულუფლებიანი ბატონ-პატრონია
თავის ქვეშევრდომთა ყოველგვარი საკუთრების და შეუძლია დაუ-
ფიქრებლად, განურჩევლად და გაუკითხავად ისარგებლოს ამ უფ-
ლებით, ეს უკვე იქნება ფარისევლობა და ფარული აზრი ფავო-
რიტისა, რომელიც სიკვდილის სარეცელზედაც კი ვერ გაბედავს
ამის თქმას.

28

მშვენიერ ამინდში, მზის ჩასვლისას, ალბათ, გინახავთ გორაკ-
ზე გაშლილი ფარა, რომელიც მშვიდად ძოვს ურცხსა და
ქონდარს, ანდა ჭალაში წიწკანის ქორფა და ნაზ ბალახს, გლეხის
ცელს რომ გადარჩენია; იქვე დგას მზრუნველი და გამრჩე მწყემ-
სი, ვინც მათ თვალს არ აცილებს და ერთი საძოვრიდან მეორეზე
გადაჰყავს. თუ ღაიფანტენ, ერთად აგროვებს. ხარბი მგელი თუ
გამოჩნდა, ნაგაზს მიუსევს და ძალიც კუდით ქვას ასროლინებს
მგელს. მწყემსი კვებავს და იცავს ცხვრებს. ჯერ არ ურიჟრჟია
და უკვე ველზეა. მზის ჩასვლამდე არც ბრუნდება შინ. რა ამავია!
რა სიფხიზლე! რა გულმოდგინება! რას იტყვით, ვისა აქვს უფრო
საამური და ლაღი ცხოვრება, მწყემსსა თუ ცხვრებს? ფარაა შე-
ქმნილი მწყემსისთვის, თუ მწყემსი ფარისთვის? აი უბრალო სუ-
რათი ხალხისა და მეფისა, რომელიც ხალხს მწყემსავს, თუ იგი
ნამდვილი მეფეა.

სიმდიდრესა და ფუფუნებაში ჩაფლული მონარქი არის ოქ-
როთი და ძვირფასი თვლებით მორთულ-მოკაზმული მწყემსი,
ვისაც ხელთ უპყრია ოქროს კომბალი; მის ნაგაზს უკეთია ოქროს
საყელო, რაზედაც გამობმულია ოქროს ჯაჭვი ან ფარჩის ზონარი.

მერედა რა ხეირი აქვს ფარას ამდენი ოქროსგან? მგლებისგან ხომ არ დაიცავს?

29

რა ბედნიერებაა, როცა ისეთ ადგილზე ზიხარ, რომ ყოველ წუთს შემთხვევა გეძლევა შენ ერთმა ათას კაცს სიკეთე მოუტანო! რა უბედურებაა ისეთი თანამდებობა, რაიც გავალებს შენ ერთმა ათას კაცს ზიანი მოუტანო!

30

აქ, ჩვენს მიწაზე, ადამიანებისთვის ყველაზე ბუნებრივი, ყველაზე სანუკვარი და უდიდესი სიხარული თუ არის განცდა იმისა, რომ ვილაცას უყვარს და მეფეებიც თუ ადამიანები არიან, განა შეიძლება მათ თავიანთი ხალხის გული ძალიან ეძვიროთ?

31

კარგი მმართველობისთვის არ გამოიძებნება ყოველთვის ხელშემწყობი ზოგადი წესები და შეუცდომელი ღონისძიებები; გასათვალისწინებელია დრო და გარემოებანი, რაც მმართველის გამჭრიახობასა და კეთილგონიერებაზეა დამოკიდებული. ამიტომაც სახელმწიფოს უზადოდ გაძლოა გონების შედევრად ჩაითვლება. მაგრამ ეს შეუძლებელი და მიუღწეველი იქნებოდა, რომ ხალხი, მიჩვეული მორჩილებასა და ხელქვეითობას, სანახევროდ არ ასრულებდეს ამ საქმეს.

32

უდიდესი ხელმწიფის მმართველობის ქვეშ უმაღლესი თანამდებობის პირთ აკისრიათ მეტად იოლი მოვალეობა, რასაც ყოველგვარი გაჭირვების გარეშე ასრულებენ. ერთი წყაროდან მოედინება ყოველივე. მეფის გენია და პრესტიჟი მათ უკაფავს გზას, აცილებს დაბრკოლებებს და რომ არ მოეღიან, ისეთ კეთილდღეობას უქმნის ქვეყანას. მათი დამსახურება კი მარტოოდენ მორჩილებაა.

თუ ძალიან ძნელია გაუძღვე მხოლოდ ერთ ოჯახს, საკმაოდ ძნელია საკუთარ თავზე აგო პასუხი, მაშ, რა მძიმეა, რა გამთანგავი, სწიო ჰაპანი მთელი სამეფოსი! ამ მძიმე ჯათის სანაცვლოდ ზელმწიფისთვის ნუთუ ჯილდოა განუსაზღვრელი ძალაუფლების წყალობით მიღებული სიამოვნება და კარისკაცთა ყურმოჭრილი მონობა? წარმოვიდგენ იმ გაუქვალავ, ნარ-ეკლიანსა და სახიფათო გზებს, რასაც მეფე ხანდახან იძულებით მიჰყვება, რათა ხალხს მშვიდობა დაუმკვიდროს. ვიგონებ, რაოდენ უკიდურესს, მაგრამ აუცილებელ ზომებს მიმართავს იგი ამალღებული მიზნების ხორც-შესასხმელად; ვიცი, თვით ღმერთის წინაშე უნდა აგოს პასუხი თავისი ხალხის კეთილდღეობის გამო. მის ხელშია ყველას ავ-კარგი და თუ რამ გამორჩა მხედველობიდან, არ ეპატიება. და ჩემს თავს ვეკითხები: „მინდა მეფობა? კაცი პირად ცხოვრებაში ოდნავ თუ მაინც ბედნიერია, განა სამეფო ტახტი უნდა ენატრებოდეს? ხომ მძიმეა გვირგვინი იმათთვისაც კი, ვისაც მემკვიდრეობით მიუღია, ეგ წოდება, ვინც მეფედ დაბადებულა? "

34

რამდენი რამ უნდა ჰქონდეს მაღალი ციდან მომადღებული კარგ მეფეს! უნდა იყოს გვირგვინოსანთა შთამომავალი, უნდა ჰქონდეს მბრძანებლური და დიდებული იერი, რაც კარისკაცებს პატივისცემას უნერგავს და მაღალ წარმოდგენას უქმნის ხალხს, რომელიც მუდამ ისწრაფის შეხედოს მეფეს; განწყობილება თანაბარი უნდა ჰქონდეს ნიადაგ, არ უყვარდეს ენამწარე დაცინვა, ან ჰყოფნიდეს ჰკუა, არ გამოამყლავნოს მისდამი მიღრეკილება; არაოდეს წამოსცდეს არც მუქარა და არც საყვედური; არ მრისხანებდეს და ყველა მორჩილებაში ჰყავდეს. უნდა იყოს გონებამახვილი და გამჭირახი, რადგან ისე წრფელი, ისე გულგახსნილი უნდა ჩანდეს, რომ სხვას ეგონოს, მის გულში ვიხედებით და ეს მოუპოვებს მეგობრებს, მსახურებსა და მოკავშირეებს. უნდა შეეძლოს იყოს თავშეკავებული, გულჩახვეული, სიტყვაძუნწი, როცა საქმე მის განზრახვებსა და გეგმებს ეხება; ხალხში სერიოზულობა და თავდაპერილობა მართებს. უცხო ქვეყნების ელჩებთან თუ სახელ-

მწიფო საბჭოში მისი პასუხები უნდა იყოს მოკლე, ზუსტი და გონივრული. მოწყალებას გასცემდეს უხვად და თავაზიანად; იცოდეს, როგორ შეარჩიოს ადამიანები დასაჯილდობლად. გონიერების, ნიჭისა და ხასიათის მიხედვით თანამდებობების განაწილება შეეძლოს, ასევე შერჩევა გენერლებისა და მინისტრების; იცოდეს მტკიცე, საფუძვლიანი, უყოყმანო გადაწყვეტილებების მიღება, რათა ყველას სწამდეს, რომ მისი ყოველი წამოწყება უებროა და ძაუკეთესო. ახასიათებდეს მისაბაძი პირდაპირობა და სამართლიანობა იმდენად, რომ პირადი ინტერესების საწინააღმდეგოდაც კი უტყერდეს მხარს ხალხს, მოკავშირეებსა და თვით მტერს. მუდამ ახსოვდეს ქვეშევრდომთა სახე, სახელი, გაჭირვება და თხოვნა. უნდა ჰქონდეს მიღებული მრავალმხრივი ცოდნა, რაც საშუალებას მისცემს ჩაწვდეს საგარეო ურთიერთობის და ვაჭრობის საკითხებს, ზახელმწიფო კანონების სიბრძნეს, პოლიტიკურ სიტუაციებს; ზრუნავდეს საზღვრების გადიდებაზე ახალი პროვინციების დაპყრობითა და მათი დაცვისათვის მიუდგომელი ციხე-სიმაგრეების აგებით. ამასთან ერთად, თავისი ცოდნა გამოიყენოს სამეფოს შინაგანი მდგომარეობის გასაუმჯობესებლად, და თან ყოველგვარი წვრილმანი გაითვალისწინოს. განდევნოს სახელმწიფოსთვის მავნებელი, ყალბი, საეჭვო კულტმსახურება, თუკი ქვეყნად გავრცელდა იგი. გააუქმოს სასტიკი და უწმინდური ჩვევები, თუკი ისინი გაბატონებულნი არიან მის სამფლობელოში. შეცვალოს კანონები და ადათწესები, თუ მათ ბოროტად იყენებენ. ქალაქების უშიშროებისა და მყუდროების უზრუნველსაყოფად დააწესოს ფხიზელი მეთვალყურეობა. ააგოს შესანიშნავი შენობები, რაც ქალაქს მეტ ელვარებასა და დიდებულებას შემატებს. მკაცრად დასაჯოს ბინძური მანკიერება; პირადი მაგალითით ხელი შეუწყოს ღვთისმოსაობისა და ჭაბუნების გაფურჩქვნას. დაიცვას ეკლესია, მისი უფლებები, ზრახვები; მფარველობა გაუწიოს სამღვდლოებას. გაუფრთხილდეს ზალხს, როგორც ღვიძლ შვილებს. ზრუნავდეს, შეუმსუბუქოს ტვირთი, შეუმციროს გადასახადები იმდენად, რომ მათი აკრფის შედეგად არ ლატაკდებოდეს მოსახლეობა. იყოს ნიჭიერი მხედართმთავარი, ფხიზელი, ბეჯითი, შრომისმოყვარე. ჰყავდეს აურაცხელი ლაშქარი, პირადად მიუძღვებოდეს მას; იყოს შეუდრეკელი ბაფრთხის წინაშე, საკუთარ სიცოცხლეს მხოლოდ სამშობლოს გა-

დასარჩენად უფროთხილდებოდეს. სახელმწიფოს დიდებასა და კეთილდღეობას პირად ბედნიერებაზე მაღლა აყენებდეს. სარგებლობდეს განუსაზღვრელი უფლებებით. არსად გააქაქანოს გაიძვერობა, ინტრიგები, შეთქმულებები. შეამციროს უსაზღვრო მანძილი დიდსა და პატარას შორის, დაახლოოს ერთმანეთთან. ყველა თანაბრად შეაჩვიოს მორჩილებას. დიდი განსწავლულობა ნებას აძლევდეს საკუთარი თვალით შეხედოს ყოველივეს, დამოუკიდებლად და შეუფერხებლად იმოქმედოს. მხედართმთავრები, თუნდაც მისგან შორს იმყოფებოდნენ, იყვნენ მხოლოდ მისი მხედართმთავრები და მინისტრები — მხოლოდ მისი მინისტრები, ვით ბრძენს შეჭფერის, იცოდეს როდის დაიწყოს ომი, როგორ გაიმარჯვოს, მოხერხებულად ისარგებლოს გამარჯვებით, დადოს ზავი, დაარღვიოს მშვიდობა და ხანდახან, სხვადასხვა მოსაზრებების შედეგად, მტერს აიძულოს, ზავი გამოაცხადოს. საზღვარი დაუდოს თავის მგზნებარე პატივმოყვარულ მიზნებს და დაპყრობის სურვილს. ფარული თუ აშკარა მტრებით გარშემორტყმულმა მოიცალოს თამაშისათვის, ზეიმებისთვის, სანახაობებისთვის. ხელი შეუწყოს ხელოვნებისა და მეცნიერების აყვავებას; შთაიფიქროს და კიდევაც ააგოს სრა-სასახლეები. ჰქონდეს სული ძლიერი და ამაღლებული, რათა სიყვარული და მოწიწება შთააგონოს შინაურებს, ხოლო უცხოელებს — შიში. შეეძლოს სამეფო კარი და მთელი სახელმწიფო გადააქციოს ერთ მკიდროდ შეკავშირებულ ოჯახად, რომელსაც ეყოლება ერთი მეთაური და ასე შეხმატკბილებული, მტკიცე ჯაჭვად შეკრული ქვეყანა თავზარს დასცემს მთელ სამყაროს.

ჩემის აზრით, ეს შეუდარებელი თვისებები ქვეყნის მბრძანებლის დამახასიათებელი ნიშანი უნდა იყოს. მართალი კია, რომ ყველა ერთად იშვითადაა თავმოყრილი ერთ პიროვნებაში; ამისათვის ბევრი რამ უნდა იყოს გაერთიანებული: გონება, გული, გარეგნობა, ხასიათი. და, მე მგონი, მონარქი, ვის პიროვნებაშიაც ერთმანეთს ერწყმის ეს თვისებები, ღირსია ეწოდებოდეს დიდი ხელმწიფე.

თავი მეთერთმეტი

ადამიანის უსასხე

1

მოდით, ნუ აღვშფოთდებით იმის გამო, რომ ადამიანი უგულოა, უმადური, უსამართლო, ქედმაღალი, უყვარს თავისი თავი და არ უყვარს მოყვასი; ამგვარი დაიბადა იგი, ეს არის მისი ბუნება. ამაზე გაჯავრება იგივეა, რომ ბრაზი მოგივიდეს, ქვა ძირს რად ვარდება, ან ცეცხლის ალი ზემოთ რატომ აღისო.

2

ერთი მხრივ, ადამიანები ცვალებადი ხასიათის როდი არიან, თუ საქმე არ ეხება წვრილმანებს: იცვლიან ტანსაცმელს, მეტყველებას, გარეგან იერს, ზრდილობის წესებს, ხანდახან გემოვნებასაც, მაგრამ ინარჩუნებენ ცუდ ზნეს: მტკიცე და ურყევი არიან ბოროტებაში და გულგრილნი სიკეთის მიმართ.

3

პლატონის სახელმწიფოს მსგავსად სტოიციზმი ჭკუის ჭყლეტაა, განუხორციელებელი ოცნება. სტოიკოსნი გვარწმუნებენ, თითქოსდა შესაძლებელი იყოს არაფრად ჩააგდო საკუთარი სიღარიბე, შეურაცხყოფა, უმადურობა, ქონების, მშობლებისა და მეგობრების დაკარგვა. გულგრილად შეხედო სიკვდილს, როგორც რაღაც წვრილმანს, რაც არც გაცინებს და არც გატირებს. არ განიცადო არც სიამოვნება, არც ტკივილი; იგრძნო როგორ გაგემირავს მანვილი, ანდა მოგეკიდება ცეცხლი და ერთი კვნესაც არ აღმოგხდეს, ერთი ცრემლიც არ ჩამოგივარდეს. მათ შექმნეს სათნოებისა და სიმტკიცის რაღაც აჩრდილი და ინებეს მისთვის ბრძენი დაერქმიათ. თავი არ შეიწუხეს ადამიანში შემჩნეული ნაკლი და სისუსტე გამოეაშკარაებინათ და ოდნავ მაინც გამოესწორებინათ. იმის ნაცვ-

ლად, რომ დაეხატათ ადამიანის მანკიერების ამსახველი და მის გამოსასწორებლად გამიზნული შემზარავი ან სასაცილო სურათი, შეუქმნეს სრულყოფილებისა და გმირობის მიუღწეველი იდეალი და შეუძლებელისკენ სწრაფვა დაუსახეს მიზნად. ამგვარად, ბრძენი, რომელიც მხოლოდ მათ წარმოსახვაში არსებობს, ბუნებრივია. მაღლა დგას ყოველგვარ მოვლენაზე თუ განსაცდელზე. ნიკრისის ქარი შეუტევს მწარედ, თუ მუცელი დაუწყებს გვრემას, ერთსაც არ დაიკვენესებს; მიწა პირს იზამს, თუ ცა ჩამოიქცევა, ვერ წაღეკავს მას და სამყაროს ნანგრევებზე იდგება მყარად. ხოლო ადამიანი, რომელიც სინამდვილეში არსებობს, თავს კარგავს, ყვირის, სასოწარკვეთილებას ეძლევა, თვალიდან ნაპერწკლებს ყრის, ქოშინებს თუ ფინია დაეკარგა, ან ფაიფურის ზიზილ-პიპილო გაუტყდა.

4

აზრთა და გრძნობათა ცვალებადობა, ხასიათისა და საქციელის უთანაბრობა ადამიანის ბუნების სისუსტეა, მაგრამ სისუსტე სხვადასხვაგვარი არსებობს. ისინი თითქოს ერთმანეთთან დაკავშირებული არიან, მაგრამ ადამიანს თუ ერთი ნაკლი აქვს, ყოველთვის როლი ნიშნავს, რომ უთუოდ ყოველმხრივ მანკიერია.

5

ძნელია თქვა, ყოყმანი უბედურებაა თუ საზიზღრობა, ისევე როგორც ვერ გაერკვევი, რა სჯობს, ცუდი გადაწყვეტილება მიიღო, თუ სულ არ მიიღო გადაწყვეტილება.

6

ცვალებადი ხასიათის კაცი წარმოდგენს არა ერთს, არამედ რამდენიმე ადამიანს ერთად. რამდენი ახალი გემოვნება, ახალი ქცევა უჩნდება, იმდენი ადამიანი იზადება მასში. ყოველ წუთს აღარ არის ის, რაც უწინ იყო და აღარ იქნება ის, რაც ახლა არის. მუდმივ იცვლის სახეს. ნუ იკითხავთ, რა ჰკუთის კაციაო, იკითხეთ, რა ჰკუთაზეაო. ნურც იმას იკითხავთ, რა ხასიათი აქვსო, იკითხეთ

რა ხასიათზეაო. ხომ არ ცდებით? თქვენ რომ გამოელაპარაკეთ, ეგ ვეტიკრატუსია? რა ცივად შეგხვდათ დღეს! გუშინ სულში ისე გიძვრენდათ, ისე გეფერებოდათ, რომ მისმა მეგობრებმა ეჭვიანობა დაიწყეს. კარგად გიცნობთ? უთხარით თქვენი სახელი.

7

მენალკი¹ კიბეზე ჩამოდის, გარეთ უნდა გავიდეს, მაგრამ კარებს მაშინვე ხურავს, უკან ბრუნდება. შენიშნავს, თავზე ღამის ჩაჩი აქვს ჩამოფხატული. კარგად აკვირდება და ამჩნევს, მხოლოდ ცალი ყბა გაუპარსავეს, ხმალი მარჯვნივ ჩამოუკიდია, წინდები ქუსლებამდე ჩასჩაჩვია, პერანგიც შარვალში არ ჩაუტანებია. გაღადის მოედანზე, უცბად რაღაც მძლავრად ხვდება მუცელში თუ ცხვირ-პირში. ვერ გაუგია, რა უნდა იყოს. ბოლოს თვალს ახელს, გონს მოდის და ხედავს, იმყოფება ურმის ხელნის პირისპირ ან ღურგლის მხარზე გადებული ფიცრის უკან. ერთხელ ისიც დაემართა, რომ ბრმას დაეჭაბა, ფეხებში გაებლანდა და ორთავე აქეთ-იქით გადაყირავდა. რამდენჯერ მოსვლია, მეფეს შეჩჩებია და ძლივს მოუხერხებია კედელს აკვროდა და გზა მიეცა. რაღაცას ეძებს, ჩხუბობს, ყვირის, ცხარობს, ხან ერთ მსახურს ეძახის, ხან მეორეს; ყველაფერს უკარგავენ, არაფერს თავის ადგილას არ დებენ! ხელთათმანებს შოითხოვს, ხელზე კი უკეთია, ემართება სწორედ ის, რაც შეემთხვა ერთ ქალს, რომელიც ეძებდა ნილაბს, როცა ნილაბი პირზე ჰქონდა აფარებული. მენალკი მეფის აპარტამენტებში შედის. გაივლის ქალის ქვეშ, მისი პარიკი ქალს გამოედო და ზედ ჩამოეკიდა. კარისკაცებმა დაინახეს და სიცილი აუტყდათ. მენალკიც მათ ბაძავს, მათზე ხმამალა იცინის. თვალებს აცეცებს, ეძებს ამდენ ხალხში პარიკი ვის დაეკარგა და ვის გამოუჩნდა ყურები. ქალაქის ქუჩებში მისეირნობს, გაივლის მცირე მანძილს და ეჩვენება, გზა ამებნაო. აღელვებული ეკითხება გამვლელებს, რომლებიც უსახელებენ სწორედ იმ ქუჩას, სადაც თვითონ ცხოვრობს. ბოლოს შე-

¹ ეს იმდენად დამოუკიდებელი ხასიათი არ არის, რამდენადაც დაბნეულობის სხვადასხვა ფაქტების კრებულია. თუ თავშესაქცევად მოგეჩვენებათ, მაშინ მათი ასეთი სიმრავლე გადაჭარბებულად არ ჩაითვლება, თან არჩევანიც დიდია.

დის თავის სახლში, საიდანაც მყისვე გამოიბრუნა, რაკი ჰგონია, სხვაგან მოვხვდითო. მართლმსაჯულების სასახლიდან გამოდის. სადარბაზო კართან ეტლი ხვდება. თავისი ჰგონია. ჯდება. მეეტლე დაძრავს ეტლს, დარწმუნებულია, თავისი ბატონი მიჰყავს შინ. მენალკი ეტლიდან გადმოხტა. გაიარა ეზო, ავიდა კიბეზე, შევიდა ტალანში, საწოლ ოთახში, კაბინეტში. ყველაფერი ნაცნობია, ახალს ვერაფერს ამჩნევს. ჯდება, ისვენებს. თავის სახლშია. ბრუნდება პატრონი. მენალკი დგება, ეგებება. ზრდილობიანად ესალმება, სთხოვს დაბრძანდეს და ცდილობს გაართოს. ლაპარაკობს, ჩაფიქრდება, ისევ ლაპარაკობს. სახლის პატრონმა აღარ იცის რა ქნას, გაკვირვებულია. მენალკი არა ნაკლებაა გაკვირვებული, მაგრამ არ იმჩნევს. დარწმუნებულია, ესტუმრა მომბაბეზრებელი და უსაქმო კაცი, რომელიც ბოლოს და ბოლოს, ალბათ, წავა. ამის იმედით მოთმინებას არ ჰკარგავს. დაღამდა და როგორც იყო გაიგო, რაც დაემართა. ერთხელ, ესტუმრა ერთ ქალბატონს. უცბად წარმოიდგინა, თითქოს ქალი ეწვია მას. ჩაჯდა სვარძელში და აღარ აპირებს წასვლას. ფიქრობს, ამ ქალს ხანგრძლივი სტუმრობა ჰყვარებიაო. ყოველ წუთს ელის, ახლა წამოდგება და აქედან მოშორდებაო. რაკი ვიზიტს დასასრული არ უჩანს, უკვე ჩამობნელდა და მენალკსაც მოშვიდა, ქალს სთხოვს, ივანშმოს მასთან. ქალი იცინის, ისე ხარხარებს, რომ მენალკი გონს მოდის. დილას ჯვარი დაიწერა მენალკმა; საღამოს გადააეწყდა. საქორწინო ღამე შინ არ გაუთევია. რამდენიმე წლის შემდეგ დაკარგა ცოლი. მის ხელში დალია სული ქალმა. დაესწრო კიდევ მის გასვენებას. ხოლო მეორე დღეს, როდესაც მოახსენეს, საუზმე მზად გახლავთო, იგი კითხულობს, მეუღლე თუა ჩაცმული, თუ გააფრთხილეთო. იგივე მენალკი ეკლესიაში შედის. კედელთან ატუზული უსინათლო მათხოვარი ჰგონია სვეტი, მისი ფინჯანი — აიაზმის ჯამი. ჩაყო ხელი, შუბლთან მიიტანა და უეცრად, ეს რა ესმის, სვეტი ლაპარაკობს, სვეტი ლოცულობს. მენალკი მიიწევს წინ, თითქოს საკურთხეველს უახლოვდება. მძიმედ ეშვება მუხლებზე. ნაგებობა გადმოიწია, ძირს დაეხიტა და შეჰყვირა კიდევ. მენალკი განცვიფრებულია, თურმე ნუ იტყვიო, მუხლი მოუყრია ერთი ჩიკორა კაცის ფეხებზე, აწვება ზურგზე, მკლავები ილღის ქვეშ გაუყრია, ხელები მის ცხვირპირზე გადაუქდია. დარცხვენილი წამოხტა და სხვაგან ჩაიმუხლა.

სალოცავად განემზადა, ლოცვანი ამოიღო. ლოცვანი კი არა, სა-
ლაშქრი მაშია წამოუღია, რადგან ქაშნი ჰგონებია და შინიდან
გამოსვლისას ჯიბეში ჩაუდვია. ის იყო, ეკლესიის ზღურბლს გა-
დააბიჯა, რომ ლივრეიანი ლაქია დაედევნა, წამოეწია და სიცილით
ჰკითხა, მისი უწმინდესობის მაშია ხომ არ გამოგყვათო. მენალკმა
თავისი მაშია უჩვენა და უთხრა, ამის მეტი არაფერი მაქვსო.
მაინც დაიწყო ჯიბეების ქექვა და ეპისკოპოსო...-ის მაშია ამოაძ-
რო. ეპისკოპოსთან ცოტა ხნის წინათ ყოფილიყო. ეპისკოპოსი
შეუძლოდ ბრძანდებოდა და ბუხარს ეფიცებოდა. გამომშვიდობე-
ბისას მენალკი იატაკზე დაგდებული ხელთათმანის ასაღებად დაი-
ხარა და ხელთათმანის ნაცვლად მაშია გამოიყოლა. ასე და ამ-
გვარად, მენალკი ეპისკოპოსის მაშის გარეშე დაბრუნდა შინ.
ერთხელ, ქისაში რაც კი ფული ჰქონდა, წააგო. თამაშის გაგრძელე-
ბა სურდა. კაბინეტში ავიდა, კარადა გახსნა, ზარდახშა გამოიღო,
რამდენიც ესაჭიროებოდა იმდენი ფული აიღო და დარწმუნებულმა
თავის ადგილზე დავდო, კარადა დახურა. უცბად იქიდან ყეფა
შემოესმა. ამ სასწაულით ფრიად გაოცებულმა ისევ გააღო კარადა,
საიდანაც გადმოხტა ფინია, რომელიც ზარდახშის ნაცვლად შიგ
შეეგდო. სიცილი წასკდა. ტრიქტრაქს თამაშობდა. წყალი მოი-
თხოვა. მოართვეს. თამაშში მისი ჯერი იყო. ცალ ხელში ჩახვი
ეჭირა, მეორეში — ჰიჭა. რადგან ძალიან სწყუროდა, ბირთვი გა-
დაყლაპა და კინალამ ჩახვიც ზედ მიაყოლა. ჰიჭა ტრიქტრაქის და-
ფაზე დააგდო და პარტნიორი გაწუწა. მანლობელი კაცის ოთახში
საწოლზე დააფურთხა და ქუდი იატაკზე დააგდო, ეგონა, იატაკზე
დავაფურთხე და ქუდი საწოლზე დავაგდეო. მდინარეზე ნავით სე-
ირნობდა. იკითხა, რომელი საათიაო. მიაწოდეს საათი. გამოართვა
და უმალ გადაავიწყდა ღროც და საათიც. საათი წყალში გადაისრო-
ლა, ეს რაღა არის, ხელს მიშლისო. გრძელ უსტარსა წერს. რამ-
დენჯერაც ქალაღს დააყარა ქვიშა, იმდენჯერვე სამელნეშიც ჩა-
ყარა. ეგ კიდევ არაფერი. მეორე წერილიც დაწერა. ორივე და-
ლუქა და მისამართები შეეშალა. დიუკმა და პერმა ერთი მათგანი
შიიღო, გახსნა და წაიკითხა: „მეტრ ოლივიე, მიიღებთ თუ არა ამ
წერილს, დაუყოვნებლივ გამომიგზავნეთ თივა...“ მისმა ფერმერ-
მაც შიიღო წერილი, გახსნა და სხვას სთხოვა, წამიკითხეო. ეწერა:
„მონსენიორ, ბრმა მორჩილებითა და უღრმესი მოწიწებით მივიღე

ბრძანება, რაიც თქვენს უდიდებულესობას უნებებია...“ მენალკმა ღამით კიდეც ერთი წერილი დაწერა. დალუქა თუ არა, ჩააქრო სანთელი და მის გაკვირვებას საზღვარი არ ჰქონდა, რატომ ვერაფერს ვხედავო. ძლივძლივობით გაერკვა, რაც მოხდა. ლუვრის კიბეზე ჩამოდის. ვილაც ადის კიბეზე. მენალკი შესძახებს: „სწორედ თქვენ გეძებდით!“ ხელს ჩასკიდებს, ძირს ჩაიყვანს, გაატარებს. რამდენიმე ეზოს, მიათრევს დარბაზებში, გამოჰყავს იქიდან, უკან შეჰყავს. ბოლოს შეხედა კაცს, ვისაც თხუთმეტი წუთი წინ და უკან დააჩანჩალებდა. უკვირს, ამასთან რა მინდაო. არ იცის რა უთხრას. გაუშვა ხელი და ზურგი შეაქცია. ზოგჯერ რაღაცას გკითხავთ და სანამ ხმის ამოღებას მოასწრებდეთ, უკვე შორსაა თქვენგან. ანდა საღდაც გარბის და თან გეკითხებათ, მამათქვენი როგორ ბრძანდებო. თქვენ ეუბნებით, ძალიან ცუდადააო, ის კი მოგაძახებთ, სასიამოვნოა ამის გაგებაო. გზაზე გადაგეყრებათ, ალტაცებულია თქვენი ხილვით. შინიდან იმიტომ გამოვიდა, რომ დიდი საქმე აქვს თქვენთან. დახედა თქვენს ხელს; რა მშვენიერი ლალი გაქვთ, გეუბნებათ, წმინდა წყლისაა, არა? მიგატოვებთ და განაგრძობს გზას. ხომ ხედავთ, რა დიდი საქმე ჰქონია. სოფელშია. ვილაცას ეუბნება, რა ბედნიერი ხართ, რომ შეგიძლიათ შემოდგომა სამეფო კართან ერთად ფონტენბლოში კი არა, თქვენს მამულში გაატაროთო. ახლა სხვებთან გააბამს მასლაათს აქეთურზე თუ იქითურზე, მერე ისევ იმ კაცს მიუბრუნდება და ეტყვის, რას ისიამოვნებდით ფონტენბლოში, კარგადაც ინადირებდითო. ამბის მოყოლას დაიწყებს და აღარ დაასრულებს, თავისთვის ხითხითებს, რაღაც აზრი გაუელვებს თავში, შეჰყვარებს. თავის თავსვე აძლევს პასუხს. ღიღინებს, უსტვენს, სკამზე გაიშოტება, აკვნესდება, ამტნარებს, ჰგონია, მარტოღმარტოა. ვილაცასთან სუფრას უზის. თეფში თანდათან ევსება პურით, ჩანგლებითა და დანებით. მეზობლებს კი აღარც ერთი აქვთ და აღარც მეორე. განა დააცადათ პური გადაეღოთ ან დანა-ჩანგალი მოეხმარათ? რაკი ძალიან მოსახერხებელია, ამ ბოლო დროს სუფრაზე ჩამჩებს ხმარობენ. მენალკი იღებს ჩამჩას, ჩაუშვებს საწვანეში, გაავსებს, მიიტანს პირთან და ძალიან უკვირს, თუ რატომ გადაესხა ტანსაცმელზე სუპი, რაც იმ წუთას შეხვრიპა. სადილობისას ავიწყდება ღვინის დაღევა; თუ გაახსენდა და შეხედა, ბევრი დამისხესო, ნახევარზე მეტს

მარჯვნივ მჯდომ კაცს შეასხამს სახეში, დანარჩენს არხეინად შესვამს და ვერ გაუგია, რატომ ხარხარებს ყველა, ნუთუ იმის გამო, რომ ზედმეტი ღვინო იატაკზე გადააქცია? ერთ ღღეს შეუძლოდ იგრძნო თავი და ლოგინში ჩაწვა. მის სანახავად მოსული მამაკაცები და ქალები საწოლის გარშემო სხედან და საუბრით ართობენ. მათი თანდასწრებით საბანს, იხდის და ზეწარზე აფურთხებს. წმიდა ბრუნოს ორდენის ბერებმა თავიანთი მონასტერი და შიგ გამოფენილი შესანიშნავ მხატვართა ტილოები დაათვალიერებინეს. ერთმა ბერმა, რომელიც ახსნა-განმარტებას იძლეოდა, წმიდა ბრუნოსა და კანონიკზე ჩამოაგდო სიტყვა. მოუყვა, რაც გადახდა თავს კანონიკს და ამის ამსახველი სურათიც უჩვენა. მენალკი ამ დროს ფიქრებმა შორს გაიტაცა, შორს ამ მონასტრიდან და ბერის მონაყოლი ამბებიდან. ბოლოს, გონს მოეგო და იკითხა, საუკუნო წამება კანონიკს თუ წმიდა ბრუნოს მიესაჯაო. მოხდა ისე, რომ ერთ ახალგაზრდა ქერივს შეხვდა. გაახსენა განსვებული მეუღლე და ჰკითხა, რით გარდაიცვალაო. ამ საუბარმა ქალს დარდი განუახლა. გული ამოუჯდა. აქეთინებულმა დაწვრილებით მოუყვა ქმრის ავადმყოფობა. რა კარგად იყო, როგორ მისცა სიცხე და როგორ დალია სული. „ქალბატონო, შეეკითხა მენალკი, რომელიც, ჩანდა, ყურადღებით უსმენდა, ეგ ერთი გყავდათ მხოლოდ?“ დილიდანვე თავზე დაადგა მზარეულებს, აბა, ჩქარაო. ხილის მოტანას არ მოუცადა, ყველას დაემშვიდობა და გარეთ გავიდა. იმ ღღეს ქალაქის ყველა კუთხეში ნახეს იგი, გარდა იმ ადილისა, სადაც გადაუღებელი პემანი ჰქონდა დანიშნული იმ საქმის გამო, რის გულისთვისაც ხეირიანად არ ისადილა, ქუჩაში ფეხით გამოვიდა, ვითუ ეტლმა დაიგვიანოსო. გესმით, როგორ ყვირის, ცოფებს ყრის, ბრაზობს ერთ მსახურზე. გაკვირვებულულია, სად დაიკარგაო. სად არის? რას აკეთებს? რა დაემართა? აღარ დამენახოს, თუ ამ წუთას აქ არ გაჩნდა, გავაგდებო. მსახური მოვიდა. ბატონი მრისხანედ შეეკითხა, საიდან მოდიხარო. მსახურმა მიუგო, იქიდან გეახლებით, სადაც თქვენ გამგზავნეთო, და რაც გააკეთა დაწვრილებით მოახსენა. ზოგჯერ გეჩვენებათ ისეთი, როგორიც არ არის, — ყეყეჩი, რადგან არ გისმენთ და კრინტსაც არ ძრავს. გეჩვენებათ გიყი, ვინაიდან არათუ ხმამალლა ესაუბრება თავის თავს, არამედ უცნაურადაც იმანჭება და თავს აქეთ-იქით

უაზროდ აქნევს. გეგონებათ ქედმაღალი და უზრდელი, რამეთუ თქვენ ესალმებით და ის ზედაც არ გიყურებთ, ან გიყურებთ და არ გესალმებათ. იტყვიტ, დაუფიქრებელიაო, რაკი ვაკოტრებაზე ლაპარაკობს იმ ოჯახის წევრებთან, რომელსაც ეს სამარცხვინო დალი აჩნია. ანდა სიკვდილით დასჯაზე, ეშაფოტზე იმ კაცთან, რომლის მამას თავი მოჰკვეთეს; ლაპარაკობს დაბალ წარმოშობაზე დაბალი წარმოშობის ადამიანთან, რომელიც მდიდარია და თავს აზნაურად ასაღებს. გარდა ამისა, გადაუწყვეტია თვითონ გაზარდოს უკანონო შვილი, შენიღბული მსახურის სახელით. თუმცა არ აპირებს ეს ამბავი ცოლ-შვილს გააგებინოს, დღეში ათჯერ მაინც წამოსცდება, შვილოო. მოუსურვებია თავისი კანონიერი ძე ფინანსისტის ასულზე დააქორწინოს, მაგრამ ერთ შემთხვევასაც არ გაუშვებს, თავისი საგვარეულოს მაღალი წარმოშობა რომ არ ახსენოს და არ თქვას, მენალკებს უთანაბრო ქორწინება არ სჩვევიათო. დაბოლოს, საზოგადოებაში დაუკვირვებელი და უყურადღებოა საუბრის თემის მიმართ. ერთდროულად ფიქრობს და ლაპარაკობს, მაგრამ მეტწილად ამბობს ერთს, ფიქრობს სხვას, ამიტომაც მისი ნათქვამი არ არის თანმიმდევრული და გააზრებული. ჰოს მაგივრად ამბობს არას, არას მაგივრად — ჰოს. ზუსტსა და შესაბამის პასუხს გაძლევთ, თვალის ღია აქვს, მაგრამ ვერაფერს ხედავს, არ გიყურებთ არც თქვენ, არც სხვას; არც არვის და არც არაფერს აპყრობს მზერას. თუ შესანიშნავ გუნება-განწყობილებაზეა და თან უაღრესად ყურადღებიანი თქვენდამი, შესაძლებელია გამოგლიჯოთ ორიოდ სიტყვა: დიახ, მართლაც, ჭეშმარიტებაა, კარგი! არ ხუმრობთ? აბა-აბა! მგონი ასეა! რა თქმა უნდა, ო, ღმერთო ჩემო! და კიდევ რაღაც ერთმარცვლიანი შეძახილები, ისიც უადგილო ადგილას ჩართული. ერთს ელაპარაკება და სხვა ჰგონია. თავის ლაქიას დარბაისლური კილოთი მიმართავს, ბატონოო. მეგობარს, — „ეჰეი, ბიჭო!“ ტახტის მემკვიდრეს — „თქვენო უწმინდესობავე“, მღვდელს — „თქვენო უდიდებულესობავე“. წირვა-ლოცვაზეა. მოძღვარმა ცხვირი დააცემინა. ეუბნება, ღმერთი იყოსო თქვენი შემწე. მაგისტრატთან იმყოფებოდა. ეს დარბაისელი, პატივსაცემი, ხანშიშესული, მაღალი მდგომარეობის კაცი რაღაც ამბით იყო დაინტერესებული და ჩაეკითხა, ხომ ასე მოხდაო. „დიახ, მადმუაზელ“, მიუგო მენალკმა. ერთხელ სოფლიდან ბრუნ-

დებოდა. მისმა ლივრეიანმა ლაქიებმა ბატონის გაძარცვა გადაწყვიტეს და საწადელსაც მიაღწიეს. ეტლის სატერფულებიდან გადმოხტნენ, დანის მაგიერ ჩირალდანი მიუტანეს ყელთან და უთხრეს, ფული ან სულიო. მიიღეს ფული. შინ დაბრუნებულმა მეგობრებს უამბო, რაც შეემთხვა. მეგობრებმა გამოკითხვა დაუწყეს და მენალკმა განუცხადა, ჩემი მსახურები ყველაფერს გეტყვიან, იქვე იყვნენო.

8

უზრდელობა განსაკუთრებული მანკიერება როდია. შედეგია მრავალი მანკიერების: ბრიყველი თავმოყვარეობის, საკუთარ ვალდებულებათა უცოდინარობის, სიშტერის, გონებადაფანტულობის, სხვათა არაფრად ჩაგდების, მეშურნეობის. მხოლოდ, უფრო ნათლად მელაენდება და უფრო საზიზღრად მოჩანს. ამიტომაც ყველაზე თვალსაჩინო და აშკარა მანკიერებად ითვლება, თუმცა ყოველთვის არაა შეურაცხმყოფელი და გამომწვევ მიზეზზეა დამოკიდებული.

9

ბრაზიან, მაჩხუბარა, ჯაჯლანა, მოღუშულ, წვრილმანსა და ახორებულ კაცზე რომ იტყვიან, ასეთი ხასიათი აქვსო, არ გეგონოთ, თითქოს ბოდიშს ხდიდნენ. პირიქით, უნებლიეთ აღიარებენ, რომ მისი ესოდენ დიდი ნაკლი გამოუსწორებელია.

ხალხი უგულვებელყოფს იმას, რასაც ხასიათი ეწოდება. უნდა ესმოდეთ, რომ საკმარისი არ არის კეთილი იყო, უნდა გამოიჩინო სიკეთე, თუ გსურს ვინმე დაიახლოვო, დაიმეგობრო, ანუგეშო, ესე იგი, თუ გსურს იყო ადამიანი.

ცბიერი ადამიანებისგან არავინ მოითხოვს სირბილესა და მოქნილობას, ეს მათ არასოდეს აკლიათ და თავიანთი ზრიკებისთვისა და მიაშიტების მახეში გასაბმელად ესაჭიროებათ. კეთილი ადამიანებისგან კი სასურველია იყვნენ ყოველთვის დამთმობნი, გულისხმიერნი, უწყინარნი, რათა ხანდახან მაინც არ გამართლდეს ჭეშმარიტება, რაიც გვაუწყებს, ბოროტნი ზიანს გვაყენებენ. კეთილნი — ტანჯვასო.

მეტწილად ადამიანები ჯერ ბრაზდებიან, მერე შეურაცხყოფენ ვისმეს. ხანდახან, პირიქით, ჯერ შეურაცხყოფენ, მერე ბრაზდებიან. ეს იმდენად გასაოცარია, რომ შეურაცხყოფილი აღშფოთებას ვეღარ ახერხებს.

ადამიანები იშვიათად ეძებენ შემთხვევას, ასიამოვნონ მოყვასს. თითქოსდა იმიტომ იკავებენ რაიმე თანამდებობას, რომ საშუალება მიეცეთ ვინმეს დახმარება გაუწიონ და ამ შესაძლებლობით არ ისარგებლონ. უპირველესი აზრი, რაც მათ დაებადებათ, არის უარი. თანხმობას მხოლოდ დიდი თავისტეხის შემდეგ იძლევიან.

ჯერ ზუსტად აწონ-დაწონეთ, რას შეიძლება მოელოდეთ ადამიანებისგან საერთოდ და თითოეულისგან ცალ-ცალკე, მერე კი ჩაებით საზოგადოებრივ ცხოვრებაში.

ხელმოკლეობა თუ დანაშაულებათა დედაა, ჭკუამოკლეობა — მამაა.

ნამდვილად უნამუსო კაცს არ შეიძლება საკმაო ჭკუა ჰქონდეს. პირდაპირი და მახვილი გონება ადამიანს საბოლოოდ აყენებს წესიერების, პატიოსნების, სიკეთის გზაზე. ბოროტებასა და სიყალბეს ვინც ბრმად ემორჩილება, მოკლებულია საღ აზრსა და გამჭრიახობას. ამოდ ცდილობენ მათ გამოსწორებას სატირის მეშვეობით, რაიც სხვათა მანკიერებას ამათრახებს; მანკიერნი საკუთარ თავს ისევე არ სცნობენ, როგორც ყრუთ არ ესმით, როცა ლანძღავენ მათ. პატიოსან კაცთა საკეთილდღეოდ და საზოგადოების

ინტერესების დასაცავად ისა სჯობია, ვიგინდარა მთლად არ იყოს ჭკუას მოკლებული.

15

არსებობს ისეთი მანკი, რასაც ჩვენ არვის ვუმაღლით, რაც დაბადებით დაგვეყოლია და საკუთარი ჩვეულებებით გაგვიღრმავებია. ისეთიც არსებობს, რასაც სხვებისგან ვიძინთ და რაც ჩვენი ბუნებისთვის არ არის დამახასიათებელი. ზოგჯერ ადამიანი იბადება თვინიერი, მოსიყვარულე, თავაზიანი, მაგრამ იმათი გავლენით, ვისთანაც ცხოვრობს, ან ვისზედაც არის დამოკიდებული, მალე იცვლის ზნესა და შინაგან ბუნებასაც. ველარ იცნობ, ისე იცვლება. ხდება პირქუში, ღვარძლიანი, სრულიად სხვაგვარი გუნებ-განწყობილების. ბოლოს თვითონაც უკვირს, როდის აქეთ გავხდი აგრე გულქვა და ბაიყუშიო.

16

ბევრს უკვირს, ადამიანები რატომ ერთ ოჯახად არ ცხოვრობენ, არ შეადგენენ ერთ ერს, არ ლაპარაკობენ ერთ ენაზე, არა აქვთ ერთნაირი ადათ-წესები და ერთი სარწმუნოება. ხოლო მე, როცა წარმოვიდგენ, რაოდენ განსხვავებულია ადამიანთა ჭკუა-გონება, გემოვნება, გრძნობები, მიკვირს, შვიდი თუ რვა სული ერთ ქერქვეშ, ოთხ კედელს შორის რომ ცხოვრობს და ერთ ოჯახად რომ არის გაერთიანებული.

17

არსებობენ მეტად უცნაური მამები, რომელნიც მთელი სიცოცხლე იმის ცდაში არიან, შვილებს როგორმე მოუმზადონ საფუძველი, რათა მამის სიკვდილის შემდეგ ადვილად ინუგეშონ თავი.

18

ადამიანთა უმრავლესობას ძალიან უცნაური ხასიათი, ჩვევები და საქციელი აქვს. მავანი მთელი სიცოცხლე ყოფილა კუშტი,

ანჩხლი, ძუნწი, გველაძეა, დამდაბლებული, ფუსფუსა, ანგარებიანი, თუმცა დაბადებულა მხიარული, გულთბილი, ზანტი, უხვი, გულადი, ამაყი, ყოველგვარ სიმდაბლეს მოცილებული. ცხოვრების სიდუხჭირე, შექმნილი მდგომარეობა, ბრძოლა არსებობისთვის გახდა მისი ესოდენი გარდაქმნის მიზეზი. ერთი სიტყვით, ამგვარ კაცს თვითონვე არ შეუცვლია თავისი თავი. მისგან დამოუკიდებელმა მრავალმა გარემოებამ დაამახინჯა იგი, შეუცვალა მორალური სახე. იგი აღარც ისეთია, როგორც ჭეშმარიტად არის და აღარც ისეთი, როგორც ჩანს.

19

ცხოვრება ხანმოკლეა და გაუხარელი; მუდმივ მოლოდინში მიედინება. დასვენება და სიამოვნება მომავლისთვის გადაგვიდვია, იმ ასაკისთვის, როცა ქრება უდიდესი სიკეთე, ჯანმრთელობა და ახალგაზრდობა. ბოლოს დგება ის დროც, მაგრამ მოლოდინი გრძელდება. მოლოდინი არც მაშინ წყდება, როცა საბოლოოდ ვსწრებულდებით და სულსაც განვუტყევებთ. თუნდაც განვიკურნოთ, წინ გვექნება კვლავ ხანგრძლივი მოლოდინი.

20

როცა კაცს რაიმე სურს, სრული მონა-მორჩილი ხდება იმისი, ვისგანაც ამ სურვილის შესრულებას მოელის, მაგრამ როგორც კი დარწმუნდება, რომ საწადელს მიაღწია, იწყებს ყოყმანს, მოლაპარაკებას და პირობების წაყენებას.

21

ჩვეულებრივ, ადამიანი ბედნიერი არ არის. ყველა შეგუებულია იმ აზრს, რომ ყოველი სიკეთე ათას მსხვერპლს ითხოვს. ამიტომ ის, რაც იოლად მოგვდის, საეჭვოდ გვეჩვენება. ვერ წარმოგვიდგენია, რამე ძვირად თუ არ დაგვიჯდა, შეიძლება გამოსადეგი იყოს, ანდა თუ რაღაც სწორად გამოვზომეთ, გაუჭირვებლად მივადწევთ დასახულ მიზანს. წარმატების ღირსი რომ ვართ, კარგად ვიცით, მაგრამ წარმატებას თუ მივადწევთ, ამის იმედი იშვიათად გვაქვს.

კაცს, რომელიც ამბობს, ბედნიერება არ მღირსებიაო, შეეძლო მეგობრების ან ნათესავების ბედნიერებით მაინც დამტკბარიყო. ამ შესაძლებლობას შური უქარწყლებს.

ჩემს მიერ ზემოთ გამოთქმული აზრებისდა მიუხედავად, ვიტყვი, რომ, შესაძლებელია, ცხოვრებით უკმაყოფილო კაცი ცდება. ჩანს, ადამიანი გაჩენილია უიღბლობის, მწუხარების და გაჭირვებისთვის. ძალიან ცოტა თუ გადაურჩება ამ ხვედრს. კაცი მზად უნდა იყოს ყოველგვარი უბედურებისთვის.

ადამიანები ისე მიუდგომელნი არიან საქმეში, ისე მიუკარებელნი იქ, სადაც ოდნავი ანგარება მაინც არის გარეული, ისეთი ანჩხლნი, თუ რაიმე დაბრკოლება გადაეღობათ, ისე უნდათ არ მოტყუვდნენ და სხვები მოატყუონ, ისე ძვირად აფასებენ თავიანთ საკუთრებას და ისე იაფად — სხვის ავლა-დიდებას, რომ საკვირველია, როგორ და რანაირად ახერხებენ ერთმანეთთან შეთანხმებას ქორწინებით, კონტრაქტებით, ვაჭრობით, დაზავებით, ხელშეკრულებით, კავშირებით.

ზოგი ქედმაღლობით ცვლის სიღიადეს, სისასტიკით — სიმტკიცეს, ცბიერებით — გონიერებას.

თაღლითს სხვაც თაღლითი ჰგონია. არც თვითონ ტყუვდება და სხვასაც დიდხანს ვერ ატყუებს.

მირჩევენია ვიყო შტერი ან შტერად მივაჩნდე ყველას, ოღონდ თაღლითად ნუ ჩამთვლიან.

კეთილი განზრახვით არავინ ტყუის. თაღლითი ტყუილს ცბიერებასაც უმატებს.

ამქვეყნად ცოტანი რომ იყვნენ დოცლაპიები, მაშინ ნაკლები იქნებოდნენ ისინიც, რომელთაც მოხერხებულსა და გამოცდილ კაცებს ეძახიან და რომელნიც სხვების მოტყუებით თავსაც იწონებენ და ჭილდოებსაც იღებენ. აგრე რომ არ ყოფილიყო, განა ეროფილს სიკეთეს მოუტანდა ორპირობა, თაღლითობა, გაიძვერობა; განა დაიმსახურებდა კეთილგანწყობასა და საჩუქრებს იმათგან, ვისთვისაც ცუდი სამსახური გაუწევია, ან სულაც არაფერი გაუკეთებია? ანდა როგორ იამაყებდა თავისი თავითა და თავისი გაქნილობით?

დედაქალაქის ქუჩებსა და მოედნებზე გამვლელთა ბაგენი წარმოთქვამენ მხოლოდ ისეთ სიტყვებს, როგორიცაა გამოძახება სასამართლოში, ქონების აღწერა, დაკითხვა, ხელწერილი, თამასუქის გასაჩივრება. ნუთუ მთელს დუნიაზე ერთი ბეწო სამართლიანობაც აღარ არსებობს? ვაითუ, პირიქით, ქვეყანა სავსეა ადამიანებით, რომლებიც წარბშეუხრელად ითხოვენ იმას, რაც არ გაუსესხებიათ, ან სესხის დაბრუნებაზე ცივად ამბობენ უარს? საგერბო ქალაღდი, გამოგონილი იმისთვის, რომ კაცს შეახსენოს ან დაუმტკიცოს თვით მის მიერ მიცემული სიტყვა, — სამარცხვინოა კაცობრიობისთვის!

რომ არ არსებობდეს ვნებები, ანგარება, უსამართლობა, დიდ ქალაქებში რა სიმშვიდე დამკვიდრდებოდა! ყოველდღიური საზრუნავი და საკმელზე ფიქრიც კი არ იწვევს ამდენ დავიდარებას.

კეთილგონიერ ადამიანს ისე არაფერი უწყობს ხელს მოთმინებით აიტანოს ნათესავებისა და მეგობრების მიერ მიყენებული მწუხარება, როგორც ფიქრი კაცობრიობის მანკიერებაზე და შეგნება იმისა, თუ რაოდენ ძნელია ადამიანთათვის იყვნენ შეუტყუველნი,

ზულგრძელნი, ერთგულნი და მეგობრობას პირად ინტერესებზე მაღლა აყენებდნენ. ვინაიდან შეგნებული აქვს ადამიანის შესაძლებლობანი, არ მოითხოვს, კაცი კედელში გაძვრეს, ჰაერში იფრინოს, იყოს სამართლიანი. მას შეუძლია სძულდეს ადამიანთა მოდგმა, რომელიც აგრე რიგად მოკლებულია ყოველგვარ სათნოებას, მაგრამ შეუნდობს ცალკეულ პირებს და ამაღლებული მოსაზრებების თანახმად ზოგი უყვარს კიდევ. თვითონ კი ცდილობს, რაც შეიძლება ნაკლებ დაიმსახუროს მსგავსი ლმობიერება.

29

ზოგიერთნი ამქვეყნიურ სიკეთეს ისე მგზნებარედ ველტვით, რომ მასზე გაფიქრებასაც კი ალტაცებაში მოვყავართ და თავს გვაკარგვინებს. ჩაგვივარდება ხელში და რომ არ მოველოდით, ისე გულარხეინად განვეწყობით მის მიმართ. იმდენად აღარ გვიტაცებს მისი დაუფლება, რამდენადაც უფრო მეტი სიკეთის მოხვეჭისკენ მივისწრაფით.

30

არსებობს შემადრწუნებელი უბედურებანი და თავზარდამცემი ბედუკულმართობა, რის წარმოდგენასაც ვერ ბედავს კაცი და რასაც შიშით ვერ უსწორებს თვალს. თუკი ვინმეს თავს დაატყდება, მოულოდნელ ძალას მოიკრებს, პირისპირ მდგარად შეებმება უიღბლობას და რომ არ მოელოდა, ისეთ მხნეობას გამოიჩენს.

31

ზოგჯერ მემკვიდრეობით მიღებული მშვენიერი სახლი, წმინდა სისხლის ცხენი, ჭიშინი ძაღლი, ხალიჩა, საათი კმარა, რომ შეგვიმსუბუქდეს ღრმა მწუხარება და ნაკლებად განვიცადოთ მძიმე დანაკლისი.

32

ჯერ დავუშვი, რომ ადამიანები უკვდავნი გახდნენ სააქაოში, მერე ჩავუფიქრდი, ნეტავ იმაზე გონივრულად თუ მოაწყობდნენ თა-

ვიანთ ცხოვრებას, ვიდრე ახლა აწყობენ, როცა მოკვდავნი არიან.

33

გაჭირვებული ცხოვრება ძნელი ასატანია. ბედნიერი — ძნელი დასაკარგია: ორივე ერთმანეთის ტოლია.

34

სიცოცხლე არის ის, რის შენარჩუნებასაც ადამიანი ყველაზე მეტად ცდილობს და რასაც ყველაზე ნაკლებად უფრთხილდება.

35

ირენმა დიდი ხარჯი გასწია და ეპიდორს გაემგზავრა. ესკულაპუსი ტაძარში მოინახულა და რჩევა სთხოვა, თავს როგორ მოვეუაროო. უპირველეს ყოვლისა შესჩვილა, ძალა გამოემეღია, დაღლილობისგან ფეხზე ველარ ვდგავარო. ღვთაებამ აუწყა, გრძელი გზა გაგივლია და იმის ბრალიაო. ქალმა უთხრა, სალამოს მადა მეკარგებაო. ორაკულმა ბრძანა, სადილზე ნაკლები ჭამეო. ქალმა დასძინა, ღამე არ მძინავსო. ესკულაპუსმა ურჩია, მხოლოდ ღამე გეძინოსო. ირენმა ჰკითხა, რატომ ვსუქლები, რა ვქნაო. ორაკულმა მიუგო, შუადღემდე ნუ იწვები და ხანდახან მოძრაობის საშუალებად ფეხებიც გამოიყენეო. ქალმა განუცხადა, ღვინო მწყენს და საქმელსაც ვერ ვინელებო. ორაკულმა მოახსენა, წყალი დალიე და დიეტა დაიცავიო. ირენი წუხს, მხედველობა შემისუსტდაო. ესკულაპუსი ურჩევს, სათვალე ატარეო. დავსუსტდი ძალიან, განაგრძობს ქალი, ძველებურად ჯან-ღონე აღარ მომდევსო. ბერდებიო, უთხრა ღვთაებამ. რა მომაშორებს ამდენ სატკივარს? უბრალო რამ, სიკვდილი, ირენ, სიკვდილი, რომელმაც მოასვენა დედაშენი, ბებიაშენი. ძეო აპოლონისა, შესძახა ირენმა, აბა რა რჩევას მაძლევ? ნუთუ ეგ არის მთელი შენი სიბრძნე, რასაც ხალხი ხოტბას ასხამს და ქვეყანა ეთაყვანება? აბა რა მითხარით ახალი და ჯადოსნური? განა მე თავად არ ვიცოდი ყოველივე ის, რაც შენ მასწავლე? მე-

რედა, რატომ არ გამოიყენე შენი ცოდნა, მიუგო ღვთაებამ, რად გინდოდა ამ სიშორეს რომ წამოხვედი და გრძელი გზის გავლით შეიმოკლე ღღენი შენნი?

36

სიკვდილი ერთხელ მოდის და ცხოვრების ყოველ წუთს კი ველოდებით მას. სიკვდილის შიში უფრო მძიმე ასატანია, ვიდრე თვით სიკვდილი.

37

მღელვარება, შიში, მწუხარება არ გვაშორებს სიკვდილს, პირიქით, გვაახლოებს. მე მაინც ვფიქრობ, გადაჭარბებული მხიარულება არ შეჭყერის აღამიანებს, რაკი მოკვდავნი არიან.

38

✓ ყველა რომ ნამდვილად სიკვდილის შვილები ვართ, უდავოა. ამის მწარე შეგრძნებას გვიმსუბუქებს ის, რომ არ ვიცით როდის მოგველის იგი. დროის ასეთი განუსაზღვრელობა ერთგვარად უახლოვდება უსასრულობას და იმას, რასაც ვუწოდებთ მარადისობას.

39

ამჟამად ოხვრით ვიგონებთ მჩქეფარე სიჭაბუკეს, რაც აღარ არის და აღარ დაბრუნდება. ნუ გვავიწყდება, მალე დავჩაჩანაკდებით და სინანულით გავიხსენებთ ჩვენს ახლანდელ ასაკს, ვაუკაცობის ასაკს, რასაც ახლა სათანადოდ არ ვაფასებთ.

40

✓ სიბერის გვეშინია, თუმც არა ვართ დარწმუნებულნი, მივალწვეთ თუ არა იქამდე.

41

აღამიანს იმედი აქვს, რომ სიბერემდე იცოცხლებს, სიბერის კი ვეშინია, ეს ნიშნავს, უყვარს სიცოცხლე და სიკვდილს გაურბის.

გაცილებით ადვილია ბუნებას დაჰყვე და გეშინოდეს სიკვდილის, ვიდრე შეიარაღდე გონებით ნაკარნახევი მოსაზრებებით, განუწყვეტლივ ებრძოლო საკუთარ თავს და ყოველი ძალა და ღონე შეალიო იმას, რომ აღარ გეშინოდეს.

ერთნი რომ კვდებოდნენ, მეორენი კი არა, სიკვდილი მეტისმეტად სამწუხარო იქნებოდა.

სიცოცხლეს სიკვდილისგან ხანგრძლივი ავადმყოფობა აშორებს თითქოსდა იმისთვის, რომ სიკვდილი შვებად მიიჩნიოს იმან, ვინც კვდება და იმანაც, ვინც რჩება.

კაცთმოყვარეობის თვალსაზრისით სიკვდილის დადებითი მხარეა ის, რომ სიბერეს ბოლოს უღებს.

სიკვდილი, რომელიც წინ უსწრებს მიხრწნილ სიბერეს უფრო დროულია, ვიდრე სიკვდილი, რომელიც მას ბოლოს უღებს.

ადამიანები ჩივიან, გარდასული დღეები გონივრულად რომ ვერ გამოიყენეს, მაგრამ ჭკუას მაინც არ სწავლობენ და არც დარჩენილ დღეებს იყენებენ უკეთესად.

სიცოცხლე სიზმარია. ბერიკაცი ის არის, ვისაც სხვებზე ღიბხანს სძინავს. იღვიძებს მხოლოდ მაშინ, როცა სიკვდილი მოუკაკუნებს კარზე. განვლილ წლებს თვალს თუ გადაავლებს, დარწმუნ-

დება, ყოველი წელი ერთმანეთს ჰგავდა, რამეთუ არც ერთი მათგანი არ აღინიშნებოდა რაიმე სიკეთით ან ქველი საქმეებით. ამიტომ, იგი ერთმანეთში ურევს სხვადასხვა ასაკს და ისეთს ვერაფერს ამჩნევს, რომ გამოზომოს დრო, რაც უცხოვრია. იგი ნაწყვეტ-ნაწყვეტ, ბუნდოვანსა და ერთფეროვან სიზმარს ხელავედა და გამოლვიძებისას მაინც სხვებივით გრძნობს, რომ დიდხანს სძინებია.

48

ადამიანისთვის მნიშვნელოვანია მარტოოდენ სამი მოვლენა: დაბადება, სიცოცხლე, სიკვდილი. დაბადებას ვერ იგებს, სიკვდილით იტანჯება, და ავიწყდება, რომ უნდა იცხოვროს.

49

არის ასაკი, როცა გონებას ჯერ არ გაუღვიძია, ინსტინქტით ცხოვრობს პირუტყვივით და მეხსიერებაში კვალს არაფერი ტოვებს. ამას მოჰყვება მეორე ხანა, — გონება იხსნება, ყალიბდება, შესაძლებლობა ეძლევა გაიფურჩქნოს და დიდი გასაქანი მიეცეს, მაგრამ მას აზნობს და ფიტავს თანდაყოლილი მანკიერება, ათასგვარი ვნება, რაც ერთმანეთს ენაცვლება. შემდეგ იწყება მესამე და უკანასკნელი ასაკი: ამ დროს გონება თავის ძლიერებას აღწევს და დიდ ნაყოფსაც უნდა იძლეოდეს, მაგრამ უმალ ცივდება და ჩლუნგდება, რადგან წლებს, სნეულებას, მწუხარებას თავისი გააქვს. ბოლოს და ბოლოს მთლად ეცლება ძალა, ორგანიზმი უძლურდება, ჩაჩანაკდება. ვაგლახ, ეს სამი ასაკი ადამიანის ცხოვრებაა.

50

ბავშვები არიან კადნიერნი, თავხედნი, ფიცხნი, შურიანნი, ცნობისმოყვარენი, ანგარიშიანნი, ზარმაცნი, თავქარიანნი, მშიშარანი, თავშეუკავებელნი, მატყუარანი, გულდასშულნი. ადვილად ტირიან და იცინიან. მცირე რამ კმარა, რომ უზომოდ გაიხარონ და

ასევე უზომოდ შეწუხდნენ. ტკივილს თავად ვერ უძლებენ, სხვას კი სიამოვნებით მიაყენებენ ტკივილს: უკვე აღამიანები არიან.

51

ბავშვებს არც წარსული აქვთ, არც მომავალი. ჩვენგან განსხვავებით აწმყოთი ტკბებიან.

52

ერთი შეხედვით ბავშვებს ერთნაირი ხასიათი აქვთ, თითქოს ერთნაირი ყოფაქცევაც. ძალიან დიდი ყურადღებით უნდა დააკვირდე, რომ განსხვავება შეამჩნიო. გონების განვითარებასთან ერთად განსხვავება თანდათან ღრმავდება, ვინაიდან გონების განვითარებასთან დაკავშირებით აღმოცენდება ვნებები და მანკიერება, ეს ერთადერთი რამ, რაც აღამიანებს ხდის ესოდენ სხვადასხვანაირსა და ესოდენ აღსავსეს წინააღმდეგობებით.

53

მოხუცებისგან განსხვავებით, ბავშვები დაჯილდოებული არიან წარმოსახვის უნართა და კარგი მეხსიერებით; ამას შესანიშნავად იყენებენ თამაშობებსა და გასართობებში. სწორედ მათი წყალობით იმეორებენ იმას, რისთვისაც მოუკრავთ ყური, აკეთებენ იმას, რაც დაუნახავთ. ყოველ ხელობას ეჩვევიან, რადგან თამაშის დროს ათასგვარი საქმიანობით არიან გართულნი და ყოველნაირი მოძრაობით ხელოსნებს ბაძავენ. დიდ წვეულებებზე სხედან, ნაირნაირ კერძებს შეეჭკევიან. ხან სასახლეებში, ხან მოჯადოებულ ადგილებში იმყოფებიან. ბავშვი მარტოც რომ არის, წარმოუდგენია, თითქოს მდიდრულ ეტლში ზის და აურაცხელი ამაღა ახლავს, ან ლაშქარს მიუძღვება, ბრძოლაში ებმება, გამარჯვებით ტკბება, ან მეფესა და დიდებულ ბატონიშვილებს ესაუბრება, ან თავად არის მეფე, ჰყავს ქვეშევრდომნი და ფლობს დიდ ხაზინას; ხაზინად წარმოიდგენს ფოთლებსა და ქვიშას. ამ ასაკში ბავშვებს შესწევთ უნარი, რასაც თანდათანობით კარგავენ, იყენენ უფალნი და გამგებელნი საკუთარი სვე-ბედისა და სურვილებისა.

არ არსებობს რაიმე გარეგანი მანკი და სხეულის ნაკლოვანება, რასაც ბავშვები არ ამჩნევდნენ. თვალის ერთი შეველებით ატყობენ და ისეთ ზუსტ სახელსაც გამოუძებნიან, რომ უკეთესს ვერც შეარჩევ. გაიზრდებიან და უჩნდებათ იგივე მანკიერება, რომელსაც უწინ დასცინოდნენ.

ბავშვების ერთადერთი საზრუნავია, თავიანთ მასწავლებლებს ისევე გამოუძებნონ სუსტი ადგილი, როგორც ყველა იმას, ვისაც ემორჩილებიან. შეამჩნევენ თუ არა, მაშინვე იბრიყვებენ და აღარაფრად აგდებენ. რა მიზეზითაც პირველად ვკარგავთ მათ თვალში სათანადო ღირსებას, იმავე მიზეზით ვეღარ აღვიდგენთ მას.

ბავშვებისათვის ესოდენ დამახასიათებელი ნაკლი, სიზარმაცე, დაუდევრობა, უსაქმურობა მათ თამაშობაში არ მკლავნდება. იქ ისინი არიან მკვირცხლნი, გულმოდგინენი, ბეჯითნი, მონდომებულნი, უყვართ წესრიგი, ერთმანეთს არავითარ შეცდომას არ აპატიებენ. შეუძლიათ მრავალჯერ თავიდან დაიწყონ ის, რის გაკეთებასაც ვერ ახერხებენ. ყოველივე ეს უდავოდ მოასწავებს იმას, რომ ერთ მშვენიერ დღეს მოვალეობას არაფრად ჩააგდებენ. მაგრამ სიამოვნებისთვის არაფერს დაიშურებენ.

ბავშვებს ყოველივე ვეებერთელა ეჩვენებათ: ეზოები, ბალები, შენობები, ავეჯი, ადამიანები, ცხოველები. უფროსებს ასევე დიდად ეჩვენებათ ყოველგვარი ამქვეყნიური სიკეთე; გავბედავ და ვიტყვი, სწორედ ამიტომ არიან ისინი პატარები.

ბავშვები ურთიერთობას თანასწორუფლებიანობით იწყებენ. ყველა თავის ბატონ-პატრონია. სრულიად ბუნებრივია, დიდხანს

ვერ ძლებენ ასეთ მდგომარეობაში და ერთხელმწიფებაზე გადადიან. რომელიმე მათგანი გამოირჩევა ცოცხალი გონებით, ან უკეთესი აღნაგობით, ანდა სხვადასხვა თამაშის წესებისა და კანონების უკეთესი ცოდნით. დანარჩენნი მას მორჩილებას უცხადებენ და იქმნება გამგებლობის ერთმმართველური ფორმა, რაიც ერთის სურვილებზეა დაფუძნებული.

58

ვის შეუძლია ეპვი შეეპაროს, თითქოსდა ბავშვებს აზროვნების, შეფასებისა და თანმიმდევრული მსჯელობის უნარი არ ჰქონდეთ? მართალია, ამას მხოლოდ წვრილმანებში ამყლავნებენ, მაგრამ ნუ დავივიწყებთ, რომ ისინი ბაღლები არიან და მცირე გამოცდილება აქვთ. თუ ამას სათანადოდ ვერ გამოთქვამენ, ბრალი მათკი არა, მშობლებსა და აღმზრდელებს მიუძღვით.

59

თუ ბავშვს დავსჯით, როცა სრულებით არაფერი დაუშავებია, ანდა მცირედი დანაშაული აქვს და მკაცრად დავსჯით, დავკარგავთ ყოველგვარ ნდობასა და პატივისცემას. ბავშვებმა ყველაზე უკეთ, ზუსტად იციან, რაც დაიმსახურეს და იმსახურებენ სწორედ იმას, რისიც ეშინიათ. კარგად ესმით, სამართლიანად შეერისხეს თუ მცდარად. შეუსაბამო სიმკაცრე ისევე აყენებს ზიანს მათ აღზრდას, როგორც შეუსაბამო ლმობიერება.

60

ადამიანი იმდენ ხანს არ ცოცხლობს, რომ საკუთარ შეცდომებზე ისწავლოს. მთელი სიცოცხლის განმავლობაში უშვებს შეცდომებს და ერთადერთი, რისი მიღწევაც შეუძლია, არის — მოკვდეს გამოსწორებული.

ისე არაფერი გვანუგეშებს, როგორც შეგრძნება იმისა, რომ გადავრჩით და რაღაც სისულელე არ ჩავიდინეთ.

ძნელია საკუთარი დანაშაული აღიარო. გვირჩევნია დავფაროთ და სხვას გადავაბრალოთ. ამიტომაც არჩევანს სულიერ დამრიგებელზე ვაჩერებთ და არა სულიერ მამა — აღმსარებელზე.

სულელის შეცდომა ზოგჯერ ისე მძიმეა და ისე ძნელად გასათვალისწინებელი, რომ ბრძენს ჩიხში ამწყვედევს; სარგებლობა მოაქვს მხოლოდ იმათთვის, ვინც ამ შეცდომას უშვებს.

წინასწარ შეგონებული აზრი თვით დიდებულ ადამიანსაც კი გონებაშეზღუდული, უბირი კაცის დონესთან ათანაბრებს.

პატივმოყვარულ ზრახვებსა და გადაჭარბებულ წესიერებას აყოლილნი ისევე გამოვიყურებით და ისევე ვიქცევით, როგორც მაშინ, როცა საკუთარ სურვილებსა და ვალდებულების გრძნობას ვემორჩილებით. ამას წინათ, პარიზში, ერთი კაცი თავის საძულველ, სნეულ ცოლს ისე თავგადაკლული უქელიდა, რომ ავად გახდა და გარდაიცვალა.

ადამიანები გულის სიღრმეში ისწრაფიან, პატივსცემას იმსახურებდნენ, მაგრამ გულმოდგინედ მალავენ ამ სურვილს, რადგან ილტვიან, სათნოდ ითვლებოდნენ. ხოლო სათნოების სანაზღაუროდ თუ სხვა რამე გსურს, ვთქვათ, პატივისცემა და ქება, და არა თვით სათნოება, ეს უკვე სათნოებად არ ჩაგეთვლება, ჩაგეთვლება პატივისცემისა და ქების სიყვარულად, რაც იმას მოასწავებს, რომ პატივმოყვარე ბრძანდებით. ადამიანები ძალიან პატივმოყვარენი არიან, მაგრამ სწყინთ, როცა პატივმოყვარედ თვლიან.

პატივმოყვარე კაცს სიამოვნებს, როცა თავის თავზე ამბობს კარგს ან ცუდს. მოკრძალებული სულაც არაფერს ამბობს თავის თავზე.

თუ რაოდენ სასაცილოა პატივმოყვარეობა და რაოდენ სამარცხვინო მანკიერება ჩანს იმაში, რომ მის გამომჟღავნებას ვერავინ ბედავს და ზშირად მისი საპირისპირო თვისებების ნილაბქვეშ მალავენ.

ყალბი მოკრძალება პატივმოყვარეობის უკიდურესი დახვეწილობის გამოვლინებაა. მისი წყალობით პატივმოყვარე კაცი არა-პატივმოყვარე ჩანს და ყველას პატივისცემას იმსახურებს ისეთი თვისებით, სრულიად რომ არ შეესაბამება მანკიერებას, რაც დამახასიათებელია მისი ჭეშმარიტი ბუნებისთვის. ამგვარად იგი ტყუის. საკუთარი ღირსების ყალბი განდიდება პატივმოყვარეობის სასინჯი ქვაა. მისი შემწეობით ადამიანი ისწრაფის პატივისცემა მოიხვეჭოს იმ თვისებების გამო, რაც უღაგოდ გააჩნია, მაგრამ იმდენად არასახარბიელოა, რომ არა ღირს მათი გამომჟღავნება. ამგვარად იგი ცდება.

ადამიანები, როცა საკუთარ თავზე ლაპარაკობენ, აღიარებენ მხოლოდ უმნიშვნელო ნაკლს და კიდევ ისეთ რამეს, რაც მათში დიდ ნიჭიერებაზე და ამაღლებულ თვისებებზე მიანიშნებს. ვჩივით, ცუდი მეხსიერება გვაქვსო, სამაგიეროდ ჩვენი სალი აზრებისა და განსჯის უნარის კმაყოფილნი ვართ. გვისაყვედურებენ, ოცნებაში ხართ გადავარდნილი და დაბნეულიო, ჩვენ ვეთანხმებით, რადგან ეს დიდი ჭკუის მაუწყებელი გვგონია. იტყვი, მარცხიანი ვარ, ხელში არაფერი მომდისო და თავს ინუგეშებ, ეს ხომ წვრილმანია, განა ის არ კმარა, ყველამ რომ იცის, რა გონებითა და სულიერი სიმდიდრით ვარ დაჯილდოებულიო. გულახდილად ამბობ, ზარმაცი რომ ხარ, მაგრამ ისეთი იკლიკანტური გამოთქმებით აცხადებ, რაიც დამადასტურებელია იმისა, რომ შენ არა ხარ შეპყრობილი არც ანგარებით და არც პატივმოყვარული მისწრაფებებით. ჩვენ არ ვწითლდებით ჩვენი ფეთხუმობის გამო, რამეთუ წვრილმანების

უგულებელყოფა იუწყება დიდ რუღუნებას მნიშვნელოვანსა და ღირსშესანიშნავ საქმეებში. სამხედრო პირს სიამოვნებს გაგვაგებინოს, რომ ერთხელ, როცა არც მისი რიგი იყო და არც ბრძანება ჰქონდა მიღებული, განსაკუთრებული მონღომებისა თუ ცნობის-მოყვარეობის შედეგად თავი ამოჰყო სანგარში თუ რომელიღაც მეტად საშიშ ადგილას. თან დასძენს, იქიდან გენერალმა ამომიყვანაო. რაც შეეხება ადამიანს, რომელსაც დაბადებით დაჰყოლია ისეთი კეთილგონიერება, რის შეძენასაც სხვები წლების განმავლობაში ამაოდ ცდილობენ; ადამიანი, ვისი სულიც გამოცდილებითაა ნაწრთობი, ვინც უძღვება უამრავ, მძიმე, მრავალნაირ, რთულსა და მნიშვნელოვან საქმეს და არ იღლებს; ვისი შორსმჭვრეტელობა და გამჭრიახობა უმკლავდება მოვლენათა ყოველგვარ ცვლილებას; არ გასცნობია მმართველობის ხელოვნებასა და პოლიტიკურ თხზულებებს და მაინც უნდა მიეკუთვნებოდეს სხვათა მბრძანებლად დაბადებულ იმ დიდებულ მოღვაწეთა რიცხვს, ვისი საქმიანობაც საფუძვლად დაედო ზემოაღნიშნულ შრომებს: ვისაც ისეთი ამაღლებული ქმედებისათვის შეუწირავს თავი, რომ არ დარჩენია დრო წაეკითხა მშვენიერი და სულის დამატკბობელი წიგნები და არც არაფერს დაკარგავს თუ თვალს მოავლებს და გადაფურცლავს, ასე რომ ვთქვათ, საკუთარ ცხოვრებასა და მოღვაწეობას, დიახ, ასეთ ადამიანს შეუძლია თავისუფლად და საკუთარი თავის დამცირების გარეშე, თამამად განაცხადოს, რომ არც ერთი წიგნი არ წაუკითხავს და საერთოდ არაფერს კითხულობს.

68

ადამიანი ზოგჯერ ცდილობს დამალოს ან სანახევროდ გამოაჩინოს თავისი სისუსტე იმით, რომ გულახდილად აღიარებს მას. ერთი ამბობს, უვიცი ვარო და მართლაც არაფერი იცის; მეორე იტყვის, მოგზუცდიო და მართლაც სამოც წელს გადასცილებია. მესამე აცხადებს, არაფერი გამაჩნიაო და ღარიბია მართლაც.

69

მოკრძალება სულაც არ არსებობს, ანდა აღრეულია სულ სხვა რამესთან იმ შემთხვევაში, თუ მას ჩავთვლით ისეთ შინაგან თვი-

სებად, რაც ადამიანს საკუთარ თვალში აკნინებს და რასაც ზებუნებრივი სათნოება და თავმდაბლობა ჰქვია სახელად. ადამიანი თავისთავად მაღალი და შესანიშნავი წარმოდგენისაა საკუთარ თავზე, საკუთარ თავზე და სხვა არავისზე. ამით თუ არვის აწუხებს, მოკრძალებულია. მოკრძალება გარეგნული თვისებაა, აწესრიგებს ადამიანის გამოხედვას, სიარულს, მეტყველებას, ხმას და აიძულებს, სხვების თვალის ასახვევად ისე მოიქცეს, ვითომცდა რამედ აგდებდეს მათ.

70

ქვეყანა სავსეა ისეთი ადამიანებით, რომლებიც, ჩვეულებრივ, ზერელედ ედარებიან სხვებს, ყოველთვის საკუთარ თავს ანიჭებენ უპირატესობას და ამის შესაბამისადაც იქცევიან.

71

თქვენ ამბობთ, ადამიანს მოკრძალება მართებსო. კეთილშობილ კაცს ნეტო რა უნდა! მხოლოდ ისე მოაწყეთ საქმე, რომ სხვებმა არ დაწიხლონ ისინი, ვინც მოკრძალებულობის გამო დათმობაზე მიდის; არ მოსპონ ისინი, ვინც ქედს იხრის.

იმასაც ამბობენ, მღვდელს ქილობში იცნობენო. გამოჩენილ ადამიანებს მეტიც არაფერი სურთ, მაგრამ საზოგადოება მორთვა-მოკაზმვას მოითხოვს და რა გზა აქვთ, მის ნება-სურვილს უნდა დაემორჩილნენ. საზოგადოება ფუფუნებაზეა დახარბებული და ყველა ცდილობს მის წინ გამოფინოს ფუფუნება. ზოგიერთი მხოლოდ იმას სცემს პატივს, ვისაც ფაქიზი თეთრეული და დიბა-ქათიბი ამოსია. ამ ფასად მოპოვებულ პატივისცემაზე ყველა ვერ იტყვის უარს. არის ადგილები, სადაც თავის გამოჩენა სავალდებულოდ ითვლება: თუ ვიწრო ოქროს სირმა გაქვს მოვლებული, შიგ ცხვირსაც არ შეგაყოფინებენ, ხოლო თუ ფართო სირმა შეგნიშნეს ფიანდაზად გაგეგებიან.

72

პატივმოყვარეობა და საკუთარ თავზე გადაჭარბებული შეხედულება გვაიძულებს ექვი აღგვეძრას, სხვები ქედმაღლურად გვეპყ-

რობიანო, რაც ხან ასეა და ხან არა. მოკრძალებულ კაცს ასეთი ჭოქმანი არ სჩვევია.

73

რაოდენ საჭიროა ჩაეიხშოთ პატივმოყვარეობა, რაიც გვაფიქრებინებს, თითქოს ყველა ცნობისმოყვარეობითა და მოწიწებით შემოგვცქერის; ერთმანეთს მხოლოდ ჩვენს ღირსებებზე ელაპარაკებიან და ხოტბას გვასხამენ. ამასთან ერთად, იმდენი პატივისცემა უნდა გვქონდეს საკუთარი თავისადმი, რომ არ დავექედეთ, როცა ადამიანები ერთმანეთს ეჩურჩულებიან, უთუოდ ჩვენზე ცუდს ამბობენ, ანდა, თუ იცინიან, მაინცდამაინც ჩვენ დაგვცინიან.

74

რა მოხდა, ალკიპუსი დღეს რატომ მესალმება, მილიმის და იმის შიშით, რომ თვალს არ მივეფარო, ფაცხაფუცხით ეტლიდან ხტება. მდიდარი არ ვარ, ფეხით მოვდივარ, წესით არც უნდა მამჩნევდეს. იქნებ ასეთი ყურადღება იმით დავიმსახურე, რომ დავინახე, ეტლში დიდებული ეჭლა გვერდში?

75

ჩვენი თავით იმდენად ვართ აღტაცებული, რომ ყველაფერს მას ვუკავშირებთ. გვსიამოვნებს, როცა ჩვენზე ანიშნებენ, გვესალმებიან და თვით უცნობებიც კი გვიყურებენ. აგრე თუ არ იქცევებიან, ამაყები არიანო, ვამბობთ. გვენბავს, გაზოიციონ ვინცა ვბრძანდებით.

76

ბედნიერებას ჩვენს გარეთ, ადამიანთა მიერ ჩვენზე შექმნილ შეხედულებებში ვეძიებთ. თუმცა გვწამს, რომ ისინი პირმოთნეები, ცბიერნი, უსამართლონი, შურით აღვსილნი, ახირებულნი და წინაზრახვებით შეპყრობილნი არიან. რა საოცრებაა!

ცნობილია, ვიცინით იმაზე, რაც სასაცილოა. მაინც გვხვდებიან ადამიანები, რომელთაც სასაცილოზეც და არასასაცილოზეც ეცინებათ. თუ სულელი ხართ, წინდაუხედავი და მათ წინაშე დაუფიქრებლად რაღაც წამოაყრანტალეთ, თქვენზე იცინიან. თუ ჰკვიანი ხართ, გონივრულად მსჯელობთ და სათანადოდაც იქცევით, მაინც იცინიან თქვენზე.

იმას, ვინც ძალმომრეობითა თუ უსამართლობით გვტაცებს ქონებას, ჰორიკანობით მიწასთან გვასწორებს, ვძულვართ კიდევ; მაგრამ ეს იმას როდი ნიშნავს, თითქოს სრულიად არ გვცემდეს პატივს. ამიტომაც შესაძლებელია მის მიმართ გული მოვიბრუნოთ და კეთილად განვეწყოთ. ხოლო დაცინვა ყველა შეურაცხყოფაზე უფრო ძნელი საპატიებელია. მასში განსაკუთრებით მძაფრად გამოსჭვივის ზიზღი და ადამიანს უსპობს უკანასკნელ საგანეს — პატივისცემას თავის თავისადმი; საკუთარ თვალში სასაცილოდ ხდის და არწმუნებს, რა ბოროტად არის განწყობილი მისდამი დამცინავი, ვისთანაც შერიგება შეუძლებელია.

რა შემზარავი თვისებაა, თავქარიანად დავცინოდეთ ვისმეს, თავსლავს ვასხამდეთ, გვეზიზღებოდეს და ამავე დროს ვბრაზობდეთ იმაზე, ვინც ჩვენ დავცინის, თავსლავს გვასხამს და ზიზღით გვიყურებს.

ჯანმრთელობა და სიმდიდრე ადამიანს აშორებს მწარე გამოცდილებას და თავის მსგავსთა მიმართ გულგრილად განაწყობს. საკუთარი მწუხარებით გატანჯულნი გაჭირვებაში მყოფთ უფრო თანაუგრძობენ.

ზეიმები, სანახაობები, მუსიკა კეთილშობილ ადამიანებს მახლობლებისა და მეგობრების ბედუკუღმართობისადმი მეტ გულსახმიერებასა და სიბრაალულს შთააგონებს.

მაღალი სულის ადამიანი შეურაცხყოფაზე, უსამართლობაზე, მწუხარებასა და დაცინვაზე მაღლა დგას. იგი ყოველმხრივ შეუვალი იქნებოდა, გულმოწყალე რომ არ ყოფილიყო.

როცა სხვის უბედურებას ხედავ, შენი ბედნიერების თითქოს გრცხვენია.

თუ რამ მცირეოდენი ღირსება გვაქვს, იცოცხლე, იმწამსვე ვამჩნევთ საკუთარს თავს, ნაკლის აღმოჩენა კი გვიკირს და გვიან ვხვდებით ხოლმე. არავის ავიწყდება, დაყალბული წარბები და ნატიფი ფრჩხილები თუ აქვს, ხოლო ელამი რომ არის, თითქმის არც კი ახსოვს და არც იმის აზრზეა, ჭკუა რომ აკლია.

არაერთი ხელთათმანებს იძრობს, რათა გამოაჩინოს თლილი თითები და არც კაბიდან ფეხსაცმლის გამოწვევა ავიწყდება, რაიც გვაფიქრებინებს, ალბათ პატარა ფეხები აქვსო. სასაცილო რამეზეც იცინის და სერიოზულზედაც, რამეთუ სურს დაინახონ მისი კოხტად ჩაკიწიკიწებული კბილები. ლამაზი ყურები აქვს და ამიტომ არც ყურებს მაღავს, მაგრამ არ ცეკვავს, რადგან უკმაყოფილოა თავისი მსხვილი წელის მოყვანილობით. ნებავეს ყოველმხრივ მომგებიანად გამოჩნდეს, გარდა ერთისა: ბევრს ლაპარაკობს და ჭკუა სულ არ გააჩნია.

ადამიანები თითქმის არაფრად თვლიან სათნოებას და თავყანსა სცემენ სხეულისა და გონების სრულყოფილებას. კაცი დარწმუნებულია, თითქოს მოკრძალებულად იქცევა და უხერხულ მდგომარეობაშიც არ იგდებს თავს, როცა აცხადებს, რომ კეთილია, შეუღრეკელი, ერთგული, წრფელი, სამართლიანი, მადლიერი, მაგრამ ვერ ბედავს თქვას, მკვირცხლი გონება, ლამაზი კბილები, ნაზი კანი მაქვსო: ეგ უკვე ზედმეტი იქნებოდა.

ის კია, ყველა ალტაცებაში მოჰყავს ორ სიქველეს, გამბედაობასა და გულუხვობას, რის გამოც უგულვებელყოფენ ორ ესოდენ სასურველ რამეს: სიცოცხლესა და ფულს. ამიტომაც ვერვინ ამბობს, მამაცი და ხელგაშლილი ვარო.

ხოლო მშვენიერება, სულგრძელობა, სიდიადე იმდენად ძვირფასია და სანუკვარი, რომ არვის ყოფნის სითამამე ხმამალლა თქვას, მით უმეტეს, თუ ამის საფუძველი არ გააჩნია, ამ თვისებებით ვარ დაჯილდოებულყო, გულში კი საწინააღმდეგოს ფიქრობს.

85

როგორც უნდა ჰგვანდნენ ერთმანეთს შური და მეტოქეობა, მათ შორის ისეთივე განსხვავებაა, როგორც მანკიერებასა და სათნოებას შორის.

შურიცა და მეტოქეობაც წარმოქმნილია ერთი და იმავე მიზეზით, ქონებისა და ღირსებების გამო, მაგრამ მეტოქეობა, შურისგან განსხვავებით, მოფიქრებული, გაბედული, გულწრფელი მისწრაფებაა, რაც ანაყოფიერებს გონებას, ხელს უწყობს მას, ისარგებლოს დიადი მაგალითებით და ხშირად აღამაღლებს კიდევ იმაზე ზევით, რითაც ალტაცებულა. ხოლო შური, პირიქით, აღვირახსნილი გააფთრებაა და ერთგვარად, უნებლიე აღიარებაა სხვისი უპირატესობის. იგი სხვისთვის ქებას არ იმეტებს და სხვისი ჯილდო ბოლმით ავსებს. ეს არის უნაყოფო ვნება, რაც ადამიანს არაფერს მატებს, საკუთარ ნაქუქში ამწყვდევს და აიძულებს, მარტოოდენ საკუთარი სახელის განდიდებაზე იფიქროს. გულგრილად განაწყობს სხვათა საქმეებისა და შრომის მიმართ, რის შედეგადაც კაცს უკვირს, როცა ქვეყნად ხედება ისეთ ადამიანებს, რომელთა ნიჭი მის ნიჭს არა ჰგავს, ანდა ტოლია ნიჭისა, რასაც თვითონ მიაწერს საკუთარ თავს. ეს არის სამარცხვინო მანკიერება, რაც თავისი წრეგასულობით უახლოვდება პატივმოყვარეობასა და საკუთარ თავზე გადაჭარბებულ შეხედულებას და შესწევს უნარი შურიაწობით დასნეულებულ ადამიანს შთაუწერგოს, რომ იგი არათუ სხვაზე უფრო ჰკვიანია და ღირსეული, არამედ ჰკვიანი და ღირსეული მის გარდა სხვა არც არავინ არსებობს.

მეტოქეობა და შური ერთად გვხვდება ერთი და იგივე ხელო-

ბის, ერთი და იგივე ნიჭისა და მდგომარეობის ადამიანებში. დაბალი ხელობის კაცები ყველაზე მეტად არიან შურიანები. ვინც ხელოვნების თავისუფალ დარგებს ან სიტყვაკაზმულ ლიტერატურას ემსახურება, — მხატვრები, მუსიკოსები, ორატორები, პოეტები და ყველა, ვისაც კალამი უჭირავს ხელში,—მათ შორის მხოლოდ მეტოქეობა შეიძლება არსებობდეს.

შურისთვის უცხო არ არის ბოროტგანწყობილება, ხშირად ორივე ერთადაც გვხვდება. ხანდახან შური ბოროტგანწყობილებას სცილდება. ეს იმ შემთხვევაში ხდება, როცა შურს იწვევს სხვისი მაღალი მდგომარეობა, ჩვენთვის სრულიად მიუღწეველი, დიდი სიმდიდრე, სამეფო კარის მოწყალება, მინისტრის თანამდებობა.

ბოროტგანწყობილება და სიძულვილიც ერთმანეთს ერწყმის და აძლიერებს, როცა ერთი რამისადმია მიმართული. ხანდახან კი შეუთავსებელია, რადგან ერთი მიზანში იღებს პიროვნებას, ხოლო მეორე მდგომარეობას. გონიერ კაცს არ შეშურდება მკედლისა, ვისაც მშვენიერი ხმალი გამოუქედავს, ან მოქანდაკის, თვალწარმტაცი ქანდაკება რომ შეუქმნია ახლახან. მას ესმის, რომ ამ ხელოვნებას ესაჭიროება ისეთი წესებისა და ხერხების ცოდნა, რისაც მას არაფერი გაეგება, და იარაღიც ისეთი უნდა, რისი არც გამოყენება იცის, არც სახელწოდება და არც ის, თუ რანაირი მოყვანილობისაა. როგორც კი გაიხსენებს, ამ ხელობაში შეგირდობაც კი არ გამივლიაო, თავს ინუგეშებს, მისი დიდოსტატი რომ არ გამხდარა. და, პირიქით, იგი შეიძლება ბოროტად განეწყოს მინისტრის ან მმართველთა მიმართ, შეიძლება შეშურდეს კიდევ მათი, თითქოსდა დიდი ჭკუა და საღი გონება, რაც მას ისევე აქვს, როგორც მბრძანებლებს, იყოს ერთადერთი აუცილებელი იარაღი სახელმწიფოსა და საზოგადოებრივი საქმეების წარმართვისათვის და არ იყოს დაფუძნებული კანონებზე, ადათებზე და გამოცდილებაზე.

სრულიად გამოთავყანებული და გამოშტერებული ადამიანები ცოტაა, უფრო ნაკლებია ამაღლებული და ბრწყინვალე გონებით დაჯილდოებულნი. ადამიანთა უმრავლესობის გონიერება ამ ორ უკიდურესობის შორის მერყეობს. შუალედს კი ავსებენ ჩვეულებ-

როვი გონების ადამიანები, რომელთაც დიდი გასავალი აქვთ საზოგადოებაში და სახელმწიფო მმართველობაში მათში შერწყმულია სასარგებლო სასიამოვნოსთან. კარგი მეხსიერებით დაჯილდოებულთ შესწევთ უნარი, გაუძღვნენ ვაჭრობას, საფინანსო და სამხედრო საქმეებს, საამურნი იყვნენ საზოგადოებაში, მონაწილეობა მიიღონ სხვადასხვა თამაშობებში და საუბარში.

87

უკუთო კაცს მთელი ღუნისი ჭკუა ვერაფერს შემატებს. ბრმას სხვისი მხედველობა არაფერს არგებს.

88

დიდი მადლია თუ გონება გაქვს, მაგრამ არანაკლებია, თუ გესმის, რომ დაკარგე იგი. სიგიჟე ამ შეგნებასთან შეუთავსებელია. გონიერებაზე ნაკლებ მნიშვნელოვანი როდია, თუ ვიგრნობთ ჭკუანაკლებობას; ამით შეუძლებელს მივალწევდით, არ გვექნებოდა ჭკუა, მაგრამ არ ვიქნებოდით არც სულელი, არც ქარაფშუტა და არც თავხედი.

89

გონებაშეზღუდული კაცი თითქოს კუნძიდან არის გამოთლილი. ნიადაგ სერიოზულია. არც არაოდეს იცინის, არც ხუმრობს, არც წვრილმანებით ხარობს. არც განდიდება შეუძლია და არც მცირედით გატაცება, თავდავიწყება. შვილებთან თამაშის უნარსაც კი მოკლებულია.

90

ქარაფშუტაზე ყველა ამბობს, ქარაფშუტააო. პირში თქმას ვერაზინ უბედავს და ისე განუტევებს სულს, რომ ვერც გაიგებს.

91

რა უთანხმოებაა გონებასა და გულს შორის! ფილოსოფოსი უხეიროდ ცხოვრობს, თუმც სხვებს ასწავლის ცხოვრებას; შორს-

მკვრეტელი და გამკრიახი პოლიტიკური მოღვაწე საკუთარ ვნებებს ვერ ითრგუნავს.

92

გონება, როგორც ყოველივე, ცვდება. მეცნიერება კვებავს მას და აძაბუნებს კიდეც.

93

პატარა ადამიანებს ხანდახან მრავალნაირი, ყოვლად უსარგებლო ღირსება აქვთ; არ იციან სად გამოიყენონ.

94

არიან ადამიანები, რომლებიც არ იღრიკებიან ძალაუფლებისა და მოწყალების სიმძიმის ქვეშ, ადვილად ეგუებიან თავიანთ აღზევებასა და თავბრუ არ ესხმით, რაც უნდ მალალი თანამდებობა ეჭიროთ. ხოლო ისინი, ვისაც ბრმა ფორტუნა დაუმსახურებლად გადმოხედავს მოწყალე თვალით და ლამის თრგუნავს თავისი მადლით, კადნიერად და განუზომლად ტკბებიან თავიანთი კეთილდღეობით. მათი გამოხედვა, სიარული, ხმა, ყოფაქცევა, მრავალი ხნის განმავლობაში ამეღავენებს, თუ რაოდენ მოსწონთ თავი, რაოდენ შეფრთხინვიან საკუთარ განდიდებას. ისე დიდგულნი და ყოყორები ხდებიან, რომ მხოლოდ ძირს დაცემა თუ მოათვინიერებთ.

95

ბრგე და ღონიერი, მხარბეჭიანი ვაჟკაცი მძიმე ტვირთს მსუბუქად და მოქნილად ზიდავს და თან ცალი ხელიც თავისუფალი აქვს; ჭუჭას ამის ნახევარი ტვირთიც კი გაჭყლეტდა. ასევე გახლავთ, მალალი თანამდებობა: დიდ ადამიანს უფრო დიდს ხდის, პატარას კი უფრო პატარას.

96

უცნაურ ადამიანებს ბედი სწყალობთ. შეუძლიათ გადაცურონ ისეთი ზღვა, სადაც გემები იძირება და ხალხი იხრჩობა. წარმატე-

ბას აღწევენ ისეთი გზებით, სადაც სხვა კისერს მოიტეხდა. თავიანთი ახირებულობითა და სიგიჟით იწვევენ ნაყოფს, რის მოყვანასაც სხვამ მთელი სიბრძნე უნდა შეაღოს. მტლად ედებიან ძლიერთ ამა სოფლისათა, რამეთუ მთელი იმედი მათზე აქვთ დამყარებული. კი არ ემსახურებიან, ართობენ მათ. ღირსეული და საიმედო ადამიანები საჭირონი არიან დიდებულთათვის, ესენი კი — აუცილებელნი. მბრძანებელთა გართობაში თმა უთეთრდებათ და კვიმატი სიტყვაა მათი ერთადერთი სიქველე, რის გამოც ჯილდოს იმსახურებენ. მასხარას როლი, მუდმივი მხიარულება მაღალი თანამდებობისა და მდგომარეობისკენ უკაფავთ გზას. დაბოლოს, სრულიად მოულოდნელად ისეთ ბედს ეწევიან, რაზედაც არც ოდესმე უფიქრიათ და არც უოცნებიან. და როს განუტევებენ სულს, სააქაოში ამ კაცთა იღბლიანობის სსოვნა რჩება საბედისწერო მაგალითად იმათთვის, ვისაც განუზრახავს გაჰყვეს მათ გზას.

97

ადამიანს, რომელსაც ერთხელ ჩაუდენია საქვეყნოდ აღიარებული კეთილშობილი და გმირული საქციელი, მოეთხოვება არ გამოამეღავნოს, თუ რაოდენ დააძაბუნა მან. სასურველია, სამარის კარამდე ისე ბრძნულად და ფრთხილად მიჰყვებოდეს ცხოვრების გზას, როგორც სრულიად ჩვეულებრივ ადამიანებს სჩვევიათ. არ უნდა ჩაიდინოს სიმდაბლე, რაც ჩირქს მოსცხებს მის დიად სახელს. არ გაერიოს ხალხში, რომ ახლოს არ დააკვირდნენ და ხალხის ცნობისმოყვარეობა და აღტაცება არ გადაიზარდოს გულგრილობაში, ან იქნებ ზიზღშიც.

98

ზოგისთვის გაცილებით იოლია ათასგვარი კეთილშობილური საქმით იყოს დამშვენებული, ვიდრე რაიმე ერთი ნაკლი გამოისწოროს. მისდა საუბედუროდ ეს მანკიერება სულ არ შეეფერება მის მდგომარეობას და სასაცილოს ხდის ხალხის თვალში. აკინებს მის მაღალ ღირსებებს, უებრო მოღვაწეობასა და უზადო სახელს. არავინ სთხოვს იყოს უფრო მეტად განათლებული და მოუსყიდველი, უფრო მეტად იცავდეს ზომიერებასა და წესრიგს, იყოს მეტად ერთგული მოვალეობისა, უფრო მეტი მგზნებარებით ზრუნავდეს ხალხის სიკეთეზე, იყოს უფრო სერიოზული: სთხოვენ მხოლოდ ერთს, ნუ გიჟდება ქალებისთვის.

ზოგიერთი ცხოვრების მსვლელობაში ისე იცვლება გულთ და გონებით, რომ უთუოდ შეცდებით, თუ მათზე იმსჯელებთ მხოლოდ იმისდა მიხედვით, როგორც იყვნენ სიჭაბუკეში. მავანი იყო მორწმუნე, გონიერი, განსწავლული, მაგრამ უსაზღვროდ ლალი ცხოვრების აუცილებელი თანამგზავრის, განებივრების წყალობით აღარ გახლავთ ასეთი. მავანი კი თავდაპირველად მარტოოდენ სიამოვნებას ეძებდა და მას ალევდა მთელ თავის ჭკუასა და გონებას. მაგრამ ბედმა უმუხთლა და მონასტერს შეაფარა თავი. გახდა თავშეკავებული და ბრძენი. ჩვეულებრივ, ასეთი კაცი განსაკუთრებული თვისებებითაა დაჯილდოებული და მასზე იმედის დამყარება შესაძლებელია. მრავალ გასაჭირს გამოუწვრთნია მისი პატიოსნება და მოთმინება. შეუსისხლხორცებია უებრო თავაზიანობა, რაიც ოდესღაც ქალებთან ურთიერთობის შედეგად შეუძენია, და, რაც, ბუნებრივ მოთხოვნილებად გადაქცევია სამუდამოდ. გამოირჩევა წესრიგის სიყვარულით, საზრიანობით, ზოგ შემთხვევაში მაღალი ნიჭითაც, რასაც კარჩაკეტილ ცხოვრებასა და ხელმოცარული კაცის მოცალეობას უნდა უმადლოდეს.

მთელი ჩვენი უბედურება ისაა, რომ მარტოობას ვერ ვეგუებით. ამის შედეგია აზარტული თამაშობანი, ფუფუნება, მფლანგველობა, ღვინო, ქალები, უვიცობა, ავყიობა, შური, დავიწყება საკუთარი თავისა და ღვთისა.

100

როგორც ჩანს, ადამიანისთვის, ხანდახან, არ კმარა თავის თავთან ყოფნა. სიბნელე, სიმარტოვე აფორიაქებს მას, აღუძრავს უმიზეზო შეშფოთებასა და უაზრო შიშს. ყველაზე ნაკლები უბედურება, რაც შეიძლება შეემთხვეს, მოწყენილობაა.

101

ქვეყანას მოწყენილობა სიზარმაცის შედეგად მოევლინა და თავის მხრივ დიდი ღვაწლი მიუძღვის იმაში, რომ ადამიანებს გაგიჟე-

ბით უყვართ გართობა, ბანქოს თამაში და საზოგადოებაში თავის გამოჩენა. ვისაც შრომა უყვარს, სიმარტოვეს ვერა გრძნობს.

102

ადამიანთა უმრავლესობა ცხოვრების საუკეთესო წლებს ანდომებს იმას, რომ დანარჩენი წლები ჩაშხამებული ჰქონდეს.

103

არის ნაწარმოებები, რომლებიც იწყება „ანით“ და მთავრდება „ზეტით“: კარგი და ავი, ან ავზე უარესი მოყრილია ერთად და არც ერთი ჟანრი არ არის დავიწყებული. რა დახვეწილი თხზულებებია, რა ღვლარუნილი სტილი! მათ გონების ვარჯიშის ნაყოფი ეწოდებათ. ჩვენი საქციელიც ასეთივე ვარჯიშია. რალაც დავიწყეთ, უნდა დავასრულოთ, მთელი სიცოცხლე უნდა შევვლიოთ. ჯობდა თავი მიგვენებებინა, სხვა რამ აგვეჩია, მაგრამ დაწყებული გაგრძელება უფრო ძნელია და საპატიო. განვაგრძობთ, წინააღმდეგობა უფრო მეტად გვაქეზებს, უკან არ დავიხიოთ, პატივმოყვარეობაც გვაღიზიანებს, ატყვევებს გონებას და დამორჩილებული გონებაც ქედს იხრის. ეს გახლავთ ის უხილავი მიზეზი, რაც მრავალ მაღალზნეობრივ საქმიანობას საფუძვლად ედება, თვით სარწმუნოებრივ მისწრაფებებსაც კი.

104

ყველაზე მეტად გვიძძიმს მოვიხადოთ ვალი, რადგან იგულისხმება ისეთი რამ, რასაც ჩვენ, ნებისთ თუ უნებლიეთ, მაინც ვაკეთებთ და ამის გამო არავინ გვასხამს ხობტას, რაც ჩვენ გვიბიძგებს შევასრულოთ საქმენი საქებური და გვაგულიანებს ჩვენს ყოველგვარ წამოწყებებში. „ნ“-ს უყვარს საქვეყნოდ გამოფინოს თავისი ღვთისმორწმუნეობა და აკი გადააბარეს კიდევ ღარიბთა და მათ დასახმარებლად გამოყოფილი სახსრების მეურვეობა. მისი სახლი ერთგვარ ღატაკთა თავშესაფრად გადაიქცა, სადაც გაჭირვებულთ მოწყალებას უბოძებენ და სადაც თავისუფლად თარეშობენ ვიწროსაყელოიანი მამაკაცები და „რუხი დები“. მთელი ქალაქი მის ქველ-

მოქმედებას შესცქერის და ხოტბას ასხამს. ვის შეეპარება ექვი, რომ ის ნამუსიანი კაცი არ არის, თუ არა მის მოვალეებს?

105

ჟერონტი სიბერით მოკვდა და ვერ მოასწრო დაეტოვებინა ანდერძი, რის შედგენასაც ოცდაათი წელია აპირებდა. ათი ნათესავი ab intestat ინაწილებს მის მემკვიდრეობას. ჟერონტს დიდი ხანია პირში სული ედგა მხოლოდ თავისი ცოლის, ასტერის მოვლა-პატრონობით. ქალმა მთელი თავისი ყმაწვილქალობა მას შესწირა. თავს ევლებოდა, გვერდიდან არ სცილდებოდა, სიბერეში მისი ერთადერთი ნუგეში იყო და თვალიც მან დაუხუჭა. ქმარმა კი იმდენი ქონებაც კი არ დაუტოვა, რომ თავი ირჩინოს და იოლად გავიდეს ისე, რომ სხვა ბერიკაცი არ გამონახოს.

106

ღრმა სიბერეშიც თუ არ შეეღვევი თანამდებობასა და ბენეფიციუმებს, და არ გაყიდი, ან ვინმეს არ გადასცემ, ეს მაუწყებელია იმისა, რომ დარწმუნებული ბრძანდები, თითქოს მოკვდავთა რიცხვს არ მიეკუთვნები, მაგრამ თუ იცი, რომ სიკვდილი არ აგცდება, მაშ, შენი თავი გყვარებია და სხვა არავინ.

107

ფაუსტი ერთი მფლანგველი ვინმეა, ფუქსავატი, თავზებულადებული, უმადური და თავგასული. ბიძამისს, აგრელიუსს, მაინც უყვარდა იგი და მემკვიდრეობაც დაუტოვა.

ფრონტენიც აგრელიუსის ძმისწულია. მისი პატიოსნება ყველასთვის ცნობილია. მთელი ოცი წელიწადი ბერიკაცს ზედ ყვებოდა და მისი გული მაინც ვერ მოიგო. ბიძის გარდაცვალების შემდეგ, ანდერძით მხოლოდ ის ხვდა წილად, რომ ერთადერთმა მემკვიდრემ ფაუსტმა, მცირეოდენი პენსია დაუნიშნა.

სიძულელი ისეთი ხანგრძლივია და ჯიუტი, რომ თუ ავადმყოფ-მა მოძულეებულ კაცთან შერიგება მოისურვა, უტყუარი ნიშანია, მალე განუტევებს სულს.

ადამიანი გულში ჩაგიძვრენს მხოლოდ იმ შემთხვევაში, თუ თით-ლიბაზურად მოუწონებ ვნებებსა და გატაცებებს, რომელთაც დაუბ-ყრიათ მისი სული, ან შეიბრალებ იმ სნეულებისთვის, რაც მოსდებია მის სხეულს. ამაზე მეტ მზრუნველობას იგი თქვენგან არ მო-ითხოვს. აქედან გამომდინარე, ჯანმრთელსა და თავშეკავებულ კაცს იოლად ვერ მიუდგები და შენს ჭკუაზე ვერ ატარებ.

სიზანტე და ვნებების აყოლა ადამიანთან ერთად ჩნდება და მას-თან ერთად ქრება. მათგან ვერც კეთილდღეობით განიკურნები და ვერც გაჭირვებით. იგი ნაყოფია კეთილდღეობისა და ანაზღაურება გაჭირვებისა.

ბუნების ყველაზე დიდი სიმახინჯე შეყვარებული ბერიკაცია.

ძალიან ცოტას ახსოვს, სიყმაწვილეში რაოდენ უმძიმდა ყოფი-ლიყო თავშეკავებული და უბიწო. წესიერების დაცვის, გადაქან-ცვის, ან ჯანმრთელობაზე ზრუნვის მოსაზრებებით ადამიანი რო-გორც კი განუდგება სიამტკბილობას და ამ გატაცებას სხვებში შე-ამჩნევს, მყისვე იწყებს მის გაკიცხვას. ამ საქციელში გამოსჭვივის ლტოლვა იმისადმი, რასაც ჩამოსცილდა. გვირჩევნია სიკეთე, რაც ჩვენთვის აღარ არსებობს, აღარც სხვებისთვის არსებობდეს. ეს გან-ლავთ შური.

მოხუცები იმიტომ კი არ ხდებიან ძუნწები, რომ ეშინიათ, ვართუ ერთ დღეს ფული შემოგვაკლდეს და გაჭირვებაში ჩავვარდეთო. ბევრს იმდენი ქონება აქვს, რომ ასეთი შიში მათთვის უცხოა. ამ დაჩაჩანაკებულ ბებრუცუნებს რა ფუფუნება სჭირდებათ, როცა საკუთარი ნებით უარს ამბობენ მასზე და სიძუნწეს ეწირებიან? ამას არც იმიტომ სჩადიან, რომ დიდი ავლა-დიდება დაუტოვონ შვილებს, რამეთუ ბუნებრივი არ გახლავთ, სხვა შენს თავზე მეტად გიყვარდეს და თან ზოგიერთ ძუნწს მემკვიდრეებიც არ ჰყავს. ეს მანკიერება უფოო მეტად ასაკინა და მოხუცთა შინაგან მოთხოვნილებათა შედეგია და ისევე იტაცებს ხანდაზმულ კაცს, როგორც სიჭაბუკეში — სიამტკბილობა და დავაჟკაცების ჟამს — პატივმოყვარეობა. სიძუნწე არ მოითხოვს არც ძალ-ღონეს, არც სიყმაწვილეს, არც ჯანმრთელობას. ქონების მოვლა ყოველგვარი ფუსფუსისა და თავისტეხის გარეშეც შეიძლება. მაგრად ჩაკეტე ზანდუკებში და ყველაფერი მოიკელი, ესაა და ეს. ძალიან მოსახერხებელია ბერიკაცებისთვის, მათაც ხომ უნდა ჰქონდეთ რაიმე გატაცება, რაკი ადამიანები არიან.

არსებობენ ადამიანები, რომლებიც ცუდ ბინებში ცხოვრობენ, ფიჩვებში წვანან, კონკები აცვიათ, შიმშილით კვდებიან; ზამთარში სიცივე აწუხებთ, ზაფხულში — სიცხე. თავისივე ნებით ურთიერთობას წყვეტენ სხვებთან და თავის დღე და მოსწრებას სიმარტოვეში ატარებენ. იტანჯებოდნენ უწინ, იტანჯებიან ახლაც და მომავალშიც გაიტანჯებიან. მათი ცხოვრება ცოდვათა საუკუნო მონანიებაა თითქოს და ამავე ღროს გამთანგველი გზაა, რომელიც საუკუნო წამებისკენ მიემართება. ესენი არიან ძუნწები.

მოხუცთათვის სანუკვარია სიჭაბუკის გახსენება. უყვართ ადგილები, სადაც ახალგაზრდობა გაუტარებიათ, ადამიანები, იმ ღროს

რომ გაუცვნიათ, სიტყვები, რომელთაც მაშინ ხმარობდნენ, ძველი უაილის სიმღერები, ცეკვები. აქებენ იმდროინდელ მოდებს, ჩაცმულობას, ავეჯს, ეტლებს. არ ძალუძთ გაკიცხონ ის, რაც აღუძრავდათ ვნებებს, ხელს უწყობდა მათ გართობასა და ნეტარებას, და რასაც ვერ ივიწყებდნენ მესხიერება. აბა როგორ მოეწონებათ ახალი ჩვევები, ახლანდელი მოდები, რაც აგრე რიგად უცხოა მათთვის, აგრე რიგად უსარგებლო და შექმნილია ახალგაზრდების მიერ, რომელთაც, ყოველივე ამის შედეგად, დიდი უპირატესობა ენიჭებათ მოხუცთა მიმართ.

116

ჩაცმულობის როგორც ზედმეტი უგულვებელყოფა, ისევე გადაჭარბებული მორთვა-მოკაზმვა ნაოჭებს უმრავლებს მოხუცს და თვალსაჩინოს ხდის მის დაჩაჩანაკებას.

117

ბერიკაცი დიდი გონებით თუ არ არის დაჭილდოებული, მუდამ ქედმაღალია, ამპარტავანი და უკარება.

118

მოხუცი, ვისაც სამეფო კარზე უცხოვრია და შერჩენია საღი გონებაცა და კარგი მესხიერებაც, დაუშრეტელი წყაროა გარდასულ დღეთა მოგონებებისა და ფასდაუდებელი ხაზინა ბრძნული ჭეშმარიტებისა. საუკუნის ცოცხალი მატრიანეა იგი და აღწერს ისეთ საყურადღებო ამბებს, რასაც ვერსად წაიკითხავ. მისგან ვსწავლობთ ყოფაქცევისა და თავდაპერის წესებს, რაღაც სრულიად სანდოა, ვინაიდან გამოცდილებაზეა დაფუძნებული.

119

სიმარტოვეს ბერიკაცზე უკეთესად ახალგაზრდა ეგუება, რადგან მას ვნებები ართობს.

ფილიპი უკვე ბებერია. დახვეწილი გემოვნება აქვს ყველაფერში, რაც სიაბტკბილობას შეეხება, წვრილმანებშიაც კი. მან ხელოვნებად გადააქცია ჭამა, სმა, დასვენება, სეირნობა. თავის ჭანმრთელობისა და მყუდროების უზრუნველსაყოფად შეიმუშავა პატარა-პატარა წესები, რასაც გულმოდგინედ იცავს. ყოველდღიურ რეჟიმს საშუალება რომ მიეცა და საყვარელი ჰყოლოდა, იმის გულისთვისაც კი არ დაარღვევდა თვით მის მიერვე დადგენილ წესებს. ამ ზედმეტი წვრილმანებით ისე გადაიტვირთა, რომ ჩვეულება აუცილებლობად გადაექცა. ასე და ამგვარად, ფილიპი აორმაგებს და ამაგრებს ჭაჭვებს, რაც ცხოვრებასთან აკავშირებს და ცდილობს დაჩენილი დღეები ისე გამოიყენოს, რომ ცხოვრებასთან განშორება უფრო და უფრო მეტად გაუჭირდეს. ნუთუ ისედაც საკმაოდ არ ეშინია სიკვდილის?

გნატონი მხოლოდ თავის თავისთვის ცხოვრობს და ჰგონია, დუნიაზე მის გარდა არვინ არსებობს. იმით არ კმაყოფილდება, რომ სუფრასთან საუკეთესო ადგილზე ზის, კიდევ ორ სკამს იკავებს. ავიწყდება, საკმელი რომ მომზადებულია არა მხოლოდ მისთვის, არამედ ყველა იქ მყოფთათვის. კერძს შემოიტანენ და დააცხრება მთელ ლანგარს. მეორეს შემოიტანენ, არც იმას გაუშვებს ხელიდან. ერთს ისე არ შექამს, რომ ყველას არ გაუსინჯოს გემო. რომ შეძლებოდა, ყველას ერთად შთანთქავდა. დანა-ჩანგალი არ სჭირდება, ხელებით ჭამს, აიღებს ხორცს, გადაატრიალ-გადმოატრიალებს, ძელებს მოაცლის, გაგლეჯს, დაფლეთს ისეთნაირად, რომ მერინახეებს თუ შიათ, ნარჩენებით უნდა დაკმაყოფილდნენ. ისე თქვლეთს, ისე ამაზრუნად ითხუპნის ცხვირ-პირს, რომ დამშეულსაც მაღას წაუხდენს. სუპი და წვენი ნიკაპზე და წვერზე ჩამოსდის და წვეთავს ძირს. რაგუს გადმოიღებს, წურწურით გადმოიტანს თეფშზე, გზა და გზა ღვრის, ერთ ნაჭერს ვინმეს ჩაუგდებს თეფშში, მეორე ნაჭერს სუფრაზე დააგდებს და ასე დატოვებს კვალს. ზერებს, ენას აწკლაპუნებს, ახრამუნებს, ხენეშის, თვალებს აბრიალებს, თითქოს ბაგაზეა მიბმულიო. გამოიჩინის კბილებს და ისევ განაგრძობს ჭამას. სადაც უნდა იმ-

ყოფებოდეს, თავს ისე გრძნობს, როგორც საკუთარ სახლში. ეკლესიაშია თუ თეატრში, ისე მყუდროდ არის მოკალათებული, თითქოს თავის საწოლში იყოს. კარეტაში მხოლოდ უკან ჯდება და ყველა სხვა ადგილზე, მის სიტყვებს თუ დავუჭერებთ, თავბრუ ეხვევა. როცა მთელ ჯგუფთან ერთად მიემგზავრება, თანამგზავრებს წინ უსწრებს, ირჩევს საუკეთესო ოთახს და საუკეთესო საწოლს. იმსახურებს თავის ლაქიებსაც და სხვებისასაც. რაც ხელში მოხვდება მისი საკუთრებაა, ბარგი, ეკიპაჟი. ყველას თავს აბეზრებს, არავის არაფრად აგდებს, არავინ ეცოდება, სხვისი ტკივილი არად მიაჩნია, მართო თავისი ავადმყოფობა აწუხებს, ჭარბი სიმსუქნე და ნაღვლის ჩაქცევა; სხვის სიკვდილზე არ ტირის, თვითონ კი სიკვდილის ეშინია და ოღონდ გადარჩენოდა მას, ადამიანთა მთელ მოდგმას სიამოვნებით გაუღეტდა.

კლიტონს თავის სიცოცხლეში მხოლოდ ორი საქმე ჰქონდა: დღისით — სადილი, საღამოს — ვახშამი. როგორც ჩანს, კუქის მონელებისთვის ყოფილა დაბადებული. საუბრის თემადაც მხოლოდ ეს შეუარჩევია. ყვებოდა, ბოლო დროს წვეულებაზე რომ იყო დაპატივებული, რა საუზმე მოუტანეს, რამდენნაირი სუპი და სახელდობრ რა სუპი, ახლა შემწვარს არ იტყვიოთ, საწებლებს. ზუსტად ახსოვდა პირველი როდის მოიტანეს, როდის წაიღეს, ჩართვი როგორი იყო, რა ხილი, როგორი ჭურჭელი გაეწყოთ, რომელი ღვინო მოერთმიათ, რომელი ლიქიორი შეესვა. ზედმიწევნით იცოდა კულინარული ყოველი სიტყვა, ყოველი გამოთქმა და ისე ერკვეოდა ყოველ წვრილმანში, რომ მიღვიძებდა სურვილს მივჯდომოდი სუფრას, სადაც ის არ იმყოფებოდა. უნდა ვაღიაროთ, დიდი გასტრონომიული აღლოთი იყო დაჯილდოებული, ერთხელაც არ უღალატია მისთვის და თავი საფრთხეში არ ჩაუგდია იმით, რომ ეგემა ცუდად მომზადებული რაგუ ან მდარე ღვინო. ამ დარგის ბრწყინვალე მოღვაწე იყო და ჭამა-ყლაპვის ხელოვნება უმაღლეს მწვერვალზე აყვანა. ვერ იბოვით კაცს, ვინც ჭამს ამდენს და ჭამს აგრე შერჩევით. ამიტომ იგი უზუნაესი მსაჯული იყო ნუგბარ-ნუგბარის და ვერვინ გაბედავდა მოსწონებოდა ის, რაც მას არ მოსწონდა. მაგრამ აღარ გვყავს კლიტონი, ერთი კია, სუფრასთან აღმოხდა უკანასკნელი სუნთქვა.

თავის ოჯახში ჰქონდა გაშლილი სუფრა, როცა განუტევა სული. დარწმუნებული ბრძანდებოდეთ, სადაც უნდა იყოს, იგი უთუოდ ჰქამს და თუ უწერია სააქაოში დაბრუნება, მხოლოდ იმისთვის, რომ ჰქამოს.

123

რუფინს თმაში ჰქალარა შეეპარა, მაგრამ ჰარმაგად არის. სახეზე ერთი ნაოჭიც არა აქვს და თვალში ცეცხლი არ ჩაჰქრობია. ყოველივე ეს გვაუწყებს, რომ ოც წელს კიდევ იცოცხლებს. მხიარულია, სიცოცხლით სავსე, ხუმარა და უზრუნველი. გულიანად ხარხარებს, უმიზეზოდ იცინის თუნდაც მარტო იყოს. კმაყოფილია თავისი თავის, ოჯახის, მცირე ქონების და ამბობს, ბედნიერი ვარო. ერთადერთი შვილი დაკარგა, ყმაწვილი კაცი, რომელსაც ბრწყინვალე მომავალს უწინასწარმეტყველებდნენ და რომელიც, ალბათ, ერთ მშვენიერ დღეს თავისი გვარის მშვენება იქნებოდა. რუფინმა მისი დატირება სხვას გადააბარა, ასე თქვა: „შვილი მომიკვდა, დედამისი დიდხანს ვერ იცოცხლებსო“ — და დამშვიდდა. არც გატაცება აქვს, არც მეგობრები ჰყავს და არც მტრები, არავინ ეჯავრება, ყველა მოსწონს, ყველგან და ყველასთან თავისუფლად გრძნობს თავს. პირველ შემხვედრს ისევე გულახდილად და მინდობით ესაუბრება, როგორც იმათ, ვისაც ძველ მეგობრებად რაცხს და იმ წუთასვე მოუყვება ანეკდოტებსა და სახუმარო ამბებს. ადამიანები მიუახლოვდებიან, გასცილდებიან, ის არც ამჩნევს. ამბის მოყოლა ერთთან დაიწყო და დაამთავრებს იმასთან, ვინც პირველის ადგილს დაიჭერს.

124

„ნ“ წლებმა ისე არ გატეხა, როგორც ავადმყოფობამ. ჯერ სამოცდარვა წელიც არ შესრულებია, მაგრამ ნიკრისის ქარი და ღვიძლი აწუხებს. მიტეტკილ სახეზე მწვანე ფერი ადევს, რაც გვაუწყებს, რომ ცალი ფეხი სამარეში უდგას. მიწები მერგელით გააპოხიერებინა და გული დაიარხინა, თხუთმეტ წელს გაპატივება აღარ დამჰკირდებაო. ნორჩი ნერგები ჩაყარა და იმედი აქვს ოც წელიწადში დაბურული საჩრდილობელი გაიზრდება. ... — ის ქუჩაზე კუთხეეკ.

ში რკინის კავებით გამაგრებულ თლილი ქვის სახლს იშენებს და მიხრწნილი, ათრთოლებული ხმით, რასაც ხანდახან ხველა აწყვეტინებს, ამბობს, სახლი უკუნითი უკუნისამდე იდგებაო. მსახურის ხელზე დაყრდნობილი მშენებლობას ყოველდღე ათვალიერებს და მეგობრებს უჩვენებს, რაც გაუკეთებია და რის გაკეთებასაც აპირებს. შვილებისთვის როდი აშენებს, — არა ჰყავს, არც მემკვიდრეებისთვის, — უნამუსო ხალხია და თანაც წაჩხუბებულნი არიან. თავისთვის იშენებს და ხვალ მოკვდება.

125

ვინ არ იცნობს ანტაგორასს და მის მდაბიურ პირისახეს. საყდრის დარაჯს, ან წმიდანის ქვის ქანდაკებას, ტაძრის მთავარ საკურთხეველს რომ ამკობს, ისე არ ცნობს ხალხი, როგორც ანტაგორასს. დილით მოიბრუნს სასამართლო პალატას და კანცელარიას, სალამოს — ქალაქის ქუჩებსა და გზაჯვარედინებს. ორმოცი წელია სულ რაღაცას ჩივის და უმალ სიცოცხლეს შეეღვევა, ვიდრე ამ საქმეს. მთელი ამ ხნის განმავლობაში მართლმსაჯულების სასახლეში არ ყოფილა ისეთი გახმაურებული პროცესი, ან გაკვირვებული, აბურღული საქმე, მონაწილეობა რომ არ მიეღოს; მისი სახელი ყველა ადვოკატს პირზე აკერია, და ისე უთანხმდება „მოსარჩელესა“ და „მოპასუხეს“, როგორც არსებითი სახელი და ზედსართავი. ყველას ნათესავია და ყველასგან მოძულებული. ერთი ოჯახი არ არის, რომ არ უჩიოდეს მას, ან თვითონ არ ჩიოდეს მასზე. ხან ვინმეს მამულს ყადაღას ადებს, ხან თვითონ მის მამულს ადებენ ყადაღას და პროტესტს აცხადებს, ხან მსაჯულად ზის committimus-ის უფლებით, ხან სასამართლოს აღმასრულებლად გვევლინება გარდა იმისა, რომ ყოველდღე კრედიტორების სხდომებს ესწრება. ყველგან სინდიკად ირჩევენ, ვინმე გაკოტრდება და ისიც ზარალობს. ვიზიტებისთვის დროს პოულობს მუდამ და სასტუმრო დარბაზებში ისე არიან ანტაგორასს მიჩვეულნი, როგორც ძველ დგამს. ანტაგორასი სულ სასამართლო პროცესებზე ლაპარაკობს და ახალ ამბებს ყვება. თქვენ იგი მარეს უბანში დატოვეთ, დაგხვდებათ სენ-ჟერმენის უბანში, მიგასწრებთ კიდეც. აქაც ისევე ახალ ამბებსა და თავის პროცესზე ყვება. თქვენც საქმე თუ გაქვთ სასამართლოში და მოსამართლესთან

გარიჟრაჟზე მიხვალთ, მოსამართლე აუდიენციაზე მიგიღებთ, როგორც კი გაისტუმრებს ანტაგორასს.

126

ზოგიერთნი თავიანთ ხანგრძლივ სიცოცხლეს ანდომებენ ერთ-თაგან თავდაცვასა და სხვაზე თავდასხმას. სიბერისგან კვლებიან მას შემდეგ, რაც იმდენივე ბოროტება მიაყენეს სხვას, რამდენიც თვითონ განიცადეს.

127

თანახმა ვარ, საჭიროა მამულზე ყადაღის დადება, ქონების აღწერა, ციხეები და დასჯა, მაგრამ თავი დავანებოთ მართლმსაჯულებას, კანონმდებლობასა და ფულის ანგარიშს. ყოველთვის ერთნაირად მანციფრებს ადამიანთა უსაზღვრო სისასტიკე, ერთმანეთის საწინააღმდეგოდ მიმართული.

128

ვხედავთ ხოლმე რომელიღაც გარეულ ნადირს, მამრებსა და მდედრებს, მიმოფანტულს მინდორ-ველზე: ჩაშავებულებს, ყვიციანებს, მზისგან დახრუკულებს. მიწას მიჯაჭვულნი თავგამოდებით და ჭიუტად თხრიან და ჩიჩქნიან. თითქოსდა დანაწევრებული მეტყველებაც აქვთ და როცა წელში გაიმართებიან, ვხედავთ ადამიანთა პირისახეს. მართლაც, ადამიანები არიან. ღამით სოროებში იმალებიან და კუჭს შავი პურით, წყლითა და მცენარეულის ფესვებით ამოიყორავენ. ისინი სხვა ადამიანებს აცილებენ მოვალეობას მოხნან, დათესონ, აიღონ პური არსობისა და ამგვარად ინარჩუნებენ უფლებას, მიიღონ პური, რაც თავად მოიყვანეს.

129

ღონ ფერნანდო თავის პროვინციაში ცხოვრობს. უსაქმურია და უვიცი. ჭორიკანა ვინმეა, მოჩხუბარი, თაღლითი, თავშეუკავებელი, თავხედი. მაგრამ მუდამ მზადაა იშიშვლოს ხმალი, მეზობლებზე გა-

იწიოს და სულ უმნიშვნელო რამისთვის სიცოცხლე გასწიროს; მას ადამიანები მოუკლავს, მასაც მოკლავენ.

130

პროვინციელი აზნაური, გამოუსადეგარი სამშობლოსთვის, ოჯახისთვის, თვით თავის თავისთვის, ზშირად უსახლკარო, დაკონკილი, ყოველგვარ ღირსებას მოკლებული, დღეში ათჯერ მაინც იმეორებს, რომ კეთილშობილ საგვარეულოს ეკუთვნის. ზიზლით იხსენიებს ბეწვისმოსასხამიან და ხავერდისჩაჩიან ბურუყებს. დღე და მოსწრება ლაპარაკობს თავისი საგვარეულოს სიგელ-გუჯრებზე და ტიტულებზე, რასაც არ გაცვლის კანცლერის კვერთხზე.

131

ადამიანთა ცხოვრება წარმოდგენს უსასრულო და მრავალფეროვან შეხამებას ძალაუფლების, წყალობის, ნიჭიერების, სიმდიდრის, მაღალი მდგომარეობისა და წარმოშობის, ძილის, ფხიანობის, უნარის, სათნოების, მანკიერების, სისუსტის, სისულელის, სიღარიბის, უძღურების, დაბალი წარმოშობისა და სიმდაბლის. ეს ყოველივე სხვადასხვა ადამიანში სხვადასხვანაირად ირევა ერთმანეთში, ცვლის და ავსებს ერთმანეთს და ამგვარად ქმნის სხვადასხვა მდგომარეობასა და პირობებს. ამასთან ერთად, ადამიანებმა იციან სხვისი ავიცა და კარგიც და ერთმანეთს ეპყრობიან იმისდა შესაბამისად, როგორც უკარნახებთ გონება და ვალდებულება. ზოგს ტოლად მიიჩნევს, ზოგს მაღლა აყენებს, ზოგს — დაბლა. ამგვარად წარმოიშობა მეგობრობა, პატივისცემა, მოწიწება, ქედმაღლობა და ზიზლი. აქედანვე გამომდინარეობს ის, რომ საზოგადოებრივ თავყრილობებში ყოველ წუთს ვხვდებით იმათ, ვისი ნახვა ან მისალმება გვენატრება და იმათაც, ვისაც თვალს ვარიდებთ და ახლოს არ ვიკარებთ. ერთის ნაცნობობა საამაყოა, მეორესი-სამარცხვინო. ისიც ხდება, რომ ვისი სიახლოვითაც თავი მოგაქვთ და ცდილობთ კიდევ შეაჩეროთ და გამოესაუბროთ, ის არ გკადრულობთ და უმალ გშორდებათ. აქ თქვენს გამო გაწითლდება კაცი, იქ სხვები წითლდებიან მის გამო; აქ ის არაფრად გაგდებთ, იქ მას არაფრად აგდებენ. საკმაოდ

ჩვეულებრივია, როცა კაცი სხვას ზიზლით ეპყრობა და თავად კი იწვევს ზიზლს. რა უბადრუკობაა! რამეთუ ჭეშმარიტებაა ის, რომ ამ საოცარ ურთიერთობაში ადამიანები ერთის მხრივ იგებენ და მეორეს მხრივ აგებენ, არა სჯობია ხელი აიღონ ამპარტაენობასა და ქედმაღლობაზე, რაიც აგრე არ უხდება თავისთავად სუსტ ადამიანს, ერთხმად შეთანხმდნენ, რათა კეთილად განეწყონ ერთმანეთისადმი და ეს კი ხელსაყრელი იქნება არა მხოლოდ იმისთვის, რომ შენ არავინ დაგამციროს, არამედ იმისთვისაც, რომ განიცადო სიამოვნება, არავინ დაამცირო თვით შენ.

132

ნაცვლად იმისა, რომ ეშინოდეთ ან რცხვენოდეთ სიტყვის „ფილოსოფოსი“, ყველა ზერელედ მაინც უნდა იცნობდეს ფილოსოფიას¹. ყველასთვის საჭიროა მისი ცოდნა. მისი კანონების ცხოვრებაში გატარება გამოადგება ყოველი ასაკის, სქესის და მდგომარეობის ადამიანს. მისი შემწეობით შევეგუებით სხვის ბედნიერებას, უღირსთა დაფასებას, ბოროტთა წარმატებას, ძალ-ღონისა და სილამაზის დაკარგვას. იგი გვამხნევეს სიღარიბეში, ხანდაზმულობაში, ავადმყოფობასა და სიკვდილში. გულს გვიმაგრებს, რათა არაფრად ჩავადოთ სულელთა და დამცინავთა აყვიობა. იგი გვასწავლის, როგორ ვიცხოვროთ უქალოდ, ანდა როგორ მოვითმინოთ ქალი, ვისთანაც ვცხოვრობთ.

133

ადამიანები, ერთსა და იმავე დღეს, გულს უღებენ წვრილმან სიზარულსაცა და წვრილმან მწუხარებასაც. არაფერია ისე არათანაბარი და არათანმიმდევრული, როგორც ის, რაც დროის მცირე მონაკვეთში, მათ გულსა და გონებაში ხდება. ამისგან განკურნვა შესაძლებელია მხოლოდ იმ შემთხვევაში, თუ ამქვეყნად ყველა საგანს თავის ადგილს მიუჩენენ და სათანადოდ შეაფასებენ.

¹ ნაგულსხმევია, რა თქმა უნდა, ის, რაც ქრისტიანული სარწმუნოებიდან გამომდინარეობს.

არც პატივმოყვარე კაცი თვლის თავის თავს საკმაოდ ბედნიერად და არც მოკრძალებული ადამიანი.

მეფედ ან მინისტრად რომ არ გავჩენილვარ, ჩემს თავს უბედურად არ ვთვლი, რადგან კარგად ვიცი, რა ბედიც სწევიათ მევენახეებს, ჯარისკაცებსა და ქვის მთლელებს.

ნამდვილად უბედურია კაცი, როცა გრძნობს, რომ დამნაშავეა და ამის გამო თავის თავს საყვედურობს.

ადამიანთა უმრავლესობას ურჩევნია ერთხელ ძალუმად დაატანოს თავს ძალა და მიაღწიოს მიზანს, ვიდრე ისწრაფოდეს მისკენ ზანგრძლივად და განუხრელად. სიზარმაცისა და დაუდგრომლობის შედეგად მრავალ საუკეთესო წამოწყების ნაყოფს კარგავენ და მათ წინ უსწრებენ ისინი, ვინც უკან იყვნენ, მიდიოდნენ ნელა, მაგრამ შეუსვენებლივ.

გავბედავ და დარწმუნებით ვიტყვი, რომ ადამიანებმა გეგმების შედგენა უკეთ იციან, ვიდრე მათი შესრულება. უფრო იოლია გადაწყვიტონ, რისი გაკეთებაა საჭირო, ვიდრე გააკეთონ ის, რაც საჭიროა. კაცი რაიმე საქმეშია გარეული, წინასწარ გადაწყვეტილი აქვს, რაღაც დამალოს, მაგრამ საქმე საქმეზე რომ მიდგება, ან გაბრაზდება, ან ენას კბილს ვერ დააჭერს, ანდა საუბარში გაერთობა და საიდუმლოს უმაღლეს წამოაყრანტალებს.

ადამიანები თავიანთ მოვალეობას უნდლილად ასრულებენ, მაგრამ დიდ პატივად მიიჩნიათ, უფრო სწორად, მათ პატივმოყვარეობას ტკბილად ესალბუნება, თუ თავი უნდა გამოიჩინონ სრულიად უცნობ საქმეში, რაიც არც მათ მდგომარეობას შეეფერება და არც ხასიათს.

ადამიანი თავის ხასიათის საწინააღმდეგოდ როცა იქცევა, საკუთარ თავისგან ისევე განსხვავდება, როგორც ნიღაბი პირისახისგან.

თელეფოსს კი აქვს ჭკუა, მაგრამ, სიმართლე რომ ითქვას, იმაზე ათჯერ ნაკლები, ვიდრე თავად ჰგონია. ჰოდა, რასაც ამბობს, რასაც აკეთებს, რასაც აპირებს და რაც სურს ათმაგად აჭარბებს მის გონებრივ მონაცემებს და არ შეესაბამება არც მის ძალასა და არც უნარს. დიახ, ზუსტად ასე გახლავთ. მის წინ თითქოს ბარიერია აღმართული, რათა შეჩერდეს და იგრძნოს, რომ მისი გადალახვა დაუშვებელია. მერედა რა, ბარიერს ვინ დაგიდევს, არღვევს მიჯნას და უცხო სფეროში იჭრება. თვითონვე პოულობს თავის სუსტ მხარეებს და გამოჰფენს მათ. ლაპარაკობს იმაზე, რაც სულ არ იცის, ან ცუდად იცის. წამოიწყებს რაღაც ისეთს, რისი შნო და მარიფათი არ გააჩნია. მიისწრაფის იმისკენ, რაც მის შესაძლებლობას აღემატება. რა საქმეც უნდა იყოს, ეტოლება საუკეთესოს. ბევრი კარგი და სანაქებო თვისებითაა დაჯილდოებული, მაგრამ ცდილობს ეს თვისებები გამოფინოს როგორც ზღაპრულად დიდებული და შეუდარებელი, და ამით ყველაფერს წყალში ყრის. ხალხი თვალის ერთი დაკვრით ხედავს, რომ ისეთი არ არის, როგორიც ჩანს და ძლივძლივობით იგებს, თუ რას წარმოადგენს სინამდვილეში. თელეფოსი არც იცნობს და არც შეუძლია საკუთარი თავის შეფასება. თანაც იმგვარი ხასიათი აქვს, რომ ვერ კმაყოფილდება იმით, რისი ნიჭი და უნარიც შესწევს.

გამორჩეული გონების ადამიანს არა აქვს თანაბარზომიერი ხასიათი. ხან აღზევდება, ხან დაეშვება. მოაწვება შთაგონება და დაუცხრება. თავშეკავების უნარი თუ აქვს, ცოტას ლაპარაკობს, არაფერს წერს, წარმოსახვას ძალას არ ატანს და არ ცდილობს ვინმეს თავი მოაწონოს, განა შეიძლება იმდერო, თუ ყელი გტკივა? ხომ უნდა დაელოდო, სანამ ხმა მოგივიდოდეს?

სულელი ჰგავს ავტომატს, ჭანჭიკს. საკუთარი სიმძიმე ადგილიდან ძრავს, მიაქანებს, ატრიალებს ერთი მიმართულებითა და ერთი სიჩქარით. იგი ერთგვაროვანია და უცვლელი. ვისაც ის ერთხელ უნახავს, უნახავს ცხოვრების ყოველ წუთსა და ყოველ დროს. უკეთეს შემთხვევაში ჰგავს ხარს, რომელსაც ბღავილი შეუძლია, ან შაშვს, რომელმაც სტვენა იცის. ყოველივე წინასაწარ დადგენილი და განსაზღვრულია სულელის ბუნებით, გავბედავ და ვიტყვი, მისი ჯიშით. მასში ყველაზე შესამჩნევი არის სული; იგი არ იძვრის, არ ვითარდება, ისვენებს მხოლოდ.

სულელი არ კვდება და თუ მაინც ეწია ის, რასაც ჩვენ მიცვალებას ვუწოდებთ, სიმართლე უნდა ითქვას, მოგებული რჩება, რამეთუ მაშინ მისი სული იწყებს ფიქრს, აზროვნებას, მსჯელობას, დასკვნების გამოტანას, განსჯას, გათვალისწინებას; აკეთებს იმას, რასაც არ აკეთებდა. იგი ზორცის მასიდან თავისუფლდება, სადაც თითქოსდა დასამარებული იყო უსაქმოდ, უმოძრაოდ და ყოველივე იმის გარეშე, რისი ღირსიც იყო. ვიტყვოდი კიდევ, რომ იგი სირცხვილით წითლდებოდა თავისი სხეულისა და მისი უხეში და არასრულყოფილი ორგანოების გამო, რომლებშიაც ამდენხანს იყო ჩაკეტილი და რომელთა მეოხებით შეიქმნა მხოლოდ სულელი ან ყეყეჩი. ახლა კი იგი ეტოლება დიდებულ სულებს ადამიანებისა. ეტოლება სულებს, ვისი შემწეობითაც ყალიბდებიან ძლიერი გონებისა და მაღალი ნიჟის ადამიანები. აღენის სული აღარ განირჩევა დიდი კონდეს, რიშელიეს, პასკალისა და ლენჯანდის სულებისგან.

ყალბი სისათუთე პირად ცხოვრებაში, გამომქლავნებული რაიმე მოქმედებაში თუ ყოფა-ქცევაში, იმიტომ კი არ ითვლება ყალბად, რომ მართლაც ცრუა, არამედ იმიტომ რომ გამოწვეულია ისეთი უმნიშვნელო წვრილმანებით, რაიც სულ არ იმსახურებს ამგვარ მოპყრობას. და პირიქით, გემოვნებისა თუ ხასიათის ყალბი დელიკატობა იმიტომ ითვლება ყალბად, რომ მოჩვენებითია და თითლიბაზური. აგერ, ემილი რაც ძალი და ღონე აქვს გაჰკივის, რომ მოელის საფრთხე, რისიც სულ არ ეშინია. ერთი, პრანჭიობას გადაგებული ქალი თავის დანახვაზე ფერს ჰკარგავს. მეორე იაზე გიჟდება და გული მისდის ტუბეროზის სუნზე.

ვინ გაბედავს და წარმოიდგენს, თითქოს შეუძლია დააკმაყოფილოს ადამიანის ყველა სურვილი? იქნებ ხელგაშლილმა და უძლიერესმა მეფემ ინებოს? დაე, სცადოს. დაისახოს ერთადერთი მიზანი — ასიამოვნოს ადამიანებს. სასახლის კარი ფართოდ გაუღოს კარისკაცებს, შეუშვას თავის აპარტამენტებშიც. გაუმართოს სანახაობა ბაღებში, რომლებიც თავისთავად სანახაობას წარმოადგენენ. მოუწყოს ათასგვარი თამაშობანი, კონცერტები, გასართობები. სუფრა გაუშალოს გულუხვად და სრული თავისუფლება მისცეს ყველას. მათ მხიარულებაში თვითონაც მიიღოს მონაწილეობა. თავაზიანი იყოს ყველასთან ეს დიდებული პიროვნება, ადამიანური და თბილი ეს სახელოვანი გმირი. გგონიათ, ამას იკმარებენ? ადამიანებს ბოლოს და ბოლოს ბეზრდებათ ის, რითაც თავდაპირველად იზიბლებიან. დროთა განმავლობაში ღმერთების ტაბლასაც მიატოვებდნენ და ნექტარი მწკლარტედ მოეჩვენებოდათ. უყოყმანოდ გაჰკრავენ კბილს ღვთაებრივ სრულყოფილებას, რამეთუ გულში პატივმოყვარეობა და ქინიანი გულაზიზობა დაჰბუღებიათ. მათ თუ დაუჯერებთ, ისეთი დახვეწილი გემოვნება აქვთ, რომ მისი დაკმაყოფილება არ ძალუძს არავითარ გულმოდგინეობასა და თვით მეფურ ჰიუხვესაც კი. მათ ბოროტებას საზღვარი არა აქვს და იქამდე მიდის, რომ სიამოვნებით უშხამავენ სიხარულს იმას, ვინც სწორედ მათი

სურვილის დაკმაყოფილების შედეგად განიცდის ამ სიხარულს. და იგივე ადამიანებმა, ჩვეულებრივ ესოდენ ფარისევლებმა და მამამბლებმა, შეიძლება შეიცვალონ სახე და თვით კარისკაცებშიაც კი შევნიშნოთ ნამდვილი ადამიანი.

146

გადაპრანჭული მიხრა-მოხრა, მეტყველება და საქციელი ხშირად უსაქმურობის ან დაუღვერობის ბრალია. მაღალი გრძნობა ან სერიოზული საქმე ადამიანს ბუნებრივ იერს აძლევს.

147

ადამიანებს არა აქვთ ხასიათი და თუ აქვთ, ისიც იმდენად არათანაბარი და ცვალებადი, რომ ადამიანის ბუნებას ვერ ამჟღავნებს. კაცს არ უყვარს, როცა სულ ერთნაირია, ან ნიადაგ წესრიგს იცავს, ან მთლად უწესრიგოა. ხანდახან ერთ სათნოებას მეორეთი იცვლიან და ისვენებენ. უფრო ხშირად, ერთ მანკიერებას იზიზღებენ მეორე მანკიერების გამო. ურთიერთსაწინააღმდეგო ვნებები იტაცებთ და მათში ერთი სისუსტე მეორეს ვერ ეგუება. ურჩევნიათ, ერთი უკიდურესობიდან მეორეში გადავარდნენ, ვიდრე ისე მოიქცნენ, რომ ერთი მოქმედება მეორიდან გამომდინარეობდეს. ზომიერების მტრებს ყველაფრის გადაჭარბება უყვართ, გადაჭარბება სიკეთისა თუ ბოროტებისა, მაგრამ მალე ბეზრდებათ და მის შესარბილებლად რაღაც ახალს ჰკიდებენ ხელს. ადრასტე ისე გარყვნილი და გათახსირებული იყო, რომ არ გაძნელებია მოდას აჰყოლოდა და ღვთისმოშიში გამხდარიყო: უფრო გაუძნელდებოდა კეთილზნიან კაცად გადაქცეულიყო.

148

რად არის, რომ ერთი და იგივე ადამიანი უსაზღვრო უბედურებას თავშეკავებულად ხვდება, ხოლო ერთი ბევო გასაჭირზე თავს კარგავს და ნაღველს ანთხევს? ამგვარ საქციელს სიბრძნე არ უკარნახებს, რადგან სათნოება მარად სათნოებად რჩება და არ ღალატობს თავის თავს. მაშ, ეს მანკიერებით აიხსნება, აბა სხვა რა იქნება, თუ არა პატივმოყვარეობა, რაიც იღვიძებს და წელში სწორდება

ისეთ ვითარებაში, როცა სარფა მოელის და ყველას თავის სადიდებლად ალაპარაკებს. დანარჩენ შემთხვევაში კი მოყუჩებულია.

149

იშვიათად ვნანობთ თუ ცოტა ვილაპარაკეთ, ძალიან ხშირად—თუ ბევრი ვილაპარაკეთ. გაცვეთილი და გახუნებული ჭეშმარიტებაა, რაც ყველასთვის ცნობილია და რასაც არავინ მიჰყვება.

150

მტერს თუ მიაწერ ისეთ ბოროტებას, რაშიაც მას ბრალი არ მიუძღვის და მის თავლაფდასასხმელად ტყუილსაც იტყვი, ამით მხოლოდ საკუთარ თავს მოუტან ზიანს და მტერს დიდ უპირატესობას მიანიჭებ.

151

რამდენი, არათუ ფარული, საქვეყნოდ ცნობილი დანაშაულიც კი არ მოხდებოდა, ადამიანს რომ შეეძლოს საკუთარი თავის გამოგაწითლდეს.

152

ადამიანი, სიკეთის გზაზე იქამდე თუ ვერ მიდის, სადამდეც შეუძლია, ეს მის პირველ აღმზრდელთა ბრალია.

153

ზოგიერთი ადამიანი გონებაშეზღუდულობის წყალობით სიბრძნეს ეუფლება.

154

ბავშვებს წკებლა და სახაზავი სჭირდებათ. მოზრდილებს— გვირგვინი, კვერთხი, ზავერდის ჩაჩი, ბეწვის მოსასხამი, ლიქტორის წკებლების კონა, დოლი და მუნდირი. გონება და მართლმსაჯულება წესისამებრ თუ არ არის მორთულ-მოკაზმული, ვერც ვერავის და-

არწმუნებს და ვერც დააშინებს. ადამიანი სულიერია და ხელმძღვა-
ნელობს მხედველობითა და სმენით.

155

ტიმონი, როგორც ყველა მიზანთრობი, შეიძლება იყოს ქედმაღა-
ლიცა და გაბოროტებულიც, მაგრამ ყოველთვის თავაზიანად იქცე-
ვა. თავის თავს არ აძლევს ნებას დაიახლოვოს ვინმე; ყველასთან მე-
ტად წესიერად და სერიოზულად უქირავს თავი და ყოველმხრივ
ცდილობს, არ გაუშინაურდნენ. მათი არც უკეთ გაცნობა უნდა და
არც მეგობრობა. ამ მხრივ ემსგავსება ქალთან სტუმრად მისულ მე-
ორე ქალს.

156

გონება ჭეშმარიტებას ჰგავს — ერთადერთია. მისკენ ერთი გზა
მიდის, მისგან — ათასი. ჰკვიან კაცს უფრო იოლად გაუგებ, ვიდრე
სულელსა და თავხედს. ის, ვინც მხოლოდ ზრდილობიან და გონიერ
ადამიანებს შეხვედრია, ან სულ არ იცნობს, ანდა სანახევროდ იც-
ნობს ადამიანებს. რაც უნდ სხვადასხვაგვარი იყოს ხასიათები და ჩვე-
ვები, მაღალი წრის ურთიერთობა და თავაზიანობა ერთნაირ საბურ-
ველს ჰქმნის; ადამიანები ერთმანეთს ემსგავსებიან ქცევითა და მიხ-
რა-მოხრით, რაც ყველას მოსწონს, ყველას ბუნებრივი ჰგონია და
ყველას არწმუნებს, თითქოსდა ყველგან ასეა და სხვაგვარად არც შე-
იძლება იყოს. მაგრამ ვინმე უბირთა შორის თუ მოხვდა, ან პროვინ-
ციაში გაემგზავრა, თუ ბრმა არ არის, სულ მალე საოცარ აღმოჩე-
ნებს მოახდენს. იხილავს მისთვის სრულიად ახალსა და წარმოუდ-
გენელ რამეებს. ნელ-ნელა შეიძენს მდიდარ გამოცდილებას და
ღრმად შეიცნობს ადამიანთა მოდგმას. უკვე მათემატიკური სიზუს-
ტით გამოიანგარიშებს, თუ რა ფარდობით შეიძლება იყოს ადამიანი
აუტანელი.

157

ადამიანის ბუნების ღრმად შესწავლისა და მისი აზრების, გრძნო-
ბების, მიდრეკილებებისა და ურთიერთობის სიყალბის გაცნობის შე-

დეგად იძულებული გახლავართ ვაღიაროთ, რომ მერყეობა უფრო ნაკლები უჯდებათ მათ, ვიდრე სიმტკიცე.

158

რამდენი ვინმეა სუსტი, მოშვებული, გულგრილი, რომელიც სატირის ობიექტად გამოდგებოდა, თუმცა დიდი ნაკლი არაფერი აქვს. რამდენი სასაცილო რამ არის მიმოზნეული ადამიანებში, მაგრამ ეს სასაცილო თვისებები იმდენად უცნაური და თავისებურია, რომ მათ ყურადღებას არვინ აქცევს და არ გამოდგება არც ჭკუისა და არც ზნეობის სასწავლებლად. ეს მანკიერებანი თავის გვარში ერთადერთნი გახლავან, გადამდებნი არ არიან და კაცობრიობისთვის იმდენად დამახასიათებლად არ ჩაითვლებიან, როგორც ცალკეული პიროვნებისთვის.

თავი მეთორმეტი

მსჯელობის შესახებ

1

ისე არაფერი ჰგავს ღრმა რწმენას, როგორც გაბოროტებული კაცის გაჭიუტება. აქედან გამომდინარეობს პარტიული დაჯგუფებანი, შეთქმულებები, მწვალებლობა.

2

ერთი და იგივე რამისადმი ერთნაირად ვერ განვეწყობით: გატაცებას ზიზღი მოსდევს, ზიზღს — გატაცება.

3

სიდიადე გვაკვირვებს, არარაობა ზიზღს იწვევს, ბოლოს ვეჩვენით და ორთავეს ვეგუებით.

ჩვევა და სიახლე ერთმანეთის საწინააღმდეგო თვისებებია და ერთნაირად გვიზიდავენ.

მხოლოდ ნაძირალებს შეუძლიათ ისეთი სულმდაბლობა გამოიჩინონ, რომ ხოტბა შეასხან მათ, ვისაც მანამდე არაფრად აგდებენ, სანამ მაღალ მდგომარეობას მიაღწევდნენ.

მეფის წყალობა არ გამორიცხავს მაღალ ღირსებებს და არც გულისხმობს მათ.

საოცარია, რარივ ვიბლინძებით სიამაყითა და თავმომწონედ, რარივ ვართ დარწმუნებულნი ჩვენს მოსაზრებათა სიზუსტეში და არ შეგვწევს უნარი, შევაფასოთ მოყვასის ღირსებები: მოდა, ხალხისა და მეფის კეთილგანწყობა აგვიტაცებს და ნიაღვარივით წაგვლეკავს ხოლმე. ვაქებთ, რასაც სხვები აქებენ და არა იმას, რაც თავისთავად საქებურია.

ძნელზე ძნელია მოიწონო და შეაქო ის, რაც ქეშმარიტად ღირსია მოწონების და ქებისა. საეჭვოა, რომ სათნოებამ, ღირსებამ, სილამაზემ, სიკეთემ და შშენიერმა ნაწარმოებებმა უფრო ძლიერი და უშუალო შთაბეჭდილება მოახდინონ ჩვენზე, ვიდრე შურმა, ექვიანობამ, სიძულვილმა. ღვთისმოშიში კეთილ სიტყვას წმიდანს კი არ შეაწევს, არამედ მეორე ღვთისმოშიშს. ლამაზი ქალი თუ მეორე ქალის სილამაზეს ასხამს ხოტბას, დარწმუნებული ბრძანდებოდეთ, რომ თავად მასზე ლამაზია. პოეტი სხვის ლექსებს თუ აქებს, შეგიძლიათ სანაძლეო დადოთ, რომ ის ლექსები ცუდია და ღირსი არ არის ყურადღებისა.

ადამიანებს ერთმანეთის არც გარეგნობა მოსდით თვალში და არც საქციელი. სხვისი მოქმედება, ყოფაქცევა, აზრები, გამოთქმები, არაფერი ეპიტნავენათ, არაფერი აკმაყოფილებთ. ერთი რალაცას ყვება, ამბობს ან კითხულობს, მეორე კი ამ დროს წარმოიდგენს, მსგავს შემთხვევაში თვითონ რას გააკეთებდა, რას გაიაზრებდა, რას დაწერდა. ადამიანი ისეა სავსე საკუთარი ფიქრებით, რომ სხვისთვის აღვილი აღარ რჩება.

ადამიანთა უმრავლესობა ისეა აყოლილი უწესობასა და ხუმტურებს, ხოლო ქვეყანა ისეა სავსე მანკიერებისა და სიბრძოვის მაგალითებით, რომ ჭკუასთან ახლოს იქნება, თუ არ დავემსგავსებით სხვას, მაგრამ ისე, რომ მეტისმეტად არ შევტოპოთ და ზომიერების ფარგლებს არ გადავცდეთ.

„მოიქეცი, როგორც სხვები იქცევიან“, — საეჭვო შეგონებაა, რაც ნიშნავს, — ცუდად მოიქეციო, თუ მხედველობაში არ მივიღებთ წმინდა გარეგნულსა და უმნიშვნელო თვისებებს, რაც დამოკიდებულია ჩვევებზე, მოდაზე ან ზრდილობის წესებზე.

ადამიანები რომ ადამიანები იყვნენ და არა დათევები ან ავაზები, იყვნენ პატიოსანნი და სამართლიანნი, როგორც თავისი თავის, ისე სხვების მიმართ, რა ეშველებოდა კანონებს თავისი ტექსტებითა და მრავალტომიანი კომენტარებით, რა მოუვიდოდა სარჩელს საკუთრების უფლებების აღდგენაზე ან მინიჭებაზე, ანდა ყოველივე იმას, რასაც მართლმსაჯულება ეწოდება? სად გაძვრებოდნენ ისინი, ვინც აგრე გაბერილი და გაფუყული არიან, აქაოდა კანონებს ვიცავთ და ვემსახურებითო? ადამიანები გულწრფელნი და პირდაპირები რომ იყვნენ და წინასწარშემუშავებული აზრები არ ჰქონდეთ აკვიატებული, ვიღას დასკირდებოდა მეცნიერული დისპუტები, სქოლასტიკა და კამათი? ადამიანებს რომ არ იტაცებდეთ გარყვნილება, ღორმუცლობა, ანჩხლობა, ვინ რად დაგიდევდა იღუმალებით მოცულ სამედიცინო ჟარგონს, რომლის მფლობელთაც იგი ოქროს საბადოდ გადაუქცევიათ? ჰოი, კანონის მსახურნო, თეოლოგებო, ექიმებო, რა

გასაქირი დაგატყდებათ თავს, ყველი ერთსულოვნად კეთილგონიერი-
ნი რომ გაემხდარიყავით! ომისა და ზავის საქმეში რამდენი დიდე-
ბული მოღვაწის გარეშე გავიდოდით იოლად! ხელოვნებისა და მეც-
ნიერების რამდენი, თუნდაც სრულქმნილი და სინატიფით გამორჩე-
ული დარგი აღიგვებოდა პირისაგან მიწისა, რამეთუ ისინი კურნავენ
მრავალ სიავეს, რისი ერთადერთი წყაროც ჩვენი ბოროტი ხასიათი
გახლავთ.

ვარონის შემდეგ რამდენი რამ გაჩნდა ისეთი, რაც ვარონმა არ
იცოდა! განა არ კმარა ვიყოთ ისე განსწვალულნი, როგორც იყვნენ
პლატონი და სოკრატე?

12

ქადაგებაზე, კონცერტზე, სამხატვრო გამოფენაზე, მარჯვნიდან
თუ მარცხნიდან, გვესმის სრულიად საწინააღმდეგო აზრები, გამოთ-
ქმული ერთსა და იმავე ნაწარმოებზე. ამიტომაც დასაშვებად მიმაჩ-
ნია, რომ ყოველ დარგში შეიძლება შექმნა კარგიც და ცუდიც. კარ-
გი ერთს მოსწონს, ცუდი — მეორეს. ნუ გეშინია, შექმენი ცუდზე
უარესიც, მისთვისაც გამოიძებნებიან თაყვანისმცემლები.

13

„ელერადი“ პოეზიის ფენიქსი ნაცრიდან აღორძინდა. მისი სახე-
ლი ჩაიფერფლა და მყისვე აკიაფდა. ხალხმა, თავისი აზრების ჭიუტ-
მა დამცველმა და შეუცდომელმა მსაჯულმა, აზრი შეიცვალა: ან
უწინ ცდებოდა, ან ახლა ცდება. ის, ვინც დღეს იტყვის, „კ“-ს
ზოგიერთი ნაწარმოები არ ვარგაო, ისეთსავე გაკიცხვას დაიმსახუ-
რებს, როგორც ცოტა ხნის წინათ დაიმსახურებდა, „კ“ კარგი პო-
ეტიო რომ ეთქვა.

14

შ. პ. მდიდარი იყო, კ. ნ. არ იყო მდიდარი. „ქალწული“ და „რო-
დოგუნა“ სრულიად სხვადასხვა შეფასებას იმსახურებდნენ. ერთთა-
ვად ვეკითხებით ჩვენს თავს, რაიმე საქმეში ერთს რატომ უმარ-

თლებს ბედი და მეორეს არა. ამის მიზეზი ჩვენი აპირებული ხასიათია: ჩვენი საქმისთვის, სიამტკბილობისთვის, ჯანმრთელობისთვისა და სიცოცხლისთვის თუ დაგვჭირდა, საუკეთესოს არაფრად ჩავაგდებთ და უარესზე შევაჩერებთ არჩევანს.

15

მსახიობის წოდება რომაელებში სამარცხვინო იყო, ბერძნებში — საპატიო. ჩვენში როგორ არის? მათზე ის აზრი აქვთ, რაც რომაელებს ჰქონდათ, და ეპყრობიან ისე, როგორც ბერძნები ეპყრობოდნენ.

16

ბატალიუსი მიმოსი გახდა თუ არა, რომაელმა ქალებმა არშიყობა გაუბეს. როჰემ თეატრში დაიწყო ცეკვა, როსციამ და ნერიმბა — გუნდში სიმღერა და მაშინვე თაყვანისმცემლები ჯგროდ დაესივნენ. დიდმა ძლიერებამ რომაელებს პატივმოყვარეობა და გამბედაობა გაუღვიძა და ამის შედეგად გაუქრო მისწრაფება, შეენახათ საიდუმლო და იღუმალება, რამეთუ სიამოვნებდათ, როცა მათი სიყვარული თეატრის სცენაზე საქვეყნოდ გამოეფინებოდა. არ ექვიანობდნენ ამფითეატრში მსხდომ მაყურებლებზე და თავიანთი საყვარლების სიტურფეს უზიარებდნენ. მომთხოვნნი არ გახლდნენ, ოღონდ ყველას სცოდნოდა, რომ კომედიანტი ქალი უყვარდათ და არად აგდებდნენ თუ არც ლამაზი იყო იგი და არც ნიჭიერი.

17

ისე ვერაფერი ამქლავნებს ადამიანების შეხედულებას მეცნიერებისა და სიტყვაკაზმული ლიტერატურის არსზე, დანიშნულებაზე და იმ სიკეთეზე, რაც მას მოაქვს სახელმწიფოსთვის, როგორც მათი დამოკიდებულება ამ დარგის მოღვაწეთა მიმართ. არ არსებობს ისეთი უბრალო ხელობა, ისეთი დაბალი თანამდებობა, რომლის ესა თუ ის უპირატესობა უფრო სწრაფად და ცხადად არ ხდებოდეს თვალსაჩინო, ვიდრე მეცნიერთა და ლიტერატორთა საქმიანობაშია ეს მოსალოდნელი. ეტლში გადათხლაშული კომედიანტი ლაფში ამოგან-

გლის კორნელს, რომელიც ფეხით მიდის. ბევრისთვის მეცნიერი და პედანტი სინონიმებია.

ზოგჯერ მდიდარი კაცი ლაპარაკობს, ლაპარაკობს მეცნიერებაზე, მეცნიერი კი უნდა სდუმდეს, უსმენდეს, ტაშს უკრავდეს, თუ სურს, სხვა თუ არაფერი, მეცნიერად მიინც ჩათვალოს.

ერთგვარი გაბედულებაა საქირო, რომ ზოგიერთთა წინაშე შენი განსწავლულობის არ შეგრცხვეს: ასეთ ადამიანებს საბოლოოდ ჩამოყალიბებული, წინასწარ შეგონებული აზრი აქვთ სწავლულების შესახებ, თითქოსდა საზოგადოებაში თავაზიანი მოქცევა არ შეეძლოთ, არც ცხოვრების მულამი გაეგებოდეთ და არც ზრდილობის წესები ესმოდეთ. განდეგილად უნდა ცხოვრობდნენ და წიგნებში იქექებოდნენ. რაკი უვიცობა ადვილი მისადწევია და თავის მტკრევა არ სჭირდება, უვიცთა აურაცხელი ლაშქარი აწყდება სამეფო კარსა და სატახტო ქალაქს. აბა, მათთან რა შეუძლიათ გააწყონ ერთ მუჭა სწავლულთ, თავის გასამართლებლად რომ იხსენიებენ დ'ესტრეს, არლეს, ბოსუეს, სეგიეს, მონტოზიეს, ვარდს, შევრეზს, ნოვიონს, ლამუანონს, სკუდერის, პელისონსა და მრავალ სხვათ, ვისი განსწავლულობა თავაზიანობასაც ეტოლებოდა; ასევე ბედავენ და იგონებენ დიად სახელებს შარტრის, კონდესი, კონტის, ბურბონის, მენის, ვანდომის, სახელებს ბატონიშვილებისა, რომელთაც შეძლეს ერთმანეთისთვის შეერწყათ შესანიშნავი და ღრმა ცოდნა ატიკურ მჭევრმეტყველებასთან და რომელთა დხვეწილ მანერებთან. ამის საპასუხოდ უყოყმანოდ აცხადებენ, ესენი გამონაკლისს წარმოადგენენო. და როს სწავლულნი უფრო საფუძვლიან საბუთებსაც იშველიებენ, ბრბოს ღრიანცელში რჩება ღაღადებად უდაბნოსა შინა. ადამიანებს მართებთ უფრო ფრთხილად მიიღონ ამგვარი გადაწყვეტილებანი, თავი შეიწუხონ და შეიგნონ, რომ ეს მაღალი გონების ადამიანები, რაკი მეცნიერების განვითარებას უწყობენ ხელს და ჩვენც გვასწავლიან ვიაზროვნით, ვიმსჯელოთ, ვილაპარაკოთ და ვწეროთ სწორად, უთუოდ სამსახურსაც გვიწევენ იმ მხრივაც, რომ ჩვენი ყოფაქცევა უფრო ნატიფი ზღება.

ძნელი არ არის მანერების დახვეწილობით გამოირჩეოდე, გაცილებით ძნელია გონების დახვეწილობით გამოირჩეოდე.

19

„ეგ ხომ სწავლულია, ამბობს პოლიტიკოსი, საქმეებისა არათფერი გაეგება, ჩემი გარდერობის მეთვალყურეობასაც კი არ მივანდობდი.“ ეს კაცი მართალია. დ'ოსა, ქიმენესი, რიშელიე სწავლულები გახლდნენ და სხვა რის მაქნისები იყვნენ? რაო, კარგ მინისტრებად ხომ არ ითვლებოდნენ? „მაგან ბერძნული იცის, განაგრძობს სახელმწიფო მოღვაწე, მწიგნობარია, ფილოსოფოსი“. მართლაცადა, ათენში ხილის გამყიდველი დედაკაცი, ცხადია, ბერძნულად ლაპარაკობდა და ამიტომაც ფილოსოფოსი იყო. ბინიონები და ლამუანონებიც წმინდა წყლის მწიგნობრები იყვნენ, ეჭვი არ გვეპარება, მათაც ბერძნული იცოდნენ. რა ეჩვენებოდა, რას ჩმახავდა დიდებული და სამართლიანი ბრძენი ანტონინი ამას რას ამბობდა: „ხალხი იქნებოდა ბედნიერი, თუ იმპერატორი ფილოსოფოსი იქნებოდა, ანდა თუ იმპერიას სათავეში ჩაუდგებოდა ფილოსოფოსი“ ანუ მწიგნობარი.

ენები სხვა არა არის რა, თუ არა გასაღები, რაც მეცნიერების კარს ვეიღებს. ერთის ძაგება, მეორეს ასხამს თავლავს. მნიშვნელოვანი ის კი არ არის, ენა ძველია თუ ახალი, მკვდარია თუ ცოცხალი, არამედ, დამუშავებულია თუ არა და ამ ენაზე დაწერილი წიგნები თუ გამოირჩევა კარგი ან ცუდი გემოვნებით. დავუშვათ, რომ ერთ დღეს ფრანგულ ენას ბერძნულისა და ლათინურის ბედი ეწიოს და რამდენიმე საუკუნის შემდეგ, როცა ფრანგულად აღარავინ ილაპარაკებს, ვინმე წაიკითხოს მოლიერი ან ლაფონტენი. ის კაციც პედანტად უნდა ჩაითვალოს?

20

მე ვახსენებ ევრიბილს და თქვენ მეუბნებით, გონებამახვილი კაციო. თქვენ ასევე მეტყობით იმაზე, ვინც ბოძს თლის, ღურგალიაო, ვინც კედელს იყვანს, კალატოზიაო. მე გეკითხებით, სადაა სახელოსნო კაცის, რომლის ხელობა, თქვენის აზრით, გონებამახვილობა ყოფილა. რა აბრა აქვს სახელოსნოზე გაკრული? რა ტანსაცმლით ვიცნობთ? რა იარაღები აქვს? სოლი, ურო თუ გრდემლი? ჩე-

ხავს თუ ქედავს? საღ გამოუფენია თავისი ნამუშევარი გასაყიდად? ხელოსანი თავისი საქმით ამაყობს, ევრიპილიც ამაყობს გონებამახვილობით? თუ აგრეა, სულელი ყოფილა, გონებას რომ წვრილმანებზე ახურდავებს. მდაბალი და გამოფიტული სული ჰქონია და არ შეიძლება გამოუქმებნოთ არც გონების ნატამალი და არც ჰკუის სიმახვილე. სინამდვილეში თუ არაფრით ამაყობს, მაშინ გეთანხმებით, ჰკუაც ჰქონია და გონებაც. ვანა არ გითქვამთ ასოკირკიტა კაცზე ანდა უხეირო პოეტზე, გონებამახვილიაო? თქვენ რა, თქვენი თავი სრულიად უგონო ხომ არ გგონიათ? და თუ გონება გაქვთ, ალბათ, არც დაიღუნებულნი იქნება; მაშ თქვენც გონებამახვილი ყოფილხართ. მაგრამ გატყობთ, ცოტა არ იყოს, შეურაცხმყოფლად მიგაჩნიათ ეგ სიტყვა. მაშ, ვანაგრძეთ და მეც დაგეთანხმებით, ასე მონათლეთ ევრიპილი. გამოთქმაც ირონიულად გამოიყენეთ, როგორც სულელებს სჩვევიათ, სიტყვის აზრი რომ ვერ გაუგიათ, ანდა როგორც სჩვევიათ უციცებს, რომელნიც ირონიას განათლების ნიშნად მიიჩნევენ და სხვებს გაუნათლებლობას უკიყინებენ.

21

ჩემთან ნულარ ახსენებთ მელანს, ქალაღდს, კალამს, სტილს, გამოცემელს, გამოცემლობას. აღარავინ გამიბედოს, რა კარგად წერთო, ანტისტენ, წერა ვანაგრძეთო. ნუთუ აღარ უნდა გვეღირსოსო თქვენი წიგნი? ვანიხილეთო ყოველგვარი სიკეთე და ბოროტება თანმიმდევრულ, კარგად გააზრებულ ნაშრომში, რასაც არ ექნება დასასრული. დაავიწყდათ დაერთოთ, და არავითარი გასავალიო. მე უარს ვამბობ იმაზე, რასაც ეწოდებოდა, ეწოდება და მომავალში უნდა ეწოდოს წიგნი. ბერილს თავის დანახვანზე გული უწუხდება, მე — წიგნის დანახვანზე. ოცი წელიწადია, სადაც ხალხი მოიყრის თავს, ჩემს სახელს ახსენებენ, მაგრამ რაო, უკეთ ვკამ, უკეთ მაცვია, ჩრდილოეთის ქარი არ უბერავს ჩემს ოთახში, თუ ბუმბულის ლეიბზე ვწევარ? სახელმოხვეჭილი პიროვნება ბრძანდებითო, მეუბნებით, ბევრი თავჯანსიემელი გყავთო. მერედა, ბევრი რა მაქვს? ერთი პაწაწინტელა ნატეხიცი არ მაშავია იმ ლითონისა, რაც კაცს ყველაფერს აშოვნივებს. სასამართლოს ბრიყვი მოხელე წარადგენს გაბერილ ანგარიშს, აინაზღაურებს არარსებულ ხარჯებს და თავის გო-

გოს გაათხოვებს კონტზე, ან მაგისტრატზე. წითელ ან მოყავისფრო-ლივრეიანი კაცი მეიჯარეს თანაშემწე ხდება, მალე პატრონზე მეტად მდიდრდება. პატრონი უბირ კაცად რჩება, თვითონ კი ფულით აზნაურობას ყიდულობს. „ბ“ მარიონეტების ჩვენებით გამდიდრდა; „ბბ“ — ბოთლებით მდინარის წყლის გაყიდვით. ერთი შარლატანი მთისგალმიდან ცარიელი ზანდუკით ჩამოვიდა. ჯერ ბარგი არ მოეხსნა, რომ პენსია პენსიაზე დააყარეს და ახლა ემზადება გაბრუნდეს იქ, საიდანაც მოვიდა, მხოლოდ ჯორებშებშული ფორნებით. მერკური მერკურია და მეტი არაფერი, მაგრამ მის ხრიკებსა და გაიძვერობას ოქროთი რომ ვერ უნახლაურებენ, წყალობასა და ჯილდოებს აყრიან თავპირზე. ამას თავი დავანებოთ, ვილაპარაკოთ კანონიერ გასამრჯელოზე. მეკრამიტეს კრამიტში აძლევენ ფულს, მუშას — ღროსა და შრომაში, მწერალს თუ აძლევენ რამეს ფიქრსა და წერაში? და თუ ფიქრობს ღრმად და შესანიშნავად, უხვად აჯილდოებენ? ბინას თუ იწყობს ავეჯით, ან თუ იღებს აზნაურობას, რაკი ასე გონივრულად ფიქრობს და საუცხოოდ წერს? ადამიანები უნდა იცვამდნენ, პირს იპარსავდნენ, მათი სახლის კარი საიმედოდ უნდა იკეტებოდეს, მაგრამ განა საჭიროა განათლებულნი იყვნენ? სიგიჟეა, სიბრიყვე, სისულელე, — განაგრძობს ანტისტენი, — აბრაზე წააწერო, აქ მწერალი ან ფილოსოფოსი ცხოვრობსო. თუ შესაძლებელია მომცით შემოსავლიანი ადგილი, რაც საშუალებას მომცემს ტკბილი ცხოვრება მოვიწყო, მეგობრებს ფული ვასესხო, ვასესხო იმათ, ვისაც ვალის დაბრუნების თავი არა აქვს; ვწერო სალადობოდ, თავის შესაქცევად, როგორც ტიტირი უსტვენს, ან უკრავს ფლეიტაზე. მხოლოდ ამ პირობით დავემორჩილები იმ ძალმომრეებს, რომლებიც ყელში მიჭერენ ხელს და ჩამჩიჩინებენ. „თქვენ დაწერო!“ ჩემი ახალი წიგნის ყდაზე წაიკითხავენ სათაურს: „მშვენიერების, სიკეთის, ქეშმარიტების, იდეებისა და პირველადი მიზეზების შესახებ“. ავტორი ანტისტენი, ზღვის თევზებით მოვაჭრე.

უცხო ქვეყნის მეფეთა ელჩები¹, უკანა ფეხებზე მოსიარულე იმიუნები რომ ყოფილიყვნენ და თარჯიმნის მეშვეობით ესაუბრაოთ ჩვენთან, გოცებისაგან აგრე არ დავალბდით პირს, როგორც გვაკ-

¹ ნაგულისხმევა სიამის ელჩები, რომლებიც ამ ხანებში ეწვევნენ პარიზს.

ვირეებს მათ მსჯელობაში ხანდახან გამოთქმული საღი მოსაზრებები და ზუსტი პასუხები. სხვა ქვეყნების მიმართ წინასწარი აზრით ისე ვართ შთაგონებულნი, ისე ვიბლინძებით ჩვენი ერის სიდიადით, რომ გვაეწიყდება, დედამიწის ყველა განედზე, სადაც არსებობენ ადამიანები, არსებობს აზროვნება და საღი განსჯაც. ჩვენ არ მოვისურვებდით, ისევე გვეპყრობოდნენ ისინი, როგორც ჩვენ ვექცევით იმ ხალხს, ვისაც ბარბაროსებს ვეძახით. და თუ ჩვენში რაღაც ბარბაროსობას დაუსადგურებია, ეს სწორედ იმით გამოიხატება, რომ თავზარი გვეცემა, როცა ვხედავთ, სხვა ხალხები ჩვენსავით აზროვნებენ.

ყველა უცხოელი ბარბაროსი არ გახლავთ და არც ყველა ჩვენი თანამემამულეა ცივილიზებული. ასევე, არც ყველა სოფელია სოფლური¹ და არც ყველა ქალაქია დახვეწილი. ევროპაში ერთი დიდი სამეფოს ზღვისპირეთის პროვინციის ერთ კუთხეში სოფლები მოკრძალებულები და ზრდილნი არიან და, პირიქით, ბურჟუეზები და მაგისტრატები — გაუთლელნი. სიტლანქე მათ მემკვიდრეობით მოსდგამთ.

23

ჩვენი დახვეწილი მეტყველებით, ფაქიზი ჩაცმულობით, ნატიფი წეს-ჩვეულებებით, შესანიშნავი კანონებითა და თეთრი პირისახით ზოგიერთ ხალხს ბარბაროსებად ვეჩვენებთ.

24

აღმოსავლეთის მცხოვრებლებზე რომ ეთქვათ, ისინი ჩვეულებრივ სვამენ მაგარ სასმელებს, რაც თავში აუვარდებათ ხოლმე, ჭკუას აკარგვინებთ და არწყევინებთო, ჩვენ ვიტყოდით, რა ბარბაროსობააო.

25

ეს პრელატი მეფის კარზე იშვიათად ჩნდება, მაღალ საზოგადო-

¹ ეს სიტყვა გადატანითი მნიშვნელობითაა ნახმარი.

ებაში მასლათი არ ეხერხება, არც ქალებს ეტანება. არც დიდსა და არც პატარა მოგებაზე თამაშობს, არ ესწრება არც ზეიმებს და არც სანახაობებს, არც შეთქმულებაში იღებს მონაწილეობას და არც ხრიკების გაბმა-გამობმა სჩვევია. თავის ეპარქიაში იმყოფება ნიადაგ, მწყემსავს მრევლს სიტყვითა და საკუთარი მაგალითით. თავის ქონებას მოწყალებას ალევს, თავის სხეულს — ცოდვების მონანიებას. მკაცრი წესრიგის დამცველია და ღვთისმოსაობითა და სიწმინდით ტოლს არ უდებს მოციქულებს. დრო შეიცვალა და ამ წესწყობილებაში მოელის უფრო მაღალი წოდება.

26

კარგი იყო გვეგრძნობინებინა განსაზღვრული ყაიდისა და მეტი რომ არ ვთქვათ, სერიოზული საქმის მქონე პირთათვის, რომ ისინი სულაც არ არიან ვალდებულნი დაამტკიცონ, თითქოს აზარტულ თამაშში, სიმღერებში და დროსტარებაში არვის ჩამოუვარდებიან. ვინც დაინახავს მათ ხუმრობასა და მხიარულებას, აღარ დაიჭერებს, სხვა ვითარებაში თუ შეუძლიათ იყვნენ მომთხოვნი და მკაცრი. იქნებ გავბედოთ და შთავაგონოთ, რომ ამგვარი ყოფაქცევით ზიანს აყენებენ მაღალი წრისათვის დამახასიათებელ დახვეწილ მანერებს, რითაც თვით მოაქვთ თავი. ვინაიდან მაღალი წრის ადამიანის მანერები უნდა შეესაბამებოდეს მის მდგომარეობას, იგი კონტრასტებს უნდა ერიდებოდეს და ათასნაირად არ იცვლებოდეს, რათა არ ჩათვალონ უცნაურ და სასაცილო პიროვნებად.

27

✓ ადამიანზე ერთი შეხედვით არ უნდა იმსჯელო ისე, როგორც სურათზე ან ქანდაკებაზე მსჯელობ, არამედ უნდა შეიჭრა მისი სულის სიღრმეში: ღირსებებს მოკრძალების რიდე ფარავს, მანკიერებას — თვალთმაქცობის ნიღაბი. მეტად მცირეა რიცხვი გულთამხილველთა, ვისაც ამის შეცნობა შეუძლია და უფლება აქვს ადამიანი შეაფასოს. მეტად ნელა, ისიც დროისა და შემთხვევის წყალობით თუ ამოტივტივდება უებრო სათნოება და გამოუსწორებელი მანკიერება.

ფ რ ა ზ მ ე ნ ბ ი

... ის ამბობდა, ამ მშვენიერი ასულის გონება ეღარებაო უებრო ჩარჩოში ჩასმულ ფასდაუდებელ აღმასს, და კვლავ განაგრძობდა: მაღალი სულის და სხეულის მომხიზვლელობა ატყვევებს თვალსა და გულს იმისა, ვინც მას ესაუბრება და ვერ გაუგია, უყვარს იგი თუ აღტაცებულია მისი კდემით. მასში არის ის, რაც საწინდარია ამაღლებული მეგობრობისა და ისიც, რაც მეგობრობაზე შორს გაგიტაცებს. მეტად ნორჩია და კოკორივით აყვავებული, რომ არ მოსწონდეს ვისმეს, მაგრამ მეტად მორცხვი, რომ ისწრაფოდეს ვინმეს დაახვიოს თავბრუ. მამაკაცებში მარტოდენ მაღალ ღირსებებს აფასებს და მეგობრობას სთავაზობს მხოლოდ. სიცოცხლე ჩქეფს მასში და უნარიც აქვს ღრმა განცდებისა, ამიტომაც ხიბლავს ყველას და აოცებს კიდევ. დაუფლებია ხელოვნებას დახვეწილი და ამაღლებული მუსაიდისა, რასაც ჩაუერთავს მოსწრებულ სიტყვას, სიამოვნებასაც რომ ანიჭებს მსმენელს და არც მოითხოვს პასუხს რაიმეს. მოუბარია, ვით შეჰფერის ქალს, სწავლულად რომ არ მოაქვს თავი, ყური მოუკრავს და ეძიებს ჰემმარიტ ცოდნას, და გისმენთ ისე, ვითარც ქალი, ბევრი რომ იცის, კარგად ესმის თქვენი სიტყვის ფასი და წონა და ვისთვისაც თქვენგან თქმული არც ერთი ბგერა არ დარჩება უყურადღებოდ. არ დაგიწყებთ დაეას და კამათს, ვით სჩვევია ელვირს, რომელსაც ნებავეს უფრო მეტად ითვლებოდეს გონიერ ქალად, ვიდრე საღად აზროვნებდეს, ცხადად და ზუსტად. აბა რას ვამბობ, კამათს კი არა, თქვენი გრძნობა თითქოს მასთან გადაინაცვლებს, განავრცობს იმას, რაც თქვენ თქვით, შეამკობს მეტად და თქვენც გიხარით, აგრე კარგად რომ გიფიქრიათ, რომ არ ელოდით, წარმოგიტყვამთ ისეთი სიტყვა. გამოჩენას რაკი არ ცდილობს, ძალდატანებით არც საუბრობს და არც წერს ასე. სტილს არად აგდებს, როცა აზრი არის მთავარი, რაკი მიმხვდარა, მჭევრმეტყველების სამკაული მარტოდმარტო სისადავია. თუკი დასჭირდა დაეხმაროს, მოყვასს უშველოს და თქვენ მოგმართოთ ასეთი საქმისთვის, ელვირს მიუშვებს დააფრქვიოს მაღალფარდოვნად სიტყვა კაზმული და რუდუნებით შერჩეული ყოველგვარი შემთხვევისათვის, თვით არტენისი უბრა-

ლოდ, გულლიად და გატაცებით მყის დაგაჯერებთ, უნდა უშველოთ მთხოვნელს უთუოდ. ყველაზე მეტად კითხვა უყვარს, თან ნაცნობობა გამოჩენილ და სახელგანთქმულ პიროვნებებთან, არა იმიტომ, რომ ისინი იცნობდნენ თვით მას, არამედ თვითონ უნდა გაცნობა მათი. არ არის ძნელი, ადრევე მიხვდეთ, გაივლის წლები, საქებური დადგება ქალი, ბრძენი და სათნო, რამეთუ ახლა ხინჯი არა აქვს მის ყოფაქცევას, არც მის განზრახვებს და არც მტკიცე პრინციპებს მისას, რაიც აგრე საჭიროა არტენისივით თაყვანისმცემლებითა და ფარისევლებით გარშემორტყმულ ყველა ქალისთვის. ვაითუ შემთხვევა არ მიეცეს, ვერ იპოვოს სათანადო სარბიელი, იმისათვის, რომ საქვეყნოდ აკიაფდეს მისი ბრწყინვალე ღირსებები, რაკი კარჩაკეტილი ცხოვრება უყვარს და, თუმცა ბაიყუშობას ვერ დაეწამებთ, მაინც უნდა ვთქვათ, ცოტა არ იყოს, მარტოობის მოტრფიალეა.

29

ლამაზი ქალი თავისთავად მშვენიერია. არაფერს კარგავს, როცა შილიფად არის ჩაცმული და სამკაული არაა სჭირდება, საკუთარი ხიბლისა და სინორჩის მეტი. მიამიტი სინარნარე უციაგებს პირისახეზე, მიხრა-მოხრას უკეთილშობილებს. ამაზე მეტად ვერ დაღუპავდა მამაკაცებს მისი ხილევა, რაც უნდ მოდაზე მორთულ-მოკაზმულიყო და გამოპრანჭულიყო. ასევე, კეთილგონიერი კაცი თავისთავად არის პატივსაცემი და არ სჭირდება ეცადოს შეიქმნას ისეთი გარეგნობა, რაიც მის პიროვნებას მეტ ღირსებასა და ღიღებულებას შემატებს. შეცვლილი იერი, გადაქარბებული თავმდაბლობა, ახირებული ჩაცმულობა, ფართოფარფლებიანი ქუდი არაფერს შესძენს მის კეთილსინდისიერებას, უფრო მეტად ვერ გამოაჩენს მის ღირსებებს, მხოლოდ შეალამაზებს ამ კაცს და ვაითუ დაუკარგოს ბუნებრიობა და უბრალოება.

ხელოვნური სიდიადე სასაცილოა. თითქოს ორი უკიდურესობა ემთხვევა ერთმანეთს და მათი შუალედი კი საკუთარი ღირსების შეგნებაა. ვინც ცდილობს გახდეს ღიადი ადამიანი, ვერ მიაღწევს მიზანს, რადგან ეს სიდიადე კი არ იქნება, არამედ შესრულება ღიადი პიროვნების როლისა. სიდიადე მხოლოდ ბუნების ძღვენია. უფრო ადვილია დაკარგო იგი, ვიდრე შეიძინო.

ნიჭიერი და სახელგანთქმული ადამიანი თუ პირქუშია და მიუყარებელი, აფრთხობს ყმაწვილკაცებს, მცდარ აზრს შთაუწერგავს სათნობაზე და აფიქრებინებს, რომ მეტად ძნელი და მოსაწყენია გზა სიკეთისა. ხოლო თუ იგი გულლიაა და პირმცინარი, ახალგაზრდებს მეტად სასარგებლო გაკვეთილს აძლევს და ასწავლის, რომ შეიძლება იცხოვრო მხიარულადაც და საქმიანადაც, გქონდეს სერიოზული მიზნები და უარს არ ამბობდე ისეთ გართობაზე, რაც წესიერების ფარგლებს არ სცილდება. იგი იძლევა მაგალითს, რისი მიბაძვაც სასურველია.

31

პირისახის მიხედვით არ შეიძლება იმსჯელო ადამიანებზე. მისი მიხედვით ვარაუდი შეიძლება მხოლოდ.

32

გონიერი გამომეტყველება მამაკაცისთვის იგივეა, რაც სახის სწორი ნაკვთები ქალისათვის. ასეთი ყაიდის სილამაზე მარტოოდენ უტვინოებს ენატრებათ.

33

კაცი, ვისი გონება და მაღალი ღირსებები ყველას მიერ არის აღიარებული, არ შეიძლება უშნოდ გეჩვენებოდეს, თუნდაც არ ჰქონდეს სწორი ნაკვთები. და მახინჯიც რომ იყოს, მაინც არ ტოვებს ასეთ შთაბეჭდილებას.

34

რაოდენ ოსტატობას მოითხოვს ბუნებრიობა. რამდენი დრო, გამოცდილება, ყურადღება და გარჯა გვჭირდება, რომ ვიცეკვოთ ისე, მსუბუქად და მოხდენილად, როგორც დავდივართ, ვიმღეროთ ისე, როგორც ვლაპარაკობთ, ვილაპარაკოთ და ვიმსჯელოთ, როგორც ვფიქრობთ, ისევე მგზნებარედ, ცოცხლად, გატაცებით და დამარწმუნებლად წარმოვთქვათ ადრე ნასწავლი სიტყვა საზოგადოების

წინაშე, როგორც უბრალოდ და მოუმზადებლად ვმასლაათობთ კერძო საუბარში.

35

არ უნდა გვწყინდეს, თუ ვინმე კარგად არ გვიცნობს და ჩვენზე ცუდი აზრისაა. იგი ჩვენს წინააღმდეგ კი არა, თავისი წარმოდგენით შექმნილი მოჩვენების წინააღმდეგაა განწყობილი.

36

არსებობს მრავალი წერილმანი პირობითობა, ვალდებულება, ზრდილობის წესი, დაკავშირებული ადგილთან, დროსთან, განსაზღვრული წრის ადამიანებთან, რომელთა შეცნობა გონებას არ შეუძლია და გამოცდილება კი ადვილად ითვისებს. ადამიანზე რომ იმსჯელო ამგვარი წესების დარღვევის მიხედვით, როცა იგი ჯერ არ შესჩვევია მათ, იგივეა იმსჯელო მისი ფრჩხილებისა და თმის ვარცხნილობის მიხედვით. ერთ მშვენიერ დღეს უეჭველად მიხვდები, რომ შეცდი.

37

✓ არ ვიცი, დასაშვებია თუ არა, ადამიანზე შეიქმნა აზრი მისი იმ ერთადერთი შეცდომის მიხედვით, რაც გამოწვეულია ან უკიდურესი გაჭირვებით, ან უსაზღვრო გატაცებით, ანდა დაუფიქრებლობით.

38

იმის საწინააღმდეგო, რასაც საქმეებზე და ხალხზე ამბობენ, ზშირად არის სრული სიმართლე.

თუ ყოველთვის ფრთხილად არ იქნები და არ გამოზომავ ყოველ სიტყვას, მოგელის საშიშროება, ერთ საათზე ნაკლებ დროში თქვა ჰო ან არა ერთსა და იმავე საგანზე ან ადამიანზე, რასაც გაიძულებს ზრდილობისა და საზოგადოებრივი ურთიერთობის წესები; ამ წესებში მიხედვით კი დაუშვებელია ერთს ან მეორე მოსაუბრეს შეესიტყვო, თუნდაც ერთი ალთას იყვეს და მეორე ბალთას.

მიკერძოება მრავალ უსიამოვნებას ახვედრებს ადამიანს, რაკი ყოვლად შეუძლებელია, რომ ის, ვისაც იგი მფარველობს, იყოს უთუოდ იღბლიანი და გონიერი, ხოლო ის, ვინც არ ეპიტნაეება, აუცილებლად უიღბლო და უტვინო იყოს. რაკი ასეა, ხალხის წინაშე ხშირად უხერხულ მდგომარეობაში ვარდება ან მეგობრების მარცხის შედეგად, ან იმათი წარმატების გამო, ვინც არაჯერად ეპრიანება.

კაცი, რომელსაც რაიმეზე წინასწარ აქვს შექმნილი აზრი და ბედავს ექიროს საერო თუ სასულიერო მაღალი თანამდებობა, ემსგავსება ბრმას, ვისაც ხატვა მოუწადინებია, მუნჯს, ვისაც თავს უღვია სახეიმო სიტყვით გამოსვლა, ყრუს, სიმფონიაზე რომ მსჯელობს. ეს მეტად სუსტი შედარება გახლავთ და მთელი სისავსით ვერ გამოხატავს წინასწარ აკვიატებული აზრის მთელ საშიშროებას. უნდა დავძინოთ, ეს არის საშინელი, განუკურნავი სენი და გადამდებია ყველა იმათთვის, ვინც ავადმყოფს გაეკარება. იგი მუსრავს ყველას, სნეულის თანასწოროთ, მასზე ქვემდგომებს, ნათესავებს, მეგობრებს, თვით ექიმებსაც კი. ექიმები ვერაფერს გააწყობენ, თუ არ ჩააგონებენ, რაცა სჭირს, თუ არ მიაღებინებენ წამალს, ესე იგი, თუ არ დაიყაბულებენ, რომ საჭიროა მოუსმინოს სხვას, ნაკლებ დაუჯეროს თავის თავს, ღრმად ჩაწვდეს საქმის რაობას და მიიღოს ცოტაოდენი განათლება. ხოლო პირმოთნეები, თაღლითები, ცილისმწამებლები, რომელნიც ენას ატარტარებენ მხოლოდ ტყუილის სათქმელად და ანგარებიანი მიზნების მისაღწევად, არიან შარლატანები, ვისაც იგი ენდობა და ყლაპავს ყველაფერს, რასაც ისინი აწვდიან. სწორედ ამგვარი ადამიანები წამლავენ და კლავენ მას.

დეკარტეს შეგონება, საგანზე მსჯელობა მხოლოდ მისი გულმოდგინე და ძირფესვიანი შესწავლის შემდეგ შეიძლებაო, იმდენად.

მშენებელია და ზუსტი, რომ იგი უნდა გავავრცოთ ადამიანთა შესახებ მსჯელობაზეც.

43

ადამიანთა მიერ ჩვენი გონების, ზნეობისა და მანერების გაკიცხვა იმდენად ნაკლებ შეურაცხვეყოფს, რამდენადაც ბილწი და სალახანები არიან მათი რჩეულნი.

აქედანვე გამომდინარეობს ის, რომ მაღალი ღირსების კაცს არაფრად აგდებენ, ხოლო სულელს შეფრთხივნიან.

44

სულელი ისაა, ვისაც იმდენი ჭკუაც კი არა აქვს, რომ თავის თავზე შეყვარებული ქარაფშუტა მაინც იყოს.

45

თავის თავზე შეყვარებული კაცი არის ის, სულელებს რომ ღირსეულად აღამიანად მიაჩნიათ.

46

თავხედი ისაა, ვინც თავის თავზე უსაზღვროდ არის შეყვარებული. თავის თავზე შეყვარებული კაცი გლის, გაშტერებს, თავს გაბეზრებს და გაზიზღებს; თავხედი თავს გაზიზღებს, განრისხებს, გაცოფებს, შეურაცხვეყოფს. იგი იწყება იქ, სადაც პირველი მთავრდება.

თავის თავზე შეყვარებული კაცი თავხედისა და სულელის შუალედია. ერთისგანაც რაღაც აქვს მიღებული და მეორისგანაც.

47

მანკიერება სულის გახრწნაა; ნაკლი-ხასიათის მანკიერებაა; სასაცილო თვისებები — ჭკუის ნაკლია.

სასაცილო კაცი ისაა, ვინც სულელს ემსგავსება, სანამ სასაცილოა.

სულელი ყოველთვის სასაცილოა, ეს მისი დამახასიათებელი ნიშანია.

კვიანი კაციც ხანდახან სასაცილოა.

ფათერაკი გონიერ კაცსაც კი სასაცილოდ ხდის.

სულელი ყოველთვის სულელია, თავის თავზე შეყვარებული კაცი ყოველთვის თავის თავზეა შეყვარებული, თავხედი ყოველთვის თავხედი. სასაცილო კი არის ხან ის, ვინც მართლა სასაცილოა და ხან კი ის, ვინც სასაცილოდ ეჩვენებათ იმათ, ვინც მიჩვეულია სასაცილო დაინახოს იქ, სადაც არ არის და არც შეიძლება იყოს.

48

უხეშობა, უზრდელობა, უკმეხობა შესაძლებელია გონიერი კაცის ნაკლიც იყოს.

49

შტერი არის სულელი, რომელიც კრინტს არ ძრავს და ამიტომ უფრო ასატანია, ვიდრე სულელი, რომელიც ლაპარაკობს.

შტერი ჩუმი სულელია და ამიტომ სჯობს ლაქლაქა სულელს.

50

ერთი და იგივე სიტყვები მიამიტობად ან ენაკვიმატობად გვეჩვენება, თუ გონიერი კაცი წარმოთქვამს, ხოლო სისულელედ, თუ სულელი ამბობს.

51

თავის თავზე შეყვარებულ კაცს უადგილო ადგილას ნათქვამი სიტყვის რომ ეშინოდეს, მაშინ თავის ხასიათს უღალატებდა და თავის თავზე შეყვარებული არ იქნებოდა.

52

ლაქლაქი გონებაშეზღუდულობის ერთ-ერთი ნიშანია.

სულელი მორცხვია, ქარაფშუტა — თავმომწონე და ლაღი, თავ-
ხედი — კადნიერი, ღირსეული ადამიანი — მოკრძალებული.

თვითკმაყოფილი ადამიანი ისაა, ვინც დიდ საქმეებად წოდებულ
წვრილმან მოხერხებულებას უსაზღვრო გონებაშეზღუდულობას
უხამებს.

თვითკმაყოფილ კაცს მიუმატეთ ერთი მისხალი ტვინი და ცოტა-
ოდენი საქმე, კულაბზიკა გახდება.

სანამ კულაბზიკაზე იცინიან, მას სხვა სახელი არ გამოეძებნება,
როგორც კი მის გამო ატირდებიან, ყოყოჩა გამხდარა და ეგაა.

კეთილზნინიანი ადამიანი მოხერხებულსა და სათნო ადამიანებს
შორის დგას, მხოლოდ მანძილი მასა და ამ ორ უკიდურესობას
შორის ტოლი არ არის.

მანძილი კეთილზნინასა და მოხერხებულს შორის დღითი დღე
მცირდება და საცაა გაქრება.

მოხერხებული არის კაცი, რომელიც ფარავს თავის ვნებებს, ან-
გარებისთვის იბრძვის და მას ბევრ რამეს სწირავს, ვისაც უნარი
შესწევს ქონება შეიძინოს, ან შეინარჩუნოს.

კეთილზნინიანი ისაა, ვინც შარავზაზე არ ქურდობს, არავის კლავს,
და ვინც მანკიერებას საქვეყნოდ არ გამოფენს.

ყველასთვის ცნობილია, სათნო კეთილზნინიცი არის, მაგრამ ერ-
თი რამაა საოცარი, არცთუ ყველა კეთილზნინი ადამიანი არის
სათნო.

სათნო ადამიანი არც წმიდანია და არც ღვთისმომღიში, იგი კმა-
ყოფილდება იმით, რომ სათნოა.

ნიჰი, გემოვნება, საღი გონება სხვადასხვა. მაგრამ შეთავსებადი
თვისებებია.

სალ გონებასა და კარგ გემოვნებას შორის იგივე განსხვავებაა, რა განსხვავებაც არსებობს მიზეზსა და შედეგს შორის.

ჰკუასა და ნიქს შორის ის განსხვავებაა, რაც მთელს ნაწილისგან განსხვავებს.

განა შეიძლება ჰკვიანი კაცი ვუწოდო იმას, ვინც ჩაკეტილა, შემოსაზღვრულა ხელოვნების, თუნდაც მეცნიერების ერთი დარგით და რახან სრულყოფილად დაუფლებია, სხვა არაფერი ახსოვს და არაფერზე ფიქრობს. არ გააჩნია არც განსჯა, არც მგზნებარება, არც წესიერება და არც გულისხმიერება. არ შეუძლია მოგისმინოს, დაფიქრდეს, აზრი გამოთქვას. მაგალითად, ავიღოთ მუსიკოსი. მომნიბლა მისმა დაკვრამ. მერე კი თითქოს საკრავიანად შალითაში ჩაძვრაო. როგორც კი საკრავს ხელს შეუშვებს, იქცევა მანქანად, რომელსაც რაღაც ნაწილი აკლია და აღარაფრის მაქნისია.

ვინ მეტყვის რას ნიშნავს აზარტული მოთამაშის ჰკუა? ვინ განსაზღვრავს მას? ლომბერის ან ჰადრაკის თამაში თუ მოითხოვს გამპკრიახობას, მოქნილობას, გონების დახვეწილობას? და თუ მოითხოვს, რატომაა, რომ შტერები ხშირად საუცხოოდ თამაშობენ, ხოლო დიდად ნიჭიერი საშუალო დონესაც ვერ აღწევენ და ხელს მოჰკიდებენ თუ არა ბანქოს ქალაღდს ან ჰადრაკის ფიგურებს, თავბრუ ეხვევათ და გონება ეფანტებათ?

ერთი რამ არის ჰვეყნად გასაოცარი. ხედავთ ეს კაცი გაუთლელია, მოუხეშავი, გამომტერებული, არც საუბარი შეუძლია და არც ნანახიზ გადმოცემა. მოჰკიდებს კალამს ხელს და სანიმუშო მთხრობელია; ამეტყველებს პირუტყვს, ხეებს, ჰვეებს, ყოველივეს, რაც არ მეტყველებს. რა სიმსუბუჰე, რა სინატიფე, რა უშუალობა და სინათუთე გამოსჰვეივის მისი თხზულებებიდან.

მეორე კაცი უბრალოა, მორცხვი, მოსაწყენი მოსაუბრე. ნიადაგ ეშლება სიტყვები, ერთის მაგივრად მეორეს ამბობს. თავისი პიესის ღირსებაზე მიღებული ჰონორარის მიხედვით მსჯელობს. არ შეუძლია ხეირიანად წარმოთქვას ან წაიკითხოს ის, რაც თვითონვე შექმნა. მაგრამ რა მწვერვალებს აღწევს თავის შემოქმედებაში! უტოლდება ავგუსტუსს, პომპეუსს, ნიკომედს, ჰერაკლიუსს! მეფეა იგი, დიდი ხელმწიფე, არის პოლიტიკური მოღვაწეც და ფილოსოფოსიც. გმირებს ალაპარაკებს და ამოქმედებს. ხატავს რომაელებს და მის

ლექსებში რომაელები უფრო დიდებულნი, უფრო რომაელები არიან, ვიდრე თვით ისტორიული პიროვნებები.

გნებავთ კიდეც ერთ სასწაულს მოგიყვებით. წარმოიდგინეთ კაცი თავაზიანი, გულთბილი, საამური, დამთმობი, და, ამასთან ერთად, სასტიკი, მრისხანე, ფიცხი, ჭირვეული. იგი გულუბრყვილოა, უშუალო, მიმნდობი, ხუმარა, თავქარიანი, პირდაპირ ჭაღარა ბალღი. მაგრამ მიუშვით ფრთა გაშალოს მისმა გენიამ, რომელიც მასში თუხ-თუხებს, გავბედავ და ვიტყვი, თვით მისდა გაუცნობიერებლად, მისდა დაუკითხავად! დე, თვით გაპყვეს შთაგონებას და რა ამალღებულად, რა აღმაფრენით, რა ხატოვნად აუღერდება მის ბაგეზე ლათინთა ენა. ალბათ სხვაზე მელაპარაკებით, მომმართავთ თქვენ. ო, არა, სწორედ იმაზე, თეოდასზე და სხვა არავისზე. ის ყვირის, ცოფებს ყრის, იატაკზე გორავს, წამოდგება, ჭექა-ქუხილივით გრგვინავს და უცბად, შუა ქარიშხალში გამოსხლტება სხივი, აკაშკაშდება და სითბოს მოგაფრქვევს. მიკიბ-მოკიბულად ნურაფერს ვიტყვით, იგი მეტყველებს გიჟივით და აზროვნებს ბრძენივით. სასაცილოდ წარმოთქვამს ჭეშმარიტებას და უთავბოლოდ — ზუსტსა და ნათელ მოსაზრებებს. და თქვენს გაოცებას საზღვარი არა აქვს, როცა ამ ჭამბაზობასა და მანჭვა-გრეხაში გამოკრთება და აკიაფდება საღი აზრი. მეტი რაღა ვთქვა? თვითონაც არ იცის, რას ამბობს ან რას აკეთებს. მასში თითქოს ორი სული ბინადრობს, ერთმანეთს არ იცნობენ და ერთმანეთთან არაფრით არიან დაკავშირებული. თითოეულს თავისი დანიშნულება აქვს და თავისი ადგილი. ამ გასაოცარ პორტრეტს დააკლდებოდა უკანასკნელი შტრიხი, თუ არ გავიხსენებდი, რომ იგი ხოტბაზეა დახარბებული და ვერ ძღება მისი მოსმენით. ლამის თვალი გამოკაწროს ვინმე კრიტიკოსს, მაგრამ გულის სიღრმეში ისე თვინიერიია, რომ არვის შენიშვნებს უყურადღებოდ არ ტოვებს. ახლა თავად მეპარება ეჭვი, იქნებ ორი, სულ სხვადასხვანაირი ადამიანი აღვწერე. თუმცა თეოდასში მესამესაც ვიპოვით, რამეთუ იგი არის კეთილი, ენამოსწრებელი და შესანიშნავი ადამიანი.

სალი განსჯის გარდა, ქვეყნად ყველაზე იშვიათი გახლავთ აღმასები და მარგალიტები.

მავანი საქვეყნოდ ცნობილია დიდი ნიჭიერებით. სადაც უნდა გამოჩნდეს, ყველა მოწიწებით ეპყრობა და ეთაყვანება, ხოლო არარაობაა თავის ოჯახში, შინაურებში, რომელთაც ვერ შთაუწერგა პატივისცემის გრძნობა. მეორე კი, პირიქით, ჭეშმარიტი წინასწარმეტყველია და სასიქადულო პიროვნება ოთხ კედელს შუა, შინაურებში, რომლებიც ალტაცებულნი არიან თავიანთი კერპის იშვიათი და შეუდარებელი ღირსებებით. ნებსით თუ უნებლიეთ ყოველივე ამას ეთხოვება, როგორც კი გარეთ გამოდის.

როგორც კი ადამიანი სახელმძოხვეჭილი ხდება, ყველა მის წინააღმდეგ აღსდგება; თვით იმათაც კი, ვისაც მეგობრებად თვლის, ვერ უპატიებიათ, რომ მისი მაღალი ღირსებები უკვე ფრთებს შლის, სახელი მისი საცაა ჭვეყანას მოედება და შეუერთდება იმ დიდებს, რაიც თავად უკვე მიუღიათ. რამდენადაც შესაძლებელია მას არ ამჩნევენ, არ ესალმებიან. მხოლოდ მაშინ, როცა მეფე გადახედავს მოწყალე თვალთ და ჭილდოებით ადავსებს, იგი გამოჩენილ ადამიანთა შორის დაიკავებს ადგილს და ყველა ალტაცებით შეეგებება.

ხშირად უზომოდ ვაჭებთ საკმაოდ შუალანა ადამიანებს და ვცდილობთ ისინი წამდვილი ნიჭიერების სიმალლემდე ავიყვანოთ, შეიძლება იმიტომ, რომ გვბეზრდება ერთი და იმავე პიროვნებების მიმართ ალტაცების გამოხატვა, ანდა იმიტომ, რომ ამ გზით ვაკნინებთ მათ სახელსა და დიდებს, რაიც ჩვენთვის უკვე ნაკლებად შეურაცხყოფელი იქნება და ადვილად შესაგუებელი.

ზოგიერთს უზენაესი მოწყალეების წიავექარი თავბრუდამხვევად მიაქანებს წინ. თვალის დახამხამებაში აღარ ჩანს მიწა და დინებას

მიპყვება ნაღვი გაშლილი იალქნებით. ასეთ ადამიანებს ყოველივე ფიანდაზად ეშლებათ ფერხთქვეშ, ყველა უღიმის, საწადელი უსრულდებათ. თითოეული ნაბიჯი მათი, თითოეული ქმედება აღვსილია ქება-დიდებითა და ჯილდოებით. გამოჩნდებიან და ყველა გარს ეხვევა, ულოცავს. შორიახლოს აღმართულია კლდე სალი და მიუდგომელი. მის ძირას იმსხვრევა ყოველი ტალღა: ძლიერება, სიმდიდრე, მუქარა, მლიქვნელობა, გავლენა, მფარველობა ქარიშხალივით ეხეთქება, მაგრამ ვერ არყვეს. კლდე იგი არის ხალხი, რომელთან შეჯახებაშიაც იღუპებიან ამ ყაიდის ადამიანები.

62

ჩვეულებრივია და თითქოს ბუნებრივიც, რომ ადამიანი სხვის შრომას საკუთარი საქმიანობის თვალსაზრისით აფასებს. სწორედ ამიტომ ამალღებული და დიდებული აზრებით გამსჭვალული პოეტი დიდად არაფრად მიიჩნევს ორატორის მჭევრმეტყველებას, რაიც უმეტეს წილად სანიადაგო საკითხებს ეხება. იმისთვის, ვინც თავისი მამულის მატრიანეს აღგენს, გაუგებარია, გონიერი ადამიანი სიცოცხლეს როგორ ალევს რაღაც ზღაპრების შეთხზვასა და რაღაც რითმების ძიებას. ხოლო ბაკალავრი, პირველი ოთხი საუკუნის შესწავლით გატაცებული, დარწმუნებულია, რომ ყველა სხვა მეცნიერება არის მოსაწყენი, უაზრო და უსარგებლო. ამავე დროს, თვით მას, ალბათ, აგდებით უცქერს გეომეტროსი.

63

ზოგს საკმაო ჰქუა აქვს, ღრმად გაეცნოს რაიმე საგანს და სხვა-საც ასწავლოს. მაგრამ იმის ჰქუა არ ყოფნის, კრინტი არ დაძრას ისეთ საკითხზე, რაზედაც ბუნდოვანი წარმოდგენა აქვს მხოლოდ. თავისი ცოდნის საზღვრებს თამამად ტოვებს, მაგრამ გზა ებნევა და იქცევა ისე, რომ გამოჩენილი ადამიანი სულელივით რატრატებს.

64

ერილი ციტატებზეა გადაგებული. საუბრობს თუ წერს, ან ამბობს სიტყვას, მოჰყავს ციტატები. ღვინო ათრობსო, ფილოსოფოს-

თა მეფის აზრს იშველიებს. ღვინოს წყლით აზავებენო, რომაელ ორატორს ესესხება. ზნეობის საკითხებს განიხილავს და თვითონ კი არა, ღვთაებრივი პლატონი ირწმუნება, სათნოება საქებურია, მანკიერება დასაგმობი და ორთავე შესაძლებელია ჩვეულებად იქცესო. თავს ვალდებულად რაცხს, გაცვეთილი, უფერული, სრულიად უმნიშვნელო ჭეშმარიტებანი, რასაც თვით ერილიც კი ადვილად მოიფიქრებდა, ნიაწეროს ძველ ლათინთ და ბერძნებს. და ამას იმიტომ კი არ აკეთებს, რომ ცდილობს მეტი წონა მისცეს თავის ნათქვამს, ანდა განსწავლულობით მოიწონოს თავი; ციტატებზე სული მისდის.

65

მოსწრებელი სიტყვა თუ თქვი და თან განაცხადე, ჩემიაო, იქნებ ფათერაკს გადაეყარო და სიტყვა ჩავიფლავდეს. მსმენელები თუ გონიერი ხალხია, ან ასეთებად თვლიან თავს, ისე მოიქცევიან, ვითომ ვერ შენიშნეს, რადგან დაუშვებლად მიაჩნიათ, რომ თავად არ მოიფიქრეს ეს სიტყვა. და, პირიქით, სიტყვა თუ სხვას მიაწერე, მაშინ ყველა მოიწონებს, ვინაიდან ჩათვლის ფაქტად, რომლის წინასწარი ცოდნა სავალდებულო არ იყო. ამასთან, იგი უფრო ზუსტად ხვდება მიზანს, არავის შურს არ აღუძრავს და არვის გაკრავს კბილს. თუ საჭიროა, გაიცინებენ, თუ მოსაწონია, მოიწონებენ.

66

სოკრატეზე ამბობდნენ, ყოველთვის ბოდავდა და ჭკუით გატენილი გიყი იყოო. მაგრამ ის ბერძნები, რომლებიც ამ ბრძენ კაცზე ამგვარად ლაპარაკობდნენ, თავად იყვნენ გიყები ისინი ამბობდნენ: რა უცნაურ სურათებს გვიხატავს ეს ფილოსოფოსი! რა ახირებულსა და არგავონილ ზნე-ჩვეულებებს აღწერს! საღ გამოუძებნია, ამოუთხრია და შეუგროვებია ეს ახირებული აზრები! რა ფერებია! რა ფუნჯი! ნამდვილი ქიმერებია! ბერძნები ცდებოდნენ. დიახ, ეს იყო ურჩხულები, იყო მანკიერება, მაგრამ სინამდვილიდან ისე ცოცხლად გამოხატული, რომ შიშს აღუძრავდათ. სოკრატე ერიდებოდა ცინიზმს, წყალობდა ადამიანებს და კიცხავდა ცუდ ზნე-ჩვეულებებს.

კაცი, რომელმაც სიმდიდრე გაიძვერობით მოიხვეჭა, იცნობს ერთ ფილოსოფოსს, მის წესებს, ზნეობას და საქციელს. რაკი დარწმუნებულია, ყველა ადამიანს თითქოს აქვს მხოლოდ ის მიზანი, რისკენაც მთელი სიცოცხლე მიისწრაფოდა, გულში ამბობს: „რა მეცოდება წესიერების ეს მკაცრი დამცველი. გზა აბნევია და უთუოდ დაიღუპება. მაგნაირები ვერ აღწევენ ბედნიერების ნეტარ ნავსაყუდელს, თუნდაც ზურგის ქარი ეშველებოდეთ.“ საკუთარი თვალსაზრისის მიხედვით, სწორად მსჯელობს.

ანტისთიუსი ამბობს: „თუ დამივიწყეს, შემინდვია იმათთვის, ვისაც ჩემს ნაშრომებში ხოტბას ვასხამდი. განა რა გავუკეთე მათ? ისინი ხომ მართლაც იყვნენ ღირსნი ქებისა. მაგრამ ვერ შევუხდობ იმათ, რომელთა მანკიერებას ვკიცხავდი ისე, რომ თვით მათ არ ვასახელებდი. ისინი მადლიერნი უნდა ყოფილიყვნენ ჩემი ისეთი საკეთისთვის, როგორცაა მათი გამოსწორება. რამეთუ ეს არის არნახული სასწაული, არც ერთს და არც მეორეს ჩემი არაფერი მართებთ“.

„შეუძლიათ.—დასძენს ფილოსოფოსი,—ჩემი ნაშრომის გამო ან შურით აღივსნენ, ან ჭილდოზე მითხრან უარი. ამით ვერ დაჩრდილავენ ჩემს სახელს, და თუნდაც დაჩრდილონ, ვინ ამიკრძალავს მეზიზღებოდნენ ისინი?“

კარგია იყო ფილოსოფოსი, მაგრამ ასეთად რომ გთვლიდნენ, არცთუ დიდად სახარბიელოა. დაუშვებელია ვინმეს ფილოსოფოსი უწოდოთ, ეს იმას ნიშნავს, შეურაცხყოფა მიაყენოთ. ასე იქნება მანამდე, სანამ ხალხი აზრს არ შეიცვლის და არ დაუბრუნებს ამ მშვენიერ სახელწოდებას თავის პირვანდელ, შესაბამის მნიშვნელობას და იმ პატივისცემას, რასაც იგი იმსახურებს.

არსებობს ისეთი ფილოსოფია, რაიც გვეხმარება აღვმალდეთ პატივმოყვარეობასა და სიმდიდრესა ზედა, რაიც გვათანაბრებს, ამას

რას ვამბობ, გვათანაბრებს კი არა, მიგვიჩინს უფრო მაღალ ადგილს, ვიდრე აქვთ მდიდრებს, დიდებულებსა და ძლიერთ ამა სოფლისათა. რაიც შთაგვაგონებს არაფრად ჩავაგდოთ არც მაღალი თანამდებობა და არც ისინი, ვინც ამ თანამდებობებს არიგებენ, რაიც ჩავვიწმობს სურვილს ვისწრაფოდეთ, ვთხოულობდეთ, ვეხვეწებოდეთ, თავს ვაბეზრებდეთ და გაგვათავისუფლებს იმ დიდი მღელვარებისა და სიხარულისგან, რასაც სურვილის შესრულება იწვევს. არსებობს კიდევ ერთი ფილოსოფია, რომელიც გვასწავლის ყოველივე ზემოჩამოთვლილს დავემორჩილოთ და დავემონოთ, ჩვენი ნათესაებისა და მეგობრების სასიკეთოდ: ეს ფილოსოფია უკეთესია.

თუ ვირწმუნებთ, რომ ზოგიერთს არ შესწევს უნარი საღად იმსჯელოს და თუ წინასწარვე უარვყოფთ იმას, რასაც ისინი ამბობენ, რაც უთქვამთ და რასაც იტყვიან, თავიდან ავიცილებთ ათასგვარ კამათსა და დავას.

71

ადამიანი რამდენადაც ახლოს დგას ჩვენთან, იმდენად მეტად მოგვწონს. და თუ ვინმეს პატივსა ვცემთ, ჩანს, ჩვენს თანატოლად ვთვლით.

72

იგივე ნაკლი, რაც სხვებში მძიმედ და აუტანლად გვეჩვენება, ჩვენცა გვაქვს, მაგრამ თითქოს თავის სიმძიმის ცენტრშია მოთავსებული და ვერ ვგრძნობთ ვერც მის წონას და ვერც თვით მას. მავანი სხვაზე ჩივის, მის შემზარავ სურათს ხატავს და ვერ ამჩნევს, რომ საკუთარი თავი წარმოადგინა.

შევძლებდით სწრაფად გამოგვესწორებინა ჩვენი ნაკლი, თუ გვეყოფოდა გამბედაობა ხმამაღლა გველიარებინა იგი და მერე დაგვენახა სხვებში. ამ შემთხვევაში მას თვალს გავუსწორებდით, დავინახავდით როგორიც არის და დამსახურებისდა მიხედვით შევიზიზღებდით.

73

კეთილგონიერებას აქვს ორი საყრდენი წერტილი: წარსული და მომავალი. ვისაც კარგი მეხსიერება დაჰყოლია და შორსმჭვრეტე-

ლია, ორ გაქირდავს სხვებს იმის გამო, რაც შესაძლებელია თვითონაც ჩაუდენია. არც ბრალს დასდებს ვინმეს ისეთ საქციელში, რაც, მსგავს პირობებში, ერთ მშვენიერ დღეს იქნებ თავადაც ვერ აიცდინოს.

74

არც პოლიტიკურ მოღვაწეს, არც მხედართმთავარს, არც გაქნილ აზარტულ მოთამაშეს იღბალი თავისთავად არ გაუღიმებს. ის კია, წინასწარ უმზადებენ ნიადაგს, ხელს უწყობენ და თითქმის აუცილებლობად ხდიან. მათ არათუ შესწევთ უნარი შემთხვევა ხელიდან არ გაუშვან, როგორც სულელებსა და მშიშარებს ემართებათ, არამედ შორსმჭვრეტელობისა და წინასწარ მიღებული ზომების წყალობით ისარგებლონ კიდევ შემთხვევით და არა ერთით, ორითაც, იქნებ მრავლითაც. ერთი შემთხვევა ერთ მოგებას იძლევა, მეორე — მეორეს. ხან ერთი — მრავალს. ეს ბრძენი კაცნი ქების ღირსნი არიან, როგორც გამჭვრიახობისა, ისე გონივრული მოქმედების გამო. ხოლო მათი იღბლიანობა ისევე იმსახურებს ჯილდოს, როგორც სათნოება.

75

დიდ პოლიტიკურ მოღვაწეზე მალლა ვაყენებ იმას, ვისაც არ სურს გახდეს დიდი პოლიტიკური მოღვაწე, რამეთუ სულ უფრო რწმუნდება, რომ ქვეყანა ზრუნვის ღირსი არ არის.

76

საუკეთესო რჩევაც კი არ მოგვწონს. რაც მთავარია, ის ჩვენგან არ მომდინარეობს და ეს სრულიად საკმარისია, რათა ავეყვეთ ჩვენს ქედმაღლობასა და ხუმტურებს და მაშინვე უკუუვაგდოთ. მაგრამ თუ მაინც მივყვებით, ჩანს დაუფიქრდით, ან გაჭირვებამ გვაიძულა.

77

რა საოცარი ბედნიერება სდევდა ამ ფავორიტს მთელი სიცოცხლის განმავლობაში! ვის ღირსებია აგრე უშფოთველად, ხანგრძლი-

ვად და განუყოფლად დამტკბარიყო თავისი მდგომარეობით? უმაღლესი თანამედებობები, მეფის სრული ნდობა, უზარმაზარი ქონება, მაგარი ჯანი და ნიშვილი განტევება. მაგრამ რარიგ მკაცრი ანგარიშსწორება მოელის ამ წყალობის მადლით გატარებული საამური არსებობისთვის? და კიდევ იმ რჩევა-დარიგებისთვის, რასაც გასცემდა ან არ გასცემდა, ანდა არ იღებდა; სიკეთისათვის, რაც არ ინება და ბოროტებისთვის, რაც ინება თავად თვითონ, ან ვინმეს შემწეობით. ერთი სიტყვით, პასუხი უნდა აგოს თავისი კეთილდღეობის გამო.

78

სიკვდილი სარფიანია ადამიანისთვის. ცოცხლად დარჩენილნი გვაქებენ და ხშირად ქებას არაფრით ვიმსახურებთ, გარდა იმისა, რომ აღარ ვართ. სწორედ ასეთი ბედი ეწია კატონსა და პიზონს.

ხმა დაირხა, პიზონმა სული განუტევაო; დიდი დანაკარგია, კარგი კაცი იყო და დიდხანს უნდა ეცოცხლაო. რა ჰქვიანი იყო, რა თავაზიანი, შეუდრეკელი, გამბედავი, სულგრძელი, ერთგულიო, იტყვით და დასძენთ, თუკი მართლა მკვდარიაო!

79

როცა ვინმეზე ამბობენ, პირდაპირობით, უანგარობითა და პატიოსნებით გამოირჩევაო, ქებაზე მეტად ამ სიტყვებში ისმის ადამიანთა მოდგმის გაქიქება.

80

მავანი გაჭირვებულთ ეხმარება, მაგრამ ოჯახზე არ ზრუნავს და თავის ვაჟს სილატაკეში აცხოვრებს. მეორე ახალ შენობას იგებს და ათი წლის წინათ აშენებული სახლის გადახურვისთვის ოსტატის გასამრჯელო არ გადაუხდია. მესამე ძვირფას საჩუქრებს ყიდულობს, ფულს აქეთ-იქით ფანტავს და მევალეებს აკოტრებს. საკითხავია, გულმოწყალებობა, ხელგაშლილობა, სულგრძელობა უსამართლო ადამიანს სათნობად ჩაეთვლება? ეს ყველაფერი ხომ არ არის მისი ზუსტურებისა და პატივმოყვარეობის შედეგი?

სამართლიანობა წამსვე და დაუყოვნებლივ უნდა გამოქვავდეს. თუ შეფერხდა, უსამართლობა იქნება.

კარგად იქცევა, ანდა იქცევა ისე, როგორც საჭიროა ის, ვინც იქცევა ისე, როგორც საჭიროა. ხოლო ის, ვინც სიკეთეს სჩადის მხოლოდ მას შემდეგ, რაც თავის თავზე დიდხანს ალაპარაკებს ხალხს, დიდ სიკეთეს გამოიჩენსო, ძალიან ცუდად იქცევა.

იტყვიან ხოლმე დიდებულზე, რომელიც სუფრას დღეში ორჯერ შლის და მთელ სიცოცხლეს საქმლის მონელებას ანდომებს, შიმშილით კვდებაო. ამას იმიტომ ამბობენ, ვითომცდა მდიდარი არაა და საქმე კარგად ვერა აქვსო. ეს ნათქვამი გადატანითი მნიშვნელობით უნდა გავიგოთ, ხოლო პირდაპირი მნიშვნელობით მის მევალეებს ეხება.

ორივ სქესის ხანშიშესულ ადამიანთა ზრდილობა, თავაზიანობა. მოკრძალება მიქმნის კარგ აზრს იმაზე, რასაც ძველი დრო ჰქვია.

დიდად მიმნდობნი არიან მშობლები, რომლებიც მთელ იმედს შვილების აღზრდაზე ამყარებენ, და ძალიან ცდებიან ისინიც, ვისაც ეს იმედი არა აქვს და აღზრდას უგულვებელყოფს.

თუნდაც მართალნი იყვნენ ისინი, ვინც აცხადებს, თითქოსდა აღზრდას არ ძალუძს ადამიანს შეუცვალოს გული, ხასიათი, სულიერი სამყარო და მხოლოდ გარეგნულად მატებსო პეწს, მე მაინც ვიტყვი, აღზრდა ადამიანისთვის უსარგებლო არ არის-მეთქი.

რამდენადაც ნაკლებს ლაპარაკობს ადამიანი, იმდენად მეტს იგებს. ხალხი ფიქრობს, ჭკვიანიაო. და თუ მართლაც აკლია ჭკუა, იტყვიან, ძალიან ჭკვიანიაო.

მხოლოდ საკუთარ თავზე და დღევანდელ დღეზე ფიქრი შეცდომების წყაროა პოლიტიკაში.

დიდი უბედურებაა, თუ დანაშაული დაგიმტკიცდა, მაგრამ თუ გამართლდი, უფრო მეტი უბედურებაა. განაჩენი გათავისუფლებს, მაგრამ ხალხის თვალში მაინც დამნაშავე რჩები.

ერთი კაცი ერთგულად იცავს რელიგიურ წესჩვეულებებს, საეკლესიო ყველა მითითებას პირნათლად ასრულებს და ამისათვის არც არავინ აქებს და არც ჰკიცხავს, სულაც არ აქცევენ ყურადღებას.

მეორე მთელი ათი წელიწადი ეკლესიისკენ არც იყურებოდა, მერე დაუბრუნდა სარწმუნოებას და ქვეყანა შეიყარა; აქებენ, ლამის ცამდე აიყვანონ. რაც უნდათ ის ქნან, მე კი ვკიცხავ მას, ამდენ ხანს რომ მივიწყებული ჰქონდა თავისი ვალდებულება, და ბედნიერად ვრაცხ, რომ გაიხსენა იგი.

მლიქვნელი არც თავის თავზეა კარგი აზრის და არც სხვებზე.

ერთნი დაივიწყეს ჯილდოების დარიგებისას და ხალხი ამბობდა, რატომ დაივიწყესო. რომ არ დაივიწყებოდათ, იტყოდნენ, რატომ გაიხსენესო. საიდან წარმოიშვა ამგვარი წინააღმდეგობა? იქნებ ხალ-

ხის ხასიათიდან გამომდინარეობს, ანდა იქნებ შედეგია შეხედულუ-
ბათა ცვალებადობისა, შესაძლებელია ორთავესი ერთად?

92

ყველა ერთნაირადაა შეშფოთებული და თავს იმტკრევს, მაევანის
შემდეგ კანცლერად ვის დანიშნავენო? ვინ იქნება გალიის პრემსი?
ვინ იქნება პაპი? უფრო შორსაც მიდიან. ყველა საკუთარი სურვი-
ლისა და ახირების მიხედვით გულში ასახელებს ამ მაღალ თანამდე-
ბობაზე უფრო ხანდაზმულსა და დაჩაჩანაკებულ კაცებს, ვიდრე არიან
ისინი, ვისაც ეს თანამდებობა უჭირავს. რაკი მაღალი ჩინი არ კლავს
თავის მფლობელს, პირიქით აახალგაზრდავებს და მატებს სულიერ-
სა თუ ფიზიკურ ძალას, იშვიათი შემთხვევა როდია, როცა წარჩინე-
ბული მოხელე ასაფლავებს თავის შემცველს.

93

მდგომარეობის დაკარგვა ანელებს სიძულვილსა და შურს. სიკე-
თეს ვუსურვებთ იმას, ვინც თავისი იღბლიანობითა და ჭილდოებით
გულს აღარ გვიხეთქავს. რა დამსახურება უნდა იყოს, რა სათნოება,
რომ არ შეეფნდოთ მას. უფლება ენიჭება გახდეს გმირიც, არვინ
დასჯის.

კაცი, რომელმაც მაღალი მდგომარეობა დაკარგა, აღარაფრის
მაქნისია. მისი სიჭველე, მაღალი ღირსებები შეუშინეველი რჩება,
თუ რამ კარგი აქვს, წყალში უყრიან, სიბოროტედ ან მანკიერებად
უთვლიან. თუნდაც იყოს ძალგულოვანი, არ ეშინოდეს არც ცეცხ-
ლის, არც მახვილის, შეუპოვრად ეკვეთოს მტერს, ვით ბაიარი და
მონრეველი¹, მაინც ტრაბახად ჩაუთვლიან და დასცინებენ. ვერასო-
დეს გმირი ვეღარ გახდება.

რალა თქმა უნდა, წინააღმდეგობაში ჩავევარდი, მაგრამ ამაში ბრ-
ლი მიუძღვის ადამიანებს, რომელთა აზრებს გადმოვცემ მხოლოდ.
მხედველობაში არ მყავს სხვადასხვაგვარი ადამიანები, მარტოოდენ
ისინი, ვინც ასე სხვადასხვაგვარად მსჯელობს.

¹ მარკიზ დე მონრეველი, გენერალ-ლეიტენანტი, კავალერიის მთავარი ინ-
სპექტორი.

ოცი წელიც არ გავა და ადამიანები შეიცვლიან აზრს უმნიშვნელოვანეს საკითხებზე, თვით ომზე, რაც აქამდე სრულიად უდავო და ჭეშმარიტი ეჩვენებოდათ. ვერ გავბედავ დაგარწმუნოთ, რომ ცეცხლი თავისთავად, დამოუკიდებლად ჩვენი შეგრძნებებისა. არ არის ცხელი. ესე იგი სრულიად არ არის ის, რასაც ჩვენ ვგრძნობთ მასთან მიახლოებისას, ვერ გავბედავ, რადგან მეშინია, ვაითუ, ერთ მშვენიერ დღეს, ისევ ცხელი გახდეს, როგორც უწინ იყო. აღარც იმას ავიხირობ, რომ ერთი წრფე მეორეს როცა ემთხვევა, ქმნის ორ მართ, ან სხვაგვარ კუთხეს, მაგრამ ტოლს ორი წრფისა. ხომ შეიძლება ადამიანებმა აღმოაჩინონ რაღაც სხვა, იმაზე მეტი ან ნაკლები და ჩემი მტკიცება სამსახრო გახდეს. იგივეა მოსალოდნელი ყველა დარგში. ძლივს ვუწყობ ხმას მთელ საფრანგეთს, ვობანი უცოდველია მეთქი. ვინ არის თავდები, რომ მოკლე ხანში არ დამიწყებენ შეგონებას, თითქოსდა ანტიფილუსის მსგავსად ისიც ხანდახან ცდებდა ფორტიფიკაციაში, რაშიაც არავის უდებს ტოლს და რის უზენაეს მსაჯულადაც ითვლება.

ერთმანეთზე ბოდმამორეულ ხალხს თუ დავუჯერებთ, სწავლული მზუთხველია, ბურჟუა ან პატრიოტისი, ფინანსისტი — გამომძალველი, კეთილშობილი წარმოშობის კაცი — კუდაბზიკა აზნაური; მაგრამ, საკვირველია, რომ ეს ზედმეტი სახელები, შერქმეული სიძულვილისა და მრისხანების შედეგად, ჩვეულებრივ, საყოველთაო სიტყვებად იქცევა და გამოხატავს სრულიად გულგრილი და აღუშფოთველი ადამიანის ზიზღს.

ერთ ამბავში ხართ, თავი გამოგიდვიათ, ფუსფუსებთ და აქეთ-იქით დარბიხართ, რაკი მტერი გარბის და გამარჯვება საექვო აღარაა, ანდა ქალაქი უკვე ჩაგვბარდა. როცა ბრძოლა გაჩაღებულა, ან მტერი ალყაშია მოქცეული თქვენ ცდილობთ ას ადგილზე მაინც გამოჩინდეთ, რათა არსად იბრძოლოთ, წინ უსწრებდეთ მხედართმთავრის ბრძანებას, რათა მისი შესრულება არ დაგვეალოთ და საფრთხეს კი არ ელოდებით, რომ მკერდი მიუშვიროთ, არამედ თვითონ ეძებთ მას. ვაითუ თქვენი გამბედაობა მოჩვენებითია?

დანიშნეთ ადამიანები ისეთ ადგილზე, სადაც საჭირო იქნება გაწირონ სიცოცხლე, მაგრამ თავის გადარჩენაც შესაძლებელი იყოს. ადამიანს უყვარს დიდებაცა და სიცოცხლეს.

ადამიანს ისე უყვარს სიცოცხლე, რომ საეჭვოა სხვა რამ უფრო მეტად უყვარდეს. და მაინც სიცოცხლეს სახელი ურჩევნია, თუმცა სახელი მის შესახებ შექმნილი აზრია ათასობით ადამიანის მიერ, რომელთაც არც იცნობს და არც არაფრად ავლდებს.

კაცი არც მეომარია, არც მეფის ამალაშია და მაინც მიდის ბრძოლის ველზე, მიჰყვება სამეფო კარს. ქალაქის აღებაში არ მონაწილეობს, მაგრამ ესწრება მას. როგორც კი თვალს მოჰკრავს გაშლილ ლაშქარს, სანგრებს, საბრძოლო მზადებას, ცეცხლის ხაზს, შეტევაზე გადასვლას, როგორც კი შემოესმება ყუმბარებისა და ზარბაზნების გრუხუნის, რაც უნდ საოცარი იყოს ეს ყოველივე, მაინც მყისვე უნელდება ცნობისმოყვარეობა. მტერი არ ნებდება. საშინელი თავსხმაა. ჯარს ქანცი ეცლება, ლაფში ეფლობა, უნდა შეებრძოლოს მტერსაც და ამინდსაც. მტერმა იქნებ გაარღვიოს ხაზი, ჩვენი ლაშქარი მოემწყვდეს ქალაქსა და მოწინააღმდეგის ჯარს შუა. რა განსაცდელია! ეს ჩვენი კაცი მხნეობას კარგავს და ბუზღუნებს: რა იყო, რა დაშავდებოდა ალყა რომ მოეხსნათ? სახელმწიფოს ბედ-იღბალს ნუთუ ეს ერთი სიმაგრე წყვეტს? დავემორჩილოთ ზეციურ ნებას, რომელიც, ჩანს, ჩვენს წინააღმდეგაა განწყობილი და გადავდოთ ბრძოლა სხვა დროისთვის. მისთვის გაუგებარია შეუდრეკლობა მხედართმთავრისა. შეუდრეკლობაო, ამბობს, თორემ გაბედულება რომ ჰყოფნოდა, სიჭიუტეს მიაწერდა იმ მხედართმთავარს, რომელიც არ უშინდება დაბრკოლებებს და რაც მეტი სიძნელე ხვდება, უფრო მეტი მგზნებარებითა და შთაგონებით მიიწვევს წინ, ფხიზლობს ღამით, დღისით სიცოცხლეს საფრთხეში ივლდებს, რათა მიაღწიოს მიზანს.

და აი, მტერი ჩაგვბარდა, ეს იმედდაკარგული კაციც აქაქანდა, აქა-
ოდა, დიდად მნიშვნელოვანი იყო ეს გამარჯვება, ნახეთ, რა შედეგს
გამოიღებსო. გადაქარბებით აფასებს გამარჯვების მნიშვნელობას და
იმ საფრთხესა და სირცხვილს, რაც მოგველოდა დამარცხების შემ-
თხვევაში. ამტკიცებს, ჩვენი ლაშქარი, მტრისგან რომ გვიცავდა, და-
უმარცხებელიაო. იგი სამეფო კართან ერთად ბრუნდება უკან. ვაიფ-
ლიან ქალაქებს, სოფლებს. ხალხი ფანჯრებიდან გადმოსცქერის მათ
და კაცი სიამაყით იბლინძება, აქაოდა მეც ვიბრძოდიო. გზაზე ისე
გრძნობს თავს, ვითომცდა გამარჯვებაში მასაც უძღვოდეს წილი და
გმირულად აეღოს გამაგრებული ქალაქი. შინ დაბრუნდება და გაგა-
ყრუებთ, ფლანგებით, ღია გამაგრებო, შუა ფრონტის ხაზის დაც-
ვაო, ქვემო თხრილებით, ბასტიონებით. აღწერს ადგილებს, რომელ-
თა ნახვის სურვილმა მიახეტა იქ და სადაც მის სიცოცხლეს ყოველ
წუთში საფრთხე ელოდა. ახლა მოჰყვება, იმ ადგილებიდან დაბრუ-
ნებისას რამდენჯერ გადაურჩა მტრის ტყვიას და ტყვედ ჩავარდნას.
მხოლოდ კრინტს არ ძრავს, თუ როგორ კანკალებდა შიშით.

100

ყველაზე ნაკლები უსიამოვნება, რაც კი შეიძლება ოდესმე შე-
გემთხვეს, არის ის, როცა წაიბოროდიკებ მოხსენების ან ქადაგების
წარმოთქმის დროს. ამით ორატორის არც ერთი ღირსება არ მცირ-
დება: არც გონება, არც სალი განსჯა, არც შთაგონება, არც ზნეობა
და არც განსწავლულობა. მაგრამ მეტად განსაცვიფრებელია, რომ
ადამიანები, რომლებიც ამ წვრილმან ფათეარაკს ესოდენ სამარცხვი-
ნოდ და დაცინვის ღირსად თვლიან, საკუთარი ნება-სურვილით აწყ-
დებიან ასეთ ხიფათს, როცა გაჭიანურებულად წარმოთქვამენ სრუ-
ლიად უსარგებლო სიტყვას.

101

ვინც დროს ფუჰად ხარჯავს, სწორედ ის ჩივის დროის სიმცირე-
ზე. იგი მთელ დღეს ანდომებს ჩაცმას, ჭამას, ძილს, ქარაფშუტულ
უბედობას, ფიქრს იმაზე, თუ რა უნდა გააკეთოს, თუმცა უფრო
ხშირად არაფერს აკეთებს. ვეღარ იცლის ვერც საქმისთვის და ვერც

გართობისთვის. და პირიქით, ვინც დროს გონივრულად ანაწილებს, ყველაფერს ასწრებს და დასვენებისთვისაც სცალია.

აიღეთ რომელი მინისტრიც გსურთ, რაც უნდ დაკავებული იყოს, დღეში ორ საათს ზაინც ტყუილად კარგავს. იმა იანგარიშეთ რამდენს დაკარგავს მთელს სიცოცხლეში. დაბალი მდგომარეობის ადამიანები ხომ უფრო მეტსაც კარგავენ. რა უსაზღვროდ და ერთსულოვნად იკარგება ის, რაც აგრე რიგად ძვირფასია და რის ნაკლებობასაც ყველა აგრე რიგად ჩივის.

102

არიან ღმერთის მიერ შექმნილი არსებანი, რომელთაც ადამიანები ჰქვიათ, სული უდგათ და მთელს სიცოცხლესა და ძალას მარმარილოს თლას ალევენ. ეს ძალიან მარტივი საქმეა და საპატიოდ არ ითვლება, არიან სხვებიც, რომელთაც აოცებთ პირველნი და თავად არაფრის მაქნისნი არიან. მთელს სიცოცხლეს უსაქმურობაში ატარებენ. ეს უფრო ნაკლებ საპატიოა, ვიდრე მარმარილოს თლა.

103

ადამიანთა უმრავლესობას ავიწყდება, რომ აქვს სული და ებმება ისეთ საქმეში, რომლისთვისაც, ჩანს, სული ზედმეტია. ამიტომაც თუ ვინმეზე იტყვიან აზროვნებსო, ჰგონიათ დიდად სასიამოვნო რამეს ამბობენ მასზე, რადგან ეს სიტყვა ჩვეულებრივ ითვლება ქებად, რაიც კაცს ცოტა მაღლა აყენებს ძალღზე ან ცხენზე.

104

რით ერთობით? როგორ ატარებთ დროს? მეკითხებიან სულელებიცა და ჰქვიანებიც. რომ ვუთხრა, თვალს ვახელ და ვიხედები, ყურს ვუგდებ და ვისმენ, ჯანმრთელობაზე, დასვენებაზე, თავისუფლებაზე ვზრუნავ-მეთქი, არაფრად ჩამითვლიან. ნამდვილი, უდიდესი და ერთადერთი სიკეთე მათთვის სრულებით არ არის მნიშვნელოვანი. მთავარია, ხომ არ ვთამაშობ? მასკარადზე ხომ არ დავდივარ?

ჯანა ადამიანი სიკეთედ მიიჩნევს თავისუფლებას, თუკი იგი იმ-
22. ჟან დე ლა ბრუიერი

დენად დიღია, უსაზღვრო და უსარგებლო, რომ მას აღუძრავს სურვილს, ნაკლებად იყოს თავისუფალი?

თავისუფლება მცონარობა კი არ არის, არამედ უფლებაა ნებისმიერად გამოიყენო დრო და შეირჩიო საქმიანობა. თუ თავისუფლად ყოფნა არ ნიშნავს არაფრის კეთებას, ეს ნიშნავს იყო სრული ბატონ-პატრონი საკუთარი თავის და თვით გადაწყვეტო, რა გააკეთო და რა არ გააკეთო. მართლაც, რა დიდებულა, რა მადლიანი ასეთი თავისუფლება.

105

კეისარი არც ისე მოხუცი იყო, როცა გადაწყვიტა დაეპყრო მსოფლიო. მას უდიდეს სიამოვნებას ჰგვრიდა ტკბილად გაეტარებინა ცხოვრება და სიკვდილის შემდეგ დაეტოვებინა დიდი სახელი. ბუნებას დაეჯილდოებინა ისეთი სიამაყით, პატივმოყვარეობითა და მაგარი ჯანით, რომ უკეთესს სხვას რას გააკეთებდა, თუ არ დაიპყრობდა მთელ ქვეყანას. ალექსანდრე კი მეტად ახალგაზრდა იყო ასეთი სერიოზული მიზნებისთვის. ისიც საოცარია, რომ თითქმის ჭაბუკს ქალები და ღვინო ხელს არ უშლიდა საომარ მოქმედებაში.

106

ციდან ქვეყნის საკეთილდღეოდ მოვლენილმა, ხალხის საყვარელმა და იმედმა, დიდებული გვარის გამგრძელებელმა, ძემ გმირისა, ვის წაბაძვასაც იგი საამაყოდა თვის, ჭაბუკმა უფლისწულმა ღვთაებრივი ნიჭიერებითა და თავისი ასაკისთვის გასაოცარი სიქველით ქვეყანას უკვე დაუმტკიცა, რომ გმირთა შვილებს უფრო მეტად ძალუძთ გახდნენ გმირები, ვიდრე სხვა მოკვდავთ.¹

107

ღედამიწამ თუნდაც მხოლოდ ას მილიონ წელს იარსებოს, იგი ახლა მაინც მთლად ნორჩია და განვითარების პირველ საფეხურზე იმყოფება. ჩვენ თვითონ კი თითქმის თანამედროვენი ვართ პირველ

¹ საწინააღმდეგოდ საკმაოდ გაცვეთილი ლათინური ანდაზისა Heroum filii noxoe.

ადამიანთა და პატრიარქთა, რომლებთანაც უთუოდ გაგვათანაბრებენ შორეულ მომავალში. მოდი, შევადართო მომავალს წარსული, რამდენს ახალსა და ჩვენთვის უცნობს შეისწავლიან ხელოვნებაში, მეცნიერებაში, ბუნებაში, გავბედავ თქმას, ისტორიაშიც კი! რამდენ აღმოჩენას მოახდენენ! რამდენი და რამდენნაირი გადატრიალება მოელის მთელს დედამიწას, სახელმწიფოებსა და იმპერიებს! რაოდენ უსაზღვროა ჩვენი უფიცობა! რა მცირე გამოცდილება შეგვძინა ამ ექვსმა თუ შვიდმა ათასმა წელმა! იმისათვის, ვინც ნელა მიაბიჯებს და არ ჩქარობს, არავითარი გზა გრძელი არ არის. არ არსებობს ისეთი შორეული მიზანი, რასაც ადამიანი ვერ მიაღწევს, თუ ამისათვის მოთმინებითა და რულუნებით ემზადება.

108

არავის ეგებოდე ფეხქვეშ, არც სხვისგან მოელოდე ფეხქვეშ გაგებას, — აი ეს გახლავთ ტკბილი ცხოვრება, ოქროს საუკუნე, ადამიანის ყველაზე ბუნებრივი მდგომარეობა.

109

საზოგადოება იმათი ხვედრია, ვინც სამეფო კართანაა მიტმასნებული და ვინც ქალაქშია დასახლებული. ბუნება კი განკუთვნილია იმათთვის, ვინც სოფლად ბინადრობს. ეს უკანასკნელნი ცხოვრობენ მხოლოდ. ყოველ შემთხვევაში, ამბობენ, რომ ცხოვრობენ.

• 110

რატომ მეპყრობით აგრე ცივად, რატომ გწყინთ, თუ რაღაც წამომცდა ყმაწვილკაცებზე, სამეფო კარის მუღმივ სტუმრებზე? ნუთუ თქვენც გლრლნით მანკიერების ქია, თრაზილ? არ ვიცოდი, თქვენ თვითონ გამაგებინეთ. ის კი ვიცოდი, ახალგაზრდა რომ არ იყავით.

და თქვენ, ვისაც პირად შეურაცხყოფად მიგიღიათ ის, რაც ზოგიერთ დიდებულზე ვთქვი, რატომ ატეხეთ აურზაური, განა აგრე რიგად გაწუხებთ სხვისი ტკივილი? იქნებ თქვენც ბრძანდებით უკადრისი, ვერაგი, ენამწარე, დამცინავი, მლიქვნელი და თვალთმაქცი?

მე ეს არ მსმენია აქამდე, არც მიფიქრია, მხოლოდ დიდებულებზე ვამბობდი.

111

ზომიერების გრძნობა და ღინჯი ყოფაქცევა ადამიანს შეუმჩნეველს ხდის. რათა საქვეყნოდ ცნობილი გახდეს, ან ღიღი სიქველით უნდა გამოირჩეოდეს, ან ღიღი მანკიერებით.

112

ღიღი კაცი იქნება თუ უბრალო მდაბიო, ოღონდ წარმატებას მიღწეოს და ყველა აღტაცებით შესცქერის, აქებს და აღიდებს. ლამის დაუსჯელ დანაშაულსაც კი ისევე შეასხან ხოტბა, როგორც სათნოებას და ილბლიანობა უფრო მეტად განადიდონ, ვიდრე ყველა სათნოება ერთად თავმოყრილი: საქმეს წარმატება თუ არ აგვირგვინებს, იგი შავბნელი, ბინძური და ამაზრზენი ბოროტებაა.

113

ადამიანებს აცდუნებს გარეგნული მიმზიდველობა და მოქნილად მიგნებული დასაბუთება. ხელგაშლილად ხვდებიან დიდებულის პატივმოყვარულ გეგმებს, თავდავიწყებით ლაპარაკობენ მასზე, მოსწონთ სითამამისა და სიახლის გამო, რასაც თვით მიაწერენ მას. ეჩვევიან ამ აზრს, ელიან მის კეთილად დაგვირგვინებას და უცბად, რას ხედავენ, გეგმა ჩავარდა. და მაშინ, სრულიად დარწმუნებულნი, რომ არაოდეს ცდებიან, ისევ დაბეჩითებით აცხადებენ, გეგმა კარგად არ იყო მოფიქრებული და ვერ გაიმარჯვებდაო.

114

ზოგი მოსაზრება ისეთ ღიღ გამოხმაურებას, ისეთ მნიშვნელოვან შედეგებს იწვევს, ისე ხანგრძლივად ალაპარაკებს ხალხს, ისეთ იმედს იძლევა ანდა ისეთ შიშს აღძრავს, იმისდა მიხედვით, სასიკეთოა თუ სახიფათო, რომ მასზეა დამოკიდებული იმ ადამიანის იღბალიცა და მომავალიც, ვისაც ეს მოსაზრება ეკუთვნის. როცა ფრე მორთულ-მოკაზმული გამოდის იგი სცენაზე, უკან დასახევი გზა არ

340

რჩება, რაღაც უნდა თქვას. რომც მიხვდეს, რაოდენ დამლუპველი შეიძლება იყოს მისი წამოწყება, მაინც უნდა განაგრძოს, რადგან უკან დახევა უფრო მეტ უბედურებას მოუტანს, ვიდრე საბოლოო მარცხი.

115

ბოროტი კაცი დიდებულ ადამიანად ვერ გადაიქცევა. როგორც გენებოთ, შეაქეთ მისი შორსმკვრეტელობა და შთანაფიქრი, მოიწონეთ მისი საქციელი, განადიდეთ, რაკი შესწევს უნარი მიზნის მისაღწევად გამოძებნოს ზუსტი საშუალებანი და უმოკლესი გზები. თუ თვით მიზანი უხეიროა, არც კეთილგონიერი ყოფილა. და იქ, სადაც კეთილგონიერება არ არსებობს, რაც უნდ გულმოდგინედ ეძიოთ, მაინც ვერ იპოვით სიდიადეს.

116

სული განუტევა მტერმა, მრისხანე ლაშქრის მხედართმთავარმა, რომელიც მზად იყო გადმოელახა რაინი. მან იცოდა ბრძოლა და იმდენი გამოცდილებაც ჰქონდა, რომ ბედის სასწორი თავისკენ გადაეხარა. სიხარულის ნიშნად განა შუშხუნები ავუშვით და სახალხო ზეიმი მოვაწყვეთ? ზოგი კაცი, პირიქით, საზიზღარი იბადება და მთელი ხალხის საძულველი ხდება. სწორედ ამის შედეგად, და არა იმიტომ, რომ ყველას აშინებს მისი ახლანდელი ან მომავალი გამარჯვებები, ხალხი სიხარულით ცას ეწევა, და მასთან ერთად ბავშვებსაც კი ტანში ბედნიერების ჟრუანტელი უვლით, როგორც კი მოედნება და ქუჩებში დაიჩხვება ხმა, ქვეყანა მისგან გათავისუფლდო.

117

ო, დრონო, ო, ჩვეულებანო! — შეჰყვირა ჰერაკლიტემ, — ო, ბედკრულო საუკუნევ! საუკუნევ, აღვისილო ბოროტებით, საუკუნევ დამდაბლებული სათნოებისა და აღზევებული მანკიერებისა! ნეტავ ლიკაონი ან ეგისტე ვიყო, ამაზე უკეთეს შემთხვევას, ამაზე ხელსაყრელ გარემოებას ვერასოდეს გადავეყრები, თუ მსურს გავმდიდრდე და გავიფურჩქნო. ერთს უთქვამს, გადავსერავო ზღვას, წავართმევ მამაჩემს მამულს, გავაგდებ იქიდან თვით მას, ზედ მივავოლებ მის

ცოლსა და მემკვიდრეს, გავაძევებო თავისი მიწა-წყლიდან და სახელ-
მწიფოდან. სიტყვა და საქმე ერთი იყო. თითქოს უნდა შეშინებოდა,
რათა მრავალ მეფეს შური არ ეძია მასზე, რამეთუ ერთი მეფის შე-
ურაცხყოფით, შეურაცხყოფდა ყველას. ნურას უკაცრავად, მეფენი
მის მხარეზე არიან და ლამის ეუბნებიან: გადაიარეთ ზღვები და
მთები, გაძარცვეთ მამა და მთელ ქვეყანას დაუმტკიცეთ, რომ შე-
საძლებელია მეფე ისევე განდევნოთ თავისი სამეფოდან, როგორც
უბრალო აზნაური თავის კოშკიდან, ფერმერი თავის ფერმიდან. რომ
ალარ არსებობს არავითარი განსხვავება ჩვენსა და ჩვენს ქვეშევ-
რდომებს შორის, გამორჩეული მდგომარეობა ყელში ამოგვივიდა.
შეაგნებინეთ ხალხს, რომელიც ღმერთმა განართხო ჩვენს ფერხთა
ქვეშ, რომ უფლება აქვს მიგვატოვოს, გვიღალატოს, ჩვენც გადაგ-
ვცეს და თვითონაც ჩაბარდეს უცხოელს. დე, გაიგონ მათ, რომ
ჩვენი ისე არ უნდა ეშინოდეთ, როგორც ჩვენ უნდა გვეშინოდეს
მათი. ვის შეუძლია ამ შემადრწუნებელ მდგომარეობას ხედავდეს და
წარბს არ ხრიდეს, ცრემლს არ ღვრიდეს? არ არსებობს ისეთი ჩინი,
განსაკუთრებული უპირატესობით რომ არ სარგებლობდეს. არ არ-
სებობს ისეთი წარჩინებული მოხელე, ხმას რომ არ იმაღლებდეს,
არ დაობდეს და თავს არ იცავდეს. მარტოოდენ მეფის გვირგვინს
არა აქვს არავითარი პრივილეგია. თვით მეფეებმა თქვეს უარი მას-
ზე. მეფეთა შორის ერთადერთი, უსასრულოდ კეთილი და სულგრძე-
ლი, ხელგაშლილი ეგებება დევნილის ოჯახს. სხვები შეუკავშირდნენ
ერთმანეთს, თითქოსდა აპირებენ შური იძიონ მასზე, რამეთუ იგი
საერთო საქმეს იცავს. წინააღმდეგობის სული და შურიანობა ავი-
წყებთ პატივს, რწმენას, სახელმწიფოს, და უფრო მეტსაც, პირადსა
და საგვარეულო ინტერესებს. საფრთხე მოელის არა მათ ტახტზე
დასმას, არამედ მათ შემცვლელებს, მემკვიდრეობის უფლებას. და-
ბოლოს, ადამიანი ყოველთვის ამარცხებს მონარქს. იყო ერთი ხელ-
მწიფე, რომელმაც მთელი ევროპაცა და თავისი თავიც გაათავისუფ-
ლა მრისხანე მტრისგან და ამით უზარმაზარი იმპერიის გამანადგუ-
რებლის დიადი სახელი მოიხვეჭა. მერედა რა, განუდგა ამ სახელს რაკი
საეკვო მიზნებით შეპყრობილმა, ახალი ომი წამოიწყო. ხოლო ისინი,
ვინც მოწოდებულნი არიან იყვნენ მსაჯნი და შუამავალნი, ფეხს ით-
რევენ და იმედს იძლევიან, მოლაპარაკებას დავიწყებთო, როცა დი-
დი ხნის წინათ უნდა ჰქონდეთ დაწყებული და საქმის სასარგებლოდ

გადაწყვეტილიც. ო, მწყემსებო! — განაგრძობს ჰერაკლიტე, — ო, ტეტიებო, ქონმახებში და გომურებში რომ შეყუყულებართ! თქვენამდე თუ არ აღწევს ეს ამბები, თქვენი გული თუ არ დაუკოდავს კაცთა გაბოროტებას, თქვენს მხარეში თუ არაფერს ამბობენ ადამიანებზე და მხოლოდ მეღიებსა და ფოცხვერებს ახსენებენ, მიმიღეთ თქვენთან, შეგივრდომეთ, მიწილადეთ თქვენი შავი პური, შემასვით თქვენი გუბის წყალი.

118

ჰეი, თქვენ, ქონდრისკაცებო, ექვსი გოჯის სიმაღლე რომ გაქვთ, ბევრი-ბევრი შვიდი გოჯი და თუ რეას მიაღწიეთ, მზადა ხართ ხალხს ფულით ეჩვენოთ, ვით რალაც საოცრება, ბაზრობაზე რომ წარმოუდგენენ ყველას. ურცხვად უწოდებთ საკუთარ თავს უმაღლესობასა და უდიდებულესობას, რაიც შეიძლება მხოლოდ მიესადაგოს ცადაზიდულ მთებს, ღრუბლები რომ ახურაეთ თავზე. ყოყლოჩინა და კულაბზიკა პირუტყვენო, თავს რომ არ უყადრებთ სხვა ცხოველებს და არარაობად რომ გამოიყურებით სპილოსა და ვეშაპის გვერდით, წინ წამოდექით, კაცუნებო და პასუხი გაეცით დემოკრიტეს. თქვენ შემოიღეთ გამოთქმები: ცოფიანი მგელი, გააფრთებული ლომი, ბორბოტი მაიმუნი. თქვენ, თქვენ რალა ხართ? ყურში ზუზუნით ჩამესმის თქვენი ხმა, ადამიანი მოაზროვნე ცხოველიაო. მერე ვინ გიბოძათ ასეთი განსაზღვრა — მგლებმა, მაიმუნებმა, ლომებმა თუ თქვენ თვითონ შეირქვით? პირდაპირ სასაცილოა, თქვენს თანამოძმე პირუტყვს რომ მიაწერთ ყოველივე ცუდს და საკუთარ თავს — საუკეთესოს. მიეცით ნება, თავად განსაზღვრონ, რანი არიან და ნახავთ, რას გაბედავენ და როგორ მოგექცევიან. ჰოი, კაცნო, აღარაფერს ვამბობ თქვენს თავქარიანობაზე, თქვენს სიგოყეზე და ხუმტურებზე, რაიც დაბლა გაყენებთ თხუნელასა და კუზე, რომლებიც აგრე ბრძნულად მიჰყვებიან ბუნების მიერ მათთვის მოხაზულ გზას და არც ცდილობენ გადაუხვიონ. ერთი წუთით მომისმინეთ. მიმინო კამარას შეჰკრავს ცაში, ისარივით დაეშვება და დააცხრება ქედანს, თქვენ ამბობთ. რა მშვენიერი ფრინველიაო. თუ მწვევარი კურდღელს დაეწია და რაიჭირა, — რა მშვენიერი ძაღლიაო. ხომ შეგეძლოთ ასევე გეთქვათ ტახზე მონადირე კაცზე, რომელიც იმდენს არბენინებს ნადირს, რომ ქანცს გააცლის, დაეწვეა და ხანჯალს ჩასცემს, რა ყოჩაღიაო. თუ ორი ძაღლი ერთმანეთს უყეფს, ეტაკება, კბენს და გლეჯს, თქვენ ამ-

ბობთ, შეხეთ, რა სულელი ცხოველები არიანო და იმ წამსვე ჯოხს დასტაცებთ ხელს მათ გასაშველებლად. თქვენთვის რომ ეთქვათ, მთელი ქვეყნის კატებმა ერთ მინდორზე მოიყარესო თავი, როცა კნავილით იჯერეს გული, მერე ერთმანეთს დაერივნენ, კბილებითა და ბრჭყალებით გაფატრეს, ცხრა თუ ათი ათას კატას, როგორც ერთი მხრიდან, ისე მეორიდან იქვე გაძვრათ სული და ისე აყროლდნენ მთელ ათ ლიეზე ჰაერი მოიწამლაო, ხომ იტყოდით, ეს რა საზიზღარი და არგაგონილი სოდომიაო! აბა, მგლების ღმუილი და გააფთრება გენახათ, კატებივით რომ შებმოდნენ ერთმანეთს! ერთს ან მეორეს თქვენთვის რომ ეთქვა, სახელის მოხვეჭა გვინდოდაო, თქვენც დაასკვნით, სახელის გამო შეყრილან, სისხლი უღვრიათ, მოუსპიათ და გაუჩანაგებიათ თავიანთი მოდგმაო. დაასკვნით და გულიანადაც გაგეცინებოდათ ამ საცოდავ ცხოველთა სისულელეზე. ხოლო თქვენ, მოაზროვნე ცხოველებს, გსურთ განსხვავდებოდეთ პირუტყვისაგან, რომელსაც იარაღად კბილები და ბრჭყალები აქვს, და ამიტომ გამოიგონეთ ისრები, შუბები, ხანჯლები, ხმლები, მახვილები. ჩემის აზრით ძალიან გონივრულად მოქცეულხართ, რადგან ცარიელი ხელით დიდს ვერაფერს დააკლებდით ერთმანეთს. ბევრი-ბევრი თმები დაგეგლიჯათ, სახე დაგეკაწრათ, უკეთეს შემთხვევაში, თვალები დაგეთხარათ. ახლა კი აღჭურვილი ბრძანდებით მეტად მოხერხებული იარაღით და შეგიძლიათ ერთმანეთს ისეთი ჭრილობა მიაყენოთ, რომ სისხლის ერთი წვეთიც აღარ შეგარჩეთ და საიქიოს გაემგზავროთ. რამეთუ წლიდან წლამდე სულ უფრო გემატებათ ჭკუა, ძველები უკან ჩამოიტოვებთ ერთმანეთის გაყლეტის საშუალებათა გაუმჯობესებით: ახლა თქვენს ხელშია პაწაწა ბურთულაკები, რაც იმწამს კლავს კაცს, თუკი თავში ან გულში მოხვდება. გაქვთ უფრო დიდი და მძიმე ბურთებიც; ის თქვენ შუაზე გგლეჯთ და ნაწლავებს გაყრევინებთ. იმაზე აღარაფერს ვამბობ, რომ ეცემა აქვენი სახლის სახურავს, სხვენიდან სარდაფამდე ანგრევს ყველაფერს, ჰაერში სტყორცნის სახლს, თქვენს მელოგინე ცოლს, თავისი ჩვილითა და ძიძით. და აქ განისვენებს დიდებული სახელი თქვენი, მოყვარული ოჯახის ნგრევისა, აურზაურისა და ბრახა-ბრუხისა. ამასთან, თქვენ დამცველი იარაღითაც ხართ აღჭურვილი და ომის კანონებისა და მიხედვით ფოლადის სამოსი უნდა გამშვენებდეთ. არ მოგატყუებთ, ლამაზი მოსართავია და მაგონებს ოთხ სახელგანთქმულ

რწყილს, რომელთაც, ოდესღაც, ერთი გაქნილი ოინბაზი უჩვენებდა ხალხს. მას რაღაც საიდუმლო აღმოეჩინა იმისა, რომ რწყილებს შუშაში ეცოცხლათ. თითოეულს მუზარადი ეხურა თავზე, ტანზე ბეგთარი ემოსა, ეკეთა სამკლავურები, საბარკულები. შუბიც ჰქონდა ფერღზე ჩამოკიდული. არაფერი აკლდათ. ასეთი აღტურვილობით ხტოდნენ და წრილებდნენ თავიანთ ბოთლში. ახლა წარმოიდგინეთ ათონის მთის სიმაღლე კაცი, რატომაც არა? რაო, სულს გაუჭირდება ასეთი სხეულის შექმნა? უფრო ხალვათად იგრძნობს თავს. ამ კაცს თვალი კარგად თუ უჭრის, კიდევ დაგინახავთ საღღაც მიწაზე თქვენი შემტევი და დამცველი იარაღებიანად. როგორ გგონიათ, რას იფიქრებს იგი ამ შეიარაღებულ ჰიჭყინებზე და იმაზე, რასაც თქვენ უწოდებთ ომს, ცხენოსან და ქვეით ჯარს, ღირსსახსოვარ ალყის შემორტყმასა და სახელოვან ბრძოლას? თქვენ ხომ სულ ეს სიტყვები გაკერიათ პირზე და ქვეყანა დაყოფილი გაქვთ დივიზიებადა და ლეგიონებად. კაცობრიობა ბატალიონებად ან ესკადრონებად გადაიქცა. „მავანმა ერთი ქალაქი აიღო, მერე — მეორე ქალაქი, მესამე; მოიგო ერთი ბრძოლა, მეორე, განდევნა მტერი. გაიმარჯვა ზღვაზე, გაიმარჯვა ხმელეთზე.“ ვისზე ამბობთ, ერთ-ერთ თქვენთაგანზე თუ ათონის მთის ტოლა ბუმბერაზზე? ჰო, ისევ იმ ფერწასულ, ყვიციან კაცზე ლაპარაკობთ, რომელსაც ექვსი მისხალი ხორციც კი არ აკრავს ტანზე და ერთი რომ შეუბერო, მიწაზე გაადენს ტყაპანს. არაფერს დაგიდევს, ოთხ კაცზე მეტად ხმაურობს, ქვეყანას ცეცხლის ალში ხვევს, მღვრიე წყლიდან მთელი კუნძული ამოაქვს. სიმართლე რომ ითქვას, სხვაგან დამარცხება იგემა. მტერი დაედევნა, მაგრამ ჰაობებს შეაფარა თავი და აღარც ზავი ნებავეს და აღარც მშვიდობა. მაგან ჯერ კიდევ ჩვილმა გამოააშქარავა რის გაკეთებაც შეეძლო. ძიძას ძუძუზე უკბინა და საბრალო ქალი ამის გამო მოკვდა, ერთი სიტყვით, დაიბადა მონად და აღარ არის მონა. პირიქით, ბატონია და ისინი, ვინც მან მოათვინიერა და უღელში შეაბა, ჯანს არ იშურებენ და გუთნით მიწას ხნავენ. ამ კეთილ აღამიანებს თავისუფლებაზე ფიქრისაც კი ეშინიათ თითქოს, რადგან თვითონვე დაუგრძელეს მათრახის თასმა იმას, ვინც მათ მიერეკება. ყველაფრით შეუწყვეს ხელი, თავიანთი მონობა რომ გაეხანგრძლივებინათ. დაეხმარნენ გადაეცურა ზღვა, დაუფლებოდა ახალ ვასალებსა და ახალ მიწა-წყალს. თუმცა, ისიც სათქმელია, რომ ამ მიზნის მისაღწევად თავისი დედ-მამა

პანჩურ-პანდურით გამოყარა სახლიდან და მონებიც მხარში ამოუდგნენ ამ სამარცხვინო საქმეში. ზღვის გადაღმა და გადმოღმა, ვისაც კი პირში სული უდგას, გაერთიანებული ძალით არაფერს იშურებენ, რათა იგი დღით-დღე უფრო გაძლიერდეს და ყველა მათთვის უფრო საშიში გახდეს. პიქტები და საქსონელები აშომშინებენ ბატაეილებს, ბატაეილები — პიქტებს და საქსონელებს. ვინ უშლით, რამდენიც უნდათ იამაყონ, რომ მისი მონა-მორჩილნი არიან. მაგრამ ეს რა მესმის ზოგიერთ გვირგვინოსანზე, — არაფერს ვამბობ კონტებსა და მარკიზებზე, ჭიანჭველებივით რომ ირევიან, — მხედველობაში მყავს მეფენი და ხელმწიფენი. ამ კაცმა ერთი დაუსტვინა და მათაც კისრისტეხით მოირბინეს, მოსაცდელ დარბაზში მოიშვლიპეს ქულები და კრინტს არ ძრავდნენ, სანამ იგი რამეს არ შეეკითხებოდა. ნუთუ ეს ის მეფეები ბრძანდებიან, რომელნიც ბუხსაც კი არ იყარებდნენ და ცხვირს იბზუებდნენ, როცა საქმე მიდგებოდა მათ მდგომარეობასა და უფლებებზე და რომელთა შეხვედრები მთელ თვეებს გრძელდებოდა, რაკი მეტად საჭოკმანო გახლავთ პირველობის დადგენა. განა რას იქმს ეს ახალი არქონტი მათი ბრმა ერთგულებისა და მასზე შექმნილი ესოდენ მაღალი წარმოდგენის გასაშართლებლად? თუ ომში ჩაებმება, უნდა გაიმარჯვოს და გაიმარჯვოს პირადად მან და სხვამ არავინ. მტერი თუ ალყას შემოარტყამს, უნდა მოახსნევინოს და ლაჩრულად უკან დაახვეინოს, რა თქმა უნდა, იმ შემთხვევაში, თუ მასა და მტერს შორის ოკეანე არ იქნება გაწოლილი. სხვაგვარად ვერც მოიქცევა, თუ არ ნებავს აწყენინოს თავის ახალ კარისკაცებს, რომელთა რიცხვის გაზრდას ხელი არ უნდა შეუწყოს კეისარმა და არ უნდა ეახლოს მას, თუ რაღაც მნიშვნელოვანი სამსახური არ გაუწია. არქონტი თავის მოკავშირეებთან ერთად ან უნდა დამარცხდეს, რისი წარმოდგენაც უფრო ძნელია, ვიდრე შეუძლებელი, ან უნდა გაიმარჯვოს, რასაც არავინ უშლის ხელს. და თუ გაიმარჯვა, აღარაფერი დაუდგება წინ, კეისრის ძლიერებითა და ღრმა მორწმუნეობით გულგასიებული მოკავშირეებთან ერთად თავს დაესხმის მას, რათა წაგლიჯოს არწივი და შეაჩიჩოს კეისარსა და მის მემკვიდრეს ვერცხლის ლენტი და საგვარეულო მამულები. ასე და ამგვარად, მოსახდენი მოხდა, ყველა ეს მეფე ნებაყოფლობით ჩაბარდა იმას, ვისაც ყველაზე ნაკლებ უნდა მინდობოდნენ. იქნებ ეზოპე მათზე ამბობდა: „ერთ მხარეში ფრთოსანთა სამ-

ყარო დიდმა მღელვარებამა და შიშმა მოიცვა, რადგან მათ მეზობ-
ლად ლომი დაბინავდა და მისი ღრიალი გულს უხეტქავდათ. ფრინ-
ველებმა თავი შეაფარეს კატას, რომელმაც ფრინველთა დაცვა
ინება და შეივრდომა. ბოლოს კი ერთმანეთის მიყოლებით ყველ-
ა შეახრამუნა“.

თავი მეცამეტე

მოდის შესახებ

1

ჩვენს არაბობასა და სისულელეს ისიც ამტკიცებს, რომ მოდას
ვართ გადაყოლილნი და მას ჭამაზე, ცხოვრების წესებზე, ჯანმრთე-
ლობაზე და სინდისზეც ვავრცელებთ. ნადირის ხორცი მოდაში არ
არისო და არა ვჭამთ. ციებ-ციხელებისგან თუ სისხლის გამოშვებით
განიკურნე, მოდის საწინააღმდეგო ყოფილა და თეოტიმს უკვე დი-
დი ხანია აღარ უძახიან სულთმობრძავის სარეცელთან. მისი აღერ-
სიანი რჩევა-დარიგება მხოლოდ უბრალო ხალხის სანუგეშებლად
გამოდგება. ამიტომაც თეოტიმს შემცველი გამოუჩნდა.

2

იშვიათობის მოყვარულისთვის სასურველია არა ის, რაც გამო-
სადეგია და მშვენიერი, არამედ ის, რაც იშვიათია, ერთადერთი, რაც
მხოლოდ მას აქვს და სხვა არავის. მოსწონს არა სრულყოფილი რამ,
არამედ ის, რაც ძნელად საშოვნელია და მოდური. მისთვის ეს გა-
სართობი როდი გახლავთ, ვნებაა და ხშირად მძაფრი ვნებაც, რაიც
ასეთი წვრილმანებით რომ არ იყოს შთაგონებული, არაფრით ჩამო-
უყარდებოდა სიყვარულსა და პატივმოყვარეობას. ეს ვნება სულაც
არ ვრცელდება ყოველივე შესანიშნავსა და იშვიათზე, ირამედ იმ
რადაც ერთზე, რაც იშვიათიცაა და მოდურიც.

ერთ ყვავილების მოყვარულ კაცს გარეუბანში ბალი აქვს. მზის

ამოსვლისას გარბის იქ და მზის ჩასვლისას ბრუნდება. თქვენ ხედავთ, იგი გაშეშებული დგას ერთ ადგილზე, თითქოს მიწაში გაუდგამს ფეხები თავის ტიტებს შორის და შესცქერის „ბრილიანტს“. თვალს ისე აკყეტს, ლამის შუბლზე აუვიდეს. ხელებს ისრესს, ჩაცუქდება, ახლოდან რომ შეხედოს. ისეთი მშვენიერი არაფერი უნახავს. გული სიხარულით ევსება. მერე „ადმოსავლურს“ მიუახლოვდება, შემდეგ „ქვირითან“ შეჩერდება, „ოქროს ფარჩას“ გადახედავს, „აქატს“ ესტუმრება და ისევ „ბრილიანტთან“ ბრუნდება. აქედან კი ფეხს აღარ იცვლის, ქანცი ელევა, ჯდება და ავიწყდება, სადილის დრო რომ მოვიდა, ისე იტაცებს ტიტას ფერთა ელვარება და ხვერდოვნება, მშვენიერი ბოროდური, უნაზესი ფოთოლაკები, თვალწარმტაცი ჯამი და გასაგებელი გვირგვინი. შესციცინებს, ეთაყვანება, ეთაყვანება არა ღმერთს, არა ბუნებას, არამედ რაღაც ბოლქვს ტიტასი, რასაც ახლა ათას ეკიუდაც არავის დაუთმობს, თუმცა უფასოდ აჩუქებს ვისმეს, როცა ტიტა კი აღარ იქნება მოდაში, არამედ მიხაკი. ეს კაცი, რომელსაც აქვს გონება და სული, სწამს ღმერთი და საეკლესიო წესებსაც ერთგულად ასრულებს, შინ ბრუნდება დაღლილი, დამშეული, მაგრამ კმაყოფილი და მადლიერი ესოდენ წარმტაცად გატარებული დღით: მან იხილა ტიტები.

აბა მეორეს უთხარით, რა უხვი მოსავალი მოვიდა, რამდენი პური, რამდენი ყურძენი. ყურსაც არ გაიბერტყავს — ხილი აინტერესებს. თქვენც ელაპარაკეთ ლედვზე, ნესვზე, თან დასძინეთ, წელს ვაშლის ხეები ისე დაიხუნძლა, ლამის ტოტები დაემტვრეს-თქო. არც ახლა გისმენთ, თქვენი სიტყვა მისთვის უცხო კილოკავია. მარტო ქლიავზეა გადაგებული. არ გაბედოთ, თქვენს ქლიავზე ნურაფერს ეტყვიოთ. იგი ერთი ჯიშით არის გატაცებული და სხვა ყველაფერს, რასაც თქვენ უსახელებთ, დამცინავი ღიმილით ხვდება. მიგიყვანთ ერთ ხესთან, სხარტად მოწყვეტს ამ გადასარევე ქლიავს, გახლეჩს, გამოგიწოდებთ ერთ ნახევარს და მეორეს თვითონ ჩაიდებს პირში. ო, რა წენიანია, ამბობს, ხომ იგემეთ? ღვთაებრივია, არა? ამისთანას ვერსად იპოვიოთ. ნესტოები ებერება, ცდილობს პატივმოყვარეობით აღვსილი სიხარული მოკრძალებითა და მორცხვობით დაფაროს. ო, მართლაც ღვთაებრივო ადამიანო! სად გამოვძებნო სიტყვა შენდა საქებრად და განსადიდებლად! უკუნითი უკუნისამდე ახსენებს ხალხი შენს სახელს! სანამ ცოცხალია, თვალს არ მოვაცილებ

მის ტანს და სახეს, დავაკვირდები მის ნაკეთებს, მიხრა-მოხრას, იგი ხომ ერთადერთია მოკვდავთა შორის, ვისაც ამდაგვარი ქლიავი ეკუთვნის.

ესტუმრებით მესამეს და იგი დაგიწყებთ ლაპარაკს თავის თანამოძმე იშვიათობის მოყვარულებზე, განსაკუთრებით კი დიონეტზე. „აღტაცებული ვარ დიონეტით, — გეუბნებათ ეს კაცი, — და დღითი დღე ნაკლებად მესმის მისი“. ხომ არ გგონიათ მედლებით იმიტომაა გატაცებული, რომ ცოდნა გაიღრმავოს, ანდა მედლები მისთვის ძველი ისტორიის ნათელი და ექვემიუტანელი ძეგლია, რაიც რომელიმე განსაზღვრულ მოვლენაზე ღაღადებს? სრულებითაც არა. იქნებ ფიქრობთ, იმიტომ ეძებს აგრე თავგადაკლული თავს, რომ ისწრაფის შეაგროვოს რომის იმპერატორთა გამოსახულებიანი მედლების მთელი სერია? ძალიან ცდებით. დიონეტმა მხოლოდ ის იცის, რომ არსებობს წაშლილი, ნახევრად წაშლილი და წაუშლელი მედლები. ერთი დაფა აქვს, მედლებით დაფარული. ერთი ადგილი ცარიელი დარჩა და თვალში ეჩხრება. ოღონდ შეავსოს, არ დაიშურებს არც ქონებასა და არც სიცოცხლეს, — დაასრულა დემოსედმა და მერე დასძინა, — ხომ არ ინებებთ დაათვალიეროთ ჩემი ესტამპები?“ მაშინვე გამოაწყობს და გიჩვენებთ. თქვენი ყურადღება მიიპყრო ერთმა გაურკვეველი ფერის, გადახუნებულმა, თითქმის წაშლილმა და უმსგავსი გრავიურიდან გადმოღებულმა ესტამპმა, რომელიც, რა მოგახსენოთ და, კაბინეტს კი არა, პტი-პონს ან რიუ ნეეს უფრო დამშვენებდა საზეიმო დღეს. დემოსედი ყაბულსაა, გრავიურა ვერაფერი შვილი ყოფილაო, ვერც გადმოღებით დაიკვებნისო, მაგრამ მარწმუნებს, იტალიელის ნახელავიაო. იმ იტალიელს თურმე არცთუ ბევრი ნახატი ჰქონია. ესტამპი ცუდად კია შესრულებული, მაგრამ საფრანგეთში ერთადერთი ყოფილა. ამიტომაც დემოსედს ძალიან ძვირად უყვია და რაც უნდ შესანიშნავი ესტამპი შესთავაზონ, არ გაცვლის. „დიდად ვარ დამწუხრებული, — განაგრძობს იგი, — იქნებ კიდევ დავანებო თავი ესტამპების შეგროვებას. იცით რა, მთელი კალო მაქვს, ერთის გარდა; თუმცა დანარჩენებს ვერ გაუტოლდება, ის კი არა, ყველაზე უხეიროც არის, მაგრამ უიმისოდ კალოს კოლექცია სრული ვერ იქნება. აგერ ოცი წელია მაგის ძებნას გადაეყვი და იმედი დამეკარგა, ოდესმე თუ ვეღირსები მის პოვნას. ძნელი გადასატანია, ღმერთმანი“.

მავანი დასცინის ხალხს, ვისაც ცნობისმოყვარეობა ვერ დაუოკებია, ერთ ადგილზე ვერ მოუსვენია და შორეულ მხარეებში მიემგზავრება. არც არაფერს იხსომებენ იქაურს, — უბის წიგნაკებიც კი არ გააჩნიათ, შიგ რომ რაიმე ჩაინიშნონ, — არც ვინმესთან ამყარებენ ურთიერთობას. მოუნდომებიათ მხოლოდ შეხედონ ახალ კომკებსა თუ სამრეკლოებს, ანდა გადაცურონ მდინარეები, რომელთაც არც სენა ჰქვიათ და არც ლუარა. სამშობლოს ტოვებენ, რათა უკან დაბრუნდნენ და ისწრაფიან სხვაგან გაატარონ დრო, და ერთ მშვენიერ დღეს შორეული მოგზაურობიდან შინ ჩამოვიდნენ. დამცინავი კაცი სამართლიანად ლაპარაკობს და მეც ყურადღებით ვუსმენ.

მერე წიგნებზე ჩამოაგდო სიტყვა და მაუწყა, წიგნები უფრო მეტს გვასწავლიან, ვიდრე მოგზაურობაო, თან მიმახვედრა, დიდი ბიბლიოთეკა მაქვსო. ბიბლიოთეკის გაცნობა მოვისურვე და შინ ვესტუმრე. მიმიღო. კიბესთან მივედი თუ არა, ისეთი მყარალი სუნი მეცა, რომ ცუდად გავხდი. წიგნებს თურმე შავი ტყავი ჰქონდა გადაკრული და ყარდა. ჩემს მოსასულიერებლად ის ყურში ჩამძახოდა, წიგნებს ოქროსვარაყიანი ნატვიფრი ყდა და შემონაჭერი აქვსო. მაცნობდა იშვიათი გამოცემებიდან ხან ერთ საუკეთესო წიგნს და ხან მეორეს. ისიც მითხრა, მთელი გალერეა წიგნებითაა გაჭედილი, თუმც ზოგიერთი თარო ჯერ კიდევ შეუვსებელია, მაგრამ ისე კონტად არის შეღებილი, გეგონებათ, მართლაც წიგნები აწყვიანო. თვითონვე გამიმყლავნა, თურმე ერთი წიგნიც არ წაუკითხავს, არცთუ გალერეაში ყოფნით იკლავს თავს და ახლაც თუ წამომყვება, მხოლოდ ჩემდა საამებლად. ასეთი თავაზიანობისთვის მადლობა გადავუხადე. პატრონისა არ იყოს, არც მე მსურს თავი შევყო ტყავის სახელოსნოში, რასაც თავად ბიბლიოთეკას უწოდებს.

ზოგს ცოდნის წყურვილი ახრჩობს, და რაკი არ შეუძლია რომელიმე ერთ დარგზე შეაჩეროს ყურადღება, ყოველგვარი მეცნიერების შესწავლას ლამობს და ვერაფერში ერკვევა. მას ურჩევნია იცოდეს ბევრი, ვიდრე იცოდეს კარგად; იყოს გაუთვითცნობიერებელი და ზედაპირული მეცნიერების მრავალ დარგში, ვიდრე ზედმიწევნით კარგად და ღრმად იცნობდეს მხოლოდ ერთს. პირველ შემხვედრს დიდი სწავლული ჰგონია და მისგან მოელის ზეშთავონებულ სიბრძნეს. ფუჭი ცნობისმოყვარეობის მსხვერპლი ხანგრძლივი

და გამთანგველი მეცადინეობის შედეგად თავს აღწევს სრულ უვიცობას.

სხვას მეცნიერების გასაღები ხელთა აქვს და შიგ არაოდეს აღწევს. მთელ სიცოცხლეს ალევს აღმოსავლურ, ჩრდილოურ, ორივე ინდოეთისა თუ ორივე პოლუსის ენების შესწავლას. მთვარეზე რომ ლაპარაკობენ, იმ ენის ათვისებასაც ცდილობს. მარტოოდენ ყოვლად უსარგებლო კილოვანებში, უცნაური და საიდუმლოებით მოცული დამწერლობა მიაჩნია ღირსად გატაცებისა და შესწავლისა. ებრალება ის გულუბრყვილო კაცი, ვინც მშობლიური ენის შესწავლაზე აცდენს დროს ან, უკიდურეს შემთხვევაში, ეუფლება ბერძნულს და ლათინურს. ეს კაცი სულ რაღაც ისტორიებსა კითხულობს და ისტორიის არაფერი გაეგება. ხან ერთ წიგნს გადაფურცლავს, ხან მეორეს და აწავითარი აზრი არ გამოაქვს. მოვლენებისა და პრინციპების შეფასების მხრივ ცარიელია მისი გონების სალარო, რომელიც პირამდე სავსეა ისეთი სიტყვებითა და გამოთქმებით, რომელთა წარმოდგენაც კი არ ძალუძს ადამიანს. მეხსიერება გადატვირთული აქვს ნაირნაირი ცნობებითა და ფაქტებით, მაგრამ თავში არაფერი უყრია.

ერთ ბურჟუას ყველაზე მეტად შენობები უყვარს. აიშენა ისეთი მშვენიერი, მდიდრული და მორთულ-მოკაზმული სასახლე, რომ შიგ ცხოვრება შეუძლებელია. პატრონმა ვერ გაბედა ან თავად შესახლებულიყო, ან რომელიმე პრინციპის თუ ფინანსისტის თვის მიეჭირავებინა. სიცოცხლეს, ალბათ, ერთ უბადრუკ სხვენზე დაასრულებს, ხოლო მისი დარბაზების ანფილადში, ძვირფასად მოხატულ იატაკებზე მიმოდინა ინგლისელი და გერმანელი მოგზაურები, რომლებიც ამ ბურჟუას სახლს ისევე ათვალეირებენ, როგორც პალერუაიალის, ლ...გ...სა და ლუქსემბურგის სასახლეებს. ამ საუცხოო კართან ყველა ჩერდება. ყველას სურს ნახოს სახლი და არა პატრონი.

კიდევ ერთი კაცი ვიცი, რომელსაც მოწიფული ქალიშვილი ჰყავს და მზითევს ვერ აძლევს. მზითევს ვინ ჩივის, არ აცვიით და ოითქმის მშვიგრები არიან. ვერ შეუძენიათ საწოლის ფარდები და თეთრეული. ღარიბ-ღატაკნი არიან და ამის მიზეზი არცთუ შორს გახლავთ, აქვეა დიდ დარბაზში, რომელიც გაჭედილია ჭუჭყითა და მტვრით დაფარული ფასდაუდებელი ქანდაკებებით. რომ გაეყიდა, ჩიტის რძეც არ დააკლდებოდა, მაგრამ გასაყიდად არ ემეტება.

დიფილმა ერთი ჩიტით დაიწყო და ბოლოს თასი დაუგროვდა. სახლს მათი გალობა კი არა, მათი სიბინძურე ავსებს. ეზო, კიბე, ტალანი, დარბაზი, საწოლი ოთახები, კაბინეტი, ყველაფერი საფრინველედ გადაქცეულა. ჭიკჭიკი და ჟღერტული კი არ ისმის, ყურისწამლები ჟრიაშულია ატეხილი. არც შემოდგომის ქარი სტვენს ისე გამაყრუებლად და არც ადიდებული მდინარე გუგუნებს ამგვარად. ისევე არ ესმით აქ ერთმანეთის ხმა, როგორც ფინიას წკავეწკავი დიდ დარბაზში, სადაც კარისკაცნი მეფის გამოსვლას ელოდებიან. დიფილისთვის ახლა ეს უკვე საამური გასართობი როდია, არამედ მძიმე სამუშაო, რასაც ვეღარ აუღის. მთელ დღეს, დღეს, რაც წავა და აღარ დაბრუნდება, ანდომებს მათთვის მარცვლის დაყრასა და სკინტლის წმენდას. გასამრჩელოს უხდის ერთ კაცს, ვისაც ევალემა ფლავოლეტზე დაუკრას, რათა იადონებმა დაუსტეინონ და ბარტყეები გამოჩეკონ. ის კია, ფულს თუ ასე წაღმა-უკულმა ფანტავს, ზოგავს კიდეც; მის შვილებს მასწავლებლები არა ჰყავთ და მათ აღზრდაზე არავენ ზრუნავს. საკუთარი ახირებითვე ქანცგაწყვეტილი საღამოს თავის ოთახში იკეტება და ნამდვილად მხოლოდ მაშინ ისვენებს, როცა ჩიტები ისვენებენ და აღარ გალობენ, თუმცა დიფილს ეს პაწაწა არსებები სწორედ გალობისათვის უყვარს. სიზმარში ხედავს ჩიტებს და თავის თავსაც, ფრთოსნად გადაქცეულს; ქანდარაზე ჩამომჯდარს ბუმბული აქოჩრია და ჟღერტულებს. ხანდახან ისიც კი ესიზმრება, რომ ბუმბულს იცვლის და კვერცხებსა დებს.

ვინ შეძლებს ჩამოთვალოს ყველა ჯურის იშვიათობის შემგროვებელი? თუ ყურს მოჰკრავთ, რომ ესა თუ ის კაცი თავის „ავაზებს“, „ბუმბულებს“, „მუსიკას“¹ ისე აქებს, თითქოს დედამიწაზე ამაზე საოცარი და ზღაპრული არაფერი მოიძებნება, მიხედვით, რომ მას თავისი ნიჟარების გაყიდვა მოუწადინებია. რატომ არა? ის ხომ ოქროს ფასად ყიდულობს მათ.

ამ ბატონს კი მწერები უყვარს. ყოველ დღე ახალ-ახალი შენაძენით მდიდრდება. უნდა იცოდეთ მთელს ევროპაში არავის აქვს შეგროვილი იმდენი პეპელა, იმდენნაირი სიდიდისა და ფერის, როგორც მას. ეს რა დრო შეგირჩევიათ მასთან მისასვლელად? იგი ხომ ღრმა მწუხარებაშია ჩაფლული. ისეთი დარდიანია და გაანჩხლებუ-

¹ ნიჟარების სახელწოდებები.

ლი, რომ მთელი ოჯახი შიშით ძრწის. რა ქნას, დაეკარგა ისეთი რამ, რასაც ვერაფერი შეუცვლის. აბა მიუახლოვდით, შეხედეთ, რა ჰყი-
დია თითზე; სიცოცხლეს გამოსალმებია, სული განუტევია მუხლუ-
ხას, მერედა რა მუხლუხას!

3

„ღუელი მოდის უდიდესი გამარჯვებაა და მისი ტირანის უბ-
რწყინვალესი გამოვლინება. ამ ჩვეულებამ მხდალს სიცოცხლის უფ-
ლება მოუსპო. ნებსით თუ უნებლიეთ გულადობა უნდა გამოეჩინა
და შემოკვდომოდა მასზე გაბედულ ვაჟკაცს. სახელი და პატიოსნება
დაუქვემდებარა ახირებულსა და უაზრო მოქმედებას და ეს ისევე
აუცილებელი გახდა, როგორც საეკლესიო წესჩვეულებების დაცვა,
მით უმეტეს, რომ თვით მეფე იძლეოდა დასტურს. ღუელით წყდ-
ბოდა, გაეთავისუფლებინათ თუ დაესაჯათ კაცი, ვისაც ბრალად
მძიმე დანაშაული ედებოდა. დაბოლოს, ამ ჩვეულებამ ისე ღრმად
გაიდგა ფესვი ადამიანთა შეხედულებებში, ისე შეიჭრა მათ გონე-
ბასა თუ გულში, რომ ამგვარი სიგიჟისგან მათი განკურნება ერთ-
ერთი უმნიშვნელოვანესი ღვაწლია დიდზე უდიდესი მეფისა.

4

მოდა ერთ კაცს მხედართმთავრისა და სახელმწიფო მოღვაწის
ნიქს მიაწერდა, მეორეს — მჭევრმეტყველი მოქადაგის, მესამეს —
ლექსების მთხზველის. ახლა ისინი აღარავის ახსოვს. ნუთუ შესაძ-
ლებელია ესოდენ შესანიშნავი ადამიანები მთლად გადაგვარებუ-
ლიყვნენ? ნიჭი დაკარგეს თუ შოდიდან გავიდნენ?

5

მოდაში შემოსული კაცი ისევე წარმავალია, როგორც მოდა. და
თუ შემთხვევით მართლაც ღირსეული ვინმეა, უკვალოდ არ გაქრება,
რალაც მაინც დარჩება მისგან. უწინდებურად საპატივემლოა
უთუოდ, მაგრამ ახლა ნაკლებად სცემენ პატივს.

სათნოება იმითაა დასაფასებელი, რომ თავისთავად არსებობს და
შეუძლია იოლად გავიდეს თაყვანისმცემლების, მიმდევრებისა და
23. ჟან დე ლა ბრუიერი

მფარველობის გარეშე. მხარდაჭერასა და მოწონებას თუ ვერ პოვეჭს, არაფერი უშავდება, პირიქით, უფრო მტკიცდება, იწმინდება და სრულყოფილი ხდება. მოდაში იქნება თუ მოდიდან გავა, სათნოება ისევ და ისევ სათნოებად რჩება.

6

ერთი უთხარით ხალხს, განსაკუთრებით ძლიერთ ამა სოფლისათა, ეს კაცი სათნოებით გამოირჩევაო, გიპასუხებენ, მე რა, თავის სათნოებას მიხედოსო. — ჭკვიანია, თავაზიანი და ენაშახვილიო, გეტყვიან, მით უკეთესი მისთვისო. დიდად განათლებულია, განსწავლული, გეკითხებიან, რომელი საათია ან როგორი ამინდიაო, მაგრამ თუ მოახსენებთ, ტიჟილინი მთელ ჭიქა არაყს ერთი ყლუპით გადაკრავსო, და, ჰოი საოცრებაო, ერთ ჭამაზე რამდენჯერმე იჩენს ასეთ ვაჟკაცობასო, მაშინვე შემოგძახებენ: სად არის? მომიყვანეთ ხვალვე, არა, ამავე საღამოს. ხომ მომიყვანთ? და თქვენც მიჰვერთო. და ეს კაცი, ვინც ფულისათვის ბაზრობაზე და ბალაგანებში ხალხს უნდა ართობდეს, დიდებულთა ოჯახში გაშინაურებული განლავთ.

7

ისე არაფერი აღამაღლებს ადამიანს ხალხის თვალში და ისე სწრაფად არ შემოჰყავს მოდაში, როგორც დიდ თანხაზე თამაშს და მასთან ერთად, გარყვნილებასაც. ერთი მაჩვენა დიდად თავაზიანი კაცი, მხიარული, გონებამახვილი, თუნდაც იყოს კატული ან მისი შეგირდი, თუ გაუძლებს დაპირისპირებას ისეთ ვინმესთან, რომელმაც ერთ დაჯდომაზე ასი პისტოლი წააგო.

8

მოდაში შემოსული ქალი ჰგავს უსახელო ცისფერ ყვავილს, რომელიც ყანაში თავისთავად ამოდის, ჩრდილავს თავთავს, ამცირებს მოსავალს და რაღაც უკეთესის ადგილს იჭერს. მისი ფასი და სილამაზე ნასესხებია იმ თავქარიანი ახირებისგან, რაც იბადება და უმალვე ქრება. ცისფერი ყვავილი ღღეს მოდაშია და ქალების სამკაულადაა მიჩნეული. ხვალ მდაბიოთ გადაუგდებენ.

ღირსებებით აღვსილი ქალი ყვავილია. ფერთ კი არ ცნობენ, არამედ საკუთარი სახელით იხსენიებენ და ახარებენ მისი სილამაზის ან სურნელების გამო. იგი ბუნების სამკაულია, ქვეყნის მშვენება. მარადყამს განთქმული იყო მისი სახელი: შეტრფოდნენ ჩვენი მამები და მამების შემდეგ ჩვენ შეეტრფით მას.

იქნებ ვინმეს არ მოსწონდეს და სძულდეს კიდეც, ზიანს მაინც ვერ მიაყენებს ვარდსა და შროშანს.

9

ევსტრატე თავის ნავში ზის და მიცურავს ზღვაში. ტყება კამკამა ჰაერთა და მოწმენდილი ზეცით. ჩანს, ზურგის ქარი დიდხანს იქროლებს და ხელს შეუწყობს ცურვას. მაგრამ უტბად ყურდება ქარი, ცა იღრუბლება, ქარიშხალმა მძლავრად შემოუტია, ნავი აიტაცა და უმალ ჩაძირა. ევსტრატე ზედაპირზე ამოტივტივდა, ძალ-ღონე მოიკრიბა და გაცურა. ყველას იმედი მიეცა, იქნებ შეძლოს კიდეც თავს უშველოს და ნაპირს მიაღწიოსო. ვეებერთელა ტალღა მოეხეთქა და ისევ ჩაძირა. დაღუპულად ჩათვალეს უკვე. მეორეჯერაც ამოყო თავი და იმედი კვლავ ჩაესახათ. ისევ წამოვიდა ტალღა, დააცხრა და ჩაიხვია. აღარ გამოჩენილა, დაიხრჩო.

10

ვუატიური და სარაზენი ისე მიესადაგნენ თავიანთ საუკუნეს, რომ გეგონებოდათ, ყველა მათ გაჩენას ელოდაო. ცოტა ადრე, ანდა მოგვიანებით რომ მოვლენოდნენ ქვეყანას, მპატიეთ და, ეჭვი მებარება, ყოფილიყვნენ ის, რაც იყვნენ თავის დროზე. მსუბუქი საუბარი, წრეები, დახვეწილი ხუმრობა, თავშესაქცევი და მეგობრული წერილები, შინაურული შეკრებები, სადაც მხოლოდ გონებაამხვილი ადამიანები დაიშვებოდნენ, ყველაფერი ეს უკვალოდ გაქრა და ნუ მეტყვი, თითქოს ვუატიური და სარაზენი შეძლებდნენ მის აღდგენას. მათ ნიჟსა და ჭკუაზე ქების მეტი, აბა, რა მეთქმის, უეჭველია, სულ სხვა უნარში გაიბრწყინებდნენ, რადგან ჩვენი დროის მანდილოსანთა ყურადღებას ვერ ეღირსებოდნენ. მოგვხსენებათ, ახლა ქალები ან ღვთისმოშიშნი არიან, ან კეკლუცანები, ანდა აზარ-

ტულ თამაშსა და პატივმოყვარულ გრძნობებს გადაყოლილნი; ხან-
დახან ერთნიც არიან და მეორენიც. წყალობის მიღების სურვილმა,
თამაშმა, არშიყობამ, სულიერმა მამებმა დაიჭირეს ადგილი მათ გულ-
ში, რაც უწინ გონებამახვილ მამაკაცებს განეკუთვნებოდა.

11

ქარაფშუტა კობტაპრუწა ფართოფარფლებიან შლაპას ატარებს,
ფარფარასახელოებიან კამზოლს, ზონრებიან შარვალსა და ყელიან
ფეხსამოსს. საღამოს იწყებს ფიქრს, ხვალ სად და როგორ მივიპ-
ყროო ხალხის ყურადღება. გონიერი ადამიანი იმას იცვამს, რასაც
მკერავი ურჩევს. არც მოდის სრული უგულებელყოფა ვარგა და
არც ზედ გადაყოლა.

12

ერთი აგინებს მოდას, რაც მამაკაცის ტანს ორ თანაბარ ნაწილად
ჰყოფს და წელს მეტისმეტად აგრძელებს. მეორეს არ მოსწონს მო-
და, რის მიხედვითაც ქალის თავი გადაქცეულია ხუმტურებისდა მი-
ხედვით გააზრებულ და შემკულ, მრავალსართულიან ნაგებობის
კვარცხლბეკად. თმა, რაიც შუბლის დასამშვენებლადაა განკუთვნი-
ლი, ისეა ზემოთ ავარცხნილი და ყალყზე შემდგარი, თითქოსდა ცდი-
ლობენ ქალის ნაზი და კდემამოსილი სახე რამენაირად გამოიყურე-
ბოდეს ქედმაღლურად და ისე გამომწვევად, ვითარც შეჭფერის ბაკ-
ქანალიაში მონაწილე ახუნტრუცებულ ლამაზმანებს. ერთი სიტყვით,
ხან ერთი მოდის საწინააღმდეგოდ აყვირდებიან, ხან მეორისა, თუმ-
ცა იგი, რაც უნდ ახირებული იყოს, სანამ ძალაშია, აკობს და ამ-
შვენებს ადამიანს, რომელიც სარგებლობს ყოველივე იმით, რისი
მოცემაც მოდას შეუძლია. და, რაც მთავარია, მისი შემწეობით
სხვას აწონებს თავს. მე მგონი, გასაოცარი მხოლოდ ხალხის თავქა-
რიანობა და მერყევი ხასიათი გახლავთ, ერთმანეთისგან აგრე რიგად
განსხვავებული კობტაპრუწობა და წესიერება რომ მოსწონთ და ხან
ერთს ანიკებენ უპირატესობას და ხან მეორეს, ხოლო სამასხროდ
და სამასკარადოდ იცვამენ იმას, რაც უწინ, უწინ კი არა, სულ ცოტა
ხნის წინათ, საზეიმო ჩაცმულობადა და დიდად მნიშვნელოვან მორ-
თულობად ითვლებოდა.

„ნ“ მდიდარია. კარგად ჰკამს და კარგად სძინავს; მაგრამ ვარცხნილობის ფოდა უცხად შეიცვალა. მან ეს არ იცოდა და თავს ბედნიერად გრძნობდა, ახლა კი მოდას ჩამოარჩა!

იფისმა ეკლესიაში ახალი მოდის ფეხსაცმელი შენიშნა. ფეხებზე დაიხედა და სირცხვილისგან აღმური მოედო. ასე ეგონა, ტანთ არაფერი ემოსა. მესაზე თავის გამოსაჩენად მოვიდა და ახლა იმალება. მთელი დღე ფეხების გამო საწოლი ოთახიდან ვერ გამოვიდა. სათუთი ხელები აქვს, სურნელოვან საცხს ისევამს. ჩაკიწკიწებული კბილები აქვს და ხშირად იციინის. ტუჩებს კოხტად გამოაბზუებს და ყოველ წუთს იღიმება. ითვლიერებს წვივებს, სარკეში იხედება და უსაზღვროდ მოსწონს თავისი თავი. იმდენი ივარჯიშა, რომ ხმა მუდგერი და დაწმენდილი გაუხდა. მისდა საბედნიეროდ, ღაღანა წარმოთქმაც აქვს მომადლებული. მოხდენილად ხრის თავს, ენა ვერ აღწერს, როგორ მიბნედილად იმზირება და როგორ კოპწიაობს. ნარნარი სიარული იცის და ყოველნაირად ცდილობს ტანწერწეტა მოჩანდეს. ლოყებზე ფერს ისევამს, თუმც იშვიათ შემთხვევაში. ისიც მართალია, რომ ატარებს შარვალსა და შლაპას და არ უკეთია არც საყურეები და არც მარგალიტის ფარღული. ამიტომაც მისი პორტრეტი არ მოვათავსე წიგნის იმ თავში, რაიც ქალებს ეხებოდა.

ყოველდღიურ ცხოვრებაში ადამიანები სიამოვნებით მიჰყვებიან მოდას და თანაც არაფრად აგდებენ, როცა მხატვარი მათ პორტრეტს ხატავს. თითქოს გრძნობენ და წინასწარ ჰკვრეტენ, რაოდენ უხამსად და სასაცილოდ გამოჩნდება ტანსაცმელი სურათზე, როცა დაკარგავს სიახლის მომხიბვლელობასა და პეწს. ამგობინებენ საკუთარი თუ მხატვრის ფანტაზიით შექმნილ, არაფრისმთქმელ ჩაცმულობასა და ნაეცებიან მოსასხამებს, რაიც სულ არ უხდება არც მათ იერს, არც სახეს, არც ხასიათსა და მდგომარეობას. პოზაც მეტად დაძაბულია

და კადნიერადაც გამოიყურებიან. ისე მკაცრად, მრისხანედ და არა-
ბუნებრივად უჭირავთ თავი, რომ ახალგაზრდა აბატი მეომარს წა-
აგავს, მოსამართლე — ბაქია ცრუპენტელას, ქალაქელი დედაკა-
ცი — დიანას, სათნო და მოკრძალებული ქალი — ამორძალს ან ათე-
ნა-პალადას, უბიწო გოგონა — ლაისს, გულკეთილი და სულგრძელი
თავადი — ატილას.

ერთი მოდა ვერ ასწრებს მეორის შეცვლას, რომ თვითონ ისპობა
უახლესი მოდით, რაც თავის მხრივ მომდევნო მოდას უთმობს ად-
გილს და არც ეს იქნება უკანასკნელი. ასეთი თავქარიანები გახლა-
ვართ ჩვენ. ამდენ გარდაქმნებსა და გადატრიალებაში, სანამ ესა თუ
ის მორთულ-მოკაზმულობა წარსულს ბარდება და მივიწყებას ეძლე-
ვა, გადის საუკუნე. შემოდის ყველაზე მიმზიდველი და თვალგასა-
ზარი ძველისძველი მოდა. დრომა და წლებმა თავისი გაიტანეს და
მოდაში შემოსული ძველი ჩაცმულობა ისევე გვხიბლავს, როგორც
რომაელ მებრძოლთა სამოსი და ტოგა თეატრში, ანდა როგორც ხა-
ლათი, ლეჩაქი და ჩალმა გობელენებზე და სურათებზე.

ჩვენი მამათა პორტრეტებმა შემოგვინახეს არა მხოლოდ მათი
გამოსახულება, არამედ ტანისამოსიც, ვარცხნილობაც, იარაღიცა და
ზიზილ-პიპილებიც, რაც სიცოცხლეში უყვარდათ. ამ სიკეთის გადახ-
და ჩვენ მარტო იმით შეგვიძლია, რომ ჩვენი პორტრეტები დავუ-
ტოვოთ შთამომავლობას.

16

ძველ დროში ფართომკაქმანიანი შარვლები და კამზოლები ეც-
ვათ, პარიკს არ იხურავდნენ და თავისუფლად აზროვნებდნენ. ახლა
ეს მიღებული აღარ გახლავთ. ატარებენ პარიკს, შემოკვართულ ტა-
ნსაცემელს, სადა წინდებს და არიან ღვთისმომოშიშნი. ყველაფერს გა-
ნაგებს მოდა.

17

ცოტა ხნის წინათ ღვთისმომოშიშნი კარისკაცი რატომღაც სასაცი-
ლოდ ითვლებოდა. რას წარმოიდგენდა, რომ მოდაში შემოვიდოდა?

შალალი მღვდმარეობის მისაღებად რას არ იკადრებს კარისკაცი, თუკი ამის გამო თანახმაა ღვთისმოშიში იყოს?

19

ფერები გაზავებულია, ტილოც გადაქიმული, მაგრამ როგორ გამოვსახო ესოდენ მოუსვენარი, ქააფშუტა, შერყევი ხასიათის კაცი, რომელიც ათჯერ და ათასჯერ იცვლის სახეს? ვნატავ ღვთისმოშიშს, და უკვე დარწმუნებული ვარ, მსგავსება დავიჭირე, მაგრამ ხელიდან მისხლტება, უკვე თავისუფლად მოაზროვნეა. ჭანდაბას, დარჩეს ასეთი უმსგავსი გამომეტყველება, რომ შევძლო ზუსტად გამოვხატო მისი გრძნობათა და ფიქრთა მანკიერება; მაგრამ მოდა არ იცდის, ეს კაცი ისევ ღვთისმოშიშია.

20

ვინც ღრმად ჩაწვდომია სამეფო კარის წესჩვეულებებს, იცის რა არის სათნოება და რა არის ღვთისმოშიშობა;¹ მას ველარავინ მოატყუებს.

21

არად ჩააგდო და არ დაესწრო ცისკრის ლოცვას როგორც მოძველებულ წესსა და მოდიდან გასულს; ადრე დაიკავო ადგილი, სანამ მწუხრის ლოცვა დაიწყებოდეს; გაიგო ვინ დადის ტაძარში და ვინ დგას გვერდით მხარეს, სად დადგე, რომ ყველამ დაგინახოს და საიდან არ ჩანხარ; ეკლესიაში იფიქრო ღმერთზეც და შენს საქმეებზეც; მიიღო იქ ხალხი, გასცე ბრძანება, დავალებით გაგზავნო ვინმე და დაელოდო პასუხს; არ უსმინო საღვთო წერილს და უსმინო მოძღვარს; გეგონოს, რომ შენი სიწმინდე და ცოდვათა განტევება შენი დამოკიდებულია მოძღვრის კეთილ სახელზე; აგდებით უყურო იმათ, ვისი მღვდელიც მოღუერი არ არის; ღვთისმსახურებას უსმი-

¹ ყალბი ღვთისმოშიშობა.

ნო მხოლოდ შენს მიერ შერჩეულ ტაძარში, ანდა მხოლოდ მაშინ, როცა შენი მოძღვარი ქადაგებს, მისი მესა სხვისას გერჩივნოს, წმიდა საიდუმლოებას იღებდე მხოლოდ მისგან; სულიერ საკვებს ეწაფებოდე მარტოოდენ საღვთისმეტყველო წიგნებიდან და არ გახსოვდეს, რომ არსებობს დაბადება, მოციქულთა წერილები და ეკლესიის მამათა შეგონებები; ილაპარაკო და იკითხო ისეთ ენაზე, რაც ქრისტიანობის გავრცელების პირველ საუკუნეებშიც კი არცინ იცოდა; აღსარებაზე სხვის მანკიერებას ახსენებდე და საკუთარს ხელს აფარებდე: როგორც ცოდვას, ისე ინანიებდე მწუხარებასა და მოთმინებას შენსას და კიდევ იმას, რომ ვერ მიგიღწევია გმირულ თვითგვემამდე; საიდუმლო შეთქმულებაში მონაწილეობდე ერთთან და მტრობდე მეორეს; აფასებდე მხოლოდ შენს თავს და შენს დამქაშებს; არარა გწამდეს, თვით სათნოებაც კი; ტკებოდდე სიმდიდრითა და მოწყალებით; გემეტებოდეს შენთვის და არა სხვისთვის; არ ეხმარებოდე ღირსეულ ადამიანებს; ღვთის სამსახურს პატივმოყვარულ მიზნების მისაღწევად იშველიებდე; მოელოდე ცოდვათა შენდობას სიმდიდრისა და მაღალი მღვთმარეობის მეშვეობით; ეს გახლავთ ჩვენი დროის ღვთისმოშიშთა უზენაესი ფიქრი და აზრი.

ღვთისმოშიში¹ ისაა, ვინც უმაღლესს დაკარგავს რწმენას, თუ მეფე ურწმუნოა.

22

ღვთისმოსავისთვის არსებობს ერთი ცოდვა — ხორციელი თავშეუკავებლობა; უფრო ზუსტად, — არაფერი შეეტყოს გარედან და არავინ გაეცეხოს. ფერესიდზე თუ იტყვიან, ქალებს ზედაც აღარ უყურებსო, ხოლო ფერენისს ერთგულ ცოლად ჩათვლიან, მეტი არც არაფერი უნდათ. მიუშვით ითამაშონ დიდ თანხაზე, გააკოტრონ მევალები, სხვისი უბედურებით ისარგებლონ და გაიხარონ, დიდებს ეთაყვანონ, პატარებს ზიზღით შეხედონ, საკუთარი ღირსებებით თავი მოიწონონ, შურით ჩამოხმნენ, იცრუონ, ვინმეს ცილი დასწამონ, ინტრიგების ქსელი გააბან, დაღუპონ ვინმე, ეს არის მათი ცხოვრების აზრი, თავი და ბოლო. ნუ შეუშლით ხელს, თორემ მოინდომებენ დაისაკუთრონ სახელი კეთილსინდისიერ ადამიანთა, რომელ-

¹ ყალბი ღვთისმოშიში

თათვისაც უცხოა არა მარტო ფარული მანკიერება, არამედ ზეობაცა და უსამართლობაც.

23

თუკი სადმე შევხვდები მორიდებულ, თავმდაბალ და პატივმოყვარულ გრძნობებს მოკლებულ კარისკაცს, რომელიც მეტოქეების გადატაკებით ზელს არ მოითბობს და არ გამდიდრდება, სამართლიანს, ხელქვეითთა სიკეთეზე მზრუნველს, ვალების გადახედელს, მოძულეს თაღლითობისა და ავყობისა, დამგმობს ღორმუცლობისა და სიძვისა, და თუ ეს კაცი ლოცულობს მაშინაც კი, როცა მეფე იქ არ ბრძანდება და მის ლოცვაში მარტოოდენ ბაგენი არ მონაწილეობენ, თუ იგი არ არის პირქუში, მიუკარებელი, ამპარტავანი და თითლიბაზურად სევდიანი, არ არის ზარმაცი და ფუქსაუატი, ყურადღებიანია თავის მრავალრიცხოვანი და მეტად მნიშვნელოვანი სამსახურებრივი მოვალეობისადმი, სურს და შეუძლია მთელი თავისი გონება და ძალა შესწიროს დიდსა და რთულ საქმეებს, განსაკუთრებით ისეთს, რაზედაც დამოკიდებულია ხალხისა და სახელმწიფოს კეთილდღეობა, მაშინ მე ვერ გავბედავდი გამემკლავებინა იმ უმწიკვლო კაცის სახელი იმის შიშით, რომ არ მეწყენინებინა მისთვის. და თუ არ დავასახელებდი, მოკრძალება მისი ხელს შეუშლიდა საკუთარი თავი ეცნო ჩემს აღწერილობაში. აი ამგვარ ადამიანზე კი ვიტყვოდი: ჭეშმარიტად ღვთისმოსავია იგი, ანდა ეს კაცი ჩვენს საუკუნეს მოვლენია, ვითარც ნიმუში უებრო სათნოებისა, რათა ხალხმა შეიცნოს ორპირნი და თვალთმაქცნი.

24

ონღფრის საწოლზე რუხი სარკა აქვს გადაფარებული, მაგრამ ბუმბულის ლეიბზე და ტილოს ზეწრებზე წევს. აცვია სადა, მაგრამ მოხერხებული ტანსაცმელი. ზაფხულში მსუბუქი, ზამთარში — თბილი. ამოსია მეტად ფაქიზი ქსოვილის პერანგები, რასაც გულმოდგინედ ფარავს ზედა ტანსაცმლით. მისგან ვერ გაიგონებ: „ჩემი ძაძა“, „ჩემი მათრახი ხორცის მოკვდინებისთვის“; არ უნდა ჩათვალონ იმად, რაც არის, — თვალთმაქცად, პირიქით, ჩათვალონ იმად, რაც არ არის, — ღვთისმოსავად. ერთი კია, ისეთნაირად უქირავს თავი, უსიტყვოდაც ყველას აფიქრებინებს, თითქოსდა ატარებს ძაძას და მათრახითაც მოიკვდენს ხორცს. მის ოთახში ყველგან წიგნებია მი-

მოფანტული. გადაშალეთ, ხედავთ რა არის? „სულიერი ბრძოლა“, „ქრისტიანული სული“, „წმიდა წელიწადი“. სხვაგვარი წიგნები მაგრაად აქვს ჩაკეტილი. ქუჩაში მიდის, ხედავს მისკენ მოემართება კაცი, ვისაც უეჭველად ღვთისმოსავად უნდა მოაჩვენოს თავი; მისთვის ეს ჩვეული ფანდია. არ უჭირს დახაროს თვალნი, ღრმად ჩაფიქრებული სახით გადაადგას ნელი და მორიდებული ნაბიჯები. შედის ეკლესიაში, მიიხედ-მოიხედავს და იმისდა მიხედვით, თუ ვინ იმყოფება იქ, ან მუხლს იყრის და ლოცულობს, ან აინუნშიც არ მოსდის, მუხლი მოიყაროს და ილოცოს. გვერდით თუ დაუდგა გავლენიანი და მაღალი ზნეობის კაცი, არათუ ლოცვას, ხამამალა ფიქრს, ოხვრა-კენესასაც მოჰყვება. მაღალი ზნეობის კაცი თუ გასცილდება, ონუფრი მალულად თვალს გააყოლებს და რაკი აქ აღარ ეგულება, მყისვე დაშოშმინდება და კენესას შუწყვეტს. აგერ, კიდევ ერთხელ შედის ღვთის სახლში. გაძვრება მლოცველთა შორის, ამოიჩვენებს ისეთ ადგილს, ყველამ რომ დაინახოს, რარიგ თავმდაბლად შეჰღალადებს მაცხოვარს. თუ შემოესმა ხამამალა ლაპარაკი და სიცილი კარისკაცთა, რომლებიც ტაძარში უფრო მეტად ხმაურობენ, ვიდრე დიდებულთა მოსაცდელ დარბაზებში, მათ გასაჩუმებლად ისე დაიყვირებს, რომ კარისკაცთა ხმას დაფარავს და ისევ იძირება ღრმა ფიქრებში; ამ ბატონებს თავის თავს ადარებს და შედარება მის სასარგებლოდ მთავრდება. ფეხს არ შეადგამს გამოცარიელებულ ეკლესიაში, სადაც შეიძლება ერთმანეთის მიყოლებით მოისმინოს ორი წირვა, ქადაგება და მწუხრის ლოცვა, მარტოდმარტო იდგეს ღმერთის პირისპირ და არვინ უშლიდეს ხელს. უყვარს მრავალრიცხოვან მრევლში გამოჩენა, უყვარს ტაძრები, სადაც ზღვა ზალხი ირევა და სადაც შემთხვევას არ გააცდენს, — ყველა დაინახავს. წელიწადში ორ-სამ დღეს, სრულიად უმიზეზოდ, მარხვას ინახავს. მაგრამ ზამთრის დამლევის აუტყდება ხველა, უჩივის ფილტვებს, სისუსტეს, სიცხიანობას. ატყდება ერთი ხვეწნა-მუღარა, ვედრება და შეგონება, რათა დასაწყისშივე შეწყვიტოს მარხვა. სხვათა საამებლად ონუფრი ძლივძლივობით თანხმდება. ოჯახში განხეთქილებაა, ონუფრი შუამავალია. იგი ძლიერის მხარეზეა. უნდა მეტქვა, შეძლებულის მხარეზეა-მეთქი. აზრადაც არ მოუვა, დიდი ავლა-დიდების შფლობელი ბატონი ან ქალბატონი თუ შესაძლებელია ოდესმე ცდებოდეს. თუკი მოახერხა და თავი მოაწონა, შეუძვრა და ტკიპასავით

მიეკრა მდიდარ კაცს, ვისგანაც დიდ შემწევობას მოელის, მისი ცოლის შეცდენას არ მოიწადინებს, ის კი არა, არც გაეარშიყება და არც სიყვარულს აუხსნის, თუ ქალის იცევე არ სწამს, როგორც საკუთარი თავის, გაექცევა, თავის მოსასხამს ხელში შეატოვებს. არცთუ ღვთისმოსაობით მოინდომებს მისი გულის მოგებას, რადგან ჩვევად კი არა აქვს ღმერთზე და რწმენაზე საუბარი, არამედ წინასწარ განზრახვით იშველებს ამ იარაღს, როცა სჭირდება და როცა დარწმუნებულია, ამგვარი ხრიკები სასაცილო მდგომარეობაში არ ჩააყენებს. მან იცის სად გამოძებნოს მეგობრის ცოლზე უფრო თანამგრძობი და დამყოლი ქალები. მათთან კარგ ხანსაც რჩება და ხალხს აფიქრებინებს, ვითომცდა ლოცვასა და მარხულობაში განდგომოდეს წუთისოფლის ამაოებას. აბა ვის შეეპარება მის სიწმიდეში ეჭვი, როცა საზოგადოებას კვლავ მოეველინება მიტეტკილი და ფერმიხდილი, ვითარც შეჭფერის თავდაუზოგავ ადამიანს. იგი არც ღვთისმოსაობის ჩრდილქვეშ აყვავებულსა და გაფურჩქნილ ქალბატონებს იწუნებს; ერთი კია, ბებრუცუნებზე გული არ მისდის. ყმაწვილქალებში კი ირჩევს უფრო ლამაზებსა და კარგად მოყვანილებს, — ეს თვისებები იზიდავს ფრიად. ქალები შორდებიან, ონუფრიც შორდება, ბრუნდებიან, ისიც ბრუნდება, რჩებიან, რჩება. ყველგან და ყოველთვის ტკბება მათი ხილვითა და შეხვედრით. განა ჭკუის სასწავლებელი არ არის? ისინიც ღვთისმოსავნი ბრძანდებიან და თვითონაც ღვთისმოსავია. ონუფრი შემთხვევას ხელიდან როგორ გაუშვებს და არ ისარგებლებს მეგობრის ბრმა ნდობით; ხან ფულს ესესხება, ხან ისე მოისაწყლებს თავს, რომ მეგობარი თავად შესთავაზებს და უსაყვედურებს კიდევ, დახმარებისთვის ახლობლებს რატომ არ მიმართავო. ზოგჯერ ორიოდ გროშს ისე არ ისესხებს, თუ ხელწერილი არ მისცა და ღრმად დარწმუნებულია ვალს არაეინ გამოართმევს. ხანდახან საწყალობლად წარმოთქვამს, არაფერი მაკლიაო, რაიც მიანიშნებს, — მხოლოდ პატარა თანხა სჭირდება. სხვა ღროს საქვეყნოდ შეასხამს ხოტბას მეგობრის გულუხვობას, რათა პატივმოყვარული გრძნობები აუშალოს და უხვი საჩუქარი მიატეშინოს. სულაც არ ფიქრობს მის მთელს შემკვიდრეობას დაეპატრონოს, ანდა მთელი მისი ავლა-დიდება ძღვნად მიიღოს, თუკი ამისთვის საჭირო გახდება დავა აუტეხოს მის ვაჟს, კანონიერ შემკვიდრეს. ღვთისმოსავი არ შეიძლება იყოს ძუნწი, უსინდისო,

უსამართლო და ანგარებიანი. ონუფრი ღვთისმოსავი არ გახლავთ, მაგრამ სურს ხალხი ასეთად მიიჩნევდეს, რათა მორწმუნე კაცის როლის სრულყოფილი შესრულებით ფარულად მოიკვარაჰქინოს თავისი კეთილდღეობა. აკი ამიტომაც განზე დგება და სათოფედ არ ეკარება ისეთ ოჯახს, სადაც ქალიშვილიც გასათხოვარია და ვაჟიც აღვილზეა მოსაწყობი. შვილთა უფლებები წმიდათაწმიდაა და ხელშეუხები. მათ ისე ვერ შელახავ, თუ ერთი ვაი-უშველებელი არ ატყდა. ონუფრის კი სულაც არ ნებავეს ეს, ვინაიდან არ არის გამორიცხული, ამ მითქმა-მოთქმამ მეფის ყურამდე არ მიადწიოს და არ გამყდარდეს მისი ხრიკები. მაშინ კი ნილაბი ჩამოეხსნება და გამოჩნდება ონუფრის ქვეშაირი სახე. ამიტომაც შორეულ ნათესავებისკენ იღებს გეზს, რამეთუ მათ წინააღმდეგ ბრძოლა დიდად სახიფათოდ არ მიაჩნია. მძვინვარე მტერია ბიძაშვილების, ძმისწულისწულების და ერთგული მეგობარი და თაყვანისმცემელი მდიდარი ძიების. თავისი თავი კანონიერი მემკვიდრე ჰგონია ყველა მდიდარი და უშვილო ბერეკაცისა, რომელსაც თუ სურს ნათესავებს დარჩეთ მისი ქონება, ჯერ ონუფრის უნდა დააყრვეინოს ფარ-ხმალი. ბოლოს და ბოლოს, მთელ მემკვიდრეობას რომც ვერ დაეპატრონოს, ონუფრის მოზრდილი ნაწილი მაინც განადღებული აქვს. ამ ფრიად ღირსეული მიზნების მისაღწევად საკმარისია პაწაწინა ცილისწამება, უფრო ნაკლებიც, ოდნავი კბილის გაკვრაც კი, ხოლო ამ ხელოვნების უბადლო ოსტატი გახლავთ ონუფრი. ასეთი ნიჭის მიჩქმალვას სულაც არ აპირებს, პირიქით, სიქველედაც კი მიაჩნია და აცხადებს, თუ სინდის-ნამუსი გაქვს, ზოგიერთი კაცი სააშკარა-ოზე უნდა გამოიყვანო. ამგვარ აღამიანებად იგი თვლის იმათ, ვინც არ უყვარს, ვისი დაღუპვაც უნდა და ვინც გაძარცვაც გადაუწყვეტია. მიზანს ხშირად ისე აღწევს, რომ კრინტსაც არა ძრავს. სიტყვა თუ ჩამოვარდა ევდოქსზე, გაიღიმებს, ან ამოიოხრებს. ჩააცივდებიან, ჰკითხავენ, პასუხს არ იძლევა. კარგადაც იქცევა; უკვე საკმაოდ თქვა.

რატომ არ იცინით, ზელი, რატომ უღალატეთ ჩვეულებას და აღარ ტიკტიკებთ, აღარც ხუმრობთ. სად გაქრა თქვენი გიჟმაყობა? „გავმდიდრდიო, — მეუბნებით, — როგორც იყო გავშალე ფრთები

და შვებით ამოვისუნთქეო.“ მაშ უფრო ხმაბალა გაიცინეთ, ზელა, იქისკისეთ, ვის რად უნდა დიდი სიმდიდრე თუ მას მოწყენილობა და სევდა მოჰყვება? მიბაძეთ დიდებულებს, ისინი ზომ ფუფუნებაში დაიბადნენ და მაინც იცინიან ზანდაზან, თუკი სიცილი უყვართ. თქვენც ზომ გიყვართ. ნუ ათქმევინებთ თქვენზე, კარგად მოეწყო, რამდენიმე ათასი ლივრი წლიური შემოსავალი იშოვა და ერთი უკიდურესობიდან მეორეში გადავარდო.— ერთი ადამიანის მფარველობით გავბედნიერდიო, ამბობთ. ასეც ვფიქრობდი, ზელი, მაგრამ დამიჯერეთ, გაიცინეთ ისევ და როცა შემხვდებით, ძველებურად გამიღიმეთ. ნუ შეშინდებით, არაფერს გაკადრებთ, არ მოგეტმასნებით, ცუდს არაფერს გავივლებ გულში არც თქვენზე და არც თქვენს მდგომარეობაზე. ვირწმუნებ, რომ ხართ მდიდარი და გავლენიანი. ღვთისმოსავი ვარო, დასძენთ. კმარა, ზელი, ან კი აქამდე როგორ არ გამახსენდა და ვერ მივხვდი, რომ სპეტაკი პატიოსნების მიერ ნაბოძები სიმშვიდისა და ნეტარებისთვის უჯობნია სევდასა და სიმკაცრეს და თქვენს სახეზე აღბეჭდილა. ახლა ეს დასაშვებად ითვლება და აღარავის უკვირს, რომ ღვთისმოსაობას უფრო მეტად შესწევს უნარი ქალს შემატოს ქედმაღლობა და ამპარტავნობა, ვიდრე სილამაზესა და სიყმაწვილეს.

ჩვენს საუკუნეში ზელოვნება და მეცნიერება ძალიან წინ წავიდა და დაიხვეწა. სულის გაწმენდისათვისაც კი ჩამოვყალიბეთ წესები და მეთოდები და იგი დავამშვენეთ ყოველივე წარმტაცითა და ამაღლებულით, რაც ადამიანის გონებას შეუქმნია ოდესმე. გეომეტრიის მსგავსად ღვთისმოსაობას თავისი ენა, ასე ვთქვათ, თავისი მეცნიერული ტერმინები აქვს. და თუ კაცმა ეს ტერმინები არ იცის, ვერც ღვთისმოსავი იქნება და ვერც გეომეტროსი. მოციქულთა მონათლულმა პირველმა ღვთისმოსავეებმა არ იცოდნენ ეს ტერმინები. საბრალონი, მათი ცხოვრების ერთადერთი აზრი იყო რწმენა და შრომა და შეეძლოთ მარტოოდენ ელოცათ და პატიოსნად ეცხოვრათ.

ღვთის მორწმუნე მეფისთვის ძნელია სამეფო კარი გარდაქმნას და ღვთის რწმენა გააბატონოს. მას კარგად მოეხსენება, რომ კარის-კაცები არაფერს დაიშურებენ, ოღონდ თავი მოიწონონ და წინ წაიწიონ. მეფე ფრთხილად იქცევა, ფარულად, მოთმინებით, რადგან ეშინია, სამეფო კარი ფარისევლურ მორწმუნეობასა და მკრეხელურ თვალთმაქცობაში არ ჩაეფლოს. საკუთარ მონდომებასა და მოხერხებულებაზე ისე არ ამყარებს იმედს, როგორც უფალზე და დროზე.

სამეფო კარზე ოდითგან სჩვევიათ პენსიები და საჩუქრები გასცენ მუსიკოსებისთვის, ცეკვის მასწავლებლებისთვის, ფლეიტის დამკვრელებისთვის, ქლესებისთვისა და მამებლებისთვის. ესენი თვალსაჩინო ღირსებებითა და უდავო ნიჭით არიან დაჯილდოებულნი; ართობენ დიდებულებს და სიდიადის მძიმე ტვირთს უმსუბუქებენ.

ვინ არ უწყის, რომ ფავეი შესანიშნავი მოცეკვავეა, ხოლო ლორენცანი მშვენიერ მოტეტებს თხზავს, მაგრამ ვინ იცის ღვთისმოსავს თუ გააჩნია სათნოება? მისთვის არაფერი მოიძებნება არც მეფის პირად სალაროში და არც სახელმწიფო ხაზინაში, ფრიად სამართლიანადაც. ადვილად წასაბაძი ხელობაა და თუ ჯილდოები წაახალისებს, მეფე იძულებული გახდება საპატიოდ აღიაროს თვალთმაქცობა, თაღლითობა და პენსიები დაურიგოს პირმოთენებს.

იმედი იქონიეთ, სამეფო კარზე გამეფებული ღვთისმოსაობა მალე სატახტო ქალაქსაც მოედება.

ეპიცი არ მეპარება, რომ ჰემმარიტი ღვთისმორწმუნეობა წყაროა სულიერი სიმშვიდისა. იგი გვეხმარება მოთმინებით შევეგუოთ

სიცოცხლეს და სიკვდილსაც თვინიერად შევხვდეთ, რასაც ვერ ვიტყვით ფარისევლურ ღვთისმოსაობაზე.

31

ყოველი საათი, თავისთავადაც და ჩვენს მიმართაც, განუმეორებელია. წავა და სამარადისოდ დაიკარგება, მილიონი წელიც ველარ დააბრუნებს; განვლიან თვენი, წლები და უკუნითი უკუნისამდე ჩაიძირება ჟამთა სვლის უძირო უფსკრულში. და თვით ჟამნიც უკვალოდ წარიშლებიან. დრო პაწაწინა წერტილია მარადისობის თვალუწვდენელ სივრცეში ჩაკარგული და გამქრალი. იგი წარმოშობს უსუსურ, უდღეურ მოვლენებს, რაიც არც მყარია და არც უცვლელი და რასაც მე ვუწოდებ მოდას, ძლიერებას, მფარველობას, სიმდიდრეს, ძალაუფლებას, დამოუკიდებლობას, სიამტკბილობას, სიხარულს, ფუფუნებას. რა ეშველება მოდას, როს თვით დრო აღიგვება? მხოლოდ და მხოლოდ სათნოება, ესოდენ ჩამორჩენილი მოდას, გაუძლებს დროთა სრბოლას და მასზე დიდხანს იცოცხლებს.

თავი მეთოთხმეტი

ზოგიერთ ჩვეულებათა შესახებ

1

ყველას არ შეუძლია აზნაურობა შეიძინოს. ზოგს რომ მოეხერხებინა, შევალეს ნახევარი წლით მაინც გაეგრძელებინა მისთვის ვადა, აზნაური გაზდებოდა.

ერთნი იძინებენ მდაბიონი და იღვიძებენ აზნაურნი.¹

რამდენ ჩვენს აზნაურს მამა და უფროსი ძმები დაბალი წარმოშობისა ჰყავს.

¹ ვეტერანები.

ზოგი არ ცნობს საკუთარ მამას, თუ იგი მედუქნე ან სასამართლოს მოხელეა. სამაგიეროდ თავს იწონებს პაპით, დიდი ხნის წინათ რომ გარდაიცვალა; იგი ყველასთვის უცნობია და ვერაფერს შემოედევებიან. ასევე ამაყობს ცოლის ნათესავთა დიდი შემოსავლით, მაღალი თანამდებობით. ამრიგად, თავისი მაღალი წარმოშობა რომ დაამტკიცოს, სხვა არა აკლია რა, ტიტულის გარდა.

სიტყვა „რეაბილიტაცია“ ისე გავრცელდა სასამართლოში, რომ ოდესღაც აგრე რიგად მიღებული ფრანგული გამოთქმა „აზნაურის სიგელის ბოძება“ უკვე მოძველებული და დაზავსებული გვეჩვენება. რეაბილიტაცია ნიშნავს, რომ გამდიდრებული კაცი დასაბამიდან აზნაურია და ევალება კიდევ იყოს მაღალი წარმოშობის. სინამდვილეში მამამისი ისე დამდაბლებულა, რომ გუთანს გაჰყოლია, ან თოხი დაუჭერია ხელში, ან ტვირთი უზიდავს, ან ლივრეა ჩაუტევამს. თვითონ კი უნდა აღიდგინოს წინაპართა უფლებები, დაიბრუნოს საგვარეულო გერბი, ის კი არა, კალის ჭურჭელზე რომ აქვს ამოტვიფრული, არამედ ის, თავად რომ გამოიგონა. ერთი სიტყვით, აზნაურის სიგელის ბოძება რა საკადრისია მისთვის, იგი მხოლოდ შეეფერება უბირ კაცს, რომელიც ჯერ კიდევ ეძიებს გამდიდრების საიდუმლოს.

გლეხი, რომელიც იფიცება, სასწაული ვნახეო, ბოლოს და ბოლოს მართლაც იჯერებს, თითქოს იხილა იგი. ვინც თავის ასაკს მაღავს, რწმუნდება და სხვასაც არწმუნებს, ვითომცდა ახალგაზრდაა. ასევე, უბირი კაცი, ვისაც აუჩემებია, რომელიღაც წინაპარი ბარონი მყავდა, ან ციხე-კოშკის მფლობელი იყო და მეც მისი შთამომავალი გახლავართო, სამუდამოდ იმსჭვალება ამ საამური რწმენით.

სად ნახავთ ცოტაოდნავ ბედობლიან და შეძლებულ უბირს, ვისაც არ ამშვენებდეს გერბი, თავისი საპატიო აღჭურვილობით; ფარის დასამაგრებლებით, მუზარადის ბიბილოთი, დევიზითა და შესაძლებელია საომარი ყიფინითაც. სად გაქრა განსხვავება ჩაჩქანსა და მუზარადს შორის? ანდა რა განსხვავება უნდა არსებობდეს, როცა აღარც იხურავენ მათ და სახელწოდებაც გაუქმებულია. ვინღა უწყის, სად უნდა გამოსახოს ისინი, გერბის შუაში თუ ნაპირზე, ღია უნდა იყოს, თუ დახურული, რამდენი ზოლი ეკუთვნის მათ ბადეს? წვრილმანებს ვილა დაგიდევს, პირდაპირ გვირგვინისკენ ილტვიან, რაკი ეს უფრო იოლია, თანაც ღირსად თვლიან თავს და იღებენ კიდევ. მადლობა ღმერთს, კიდევ დარჩენილან ბურჯუები, რომელთაც სირცხვილ-ნამუსი ნებას არ აძლევს მარკიზის გვირგვინს წაეპოტონონ და კონტის ტიტულითაც იოლად გადიან. ზოგი მათგანი შორს აღარ მიდის და გერბი თავისი აბრიდან პირდაპირ ეტლზე გადააქვს.

6

თუ ქალაქში არ დაბადებულხართ და ქვეყანას მოვლენიხართ სოფლის ერთ ქოხში, ან ჭაობში ჩაკარგულ ნანგრევებში და მას კოშკს უწოდებთ, სიტყვაზეც დაგიჩერებენ, კეთილშობილი წარმომობის რომ ბრძანდებით.

7

დიდი აზნაური ცდილობს პატარა სენიორად ჩათვალოს და საწადელს ისრულებს. წარჩინებული სენიორი პრინცის ტიტულისთვის იბრძვის; იმდენ ხრიკს მიმართავს, იმდენ მაღალი მდგომარეობის პირს იშველიებს, იმდენ აყალმაყალს ტეხს თავისი უფლებებისა და ადგილუფროსობის თაობაზე, იმდენს კამათობს ახალ გერბზე და გენეალოგიაზე, რაიც ოზიეს არ შეუქმნია მისთვის, რომ საბოლოოდ ხდება უგვანო პრინცი.

8

დიდებულები ტყავში ძვრებიან, ისე ცდილობენ წაბადონ და გა-
24. ჟან დე ლა ბრუიერი

უტოლდნენ უფრო მაღალ დიდებულებს; ეს უკანასკნელნი, ოღონდ არ გაუამხანაურდნენ დაბლა მდგომთ, სიამოვნებით უარყოფენ ყოველგვარ პატივს და წარჩინებას, მძიმე უღლად რომ აწევთ კისეჩრზე და არჩევენ უფრო თავისუფალსა და ლალ ცხოვრებას. და ისინი, ვინც მათ ნაფეხურებს მისდევენ, უმაღლ ითვისებენ ამ უბრალოებასა და თავმდაბლობას. ასე თუ გაგრძელდა, ზვაობით შეპყრობილნი ბოლოს ისევე სადად და მარტივად დაიწყებენ ცხოვრებას, როგორც უბრალო ხალხი ცხოვრობს. ეს ზომ დაუშვებელია!

9

ზოგი სამ გვარს ატარებს, რადგან ერთი ეცოტავება. ერთი გვარი სოფლისთვისაა განკუთვნილი, მეორე — ქალაქისთვის, მესამე — სამსახურის ადგილისთვის და თანამდებობისთვის. ზოგიერთს უბრალო, ორმარცვლიანი გვარი აქვს და როგორც კი წელს მოიმაგრებს, რაიმე ნაწილაკით აკეთილშობილებს. ზოგი ერთ მარცვალს აკლებს და მისი ჩვეულებრივი გვარი სახელოვან გვარად გადაიქცევა; მავანი მხოლოდ ერთ ასოს ცვლის და სირიუსი კირიუსად გარდაიქმნება. ბევრი უარყოფს არცთუ სამარცხვინო გვარს და იღებს უფრო სახელგანთქმულ გვარს და აგებს, რადგან ამის შემდეგ მას აღარებენ ამავე გვარის დიდებულ ადამიანებს. დაბოლოს, ისეთებიც მოიძებნებიან, რომელნიც პარიზის სამრეკლოების ძირში დაბადებულან და უნებებიათ იყვნენ ფლამანდიელნი ან იტალიელები, თითქოსდა უბირი კაცი ყველა ქვეყანაში უბირი არ იყოს. ფრანგულ გვარს უცხოურ დაბოლოებას აძლევენ და ჰგონიათ კეთილი წარმოშობა მხოლოდ შორეულ ქვეყნიდან მოდის.

10

უფულობამ თავადაზნაურობა ბურჟუაზიას შეარიგა და წაართვა ურყევი საბუთი იმისა, რომ სახელოვანი გვარის მეოთხე თაობას მიეკუთვნება.

რამდენ ბავშვს გააბედნიერებდა ისეთი კანონი, რის მიხედვითაც აზნაურობა მხოლოდ დედის კეთილშობილ წარმოშობაზე იქნებოდა დამოკიდებული. მაგრამ რამდენს გააუბედურებდა!

ბევრ ისეთ ოჯახს ვერ შეხვდებით, რომელიც არ ენათესაებოდა დიდ თავადებსაც და დაბალი წარმოშობის ადამიანებსაც.

მაღალი წარმოშობა არცთუ ცუდია: რა შეღავათი არ გინდა, რა პრივილეგია, რა თავისუფლება! აბა რა აკლია ტიტულიან კაცს? იქნება ფიქრობთ, აზნაურობის უფლება იმიტომ მოიპოვეს განდგომლებმა, რომ გააზნაურებულიყვნენ? მათ ამაოებათა ამაოება როდი იტაცებს. ამ გზით დიდი შემოსავალი მიიღეს და უფრო მეტი სარფა ხვდათ, ვიდრე მარილის ბაჟის შექმნით მიიღებდნენ. მე ვგულისხმობ არა ცალკეულ წევრს, მათი ალექმა ეწინააღმდეგება ამგვარ მოსაზრებებს, არამედ მთელ ორდენს.

ერთი რამ საქვეყნოდ უნდა განვაცხადო, რათა ყველა წინასწარ შევამზადო და არვის გაუკვირდეს ერთ მშვენიერ დღეს: თუ ოდესმე რომელიმე დიდებული თავის ყურადღების ღირსს მყოფს და ბოლოს და ბოლოს მიბოძებს მაღალ თანამდებობას, შეგახსენებთ, იყო ერთი ჟოფრუა დე ლა ბრუიერი, ვისზედაც საფრანგეთის ყველა მატრიანე ერთხმად ლაღადებს, რომ იგი ყველაზე გამოჩენილ სენიორთა შორის იმყოფებოდა, როცა ისინი გოდფრუა დე ბუიონს გაჰყვნენ წმიდა მიწის დასაპყრობად: მე მისი პირდაპირი შთამომავალი გახლავართ.

¹ მონასტერი, რომელმაც იყიდა მეფის მღვიმის თანამდებობა.

კეთილშობილი წარმოშობა თუ სათნოებად ითვლება, მას ბილ-
წავს ყველა, ვინც არ არის სათნო. და თუ იგი სათნოება არ არის,
დიდი ვერაფერი შვილი ყოფილა.

ზოგიერთ მოვლენას ისეთი პრინციპები უდევს საფუძვლად,
რომ თვით მოვლენები საოცარი და გაუგებარი ხდება. და მართ-
ლაც, ვის შეუძლია წარმოიდგინოს, რომ ესა თუ ის აბატი, რომე-
ლიც ისეა მორთულ-მოკაზმული, განაზებული, ისეთი პატივმოყვა-
რული მისწრაფებითაა გამსჭვალული, რომ ტოლს არ უდებს ორი-
ვე სქესის წარმომადგენლებს; აბატი, რომელიც შეჭფოფინებს ბანო-
ვანთ და მეტოქეობას უწევს და კიდევ ამარცხებს მარკიზებსა და ფი-
ნანსისტებს, ღიახ, ვინ წარმოიდგენს, რომ თავისი ჩინითა და თვით
სახელწოდების „აბატის“ ეტიმოლოგიით იგი უნდა იყოს მამა და
მწყემსი წმიდა ბერებისა და თავმდაბალი განდევილების მისაბაძი
მაგალითი? რაოდენ უფლებამოსილია და დამთრგუნველი ჩვეულე-
ბათა ძალა! აღარაფერს ვიტყვი სხვა უფრო დიდ უწესრიგობაზე,
მხოლოდ დავსძენ, ნუთუ არ ეშინიათ. ერთ მშვენიერ დღეს რომ
მოველინოთ ვინმე ყრმა აბატი, ვისაც ან მისი უწმიდესობის ყაი-
დაზე ეცმება ტანთ ნაცრისფერი, მოქარგული ხავერდის სამოსი,
ანდა პირისაზე ექნება დაწინწკლული ხალებით და შეთითხნილი
ფერუმარილით, ვითარცა შეეფერება ქალებს

პალაცო ფარნეზე გახლავთ საბუთი იმისა, რომ ღმერთების
მრუშობას, ვენერებს, განიმედებსა და ყოველგვარ სიშიშველეს კა-
რაჯო ხატავდა ეკლესიის იმ უფალთა დაკვეთით, რომელნიც თა-
ვიანთ თავს წინასწარმეტყველთა მემკვიდრეებად თვლიან.

თვით მშვენიერი საგნებიც კი ნაკლებ მშვენიერია, თუ უადგილო ადგილასაა ჩართული. წესრიგის საფუძველია გონიერება, სრულყოფილების საფუძველი კი წესრიგია. არ ხამს ეიგის შესრულება ტაძარში, არ მართებს ქადაგება თეატრალური ტონით. არც საერო! ნახატებით უნდა იყოს შემკული ეკლესია და არც გვერდი-გვერდ უნდა იმყოფებოდეს ხატი მაცხოვრისა და „პარისის არჩევანი“. არც ეკლესიის მამათ ეგების ისეთი ეკიპაჟი და ამაღა, რაიც მარტოოდენ დიდგვაროვან კავალერს შეეფერება.

ბოლოს და ბოლოს განვაცხადო საქვეყნოდ, თუ რას ვფიქრობ იმაზე, რასაც მაღალ წრეებში მშვენიერ მწუხრს უწოდებენ? ღვთის ტაძარი ხშირად საერო ნახატებითაა მორთული, ადგილები ფასიანია და წინასწარ გაყიდული, წიგნებსაც ისე არიგებენ, თითქოს თეატრში ვიმყოფებოდეთ. აქ ინიშნება პაემნები და საქმიანი შეხვედრები, ისმის გამაყრუებელი ზუზუნი და მასლაათი; ვიღაც ადის კათედრაზე და ქადაგებს მშრალად, გულგრილად, მხოლოდ იმისთვის, რომ უფრო მეტ ხალხს მოუყაროს თავი და დააკავოს, სანამ ორკესტრი დაუკრავდეს. ოჰ, ამას რას ვამბობ, ორკესტრი კი არა, სანამ არ დასჭექს გუნდი, რომელიც დიდი ხანია ვარჯიშობს ხმის შესაწყობად. განა საკადრისია განვაცხადო, რომ ღვთის სახლზე ზრუნვა მოსვენებას არ მაძლევს და მიბიძგებს ფარდა ჩამოვადგარო წმიდა საიდუმლოებას, რაიც მოწმე ხდება ამგვარი ბიწიერებისა. რაო! აქაოდა თ...ტ...თან არ ცეკვავენ, მაიძულებენ ამ სანახაობას წირვა-ლოცვა ვუწოდო?

ჯერ არ მინახავს ვინმეს ალექშა დაედოს, ან მლოცველად წასუღიყოს და წმიდანისთვის ეთხოვოს უფრო თვინიერი გო-

¹ გობელენი.

ნება, უფრო მაღლიერი სული, უფრო სამართლიანი და ნაკლებ გაბოროტებული ცხოვრება, ან განკურნება პატივმოყვარეობისგან, ფუსფუსისა და ავციობისგან.

21

რა ახირებული სანახაობაა, როცა ქრისტიანთა ორივე სქესის ბრბო ერთსა და იმავე დღეს ერთ დარბაზში იყრის თავს, რათა ტაში დაუკრას ადამიანებს, რომლებიც ეკლესიიდან მოკვეთეს მხოლოდ იმისთვის, რომ მაყურებელს წინასწარ ფასგადახდილი სიამოვნება განაცდევინოს. მე მგონი, საჭიროა, ან დავკეტოთ თეატრები, ანდა ნაკლებ მკაცრად განვსაჯოთ კომედიანტის ხელობა.

22

ეგრეთ წოდებულ წმიდა დღეებში ბერი აღსარებას იღებს. ამავე დროს მღვდელი კათედრიდან აფრქვევს მრისხანე სიტყვებს ბერისა და მისი მიმდევრების საწინააღმდეგოდ. ღვთისმოსავი ქალი სააღსარებოდან გამოდის და ესმის, მქადაგებელი ბერს მკრეხელობაში სდებს ბრალს. ნუთუ ეკლესიის უფალთა შორის არავინაა ისეთი, რომ შეძლოს ხმა გააკმენდინოს პასტორს ან ერთხანს აკრძალოს ბარნაბიტელთა მოღვაწეობა?

23

მრევლი უფრო მეტს იხდის ჯვარისწერაზე, ვიდრე ნათლობაზე. ხოლო ნათლობა უფრო ძვირია, ვიდრე აღსარება. იტყვი, ეს არისო წმიდა საიდუმლოებათა გადასახადი, რაიც თითქოსდა განსაზღვრავს მათ შესაბამის ღირებულებას. ამ ჩვეულებაში დასაძრახი არაფერია. ის, ვინც იღებს ან იხდის გადასახადს წმიდა საიდუმლოებისთვის, არ ფიქრობს, რომ ყიდის ან ყიდულობს მას. მაგრამ ჯობდა ამის მოწმედ არ გაგვეხადა გონებაშეზღუდული და ურწმუნო ზალხი.

24

ლოყებლაჟღაჟა და გათქვირებულ მოძღვარს ვენეციური მაქ-

მანით გაწყობილი ფაქიზი თეთრეული აცვია. დაბრძანდება ძოწსა და სიასამურის ბეწვში გახვეულ პიროვნებათა გვერდით. იმ დროს, როცა იგი საკმლის მონელებას ამთავრებს, ფეიანელი ან რეკოლეტი ტოვებს თავის საკანსა და უდაბნოს, სადაც საკუთარი ალექმისა და სინდისის კარნახით ცხოვრობს, მოდის რათა იქადაგოს ამ მოძღვრისა და მისი სამწყსოს წინაშე და მიიღოს ფული, თითქოს ქსოვილის თოფსა ყიდდეს. თქვენ სიტყვა გამაწყვეტინეთ და მომმართეთ: „რა ახალი და მოულოდნელი სისასტიკეა! ხომ არ გინებებიათ ამ მოძღვარს და მის სამწყსოს აუკრძალოთ მოისმინოს სიტყვა უფლისა და მიიღოს საკვები სულისა!“ სულაც არა, მე მინდა, თავად გასცემდეს მას დილას და საღამოს, ტაძრებსა და სახლებში, მოედნებზე, სახურავებზე. მე მინდა, ამ დიადსა და დამქანცავ სრომას ხელს ჰკიდებდეს ამ საქმისთვის მოწოდებული ნიჭიერი და მაგარი ფილტვების მქონე ადამიანი, ვინც იქნებოდა ღირსი უხვი შემოწირულებისა და ძვირფასი ძღვენის. ამის გამო ბრალს ვერ დავდებთ მღვდელს, რამეთუ ასეთი წეს-ჩვეულება მიიღო წინამორბედისგან და იმასვე დაუტოვებს შემცვლელს. ამ ახირებულსა და უაზრო წეს-ჩვეულებებს ვკიცხავ ისევე, როგორც არანაკლებ მიუღებელ წესს, რის მიხედვითაც ერთი მიცვალებულის გასაპატიოსნებლად მღვდელი იღებს თთხმავ საფასურს: თავისი პიროვნებისათვის, წოდებისათვის, დასწრებისათვის და დახმარებისათვის.

25

ოცი წელია ტიტის ვერ დაწინაურდა, თუმცა არაერთხელ გათავისუფლდა ადგილი. ვერ უშველა ვერც ნიჭმა, ვერც მრწამსმა, ვერც სანიმუშო ცხოვრებამ და ვერც მრევლის კეთილგანწყობილებამ. თითქოს მიწიდან ამოძვრაო, გამოტყვრება ვილაც და იმას ნიშნავენ. ტიტს ისევ გვერდი აუარეს, არაფრად ჩააგდეს. არ ჩივის, ასეთი გახლავთ წესჩვეულებანი.

26

მეო, ამბობს მნათე, გუნდს ვუძღვები და ვინ მაიძულებს ცისკრის ლოცვაზე ვიარაო? ჩემი წინამორბედიც არ დადიოდა, მე რა

იმაზე ნაკლები ვარ? რატომ უნდა დავამდაბლო ჩემი თანამდებობა და ისეთივე არ დავტოვო, როგორც მივიღე? „ჩემთვის კი არ ვიღვწი, — აცხადებს სქოლასტიკოსი, — ეკლესიის კეთილდღეობაზე ვზრუნავ. აბა რა წესია, მთავარი კანონიკი ემორჩილებოდეს საეკლესიო კრებულს, ხოლო ხაზინადარი, მთავარდიაკვანი, აღმსარებელი და უფროსი ვიკარი თავისუფლად გრძნობდნენ თავს“. „სრული უფლება მაქვს, — წარმოთქვამს ორდენის გენერალი, — მოვითხოვო გასამრჯელო, გინდაც არ ვესწრებოდე ცისკრის წირვას. აგერ მთელი ოცი წელია, რაც უფლება მოვიპოვე, ძილი არ გავიტეხო და მინდა დავამთავრო ისე, როგორც დავიწყე. ჩემს ტიტულს ხომ ვერ ვუღალატებ. აბა რა, განა ტყუილად ვუდგავარ სათავეში კაპიტულს? მხოლოდ ნურვინ მომბაძავს, ჩემი მაგალითი არავის გამოადგება“. ასე და ამრიგად, ერთმანეთს უმტკიცებენ, რომ ვალდებულნი არ არიან მამაზეციერს დიდება შეასხან და ამის უფლებას აძლევენ დიდი ხნის განმავლობაში დამკვიდრებული წესები. არის ერთი გაწამაწია, ღელვა და შფოთვა, თითქოს ერთმანეთს ეჯობებოდნენ, ვინ უფრო მეტჯერ გააცდენს წირვას და ლოცვას. ღამის სიჩუმეში გაისმის ზარების რეკვა და მისი მელოდური ჟღერა აღვიძებს მედავითნეებს, გუნდში მგალობელ ბავშვებს და ნანასავით ჩაესმით კანონიკებს, რომლებიც იძირებიან მშვიდსა და ტბილ ძილში, ხელავენ საამურ სიზმრებს. გვიან დგებიან, მიდიან ეკლესიაში, რათა ნეტარი ძილისთვის მიიღონ გასამრჯელო.

27

განა დავიჭერებდით, საკუთარი თვალთ რომ არ გვენახა, რარიგ უქირთ ადამიანებს სძლიონ თავს და საუკუნო ნეტარებაზე იზრუნონ. მათ დასახმარებლად მზად არიან განსაკუთრებულ სამოსში გახვეული კაცნი, რომლებიც ოფლსა ღვრიან და ქანცს იცლიან, ოღონდ წინასწარშესწავილი, მეტად გულისამაჩუყებელი და მაღალფარდოვანი სიტყვებით, ხმის სხვადასხვა ჟღერადობით, ცრემლთა ღვრით, ხელების ქნევით, ათასგვარი მოძრაობითა და ვაივაგლახით დაითანხმონ განუკურნებელი სენით დაავადებული ქრისტიანი იხსნას სული, მიიღოს განტევება ცოდვებისა და დაიმკვიდროს საუკუნო სასუფეველი თვისი.

არისტიპის ასული მძიმედჲა აყად. იბარებს მამას, რათა სიკვდილის წინ შეურიგდეს და მიიღოს მისგან მიტევება. როგორ მოიქცევა ეს ბრძენი კაცი, ვისაც რჩევას ეკითხება მთელი ქალაქი? გადადგამს ამ გონივრულ ნაბიჯს და თან წაიყვანს ცოლსაც? ვაითუ ფეხი არ მოიცვალოს არც ერთმა, სანამ სულიერი მამა არ ჩაერევა ამ საქმეში.

დედა, რომელიც ასულს მისი სურვილის საწინააღმდეგოდ გზავნის მონასტერში, ღვთის წინაშე პასუხს აგებს არა მარტო თავისი, არამედ შვილის სულის მაგივრადაც, თითქოს თავდებად უდგება მას. და რომ ასეთმა დედამ ცოდვა არ დაიღოს და არ დაიღუპოს, შვილი უნდა გადარჩეს.

ერთმა კაცმა ითამაშა და ქონება წააგო. რაც გადარჩა ვიღაც ამბრევილის ბრჭყალებს, უფროსი ქალიშვილის გათხოვებას მოანდომა. უმცროსს სხვა გზა არ დარჩენია, მონაზვნად უნდა აღიკვეცოს არა იმიტომ, რომ ეს მისი მოწოდებაა, არამედ იმიტომ, რომ მისი მამა თამაშობს.

ქვეყნად რამდენი გოგონაა სათნო, ჯანსაღი, ღვთისნიერი, რომელიც ილტვის ღვთისმსახურებისკენ, მაგრამ საკმაო შეძლება არ გააჩნია, რათა მდიდრულ მონასტერში სიღარიბის აღთქმა დაღოს.

ქალი, ვისაც ვერ შეურჩევია სააბატოში თუ უბრალო მონასტერში გამოიკეტოს, დაბრუნებია ძველისძველ საკითხს, მმართველობის რომელი სახე სჯობს, სახალხო თუ ღესპოტიზმი.

გაგიჟებულა, ცოლი სიყვარულით შეურთავსო, თუ გაიგონეთ, იცოდეთ, რომ მან შეირთო მელიტა, ქორვა, ლამაზი, კეთილგონიერი, ხელმომჭირნე და ქმრის მოსიყვარულე, მაგრამ ნაკლებ მდიდარი, ვიდრე ეყინია, ვისაც ურიგებდნენ. ეყინის დიდი მზითევი აქვს და დიდი უნარიც შესწევს, შთანთქას ქნრის ავლა-დიდება და ზედ თავისი მზითევიც მიაყოლოს.

34

უწინ ჯვრისწერა ისე სერიოზულ საქმედ ითვლებოდა, რომ იყო ერთი აწონ-დაწონა, ხანგრძლივი სჯა, გულმოდგინე შეფასება და თავისტეხა. ავი იყო თუ კარგი, ცოლსა და ქმარს მთელი სიცოცხლე ერთად უნდა გაეტარებინათ. ჰქონოდათ ერთი სუფრა, ერთი ბინა, ერთი სარეცელი და ერთმანეთს ვერ დასცილებოდნენ, რაც უნდ დიდი პენსია დაენიშნათ. აბა რას წარმოიდგენდნენ, რომ შესაძლებელია გყავდეს შვილები, გქონდეს ოჯახი და მაინც ზაქვეყნოდ ეძლეოდე მარტოხელა ადამიანისთვის განკუთვნილ ნეტარებას.

35

როცა კაცი ცდილობს არავინ მოჰკრას თვალი ქალთან, რომელიც მისი ცოლი არ არის, მისი მორიდება გამართლებულია. როცა არ სიამოვნებს ხალხში გამოჩნდეს სახელშეღალტულ დიაცთან, ესეც მისაღებია. მაგრამ ის კი გაუგებარია, რა უღირსი გრძნობა აიძულებს სირცხვილით გაწითლდეს საკუთარი ცოლის გამო და მასთან ერთად არ გამოჩნდეს საზოგადოებაში. ვანა ეს ქალი თვით არ აირჩია განუყრელ მეგობრად და არ თვლის მას თავის ნეტარებად, სინარულად, სამკაულად, ცხოვრების თანამგზავრად? უყვარს იგი, პატივს სცემს და ამყობს მისი ჭკუით, მაღალი ღირსებებით, სათნოებითა და წარმოშობით.

ვიცი, რა ძალაც აქვს ადამიან-ჩვეულებებს, რაოდენ იმორჩილებს გონებას, მოქმედებას, თუნდ-ც სრულიად უაზრო და უსაფუძვლო იყოს იგი. მიუხედავად ამისა, დარწმუნებული ვარ, რომ მე-

ყოფოდა თავხედობა დედოფლის ხეივანში ყველას ცხვირწინ გამესეირნა ქალთან, რომელიც იქნებოდა ჩემი ცოლი.

36

ყმაწვილი კაცი თუ ცოლად შეირთავს ასაკით თავისზე უფროს ქალს, ეს არც სამარცხვინოა და არც დანაშაული. ხანდახან ასეთი ქორწინება მამაკაცის კეთილგონიერებასა და გამჭრიახობაზე მეტყველებს. ხოლო თუ იგი კეთილისმყოფელს უღირსად მოექცა, თავისი სახე გამოააშკარავა და თვალი აუხილა, რომ ვერაგისა და უმადურის მსხვერპლი გამხდარა, ეს გათახსირებაა! თვალთმაქცობა საპატიოა, თუ აუცილებლობა მოითხოვს ვინმეს მეგობრად მოაჩვენო თავი; ტყუილი დისამუგებია მხოლოდ იმ შემთხვევაში, როცა გულწრფელობა სისასტიკეს უტოლდება. „ეს ქალი ცას უნდა შეაბერდეს?“ განა შეუთანხმდით, რომ წამსვე მოკვდებოდა, მოაწერდა თუ არა ხელს ქალალდს, რის მეოხებითაც თქვენ გამდიდრდებოდით და ვალებს მოიშორებდით? მოათავებდა ამ კეთილ საქმეს და შეწყვეტდა სუნთქვას. თუ არადა მიიღებდა ოპიუმს ან ციკუტას? ნუთუ მას არა აქვს სიცოცხლის უფლება? განა გაკიცხვის ღირსი იქნება თუ თქვენ სულს განუტევებთ მასზე ადრე, ვის დისაფლავებასაც აპირებდით მორთულ-მოკაზმულ კუბოში და ზარების გუგუნ-გრიალში?

37

დიდი ხანია მიაგნეს გამდიდრების ერთ საშუალებას, რაც დიდ გასავალშია მაღალ წრეებში, მაგრამ დანაშაულად ითვლება ბრძნული კანონმდებლობის მიერ.

38

ჩვენს სახელმწიფოში მარადუამს არსებობდა ისეთი თანამდებობანი, რაიც დასაბამიდან შეუქმნიათ მრავალთა ხარჯზე ერთის გასამდიდრებლად. კერძო პირთა ქონება და ფული მიედინება ამ ერთთან განუწყვეტილვ და დაუსრულებლად. განა სათქმელია, რომ იგი პატრონს აღარ უბრუნდება და თუ უბრუნდება, მეტისმეტად გვიან.

ეს უძირო უფსკრულია, ზღვაა, რომელიც წყლებს მდინარეებიდან იღებს და უკან აღარ აბრუნებს, და თუ აბრუნებს, მიწისქვეშა, ფარული არხებით, ისიც მაშინ, როცა მთლად შეიწოვს მათ და ვეღარ იტევს. თვითონ კი დარჩება ისევ ღრმა და უკიდვანო.

39

უკანდასაბრუნებელი დაბანდებანი, ოდესღაც ესოდენ სანდო, ხელშეუხები და წმინდად დაცული მათ მცველთა გულმოდგინეობის შედეგად, დროთა განმავლობაში, დაკარგულ დაბანდებად გადაიქცა. ამაზე უკეთეს საშუალებას ქონების გასამრავლებლად და დასაგროვებლად განა იპოვის კაცი? რა ვქნა, მერვე წილში ხომ არ შევიდე, ანდა ბაჟი ხომ არ შევისყიდო? იქნებ სჯობს გავხდე ძუნწი, მეიჯარე ან მოურავი?

40

თქვენ ვერცხლის ფული გაქვთ, იქნებ ოქროსიც, მაგრამ ეს არ კმარა, მთავარია, რამდენი გაქვთ. ეცადეთ ბევრი დააგროვოთ, პირამიდა აღმართოთ და დანარჩენი ჩემზე იყოს. თქვენ არც მაღალი წარმოშობის ბრძანდებით, არც ჰკუა გაქვთ, არც ნიჭი, არც გამოცდილება. ეგეც არაფერი. თქვენს გროვას ნურაფერს დააკლებთ და ისე აგამალლებთ, რომ ქუდს აღარ მოუხდით თქვენს პატრონს, თუ გყავთ პატრონი. ვაიძულებ მას თვითონ მოგიხადოთ ქუდი თქვენ, მფლობელს აუარება ლითონისა, რისი რაოდენობაც დღითი დღე მატულობს.

41

ათი წელია ორანტი ერთ სამართლიანსა და მისი კეთილდღეობისთვის მეტად მნიშვნელოვან საქმეზე სამართალს დაეძებს. ხუთი წლის შემდეგ, ალბათ, ეს ქალი შეიტყობს რომელ სასამართლოში და რომელ მოსამართლესთან უნდა იწანწალოს კუბოს კარამდე.

ბევრი მოწონებით შეხვდა ამას წინათ სამართლის წარმოებაში შემოღებულ წესს, — სიტყვა შეაწყვეტინონ დამცველს, არ მისცენ საშუალება გამოაჩინოს მჭევრმეტყველების უნარი, გონებამახვილობა და დასაცავი პირის უდანაშაულობის დასადგენად მართოდენ ფაქტებითა და მშრალი საბუთებით დაკმაყოფილდნენ. ეს მკაცრი წესები აღაშფოთებს ორატორს, რაკი იძულებულია თავის სიტყვაში გამოტოვოს უბრწყინვალესი ტირადები. მჭევრმეტყველება განიდევნება იმ ერთადერთს სფეროდან, რაც მისთვისაა განკუთვნილი. ეს წესი მეტყველ სასამართლოს მალე მუნჯ სამართალწარმოებად გადააქცევს. მის დასაცავად გვიყენებენ ისეთ დამაჯერებელსა და უდავო არგუმენტს, რაიც არის საქმის წარმოების დაჩქარება. რა გვეთქმის, ისლა დაგვრჩენია გამოთქვათ სურვილი მართო საქმის გარჩევისას კი არა, სხვა შემთხვევებშიაც ნუ დაივიწყებენ ამ წესს და კანცელარიაში ისევე მოუკლონ ჭლაბნას, როგორც დასაცავი სიტყვა შეამოკლეს.

მოსამართლის ვალდებულებაა სამართალწარმოება, მისი ხელობაა საქმის გაჭიანურება. ბევრ მოსამართლეს ესმის თავისი ვალდებულება და მისდევს თავის ხელობას.

მოსამართლისთვის დიდი პატივი როდია, თუ მოსარჩელე წინასწარ შეხვედრას ითხოვს. იგი ან არ ენდობა მოსამართლის გამჭრიახობასა და სინდისს, ან მის თავისკენ გადაბირებას ცდილობს, ანდა უსამართლობას მოითხოვს მისგან.

ზოგჯერ კაცი სამართლიან საქმეს აგებს. რადგან გავლენიანია, მეფის კარის მოწყალებით სარგებლობს, მეგობარია ან ნათესავი

მოსამართლისა, ვისაც ისე ძალუმად უნდა მოუსყიდველი პიროვნების სახელი გაუვარდეს, რომ უსამართლობას სჩადის.

46

ჯობს მოსამართლე მრუში იყოს, ვიდრე ქალებზე გადამკვდარი არშიყი. პირველი მალავს თავის სასიყვარულო თავგადასავლებსა და ხასებს და არ იცი საიდან მიუდგე. მეორეს სისუსტე კი ყველასთვის ცნობილია და შეგიძლია მიუგზავნო ყველა ქალი, ვისაც თავს აწონებს.

47

ჩვენში რელიგია და მართლმსაჯულება ერთმანეთს უტოლდება და მოსამართლე ისეთივე მოწიწების გრძნობას აღძრავს, როგორც მღვდელი. მოსამართლე ისე ვერ იცეკვებს მეჭლისზე, ვერ გამოჩნდება თეატრში, ვერ ჩაიცვამს მდიდრულსა და მყვირალა სამოსს, თუ სახელი არ შეილახა. საოცარია, მაინც საჭირო გახდა დაეკანონებინათ მათთვის განსაკუთრებული ტანსაცმელი, რათა უფრო მეტად ღირსეულნი გამოჩენილიყვნენ და მეტი პატივისცემა ჩაენერგათ ყველასთვის.

48

ხელობა რომ შეისწავლო, ჯერ შევირდი უნდა იყო. მარტივია თუ რთული, საკმაო დრო უნდა მის შესწავლას, წვრთნას და ვარჯიშს მომავალი საქმიანობისათვის. ამ ხანებში შეცდომები დასაშვებიც არის და სასარგებლოც, რაკი მათი გამოსწორება გზაა სრულყოფისაკენ. ომსაც კი თავისი წესები აქვს, თუმცა არსებითად წარმომშობია არეულობისა და უწესრიგობისა. ბრძოლის ველზე ხალხი ერთმანეთს ვერ ჟღერს ოცეულებად და რაზმეულებად აგრე უბრალოდ დაწყობილი, თუ წინასწარ არ შეისწავლა ეგ საქმე. სისხლის ღვრას თავისი მეთოდები აქვს. ჩვენ გვაქვს სამხედრო სკოლა, მაგრამ ვის უნახავს მოსამართლეთა სკოლა? მაგისტრატურას აქვს საკუთარი ადათები, წეს-ჩვეულებები, კანონები, რომელთა შესწავლასა და ათვისებას დრო სჭირდება, საკმაოდ ხანგრძლივი დროც, მაგრამ ვის სცალია ამისთვის? ყმაწვილი კაცი, ვისაც

სკოლის სახაზავი ძოწის მანტიაზე გაუცვლია და მოსამართლის ადგილი უყიდია, შეგირდობასა და ხელობის გაცნობას იწყებს უზენაესი უფლებით, ერთპიროვნულად განაგოს მოყვასის სიცოცხლისა და ქონების ბედ-იღბალი.

49

ორატორის ძირითადი მოვალეობაა სინდისი და პატიოსნება. უამისოდ ლაქლაქა ხდება. განზრახ ამახინჯებს საქმის ვითარებას, მოჰყავს ყალბი ციტატები, ცილს სწამებს მოწინააღმდეგეს და ისევე სძულს და ეზიზღება, როგორც კლიენტებს ეზიზღებათ თვით იგი. ამგვარი დამცველი მიეკუთვნება იმათ რიცხვს, ვისზედაც ნათქვამია, გასამრჯელოს ლანძღვა-გინებისთვის უხდინაო.

50

„მართალია, ამბობენ, ეს თანხა ამ კაცს ეკუთვნის, კანონი მის მხარეზეა. ერთი პატარა ფორმალობაა დასაცავი და თუ დაავიწყდა მისი შესრულება, აღარაფერი ეშველება. მაშასადამე, დაკარგავს ფულს და, რაღა თქმა უნდა, უფლებას მასზე. მოდი, დავავიწყოთ ეს ფორმალობა“. აი, რას ვუწოდებ მე ვეჭილის სინდისს.

მართლმსაჯულებას დაამშვენებდა, ხალხს სიკეთეს მოუტანდა ბრძნული, სამართლიანი და კეთილგონიერი დევიზი, რაიც სრულიად საპირისპირო იქნებოდა იმ დევიზისა, რომელიც იუწყება, ფორმა შინაარსზე მაღლა უნდა იდგესო.

51

წამება არის საოცარი და ფრიად სარწმუნო გამოგონება, რომელიც სუსტი აღნაგობის უდანაშაულო კაცს ლუპავს და ჯანიან დამნაშავეს გადაარჩენს.

52

დასჯილი ბოროტმოქმედი მაგალითია ყველა პრამზადისთვის. უდანაშაულო კაცის დასჯა ყველა პატიოსანი ადამიანის სინდისს უნდა მოეკითხოს. დარწმუნებით შემიძლია ვთქვა, არაოდეს ვიქ-

ნები ქურდი ან მკვლელი, მაგრამ თუ ვიტყვი, არაოდეს დამედება ბრალი ქურდობასა და მკვლელობაში-მეთქი, — დიდი სითამამე იქნება.

რა შემზარავი ბედი სწევია უდანაშაულო კაცს, ვინც სამართალწარმოების აჩქარების შედეგად დამნაშავედ ცნეს. განა მის მოსამართლეს უკეთესი ბედი ეწია?

53

რომ ეამბნათ ჩემთვის, დიდი ხნის წინათ ყოფილაო ერთი მოსამართლე თუ სასამართლოს მოხელე, ვისაც ევალეობდა ეპოვა ქურდები და დაესაჯა; ყველა ქურდს თურმე ახლოს იცნობდა სახითაც და სახელითაც, ახსოვდაო ყველა ქურდობა, რა მოეპარათ და რამდენი მოეპარათ. ისე დაახლოებია ამ სამყაროს, ისე შესისხლხორცებია და გაუგია ამ შემზარავი საქმიანობის ყოველი საიდუმლო და ასავალ-დასავალი, რომ შესაძლებლობა მისცემია დაებრუნებინა ერთი გავლენიანი პირისთვის ძვირფასი სამკაული, რაიც მისთვის ამოუცლიათ, როცა ერთი თავყრილობიდან გამოსული ბრბოში გარეულა. ამასთან ისიც რომ დაერთოთ, გავლენიანი პირი გაცოფებული ყოფილა და მოსამართლეს დაუმშვიდებია და საქმე ჩაუფარცხავს, ხოლო სასამართლოს გაუგია და მოხელე დაუხჯიაო, ვიფიქრებდი, ეს გარდასულ დღეთა ამბებია და ისე მოძველებულია, რომ ვერ ვერწმუნები-მეთქი.

მაშ, როგორღა დავიჭერო, რომ მსგავსი ამბები დღესაც ხდება და ცნობილ, დადგენილ ფაქტებად ითვლება. დღესაც არსებობს ასეთი დამლუპველი სიბნოვე სასამართლოს მოხელეებსა და ბოროტმოქმედთა შორის. არათუ არსებობს, ერთგვარ გასართობად და ჩვეულებადაც კი გადაქცეულა.

54

რამდენია ქვეყნად ისეთი ადამიანი, რომელიც ძლიერია სუსტთან, მტკიცე და შეუღრეკელი—უბრალო ხალხის მიმართ, შეუბრალებელი—პატარა ადამიანებისადმი, მკაცრი და უღმობელი წვრილ-

მანებში; უარს ამბობს ღარიბულ ძღვენზე, არაფრად აგდებს ნათესავებს, მეგობრებს და უსუსურია ქალების წინაშე.

55

არ გეგონოთ, თითქოს სრულიად შეუძლებელი იყოს ამა ქვეყნის ძლიერთა მფარველობის ქვეშ მყოფმა პიროვნებამ სასამართლოში წააგოს საქმე.

56

მომაკვდავის მიერ ანდერძით დატოვებულ განკარგულებას ხალხი ისმენს, ვით ორაკულის სიტყვებს. თითოეული თავისებურად ხსნის მას, ესე იგი, იგებს ისე, როგორც საკუთარი სურვილი და სარფა უკარნახებს.

57

შეიძლება ითქვას, რომ ზოგიერთ ადამიანს სიკვდილი კი არ განუმტკიცებს უკანასკნელ სურვილს, არამედ სიცოცხლესთან ერთად უსპობს ყოყმანისა და მღელვარების გრძნობას; რამდენჯერაც გაჯავრდებოდა ვინმეზე, იმდენჯერ ახალ ანდერძსა წერდა, დამშვიდდებოდა, დახევდა და ცეცხლში ჩაყრიდა. იმდენი კალენდარი არ ელო მაგიდაზე, რამდენი ანდერძიც ეყარა ზარდახშაში. ყოველ წელს ახალ ანდერძს ადგენდა. მეორე მესამის გამო მოსპო; მესამე უკეთესად შედგენილი მეოთხე ანდერძით შეეცვალა, ეს კი თავიდან ბოლომდე საკუთარი ხელით დაწერა და როგორ არ შეეცვალა მეოთხე ანდერძი. და თუ იმას, ვისთვისაც ხელსაყრელია ანდერძის მოსპობა, არც დრო აქვს ამისთვის, არც გაიძვერობა ყოფნის და არც ძალა შესწევს, სხვა გზა არ დარჩენია, მორჩილად უნდა მიიღოს ყველა დამატებითი შენიშვნები და პირობები, რამეთუ სად გამოკრთის უფრო ცხადად მერყევი ადამიანის ხასიათი, თუ არა ამ ქალაქზე, რასაც ანდერძის დამტოვებელმა უკანასკნელად მოაწერა ხელი და აღარ ისურვა, ანდა აღარ ეყო დრო, შეეცვალა იგი.

58

რომ არ არსებობდეს ანდერძი, განმგებელი მემკვიდრეთა უფლებებისა, ნეტა რილასთვის იქნებოდა საჭირო სასამართლო, სადაც

ირჩევა მემკვიდრეობის მაძიებელთა საქმეები. მაშინ მოსამართ-
ლებს ერთი უბადრუკი მოვალეობა დაეკისრებოდათ, სახრჩობელა-
ზე გაეგზავნათ ქურდები და ხანძრის გამჩალებლები. იბა ვინ იმა-
ლება პალატების დახურულ ლოჟებში, ვინ ატუზულა პროკურო-
რის მოსაცდელ დარბაზში, მოსამართლის კართან, ან სასამართლოს
დარბაზში ვინ დაძრწის, რა თქმა უნდა, არა მემკვიდრე ab intestat.
მათ კანონით ეძლევათ, რაც ეკუთვნით. საჩივარზე მოდიან მემ-
კვიდრეობის მაძიებელნი, უკმაყოფილონი ანდერძის რაღაც ჩანარ-
თით, რომელიღაც მუხლით, ანდა ისინი, ვისაც მემკვიდრეობით
არაფერი შეხვდათ და არ ეთანხმებიან ანდერძს, მშვიდად და გააზ-
რებულად დაწერილს ისეთი სერიოზული კაცის მიერ, რომელსაც
გონებაც საღად უჭრიდა და არც მენსიერება დაჰკარგოდა. ამასთან
ერთად, ანდერძის შედგენაში მეტად გათვითცნობიერებული პი-
როვნებაც ეხმარებოდა. ისიც ხდება, რომ ვეჭილი წერს ყოველ-
მხრივ გამართულ ანდერძის ქალაღდს, სადაც არ არის გამოტოვე-
ბული არც ერთი სიტყვა სასამართლო ჟარგონიდან და არც რომე-
ლიმე მუხლია დარღვეული. ხელს აწერს თვით ანდერძის დამტოვე-
ბელი და მოწმეც, თანაც ანდერძი დალუქულია. და მაინც სწორედ
ეს ანდერძი ხდება სადავიდარაბო და უქმდება კიდევ.

ტიტიუსი ესწრება ანდერძის კითხვას. ცრემლიანი თვალეები
დასწითლებია, გული მწუხარებისგან ეკუმშება იმ კაცის გარდა-
ცვალების გამო, ვისი მემკვიდრეობის მიღების იმედიც აქვს. ან-
დერძის ერთი მუხლის თანახმად იღებს თანამდებობას, მეორე-
თი — საქალაქო რენტას, მესამეთი — მამულს სოფელში. მიწე-
რილია ერთი შენიშვნაც, რომლის თანახმად, რაღა თქმა უნდა, მიე-
კუთვნება ავეჯით გაწყობილი საცხოვრებელი სახლი შუა პარიზში.
დარდით ლამის გაუსკდეს გული, ცრემლი დაპალუპით სცვივა. აბა
რა ანუგეშებს! უკვე წარმოიდგინა, აგერ, წარჩინებული მოხელეა,
ფუფუნებით აღვსილი ორი სახლი სოფლად, ქალაქად. მის ოჯახში
უხვად იშლება სუფრა. გარეთ ეკიპაჟი უცდის. „რა კეთილშობილი
კაცი იყო ცხოვრებული, რა სათნო, რა პატიოსანი! ქვეყნად ვინ შე-
ედრება მას!“ ანდერძს რაღაც ჰქონია მიწერილი, კითხულობენ:

სრულუფლებიან მემკვიდრედ ინიშნება მევიუსი, ხოლო ტიტუსი-
უნდა დაუბრუნდეს გარეუბანს; აღარც რენტა, აღარც ტიტული.
ნუგეში აღარაა საჭირო. ცრემლიც შეუშრა. ახლა მევიუსმა იცეს
თავში ხელი.

60

კანონი, რაიც კაცის მკვლელობას კრძალავს, განა ასევე არ
კრძალავს დანას, საწამლავს, ცეცხლს, წყალს, ჩასაფრებას, პირის-
პირ შეტაკებას, ერთი სიტყვით, ყოველგვარ საშუალებას, რაც
კაცისკვლისთვის გამოდგება. კანონი, რომელიც ცოლსა და ქმარს
უფლებას ართმევს ერთმანეთს გადასცენ თავ-თავიანთი ქონება,
განა მხედველობაში იღებს მხოლოდ პირდაპირსა და უშუალო
გზებს და არა სხვა ღონისძიებებს? მაშ, როგორღა შემოიღო ფი-
დეიკომისი, ან როგორ ეგუება მას? ნუთუ დასაშვებია საყვარელი
ცოლი ცოცხალი გყავდეს და ახლო მეგობარს დაუტოვო ქონება,
რაკი დიდად ემადლიერები, ანდა დიდად ენდობი და დარწმუნებუ-
ლი ხარ, მემკვიდრეობას კეთილ საქმეს მოახმარს? განა მემკვიდ-
რედ დაასახელებ კაცს, ვისზედაც ეჭვი გეპარება, რომ არ გადას-
ცემს მემკვიდრეობას იმას, ვისთვისაც სინამდვილეში გინდოდა
ყველაფერი დაგეტოვებინა? განა ამგვარი შეთანხმებისთვის რაი-
მეს ნიშნავს სიტყვიერი ან წერილობითი დაპირება, ხელშეკრულე-
ბა და ფიცი? აღამიანებმა შესანიშნავად იციან, მსგავს შემთხვევა-
ში რას უნდა მოელოდნენ ერთმანეთისგან და რატომაა, რომ ფი-
დეიკომისით მიღებული მემკვიდრეობის მფლობელს სახელი უტყ-
დება თუ ქონებას თავისთვის იტოვებს? და რატომ ხდება იგი სა-
ტირისა თუ ვოდვეილის კბილგასაკრავი? განა შესაძლებელია შეა-
დარონ დაბანდებათა მკველს, რომელიც დაბანდებებს ფლანგავს,
ანდა მსახურს, რომელიც თავისთვის იჯიბავს ფულს, პატრონმა
ვილაცასთან რომ გაატანა? ასეთი ბრალდება სამართლიანი არ გახ-
ლავთ. ნუთუ სამარცხვინოა უხვი საჩუქრები არ გასცე და შენთვის
შეინახო ის, რაც შენია? რა უთავბოლობაა, მეტად მძიმე ტვირთი-
ეს დალოცვილი ფიდეიკომისი! კანონს თუ დაემორჩილები და მემ-
კვიდრეობას შენთვის დაიტოვებ, ნამუსიან კაცად აღარ ჩაგთვლიან;
განსვენებული მეგობრის ხსოვნას თუ პატივსა სცემ და მისი ნე-

ბა-სურვილის თანახმად მემკვიდრეობას მის ქვრივს უბრუნებ, კანონის დამრღვევი ხარ. ჩანს კანონი მაინც და მაინც ვერ უთანხმდება ხალხის აზრს. ხოლო მე, ჩემს თავს ნებას ვერ მივცემ განვაცხადო, კანონი სცოდავს, ან აღამიანები ცდებიან-მეთქი.

61

ამბობენ, ესა თუ ის პირნი თუ კორპორაციები ერთმანეთს პირველობაზე ედავებიანო, თვით პარლამენტის პრეზიდენტი და რომელიღაც პერიც კი ვერ შეთანხმებულანო. ჩემის აზრით, ვინც ცდილობს შეეკრებებზე მოწინააღმდეგეს არ შეხვდეს, საკუთარ სისუსტეს გრძნობს და დათმობაზე მიდის. ამგვარად, თავადვე უბოძებს პირველობას მეტოქეს.

62

ტიფონი დიდებულებს მწვეკრებითა და ცხენებით ამარაგებს, თუმცა რით არ ამარაგებს? დიდებულების მფარველობამ მთლად გაათავებდა. თავის პროვინციაში რაც მოეპრიანება, იმას სჩადის. კლავს, ვერაგულად ცრუობს, მეზობლების სახლებს წვავს, გამკითხავი არავინაა. ბოლოს და ბოლოს თვით მეფეს მოუხდება მისი დასჯა.

63

რაგუ, ლიქიორი, საუზმე, სოუსი, ყველა ეს სიტყვა ფრანგულ ენაზე გაუგებრად და ბარბაროსულად უნდა ჟღერდეს, თუ მშვიდობიან დროსაც კი არ ითვლება აუცილებელ საჭიროებად და ფუფუნებისა და ღორმუცელობის გარდა სხვა არაფერს გამოხატავს. რაღა გვეთქმის თუ მოგვესმის ომისა და საერთო სახალხო შავბედობის დროს, როცა მტერი ცხვირწინ გვიდგას და ხვალ ან ხელჩართული ბრძოლა დაიწყება, ან ალყას შემოგვარტყამენ? აბა სად წაგიკითხავთ რამე სციპიონის ან მარიუსის სუფრის შესახებ? ანდა სად თქმულა, რომ მილტიადს, ეპამინონდასს თუ აგეზილასს ნუგბარი საჭმელი უყვარდათ? მე ვისურვებდი, როცა სიტყვა რომელიმე მხედართმთავარზე ჩამოვარდებოდა, უპირველეს ყოვლისა, დაწვრილებით ემსჯელათ მის მიერ მოგებულ ბრძოლებზე, აღებულ

ქალაქებზე და სხვა თუ არაფერი დარჩებოდათ სათქმელი, მერე შეექოთ მისი სიმდიდრე, დახვეწილი გემოვნება და სიფაქიზე. მე კი მერჩია მხედართმთავარს არ დაემსახურებინა ამგვარი ქება.

ჰერმიპი მონაა იმისა, რასაც თავად უწოდებს კეთილმოწყობას და მას სწირავს დადგენილ ზნე-ჩვეულებებს, ადათს, მოდას, ზრდილობის წესებს. სულ კეთილმოწყობაზე ფიქრობს, არაფერს უყურადღებოდ არ ტოვებს, ნაკლებად მოხერხებულს უფრო მოხერხებულით ცვლის და ეს საქმე პირდაპირ მეცნიერებად გადაუქცევია. დღე არ გავა, რაღაც ახალი რომ არ აღმოაჩინოს. დაე, სხვებმა ისადილონ, ივანშმონ, მისთვის ეს ლიტონი სიტყვებია. ჭამს, როცა შია, და ჭამს მხოლოდ იმ კერძს, რაც ეგემრიელება. ლოგინი მისი უშუალო ზედამხედველობის ქვეშ უნდა გაუსწორონ და გაუსწოროს მხოლოდ იმან, ვინც მარჯვეა და ვინც აამებს. შინიდან იშვიათად გადის, საწოლ ოთახს არაფერი ურჩევნია. იქ იგი არც უსაქმოა, არც საქმითაა დაკავებული, კი არ მოძრაობს, ფუსფუსებს, რათა ყველაფერი მოიმზადოს, რაც წამლის მიღების შემდეგ დასჭირდება. საჭიროების შემთხვევაში სხვები ყურმოჭრილი მონები ხდებიან ზეინკლებისა და ღურგლებისა, ჰერმიპს კი თუ გაქლიბვა მოუნდა, აქვს ქლიბი, თუ გახერხვა — აქვს ხერხი, აქვს ჩაქუჩიც, თუ ლურსმანი გახდა დასაჭედი. განა არსებობს ისეთი იარაღი, რომ არ ჰქონდეს? თანაც დარწმუნებულია, ხელოსნებსაც კი არ გააჩნიათ ამაზე უკეთესი. აქვს სრულიად უცნობი და ახალი ხელსაწყოები, რაიც მისი გამოგონებული გახლავთ, მაგრამ რა დანიშნულება აქვთ თითქმის გადაავიწყდა. მასავით არავის ძალუძს მოკლე დროში და უწვალებლად გააკეთოს ისეთი რამ, რაც არაფერშია გამოსადეგი. საწოლი ოთახიდან საგარდერობოში გასასვლელად ათი ნაბიჯი უნდა გადაედგა, მაგრამ ისე მიაღაგ-მოაღაგა ავეჯი, რომ ცხრა ნაბიჯზე მეტის გადადგმა აღარ უხდება. შეხეთ რამდენ ნაბიჯს დაზოგავს მთელი სიცოცხლის განმავლობაში! სხვა ოჯახებში გასაღებს გადაატრიალებენ, კარებს ან მიაწვებიან, ან თავისკენ გამოსწევენ, და კარი იღება. რა დამქანცველია! ჰერმიპმა კარის გაღების მეთოდიც გარდაქმნა. თუ როგორ მიაღწია ამას, საიღუმლოე-

ბაა და არვის უმხელს. ზამბარებსა და მექანიზმებს ხუთი თითივით იცნობს. განსაკუთრებით ისეთებს, ურომლისოდაც ქვეყანა იოლად გადის. მის ბინაში სინათლე ფანჯრიდან კი არა, რალაც სხვა გზით შემოდის. აღმოჩნდა საიდუმლო, ავიდ-ჩამოვიდეს არა კიბით, არამედ სხვა რამით და ახლა იმის ძიებაშია, შინ შესვლისა და გასვლისთვის აღმოაჩინოს უფრო მეტად მოხერხებული რამ, ვიდრე კარებია.

65

დიდი ხანია ხალხი არ ენდობა ექიმებს და მინც სარგებლობს მათი დახმარებით. ექიმები თავიანთ ასულებს მდიდრულ მზითევს ატანენ, ვაჟებისთვის ყიდულობენ სამართლის ან ეკლესიის მსახურთა თანამდებობებს და მათ წინააღმდეგ ამხედრებული თეატრი და სატირა ვერაფერს აწყობს, რადგან, ვინც დასციინის, ისვე ამდიდრებს ექიმს. ვინც გუშინ ჯანზე იყო, დღეს ავადაა, რალა თქმა უნდა, ესაჭიროება ადამიანი, რომლის ხელობაა დაარწმუნოს, რომ არ მოკვდება იგი. სანამ ადამიანს სიცოცხლე ეყვარება და ვერ შეძლებს ერთხელ და სამუდამოდ წინ აღუდგეს სიკვდილს, ექიმს ყოველთვის დააყრიან სიცილსა და ფულს.

66

კარგი ექიმი ისაა, ვისაც შეუძლია ზოგიერთი ავადმყოფობის განკურნვა და ნებას რთავს მეორე ექიმს უმკურნალოს სნეულს, ვისი შველაც თავად არ შეუძლია.

67

შარლატანების თავხედობა ისეთ სამწუხარო შედეგებს იწვევს, რომ გვაიძულებს დავაფასოთ მედიცინა და მედიკოსები. ექიმები ხელს არ გვიშლიან მოვკვდეთ, შარლატანები გვკლავენ.

68

კარო კარი ჩვენთან ჩამოვიდა, ჩამოიტანა რეცეპტი და განგვიცხადა, სწრაფმოქმედი წამალიაო, თუმცა ამბობენ, ნელმოქმედი

საწამლაჯიოა. რეცეპტი საგვარეულო საიდუმლოებაა, მაგრამ თვითონ გააუმჯობესა. წამალი მუცლის გვრემას შეელოდა, თვითონ კი მკურნალობს ხანგამოშვებით ციებ-ცხელებას, პლევრიტს, წყალმანკს, აპოპლექსიას, ბნედას. თავს ძალა დაატანეთ და დაასახელებთ რომელი ავადმყოფობაც გაგახსენდებათ პირველად; სისხლის დენაო, ამბობთ? იმასაც არჩენს. რაც მართალია, მართალია, გულწრფელად აღიარებს, მკვდრებს ვერ გავაცოცხლებო, ცოცხალს კი სრულ მიხრწნილობამდე მიიყვანს. მხოლოდ რაღაც შემთხვევით მომხდარა, რომ ამ საიდუმლოების მფლობელი მისი მამა-პაპა მთლად ახალგაზრდანი გარდაცვლილან. ეიზიტში რასაც აძლევენ, ექიმები იმას იღებენ, ზოგი მადლობითაც კმაყოფილდება. კარო კარი კი იმდენად დარწმუნებულია თავისი წამლის ყოვლისშემძლეობაში, რომ გასამრჯელოს თხოულობს წინასწარ და იღებს ადრე, ვიდრე იძლევა წამალს. სენი თუ განუკურნავია, მით უკეთესი, უფრო მეტად ღირსია მისი მოვლისა და წამლისა. მაშ, მიეცით ათას-ათასი ფრანკით სავსე რამდენიმე ქისა, აჩუქეთ თქვენი ერთ-ერთი ყველაზე პატარა მამული, მერე კი ნულარც იფიქრებთ თქვენს გამოჯანმრთელებაზე ისევე, როგორც არ იფიქრებს კარო კარი. ამ კაცს იმდენი მეტოქე გაუჩნდა, რომ ჩვენს ქვეყანას ჭიანჭველებით მოედო ხალხი, რომელთა ღრმად პატივცემული გვარი მთავრდება „ო“-ზე ან „ი“-ზე და ჟრუანტელს გვრის ავადმყოფებსაცა და ავადმყოფობასაც.

გამოტყდით, ფაგონ, თქვენი ყველა ინსტიტუტის ექიმები მხოლოდ დროებით კურნავენ ავადმყოფებს, ანდა სულაც ვერაფერს შეეღიან. ხოლო ისინი, ვისაც მამა-პაპათაგან გადმოსცემიათ მემკვიდრეობით ექიმბაშობა, ფიცავენ და ირწმუნებიან, ავადმყოფს უთუოდ განკურნავთო. მერედა რა ტკბილია მომაკვდავი სნეული-სთვის გამოჯანმრთელების იმედი რომ ჩაესახება გულში და სულთმობრძავიც კი უკეთ გრძნობს თავს. სიკვდილი საამურად უახლოვდება, შიშს არ აღუძრავს და ისე ამოხდის სულს, რომ ვერ ასწრებს სიკვდილისთვის განემზადოს, ცოდვები მოინანიოს. ო, ფაგონ-ესკულაპუსო! განავრცე პირზე მიწისა ქინაქინა და პირსასაქმებელი; შეისწავლე და სრულჰყავი მარტივი სამკურნალო საშუალებები, რაიც ადამიანთა სიცოცხლის გასახანგრძლივებლად შეუქმნია ბუნებას. აქამდე არნახული გამჭრიახობითა და რუდუნე-

ბით დააკვირდი სნეულების ნიშნებს, შეიცან, რა გავლენას ახდენს მასზე ჰავა, ამინდი და თვით ადამიანის აღნაგობა. უმკურნალე თითოეულს ისე, როგორც მის ავადმყოფობას ეკუთვნის. განდევნე ადამიანის სხეულიდან, რომლის ყოველი მოძრაობა და ფეთქვა ზედმიწევნით ცნობილია თქვენთვის, ყველაზე იდუმალი და დახვესებული სნეულებანი. ოღონდ ნუ ეცდებით განკურნოთ ჭკუის დაავადება, განუკურნებელი გახლავთ იგი. დაე, კორინს, ლესბის, კანილის, ტრიმალქიონს, კარპუსს იტაცებდეთ, უფრო სწორად, აგიეებდეთ შარლატანები.

69

ჩვენს სახელმწიფოში ითმენენ ქირომანტებსა და მისნებს; ადამიანებს, რომლებიც ადგენენ ჰოროსკოპებს, მკითხაობენ ფსონის ქალაღლზე, საცრის ქნევით იგებენ წარსულსა და მომავალს — სარკეში ან წყლის ჭურჭელში ჭკრეტით. ეს ადამიანები, მართლაცადა, ერთგვარად საჭირონი არიან: უწინასწარმეტყველებენ მამაკაცებს სიმდიდრეს, ქალიშვილებს სატრფოებზე გათხოვებას, ანუ გეშებენ ვაჟებს, მათი მამები ბოლოს და ბოლოს რომ განუტევებენ სულს და ასევე საღბუნს ადებენ ბებერი ქმრების ქორთა ცოლების მწუხარე გულებს. ასე და ამგვარად, ორიოდე გროშის ფასად ატყუებენ იმათ, ვისაც სურთ იყვნენ მოტყუებულნი.

70

რა ვთქვათ მისნობასა და კუდიანობაზე? მათი თეორია წყვილიადით მოცულია, პრინციპები გაურკვეველია, აბნეული და მიემსგავსება სულთა ჭკრეტის მოძღვრების დებულებებს. ის კია, გონიერი და საღი აზროვნების ადამიანები საოცარ ამბებს ჰყვებიან, განსაცვიფრებელ მოვლენებს დასწრებიან ან თავად, ან მათი ნაცნობები, რომელნიც ასევე სანდონი გახლავან. ძნელია დაუფიქრებლად ყოველივე დაიჯერო, ან უარყო. მე ვფიქრობ, ისევე როგორც ყოველივე არაბუნებრივისა და არაჩვეულებრივის მიმართ, აქაც სიფრთხილე გემართებს, არც ბრმად უნდა ვიწამოთ და არც ხელაღებით უარყოთ.

ბავშვობაში რაც მეტ ენას შეითვისებს ადამიანი, მით უკეთესია მისთვის და ამიტომ ყოველმხრივ უნდა ვიზრუნოთ, ბავშვებს ენები ვასწავლოთ. ყველა წოდების წარმომადგენელს გამოადგება და გზას გაუხსნის მიილოს ან ფართო განათლება, ანდა საამური და საინტერესო ცოდნა. მაგრამ ამ საკმაოდ მძიმე საქმეს თუ გადავდებთ უფრო გვიანი ასაკისთვის, რასაც სიჭაბუკე ეწოდება, აღარ გვეყოფა არც ნიჭი და არც გულმოდგინება; თუნდაც გვეყოს, ენების შესწავლას უნდა შევწიროთ ის დრო, რაც ენების ცხოვრებაში გამოყენებისთვისაა განკუთვნილი. იძულებული ვხდებით ვიზეპიროთ სიტყვები ისეთ ასაკში, როცა უნდა ვწვდებოდეთ არსს იმ საგნებისა და მოვლენებისა, რასაც ეს სიტყვები გამოხატავენ. ვალიარებთ, დაგვიკარგავს ცხოვრების პირველი და უმშვენიერესი წლები. ცოდნის დიდ მარაგს მხოლოდ მაშინ დაიგროვებ, როცა ყველაფერს ძალდაუტანებლად ითვისებ, როცა მეხსიერება საღია, დამყოლი და სხარტი, როცა გული და გონება არ დატვირთულა ვნებათა ლელვით, ზრუნვით, სურვილებით და როცა თავზე გადგას ის, ვისზედაც დამოკიდებულია მთელი შენი არსება, ვინც თვალყურს ადევნებს შენს სწავლასა და მეცადინეობას. მე ღარწმუნებული ვარ, ჩვენში იმიტომაა ასე ცოტა ნამდვილად განათლებული, ანდა თუ გნებავთ, ისე ბევრი ზედაპირულად გათვითცნობიერებული ადამიანი, რომ აღარავის ახსოვს, რაოდენ საჭიროა ენების შესწავლა.

დედანზე მუშაობა არაჩვეულებრივად საჭირო საქმიანობაა. ეს არის ყველაზე მოკლე, ყველაზე სანდო და სასიამოვნო გზა ცოდნის მისაღებად. დედანი ხელთა გაქვთ და ყველაფერს პირველწყაროებიდან ეცნობით. მაშ, იკითხეთ და კვლავ იკითხეთ ეს ტექსტები, ისწავლეთ ზეპირად. საჭირო შემთხვევაში იქიდან მოიყვანეთ ციტატები; ეცადეთ ჩაწვდეთ მათ აზრს, შეიცნოთ სიღრმე, სირთულე და წინააღმდეგობები, შეიცნოთ ავტორის იდეები და იქიდან საკუთარი დასკვნები გამოიტანოთ. გაპყევით პირველი კომენტატორების გზას, შეეცადეთ ყველაფერი თავიდან გაიგოთ და

თუ ძალიან გაგვიკირდათ, მხოლოდ მაშინ მოიშველიოთ მათი ცოდნა და თვალსაზრისი. კომენტატორთა ახსნა-განმარტებები თქვენ არ გეკუთვნით და ადვილად დაგაბნევენ. თქვენი დაკვირვებანი კი თქვენი გონების ნაყოფია და სამუდამოდ გრჩებათ მენსიერებაში. უმალ გაგახსენდებათ, როცა ვინმეს რჩევას ეკითხებით, როცა კამათობთ ანდა უბრალოდ საუბრობთ. ამავე დროს, განიცდით სიამოვნებას, რაკი დედნის წაკითხვისას არ წაწყდომიხართ დაუძღველ სიძნელეს ისეთი საკითხების განმარტებისას, რასაც ჩიხში მოუწყვდევია კომენტატორები და სქოლასტიკოსები, ესოდენ ნაყოფიერნი, ესოდენ ალვისილნი ფუჭი და უსარგებლო ცოდნით, რისი მეშვეობითაც უუქს ჰყენენ ისედაც ცხადსა და ნათელ პასაჟებს, რაიე უეციებისთვისაც კი იოლად გასაგებია. გათვითცნობიერების ამგვარი მეთოდით აღჭურვილი ადვილად დარწმუნდებით, რომ მარტოდენ ადამიანთა სიზარმაცის წყალობით შეძლეს პედანტებმა ბიბლიოთეკები კი არ გაემდიდრებინათ, არამედ გაეფართოებინათ და ტექსტები კომენტარების გროვაში დაემარხათ. როგორც ხედავთ, სიზარმაცემ ისევ თავისი თავი და თავისი სანუკვარი მისწრაფებები დააზარალა, რამეთუ წიგნთა და გამოკვლევათა სიმრავლე მოითხოვს უფრო მეტ ძიებასა და შრომას, რაც მას გულზე მაინცდამაინც არ ეხატება.

რომელ კანონებს ემორჩილებიან ადამიანები, როცა თავიანთ ცხოვრებას აწესრიგებენ და ზრუნავენ ჭამაზე, ჯანის სიპრთელეზე და დღის რეჟიმზე? ზრუნავენო? მეტად საეჭვოა: ერთი ხორცს ხილის შემდეგ ჭამს, მეორე პირუკუ იქცევა. ზოგიერთი საჭმლის წინ ერთნაირ ხილს მიირთმევს, საჭმლის შემდეგ — მეორენაირს. რა განსაზღვრავს ამას, ჰკუა თუ ჩვეულება? განა ჯანმრთელობაზე ზრუნვა აიძულებთ ატარონ ნიკაპამდე შეკრული სამოსი ან ბრიჟები, როცა აქამდე მკერდგაღელილები დადიოდნენ? განა წესიერებაზე ზრუნვამ მიაგნებინათ საიდუმლოს იმისა, რომ ტანთჩაცმულები მთლად დედიშობილა მოჩანდნენ? განა დედაკაცები მამაკაცებზე ჯანმრთელნი და წესიერნი არიან, რომ მოუშიშვლებიან მკერდი და მხრები? აბა. რა კდემამოსილებაა დაფარო არათუ ფე-

ხი, ტერფიც კი, ხოლო იდაყვს ზემოთ გაიშვიშვლო მკლავები? ოდესღაც ვინ ჩააგონა ადამიანებს, თითქოს ომი იმისთვის არსებობდეს, რომ ან თავი დაიკვა, ან შეტევაზე გადახვიდე, ესე იგი, აღჭურვილი იყო დაცვითი ან შემტევი იარაღებით. ვინ აიძულებთ დღეს ამას თავი მიანებონ და ბრძოლის ქარცეცხლში, მტრის ხაზთან სამუშაოდ უიარალო და უბრალო ჯუბებში ჩაცმული მიწის მთხრელები გაგზავნონ იმ დროს, როცა თავად ჩექმებს იცვამენ და მეჯლისზე წასასვლელად ემზადებიან? რა ვთქვათ ჩვენს მამებზე, რომლებიც ამგვარ საქციელს საზიანოდ ჩათვლიდნენ მეფეებისთვისაც და სამშობლოსთვისაც, რანი იყვნენ ისინი, ბრძენნი თუ ჭკუანაკლებნი? მერედა ჩვენ, ჩვენ თვითონ რომელ გმირებს ვიწონებთ ჩვენი ქვეყნის ისტორიაში? გეკლენს, კლისონს, ფუას, ბუსიკოს, ყველას ხომ იარაღი ჰქონდა ასხმული და ბეჭთარი ეცვა.

რით აიხსნება, რომ ზოგიერთი სიტყვა ბედიღბლიანი გამოდგა და ენას შემორჩა, ზოგი კი განიდევნა? Ains¹ დაიღუპა; თვით ხმოვანმაც კი, რომლითაც იწყება სიტყვა და რომელიც აგრე მოსახერხებელია წინა სიტყვის ბოლო თანხმოვანთან გადასაბმელად, ვერაფერი უშველა. მან ადგილი დაუთმო მეორე ერთმარცვლოვან სიტყვას², რაც თავისთავად პირველის ანაგრამას წარმოადგენს. Certes³ სიბერეშიც კი მშვენიერია და თავისი დღეთა მზის ჩასვლისა-საც არ დაუკარგავს ძალა. პოეზიას ესადაგება და ჩვენი ენა დიდადაა დავალებული იმ მწერლებისაგან, რომლებიც სახელის გატეხას არ ერიდებიან და პროზაში ხმარობენ მას. არც Maint⁴ უნდა მივატოვოთ, სუფთა ფრანგული სიტყვაა და ძალიან ადვილად თავსდება ყოველგვარ გამოთქმაში. Moult⁵ თუმც ლათინური წარმოშობისაა, თავის დროზე დიდად გამოსადეგი იყო და ვერ გამიგია beau-coup⁶ რით სჯობნის მას. რამდენი დევნა განუტდია car⁷-ს; განათლებული ხალხი მხარს თუ არ დაუჭერს, სამარცხვინოდ წარიშლება კიდევ ჩვენი ენიდან, რომელსაც ამდენ ხანს სამსახურს უწევდა და

1 მაგრამ. 2 Mais — მაგრამ. 3 რა თქმა უნდა. 4 მრავალი. 5 ძალიან ბევრი. 6 ბევრი. 7 რამეთუ.

შემცვლელიც არ მოეძებნება. Cil¹ თავისი აყვავების ხანაში ფრანგული ენის მშვენიერება იყო და პოეტები ღრმად დამწუხრებულნი არიან მისი მოძველების გამო. Dououreux ისევე ბუნებრივად მომდინარეობს douleur²-ისგან, როგორც chaleur-ისგან იწარმოება chaleur³ ან chaloureux³; ეს უკანასკნელი იშვიათად იხმარება, თუმცა ენის სიმდიდრეზე მიანიშნებდა და უფრო ზუსტად გამოხატავდა იმას, რასაც მხოლოდ ნაწილობრივ აღნიშნავს chaud⁴. Valeur-იდან უნდა შემონახულიყო valeureux⁵, haine-იდან — haineux⁶, peine-დან — peineux⁷, fruit-დან — fructueux⁸, pitié-დან — piteux⁹, joie-დან — jovial¹⁰, foi-დან — féal¹¹, cour — courtois¹², gîte — gisant¹³, haleine — haléné¹⁴, vanterie — vantard¹⁵, mensonge — mensonger¹⁶, coutume — coutumier¹⁷, ისევე როგორც part იძლევა partial¹⁸-ს, point — pointu და pointilleux¹⁹-ს, ton — tonnant²⁰-ს, son — sonore²¹-ს, frein — effrené²²-ს, front — effronté²³-ს, ris — ridicule²⁴-ს, loi — loyal²⁵-ს, coeur — cordial²⁶-ს, bien — bénin²⁷-ს, mal — malicieux²⁸-ს. Heur²⁹ თავსდებოდა იქ, სადაც bonheur³⁰-ისთვის არ იყო ადგილი და შექმნა heureux³¹, რაც ესოდენ ფრანგულია, მაგრამ აღარ არსებობს; პოეტები ხანდახან ხმარობენ, მაგრამ არა თავისი ნება-სურვილით, არამედ ლექსის ზომის ძალდატანებით. Issue³² გალაღებულია, ხოლო issir³³, საიდანაც იგი წარმოიშვა, გაუქმებულია. Fin³⁴ არსებობს, მაგრამ მისი პირმშო finir³⁵ მოისპო, როდესაც cesse და cesser³⁶ ერთნაირი უფლებით არიან აღკუთრებულნი. Verd აღარ ქმნის verdoyer³⁷-ს, არც fête — fêtoyer³⁸-ს, არც larme — larmoyer³⁹-ს,

1 ეს. 2 მტკივნეული, ტკივილი. 3 სიციხე — ცხელი, მგზნებარე. 4 თბილი, ცხელი. 5 ღირსება, ფასეულობა — ღირსეული, ძვირფასი. 6 სიძულვილი — საქლევლი. 7 შეწუხება — შეწუხებელი. 8 ნაყოფი — ნაყოფიერი. 9 სიბრალული — საბრალე. 10 სიხარული — მხიარული. 11 რწმენა — სარწმუნო, ერთგული. 21 სამეფო კარი — კარისკაცი, თავაზიანი. 13 ბინა — მდებარე. 14 სუნთქვა — აქოშინებელი. 15 ტრახბახი — ტრახბახა. 16 ტყუილი (არს. სახ., ზმნა). 17 ჩვეულება — ჩვეულებრივი. 18 ნაწილი — ნაწილობრივი. 19 წერტილი — წვეტიანი, წვრილმანი. 20 ხმა — ხმაშაღალი. 21 ბგერა — მეღერი. 22 აღვირი — აღვირახსნილი. 23 უშბლი — თეხედი. 24 სიცილი — სასაცილო. 25 კანონი — ერთგული, პატიოსანი. 26 გული — გულიანი. 27 კარგი, სიკეთე — კეთილგანწყობილება, რბილი. 28 ბოროტება — ბოროტი. 29 საათი. 30 ბედნიერება. 31 ბედნიერი. 32 გამოსავალი — გამოსასვლელი. 33 გამოსვლა. 34 ცბიერი. 35 ცბიერება (ზმნა). 36 შეწყვეტა (არს. სახ. ზმნა). 37 მწვანე — ამწვანება. 38 ზეიმი — ზეიმობა (ზმნა). 39 ცრემლი — ცრემლთა ღვრა.

არც deuil—se douloir და se condouloir¹-ს, არც joie—s'élour²-ს, თუმცა იგივე სიტყვა joie იძლევა se réjouir-ს და se conjouir-ს, ისევე, როგორც orgueil—s'énorgueillir³-ს. უწინ „ხალხის“ აღსანიშნავად ამბობდნენ კრებით სიტყვას gent⁴-ს და ასეთი მსუბუქი სიტყვა არათუ გაქრა თავად, თან წარიტაცა gentil⁵-იც. ამბობენ, diffamé⁶ წარმოებულა fame⁷-დან, რაც აღარ გვესმის. ამბობენ, curieux⁸ წარმოებულა cure⁹-დან, და ეს კი აღარ იხმარება. განვაგდეთ si que, de sorte que-ს ან de manière que¹⁰-ს გამო; de moi—pour moi-ს ან quant à moi¹¹-ს გამო. Je sais que c'est qu'un mal — je sais ce que c'est qu'un mal¹²-ის გამო. ასეთი შეცვლა მოხდა ან ლათინურის ანალოგიური ფრანგული. გამოთქმის გავლენით, ანდა იმისთვის, რომ საფლავზე წარმოთქმული ქადაგება ერთი სიტყვით შემოკლებულიყო. ჩვევამ არჩია par conséquent-ს par conséquence¹³ და en conséquence-ს — en consequent¹⁴. Façons de faire-ს—à manières de faire¹⁵ და manières d'agir-ს—façons d'agir¹⁶... უპირატესობა მისცა ზმნა travailler-ს ouvrir¹⁷-თან შედარებით, être accoutumé-ს — souloir¹⁸-თან, convenir-ს duire¹⁹-თან, faire du bruit-ს bruire²⁰-თან, injurier-ს vilainer²¹-თან, piquer-ს poindre²²-თან, faire ressouvenir-ს ramentevoir²³-თან შედარებით... ხოლო არსებით სახელებში pensées ამჟობინეს pensers²⁴-ს, ამ მშვენიერ სიტყვას, ლექსს ესოდენ რომ ესადაგებოდა. Grands actions—prouesses²⁵-ს, louanges—loz²⁶-ს, méchanceté—mauvestitié²⁷-ს, porte—huis²⁸-ს, navire—nef²⁹-ს, armée—ost³⁰-ს, monastère—monstier³¹-ს, prairies—prées³²-ს... და ყველა ამ თანაბრად მშვენიერ სიტყვას შეეძლო ერთმანეთის გვერდით ეარსება და ენა უფრო მეტად გაემდიდრებინა. ზოგიერთი ასოს ჩამატებამ, გამოკლებამ, შეცვლამ, სხვა ადგილას გადატანამ fralater—frelater³³-ად გადააქ-

1 გლოვა — მწუხარება, გლოვა (ზმნა). 2 სიხარული — უხარია. 3 სიამაყე — ამაყობს. 4 ხალხი. 5 ადამიანური. 6 სახელგატეხილი. 7 სახელოვნება. 8 ცნობიანოყვარე. 9 მოვლა, მკურნალობა. 10 ასე და ამგვარად. 11 რაც შემეხება მე. 12 ვიცი, რა არის ტკივილი. 13 მაშასადამე. 14 შედეგად. 15 აშინიარად. ამგვარად მოქცევა. 16 ქმედების ყაიდა. 17 მუშაობა. 18 შერჩევა. 19 შეეფერება, შეეხამება. 20 ხმაური. 21 შეურაცხყოფა, ლანძღვა. 22 ჩხვლეტა. 23 გახსენება. 24 ფიქრი. 25 მამაცობა, სიქველე. 26 შექება. 27 ბოროტება. 28 კარი. 29 ხომალდი. 30 ჯარი. 31 მონასტერი. 32 ქალა. 33 თაღლითობა.

ცია, prouver—prouver¹-ად, prouffit—profit²-ად, froment—froment³-ად, pourfil—profil⁴-ად, pourveoir—provision⁵-ად, pourmener—promener⁶-დ, pourmenade—promenade⁷-ად. ასევე, ჩვევისდა მიხედვით, ზედსართავები habile, utile, facile, docile, mobile, fertile⁸ ორივე სქესში უცვლელად რჩება და პირიქით, vil—vile⁹, subtil—subtile¹⁰-ს აქვს ორივე სქესის ფორმა. შეიცვალა ძველი დაბოლოება: scel-იდან მივიღეთ sceau¹¹, mantel-იდან—manteau¹², capel-იდან chapeau¹³. coutel-იდან couteau¹⁴ hamel-იდან hameau¹⁵, damoiseil-იდან — damoiseau¹⁶, jouvencel-იდან — jouvenceau¹⁷. ყოველივე ამ ცვლილებისა და განსხვავების შედეგად ვერ ვხედავთ, რომ ფრანგულმა ენამ რაიმე მოიგო. განა ენის განვითარებისთვის აგრე რიგად საჭიროა ჩვევებისადმი დამორჩილება? არა სჯობდა მისი დესპოტური ბატონობის უღელი მოგვეშორებინა? განა უმჯობესი არ იყო ყურად გველო მხოლოდ და მხოლოდ გონების კარნახი, რაც თავიდან აგვაცილებდა ყოველგვარ აბდაუბდას და დაგვეხმარებოდა განგვესაზღვრა სიტყვის ძირი და ის ურთიერთობა, რაც არსებობს ცოცხალ ენასა და მის წარმომშობ სხვა ენებს შორის. ამასთან ერთად, თუ გონება ნებას დაგვრთავდა, ჩვევებსაც ნუ უგულვებლევყოფდით.

ჩვენი წინაპრები ჩვენზე უკეთესად თუ წერდნენ, ანდა ჩვენ თუ ვკობნით მათ სიტყვების, შესიტყვებებისა და გამოთქმების შერჩევისა და მეტყველების სოცხადისა და სისხარტის მხრივ? ამ საკითხზე ბევრს დაობენ და ვერ შეთანხმებულან. კამთი ვერც ვერასოდეს გამოიღებს შედეგს, თუკი ზოგიერთისა არ იყოს, გასული საუკუნის უნიჭო მკლახნელს შევადარებთ ჩვენს ყველაზე სახელგანთქმულ მწერლებს, შევადარებთ ლექსებს ლორნისა, რომელსაც ფულს აძლევდნენ ოლონდ არ დაეწერა, მაროსა და დეპორტის პოეზიას. ზუსტი დასკვნების გამოსატანად საუკუნე საუკუნეს უნდა დავუპირისპიროთ, შესანიშნავი ნაწარმოები შესანიშნავ ნაწარმოებს, მაგალითად ბენსერადისა და ვუატიურის საუკეთესო რონდოები ქვემოთყოფანილ რონდოებს, რომლებიც ზეპირ-

1 დასაბუთება. 2 სარფა. 3 ხორბალი. 4 პროფილი. 5 სურსათი, მარაგი. 6 გასეირნება. 7 სასეირნო ადგილი. 8 მოხერხებული, სასარგებლო, ადვილი, დამყოლი. მოძრავი ნაყოფიერი. 9 უსინდისო, ბინძური. 10 დახვეწილი, სათუთი. 11 ბეჭედი. 12 მანტო, პალტო. 13 ქუდი. 14 დანა. 15 სოფელი. 16 შუასაუკ. ყრმა აზნაური. რომელსაც ვერ არ მიუღია რაინდობა. არშიყობას გადაყოლილი ჭაბუკი. 17 ყრმა.

მეტყველებას შემორჩა და არ ვიცით, როდის დაიწერა და ვინ დაწერა:

სულზე მიუსწრო ოციემ მტრის ჯარს,
ურწმუნოები ხოცა და ქლიტა,
მის გმირობაზე მე რაღა ვითხრათ,
როს ყველა უდრეკ რაინდად თვლიდა.

გადაიარა ცხრა მთა და ცხრა ზღვა,
და სიკაბუეის წლებმა რომ განვლო,
წყალი ყრმობისა იპოვა სადღაც
და ამ კამკამა სამოთხის წყარომ
სულზე მიუსწრო.

როს განიბანა სხეული წყალში,
სულ შეიცვალა ოციე წამში,
კობტა, წერწებტა კაბუჯად იქცა.

ქორია, თორემ რამდენი ქალი
იხარებს ქვეყნად დღეს სახე მკენარი,
თუკი ამ წყარომ საბრალო იმ ქალს
სულზე მიუსწრო.

— • —

ამა ვაჟკაცზე ბევრი რამ თქმულა,
მისი გმირობით სუყველა ძრწოდა,
ბოლოს აცდუნა ბოროტმა სულმა,
რამეთუ სახე ქალისა ჰქონდა.

შეირთო ეშმა და როცა მიხვდა
რა დაემართა, შიშით არ შეცბა,
კვლავ ალაღზევეს დიდებით გმირთა,
კვალად გაისმა ხობტა და ქება
ამა ვაჟკაცზე.

ის შეიყვარა მეფის ასულმა
და სიხარულით ცაში ასულმა
არ უღალატა მიჯნურის სიტყვას.

გმირს ცოლად გაჰყვა! — და რა სჯობს ნეტა,
ოჯახში ქალს თუ აღქაჯს რომ ხედავ?
ან მას უსმინეთ, ან რაიც ითქვა
ამა ვაჟკაცზე!¹

¹ ლექსები თარგმნილია ლევან ქუბაბერიას მიერ.

1

ქრისტიანული ქადაგება სანახობად გადაიქცა. ბიბლიური თვინიერება, რაც მას ასულდგმულედა, გაქრა. მოქადაგეს ახლა მეტყველი სახე უნდა ჰქონდეს, კარგად დაყენებული ხმა, შესაბამისი შესტები, შერჩეული სიტყვების მარაგი და შესწევდეს უნარი გააქიანუროს სხვადასხვა მოვლენებისა და ამბების მოყოლა. აღარავინ ცდილობს, ღრმად ჩასწვდეს ღვთიურ სიტყვათა აზრს. ქადაგება გადაიქცა აზარტულ თამაშად, სადაც ზოგი ერთმანეთს ეჭიბრება, ზოგი — სანაძლეოს დებს.

2

საერო მკვირვებულეებს, რომელიც სასამართლოს დარბაზებში ლემეტრის, პუსელისა და ფურკრუას მეოხებით აყვავდა, ახლა იქ ყავლი გაუვიდა და საეკლესიო კათედრაზე გადმოინაცვლა.

მკვირვებულეებამ საკურთხეველამდეც მიაღწია და წმიდა საიდუმლოებათა მოზიარე გახდა. მრევლი მოქადაგეს უსმენს, ერთს კიცხავს, მეორეს აქებს, მაგრამ ვერც ერთი და ვერც მეორე ვერ შთააგონებს განიმსჭვალონ ქრისტიანული სულით. ორატორი ერთს მოსწონს, მეორეს არ მოსწონს; ერთი კია, არავის გამოსწორებას არ ცდილობს და არც მრევლი იკლავს თავს გამოსწორებისათვის.

თვინიერი მოსწავლე მასწავლებელს უსმენს, მის გაკვეთილებს ყურად იღებს და თვითონაც მასწავლებელი ხდება. უჭიათი კაცი ქადაგებას აკრიტიკებს, თითქოსდა რომელიღაც ფილოსოფოსის წიგნი იყოს და საბოლოოდ არც ქრისტიანი ხდება და არც ჭკუას სწავლობს.

3

სანამ არ მოგვევლინება წმიდა წერილით შთაგონებული ადამიანი და ხალხს მარტივად, გასაგებად არ აუხსნის ღვთიურ სიტყ-

ვას, მანამდე ორატორებსა და რიტორებს თაყვანისმცემლები არ მოაკლდებათ.

4

საერო წიგნებიდან ამოღებულმა ციტატებმა, არაფრის მთქმელ-
მა მინიშნებებმა, ყალბმა პათოსმა, ანტითეზებმა, ჰიპერბოლებმა
ჭირი მოგვამათ. მოქადაგენი თავს დაანებებენ დიდებულ ადამიან-
თა პორტრეტების აღწერას და შეეცდებიან უბრალოდ განმარტონ
სახარება, რაიც გულში წვდება მსმენელს და ჭეშმარიტ რწმენას
შთააგონებს.

5

ბოლოს და ბოლოს გამოგვეცხადა კაცი, ვის გამოჩენასაც თუმც
ესოდენ ვნატრობდი, მაინც არ მეგონა, რომ ჩვენს დროში დაიბა-
დებოდა. კარისკაცები ტაშისცემით შეხვდნენ; ზოგს ეყო
ჭკუა მართლაც მოსწონებოდა ეს ადამიანი, ზოგი კი ზრდილობის
გამო აღფრთოვანდა. საოცარი რამ მოხდა, მეფის კაპელა მია-
ტოვეს, რათა ხალხთან ერთად მოესმინათ ღვთის სიტყვა, წარმოთ-
ქმული ამ მოციქულისდარი კაცის მიერ. სატახტო ქალაქმა არ გაი-
ზიარა სამეფო კარის აზრი, ეკლესიის წვრილფეხა მსახურებმა,
თვით მნათებმაც კი, მიატოვეს ტაძრები, სადაც იგი ქადაგებდა
და ორატორთა მოსასმენად მომიჯნავე ეკლესიებს მიაშურეს. მხო-
ლოდ მღვდლები მოერიდნენ მიებაძათ მათი მაგალითისთვის. მე
ეს უნდა გამეთვალისწინებინა, როცა ვამბობდი საკმარისია ამგვა-
რი კაცი გამოჩნდეს, გვერდიდან არავენ მოშორდება, ოღონდ ხმა
ამოიღოს და ყველა სმენად იქცევა-მეთქი. განა არ ვიცოდი, რა
მომწუხებელი ძალა აქვს ჩვევას ადამიანისთვისაც და ყველაფრის-
თვისაც! აგერ ოცდაათი წელია ხალხი უსმენს რიტორებს, ორატო-
რებს, დეკლამატორებს და ჭკუა ეკარგება მათზე, ვინც მოუთხ-
რობს ვრცლად და მოკლედაც. განა დიდი ხანი გავიდა მას შემდეგ,
რაც მოქადაგენი ისე მოულოდნელად თხზავდნენ ენაკვიმატსა და
თავბრუნდამხვევ მჭევრმეტყველურ გადასვლებს, ისე ბრწყინვა-
ლედ ამთავრებდნენ სიტყვას, გეგონებოდათ ეპიგრამებს წარმოთ-
ქვამენო. გამოგიტყდებით, ახლა ოდნავ შეარბილეს, ოდნავ გა-
ამარტივეს და მადრიგალებს დაამსგავსეს. ქადაგება მათემატიკური
სიზუსტით გთავაზობთ სამ განყოფილებას: პირველ განყოფილე-

ბაში ამასა და ამას გიმტკიცებთ, მეორეში — სხვა რაღაცას; მესამეში — ისევ ამ რაღაცას. ამგვარად, უპირველეს ყოვლისა, შეიქცნობთ ერთ ჭეშმარიტებას და ეს იქნება პირველი განყოფილება; მერე მეორე ჭეშმარიტებას, — ესეც მეორე განყოფილება; ბოლოს მესამე ჭეშმარიტებას, — ეს კი მესამე განყოფილებაში ხდება. პირველ განყოფილებაში შეისწავლით სარწმუნოების ერთ-ერთ მნიშვნელოვან დოგმას, მეორე განყოფილებაში — მეორე, არანაკლებ მნიშვნელოვან დოგმას, ხოლო უკანასკნელში — მესამე და უკანასკნელ დოგმას. უფრო მეტად მნიშვნელოვანი უნდა: შეგესწავლათ, მაგრამ დრო აღარ დარჩა და სხვა დღისთვის გადაიდო. დაბოლოს, რათა გადავხედოთ და ცოტაოდნავ შევამოკლოთ ქადაგება, უნდა შევადგინოთ გეგმა... „რაო, ისევ გეგმა!.. შესძახებთ თქვენ, — რა გრძელი შესავალია, ქადაგებისთვის! ორმოცდახუთი წუთიც კი არ რჩება! რაც მეტს მიხსნიან და მიჩიჩინებენ.. უფრო მეტად მბანევენ!“ გეთანხმებით, როცა ერთ საკითხზე ათას მოსაზრებას გადმოგიშლიან და თავს უმოწყალოდ გაგიტენიან, სხვა შედეგი არც გახლავთ მოსალოდნელი, მოქადაგენი ისე ჯიუტად მიპყვებიან ამ ჩვეულებას, რომ, ჩანს, დარწმუნებულნი არიან; თითქოსდა მათ ვეებერთელა განყოფილებებზე იყოს დამოკიდებული რწმენაცა და ღვთის კურთხევაც. აბა როგორ უნდა განანათლონ მორწმუნენი ამ ყაიდის მოციქულებმა, თუკი მრევლი ძლივს იგებს მის ნათქვამს, ვერ წვდება ქადაგების აზრს და მსჯელობას ვერ მიპყვება. ნებას თუ მომცემდნენ, უმორჩილესად ვთხოვდი ერთხანს შეეჩერებინათ მჩქეფარე ნიაღვარი სიტყვებისა, თვითონაც მოეთქვათ და მსმენელთათვისაც მოეთქმევიანებინათ: სული: ამაოებათა ამაოება! ქარს გატანებული სიტყვების კორიანტელი! წავიდნენ დრონი ბიბლიის სახალხო განმარტებისა, თვით წმიდა ვასილი და იოანე ოქროპირიც კი ველარ დააბრუნებენ მათ. ოღონდ არ მოესმინა მათი ხმა, მათი გულუშრყვილო ახსნა-განმარტებანი და სამწყსო კისრისტეხით გაიქცეოდა. სხვა ეკლესიებში: ხალხის უმრავლესობას უყვარს მაღალფარდოვანი სიტყვები, ბრტყელ-ბრტყელი ფრაზები, ალტაცებით ისმენს იმას, რაც გაუგებარია და დარწმუნებული ბრძანდება დიდ სიბრძნეს ჩაწვდა; თუ არჩევანი მოახდინა პირველსა და მეორე განყოფილებას შორის, ანდა: უკანასკნელსა და უკანასკნელის წინა ქადაგებას შორის.

ერთ საუკუნესაც არ გაუვლია მას შემდეგ, რაც ფრანგული წიგნის ფურცლები აქრელებული იყო ლათინური ტექსტებით. აქაიქ თუ წააწყდებოდით რამდენიმე სტრიქონს ან სიტყვას, ფრანგულ ენაზე დაწერილს. ერთმანეთს მოჰყვებოდა ციტატები, ამონაწერები, შენიშვნები. ქორწინებისა და ანდერძის საკითხებში არაფერი წყდებოდა ოვიდიუსისა და კატულიუსის გარეშე, რომლებიც პანდექტებთან ერთად ეშველებოდნენ ქვრივ-ობლებს. სასულიერო საეროსთან ისე იყო შერწყმული, რომ საეკლესიო მერხზედაც არ შორდებოდნენ ერთმანეთს. აქედანვე გაისმოდა სიტყვები წმიდა კირილესი და ჰორაციუსის, წმიდა კიპრიანესი და ლუკრეციუსის; წმიდა ავგუსტინესა და ყველა წმიდა მამათა აზრთა დასაბუთებისათვის იშველებდნენ ციტატებს პოეტების შემოქმედებიდან. მრავალი ხნის განმავლობაში სამწყსოს ლათინურ ენაზე უქადაგებდნენ. დედაკაცებსა და მნათეებს ბერძნულად ესაუბრებოდნენ. დიდად განათლებული უნდა ყოფილიყავი, რომ აგრე უმსგავსად გექადაგა. შეიცვალა დრო, შეიცვალა ჩვეულებანი. ტექსტი ისევ ლათინური დარჩა, მაგრამ ქადაგებენ ფრანგულ ენაზე და შესანიშნავ ფრანგულ ენაზედაც. სახარებიდან აღარავის მოჰყავს ციტატები: დღეს კარგად რომ იქადაგო, თითქმის არაფერი უნდა იცოდე.

დიდი ქალაქების საეკლესიო მერხებს როგორც იქნა ჩამოაცილეს სქოლასტიკური ღვთისმეტყველება და განდევნეს დაბებსა და სოფლებში, რათა იქ განანათლოს და ღვთაებრივი შუქი მოჰფინოს მიწის მხვნელებსა და მევენახეებს.

ხალხს თუ მოსწონს ქადაგება ფერადოვანი სტილის, გასაგებო მორალის, მოსწრებული განმეორებების, ბრწყინვალე გამოთქმებისა და ხატოვანი აღწერების გამო, ეს მოქადაგის გონიერებაზე მიუთითებს. მაგრამ ეს როდი კმარა. ჭეშმარიტად მაღალგონიერი მო-

ქადაგე უარყოფს ამ უცხო სამკაულს, რაკი არ ჩათვლის ღირსად სახარებისა. იგი ქადაგებს უბრალოდ, მგზნებარედ, ქრისტიანულად.

9

ორატორი ისე ლაზათიანად აღწერს ზოგიერთ მანკიერებას, ისეთ ორაზროვან წვრილმანებზე ამახვილებს ყურადღებას, ისე დახვეწილი და ფაქიზი გემოვნებითა და აზრით აღვსილს წარმოგვიდგენს, რომ თუ უმალ არ მიჩნდება სურვილი დავემსგავსო ცოდვილს, ყოველ შემთხვევაში, უთუოდ მჭირდება, რომელიმე მოციქული მომეველინოს და ორატორ-მოქადაგებზე უფრო ქრისტიანული შეგონებით გული ამიყაროს მანკიერებაზე, რაიც ესოდენ წარმტაცად ამიწერეს.

10

კარგი ქადაგება ორატორული ხელოვნებისა და ადამიანური მჭევრმეტყველების ყველა კანონის და წესის მიხედვით აგებული, რიტორიკის ყველა სამკაულით აღკაზმული, ყოველი ნაკლისგან განწმენდილი მოხსენებაა. ვისთვისაც ყოველივე ეს ზედმიწევნით გასაგებია, უყურადღებოდ არ ტოვებს არც ერთ მოსაზრებას, არც ერთ წვრილმანს. არ უჭირს ჩაწვდეს ორატორის მსჯელობას არც მაშინ, როცა დინჯად ჩამოთვლის ფაქტებს და არც მაშინ, როცა აღზევდება მჭევრმეტყველების მწვერვალებზე. ყოველივე მხოლოდ ხალხისთვის რჩება გამოცანად.

11

რა შესანიშნავი, რა ჰკუის სასწავლებელი ქადაგება მოვისმინეთ ახლახან! განხილული იყო ქრისტიანული რელიგიის ძირითადი დოგმა, ჰეშმარით რწმენაზე ადამიანთა მოქცევის გადაუდებელი ამოცანები. რა წარუშლელი შთაბეჭდილება უნდა მოეხდინა მას მსმენელთა სულიერსა და გონებრივ სამყაროზე! აგერ ისინი მიდიან ეკლესიიდან, იმდენად აღელვებულნი და აფორიაქებულნი, რომ ლამის გულში გადაწყვიტონ, თეოდორის ეს ქადაგება წინა ქადაგებას სჯობდაო.

ზნეობის საკითხებში ლმობიერება და შემწყნარებლობა ქადაგებისთვის საზიანოა. ამ მხრივ არაფერი უღვივებს ცნობისმოყვარეობას ერისკაცს, რომელსაც უფრო ნაკლებ, ვიდრე ჰგონიათ, ეშინია მკაცრი ჭკუის სწავლებისა, პირიქით, იწონებს კიდევ, როცა მოვალეობის აღსრულებისას სიმკაცრეს ქადაგებს ვინმე. როგორც ვხედავთ, ეკლესიაში სიმკაცრის დამცველთა ორი ჯგუფია შექმნილი. ერთნი ვალდებულნი არიან თქვან სიმაართლე და მხოლოდ სიმაართლე, ყოველგვარი შენიღბვისა და შელამაზების გარეშე; მეორენი კი ხარბად და ალტაცებით უნდა უსმენდნენ მათ, ქება-დიდებას ასხამდნენ და იცხოვრონ ისე, როგორც ცხოვრობდნენ, არც უკეთესად და არც უარესად.

უზენაესი სათნოებით აღვსილ ადამიანებს შეიძლება ვუსაყვედუროთ, რომ მათ შერყვნეს მჭევრმეტყველება, ყოველ შემთხვევაში, მოქადაგეთა უმრავლესობას სტილი შეუბღალეს. ნაცვლად იმისა, რომ ხალხისთვის ხმა აეწყოთ და ასეთი იშვიათი ძღვენის გამო მადლი შეეწირათ მამაზეციერისთვის, მოქადაგენი შეუკავშირდნენ მწერლებსა და პოეტებს, მათსავეთ მეხოტბენი გახდნენ და აჯობეს კიდევ მისაძღვნელი ეპისტოლეების, სტანსების და პროლოგების თხზვაში. საღმრთო წერილი შეცვალეს ხოტბის ნაკადით; ხოტბა თუმც საშარტლიანი გახლავთ, მაგრამ უადგილო ადგილას არის ჩაჩხირული, რაკი ანგარებითაა ნაკარნახევი და რაც მთავარია, მეხოტბეობა დამამცირებელია მათი წოდებისთვის. იმის გამოც დიდად ბედნიერად ვგრძნობთ თავს, თუ საკურთხეველის წინ გმირს ქება-დიდებათ იხსენიებენ და ორიოდ სიტყვა მაინც წამოსცდებათ საღმრთო წერილიდან ან წმიდა საიდუმლოებიდან, რაიც მათი ქადაგების ერთადერთი საგანი უნდა იყოს. ისიც მომხდარა, რომ მოქადაგეს მხოლოდ ერთი მსმენელისთვის მოუშაღებია განმარტება წმიდა სახარებისა, რომელიც ყველასთვის უნდა იყოს მისაწვდომი. შეუტყვია, ის კაცი, რალაც მიზეზით ველარ მოვაო და ისე დაბნეულა, რომ ველარ მოუხერხებია ქრისტიანთა წინაშე წარ-

მოეტქვა ქრისტიანული სიტყვა, რაც მათთვის არ იყო განკუთვნილი. იძულებული გამხდარა ადგილი სხვა ორატორისთვის დაეთმო და იმასაც ჰაიპარად შედგენილ ქადაგებაში სხვა ვერაფერი უთქვამს და ღმერთისთვის შეუსხამს ხოტბა.

14

მსმენელებს ეშინოდათ, რომ თეოდული უფრო ბრწყინვალედ იქადაგებდა. კმაყოფილნი არიან თეოდულითაც და მისი სიტყვითაც. მერე რა, თუ არ დაატყვევა მათი გონება და სმენა, სამაგიეროდ შურიც ნაკლები აღუძრა.

15

მოქადაგენი სამხედრო პირებს მიაგვანან. უფრო მეტ რისკზე მიდიან, ვიდრე სხვა პროფესიის ადამიანები, მაგიერ უფრო სწრაფად იკვლევენ გზას მაღალი მდგომარეობისკენ.

16

საკმაოდ კარგი მდგომარეობა თუ გაქვთ შექმნილი საზოგადოებაში და სხვა ნიჭი არა გაგაჩნიათ რა, გარდა იმისა, რომ შეგწევთ უნარი გაქიანურებულად ილაპარაკოთ, იქადაგეთ, წარმოთქვით მოსაწყენი სიტყვები. კაცს თუ წინ წაწევა სურს, უთუოდ უნდა მოიხვეჭოს კარგი ან ავი სახელი და თუ არავინ იცნობს, ვერც ვერაფერს მიაღწევს. თეოდატი ერთფეროვნად და გულისგამაწვრილებლად ქადაგებდა, ამიტომაც ყოველგვარი მოწყალება უბოძეს.

17

უწინ დიდი ეპარქიებით აჭილდობდნენ ისეთ მოქადაგებს, რომელთაც დღეს უბრალო მრევლსაც კი არ მიაშავებენ.

18

პანეგირიკოსი ძლივს ითქვამს სულს ტიტულების ტვირთქვეშ. მისი სახელი ჰრწყინავს ვეებერთელა აფიშებზე, რომელთაც კარ-

დაკარ დაატარებენ და ქუჩებშიაც აკრავენ. ისეთი უზარმაზარი შრიფტითაა დაბეჭდილი, რომ არ შეიძლება თვალში არ მოგვხვდეს ისევე, როგორც შეუძლებელია ქალაქის მოედანი არ შენიშნო. მისი სახელის ამ ბრწყინვალე გამოფენას შეხედავ და უთუოდ ჯაიცილობ მის პიროვნებასა და მოუსმენ მის სიტყვას. ამის შედეგად დარწმუნდები, აფიშებზე ჩამოთვლილ მის უამრავ დამსახურებათა შორის არ შეიმჩნევა ერთი, — უხეირო მოქადაგის ტიტული.

19

დედაკაცების უსაქმურობა და მამაკაცების ჩვეულება, მიირბინონ იქ. სადაც ქალები თავს იყრიან, უმსგავს მოქადაგეს სახელს უთქვამს და დახმარებას უწევს მაშინაც, როს მისი მზე ჩაესვენება.

20

განა არ კმაროდა სააქაოში ესოდენ აღზევებული და ძლევა-შოსილი რომ იყო, გარდაცვალების შემდეგაც წმიდათაწმიდა საკურთხეველის წინ, საეკლესიო კათედრიდან მოძღვარს რომ არ ექო და არ განედიდებინა იგი იმისდა მიუხედავად იყო თუ არა ამის ღირსი? ნუთუ მაღალი წარმოშობისა და გავლენიანობის გარდა სხვა შიდიადე არა არსებობს რა? რატომ არ დაგვიმკვიდრებია ჩვეულება, საჯაროდ მიუძღვნათ პანეგირიკი ადამიანს, რომელიც მთელი სიცოცხლე იყო გულკეთილი, სამართლიანი, მომთმენი, მოყვასის ერთგული და ღვთისმოსავი? ეგრეთწოდებული გამოსათხოვარი სიტყვა მსმენელთა უმრავლესობას დღეს იმდენად უფრო მეტად მოსწონს, რამდენადაც მეტად სცილდება ქრისტიანულ სულისკვეთებას და, თუ გნებავთ, რამდენადაც მეტად უახლოვდება საერო მჭევრმეტყველებას.

21

თავისი ქადაგებით ორატორი საეპისკოპოსო მრევლის ხელში ჩაგდებას ცდილობს. ჭეშმარიტი ღვთის მსახური კი იღვწის სამწყხოს ქრისტიანული სული შთაბეროს. იგი ღირსია მიიღოს ის, რისუნაც პირველი ისწრაფის.

გვინახავს ისეთი ღვთისმსახურნი, რომელთაც ცოტა ხნის წინათ შორეულ ქვეყნებში უმოგზაურიათ და იქიდან დაბრუნებულები მოჰყოლიან ტრაბახს, ქრისტიანობა ამდენსა და ამდენს მივალე-ბინეთო. სინამდვილეში ზოგი დიდი ხნის წინათ ყოფილა მონათ-ლული, ზოგს კი სულაც არ მიუღია ღვთის რჯული. ამას არად და-გიდევენ მოძღვარნი ჩვენნი, ვენსანსა და ქსავიეს ეტოლებიან. თავი მოციქულებად მოაქვთ და დარწმუნებულნი ბრძანდებიან ასეთი თავდადებული შრომა და კეთილშობილი საქმიანობა იმდე-ნად მაღალი დაფასების ღირსია, რომ საბატოს მიღება სათაკილო-დაც კი მიაჩნიათ.

აი ამ კაცმა, ერთხელაც რომ არ უფიქრია ამაზე, უცბად სა-წერ-კალამი აიღო და გადაწყვიტა, წიგნი უნდა დაწერო. არავი-თარი ნიჭი არ გააჩნია, მხოლოდ ორმოცდაათი პისტოლი სჭირდება. როგორ ვეხვეწე, ვემუდარე, ხერხი აიღეთ, დიოსკორ, დახერხეთ, ან გაქლიბეთ, ანდა ბორბლის ფერსო გააკეთეთ, არანაკლებ გა-სამრჯელოს მიიღებთ-მეთქი. თურმე ნუ იტყვიან. არც ერთი ხე-ლობა არ უსწავლია. არადა, რაღაც გადაწერეთ, შეასწორეთ, ბო-ლოს და ბოლოს, სტამბის კორექტორობას მოჰკიდეთ-მეთქი ხელი. ნურას უკაცრავად, ნებავე წეროს და დასტამბოს. რამეთუ სტამბა-ში სუფთა რვეულს არ გზავნიან, ჯღაბნის რაც ?ოეპრიანება; სია-მოვნებით დაწერდა, სენა პარიზს ჩამოუღის, კვირაში შვიდი დღეა, წვიმსო. და რაკი ასეთ განაცხადს რელიგიისთვისა და სახელმწი-ფოსთვის ზიანი არ მოაქვს და არც ხალხს უშავებს რამეს, თუ მხედველობაში არ მივიღებთ იმას, რომ გემოვნებას უფუჭებს და აჩვევს ყოვლად უაზრო და უხამსი რამეების კითხვას, გაივლის ცენზურასაც და დაიბეჭდება კიდევ. ის კი არა, მეორედაც გამოი-ცემა, რაოდენ სავალალო და თავლადამსხმელიც უნდა იყოს ჩვენი საუკუნისთვის და გამოჩენილი მწერლებისთვის. ეგ კიდევ რა, ერთ-მა კაცმა გაიფიქრა, უნდა ვიქადაგო და ქადაგობს კიდევ. აგერ მერხზე დგას, არავითარი მოწოდება და ნიჭი არ გააჩნია, მარტო შემოსავლიანი მრევლი სჭირდება.

საერო მისწრაფებებით გამსჭვალული და ურწმუნო ღვთისმსახური თუ საეკლესიო მერხზე დადგა, დეკლამატორი ხდება.

ხოლო წმიდა ადამიანი გარეგნობითაც კი ნღობას აღუძრავს. ხალხს. საეკლესიო მერხზე ავა თუ არა, მის მოსასმენად გამზადებულ სამწყსოს მღელვარება ეუფლება; მისი შეხედვა ქეშმარიტ რწმენას უღვივებს, სიტყვები მისი განუმტკიცებს ყოველგვარ სათნოებას.

ქალაქ მოს ეპისკოპოსი და მამა ბურღალუ დემოსტენესა და ციცერონს მაგონებენ. საეკლესიო მქვერმეტყველების ამ ორ დიდოსტატს თავიანთი დიდებული წინამორბედის ბედი ეწია. ერთმანეთს უმსგავსი კრიტიკოსები მოამრავლა, მეორემ — უხეირო მიმბამბვლები.

საეკლესიო მქვერმეტყველება რთული დარგია, რადგან საერო და საორატორო ნიჭიერების საწყისები ყველასგან დაფარულია და მარტოოდენ მცოდნეთათვისაა თვალსაჩინო. დიდი ოსტატობაა საჭირო, რომ მოსაწონიც გახდე და ჭკუის დარიგებაც შეძლო! გაკვალული გზებით უნდა იარო, თქვა, რაც ყველას ადრე გაუგონია და წინასწარ იცის, რასაც იტყვი. მისი საგანი უაღრესად მნიშვნელოვანია, მაგრამ გაცვეთილი და ჩვეულებრივი. დებულებები უდავოა, მათგან გამომდინარე დასკვნები — ყველასთვის ცნობილი. მისი თემა ამაღლებულია, ხოლო ამაღლებულის განხილვის უნარი განა ყველას შესწევს? წმიდა საიდუმლოებას განიხილავს, მაგრამ კატეხიზმოს გაკვეთილზე უკეთესად განმარტავენ მას, ვიდრე ორატორი თავის ქადაგებაში. თვით ზნეობრივ საკითხებზეც კი, რაიც ისევე ვრცელია და მრავალფეროვანი, როგორც მრავალმხრივია ადამიანთა წესჩვეულებანი, მოქადაგე ერთფეროვნად მსჯელობს. სულ ერთი ღერძის ირგვლივ ტრიალებს, აღწერს ერთსა და იმავე სურათებს და თვით სატირაზე უფრო ვიწრო ჩარჩოში იკეტება. სიმდიდრის, სიამტკბილობისა და ფუჭი თაყვანისცემის ჩვეულებ-

რბივი განქიქების შემდეგ ორატორს სხვა არა დარჩენია რა, სასწრაფოდ უნდა მოათავოს სიტყვა და მრევლი შინ გაისტუმროს. ხანდახან ხალხი თუ აღელდება და ატირდება, ჩვენ თავისას მივუხლავთ მოქადაგის ნიქს და გარეგნობას, მაგრამ იმასაც დაეძინეთ, რომ აქ შემთხვევაში ღალატებს თვით საუბრის თემა, რომელთანაც ჩვენი ყველაზე სანუკვარი სურვილებია დაკავშირებული. თანაც: უნდა გამოვტყდეთ, ჩვენ მოქადაგის მჭევრმეტყველების ჰემარითი ნიქი იმდენად კი არ გვათროლებს და გვიტაცებს, რამდენადაც გვიპყრობს მისი მკლერი ხმა და გაშლილი მკერდი. დაბოლოს, მოქადაგე ადვოკატისგან განსხვავებით, მსმენელის ყურადღებას ვერც ცხელ-ცხელი ამბების, ვერც ნაირ-ნაირი შემთხვევების და ვერც განსაცვიფრებელი თავგადასავლების მოყოლით ვერ დაატყვევებს. მას არ ევალება ბუნდოვანი საკითხები გადაწყვიტოს და მოულოდნელი ვითარებანი წინასწარ განჭვრიტოს და მიაკვლიოს. დიახ, იგი მოკლებულია ყოველივე იმას, რაც ორატორის გენიას მატებს ძალას და გაქანებას, რათა აკიაფდეს და გაიბრწყინოს და რაც დაბრკოლებას კი არ უქმნის მგზნებარე მჭევრმეტყველებას, პირიქით, ყოველმხრივ ეხმარება და სწორ მიმართულებას აძლევს. რა ქნას მოქადაგემ; იმულებულია მიაღდეს იმ წყაროს, რომლითაც ყველა სარგებლობს. ყველასთვის ცნობილ ჰემარიტებას თუ გადაუხვია, მისი ქადაგება ბუნდოვანი, განყენებული, გაუგებარი დეკლამაცია ხდება და საზარებასთან აღარაფერი რჩება საერთო. მოქადაგე აღჭურვილი უნდა იყოს მხოლოდ ერთი თვისებით, — კეთილშობილური უბრალოებით, რაიც ადვილი მისაღწევი როდი გახლავთ, რაკი იშვიათი ტალანტია და ჩვეულებრივი მოკვდავისთვის მიუწვდომელია. ხოლო ვისაც მომადლება იგი, მაღალი ნიჭიერების, შთაგონების, განსწავლულობისა და დიდი მეხსიერების წყალობით განრიდება მას.

ადვოკატის საქმიანობა ძნელია, დამქანცველი და იმათგან, ვინც მას მისდევს, ღრმა ცოდნას და განსაკუთრებულ ნიქს მოითხოვს. მოქადაგეს თუ შეუძლია მოცალების ეამს მიცვალებულთან გამოსათხოვარი სიტყვა მოამზადოს და კჭუის დამრიგებლური კილოთი ზეპირად წარმოთქვას ისე, რომ ვერავინ გაბედავს გააწყვეტინოს სიტყვა, რასაც მსმენელთა წინაშე ოდნავ შეცვლილი სახით არაერთხელ გაიმეორებს დიდი წარმატებით, ადვოკატზე ამას ვერ ვიტყვით. იგი მეტად რთულ დასაცავ სიტყვას ამბობს მოსამართ-

ლებების წინაშე, რომელთაგან ერთს უფლება აქვს სიტყვა სულ არ მისცეს, მეორეს კი — ხმა გააკმენდინოს. პასუხის გასაცემად მუდამ მზად უნდა იყოს. ერთსა და იმავე დღეს სხვადასხვა საქმეზე და სხვადასხვა სასამართლოში გამოდის. თავისი სახლი მისთვის არ არის დასვენების, განმარტოებისა და მყუდროების სავანე, სადაც ვერ შეიჭრება ვერც ერთი მომჩივანი. ადვოკატის კარი ღიაა ყველასთვის, ვინც მასთან მოდის, რათა შეკითხვებითა და ეჭვებით სული შეუწუხოს. იგი ლოგინში არ წვება. ნელსაცხებლებით ტანს არვინ უზელს, გამაგრებულ სასმელებს არვინ უმზადებს. მის ოთახში ყველა მდგომარეობისა და ყველა სქესის წარმომადგენლები თავს არ იყრიან და ხოტბას არ ასხამენ მის ნათივ მტყველებას, დახვეწილ გამოთქმებს. არც ნუგეშს სცემენ, რაკ ერთ ადგილას კინალამ წაიფორხილა; არც ამშვიდებენ და გულიდან ჯავრს არ უყრიან, თუ ერთ პროცესს ისე ვერ გადააკლა თავი, როგორც სჩვეოდა. გრძელ-გრძელი დასაცავი სიტყვების შემდეგ გრძელ-გრძელი საქმეთა წერით ისვენებს. ერთ შრომას მეორე შრომით ცვლის, ერთ ტვირთს — მეორე ტვირთით. გავბედავ და ვიტყვი: ადვოკატი თავის დარგში არ გახლავთ ის, რაც ოდესღაც იყვნენ პირველი წინასწარმეტყველნი.

ამგვარად, სამართლის მკვერმეტყველებისა და ადვოკატის საქმიანობის და მასთან ერთად, საეკლესიო მკვერმეტყველებისა და მოქადაგის მოწოდების განსაზღვრის შემდეგ, ცხადი ხდება, რომ ქადაგება უფრო ადვილია, ვიდრე დაცვა, მაგრამ გაცილებით ძნელია კარგად ქადაგება, ვიდრე კარგად დაცვა.

დაწერილ ნაშრომთან შედარებით რა დიდი უპირატესობა აქვს წარმოთქმულ სიტყვას! აღამიანებს ხიბლავთ ხმა, ხელის მოძრაობა და გარემო, სადაც ისინი იმყოფებიან. მოსაუბრის მიმართ თუ ოდნავ კარგად არიან განწყობილნი, თავდაპირველად ალტაცებით შესცქერიან და მერე უკვირდებიან, რას ამბობს იგი. ჯერ პირი არ გაუღია მსმენელი კი გაიძახის, რა გადასარეველ ლაპარაკობსო: შალე ძილს მისცემს თავს და სიტყვა დამთავრდება თუ არა, გაიღვიძებს, რათა კვლავ შესძახოს, რა გადასარეველ ლაპარაკობსო. მწე-

რალს ნაკლები თაყვანისმცემელი ჰყავს: მის წიგნს სოფლის ან სამუშაო ოთახის სიმყუდროვეში, თავისუფალ დროს კითხულობენ. მწერლისთვის ტაშის დასაყრავად ხალხი თავს არ იყრის ერთად, არც იმაზე ზრუნავს, რომ პირი შეკრას და მის მეტოქეებს შეუტეოს, ანდა მას პრელატის ჩინი მოუპოვოს. რაც უნდ შესანიშნავი წიგნი იყოს, მაინც ისე არიან გამსჭვალულნი წინასწარ შეგონებული აზრით, უთუოდ საშუალო ღირსებისა იქნებაო, რომ მხოლოდ ფურცლავენ, სხვადასხვა ადგილს ერთმანეთს ადარებენ და აკრიტიკებენ. ეს ხომ ბგერები არაა, ჰაერში რომ გაიფანტოს და დავიწყებას მიეცეს. დაბეჭდილი დაბეჭდილად რჩება. ხშირად, სანამ წიგნი გამოვიდოდეს, მოუთმენლად ელიან, ერთი სული აქვთ, სანამ ხელში ჩაიგდებდნენ და გაბღვნიდნენ. უდიდესი ნეტარება, რასაც წიგნი განაცდევინებთ, მისი განქიქება გახლავთ. ყოველ გვერდზე რაღაც მოსაწონს თუ წააწყდნენ, ბოლმით ივსებიან და, ვაითუ გაგვიტაცოსო, მიაგდებენ, სწორედ იმიტომ, რომ კარგია.

ვერვინ გაბედავს, ან არვინ მოისურვებს, თავი გამოიღოს, გინდა თუ არა დალაგებულად და ხატოვნად ვლაპარაკობ და შესანიშნავი მეხსიერება მაქვსო. ამასთან, უფლებამოსილია სამღვდლო ტანსაცმელი ატაროს და იქადაგოს. და პირიქით, ყველა დარწმუნებულია, რომ კარგად აზროვნებს და უფრო უკეთესად წერს. ამიტომაც, იმის მიმართ, ვინც მასავით კარგად ფიქრობს და წერს, მტრულადაა განწყობილი. ერთი სიტყვით, ჰკუის დამრიგებელი მოქადაგე უფრო ადრე გახდება ეპისკოპოსი, ვიდრე მალაღნიჭიერ მწერალს რომელიმე უბრალო მონასტრის წინამძღვრად დანიშნავდნენ. მოქადაგე დიდებულთა მოწყალებითა და საჩუქრებით ივსება, ხოლო დიდი მწერალი იმიტაც კმაყოფილია, თუ რაც აქვს, ის მაინც შერჩება.

როცა ბოროტ ადამიანებს სძულხართ და გდევნიან, კეთილნი გირჩევენ, ღმერთის წინაშე თავი დაიმდაბლოთ და არ აჰყვეთ პატივმოყვარულ გრძნობებს, რაც შეიძლება გაგიჩნდეთ იმის გამო, რომ თქვენს მტრებს არ მოსწონხართ. ასევე, ზოგიერთი ყოველივეს შუალანად ნათლავს და სასამართლოში, ეკლესიაში თუ სადმე სხვა-

გან თქვენს მიერ წარმოთქმულ სიტყვას, ან თქვენს მიერ დაწერილ წიგნს აქიაქებს. თავმდაბლობა გმართებთ, რადგან საშიშია არ აპყვეთ მეტად შემპარავსა და დახვეწილ ცდუნებას, — ზვაობას.

29

მე ვფიქრობ, რომ მოქადაგემ თავის ყოველ გამოსვლას საფუძვლად უნდა დაუდოს ჭეშმარიტება, რაიც უთუოდ უნდა იყოს არსებითი, მრისხანე და დამრიგებლური. განიხილოს იგი დაწერილებით და ამომწურავად, ხოლო აგრე რიგად ნაძალადევე, ჭკუანაჭყლეთ, გაპრიალებულსა და გადაღეჭილ ყოველგვარ განყოფილებას თავი ანებოს. ნუ იფიქრებს, თითქოსდა დიდებულთა და მაღალ საზოგადოებას ქრისტიანული სარწმუნოება და საკუთარი მოვალეობანი კარგად ესმოდეთ. ამ ჭკუის კოლოფებსა და ყოვლისმცოდნეებს თამამად შეასწავლოს კატეხიზმო. ჯობს, ის დრო, რასაც გაქიანურებული ქადაგების შეთხზვას ალევს, სათქმელი მასალის ღრმად გააზრებას მოანდომოს, რათა სიტყვები და გამოთქმები თავისთავად იბადებოდნენ და მისი გულის სიღრმიდან მოედინებოდნენ. ამგვარი მომზადების შემდეგ მიენდოს და მიჰყვეს თავის ნიჭსა და თემის სიდიადით შთაგონებულ შინაგან თრთოლვას. მაშინ აღარ დასჭირდება უსაზღვროდ დაატანოს ძალა მეხსიერებას, რაიც შეეფერება კაცს, სანაძლეოს რომ დებს და არა იმას, ვისაც დიდი საქმე უყისრია და გონების ამგვარი ძალდატანება მიხრა-მოხრას უბორკავს და სახეს უმანჭავს. პირიქით, მოქადაგემ ლაღად უნდა გაშალოს ფრთები, აღიგზნოს თავად, აღაგზნოს სხვებიც, დაიპყროს გონება მათი და გულში მღელვარება ჩაუღვენთოს. მსმენელს აღუძრას შიში, შიში არა იმისა, რომ მოქადაგე საცაა წაიფორხილებს, არამედ სულ სხვა შიში, სულ სხვა მიზეზით გამოწვეული.

30

დე, იმას, ვინც ჯერ იმდენად არ არის სათნო და ქველი, რომ იფიწყებდეს საკუთარ თავს, როცა ღვთიურ სიტყვებს ქადაგებს, ნუ შეაშინებს მისთვისაც სავალდებულო მკაცრი წესები, თითქოსდა ეს წესები ჭკუის გამოჩენისა და მისთვის ესოდენ სანატრე-

ლი მაღალი თანამდებობის დაპყრობის შესაძლებლობას უსპობდნენ. რა ზეგარდმო ნიჭი მომადლებია იმას, ვინც მოციქულთა დარად ქადაგებს და ვინ, თუ არა იგი, იმსახურებს წოდებას ეპისკოპოსისა? განა ფენელონი ამის ღირსი არ იყო? განა შეფეს არჩევანი შეეშლებოდა, რომ მისთვის სულ სხვა ადგილი არ ჰქონოდა განკუთვნილი?

თავი მეთექვსმეტი

თავისუფლად მოაზროვნეთა შესახებ

1

თუ იციან თავისუფლად მოაზროვნეებმა, რომ ამ სახელს მათ ირონიით უწოდებენ? იმაზე დიდი სისუსტე განა შეიძლება, თუ ადამიანს აეჭვებს საკუთარი არსებობა, ყოფიერება, გრძნობები, ცოდნა და მიწიერი ცხოვრების დასასრული? რარიგ სამწუხაროა, თუ წარმოიდგენს, თითქოსდა მისი სული ისევე მატერიალურია, როგორც ქვა და ისევე ხრწნადი, როგორც ამაზრზენი ქვეწარმავლები არიან. განა უსაზღვრო ძალას და სიდიადეს არ მატებს ჩვენს გონებას შეგნება იმისა, რომ ვართ ყველა სულიერზე უმაღლესი არსებები, მათი შემქმნელნი და მომწესრიგებელნი. — არსებები სრულყოფილზე სრულყოფილნი, უბიწონი, დაუსაბამონი და უსასრულნი; ხოლო სული ჩვენი არის ხატი ჩვენი, გავბედავ და ვიტყვი, ნაწილი ჩვენი, უხორცო და უკვდავი.

2

მორჩილნი და სუსტნი შთაბეჭდილებებს ერთნაირად აღიქვამენ, მაგრამ პირველნი კარგს ითვისებენ, მეორენი — ავს; სხვაგვარად რომ ვთქვათ, პირველნი დამყოლნი და საიმედონი არიან, მეორენი — ჭიუტნი და გახრწნილნი. ამგვარად, მორჩილი სული კეშმარიტ სარწმუნოებას ეზიარება, სუსტი სული არც ერთ სარწ-

მუნობას არ იღებს და თუ იღებს, მხოლოდ ცრუს. თავისუფლად მოაზროვნეს ან არაავითარი რელიგია არ გააჩნია, ანდა თვითონვე იქმნის სარწმუნოებას. მაშასადამე, მას ძლიერი კი არა, სუსტი სული ჰქონია.

3

მე ვუწოდებ მიწიერთ, გაუთლელთ, ამქვეყნიური ამოებით გატაცებულთ იმ ადამიანებს, ვისი სული და გული მიჯაჭვულია სამყაროს ერთ პაწია ნაფლეთზე, სადაც თვითონ ცხოვრობენ და რასაც სახელად ღედამიწა ჰქვია; ვისაც ამის მეტი არაფერი უყვარს და არაფერი მოსწონს; ვისი გონებაც ისევე შეზღუდულია, როგორც მათი არპანებად გამოთვლილი და მიჯნებით შემოსაზღვრული სამფლობელოები და მამულები. იმდენად ნამცეცაა მათი საყრდენი წერტილი, რომ სულ არ მიკვირს, თუ მაშინვე ატორტმანდებიან, როგორც კი თავს ოდნავ დაატანენ ძალას და ქეშმარიტების შეცნობას მოიწადინებენ. იმდენად მოკლეა მათი თვალსაწიერი, რომ არ ძალუთთ მზისა და ვარსკვლავების უსასრულო სივრცე განჰკრიტონ და იხილონ ღმერთი. რაკი ვერ ჩაწვდომიან სულის მშვენიერებასა და უმწიკვლობას, რაღა თქმა უნდა, ვერც ხვდებიან, რაოდენ აღზევებულია იგი ღედამიწასა ზედა და რაოდენ ძნელია მისი დაწყურვება; რაოდენ სასურველია მისთვის არსება უებროდ სრულყოფილი, რაიცა არის ღმერთი და რაოდენ ძვირფასია სარწმუნოება, რამეთუ მტკიცე საყრდენია მისი არსობისა და მიუძღვება ქეშმარიტების გზაზე. ჩემთვის ადვილი გასაგებია, ამგვარი სულის ადამიანები თუ გულგრილნი არიან სარწმუნოებისადმი და უფალსა და მის მსახურებს უქვემდებარებენ პოლიტიკას, რაც სააქაო ცხოვრებას აწესრიგებს და ამშვენებს და რაც, მათი აზრით, ადამიანის ერთადერთი საზრუნავი უნდა იყოს.

4

ზოგიერთს საბოლოოდ ხრწნის ხანგრძლივი მოგზაურობა და აკარგვინებს იმ მცირე რწმენასაც, რაც კიდევ ჰქონდა შერჩენილი. გზადაგზა სხვადასხვა სარწმუნოებას, სხვადასხვა რელიგიურ წესჩვეულებებსა და ადათებს ეცნობა და ემსგავსება. იმას, ვინც დუ-

ქანში შედის და წინასწარ არ მოუფიქრებია, რომელი ქსოვილის ყიდვა სურს. უჩვენეს უამრავი ქსოვილი; თითოეულს თავისი პეწი აქვს და ლაზათი. არჩევა ველარ მოახერხა, ღუქნიდან ისე გავიდა, რომ ვერაფერი იყიდა.

5

ზოგი მზადაა ღვთისმოსავი და მორწმუნე იმ პირობით გახდეს, თუ მთელი ქვეყანა თავზე ხელს აიღებს, ღმერთს განუდგება და ამრიგად ჩაითვლება გონებაშეზღუდულადა და მდარე გემოვნების პატრონად. მაშინ თავად რჩეულთა რიცხვში მოხვდება და განაცხადებს, მოდას და ხალხის ხმას მხოლოდ წვრილმანებში მიეყვები, ხოლო ისეთ სერიოზულსა და მნიშვნელოვან საკითხებში, როგორცაა რელიგია, დამოუკიდებელი გახლავართო. საიქიო არსებობისთვის ზრუნვა დიდ გმირობადა და სიმამაცედ მიაჩნიათ და ამასთან ფიქრობენ, თითქოს განსაზღვრული წოდების, ცოდნისა და მსოფლმხედველობის მქონე პიროვნებას არ ხამს სწამდეს ისე შიამიტად, როგორც მეცნიერებსა და მდაბიოთ სწამთ.

6

ჯანსაღ ადამიანს ღმერთის არსებობაში ისევე ეპარება ეჭვი, როგორც საეჭვოდ მიაჩნია, რომ სიძვის დიაცთან დაახლოება დიდი ცოდვაა. როცა დასწრულდება, წყალმანკით გაიბერება, ტოვებს ზასას და მამაზეციერს იწამებს.

7

სანამ დაასკენიდე, რომ თავისუფლად აზროვნებ და ღმერთი არ ფწამს, ჯერ კარგად უნდა დაუყვირდე საკუთარ თავს, ჩაიხედო გულის სიღრმეში და დარწმუნდე, შეგიძლია თუ არა მტკიცედ შეინარჩუნო მრწამსი და ისე მოკვდე, როგორც იცოცხლე; და თუ მიხვდები, რომ ამისთვის ძალა არ გეყოფა, ისე უნდა იცოცხო, როგორც მოკვდები.

მომაკვდავი ადამიანისთვის ყოველგვარი ხუმრობა უადგილოა და თუ იგი განსაზღვრულ საკითხებს ეხება, დამლუპველია. რარიგ შემზარავია, როცა სიკვდილის პირას მისული კაცი სულის ხსნაზე კი არ ფიქრობს, არამედ ენაკვიმატობს და სხვის გაცინებას ცდილობს.

რა აზრიც უნდა გვექონდეს შექმნილი საიქიო ცხოვრებაზე, თვით სიკვდილი იმდენად სერიოზული რამაა, ლაზღანდარობა კი არა, შეუპოვრობა შეეფერება.

9

ყოველ ჟამს არსებობდნენ მაღალი გონების, დიდად განათლებული ადამიანები, რომლებიც დიდებულებს ემონებოდნენ, მათ თავისუფალ აზრებს იზიარებდნენ და ამ ულელს სამარის კარამდე ატარებდნენ, თუმცა თავად სულ სხვანაირი მსოფლმხედველობა ჰქონდათ და სინდისიც სხვას უკარანახებდა. მთელი სიცოცხლე მხოლოდ მათთვის სულდგმულობდნენ და მათი სამსახური თითქოს ცხოვრების საბოლოო მიზნად მიაჩნდათ. ერცხვინებოდათ გასცილებოდნენ დიდებულებს, გამოეჩინათ საკუთარი ჰემმარიტი არსი და უსაზღვრო მოწიწების ან სისუსტის შედეგად თავს ილუპავდნენ. ნუთუ ამქვეყნად მოიძებნებიან ისეთი დიდებული დიდებულები, ისე წარჩინებული წარჩინებულნი, რომ მათი ნება-სურვილის შესაბამისად ვცხოვრობდეთ და გვეამდეს და სიცოცხლესაც თავაზიანობის გამო კი არ ვემშვიდობებოდეთ, როგორც გესურს, არამედ ისე, როგორც დიდებულებისთვისაა საამური.

10

მათგან, ვისაც არ ნებავეს ისე იცხოვროს, როგორც სხვები ცხოვრობენ და ემორჩილებოდეს საერთო წესებს, მე მოვითხოვ, ამის დასასაბუთებლად მკაფიო მოსაზრებანი და უტყუარი საფუძვლები ჰქონდეთ და ცხოვრება და მისი კანონები სხვებზე უკეთესად ესმოდეთ.

ნეტავ მენახა ერთი თავშეკავებული, დინჯი, პატიოსანი და სამართლიანი კაცი, რომელიც ბტკიცედ განაცხადებდა, ღმერთი არ არსებობსო. იგი ამას უთუოდ ყოველგვარი ანგარების გარეშე იტყოდა, მაგრამ, რას ვიზამთ, ასეთი ადამიანი არ არსებობს.

ცნობისმოყვარეობა არ მასვენებს, ისე მინდა ვნახო ადამიანი, ვინც ჭეშმარიტად დარწმუნებულია, რომ ღმერთი არ არსებობს. ყოველ შემთხვევაში, იმას მაინც მეტყოდა, ეს აზრი რომ უტყუარი საბუთების წყალობით გამოიმუშავა.

რაკი შეუძლებელია იმის დამტკიცება, რომ ღმერთი არ არსებობს, ამიტომ ვრწმუნდებით, რომ იგი არსებობს.

ღმერთი თვით ასამართლებს და სჯის იმას, ვინც მას შეურაცხყოფს. საკუთარი საქმის მსაჯული თავადვეა, რაც სხვას არ ეპატიებოდა და არც მას, რომ თავადვე არ განასახიერებდეს სამართალსა და ჭეშმარიტებას, ესე იგი, თვით რომ არ იყოს ღმერთი.

მე ვგრძნობ, რომ ღმერთი არსებობს და არ ვგრძნობ, რომ არ არსებობს. ეს ჩემთვის სრულიად საკმარისია და ვინც რა უნდა თქვას ამქვეყნად, არაფრად მიმაჩნია. მე ვასკენი, არის ღმერთი და ეს აზრი თვით ჩემს შინაგან ბუნებაშია ფესვგადგმული. იგი იმდენად ძალდაუტანებლად შევითვისე ბავშვობაში და ისე ბუნებრივად შემომრჩა მოწიფულ ასაკშიც, რომ სიყალბეში ეჭვს ვერ შევიტან, თუმცა ზოგი საწინააღმდეგოდ მსჯელობს. საკითხავია, ამ-

გვარი შეხედულებების მქონე ადამიანები თუ მოიძებნებიან სად-მე, და თუ მოიძებნებიან, ეს მხოლოდ იმის დასტური იქნება, რომ ურჩხულებიც ყოფილან ქვეყანაზე.

16

ათეიზმი არ არსებობს. დიდებულნი, ვისაც ყველაზე მეტად სწამებენ ათეისტობას, მეტისმეტად ზარმაცნი ბრძანდებიან, რომ თავი იმტვირონ, არის თუ არა ღმერთიო. იმდენად დაუდევრები გახლავან, რომ ისევე არაფრად ენაღვლებათ ეს დიდად მნიშვნელოვანი ამოცანა, როგორც საკუთარი სულისა და ჭეშმარიტი რწმენის რაობა. ისინი არც არაფერს უარყოფენ და არც არაფერს ეთანხმებიან: ამაზე სულაც არ ფიქრობენ.

17

მთელს ჩვენს ჯანს, ძალას და ჭკუას ვალევთ სხვებზე ფიქრსა და საკუთარ მცირეოდენ ანგარებასაც კი. ხოლო წესიერება და ჩვევები გვავალდებულებს ღმერთზე მხოლოდ მაშინ ვიფიქროთ, როცა იმდენი ჭკულა გვრჩება, რომ მივხვდეთ, თუ რაოდენ არასაკმარისი გვაქვს იგი.

18

ერთ დიდებულს ჰგონია, გული მიწუხსო და კვდება. მეორეს დღითი დღე ეცლება ძალა და შეუძმნევლად ემშვიდობება სიცოცხლეს. შემადრწუნებელი, მაგრამ უსარგებლო გაკვეთილებია! ესოდენ თვალსაჩინო, ერთმანეთის საწინააღმდეგო გარემოება უყურადღებოდ რჩება და ისევე არვის აღვლევებს, როგორც არაფრად ვაგდებთ დამჭკნარ ყვავილსა და გამხმარ ფოთოლს. ადგილი გათავისუფლდა, აი რა აფორიაქებს ხალხს; დაუყოვნებლივ უნდა გაიგონ, ვინმე თუ დანიშნეს, ან ვინ დანიშნეს.

19

განა ადამიანები ისე კეთილნი, სანდონი, სამართლიანნი არიან,

რომ მათი იმედი გვექონდეს და არ გვეჭირდებოდეს ღმერთი, ვისაც მივმართავთ განსჯისთვის და დახმარებისთვის, როცა ვილაც გვდევნის ან მუხანათურად გვლაღატობს.

20

თავისუფლად მოაზროვნეებს რელიგიის სიდიადე და ელვარება თუ აკრთობთ და აბრმავებთ, მაშინ ძლიერი და თავისუფალნი კი არა, სუსტი და დაბალი სულის პატრონები ყოფილან. პირიქით, თუ გულს უცრუებთ ის, რაც სარწმუნოებაში გულუბრყვილო და კრძალულია, მაშინ მართლაც ძლიერი გონება ჰქონიათ, უფრო ძლიერი, ვიდრე ჰქონდათ ისე განსწავლულ, ისე ამალღებულსა და ამავე დროს მორწმუნე მამაკაცებს, როგორც იყვნენ ლეონები, ბაზილები, იერონიმები და ავგუსტინები.

21

ეკლესიის მამანი, ეკლესიის მოძღვარნი! როგორ ამაყად ჟღერს ეს სახელები და რა მოსაწყენია, რა მშრალი მათი ნაწერები! რა ცივია მათი ღვთისმოსაობა და, ალბათ, მათი სქოლასტიკაც! — ამბობენ ისინი, ვისაც არც წაუკითხავს მათი თხზულებანი. რარიგ გაცდებოდა ის ხალხი, ოდნავი წარმოდგენაც რომ არა აქვს ეკლესიის მამათა მოღვაწეობაზე, თუკი ოდესმე წაიკითხავენ მათ ნაშრომებს, სადაც გაცილებით მეტი ენის დახვეწილობა და მოქნილობა, გამოთქმების ხატოვანება და სილამაზე, გონების სისხარტე და სიღრმე, მსჯელობის საფუძვლიანობა და სიცხადე, თხრობის სიმკვირცხლე, მომხიბვლელობა და ბუნებრივობაა, ვიდრე ჩვენი დროის ყველა იმ წიგნში, რომელსაც გატაცებით კითხულობენ და რომელიც სახელს უხვევს მის ავტორს და პატივმოყვარული გრძნობებითაც აღავსებს. რა ნეტარებაა გწამდეს ღმერთი და იცოდე, რომ შენს რწმენას იზიარებენ, მხარს უჭერენ და განმარტავენ მაღალი სულითა და გონებით დაჯილდოებული ადამიანები! განსაკუთრებით რწმენა იმისა, რომ თავისი ღრმა და უსაზღვრო ცოდნით, უზენაესი და უწმინდესი ფილოსოფიური პრინციპებით, მათი გამოყენებითა და განვრცობით, დასკვნების სიზუს-

ტითა და სიცხადით, მეტყველების კეთილშობილებით, ზნეობისა და გრძნობების სიფაქიზითა და სიმშვენიერით წმიდა ავგუსტინეს მარტოოდენ პლატონი და ციცერონი შეედრებიან.

ადამიანი თავისი ბუნებით მატყუარაა, ჭეშმარიტება მარტივია და უბრყვილო. ადამიანი შელამაზებასა და მორთვა-მოკაზმვას მოითხოვს და ჭეშმარიტებასთან არაფერი ესაქმება. ჭეშმარიტება, ასე რომ ვთქვათ, უკვე სრულქმნილი, მზამზარეულად გვევლინება ციდან, ადამიანს კი თავისი ხელით შეითთხნილი, გამონაგონი და მონაჩმახი რამ უყვარს. აბა შეხედეთ უბრალო ხალხს, გაუთლელობისა და სიბრყვივის წყალობით სულ რაღაცას რომ ჩხირკედელაობს, მიედ-მოედება, ყურმოკრულს რომ გაბერავს და გააზვიადებს. პატროსან კაცს ჰკითხეთ, ყოველთვის თუ ამბობს მართალს, პატივმოყვარეობასა და თავქარიანობას აყოლილს ხანდახან თუ არ წამოსცდება რაღაც მონაჰკორი, და ამბის შესალამაზებლად თუ არ ჩაურთავს ისეთ წვრილმანს, რასაც სინამდვილესთან საერთო არაფერი აქვს. სულ ახლახან, ჩვენს თვალწინ, მოხდა შემთხვევა, რასაც ასი კაცი დაესწრო. თითოეული თავისებურად ჰყვება. მათ მონაყოლს თუ ვინმე მოისმენს, ისიც სხვაგვარად მოჰყვება, შეცვლის და გადააკეთებს. მაშ, როგორღა ვირწმუნო უხსოვარ დროს, მრავალი საუკუნის წინათ მომხდარი ამბები? როგორ ვენდო თვით ყველაზე სერიოზულ ისტორიკოსებსაც კი? ანდა როგორ დავუჩერო ისტორიას? ნუთუ კეისარი სენატში მოკლეს? მართლა თუ იყო კეისარი? — ეს რა უნდობლობაა, — მეტყვით თქვენ, — რა ეჭვებია! რა ურწმუნობა! გაგეცინებათ და პასუხის ღირსადაც აღარ გამხდით. ჩანს, თქვენ მართალი ბრძანდებით. მე მაინც დავუშვებ, რომ წიგნი, სადაც მოხსენებულია კეისარი, ბუნებით მატყუარა კაცის მიერ დაწერილი საერო თხზულება არ არის და შემთხვევით ნაპოვნო არ გახლავთ ბიბლიოთეკებში სხვა ხელნაწერებს შორის, რომლებიც მოგვითხრობენ ნამდვილსაცა და აპოკრიფულ ამბებსაც. დიახ, დავუშვებ, ეს წიგნი ღვთაებრივია და ზეციური, რაზედაც ის მიანიშნებს, რომ თითქმის ორი ათასი წელია ადამიანთა ხელში ტრიალებს და ყველა ვით წმიდათაწმიდას ისე უფრთხილდება, თვა-

ლისჩინივით უვლის; ჯერ არავის გაუბედავს მასში ერთი ასოს შესწორებაც კი. თვით ეკლესიაც ყველას დაუმოდლვრებს, უყოყმანოდ იწამონ ყოველივე, რაც ამ წიგნში მონათხრობია კეისრისა და მისი დიქტატურის შესახებ. გულახდილად აღიარეთ, ლუსილ, ამ შემთხვევაში თუ ირწმუნებთ, ნამდვილად არსებობს კეისარი?

23

არავითარი მუსიკა ღირსი არაა ღმერთს ხოტბას ასხამდეს და მის ტაძარში ჟღერდეს. არც ერთ ფილოსოფიას არ შესწევს უნარი ისე ამალდეს, რომ იმსჯელოს ღმერთზე, მის ყოვლისშემძლეობაზე, მის ღიად ქმედებებსა და წმიდა საიდუმლოებებზე. რამდენადაც უფრო მეტად დახვეწილია და განყენებული ფილოსოფია, იმდენად უფრო უსუსურია და უმწეო, და არ ძალუძს ახსნას საგნები, რისი განსაზღვრულ წერტილამდე შეცნობაც ადამიანისგან მოითხოვს მხოლოდ გულუბრყვილობას, ხოლო ამ საზღვარს იქით ადამიანის გონებისთვის სრულიად მიუღწეველია. თუ იგი მოიხურავებს გონებით მიწვდეს ღვთის საიდუმლოებას, მის სრულქმნილებას, გავბედავ და ვიტყვი, მის ქმედებებს, ეს იმას ნიშნავს, რომ წინ გაუსწროს ძველ ფილოსოფოსთ, მოციქულებს. ეკლესიის პირველ მამათ, დიდხანს რუდუნებით ეძიოს წყარო ჭეშმარიტებისა და ამოდ დაშვრეს. უკუაგდებთ თუ არა ისეთ თვისებებს, როგორცაა სიკეთე, გულმოწყალება, სამართლიანობა და ყოვლისშემძლეობა, რაიც ესოდენ მაღალსა და სიკვარულით აღსავსე წარმოდგენას გვიქმნის უფალზე, რაც უნდ ძალა დაატანოთ შთაგონებას, მაინც მშრალი, უნაყოფო, აზრდაცლილი ცნებები შეგარჩებათ ხელში და გონებაც აღივსება ფუჭი, გადაპრანჭული და დახვლარჯნილი იდეებით. შეიქრები ამ ახალ მეტაფიზიკაში და ნელ-ნელა დაკარგავ რწმენას.

24

რა უკიდურესობაში არ ვარდებიან ადამიანები რელიგიის გამო, რაიც თითქმის არ სწამთ და რასაც აგრე უგულოდ ემსახურებიან.

სწორედ იმ რელიგიას, რასაც ადამიანები აგრე მგზნებარედ იცავენ სხვა რწმენის ხალხისგან, თვითონვე რყვნიან. საკუთარი მოსაზრებებისა და გემოვნების მიხედვით უმატებენ ან აკლებენ ხშირად არსებით ათას წვრილმანს და მტკიცედ და განუხრელად მისდევენ ამ შეთითხნილ ფორმას. ამგვარად, ზოგადად თუ ვიტყვით, ერს ერთი რწმენა აქვს, ერთი რელიგია, მაგრამ უფრო ზუსტად თუ გამოვთქვამთ, ერს მრავალი რელიგია აქვს, რაკი ყოველ ადამიანს საკუთარი სარწმუნოება შეუქმნია.

სამეფო კარზე, სხვადასხვა დროს, ორგვარი ადამიანები ყველანაირად და ბატონობენ: ურწმუნონი და ფარისევლები. ერთნი გულახდილნი არიან, მხიარულნი, უბრალონი და პირდაპირნი; მეორენი -- ცბიერნი, გაქნილნი და მუზმუზელები, თანაც, პირველებთან შედარებით, ასჯერ მეტად დახარბებულნი ბრძანდებიან მოწყალეზაზე და დღენიდაგ მის მიღებას ცდილობენ. იღვწიან, რამენაირად განუყოფლად დაეუფლნენ ძლიერთა ამა სოფლისათა წყალობას, თავის ნებაზე გამოიყენონ, ერთმანეთს შორის გაინაწილონ და ახლოს არეინ გააკარონ. ჩინები, თანამდებობები, წოდებები, ბენეფიციუმები, პენსიები, ყოველგვარი პატივი მათთვისაა განკუთვნილი, მხოლოდ და მხოლოდ მათთვის. სხვები კი ამის ღირსნი არ გახლავან და თუ გაბედავენ იმედი იქონიონ, თავხედებად ჩაითვლებიან. გაგახსენებთ ერთ მაგალითს: მეჭლისზე ნიღბოსანთა ერთი ჯგუფი შემოდის. ერთმანეთს ხელს ჩაავლებენ და ცეკვავენ. აცეკვებენ ერთმანეთს. ცეკვავენ, კიდევ ცეკვავენ, არვის აბამენ თავიანთ ფერხულში, არვის უწვდიან ხელს, ვინც უნდა იყოს, თუნდაც უაღრესად ღირსი მათი ყურადღებისა. საზოგადოებას მოთმინება ეკარგება, ბეზრდება უყუროს ცეკვას და თვითონ არ იცეკვოს. ზოგი უკმაყოფილოდ ბუტბუტებს. უფრო კეთილგონიერნი უმაღლა გადაწყვეტილებას იღებენ და მიდიან.

არსებობენ ორნაირი ურწმუნონი: ერთნი, ესე თუ ისე, თავიანთ თავს ურწმუნოებად თვლიან; მეორენი კი თვალთმაქცინი ანუ

ცრულვთისმოსავნი არიან და ეშინიათ ურწმუნოდ არვინ ჩათვალოს. ამ მხრივ, ეს უკანასკნელნი უფრო საშიშნი არიან.

ცრუ ღვთისმოსავს ან არ სწამს ღმერთი, ან დასცინის მას. ჩვენ თავაზიანად ვიტყოდით, მას არ სწამს ღმერთი.

28

რელიგია თუ მოწიწებული შიშია ღვთაებისადმი, რა უნდა ვიფიქროთ იმათზე, ვინც კადნიერდება და შეუურაცხოფს მის მიწიერ განსახიერებას — მეფეს?

29

ჩვენთვის რომ ეთქვათ, სიამელი ელჩი საიდუმლო მისიით ჩამოვიდა და დავალებული აქვს ჩვენს უქრისტიანეს მეფეს უარი ათქმევინოს ქრისტიანულ რელიგიაზე და თავის სამეფოში შემოღუშვას ტალაპუანები, რომლებიც ჩვენს სახლებში შემოძვრებიან, რათა წიგნებითა და ოქროპირობით თავიანთ რწმენაზე მოაქციონ ჩვენი ცოლები, შვილები და თვით ჩვენც, შუა ქალაქში აღმართონ პაგოდები და ზედ გამოაწყონ ლითონის კერპები, რაც ჩვენი სალოცავი უნდა გახდეს, განა დაცინვითა და ზიზლით არ შეხვდებოდით ამ ახირებულსა და უცნაურ სიახლეს? ჩვენ კი ზღვაზე ექვსი ათას ლიეს გადავსერავთ ხოლმე, რათა ინდოეთის, სიამის, ჩინეთის და იაპონიის სამეფოთა ბინადარნი ქრისტიანებად მოვაქციოთ. ჩვენ სრულიად სერიოზულად ვთავაზობთ ამ ხალხებს ისეთ რამეს, რაც მათ უაღრესად უაზროდა და უგუნურად უნდა მოეჩვენოთ და მაინც ითმენენ ჩვენ ბერებსა და მღვდლებს, ხანდახან უსმენენ კიდევ, ნებას რთავენ ეკლესიები აიშენონ და თავიანთი მისია შეასრულონ. რით აიხსნება ასეთი განსხვავება ჩვენ შორის? იქნებ ქეშმარიტების ძლევამოსილებით?

30

ყველას განურჩევლად არ ხამს ქველმოქმედება, თავის კარზე თავმოყრა ქალაქის მათხოვრებისა და მათთვის მოწყალების გაცემა.

განა რომელმა ჩვენთაგანმა არ იცის, ზოგს რამდენი გაჭირვება დასტეხია თავს; ისა სჯობს დაუყოვნებლივ დავეხმაროთ მას ან უშუალოდ ჩვენ, ანდა ვინმესთან გავუწიოთ შუამდგომლობა. არც ყველას ხამს ავიდეს საეკლესიო მერჯზე და იქიდან გამოაფრქვიოს დამრიგებლური და კანონმდებლური სიტყვები ღვთისა. მაგრამ ვინ არ წააწყდება ურწმუნოს, ვისაც სათნო და გულისხმიერა საუბრით უნდა წარუძღვეთ ქვეშაობის ნეტარ გზაზე. დათუ ერთ კაცს მაინც მოვევლინები მოციქულად და ქრისტიანობისკენ მოაქცევ, უნდა იცოდეს, რომ ტყუილად არ გივლია მიწაზე და არც ზედმეტი ბარგი ყოფილხარ მისი.

31

არსებობს ორი ქვეყანა: ერთში ცოტა ხანს ვცხოვრობთ და ვტოვებთ ისე, რომ უკან დაბრუნება აღარ გვიწერია. მეორე კი სამარადისო სამყოფელია ჩვენი. პირველ ქვეყანაში გვჭირდება დიდთა მოწყალება, ძალაუფლება, მეგობრობა, სახელი, სიმდიდრე; მეორეში — ზიზღი ყოველივე ამისადმი. აირჩიეთ, რომელიც გენებოთ.

32

ვისაც მხოლოდ ერთ ღღეს უცხოვრია, უცხოვრია ერთ საუკუნეს. ყოველივე უცვლელია: მზე, მიწა, სამყარო, შეგარძნებები. ღღევანდელი ღღე ხვალისდელსა ჰგავს. სიკვდილმა შესაძლებელია ერთგვარად ცნობისმოყვარეობა აღგვიძრას, რამეთუ მას შემდეგ აღარ ვიქნებით ხორცი და ვიქნებით სული. მიუხედავად იმისა, რომ ადამიანი სიახლის მოტრფიალეთ, ამ საკითხში ცნობისმოყვარეობას არ იჩენს. ბუნებით მოუსვენარიც არის, ყველაფერი მალე ბეზრდება, მაგრამ სიცოცხლე არასოდეს. ადვილი შესაძლებელია სამარადისო არსებობაზეც სიამოვნებით დათანხმებულიყო. რასაც ხედავს, უფრო მძაფრად აღიქვამს, ვიდრე იმას, რაც იცის სიკვდილის შესახებ. სნეულება, ტკივილი, ცხედარი სურვილს უქრობს შეიცნოს საიქიო და საქიროა ღრმა რწმენა ღვთისადმი, რათა მორჩილად დაჰყვეს მის ნებას.

უფალს ჩვენთვის ნება რომ მოეცა აგვერჩია სიკვდილი ან მარადიული სიცოცხლე, ღრმად ჩაუფიქრდებოდით, რაკი ეს ნიშნავდა არასოდეს გვეხილა სილატაკის, მონობის, მოწყენილობის, ავადმყოფობის დასასრული, ანდა განგვეცადა სიტკბოება სიმდიდრისა, განდიდებისა, სიამოვნებისა და სიჯანსაღისა მხოლოდ იმიტომ, რომ ჟამთა მსვლელობაში ყოველივე ეს გარდუვალად შეცვლილიყო საწინააღმდეგო მდგომარეობით და ამგვარად სიხარულისა და მწუხარების საბურთაოდ გავმხდარიყავით. და როცა ამას წარმოვიდგენთ, ადვილად ვეღარ ავირჩევთ. ბუნება ამ ტვირთს კისრულობს და ჩვენს ბედს თავადვე წყვეტს, რამეთუ ყველას სიკვდილის შვილებად გვხდის. ხოლო სიკვდილს რელიგია გვიმსუბუქებს.

ჩვენი რელიგია ყალბი რომ ყოფილიყო, მაშინ იქნებოდა მოხერხებულად დაგებული მახე, რასაც ისე ვერ აუვლიდი გვერდს, თუ შიგ არ გაეხმებოდი. რა დიდებული და ამაღლებულია მისი საიდუმლოებანი! რა თანმიმდევრული და დამაჯერებელია მისი მოძღვრება! რა წარმტაცია მისი იდეა! რა კდებმა, რა უმანკოება გამოსკვივის იმ სათნოებაში, რასაც იგი ქადაგებს! რა მტკიცეა და სარწმუნო მისი ძლევაგმოსილების დამადასტურებელი საბუთები, რასაც მთელი სამი საუკუნის განმავლობაში თანმიმდევრულად გვიმოწმებდა ამქვეყნად ყველაზე ბრძენი და კეთილგონიერი ათასობით ადამიანი, რომელთაც ერთი და იგივე ჭეშმარიტების რწმენა ძალას მატებდა გაეძლოთ სამშობლოდან განდევნის, ბორკილების, სიკვდილისთვის თვალის გასწორებისა და დასჯის უკანასკნელი წამისათვის. გადაფურცლეთ ისტორია გაიხსენეთ სამყაროს შექმნა, თუნდაც შექმნის წინა პერიოდი, განა რაიმე ამის მსგავსს წააწყდებით? ნეტა ღმერთი თუ შეძლებს რაიმეთი დამამშვიდოს? სად გავძვრე? საით გავიქცე, რა გზას დავადგე, რომ ვიპოვო; უკეთესს არ ვჩივი, რაღაც ისეთი, რაც ოღნავ მაინც უახლოვდება იმას, საითაც ვისწრაფი. დალუპვა თუ მიწერია, დე, იქ დავიღუპო. მირჩვენია განვუდგე ღმერთს, ვიდრე შევეგუო ამ თითლიბაზურსა და გაიძვე-

რულ ტყუილს. მაგრამ ყველაფერს ჩავუკვირდი და დავრწმუნდი, ვერ გავხდები ათეისტი; მაშასადამე, დაუბრუნდი რელიგიას ჩემსას, მორჩა, გათავდა, აღარ ვეკამათები მას.

35

რელიგია ან ჭეშმარიტია, ან ცრუ. თუ იგი მონაჩმანია მხოლოდ, მაშინ პატიოსან კაცს, ბერსა თუ განდევნილს ამოდ დაუკარგავთ სამოცი წელი, ეს არის და ეს, სხვა აღარავითარი განსაცდელი აღარ მოელოთ. მაგრამ თუ იგი ჭეშმარიტებაზე დაფუძნებული, მაშინ რა შემზარავი უბედურება დატყდომია თავს მანკიერ ადამიანს. უბრალოდ გაფიქრება იმ წამებისა, რასაც იგი უმზადებს თავის თავს, თავზარსა მცემს; გონებას არ ძალუძს ჩასწვდეს, ენა ვერ გამოთქვამს. ამგვარად, რომც დაეუშვათ, თითქოს რელიგია ნაკლებად ჭეშმარიტია, ვიდრე ეს მთელ ქვეყანას წარმოუდგენია, ადამიანს უკეთესი გზა მაინც არ გააჩნია, რაიც არის გზა სიკეთისა და სათნოებისა.

36

არ ვიცი ღირს თუ არა ღმერთის არსებობა დავუმტკიცო იმას, ვინც კადნიერდება და უარყოფს მას. განა იმაზე მეტს იმსახურებენ, რაც წინამდებარე თავში დავუთმე. მათი ყველაზე დამახასიათებელი თვისება, უვიცობა, ართმევთ უნარს, შეიგნონ ცხადზე უცხადესი მოსაზრებანი და უალრესად თანმიმდევრული მსჯელობა. მე მაინც თანახმა ვარ, წაიკითხონ ისიც, რაც ქვემოთ წერია, ოღონდ ნუ ეგონებათ, თითქოსდა ესოდენ შუქმოსილ ჭეშმარიტებაზე ამის მეტი არაფრის თქმა არ შეიძლებოდა.

ორმოცი წლის წინათ არ ვარსებობდი და არც შემწევდა ძალა, საკუთარი თავი წარმომეშვა; მსგავსად ამისა, რაკი ვარსებობ ახლა, არ შემიძლია აღარ ვიყო. მაშასადამე, მე დავიწყე და განვაგრძობ არსებობას რაღაც იმ მაღლის წყალობით, რაც ჩემს გარეთაა, რაც გაგრძელდება ჩემ შემდეგ და რაიც ჩემზე უკეთესია და ჩემზე ძლიერი, და თუ ეს რაღაცა არ არის ღმერთი, მითხარი, მაშ რა არის იგი.

დაეუშვათ, ჩემი არსებობა დამოკიდებულია ყოვლისმომცვე-

ლი ბუნების ძალებზე, ბუნებისა, რომელიც ყოველთვის ისეთი იყო, როგორსაც მას ახლა ვხედავთ და ასეთივე იყო უხსოვარ დროსაც¹. მაგრამ ბუნება შესაძლებელია არის სული, მაშინ ღმერთი ყოფილა, ან არის მატერია და, მაშასადამე, მას ძალუძს შექმნას სული. იქნებ იგი შერწყმა მატერიისა და სულის; ამ შემთხვევაში ბუნებაში სულის საწყისს მე ვუწოდებ ღმერთს.

დაეუშვათ ისიც, რომ ის, რასაც მე სულს ვეძახი, მატერიის ნაწილია მხოლოდ და არსებობს ყოვლისმომცველი ბუნების ძალთა წყალობით, ხოლო თვით ბუნებაც არის მატერია, რაც ყოველთვის იყო და იქნება ისეთი, როგორსაც ჩვენ ვხედავთ და რაც არის ღმერთი². კეთილი და პატიოსანი, მაგრამ იმაზე ხომ დამეთანხმებით, რომ ის, რასაც მე ვუწოდებ სულს, რაც უნდა იყოს რაღაც, რაც ფიქრობს და თუ იგი მატერიაა, უთუოდ ისეთი მატერიაა, რომელიც ფიქრობს, რამეთუ ვერვინ დამარწმუნებს, თითქოსდა ჩემში არ იყოს ის, რაც ფიქრობს აი ახლა, როცა გადმოვცემ წინამდებარე მოსაზრებებს. ამგვარად, ის, რაც ჩემში არის და ფიქრობს, თავისი წარმოშობით და არსებობით დავალებულია ყოვლისმომცველი ბუნებისგან, რაიც ყოველთვის იყო და იქნება და რომელსაც ის რაღაც თვლის თავის პირველწყაროდ. მაშინ სრულიად აუცილებელია, რომ ყოვლისმომცველი ბუნება ან თვითონ უნდა ფიქრობდეს, ან უნდა იყოს უფრო ამალღებული და სრულქმნილი, ვიდრე ის, რაც ფიქრობს. და თუ ამგვარად მოწესრიგებული ბუნება არის მატერია, მაშინ შეგვიძლია დავასკვნათ, რომ ყოვლისმომცველი მატერია ან თვითონ ფიქრობს, ანდა უფრო ამალღებულია და სრულქმნილი, ვიდრე ის, რაც ფიქრობს.

განვავაგრძობ: მატერია, როგორც ჩვენ დაეუშვით, თუ ქიმერა არ არის და ნამდვილად არსებობს, არ შეიძლება ჩვენი გრძნობებისთვის მთლად მიუდგომელი იყოს. თვითონ თავისთავად თუ არ გადაიშლება ჩვენს თვალწინ, მაინც აღვიქვამთ მისი ნაწილების მრავალგვარი შეთავსების შედეგად, რაკი ისინი ქმნიან სხეულებს და განსხვავებას მათ შორის. მაშასადამე, ეს სხვადასხვაგვარი სხეულები არის თვით მატერია. რამეთუ ჩვენი დაშვების მიხედვით, ეს

¹ ურწმუნოთა დებულება.

² ურწმუნოთა დასაბუთება.

არის მატერია, რომელიც ფიქრობს ან მალა დგას იმაზე, რაც ფიქრობს, აქედან გამომდინარე, რაკი იგი ასეთია ზოგიერთ სხეულში, ასეთივე უნდა იყოს ყველა სხეულში; მაშ იგი ფიქრობს ქვაში, ლითონში, ზღვაში, მიწაში, თვით ჩემში, რაკი მეც სხეული ვარ და ყველაფერში, რაც მის შემადგენელ ნაწილს წარმოადგენს. და აი, ამ ყოვლად მიწიერ, ესოდენ ხორციელ და ესოდენ ტლანქ სხეულთა თავმოყრას, რაიც შეადგენს ყოვლისმომცველ მატერიას ანუ ხილულ სამყაროს, ვუმაღლოდე უნდა იმ რადაცას, რაც არის ჩემში, რაც ფიქრობს და რასაც მე ვუწოდებ სულს. ეს ხომ აბსურდია.

და თუ პირიქით, ეს ყოვლისმომცველი ბუნება, რაც უნდა იყოს იგი, არ შეიძლება იყოს არც ამ სხეულთა თავმოყრა და არც ცალკეული სხეული, აქედან გამომდინარე, იგი არ ყოფილა მატერია და მას ვერ აღიქვამს ჩვენი ვერც ერთი გრძნობა. ამასთან ერთად, თუ იგი ფიქრობს, და უფრო სრულქმნილია ვიდრე ის, რაც ფიქრობს, მე ისევე ვასკვნი, რომ იგი არის სული ანდა სულზე უფრო უკეთესი და სრულყოფილი რამ; და თუ ის, რაც ჩემში ფიქრობს და რასაც მე სულს ვუწოდებ, ვერ პოულობს თავის დასაბამსა და პირველწყაროს ვერც საკუთარ თავში და როგორც უკვე დამტკიცდა, ვერც მატერიაში, მას უნდა ეძიებდეს ყოვლისმომცველ ბუნებაში, ხოლო მე სახელწოდებებზე უკვე აღარ დავიწყებ დავას; გარნა ყოველგვარი სულის ეს პირველი წყარო, რაიცაა თვით სული, ყველა სულზე მეტად ამაღლებული და მშვენიერი სული გახლავთ და მე მას ვუწოდებ ღმერთს.

ერთი სიტყვით, მე ვფიქრობ, მაშასადამე, ღმერთი არსებობს. რამეთუ იმით, რაც ფიქრობს ჩემში, არავითარ შემთხვევაში არ ვარ დავალებული საკუთარი თავისადმი, ვინაიდან მე არ ძალმიძდა ჩემთვის იგი მიმეცა თავდაპირველად, და არც ახლა შემიძლია შევინარჩუნო იგი ერთი წუთითაც კი. არც დავალებული ვარ იმ არსებისგან, რომელიც იდგება ჩემზე დაბლა და იქნება მატერიალური, რაკი შეუძლებელია მატერია იდგეს იმაზე მაღლა, რაც ფიქრობს. ასე და ამგვარად, მე დავალებული ვარ იმ არსებისგან, რომელიც ჩემზე მაღლა დგას და არ არის მატერია; — იგი ღმერთია.

რაკი ყოვლისმომცველი და მოაზროვნე ბუნება გამორიცხავს მასში ყოველგვარი მატერიალურის არსებობას, შეიძლება გამოვიტანოთ დასკვნა, რომ ყოველი არსება, რომელიც ფიქრობს, არ შეიძლება შეიცავდეს მატერიის ნაწილაკსაც კი. თუმცა ყოვლისმომცველი მოაზროვნე არსება თავის თავში მოიცავს უსაზღვროდ მეტსიდიადეს, ძალას, თავისუფალ ნებას და გონებას, ვიდრე ცალკეული მოაზროვნე არსება, საკუთარ თავში მაინც არ გამორიცხავს უფრო მეტი სისავსით მატერიალურ საწყისს, ვიდრე ცალკეული მოაზროვნე არსება, რამეთუ ერთშიცა და მეორეშიაც ამ გამორიცხვის ხარისხი უსასრულოდ დიდია და ისევე შეუძლებელია ის, რაც ჩემში ფიქრობს, იყოს მატერიალური, როგორც შეუძლებელია ღმერთი იყოს მატერიალური: მაშასადამე, რაკი ღმერთი არის სული, ჩემი სულიც სულიერია.

არ ვიცი ძალს აქვს თუ არა უნარი აირჩიოს, დაიხსომოს, უყვარდეს, ეშინოდეს, წარმოიდგინოს, იფიქროს. როცა მეუბნებიან, რომ მისი მოქმედება არ გამომდინარეობს არც მისი ვნებებიდან, არც გრძნობებიდან და ბუნებრივია, აუცილებელი შედეგია მისი ორგანიზმის აგებულებისა, რასაც განაპირობებს მატერიის ნაწილაკების სხვადასხვაგვარი განლაგება, შემოიძლია დავეთანხმო ასეთ მოსაზრებას. მაგრამ მე ვფიქრობ, დარწმუნებული ვარ, რომ ვფიქრობ და რა საერთო აქვს ჩემს ფიქრებთან მატერიის ნაწილაკების ასეთსა თუ ისეთ მოწესრიგებას, ესე იგი, მათ განლაგებას სივრცეში, რომელსაც აქვს სამი განზომილება: სიგრძე, სიგანე და სიღრმე და რომელიც განყოფილია ყველა ამ განზომილებაზე.

დაეუშვათ ყოველივე მატერიალურია და ჩემი თუ სხვათა აზრი არის მარტოდენ შედეგი მატერიის ნაწილაკების განსაკუთრებული განლაგებისა. მაშ ვინლა შემოიტანა სამყაროში მატერიალურისგან აგრე რიგად დაცილებული იდეები? განა შესაძლებელია, რომ მატერია თავის არსში მოიცავდეს ისე სპეტაკ, ისე უბრალო

და არამატერიალურ იდეას, როგორიც არის სული? როგორ წარმოშობს იგი ისეთ რამეს, რაც უარყოფს და გამორიცხავს თვით მას? როგორ შეიძლება იგი იყოს აზროვნების საწყისი ადამიანში, თუკი სწორედ ეს საწყისი არის დასტური იმისა, რომ ადამიანი არ არის მატერიალური?

40

ზოგი არსება ცოტა ხანს ცოცხლობს, რადგან შედგება მეტად განსხვავებული და ერთმანეთთან შეუთავსებელი ნაწილებისგან. ზოგი კი მეტხანს ცოცხლობს, რადგან უფრო მარტივია, მაგრამ ბოლოს მაინც კვდება, რაკი მისი სხეული ნაწილებისა და მიხედვით იყოფა. ის, რაც ჩემში ფიქრობს, დიდხანს უნდა არსებობდეს, რადგან სუფთაა, ერთგვაროვანი, თავისუფალი ყოველგვარი მინარევისგან და არავითარი საფუძველი არ არსებობს მისდა დასაღუპად. შეუძლებელია შეილაზოს და დანაწევრდეს მარტივი არსება, რომელსაც ცალკეული ნაწილაკები არ გააჩნია.

41

სული ფერს მხედველობის ორგანოდან ხედავს, ბგერას სმენის ორგანოდან ისმენს; მას შეუძლია ველარც დაინახოს, ველარც მოისმინოს, თუ უღალატებს ეს ორგანოები ან გაქრება აღსაქმელი საგნები, მაგრამ თვით არ შეწყვეტს არსებობას, რამეთუ არ არის ის, რაც ხედავს ფერს, ან რაც ისმენს ბგერებს. იგი არის მხოლოდ ის, რაც ფიქრობს. მაშ, როგორ შეძლებს არ იყოს ის, რაც არის? რაკი იგი არამატერიალურია, ვერც ორგანოების, ვერც საგნების ჩამოცილება ვერაფერს დააკლებს მას, სანამ არსებობს ღმერთი და მარადიული ჭეშმარიტებანი; მაშასადამე სული უხრწნელია.

42

ვერ წარმომიდგენია როგორ უნდა იავარიყოს სული, რომელსაც ღმერთმა შთააგონა რწმენა მისი არსების უსასრულობისა და სრულქმნილებისადმი.

შეხედეთ, ლუსილ, მიწის ამ ნაკვეთს, რამდენად უფრო მოვლილია და გამშვენებული, ვიდრე მომიჯნავე მამულები. აქ მოლს ტბა და შადრევნები აძლევს ლაზატს, იქ, თვალუწვდენელი ჭეივანია, რასაც გვერდით ცოცხალი ღობე ჩაუყვება და ჩრდილოეთის ქარისგან გვიცავს; ერთ მხარეს შემორტყმია ხშირი წარაფი, სადაც პაპანაქება სიცხეშიც გრილა; მეორე მხარეს კი თქვენს წინ თვალწარმტაცი ხედი იშლება. სულ ქვემოთ მიედინება ივეტი თუ ლინიონი, უწინ ძეწნებსა და ტირიფებს ქვეშ რომ იმალებოდა და ახლა ქვის კალაპოტში ჩაუსვამთ. ნაკადულს იქით, დაბლობისკენ, უსასრულოდ მიჰყვება დაჩრდილული ბილიკები, რომელთაც შადრევნებით გარშემორტყმული სახლისკენ მივყავართ.—რა შესანიშნავი დამთხვევაა! — შესძახებთ თქვენ, — რამდენ სილამაზეს მოუყრია აქ შემთხვევით თავი? არა, თქვენ აგრე კი არა, რა თქმა უნდა, პირიქით იტყვით, რა ყარგად მოუფიქრებიათ, რა გონიერულად და დიდი გემოვნებით მოუწყვიათო. მეც კვერს დაგიკრავთ და დავძენ, აქ ალბათ, ცხოვრობს ერთ-ერთი იმათგანი, ვინც სადმე დასახლდება თუ არა, იმ დღესვე უხმობს ვინმე ლე ნოტრს, რათა მან დაუხაზოს და დაუგეგმოს ბალი. მაგრამ რა არის მიწის ეს პაწაწკინტელა ნაგლეჯი, რისი გაკოხტავებისთვისაც მარჯვე ოსტატს არაფერი დაუშურებია, რა ფასი აქვს მას, როცა თვით მიწაც კი პაერში ჩამოკიდული ატომია? მომისმინეთ, რასაც გეტყვით.

ლუსილ, თქვენ ამ ატომზე იმყოფებით და ძალიან პატარა ადგილი გიჭირავთ. მაშასადამე, თქვენ ძალიან პატარა ხართ და გაქვთ ორი თვალი, ორი, ძლივს შესამჩნევი წერტილი. მიაპყართ ისინი ზეცას და რას დაინახავთ იქ! სავსე მთვარეს? ამ დროს დიდებულია იგი, კაშკაშა, თუმცა მისი ელვარება მზის შუქის ანარეკლია. მზესავით დიდი ჩანს, პლანეტებზე დიდი, ხოლო ვარსკვლავებზე ღომ აღარც ღირს ლაპარაკი. მაგრამ ნუ მოგატყუებთ თვალი. ციურ სხეულებში ყველაზე პატარაა მთვარე. მისი ზედაპირი ცამეტჯერ ნაკლებია მიწის ზედაპირზე, მოცულობა ორმოცდარვაჯერ ნაკლები, ხოლო დიამეტრი, რაც შვიდას ორმოცდაათ ლიეს უდრის, ოთხჯერ ნაკლებია. აგრე დიდი იმიტომ გეჩვენებათ, რომ ძალიან ახლოა ჩვენთან; ჩვენ შორის მანძილი უდრის დედამიწის დიამეტრს ოცდაათზე გა-

დამრავლებულს, რაც ასი ათასი ლიეა მხოლოდ. მთვარის მიერ გავლილი მანძილი სრულიად უმნიშვნელოა შედარებით იმ ვეებერთელა წრესთან, რასაც ცის სივრცეში მზე შემოხაზავს. რაკი ცნობილია, რომ ძვიარე ღღეში მხოლოდ ხუთას ორმოცი ათას ლიეს გადის, რაც საათში ოცდაორი ათას ხუთასი, ხოლო წამში სამას სამოცდათხუთმეტი ლიეა, ამ მანძილის დასაფარად მისი სიჩქარე ხუთი ათას ექვსასჯერ უნდა აღემატებოდეს საფოსტო ცხენის სიჩქარეს, რაც საათში ოაზ ლიეს უდრის და ოთხმოცჯერ აღემატებოდეს ბვერის, ხმაურის სიჩქარეს; თუნდაც, მაგალითად ქვემეხის გასროლას ან ჭექა-ქუხილს, რაიც საათში ორას სამოცდაჩვიდმეტ ლიეს ფარავს.

რაც შეეხება მთვარისა და მზის მოცულობას, მათ სიჩქარესა და ჩვენგან დაცილების მანძილს, მათი შედარებაც კი წარმოუდგენელია. ახლავე დაგარწმუნებთ: გაიხსენეთ დედამიწის დიამეტრი, — სამი ათასი ლიე. მზის დიამეტრი ასჯერ მეტია, მაშასადამე, სამასი ათას მილს უდრის. ასეთივეა მისი სიგრძეცა და სიგანეც. როგორი იქნება მისი ზედაპირი! რა უზარმაზარი და თვალუწვედენელი, როცა ერთი მილიონი ჩვენი მიწისნაირი სხეული რომ გაერთიანდეს, მაინც ვერ გაუტოლდება მზეს. თქვენ იტყვიან, რამდენად შორს უნდა იყოს, ასეთი პატარა რომ მოჩანსო. მართალი ბრძანდებით, ზღაპრულად შორსაა. დამტკიცებულია, რომ მიწიდან მზემდე არ შეიძლება იყოს მიწის ათი ათას დიამეტრზე ნაკლები, ანუ ოცდაათ მილიონ ლიეზე ნაკლები. შესაძლოა ოთხჯერ, ექვსჯერ, ათჯერაც უფრო შორს იყოს. უძლურნი ვართ გავზომოთ ეს მანძილი.

ცოტა მაინც თვალსაჩინო რომ იყოს, წარმოვიდგინოთ, მზიდან წისქვილის დოლაბი ისეთი სისწრაფით ეშვება, რამდენიც შესაძლებელია და რაც აღემატება დიდი სიმაღლიდან ვარდნილი სხეულის სისწრაფეს. დაუშვათ, მუდმივად ინარჩუნებს ამ სისწრაფეს, არც იმატებს, არც იკლებს, წამში გადის თხუთმეტ ტუაზს, რაც ეფარდება ყველაზე მაღალი კოშკის სიმაღლის ნახევარს, ანუ ცხრაას ტუაზს წუთში. ანგარიშის გასაადვილებლად დავამრგვალოთ ათას ტუაზად. ათასი ტუაზი ნახევარი ლიეა. ამგვარად, დოლაბი ორ წუთში გაივლის ერთ ლიეს, ერთ საათში — ოცდაათს, ერთ დღე-ღამეში შვიდას ოც ლიეს. მიწამდე ოცდაათი მილიონი ტუაზი აქვს გასავლელი. მაშასადამე, მის ვარდნას მოუნდება ორმოცდა-

ერთი ათას ექვსას სამოცდაექვსი დღე, რაც ას თოთხმეტ წელზე მეტს უდრის. ნუ შეშინდებით, ლუსილ, მომისმინეთ. მიწიდან სატურნამდე ათჯერ მაინც მეტი მანძილია, ვიდრე მიწიდან მზემდე, ესე იგი, სამას მილიონ ლიეზე ნაკლები არ იქნება და ქვას დასჭირდება ათას ასორმოც წელზე მეტი, სანამ მიწაზე ჩამოვარდებოდეს.

რაკი აგრე მალაა სატურნი, თუკი შეგიძლიათ, ძალა დაატანეთ თქვენს ფანტაზიას, რათა წარმოიდგინოთ, რაოდენ ვეებერთელაა მანძილი, რასაც იგი ჩვენს თავებს ზემოთ გადაირბენს ყოველ დღე. სატურნის მიერ შემოხაზული წრის დიამეტრი ექვსას მილიონ ლიეზე მეტია, მაშასადამე, მისი წრეწირით ათას რევას მილიონ ლიეს უდრის. ინგლისურ ცხენებს, რომლებიც საათში ათ ლიეს გარბიან, ამ მანძილის დასაფარად ოცი ათას ხუთას ორმოცდარვა წელიწადი დასჭირდებათ.

ჯერ ყველაფერი არ მითქვამს, ლუსილ, ამ ხილული სამყაროს სასწაულზე, ანუ როგორც თქვენ ხანდახან იტყვიან ხოლმე, შემთხვევის საოცარ შედეგებზე, შემთხვევის, რაიც თქვენ ყოველივე არსებულის პირველ და ერთადერთ მიზეზად მიგაჩნიათ. თქვენ არც კი იცით, რაოდენ განსაკვიფრებელი ოსტატია იგი. მომისმინეთ და შეიცანით თქვენი ღვთაების მთელი ძალა და შესაძლებლობა. თუ გაგიგიათ, რომ ოცდაათი მილიონი ლიე მიწასა და მზეს შორის, სამასი მილიონი ლიე მიწასა და სატურნს შორის იმდენად უმნიშვნელო რამაა შედარებით მიწასა და ვარსკვლავებს შორის არსებულ მანძილთან, რომ ვერც კი იპოვით მის გამომხატველ სიტყვებს, შედარებაზე ლაპარაკიც ხომ ზედმეტია. მართლაც, როგორ დაუპირისპირებ იმას, რაც ვეებერთელაზე ვეებერთელაა, მაგრამ გაზომვა მაინც შეიძლება იმასთან, რაც არ გაიზომება. ჩვენ არ ვიცით, რა მანძილთაა ჩვენგან დაშორებული ვარსკვლავი. გაუბედავ და ვიტყვი, ამას ვერ გამოვთვლით, ვერაფერს გვიშველის ვერც კუთხედები, ვერც სინუსები, ვერც პარალაქსები. ერთმა კაცმა პარიზიდან რომ უყუროს უძრავ ვარსკვლავს, მეორემ კი იაპონიიდან და მათ თვალთაგან გაივლოს ორი სწორი ხაზი, რაც ამ მნათობთან გადიკვეთება, მაგრამ არ შეიქმნება კუთხე, ხაზები კი ერთმანეთს შეუერთდება მხოლოდ, რაკი მეტად მცირეა დედამიწის სივრცე ასეთ შორეულ მანძილებთან შეფარდებით, ეს მაგალითი გამოგვადგება მზისა და სატურნის მიმართებაშიც. ვარსკვლავებზე

მეტის თქმა გვმართებს. ორი დამკვირვებელი, ერთი მიწიდან და მეორე მზიდან, ერთსა და იმავე დროს რომ აკვირდებოდეს ვარსკვლავს, მათი თვალთა სხივები ვერ შექმნიდნენ თვალსაჩინო კუთხეს. უფრო გასაგები რომ იყოს, სხვაგვარად განვიმარტავთ: კაცმა ვარსკვლავიდან რომ გადმოიხედოს, ჩვენი მზე, მიწა და მათ შორის ოცდაათი მილიონი ლიეს მანძილი, ერთ წერტილად მოეჩვენება; ეს დამტკიცებული გახლავთ.

ჩვენ არც ის ვიცით, რა მანძილია ერთი ვარსკვლავიდან მეორემდე, რაც უნდ ახლო მდებარე გვეჩვენებოდეს ისინი. დიდადათვის თანავარსკვლავედის კუღზე ორი ვარსკვლავი თითქოს ერთმანეთს აზის, მათ შორის ძლივს ვამჩნევთ ცის პაწაწა ნაფლეთს, ასე გეგონებათ, ტყუპი ვარსკვლავიაო. თუ ასტრონომთა მთელი განსწავლულობა უძლურია დაადგინოს მანძილი მათ შორის, როგორღა გამოითვლიან მანძილს იმ ვარსკვლავებს შორის, რომელთა ურთიერთსიშორე ჩვენი თვალისთვისაც კი შესამჩნევია, აღარაფერს ვიტყვი იმათზე, რომლებიც სრულიად საპირისპირო მხარეს არიან მოქცეულნი. რა თვალუწვდენელი ხაზია ორ პოლუსს შორის გავლებული. რა ვეებერთელა იქნება ის წრე, რომლის დიამეტრიც იქნება ეს ხაზი? უბრალო გართობად უნდა გვეჩვენოს თვალუწვდენელი უფსკრულების აზომვა იმასთან შედარებით, რომ გამოიანგარიშო მოცულობა სფეროსი, რომლის კვეთია ეს ვეებერთელა წრე. და ამის შემდეგ, განა უნდა გაგვიკვირდეს, რომ ესოდენ უკიდველანო სივრცის ვარსკვლავები ნაპერწკლებად გვეჩვენება? თუ პირიქით, საოცრებად უნდა ჩავთვალოთ, ასეთი უსაზღვრო სიმაღლიდან ერთგვარ მოყვანილობას მაინც რომ ინარჩუნებენ და ხილულნი არიან? აგრეთვე წარმოუდგენელია ჩვენთვის, რამდენ ვარსკვლავს სულაც არ წვდება ჩვენი თვალი. დიახ, ჩვენ შეგვიძლია გამოვითვალოთ მნათობთა რიცხვი; მხოლოდ იმ მნათობთა რიცხვი, რომელთაც ვხედავთ. მაგრამ, რომელთაც ვერ ვხედავთ, როგორ გამოვითვლით. როგორ დავითვლით თუნდაც იმათ, ირმის ნახტომში რომ შედიან და ქმნიან ამ ასხივოსნებულ ბილიქს, რაც ჩრდილოეთიდან სამხრეთის მიმართულებით შეიმჩნევა უღრუბლო ღამეს. ისინი ჩვენგან იმდენად შორს არიან, რომ თვალი მათ ცალ-ცალკე კი ვერ ამჩნევს, არამედ მათი ციმციმით გაჩენალ რძისფერ ბილიქს ხედავს იქ, სადაც ეს ვარსკვლავები იმყოფებიან.

მაშ ასე, მე ვდგავარ მიწაზე, როგორც ქვიშის მარცვალზე, რაც არაფერზეა დაყრდნობილი და ჰაერშია ჩამოკიდებული. ამ ქვიშის ირგვლივ, ექვსი ათასზე მეტი წლის განმავლობაში, წარმოუდგენელი და ენით გამოუთქმელი სიდიდის ცეცხლის სფეროთა უსასრულო რიცხვი ჩვენი გონებისათვის მიუწვდომელ სიმაღლეზეა, ცათა უკიდვანო და უსაზღვრო სივრცეებში ტრიალებს და დაქრის. ამაზე მეტი საოცრება რაღა უნდა იყოს? არსებობს არანაკლები სასწაულიც. დიახ, თვით დედამიწაც ენით აუწერელი სისწრაფით ბრუნავს სამყაროს ცენტრის, მზის ირგვლივ. და ყველა სფერო, ყველა ეს გოლიათური სიდიდის სხეულებიც დაუსრულებლივ ტრიალებენ. არსად ზედებიან ერთმანეთს, არ ეჯახებიან, არ უშლიან ხელს. სულ პაწაწინასაც კი გზა რომ აერიოს და მიწას შეხვდეს, რა დაემართება? ნურას უკაცრავად, ყველას თავისი ადგილი აქვს მიჩენილი; ერთხელ და სამუდამოდ დადგენილ წესრიგს ემორჩილებიან და ისე მშვიდად მიჰყვებიან მათთვის განკუთვნილ გზას, რომ არავის სმენას არ სწვდება მათი მოძრაობით გამოწვეული ხმაური, ხოლო უბირ ხალხს მმათი არსებობა არც გაუგია. ო, რა სასწაულებრივი სიფრთხილეა შემთხვევისა! თვით გონებასაც კი არ შეეძლო უკეთესად გაეაზრებინა. ლუსილ, მხოლოდ ერთი რამ მაწუხებს: ეს უზარმაზარი სხეულები ისე ზუსტად, ისე მუდმივად მოძრაობენ და ტრიალებენ, ისე გამოზომილად აწონასწორებენ ერთმანეთს, რომ თვით პაწია ცხოველებმაც კი, რომელნიც მიკარგულები არიან ვეებერთელა სივრცის ერთ კუთხეში, სამყარო რომ ჰქვია სახელად, შეძლეს დაკვირვებოდნენ მათ, გამოეძებნათ საშუალება შეუცდომლად ეწინასწარმეტყველათ თავიანთი გზის რომელ წერტილში იქნებიან ეს მნათობები ორი, ოთხი თუ ოცი ათასი წლის შემდეგ, დღეიდან მოყოლებული. აი ეს არის ჩემი საზრუნავი, ლუსილ. თუ ასეთი ერთხელ და სამუდამოდ დაკანონებული და უცვლელი წესრიგი შემთხვევითობის წყალობითაა შექმნილი, მაშ რაღა ყოფილა წესრიგი? რა არის კანონი? ახლა იმასაც გკითხავთ, რა არის შემთხვევა? სხეულია? სულია? სხვა არსებათაგან განსხვავებული არსებაა, ვისაც განსაკუთრებული ყოფა აქვს შექმნილი და სადღაც იმყოფება? ანდა იქნებ ეს არის სახეობა, ფორმა არსებობისა. როცა ბურთი ქვას დაეჯახება, ვიტყვით, შემთხვევით მოხდაო. მაგრამ ეს შემთხვევა იგივეა რაც ის, აქამდე რომ გვქონ-

და საუბარი? თუ ამავე შემთხვევის წყალობით, ბურთი პირდაპირ აღარ გაგორდება და ცერად წავა, თუ მისი მოძრაობა უშუალო კი არა, გამეშვევებული იქნება, თუ აღარ იმოძრაებს საკუთარი ღერძის ირგვლივ და აქეთ-იქით გორაობას დაიწყებს, შეიძლება გამოვიტანოთ დასკვნა, რომ სწორედ ამ შემთხვევის შედეგად მოძრაობს ბურთი საერთოდ? განა უფრო ბუნებრივი არ იქნება ვიფიქრო, რომ ბურთი ან თავისთავად მოძრაობს ანდა ვილაციის ბიძგმა აამოძრავა-მეთქი? თუ საათის გორგოლაჭები ამა თუ იმ სიჩქარით ერთმანეთს წრიულად ამოძრავებენ, განა ნაკლებ მოვინდომებ გავიგო მიზეზი, გორგოლაჭები თავისთავად მოძრაობენ თუ საათის გირი აძლევთ ბიძგს. მაგრამ არც გორგოლაჭებს, არც ბურთს არ შეუძლია თავიანთი თავი ამოძრაონ, ესე იგი, შინაგანი ბუნების მეშვეობით არ მოძრაობენ, რამდენადაც გაჩერების შემდეგ საკუთარ ბუნებას არ იცვლიან. როგორც ჩანს, მათ ამოძრავებს მათთვის უცხო, გარეგანი ძალა. და თუ ციური სხეულები აღარ იმოძრაებენ, შეიცვლება მათი ბუნება? აღარ იქნებიან ციური სხეულები? არა მგონია. მაგრამ ისინი მოძრაობენ და ეს მოძრაობა არ წარმოიშვება თვით მათში და მათი შინაგანი ბუნებიდან არ გამომდინარეობს. მაშ, ეძიეთ, ლუსილ, ის გარეგანი ძალა, რაც მათ ამოძრავებთ. და რასაც იპოვით, მე მას ვუწოდებ ღმერთს.

თუ დავუშვებთ, რომ ეს ვეებერთელა სხეულები უმოძრაონ არიან, მაშინ ვილა იკითხავს, მოძრაობაში რას მოჰყავსო. იმას კი იკითხვენ, ეს სხეულები ვინ შექმნაო ისევე, როგორც შეიძლება იკითხონ, გორგოლაჭები და ბურთი ვინ გააკეთაო. და თუ იმასაც დავუშვებთ, რომ დიდი სხეულები ატომთა შემთხვევით დახროვებას წარმოადგენენ და ატომები ერთმანეთთან დაკავშირებული და გადაჭაკვულია მათი ნაწილების ფორმისა და აგებულების მიხედვით, მაშინ ისიც საკითხავი გახდება, ვინ შექმნა ატომები? რა არის ატომი, მატერია თუ გონება? ჰქონდა თუ არა საკუთარ თავზე წარმოდგენა, სანამ არსებობას დაიწყებდა? მაშასადამე, სანამ იქნებოდა, ერთხანს უკვე იყო. ერთსა და იმავე ღროს იყო და არც იყო. და თუ თვით შექმნა თავისი არსიცა და ფორმაც, რატომ გახდა სხეული და არა სული? იქნებ ატომი არც დაწყებულა არაოდეს?

იქნებ მარადიულია იგი და უსასრულო? ხომ არ გნებავთ, ატომი გახადოთ ღმერთად?

ტიპას თვალები აქვს. გზაზე საშიში საგანი თუ შეხვდა, განზე წავა. თუ გნებავთ ახლოდან დააკვირდეთ, აბანოზის ხეზე გაუშვით, წინ ჩალის პაწია ღერო დაუდეთ, მაშინვე შეიცვლის მიმართულებას. ნუთუ მისი თვალის ბროლი, ბაღურა და ნერვი შემთხვევის ნაყოფია!

წყლის წვეთში თუ ჩავეყრით პილპილს, ჩნდება აურაცხელი პაწაწინა არსებები, რომელთა მოყვანილობა მიკროსკოპში შეიმჩნევა. ისინი წარმოუდგენელი სისწრაფით მოძრაობენ, როგორც თვალუწვდენელ ზღვაში ჯოჯოები. თითოეული ეს არსება ტიპაზე ათასჯერ უფრო პატარაა და მაინც სხეულია, რომელიც არსებობს, იკვებება, იზრდება და რომელსაც, ალბათ, აქვს კუნთები, ჩვენი ვენების მსგავსი კაპილარები, არტერიები, ნერვები და ტვინიც, რაც სასიცოცხლო წვეს ანაწილებს მის ორგანიზმში.

ქვიშის მარცვლის ოდენა ობის პატარა ლაქა მიკროსკოპში წარმოგვიდგება, როგორც აშკარად სხედასხვანაირი უამრავ მცენარეთა თავმოყრა; ზოგი აყვავებულია, ზოგს ნაყოფი ასხია, ზოგს ნახევრად გაშლილი კოკრები აქვს, ზოგიერთი კი დამკვანარია. რა ზღაპრულად პაწაწინტელები უნდა იყოს მათი ფესვები, ფილტრები, რომლებიც ამ პაწია მცენარეებს საკვებს აწვდიან. თუ გავიხსენებთ, რომ ამ მცენარეებსაც აქვთ თესლი, როგორც მუხებს, ფიჭვებს და ზემოაღნიშნული ნამცეცა ცხოველები მრავლდებიან და აჩენენ თავიანთ მსგავსებს, როგორც სპილოები და ვეშაპები, სად მიგვიყვანს ყოველივე ეს? ვინ შექმნა აგრე რიგად ნაზი, ნამცეცა არსებები, რასაც ადამიანი თვალთ ვერ ხედავს და რომელთა განზომილება ისეთივე უსასრულოა, როგორც განზომილება ციური სხეულებისა, ოღონდ მეორე უკიდურესობის, სიმეტრიის თვალსაზრისით. იქნებ იმანვე, ვინც შექმნა ცა, მნათობები, ვეებერთელა სხეულები, რომელნიც თავიანთი სიდიდით, სიშორით, სისწრაფითა და გზის უსასრულობით თავზარსა გვცემენ, ვინც შეძლო ესოდენ იოლად ამოძრავება მათი?

უდავოა, რომ ადამიანი სარგებლობს მზის, მნათობების, ცისა და მათი ზემოქმედების ყველა სიკეთით ისევე, როგორც ჰაერით, რითაც სუნთქავს და მიწით, რაზედაც დადის და რაც მის საყრდენს წარმოადგენს. ამ ჰემოქმედებას თუ კიდევ დამტკიცება სჭირდება და რაღაც მოსაზრებებისა და საბუთების მოშველიება, მაგას რა უნდა, ყოველივე ხელისგულივითაა ჩვენს წინ გადაშლილი, რამეთუ ცა და ციური სხეულები კეთილშობილებითა და ღირსებით ვერ შეედრება მიწაზე მცხოვრებ უგვანო კაცსაც კი. რამდენადაც მათ შორის ისეთივე შეფარდებაა, რა შეფარდებაც არსებობს მატერიალურად, რომელსაც გრძნობების უნარი არ გააჩნია და მხოლოდ სამი განზომილების სივრცეს წარმოადგენს, და იმის შორის, რაც არის სული, გონება და აზრი. თუ მეტყვიან, ადამიანი არსებობის შესანარჩუნებლად ამაზე ნაკლებითაც გავიდოდაო იოლად, მე მივუგებ, ღმერთმა თავისი ძლიერების, სიკეთისა და გულუხვობის მხოლოდ მცირეოდენი ნაწილი გამოგვიმტკიცებინა, რადგან მას შეეძლო უსასრულოდ მეტი გაეკეთებინა იმაზე, რაც გააკეთა და რასაც ჩვენ ვხედავთ.

მთელი სამყარო, თუკი იგი შექმნილია ადამიანისთვის, არაფერია იმასთან შედარებით, რის შექმნასაც ღმერთი აპირებს მისთვის და ამის დამადასტურებელ საბუთს გვაძლევს არსი რელიგიისა. ადამიანი თუმცა ემორჩილება ჰემოქმედების ძალას, შეიცნობს საკუთარ უპირატესობას, მაგრამ ამის გამო არც ყოყოჩობს და არც პატივმოყვარული გრძნობებით იმსკვალება. იგი დიდ სიმტკიცესა და სიბრძავეს გამოიჩენდა. თუ არ ირწმუნებდა დამამტკიცებელი საბუთების მთელ ჯაჭვს, რისი მეოხებითაც რელიგია ადამიანს აცნობს, რა შესაძლებლობები აქვს მას, რა უნარი, რა ნიჭი და ასწავლის, როგორ შეიცნოს, რა არის იგი და რა შეიძლება გახდეს. „მაგრამ, მთვარეც რომ დასახლებულია, ანდა, ყოველ შემთხვევაში, არცთუ ნაკლებ შესაძლებელია, რომ დასახლებულია“. რას მეუბნებით, ლუსილ, რა შუაშია მთვარე? ღმერთი თუ არსებობს, განა მისთვის რაიმე შეუძლებელია? ალბათ გინდოდათ გეკითხათ, მთელ სამყაროში მხოლოდ ჩვენდამია აგრძობილი სულგრძელობა? ხომ არ არიან მთვარეზე სხვა ადამიანები ან რაღაც არსე-

ბები, რომელთაც ღმერთი ასევე მფარველობსო? რა ამოა ცნობის-
მოყვარეობაა, უაზრო შეკითხვა, ლუსილ. მიწა დასახლებულია. ჩვენ
მასზე ვცხოვრობთ და ეს ვიცით, გვაქვს სათანადო დამადასტურე-
ბელი საბუთები, უტყუარი ცნობები და ურყევი რწმენა ყოველივე
იმის მიმართ, რაც ეხება ღმერთს და რაც გვეხება ჩვენ. ლუსილ,
თქვენ არაერთხელ დაკვირვებისხართ მთვარეს, ასტრონომებზე ნაკ-
ლებ როდი შეგისწავლიათ მისი ლაქები, უფსკრულები, მთები,
ჩვენგან დაცილების მანძილი, ტრაექტორია, დაბნელება. გამოიგო-
ნეთ ახალი იარაღები, დააკვირდით უფრო მეტი სიზუსტით, დარ-
წმუნდით, ნამდვილად თუ დასახლებულია მთვარე და რა ცხოვე-
ლები ბინადრობენ იქ. ჰგვანან ადამიანებს? არიან ადამიანები? მე-
რე მეც მომეცით ნება, დავაკვირდე. და თუ ორთავე დავრწმუნდე-
ბით, რომ ადამიანი ცხოვრობს მთვარეზე, მერე გავარკვიოთ, ქრის-
ტიანები თუ არიან და ღმერთმა მფარველობა თვისი თუ გაანაწილა
ჩვენსა და მათ შორის.

46

ბუნებაში ყოველივე დიდებული და საუცხოოა, ყოველივეს შე-
მოქმედის მზრუნველი ხელი ატყვია. ისიც კი, რაც ხანდახან უწეს-
რიგოდ და არასრულყოფილად მოჩანს, გულისხმობს წესრიგსა და
სრულყოფილებას. ადამიანო პატივმოყვარე და ამპარტავანო! აბა
შექმენი ჭიკაყელა მაინც, რასაც ფეხით სრეს და ზიზლით დასცქე-
რი. გძაგს გომბეშო, აბა შექმენი იგი, თუ შეგიძლია. რა ოსტატია
იგი, ვინც ქმნის ამ არსებებს, რომლებიც, არ ვიტყვი ალაფრთოვანე-
ბენ-მეთქი ადამიანს, მაგრამ შიშს გვრიან მას. მე არა გთხოვთ
თქვენს სახელოსნოში შექმნათ გონიერი ადამიანი, მშვენიერი აღ-
ნაგობის მამაკაცი, ლამაზი ქალი, ასეთი შრომა თქვენს ძალასა და
ღონეს აღემატება, მაგრამ ეცადეთ შექმნათ კუზიანი, გიჟი, მა-
ხინჯი, ესეც საკმარისი იქნება.

ხელმწიფენო, მეფენო, მონარქებო, მირონცხებულო უფალ-
ნო! ნეტავ, თუ შევძელი თქვენი, ყველა უზენაესი ტიტულ-ის ჩამო-
თვლა? ძლიერნო ამა სოფლისანო, ფრიად დიდებულნო, და სულ
მალე, ალბათ, ყოვლისშემძლენო! ჩვენ, უბრალო მოკვდავთ, ალო-
ობისთვის ცვარანამი გვკვირდება, შექმენით ნამი, მიწას მყოფელი-
ნეთ ერთი წვეთი წყალი.

ბუნების წესრიგი, სილამაზე, გარეგანი მოვლენები ყველასთვის ცნობილია. მისი პირველადი მიზეზი და წარმოშობა არააინციის. ჰკითხეთ ქალს, როგორ ხდება, რომ თავის მშვენიერ თვალს გაახელს და უმაღვე ხედავს, ჰკითხეთ იგივე სწავლულსაც, ვერაფერს გეტყვიან.

მრავალი მილიონი წელი, მრავალი ასი მილიონი წელი, ერთი სიტყვით, დროის ნებისმიერი მონაკვეთი, თვალის ერთი დახამხამება შედარებით ღმერთის არსებობასთან, რაიც არის მარადიული. სამყაროს ყველა სივრცე მხოლოდ ერთი წერტილია, ერთი ატომი მის უსაზღვრობასთან შედარებით. თუ ჩემი მოსაზრება სწორეა და, რა თქმა უნდა, სწორეა, რადგან სასრული ვერ შეეფარდება უსასრულოს, მაშინ საკითხავია, რა მნიშვნელობა აქვს ადამიანის ცხოვრებას, ან მტერის მარცვალს, რასაც დედამიწა ეწოდება, ანდა მიწის იმ პატარა ნაწილს, რაც ადამიანს ეკუთვნის და სადაც ადამიანი ბინადრობს? ამბობენ, ცხოვრებაში ბოროტები იმარჯვებენო, ყაბულსა ვარ, ზოგიერთი ბოროტი იმარჯვებს. მიწაზე სათნოება დათრგუნულია, დანაშაული დაუსჯელიო, ხანდახან-მეთქი, დავსძენ. ეს უსამართლობააო, სრულებითაც არა. სანამ ასეთ დასკვნებს გამოვიტანდეთ, აუცილებლად უნდა დავამტკიცოთ, რომ ბოროტები ნამდვილად ბედნიერები არიან, კეთილნი ნამდვილად არ არიან ბედნიერნი, დანაშაული ნამდვილად არ არის დასჯილი; რომ დროის ის მონაკვეთი, როცა კეთილი იტანჯება და ბოროტი ხარობს ცოტა ხანგრძლივი მაინც არის, და ის, რასაც ჩვენ კეთილდღეობასა და იღბლიანობას ვუწოდებთ, არ არის თვალის მოტყუება და წამიერი მოჩვენება, რაც მყისვე ქრება; რომ ეს მიწა, ეს ატომი, სადაც სიკეთეს და ბოროტმოქმედებას, როგორც ჩანს, იშვიათად მიეზღვებათ თავ-თავისი, არის სამყაროს ერთადერთი კუთხე, სასჯელსა და საჩუქრებს რომ არიგებენ. როგორც ვასკენიდი, თუ ვფიქრობ, მაშასადამე სული ვარ-მეთქი, ასევე თუ ჩემის ნებით შემიძლია ჩავიდინო ან არ ჩავიდინო რამე, შემიძლია დავასკვნა, მაშასადამე მე ვარ თავისუფალი. ამგვარად, თავისუფლება არის არჩევანი, ანდა ნებისმიერი გადაწყვეტილება, იყო კეთილი ან ბოროტი; აქედან გამომდინარეობს კარგი ან ცუდი საქციელი, რა-

საც ეწოდება სათნოება ან დანაშაული. ბოროტმოქმედება დაუსჯელი რომ დარჩენილიყო, ეს მართლაც უსამართლობა იქნებოდა, მაგრამ უსამართლობა მხოლოდ დედამიწაზე თუა, არავინ უწყის. მოდი, ათეისტებთან ერთად დავუშვათ, რომ ქვეყნად გამეფებულია უსამართლობა. ყოველი უსამართლობა არის სამართლიანობის ან უარყოფა, ან დარღვევა. მაშასადამე, ყოველი უსამართლობა სამართლიანობას გულისხმობს. ყოველი სამართლიანობა არის უზენაესი გონების შესაბამისობა. გეკითხებით, განა შეიძლება გონება უშვებდეს დანაშაულის დაუსჯელობას, ეს ხომ ისეთივე შეუსაბამობაა, როგორც სამკუთხედზე ნაკლებ კუთხიანი სამკუთხედი. ამგვარიად, გონების ყოველი შესაბამისობა არის ქეშმარიტება. ეს შესაბამისობა, როგორც ახლახან შევნიშნე, ყოველთვის არსებობდა და მიეკუთვნება მარადიულ ქეშმარიტებათა რიცხვს. ამასთან, ქეშმარიტება ან სულ არ არის, ან არ შეიძლება იყოს, თუ არ არის ცნობიერების ობიექტი. მაშასადამე, ცნობიერებაც მარადიულია და იგი არის ღმერთი.

ღრმა საიდუმლოებით მოცული დანაშაული, რის გასახორციელებლადაც ბოროტმოქმედნი ათასგვარ სიფრთხილესა და ზომებს მიმართავენ ზალხის თვალის ასახვევად, ისე უბრალოდ და იოლად იხსნება, რომ ასე გეგონება, მარტოდმარტო ღმერთმა შეძლო ამ საიდუმლოების გამომჟღავნებაო. ამგვარი მაგალითი იმდენად ხშირია და მრავალრიცხოვანი, რომ თუკი ვინმე აიხირებს და მას წმინდა შემთხვევეითობას მიაწერს, მაშინ ისიც უნდა დაგვიმტკიცოს, რომ შემთხვევეითობა ყოველ ღროს და ყოველ ჟამს ყოფილა ჩვეულება.

48

თუ დავუშვებთ, რომ დედამიწაზე ყველა ადამიანი, გამონაკლისის გარეშე დატკბება სიუხვით და იქნება ყოველმხრივ დაკმაყოფილებული, აქედან გამომდინარე, დარწმუნებით ვიტყვი, რომ ამ ქვეყნად არვინ დატკბება სიუხვით და არც არაფრით იქნება დაკმაყოფილებული. არსებობს მხოლოდ ორგვარი სიმდიდრე, რაზედაც დაიყვანება ყოველი ავლა-დიდება: ფული და მიწები. თუ ყველა გამდიდრდა, ვილა მოხნავს მიწას, ვინლა იმუშავეს მალაროებში? ვინც მოშორებული იქნება მალაროებს, შიგ ჩასკლას არ ისურვებს

და ვინც ყამირ, ან მწირ მიწაზე იცხოვრებს, ველარ მიიღებს მის-
გან მოსაველს. დავუშვათ, ვაჭრობას მიჰყონ ხელი. მაგრამ, თუ
'ხალხი სიმდიდრეში იქნება ყელამდე ჩაფლული და არ მოუხდება
საკუთარი შრომით ირჩინოს თავი, ქვეყნის ერთი კუთხიდან მეორე-
ში ვინ გადაიტანს ძვირფასი ლითონის ზოდებს ანდა გადასაცვლელ
'საქონელს? ვინ ჩაუშვებს ზღვაში გემებს, ვინ მიუჯდება საპეს, ან
ვინ გაჰყვება ქარავანს? მაშინ ხომ ყველას მოაკლდება ყოველგვარი
'საარსებო საშუალება. არ იქნება გაჭირვება, არ იქნება ხელოვნება,
მეცნიერება, გამოგონება, მექანიკა. ამასთან, ქონებისა და საკუთ-
რების თანასწორუფლებიანობა ადამიანის მდგომარეობის შეცვლა-
საც მოითხოვს; აუქმებს ყოველგვარ უფროს-უმცროსობას, ადა-
შიანს აიძულებს საკუთარ თავს მოემსახუროს, სხვის დახმარებას
აღარ მიმართოს; კანონებს უაზროსა და უსარგებლოს გახდის, გა-
მოიწვევს საყოველთაო ანარქიას. გააბატონებს ძალმომრეობას,
ურთიერთშეურაცხყოფას, მკვლელობას, დაუსჯელობას.

და, პირიქით, დავუშვათ, ყველა ღარიბია; მზე ტყუილ-უბრა-
ლოდ ამოვიდეს დასალიერზე, გაათბოს და გაანაყოფიეროს მიწა.
ასევე ამაოდ გადმოაყაროს ცამ მიწას თავისი სიკეთე, მდინარე-
ებმა მორწყონ იგი და დედამიწის მრავალი კუთხე აივსოს ნაყო-
ფიერებითა და სიუხვით. ზღვაშიც აგრეთვე უმიზნოდ გადაუშალოს
ადამიანებს თავისი უფსკრულები, მთებმა და კლდეებმაც უშედე-
გოდ გაუხსნან წიაღი და ხალხს შესთავაზონ თავისი განძი. ხოლო
დედამიწის ზურგზე დასახლებული ადამიანებიდან ერთნი თუ მდი-
დრები იქნებიან, მეორენი კი ღარიბ-ღატაკნი, კარგად თუ დააკვირ-
დებით, დარწმუნდებით, რომ გაჭირვება ადამიანებს აახლოებს და
აკავშირებს. ერთნი მეორეს ემორჩილებიან, ემსახურებიან, მუშა-
ობენ, იგონებენ, აუმჯობესებენ. მეორენი მათი შრომით სარგებ-
ლობენ, საჭმელს აძლევენ პირველთ, ეხმარებიან, მფარველობენ,
ხელმძღვანელობენ. ყველგან გამეფებულია წესრიგი და მოჩანს
ღმერთის მზრუნველი ხელი.

ერთ მხარეს თავი მოუყრია ძალაუფლებასა და უსაქმურობას,
მეორე მხარეს — მორჩილებას, გარჯას, სიღარიბეს. ან ყოველივე

გადაადგილდება ადამიანის ბოროტების შედეგად, ან ღმერთი არ ყოფილა ღმერთი.

ადამიანთა მდგომარეობის ერთგვარი უთანაბრობა, რაც წესრიგსა და მორჩილებას ამყარებს, ღმერთის ნამოქმედარია, ესე იგი, მასში ვხედავთ ღვთაებრივ კანონიერებას; მეტად დიდ უთანაბრობაში, ადამიანთა შორის რომ შეიმჩნევა, ადამიანთა ხელი ურევია, ესე იგი, გამომდინარეობს ძალმომრეობის კანონიდან.

უკიდურესობანი ყოველთვის მანკიერია და შექმნილია ადამიანის მიერ. გაწონასწორება სამართლიანია მუდამ და ღმერთის ნახელავია.



გამიკვირდება მკითხველს თუ არ მოეწონა „ხასიათები“; და თუ მოეწონა, ესეც გამიკვირდება.

33. 15. ერაზმ როტერდამელი (1466—1537)—ალორძინების პერიოდის უდიდესი ჰუმანისტი. ლა ბრუიერის ეპიგრაფი აღებულია ერაზმის იმ წერილიდან, რაც მან თავისი თხზულების „სიოსულელის ქების“ საწინააღმდეგოდ გამოქვეყნებული კრიტიკული სტატიის საპასუხოდ დაწერა.
33. 20. რომელი ორატორი—ნაგულისხმევია ციცერონი.
33. 22. ორდერი — არქიტექტურული კომპოზიციის ერთ-ერთი სახე.
33. 28. ერთი თანამედროვე მწერალი...—საფრ. აკ. წვერი ბერნარლე ბოვიე დე ფონტენელი (1657—1757). ანტიკური ლიტერატურის დამცველთა და მოწინააღმდეგეთა ეგრეთ წოდებულ „ძველთა და ახალთა“ ბრძოლაში, ფონტენელი „ახალთა“ ბანაკში იყო, ხოლო ლა ბრუიერი „ძველებს“ ემხრობოდა. ამ ნიადაგზე ფონტენელი თავს ესხმოდა ლა ბრუიერს. „გასაღებების“ მიხედვით ფონტენელი ლა ბრუიერს გამოყვანილი ჰყავს „კიდიასის“ სახით (თავი V, § 74). განსაკუთრებით აღსანიშნავია „გალანტურ მერკურში“ ლა ბრუიერის აკადემიაში არჩევის გამო გამოქვეყნებული ფონტენელის, ტომა კორნელისა და ვიზეს წერილი.
33. 25. ზელოტები — ძველ პალესტინაში მიწის მუშები და ხელოსნები, რომლებიც რომაელებს ებრძოდნენ. ანტიკური კულტურის თავჯანსმცემელ ლა ბრუიერს ზელოტები გამოყვანილი ჰყავს როგორც უვიცნი.
33. 29. „სიდი“ — ფრანგი კლასიციისტი პიერ კორნელის (1606—1684) ტრაგედია. ...როგორც განიხილავდნენ „სიდს“. — მინიშნებულია 1638 წ. გამოქვეყნებული „საფრანგეთის აკადემიის აზრი კორნელის ტრაგიკომედიის „სიდის“ შესახებ“. ბუპური (1628—1746) — იეზუიტი მამა დომინიკე. გრამატიკოსი და ლიტერატორი. როყე დე რაბიუტენი, კონტი დე ბიუსი (1618—1693) ◀

საფრანგეთის აკად. წევრი. მწერალი. მას ეკუთვნის „გალე-
ბის სასიყვარულო თავგადასავლები“ და ლუი XIV-ის და
მისი კარის შესახებ შექმნილი პამფლეტები, თავშესაქცევი
სურათების სერია. კონტ დე ბიუსი მხურვალე მონაწილე-
ობას იღებდა ლა ბრუიერის აკადემიის წევრად 1691 წ. არ-
ჩევის დროს. ამ ფაქტს ადასტურებს ლა ბრუიერის წერი-
ლი დე ბიუსისადმი, დათარიღებული 1691 წ. 9 დეკემბრით.
ლა ბრუიერის კორესპონდენციებიდან შემონახულია მხო-
ლოდ ორი წერილი. აღნიშნულ წერილში ლა ბრუიერი უღრმეს
მადლობას უხდის დე ბიუსს იმ დიდი ყურადღების გამო, რაც
მან გამოიჩინა არჩევნებში. თუმცა ლა ბრუიერი იმ წელს ვერ
გავიდა, მაინც დიდად ემადლიერება დე ბიუსს და ჰპირდება
დიდ კონდეს და მის მეუღლეს ვაუწყებ, რა ამავიცი დამდეთო.

33. 80. კრამუაზი — XVII ს. ფრანგ გამომცემელთა ოჯახი.
33. 81. ჟან-ლუი გეზ დე ბალზაკი (1594—1654) — ფრანგი მწე-
რალი. XVII ს. ლიტერატურული ენის შესახებ დაწერილი
ტრაქტატებისა და ეპისტოლარული კრებულების ავტორი.
ვენსან ვუატიური (1598—1648) — სალონურ-არისტოკრა-
ტული „პრეციოზული“ სტილის პოეტი. თავის დროს დიდ
მოწონებას იმსახურებდა მისი ლექსებიცა და წერილებიც.
33. 82—88. ფრანსუა დე მალერბი (1555—1628)—პოეტი და კრიტი-
კოსი, რომელსაც დიდი როლი მიუძღოდა ფრანგული კლასი-
ციზმის ჩამოყალიბებაში. ტეოფილე დე ვიო (1590—1626)—
ფრანგი პოეტი, თავისუფლად მოაზროვნე. პიერ რონსარო
(1524—1585) — ფრანგული აღორძინების სახელგანთქმული
პოეტი. პოეტების წრის „პლედის“ მამამთავარი.
კლემან მარო (1495—1544) — „პლედის“ წინამორბედი.
საფრანგეთის აღორძინების ეპოქის გამოჩენილი პოეტი.
რემი ბელო (1528—1577) — „პლედის“ პოეტი.
ეტიენ ჟოდლეე (1532—1573) — „პლედის“ პოეტი და
დრამატურგი.
გიიომ დიუ ბარტას (1544—1590) — „პლედის“ პოეტი.
33. 88. ონორე დე რაკან (1589—1670)—„პასტორალების“ ავტორი.
მალერბის შეგირდი და ბიოგრაფოსი.
...ორმა მწერალმა... — იანსენიზმის წარმომადგენელი ნი-
კოლე (1628—1695) — „პორ-რუაილის ლოგიკის“ ავტორი;
მალბრანში (1638—1715) — ფილოსოფოსი, „ქეშმარიტების
ძიების“ ავტორი.
მიშელ დე მონტენი (1533—1592) — ცნობილი ფრანგი ფი-
ლოსოფოსი და მორალისტი. „ესეების“ ავტორი.
ჟაკ ამიო (1513—1593) — პლუტარქეს მთარგმნელი. ეპის-
კოპოსი, შარლ IX-ს აღმზრდელი.

ნიკოლა კოეფეტო (1574—1623) — ქ. მარსელის ეპისკოპოსი, სახელგანთქმული თავისი ქადაგებებით.

- გვ. 84. „გ. მ.“ — პერიოდული ჟურნალი, რომელიც 1672 წ. დაარსა დონო დე ვიზემ ტომა კორნელის ხელშეწყობით. რედაქტორობდა ვიზე. ჟურნალში იბეჭდებოდა სამეფო კარის ახალი ამბები, პოეზია, ანეკდოტები. ამფიონი — (მით). იუპიტერისა და ანტიოპეს შვილი, კითარის შესანიშნავი დამკვრელი. ნაგულისხმევია ფრანგი კომპოზიტორი ჟან-ბატისტ ლული (1633—1687), კლასიკური ოპერის შემქმნელი, რომელიც წინააღმდეგი იყო თეატრალური ტექნიკის. ლა ბრუიერი თავიანთსა სცემდა მის მუსიკას, მაგრამ ეწინააღმდეგებოდა მის თეატრალურ რეფორმებს.
- ორივე „ბერენისს“... — „ბერენისი“ — რასინის ტრაგედია; „ტიტუსი და ბერენისი“ — კორნელის ტრაგედია. „პენელოპე“ — აბატ ენეს (1639—1719) ტრაგედია.
- გვ. 85. ამ ფუსფუსა ხალხმა... — ზეიმი შანტილიში, რაც პრინცმა კონდემ მოაწყო ტახტის მეგვიდრის პატივსაცემად.
...ფარ-ხმალს აყრევიანებენ პოეტებს... — კარისკაცთა ერთმა ჯგუფმა ჩააგდო „ფედრას“ დადგმა (1677 წ.).
- გვ. 45. დორილა, პანდბურგი — ლა ბრუიერი დასციენის ისტორიკოსებს ანტუან ვარილასა (1626—1696) და პიერ-ლუი მემბურას (1610—1686), რომელთაც სახელი ჰქონდათ განთქმული XVII საუკუნეში.
- გვ. 45. დეპრეო — ნიკოლა ბუალო (1636—1711) — დიდი ფრანგი პოეტი და კრიტიკოსი.
„კ“ — მხატვარი კლოდ-ფრანსუა ვინიონი (1633—1701). „კ“ — ლულის შევირდი პასკალ კოლასი.
„პირამის“ ავტორი — ნიკოლა პრადონი (1638—1698) — საშუალო ნიჟის დრამატურგი, ვისაც რასინის მტრებმა დააწერიან ტრაგედია „ფედრა და იპოლიტი“ და დადგეს „ფედრას“ პრემიერის შემდეგ მესამე დღეს.
მინიარი პიერ (1610—1695) — მხატვარი. ცნობილია მისი ისტორიულ თემებზე შექმნილი ტილოები და პორტრეტები.
- გვ. 55. ემილი — დიდი მთავარი კონდე; ალექსანდრე — მაკედონელი; კეისარი — იულიუს კეისარი.
- გვ. 56. ღმერთთა შვილები... უფლისწულები.
- გვ. 60. გისტრიონი — ძველ რომში პროფესიული მსახიობი; შუა საუკუნეებში დას. ევროპაში — მოხეტიალე კომედიანტი.
- გვ. 82. პიერ დიუ პიუჟე მონტრონი — XVII ს. ერთ-ერთი მსხვილი ფინანსისტი; ემერი მიშელ პარტიჩელი — XVII ს. ორმოციან წლებში საფრანგეთის ფინანსთა მინისტრი.
- გვ. 106. სებასტიანი ზამეტო (1549—1614) — დიდი ფინანსისტი და

ბანკირი. ცხოვრობდა საფრანგეთის სამეფო კარზე.

რუჩელი — ფლორენციელი აზნაური, აბატი. XVII ს. დასაწყისში, მარია მედიჩის რეგენტობის დროს მონაწილეობდა სამეფო კარის ინტრიგებში. კონჩინი — მარია მედიჩის ფავორიტი. ერთხანს ლუი XIII მინისტრი იყო. ცნობილია მარშალ დ'ანკრის სახელით. 1617 წ. მოკლა მეფის კაპიტანმა.

33. 120. ბალიი—მოხელე ფეოდალურ საფრანგეთში; მეფის ან სენიორის სახელით სამართალს აწარმოებდა.

33. 123. ...ორივე სქესის წარმომადგენლებისგან შემდგარი წრე.— მარკიზ რამბუიეს სალონი (XVII ს. 20—24-იანი წლები), კანონმდებელი არისტოკრატიული ლიტერატურული გემოვნების, „პრეციოზული“ სტილის.

33. 124. ...ზოგიერთი რომანის... — მადამ დე სკუდერის (1607—1701) „პრეციოზული“ რომანები, რომელთაგან გამოირჩეოდა „კლელია“, როგორც გალანტური ყოფაქცევისა და გრძნობების ეტალონი.

33. 126. ლუკანუს მარკუს ანიუს (39—65 ძვ. წ.) — რომელი პოეტი. კლავდიანუს—ლათინური პოეზიის ერთ-ერთი უკანასკნელი წარმომადგენელი (IV ს.) მხედართმთავარ სტილიონის პანეგირიკოსი. სენეკა ლუციუს ანიუს (დაახ. 4 წ. ძვ. წ. 65 წ. ახ. წ.)—რომაელი ფილოსოფოსი და დრამატურგი.

...ვინ არის უნგრეთის მეფე. — 1687 წ. ლეოპოლდ I-ს მეფობის დროს, გაბსბურგების ავსტრიულმა დინასტიამ მიიღო მემკვიდრეობითი უფლება უნგრეთის ტახტზე.

33. 126—127. ნინუსი—გადმოცემით ასირიის სამეფოს დამაარსებელი. ცხოვრობდა XX ს. ძვ. წ.

სემირამიდა — ლეგენდარული ასირიის დედოფალი, ნინუსის მეუღლე. დედაქალაქი ნინევია შეამკო ცნობილი „დაიქილული ბაღებით“. სიკვდილის შემდეგ ღვთაებად გამოაცხადეს.

სეზოსტრისი — ეგვიპტის მეფე. ამ სახელით ორ მეფეს, სეტოზ I (XIV ს. ძვ. წ.) და რამზეს II-ს იხსენიებენ. რამზეს II (1388—1322) დაიპყრო სირია, ეთიოპია, არაბეთი. დაიწყო სუეცის არხის გაყვანა. ცნობილია სეზოსტრის დიდის სახელით.

არტაქსერქს I — სპარსეთის მეფე, რომელსაც გრძელხელას უწოდებდნენ. მეფობდა 465—425 წ.

33. 128. ლუკიანე (დაახ. 120—180) — ბერძენი მწერალი—სატირიკოსი. თეოკრიტე — ბერძენი პოეტი. დაიბ. სირაკუზაში დაახ. 310—300 წ. ძვ. წ. ბუკოლიკური პოეზიის ფუძემდებელი. იეტორი „იდილიებისა“ და „ეპიგრამების“.

33. 186. პ. ტ. ბ.—პარტიზანები; ნაგულისხმევაა მოიჯარეები.
33. 186. სოზი—პლავტეს, მოლიერის კომედიებში გაქნილი მსახური. კარმელი—მონ-კარმელის ორდენის ბერი. ორდენი XII ს. დაარსდა პალესტინაში. საფრანგეთში შევიდა ლუი IX დროს.
33. 186. ლიქტორები—ძველ საბერძნეთში მაღალი თანამდებობის პირთა თანმშლებნი.
33. 130. ბენეფიციუმი—რომაულ-კათოლიკური ეკლესიის შემოსავლიანი თანამდებობა.
33. 147. ეპ ფოკონე—1680-87 წ. გადასახადების ამკრები საფრანგეთში.
33. 152. ზომბაია—სიამის სამეფოში კარის ეტიკეტის ერთ-ერთი პუნქტი, რის მიხედვითაც ელჩები აუდიენციის დარბაზს მუხლმოყრილნი უნდა მიუახლოვდნენ.
33. 154. ზენობია—არაბეთის მეფის ოდენატის მეუღლე. პალმირის დედოფალი. 273 წელს დაატყვევა რომაელმა იმპერატორმა ავრელიუსმა.
33. 155. ფიდასი (500—431) — სახელგანთქმული ბერძენი მოქანდაკე. ზევქსისი (464—398) — სახელოვანი ბერძენი მხატვარი.
33. 161. გომონი, დიუამელი—ცნობილი ვეჭილები და ბრუიერის დროს.
33. 165. ფეიანტები—ბერების ორდენი, დაარსებული XVI ს. საფრანგეთში. მინიმები—ბერების ორდენი, დაარსებული 1435 წ. საფრანგეთში წმიდა ფრანსუა დე პოლის მიერ. სირანო დე ბერკერაკი (1619—1655)—თავისუფლად მოაზროვნე მწერალი. დემარე დე სენ-სორლენი (1596—1676) — მწერალი. „ძველთა და ახალთა“ კამათში ემხრობოდა „ახლებს“.
- ლუი ლეკლაში (1620—1671) — ორთოგრაფიის რეფორმისადმი მიძღვნილი ტრაქტატისა და ფილოსოფიის კურსის ავტორი.
- ბარბენი — XVII ს. ფრანგი გამომკვემელი. გამოაქვეყნა მოლიერის, რასინის, ლაფონტენის და სხვათა თხზულებანი.
33. 166. „ნაზ სულთა ანალები“, „მიჯნურთა ფურცელი“ — მადამ დე ვილადიეს რომანტიკული თავგადასავლების კრებულები. „ხელი როლანდი“ — ლულის ოპერა, არიოსტოს პოემის „ხელი როლანდის“ მიხედვით დაწერილი.
33. 174. „ვ“—ვერსალი.
- „ნ“ დიდი ალიაქოთითა და ზარ-ზეიმით მობრძანდება... — მეფის დილის ტუალეტს ესწრებოდნენ მაღალი არისტოკრატის წარმომადგენლები.

33. 178. ორიფლამი — XII—XV ს. საფრანგეთის მეფეთა საომარი დროშა.
33. 184. რუსო — ცნობილი მედუქნე პარიზში XVII ს.
ფაბრი — 1661 წ. დაწვეს ღვთისმგმობელობისა და გარყვნი-
ლების გამო.
ლაკუტიური — ლუი XIV-ს თერძი, ბოლოს გაგიჟდა.
33. 193. ჟან-დომინიკ კასინი (1625—1712) — ასტრონომი, პარიზის
ობსერვატორიის დამაარსებელი და დირექტორი.
ცრუ მზე — ოპტიკური მოვლენა ატმოსფეროში.
პარალაქსი — ასტრონომიული ტერმინი; დამკვირვებლის
ადგილის მონაცვლებისას მნათობის ხილული გადაადგილე-
ბის კუთხის გამზომი.
33. 195. არლკინის თეატრი — იტალიელ კომედიანტთა თეატრი,
რომელიც პარიზში მართავდა წარმოდგენებს.
33. 197. ამბობენ, არისო ერთი ქვეყანა...—მინიშნებულია საფრან-
გეთი.
33. 212. სოკრატე—ფილოსოფოსი; არისტოტელე (დაახ. 540—468)—
ათენის მხედართმთავარი და სახელმწიფო მოღვაწე, რომელ-
საც ზედმეტ სახელად „სამართლიანი“ შეარქვეს. ორთავე
საკუთარი პატიოსნებისა და უანგარობის მსხვერპლი გახდა.
33. 221. ტერსიტე — ჰომეროსის „ილიადის“ პერსონაჟი — მში-
შარა მონა. ლე ბრენი (1619—1690) — ფრანგი მხატვარი.
33. 226. „ფ“ — ფონტენბლო.
33. 232. ოლივიე ლე დემი—ლუი XI-ს დალაქი და მესაიდუმლე.
შემდგომ მეფის რაქზვა დაიმსახურა და 1484 წ. ჩამოახრჩვეს.
ეკ კერი (1395—1456) — ქ. ბურგის მდიდარი ეპაროი. სა-
ფრანგეთის მეფე კარლოს VII-ს საკუთარი ფინანსებით უხვად
ამარაგებდა ინგლისთან ომის დროს. ბოლოს მტრების და-
სმენით მეფემ საფრანგეთიდან გააძევა.
33. 234. ტ. კ. ლ. — კონტ ტეკელი (1658—1705) უნგრელი სახე-
ლოვანი ოჯახიშვილი, რომელიც იბრძოდა გერმანიის იმპე-
რატორ ლეოპოლდ I-ს წინააღმდეგ. მოკავშირე იყო სულ-
თანისა.
33. 235. პროტევისი — (მით). ზღვის ღვთაება, პოსეიდონის ქვე-
შვერდომი.
33. 239. კოტურნები — თეატრალური ფეხსაცმელი (ბერძ.).
33. 241. პერუ— აქ-სინონიმი უდიდესი სიმდიდრის.
33. 255. ...ამის ამსახველი სურათიც უჩვენა.—მხატვარმა ესტაშ ლე-
სიუერმა (1616—1655) XI-ს კარტეზიანელი ბერების ორდენის
დამაარსებლის წმ. ბრუნოს ცხოვრების ამსახველი 22 ტილო
დახატა ამ მონასტრისთვის. ზოგიერთი მათგანი დაცულია
ლუერში. ბერმა მენალკს უჩვენა ტილო, რაზედაც დახატუ-

ლი იყო გარდაცვლილ კანონიკ დიოკრიზუსის საეკლესიო პანაშეიდი. კანონიკი სიცოცხლეში ფარულად გახრწნილ ცხოვრებაში იყო ჩაფლული და როცა მოძღვარი მისი სულის საცხოვნებლად წირავდა, იგი წამოხტა და შეჰყვირა, ღმერთმა საეკლესიო წამება სამართლიანად მომისაჯაო. ამ სასწაულმა იხეთი შთაბეჭდილება მოახდინა ბრუნოზე, რომ ბერად აღიკვეცა.

33. 284. რუხი დები—მონაზვნები, რომლებიც ავადმყოფებს უვლიდნენ. ab intestat — კანონიერი (ლათ.).
33. 292. committimus — რწმუნებულის (ლათ.).
33. 298. აღენი — მოლიერის „ ცოლების სკოლის“ პერსონაჟი, სული და სასაცილო მსახური.
ჟან ლენჯანდი (1595—1665) — ფრანგი ეპისკოპოსი, მკვერ-მეტყველი მოქადაგე. ცნობილია მისი გამოსათხოვარი სიტყვა ლუი XIII-სადმი.
33. 301. წყვლების კონა — ლიქტორს ეპირა ხელეჩოზე მიმაგრებული წყვლების კონა (იხ. შენიშვნა გვ. 114).
33. 306. ვარონი (116-27) — ღრმა ერუდიციის მქონე რომელი სწავლელი, პოეტი და პოლიგრაფოსი.
33. 306 „კ“ — ფილიპ კინო (1635—1688) ფრანგი დრამატურგი. ლულის ოპერების ლიბრეტისტი. მდარე ხარისხის კომედიებისა და ტრაგედიების ავტორი, ვისაც დასცინოდა ბუალო. შ. პ.— ჟან შაპლენი (1595—1674) მეტად სუსტი პოემის „ქაღვლის“ ავტორი, რომელსაც ლა ბრუიერი უპირისპირებდა ნიკოლა კორნელს (კ. ნ.) და მის ტრაგედია „როდოგუნას“. შაპლენი ამქვეყნიური ყოველმხრივი სიკეთით სარგებლობდა: იყო მდიდარი, მეცნიერებათა აკადემიის მდივანი, ხოლო კორნელი სიღარიბეში მოკვდა.
33. 308. სეზარ დ'ესტრე (1628—1714) — კარდინალი, საფრანგეთის აკადემიის წევრი.
ფრანსუა დ'არლე (1625—1695) — პარიზის მთავარეპისკოპოსი, საფრ. აკ. წევრი.
ჟან-ბენინ ბოსუე (1627—1704) — მწერალი. სახელგანთქმული ორატორი. მეცისა და მის ეპისკოპოსი. დოფინის აღმზრდელი. პიერ სეგიე (1588—1672)—ლუი XIII და ლუი XIV კანცლერი. საფრ. მეცნ. აკადემიის ერთ-ერთი დამაარებელი. შარლ დე მონტოზიე (1610—1688) — დოფინის აღმზრდელი. ფრანსუა-რენე დე ვარდი (1621—1688) — ფრანგი გენერალი, რომელმაც მრავალი ლაშქრობა მოიგო.
ლუი დე შევრეზ (1646—1712) — დიდად განათლებული პიროვნება. გვიანის გუბერნატორი. ფენელონის უახლოესი მეგობარი.
ნიკოლა-პოტიე დე ნოვიონ (გარდ. 1693) — უმაღლესი

სასამართლოს (პარლამენტის) თავმჯდომარე. საფრ. აკად.
წევრი.

გიომ დე ლამუანიონ (1617—1677) — პარლამენტის თავ-
მჯდომარე. დიდად განსწავლული იურისპრუდენციაში.

პოლ პოლისონ (1624—1693) — ისტორიკოსი. საფრ. აკად.
წევრი.

83. 809. დ'ოსა (1536—1604)—სორბონის რიტორიკისა და ფილო-
სოფიის პროფესორი. შემდგომ — კარდინალი.
ქიმენესი (1436—1517) — ესპანელი კარდინალი: ცნობილი
სახელმწიფო მოღვაწე.
„ხალხი იქნებოდა ბედნიერი...“ — ფრაზა პლატონის „სა-
ხელმწიფოდან“, რაც ლა ბრუიერმა მიაწერა რომაელ იმპე-
რატორ ანტონიუსს (დაბ. 86 წ. მეფობდა 138—161 წწ.).
83. 311. ტიტური — პერსონაჟი რომაელი პოეტის ვერგილიუსის
პირველი ეკლოგის; მეოცნებე მწყემსი.
83. 822. ხედავთ ეს კაცი გაუთლელია...—ნაგულისხმევია ლაფონ-
ტენი. მეორე კაცი უბრალოა... — ნაგულისხმევია კორნელი.
83. 828. წარმოიდგინეთ კაცი...—პოეტი ჟან დე სანტი (1630—
1697). წერდა საგალობლებს ლათინურ ენაზე. როგორც ლა
ბრუიერი ისიც დაახლოებული იყო დიდ კონდესთან. შემო-
ნახულია ლა ბრუიერის წერილი მისდამი, სადაც ლა ბრუი-
ერი ამშვიდებს პოეტს, კონდეს და მისი მეუღლე სულაც არ
ჯავრობენ შენზეო. სანტი მეტად მხიარული და ამავე დროს
თავმოყვარე კაცი ყოფილა და ჩანს, ხშირად ვერ აამებდა
კონდესა ოჯახს. როგორც სენ-სიმონი და ლიტერატორი
ბერნარ დე ლა მონე გადმოსცემენ, ერთ დღეს სანტი შამპანუ-
რი ღვინით დამთვრა. დიდი კონდეს შვილს, დიუკ დ'ენ-
გიენს მისთვის ბურნუთი ჩაუყრია ღვინოში. სანტის დაუ-
ღვევია და მეორე დღეს მომკვდარა.
83. 830. კატონ უტიელი (95—46) — რომაელი სახელმწიფო მო-
ღვაწე. პიზონი (გარდ. 65) — რომაელი პოლიტიკური მო-
ღვაწე, მაკედონიის განმგებელი. ცნობილი იყო სიმკაცრითა
და სიხარბით. ლა ბრუიერი ჩვეულებრივ ასახელებს ისტო-
რიულ პირებს რეალურ პიროვნებათა დასახასიათებლად.
83. 883. გალიის პრიმასი — კათოლიკურ ეკლესიაში თავისი მდგო-
მარეობითა და უფლებებით პირველი ეპისკოპოსი.
ტერაი დე ბაიარი (1473—1524) — ფრანგი მხედართმთავა-
რი; ცნობილი თავისი შეუდრეკელობითა და შეუპოვარი ვაჟ-
კაცობით.
83. 834. სებასტიან—ლუპრეტ ვობანი (1633—1707) — საფრან-
გეთის მარშალი და სამხედრო ინჟინერი.
83. 888. კეისარი არც ისე მოხუცი იყო, როცა გადაწყვიტა დაეპ-

ყო მსოფლიო. — საწინააღმდეგოს ამტკიცებს ბლუზ პას-
კალი: იხ. მისი „აზრები“, თავი 31.

...ქაბუქმა უფლისწულმა... — დოფინი, ლუი XIV-ს ძე,
პრინცი ლუი (1633—1711).

...ათონური ანდაზისა... — გმირთა შვილები მამათა ღირსნი
ან.

გვ. 340. ...ოლონდ წარმატებას მიღწიოს... — აქ და ამის შემდეგ
ლა ბრუიერი გამოთქვამს თავის დამოკიდებულებას ინგლისის
1688 წლის რევოლუციის მიმართ; ტახტიდან გადმოაგდეს
იაკობ II და გაამეფეს ბურჟუაზიის წარმომადგენელი ვილ-
ჰელმ ორანელი.

გვ. 341. სული განუტევა მტერმა... — 1690 წ. გარდაიცვალა ლო-
ტარინგიის ჰერცოგი კარლ V.

ო, დრონო, ო, ჩვეულებანო! — O tempora, o mores! ფრა-
ზა ციცირონის მიერ კატილინას წინააღმდეგ წარმოთქმული
პირველი სიტყვიდან.

ლიკაონი — (მით.) არკადიის მეფე, რომელიც იუპიტერმა
მგლად გადააქცია.

ეგისტოე — აგამემნონის მკვლეელი.

ერთს უთქვამს... — ნაგულისხმევია ვილჰელმ ორანელი,
იაკობ II-ს სძიე.

გვ. 842. მეფეთა შორის ერთადერთი... — ლუი XIV, რომელმაც
შეიფარა ინგლისიდან გაქცეული მეფე იაკობ II.

იყო ერთი ხელმწიფე... — გერმანიის იმპერატორი ლეო-
პოლდ I.

უზარმაზარი იმპერიის... — თურქეთი. ...ახალი ომი წა-
მოიწყო... — ხანგრძლივი ომი კოლონიების დასაპყრობად
XVII ს. საფრანგეთსა და მის მეტოქეებს შორის. 1686 წ.
ჩამოყალიბდა საფრანგეთის საწინააღმდეგო კოალიცია, აუგს-
ბურგის ლიგა ინგლისის მეთაურობით. ლიგაში შედიოდნენ:
პოლანდია, ავსტრია, ესპანეთი, შვედეთი, საუის სახელმწიფო.
ომი ინგლისის გამარჯვებით დამთავრდა.

...იყვენ მსაჯნი და შუამავალნი... — პაპი ინოკენტუს XI.

გვ. 845. ...ათონის მთის ტოლა ბუმბერაზზე... — მაკედონელი ხუ-
როთმოდვარი დინოკრატე (IV ს. ძე. წ.), რომელსაც სურდა
ათონის მთიდან გამოექანდაკებინა ალექსანდრე მაკედონე-
ლის ქანდაკება.

...ყვიციან კაცზე... — ვილჰელმ ორანელი, რომელმაც 1672
წ. საფრანგეთის ლაშქარი ამსტერდამთან შეაჩერა და ბრძა-
ნა გაერღვიათ კაშხალები, გაეხსნათ რაბები.

გვ. 346. პიქტები, საქსონელები, ბატავიელები — ტომები, რომ-

ლებიც შუა საუკუნეებში სახლობდნენ შოტლანდიის, ინგლისისა და პოლანდიის ტერიტორიაზე.

არქონტი — მაღალი თანამდებობის პირი ათენში.

კეისარი — მინიშნებულია გერმანიის იმპერატორი ლეოპოლდ I.

- გვ. 340. ესე კალ (1592—1635) — ფრანგი მხატვარი.
- გვ. 351. ლ...გ...ს — ლედივიერის ანუ ლანგლეს სასახლე.
- გვ. 358. დიდზე უდიდესი მეფისა. — ლუი XIV-ს ბრძანება დუელის აკრძალვის თაობაზე.
- გვ. 357. იფისი — ოვიდიუსის „მეტამორფოზებში“ ქალმერთმა ისილამ გოგონა ქაბუკად გადააქცია და იფისი უწოდა.
- გვ. 350. ...არ დაესწრო ცისკრის ლოცვას...—ლუი XIV უმეტესად მწუხრის ლოცვას ესწრებოდა. კარისკაცებიც მას ბაძავდნენ.
- გვ. 362. „სულიერი ბრძოლა“ — იტალიელი ბერის ლავრენტი სკუპოლის თხზულება;
„ქრისტიანული სული“ — ლუჩინის; „წმიდა წელიწადი“ — ფრანგ საეკლესიო მწერალ კრისტოფ ლუაზელის.
- გვ. 366. მოტეტები — ლათინურ ლიტურგიულ სიტყვებზე შექმნილი მუსიკალური ნაწარმოები გუნდისთვის.
- გვ. 367. ზოგს რომ მოეხერხებინა... — ნაულისხმევია სამეფო დაწესებულებათა მღვწეები, მრჩეველები, რომელთაც ოცი წლის სამსახურის შემდეგ აზნაურობა ებოძებოდათ. ზოგჯერ სიღარიბის გამო ისინი ყიდდნენ თანამდებობას და ამ პრივილეგიას კარგავდნენ. ასეთ ვადამდგარ ჩინოვნიკებს ვეტერანები ეწოდებოდათ.
- გვ. 369. ოზი — საფრანგეთის არისტოკრატიულ საგვარეულოთა გენეალოგიის შემდგენელთა ოჯახი.
- გვ. 370. სირიუსი — პლავტისა და ტერენციუსის კომედიების პერსონაჟის, მონის სახელი.
კირიუსი (IV ს. ძვ. წ.) — სახელმწივეპილი მხედართმთავარი, სპარსეთის იმპერიის დამაარსებელი.
- გვ. 371. ეოფრუა დე ლა ბრუიერი მართლაც ისტორიული პიროვნება იყო. მონაწილეობდა მესამე ჯვაროსნულ ომში. გარდაიცვალა 1191 წ.
- გვ. 372. პალაცო ფარნეზე—სასახლე რომში, მოხატული მხატვარ ანიბალ კარაჩის (1560—1609) მიერ. სასახლე ეკუთვნოდა კარდინალ ალექსანდრ ფარნეზეს, რომელიც მოგვიანებით რომის პაპი გახდა პავლე III-ს სახელწოდებით.
...მშვენიერი მწუხრი... — თეატინელების მიერ შესრულებული წირვა. XVII ს. თეატინელებმა (ბერების ორდენი) წირვა თეატრალურ სანახაობად გადააქციეს და მას დიდი მოწონება ხედა სამეფო კარზე. თ...ტ... — თეატინელები.

33. 874. ბარნაბიტელები — რომაულ-კათოლიკური ბერების ორდენი, დაარსებული მილანში 1530 წ.
...ძოწსა და სიასამურის ბეწეში.. — კარდინალები ძოწის მანტიას ატარებდნენ, ხოლო ღვთისმეტყველების დოქტორთა მანტიას მოვლებული ჰქონდა სიასამურის ბეწევი.
რიკოლეტი — წმიდა ფრანსუას ორდენის ბერი.
33. 370—380. ...გამდიდრების ერთ საშუალებას...—თამასუქები და გირავენობის ქვეთრები.
...უქანდაუბრუნებელი დაბანდებანი... — კაპიტალის დაბანდება იმ პირობით, რომ მფლობელი მიიღებს სამუდამო რენტას. აქ მინიშნებულია 1689 წ. პარიზის მრავალი სააეადმყოფოს გაკოტრება, რაც მმართველთა ყალთაბანდობის შედეგად მოხდა. ბევრმა კაპიტალთან ერთად რენტაც დაკარგა.
33. 887. ფიდეიკომისი — მემკვიდრეს ევალება მთელი მემკვიდრეობა ან მისი ნაწილი გადასცეს სხვა პირს.
33. 888. სციპიონ აფრიკელი (დაახ. 235. 183), გაი მარიუსი (156-86) — ცნობილი რომაელი მხედართმთავრები.
მილტიალ უმკროსი (VI ს. დასასრული — V ს. დასაწყისი ძვ. წ.) — ათენელი სახელმწიფო მოღვაწე და მხედართმთავარი.
ეპამინონდასი (420—362) — ფივიანელი მხედართმთავარი და პოლიტიკური მოღვაწე, სახელგანთქმული პატიოსნებით, სათნოებითა და სამართლიანობით.
აგეზილასი (397—360) — სპარტანელი მეფე, რომელმაც მრავალი ომი მოიგო სპარსეთთან.
...მერე შეექოთ მისი სიმდიდრე... — მინიშნებულია ლუი XIV.
33. 801. ...გვარი მთავრდება „ო“-ზე ან „ი“-ზე...—იტალიელები. ფაგონი—ლუი XIV-ს ექიმი, დიდად განსწავლული პიროვნება.
ქინაქინა—საფრანგეთში XVII ს. შემოვიდა და დიდი დავა გამოიწვია. ფაგონი მისი მოხმარების მომხრე იყო.
კორინი (V ს. ძვ. წ.) — ბერძენი პოეტი ქალი.
ლესბია—კატულუსი ასე უწოდებს პოეტ კლაუდიუსის სატრფოს.
კანიდია—ჰორაციუსის მეხუთე ეპოდის პერსონაჟი ქალი.
ტრიმალქიონი, კარპუსი — პერსონაჟები „სატირიკონისა“, რომლის ავტორად თვლიან მწერალ პეტრონიუსს (I ს. ჩვ. ერამდე). ტრიმალქიონი გამდიდრებული აზატია. კარპუსი მისი სტუმარი.
33. 805. ბერტრან დიუ გეკლენ (1320—1380) — კარლ V-ს ლაშქრის მხედართმთავარი; ოლივიე დე კლისონ (1336—1407)—

VI-ს მხედართმთავარი; გასტონ დე ფუა (1331—1391) —
მხედართმთავარი; ეან-ლემეტრ დე ბუსიკო (1364—1421) —
საფრანკეთის მარშალი.

33. 398. ლორნი — XVII ს. პოეტი, რომელმაც შანტილიში გამართულ საქმეო კარის ზეიმს შეტად სუსტი ლექსები მიუქლვნა. ფილიპ დე დეპორტი (1546—1606) — ალორძინების ეპოქის ფრანგი პოეტი. წერდა პეტრარკას მიბაძვით სასიყვარულო ლექსებს.
„ქვემო მოყვანილ რონდოებს... — 1640 წ. გამოქვეყნებულ „სხვადასხვა რონდოების კრებულში“ ეს ორი რონდო „ანტიკური რონდოების“ განყოფილებაში იყო შეტანილი. ავტორი უცნობია.
33. 400. ლემეტრი, პუსელი, ფურკრუა — XVII ს. ცნობილი ადვოკატები.
33. 401. ...მოციქულისდარი კაცი — კაპუცინი მამა სერაფიმი.
33. 402. წმიდა ვასილი (329—379) — ბერძენი მღვდელი, რელიგიური დოქტრინებისა და ზნეობის საკითხებზე დაწერილი შრომების ავტორი.
იოანე ოქროპირი (347—407) — კონსტანტინოპოლის პატრიარქი, სახელგანთქმული თავისი მკვერმეტყველებით.
იუსტინიანეს პანდექტები — რომაელ იურისტთა გადაწყვეტილებათა კრებული. იუსტინიანე (483—565) — ბიზანტიელი იმპერატორი, რომლის დროსაც დამტკიცდა რომაული კანონმდებლობა.
33. 408. პოლ დე ვენსან (1576—1660) — დამაარსებელი მოწყალების დათა სამონაზვნო, მისიონერთა და საბავშვო თავშესაფრების კონგრეგაციების.
ფრანსუა ქსავიე (1506—1552) — მღვდელი, მისიონერი ინდოეთში.
33. 400. ქალაქ მოს ეპისკოპოსი — ბოსუე.
ლუი ბურდალუ (1632—1704) — საეკლესიო მქადაგებელი.
33. 414. თავისუფლად მოაზროვნე — esprit fort, რაც ნიშნავს ძლიერი სულის, გონების პატრონს. (ფრანგ.).
33. 420. ლეონი — რომის პაპი 440—461 წწ.
ბაზილები — წმიდა ვასილი (იხ. გვ. 370).
იერონიმი (330—419) — სწავლული ლათინურენოვანი, მრავალ თხზულებათა ავტორი. კათოლიკურმა ეკლესიამ წმიდანად ჩარიცხა.
ავგუსტინე (354—430) — პიპონის ეპისკოპოსი. მრავალი საეკლესიო თხზულების ავტორი. ჩარიცხულია წმიდანებაში.
33. 424. ტალაპუანი — ბუდისტური ასკეტების ანუ ბერების სიამური სახელწოდება.

შ ი ნ ა ა რ ს ი

რუსუდან დოდაშვილი „ჯან დე ლა ბრუიერის „ხასიათები ანუ ჩვენი საუკუნის ზნე-ჩვეულებანი“	5
წ ი ნ ა ს ი ტ ყ ვ ა	15
თ ა ვ ი პ ი რ ვ ე ლ ი. ადამიანის გონების ნამოქმედარი	19
თ ა ვ ი მ ე ო რ ე. ადამიანის პირადი ღირსების შესახებ	46
თ ა ვ ი მ ე ს ა მ ე. ქალების შესახებ	61
თ ა ვ ი მ ე ო თ ხ ე. გულის შესახებ	87
თ ა ვ ი მ ე ხ უ თ ე. მალალი საზოგადოებისა და საუბრის შესახებ	103
თ ა ვ ი მ ე ე ქ ე ს ე. სიმდიდრის სიკეთის შესახებ	131
თ ა ვ ი მ ე შ ე ი დ ე. დედაქალაქის შესახებ	153
თ ა ვ ი მ ე რ ვ ე. სამეფო კარის შესახებ	172
თ ა ვ ი მ ე ც ხ რ ე. დიდებულთა შესახებ	206
თ ა ვ ი მ ე ა თ ე. მონარქის ან სახელმწიფოს შესახებ	228
თ ა ვ ი მ ე თ ე რ თ მ ე ტ ე. ადამიანის შესახებ	249
თ ა ვ ი მ ე თ ო რ მ ე ტ ე. მსჯელობის შესახებ	303

თ ა ე ი მ ე ც ა მ ე ტ ე . მოდის შესახებ	347
თ ა ე ი მ ე თ ო თ ხ მ ე ტ ე . ზოგიერთ ჩვეულებათა შესახებ	367
თ ა ე ი მ ე თ ხ უ თ მ ე ტ ე . საკლესიო მჭევრმეტყველების შესახებ	400
თ ა ე ი მ ე თ ე ქ ვ ს მ ე ტ ე . თავისუფლად მოაზროვნეთა შესახებ	414
შ ე ნ ი შ ვ ნ ე ბ ი რუსუდან დოდაშვილის	. 445

ს. ბ. № 200

რედაქტორი ც. ზ ა ზ ა შ ვ ი ლ ი
მხატვარი გ. ქ ლ ი ბ ა ძ ე
მხატვრული რედაქტორი გ. ლ ლ ო ნ ტ ი
ტექნიკური რედაქტორი ზ. დ ო ნ დ უ ა
კონტროლიორ-კორექტორი დ. კ ა ლ ა ნ დ ა რ ი შ ვ ი ლ ი
კორექტორი მ. გ ე ლ ა შ ვ ი ლ ი
გამომშვები ვ. ვ ა ხ ტ ა ნ გ ა ძ ე

გადაეცა ასაწყობად 21/IV-77 წ., ხელმოწერილია დასა-
ბეჭდად 20/XII-77 წ. ანაწყობის ზომა $6 \times 8\frac{3}{4}$, ქალაღლის
ზომა $60 \times 84\frac{1}{16}$, ნაბეჭდი თაბახი 26,73, საბ. ქალაღ-
დი № 1, სააღრიცხვო-საგამომცემლო თაბახი 20,56
ტირაჟი 30.000. შუკვ. № 1112, ფასი 3 მან.

გამომცემლობა „ნაკადული“, თბიღისი, მარჯანიშვიღის 5
Издательство «Накадуღი», Тბიღისი, ул. Марджანიшвили
№ 5

საქართვეღოს სსრ მინისტრთა საბჭოს გამომცემლობათა,
პოღიგრაფიისა და წიღნის ვაჭრობის საქმეთა სახეღმწი-
ფო კომიტეტის თბიღისის წიღნის ფაბრიკა, მეღობრობის
გამზ. № 7

Тბიღისская книжная фабрика, Государственного Коми-
тета Совета Министров Грузинской ССР по делам из-
дательств, полиграфии и книжной торговли, пр. Друღбы
№ 7

Жан де Лабрюйер

ХАРАКТЕРЫ ИЛИ НРАВЫ НЫНЕШНЕГО ВЕКА

(На грузинском языке)

Детюниздат Грузинской ССР

«Накадули», Тбилиси, 1978